




M

V B 136

f 2a

13-22.C.56.



1000 1000

1000 1000

D E
MONITORIIIS
ECCLESIASTICIS;

Ad extorquendam restitutionem,
aut reuelationem;

Quid sint ; Quando ligent ; Quomodo soluantur
Quàm formidandum eorum contemptoribus
fulmen excommunicationis;

TRACTATIO BIPARTITA.

AUTHORE

R.P. THEOPHILO RAYNAVDO,
Societatis **IESV** Theologo.

NUNC PRIMVM PRODIT,

Necessariis Indicibus illustrata.



Pionius

Sancti X
Antwarslo



Probatum
D. PRO. ROM. SA.
Andrey
Reag

L V G D V N I,
Sumpt. Gabrielis Boissat, & Socior.

M. DC. XXXVI.
CVM PRIVILEGIO

Carol.

Inscip.



Chimney

W. 1/2 Sec. 10
T. 10 N. R. 10 E.

Chimney
W. 1/2 Sec. 10
T. 10 N. R. 10 E.

Chimney

W. 1/2 Sec. 10
T. 10 N. R. 10 E.

Chimney



AMPLISSIMO
ET NOBILISSIMO
DOMINO,
D. FRANCISCO
DE PONAT,

REGIO IN SVPREMA
*Delphinatium Curia Consi-
liario F.*

SAPIENTER à moni-
toriis intelligo me admo-
nitum, eruditam tui sub
vmbra patrocinijs aucupandam ef-
se lucem, CONSILIARIE AMPLIS-
SIME. Quem enim tibi virtus exi-
ā 2 mia

nia splendore conciliauit, publicum fecit, cum fecit tuum, & nostrum reddidit quando communem fecit. Hoc habet publici fontes, ut singulorum sint, cum prostent omnibus. Qui enim priuatum foret, quod est commune? Te publicum, te communem vel hoc nomine intelligimus, quod in aliis, quae sparsa decora demiramur & ornamenta, in te vnum collecta suspicimus.

ANTIQUAM generis claritatem virtus omnigena, & utramque singularis plane doctrinae splendor sic illustrauit, ut alibi quaerenda non esse quae in te desiderauerit inuidia, vel oderit, non sine stupore maximo fateantur omnes. Pares certe ad inconcussam Rerum. felicitatem mortalibus expetebat Sapiens Agri

Agrigentinus, qui erudita integritate, & perspicaci, ita viderent in rebus, vt iustitiã ceteris cecam facerent; eandemque, nullo laudatæ cecitatis damno, in tenuiores redderent oculatam. Hæc, & cætera, vestræ Familiæ, gloriâ cumulatissimã ita concessa demiramur, vt incertum vestris admiratoribus omnino fiat, an familiares vobis virtutes sint, aut familia virtutum, vel hospitium, quo musæ amico cum virtutibus sociatæ coniugio, diuerterint; vt suo velut è Cœlo omnibus sese spectandas darent.

EO SI QUIDEM PATRE genitus, cuius multiplici doctrinæ gloria factum est, vt nostra hæc ætas nulli præteritorum temporum eruditæ integritatis oracula inuideat:

ã 3 qui

qui sapienti sagacique iudicandi
mora commeritus est, vt ab aliis
reiici minimè debeat, quod suo
ipse calculo comprobauerit; cùm
sapientia rebus omnibus pretium
vel faciat, vel augeat: qui transfu-
sis cum sanguine virtutibus, ef-
fundenda in vulgus oracula, tibi
etiam transmitteret, nisi traductas
in te virtutes, in fontem suum non
mediocri cum fœnore refunde-
res, & qui à Patre habes vt magnus
sis, à te pater haberet vt maior exi-
stimeretur. Ita publicus ille mundi
oculus, traiectis aduersam in nu-
bem radiis, effictam radioso peni-
cillo pulchriorem sui aliquando
imaginem contemplatur, & im-
missa terris lumina gloriosè fœ-
neratur, dum repercussu in se, cla-
riora

riora conspiciat resilire.

VIDE quàm Coelo sis acceptus,
& tuam si potes felicitatem æsti-
ma, quod illum tibi non sine con-
silio prouidit focerum AMPLISSI-
MVM IONMARONIVM, quem pru-
dentia, quem pietas, ac singula-
rium virtutum decora, huius pro-
uincię Phœnicem facerent, nisi si-
bi parem in te nactus esset: vsque
ad eò sibi & morum, aliorumque
præstantia, concolorem te vidit,
atque agnouit, amauitque in te
prudentię, ac pietatis vultum suę,
quas tu per affinitatem initam
quasi per inciles aureos corriua-
sti, & mira indolis felicitate per-
fecisti; prorsus vt illi multum, pa-
tri plurimum debeas, à quibus
tantum glorię splendorem hausi-
sti;

sti; multò magis tibi, à quo impetratas quibus splendent virtutes, tam glorioso in eos refundis fœnore.

PATERE igitur, vt tãtæ facibus Amplitudinis illustrati labores, lucem videant. In lucem certè prodeunt, cum te accedunt, nullas vnquam tenebras veriti, si modò tibi probari intelligam. Probatos vel inde assequar, si in hoc obseruantia in me tuæ temporario monumento, æternum à me voluntatis addictissimæ vadimonium, & auctoramentum obsequij gratissimè amplectaris; viue & faue.

Amplitudinis tuæ addictissimus,

THEOPHILVS RAYNAVDVS,
è Societate IESV. 101



AMPLISS. ET NOBILISS.
DOMINO,

D. FRANCISCO
DE PONAT,
CONSILIARIO
REGIO,

Ode Tricolos Tetraastrophos.



ONATE, docti gloria sanguinis,

Lux Gallicane maxima purpure,

Legum Sacerdos, liliati

Grande decus, columenque iuris.

Diues paterni stemmate nominis,

Custos Minervæ, nobilis inclytæ

ã 5

Virtutis

*Virtutis haeres, insolénsque
Prodigium melioris aui.*

*Natura tanto prodiga semini,
Et sors vetustis hospita patribus,
In te laborarunt auitæ
Diuitias cumulare lucis.*

*Plenos sagaci Numine spiritus,
Deuota iustis pectora liliis
Natura formauit, nouúmque
Astra tulit paritura lumen.*

*Dein perspicaci Numinis halitu
Afflauit artus, mens fuit atheri,
Cæloque suppar, litterato
Ingenij grauidata fœtu.*

*Mox fraudulentis aduena finibus
Exosa mentis tegmina Veritas
Aram salutis, purpurato
In gremio posuisse fertur.*

Themis sequaci fœdere regum

Intaminato

*Intaminato pectore legibus
Tribunal erexit, suoque
Præsidium genitæle mundo.*

*Illinc minacis facta licentiæ
Secura spernens, risit inhospita
Portenta fraudis, proprioque
Insidiæ periêre casu.*

*Amica iusti sapè silentij
Linguam fideli tradidit arbitro
Tuas honorans, muta voces
Ut propriæ monimenta vocis.*

*Spiravit in te filia Numinis;
Dignosque pacto fœdere spiritus,
Sibi maritans, sponte tantæ
Hospitiis habitavit orbes.*

*Regenda iusta pondera dextera
Tonantis hæres, credidit equitas,
Lancésque libratas eosdem
Obstupuit reperisse motus.*

Fortuna

*Fortuna rerum nescia prosperos
Amare cursus; sponte volubilem
Firmauit orbem, glorioſæ
Obſequio famulata gentis.*

*Fasces, paternæ ſymbola gloriæ,
Et longa magni ſtemmata ſanguinis
Supplex adorauit, perennem
Familie venerata lucem.*

*Collecta tanti gloria nominis
In te ſuauilumine, nobiles
Gaudet Parentes, in Nepote
Inſolitis animare geſtis.*

*Omnes in vna cernit Imagine,
Si te intuetur, viuit in arduis
Stirps tota factis, vna reddit,
Effigies animata patres.*

*Aram Mineruæ Patria ſoſpita
In te eſſe credit, pronaque prouidos*

Senſus

*Sensus adorans plebs, fauenti
Intuitu recreata viuit.*

*En litterati filia pectoris,
Suscepta iussu nuper amabili,
Procedit in lucem, tuoque
Obsequio meditatur ortus.*

*Ambit merentis sydera purpurea,
Ut gloriosi nomina sanguinis,
Et stirpis illustrem silenti
Familiam veneretur ore.*

*Hanc eruditi gloria temporis,
Doctrina viuens, lingua scientiæ,
Thesaurus asseruans feraces
Ingenij meritique partus.*

*Hanc purpuratis nutibus obsequens
Suscepit ultro, quæ tibi postmodum
Oblata, nascens inter vlnas
Purpureos reperiret ortus.*

Flamina

*Sontes loquaci fulmine terreat,
Flamma coruscat lumine nobilis,
Ignéſque pracones PONATI
In varios iubet ire fines.*

*Ve prona bini littora climatis
Discant, forensis lumina gloria,
Virtutis & flammæ, in uno
Nobilibus radiare factis,*

IOAN. PAPON, S. I.



AD EVNDEM

AMPLISS. ET NOBILISS.

DOMINVM,

D. FRANCISCVM

DE PONAT,

CONSILIARIVM REGIVM

Iuris scientia clarissimum,

ALLEGORIA.



RANSCENDE colles, flumina traice,

Exculta læui, Pagina, pumice:

Nec mitis Astrææ seuerum

Te pudeat subiisse limen.

Quà Dracus atro iungitur Isaræ,

Conquire velox PONATIAM domum:

Hic supplicantum vota complet

Virgineo Themis alma templo.

Bonis

Bonis amicam,terribilem malis
Diuam videbis,vel meritâ pios
Mercede donantem,vel atrox
Ense truci scelus insequentem.

Stipant sedentem Nobilitas,Fides,
Pulchrâque Musæ fronte , fororiis
Vtrinque sublimes residunt
Relligio,Ratióque sellis.

At cæca Virgo sedis eburnæ
Subnixa fulcris,hinc trutinæ iugum
Sustentat,illinc fulminanti
Terret humum metuenda ferro.

Miraris ! hæres ! quid dubitas ? minis
Quæ terret omnes,blanditiis tibi
Fauebit arridens,& vnde
Mors aliis , tibi vitæ surget.

Affare verbis nil trepidantibus,
Dum tu secures fascibus expedis
Tectas,& vlturæ scelestos
Arma refers capienda dextræ,

Terror propinquos depopulantium,
Tutela pacis , iusta libidinum
Vindex , & oppressi leuamen,
Certâque pernicies superbi.

Scis,

Seis, quanta terras nequitia inquinet,
Quàm sæpè Numen prouocet impius,
Quàm sæpè fraternali cruento
Sacra fames petat ense pectus.

Tuum est paterno more, cadentium
Errata virgis tollere mollibus:
Mentisq; duro peruicacis
Flagitium refecare ferro.

Potente fasces arripe brachio,
Securitatem ciuib; ut domi
Præstes beatis, utq; tutos
Nocte, die terat hospes agros.

Sic cum Tonanti fulmina diuides;
Sic in superbos Acroceraunia
Montes, ab alto detonabis,
Et trepidi fugient Leones.

S I M O N B E Y, S. I.

Approbationes Theologorum.

Liber, cui titulus est: *De Monitoriis Ecclesiasticis, & non contemnenda eorū contemptoribus gladij Ecclesiastici exsertione*; & vndecunque sanus est, & eximiam eruditionem Autoris R. P. THEOPHILI RAYNAVDI ex Societate IESV Theologi, exquisitè redolens. Quare prelo dignissimus meo iudicio est, & magno commodo in tam frequenti illius materiæ vfu futurus. In Diuæ Claræ extra & propè Camberium, 29. Iunij, 1636.

Frater IOANNES BERLYE, A. R. S.
*Theologorum minimus, sic iudico
& censeo.*

Opus de Monitoriis Ecclesiasticis, & non contemnenda eorum contemptoribus gladij Ecclesiastici exsertione à R. P. THEOPHILO RAYNAVDO Societatis nostræ Theologo conscriptum, meritò in lucem prodibit, ad extricationem nodorum illius negotij, quibus in dies plerique fidelium implicantur. Est autem ea doctrinæ soliditate, ac varietate compositum, ut nec censura inofficiosa, nec lectoris fastidio sit timendum. Ita censuimus, qui illud accuratè euoluimus, adscripti ex Societate Theologi.

AMATVS GASPAR D'ALBARD.

ALBERTVS BOÜING.

CLAVDIVS DECROSO.

*Facultas R. P. Prouincialis Socie-
tatis IESV in Prouincia
Lugdunensi.*

EGO CLAVDIVS BONIELLVS , Societatis
IESV in Prouincia Lugdunensi Præpositus
Prouincialis , Opus , quod inscribitur , R. P.
THEOPHILI RAYNAVDI, *è Societate IESV, de Mo-
nitoriis Ecclesiasticis, deque formidanda gladij Ec-
clesiastici exsertione* , trium Societatis eiusdem
Theologorum iudicio probatum, iuxta priui-
legium eidem Societati à Regibus Christia-
nissimis HENRICO III. 10. Maij, 1583. HENRICO
IV. 20. Decembris, 1606. & LVDOVICO XIII.
nunc regnante , 14. Februarij, 1611. conces-
sum , quo Bibliopolis omnibus prohibetur, ne
libros ab hominibus nostræ Societatis com-
positos, absque Superiorum eius permissione
imprimant: Permitto GABRIELI BOISSAT , ac
Sociis, Bibliopolis Lugdunensibus, vt ad nouē
proximos annos excudere, ac liberè diuende-
re possint. Datum Camberij, 26. Iunij, 1636.

CLAVDIVS BONIELLVS.

Facultas Ordinarij.

Liber R. P THEOPHILI RAYNAVDI, *ex Societate IESV Theologi*, de Monitoriis Ecclesiasticis, & non contemnenda gladij Ecclesiastici exertione, *facta per nos potestate typis mandatus cuiuslibet*; Tum quia sanam undecunque eius doctrinam, & ex Theologorum iudiciis, & ex plerisque aliis Autoris lucubrationibus compertam habemus; Tum etiam quia in magnam optatissima frugis spem venimus ex hoc Opere; quo aestimata suis momentis damnositate excommunicationis, quotidianas animorum ruinas ob inconsultissimam tam grauis animaduersionis contemptionem, auertendas Deo bene propitio confidimus. Lugduni, Pridie Calendas Nouembris, 1636.

DEVILLE, Vicarius
Generalis Substitutus.

C O N S E N S V S.

Librum, cui titulus est, *De Monitoriis Ecclesiasticis, & non contemnenda glady Ecclesiastici exsertione*, Autore R.P. Theophilo Raynaudo, Societatis I E S V Theologo, typis mandari publicis, ac in lucem exponi à Gabriele Boissat, Lugdunensi Bibliopola, & Sociis, ego Regis in Præfectura Lugdunensi Consiliarius & Procurator non impedio. Die 4. Nou. 1636.

P V G E T.

P E R M I S S I O.

Vlſo Procuratoris Regis conſenſu, Librum hunc typis mǎdari à Gabriele Boiſſat, Bibliopola Lugdunenſi, & Sociis, concedimus; & ne quis vltra conceſſam facultatem denuò excudat, defendimus. Datum Lugduni, die quinta Nouembris, 1636.

SEVE.



SYLLABVS CAPITVM
VTRIVSQUE PARTIS,
TRACTATVS DE MONITORIIS
Ecclesiasticis, & cauendo eorum neglectu.

PARS PRIMA.

DE Monitorij Ecclesiastici natura, viri-
bus, nexibus, & exsolutione.

PROLOQVIVM. *Operis utilitas, &
aliqua etiam necessitas indicata.* pag. i

CAPVT I.

De Natura & Causis monitorij, nonnullisque
eius adiunctis, generatim. §

QVAESITVM I. *Quid sit monitorium de quo
in hac tractatione agendum est.* 6

2. *Quotuplex sit monitorium.* 11

3. *Pro cuius generis materia concedi queat moni-
torium.* 13

4. *Cuiusmodi esse oporteat materiam saltem indi-
recte* 4

Syllabus Capitulū.

- rectē spiritualem pro qua monitorium conceditur.* 18
5. *Num quoties materia est non vulgaris, sit locus monitorio.* 23
6. *An in civili duntaxat causa, aut etiam in criminali concedi queat monitorium.* 25
7. *Concedendumne sit monitorium, si materia sit eiusmodi, ut ipsam monitorij concessionem vel promulgationem, consecutura sit infamia.* 31
8. *An persona in quam monitorium decernitur, debeat esse incerta & occulta.* 33
9. *Debeātne qui monitorio feritur, subditus esse Praefulis monitorium ferentis.* 37
10. *Quis possit monitorium concedere.* 46
11. *Quomodo secularis potestas ad monitorij concessionem se habeat.* 53
12. *An Iudex Ecclesiasticus possit monitoria ex Officio & nemine petente concedere, vel tantum ad instantiam partis, & cuius partis.* 55
13. *Ubi, & quando ferri queat monitorium.* 58
14. *Quid conferat terminus temporis monitorio prefixus, & quomodo intelligatur.* 61
15. *Quid ferant voces illa monitoriis interdum adhibita, Ex tunc prout ex nunc; Vel ex nunc prout ex tunc, ex communicatione sit percussus, qui non paruerit.* 74
16. *Quamdiu*

Syllabus Capitum.

16. *Quamdiu vis monitorij durare sit censenda.*

77

CAPVT II.

Vires monitorij ad extorquendam restitutionem. 81

QVAESITVM I. *Quis monitorio ad restituendum lato ligetur, generatim loquendo.* 81

2. *Quis sit intactus à monitorio ad finem restitutionis lato, generatim loquendo.* 92

3. *An impotens ad restituendum ligetur monitorio restitutionem mandante.* 95

4. *Num qui se iuste compensauit, obstringatur monitorio ad finem restitutionis.* 102

5. *An monitorium liget donatarium non restituentem res sibi donatas contra statutum irritans, vel absque insinuatione, aut per dispositionem minus solemnem.* 107

6. *An qui rem habet sibi debitam, cum sunt creditores ipso anteriores, ligetur monitorio restitutionem indicente.* 114

7. *Monitorium ad finem restitutionis, an vinciat eum, qui ritè rem praescripsit.* 116

8. *Num depositarius rectè negaturus rem suam domino, urgeatur monitorio ad eam reddendam.* 118.

9. *An*

Syllabus Caputum.

9. *An qui rem alicui, solo promissionis à se facta titulo debitam habet, monitorio de restituendis promissarij rebus lato, ad eam exhibendam obstringatur.* 120
10. *Qui rei alienae pretium latroni numeravit, an monitorio ad eam reddendam ligetur, negata, aut non sperata refusione pretij.* 121
11. *An donatarius, vel heres institutus, data fide de bonis indigno refundendis, ligetur monitorio ad ea bona restituenda illi, cui iure alioqui essent obventura.* 125
12. *Num uxor & filij ligentur monitorio indicente restitutionem rerum mariti, vel patris ad eius instantiam lato.* 128
13. *Quid si monitorium ob mariti vel patris bona restituenda, ad creditorum vel fisci instantiam sit latum.* 130
14. *Num donatarius vel emptor, praesertim fiduciarij, ligentur monitorio ad finem restitutionis bonorum sic donatorum vel emptorum ab obarato.* 133
15. *Quatenus monitorium virgere possit ad restitutionem scripturarum.* 138
16. *Libèrne sit à monitorio qui rem alienam restituendam commisit infideli internuncio retinenti eam sibi.* 144
17. *Quomodo facienda restitutio vi monitorij.* 147
18. *In*

Syllabus Caputum.

18. *In dubio de obligatione restituendi, an liget monitorium.* 150

CAPVT III.

Vires monitorij ad extorquendam reuelationem. 152

QVAESITVM I. *Quis monitorio ad finem reuelationis lato, obstrictus aut liber sit, generatim loquendo.* 153

2. *Num culpam prorsus occultam reticens, ligetur monitorio ad reuelandum.* 156

3. *Ligétne monitorium, si ea reuelare mandet quae probare non possumus.* 161

4. *Síntne vi monitorij reuelanda quae fuerint secretò concredita.* 165

5. *Inducatúrne per monitorium obligatio aperienti accepta à quocunque, aut quae verè non scimus.* 175

6. *Possítne per monitorium non rei tantum circa quam delictum admissum est, sed etiam persona quae deliquit, reuelatio indici, puta furis & rei furto subducta.* 177

7. *Ligétne monitorium mandans detegi culpa manifestæ occultum autorem.* 179

8. *An reus delicti in nosmetipsos admissi, sit necessario detegendus vi monitorij.* 183

9. *Reus*

Syllabus Caputum.

9. *Reus iam emendatus, an vi monitorij detegendus.* 184
10. *An reus vi monitorij seipsum detegere teneatur.* 188
11. *Sitne obligatio detegendi complicem, vi monitorij.* 201
11. *Ligétne monitorium ad pandendam personam criminofam valdè coniunctam.* 208
13. *An monitorium obligationem iniiciat detegendi eum qui reuera non deliquit, vel absque culpa omittit, quod monitorio mandatur.* 212
14. *Sitne obligatio detegendi quos pars vel Iudex in monitorio includi noluit.* 215
15. *Cui & quomodo facienda sit reuelatio per monitorium indiçta.* 218
16. *Num reus vi monitorij detegendus sit omiffa correçtione fraterna.* 221
17. *Teneatúrne quis vi monitorij reuelare cum graui suo aut fuorum damno.* 225
18. *Quid fi ex reuelatione per monitorium indiçta, fecuturum fit graue iniustum damnum tertij cuiuscunque.* 228
19. *An procul eundum, & cuius expensis, ut fiat reuelatio indiçta per monitorium.* 230
20. *An testes priuilegiati, vel ad testificandum inhabiles, ad reuelandum teneantur vi monitorij.* 232

2. I. Conscius

Syllabus Capitulorum.

21. *Consciens negotij quod iuravit non reuelare, an ligetur monitorio ad reuelandum.* 236
22. *Num quos Iudex reuelandi obligatione exemit, ligentur monitorio.* 237
23. *Dubius de monitorij obligatione, an reuelare teneatur.* 238
24. *Ad quid teneatur qui absque idonea excusatione reticuit, quæ monitorio iussus erat reuelare.* 240

CAPUT IV.

De exsolutione à nexibus per contumaciam erga monitorium malè contractis. 243

QVAESITUM I. *Quis possit excommunicationem monitorij neglectu intortam tollere.* 244

2. *Quomodo censura monitorio conferta sit tollenda in foro interno & externo, & num ante satisfactionem reipsa exhibitam.* 247

3. *Egeátne absolutione qui post contractam monitorij censuram, rediens ad cor satisfecit, aut remissionem à parte obtinuit.* 250

4. *Num absolutio à censura monitorij possit accipi per interpositam personam.* 253

5. *An censura monitorio adiuncta, tolli possit sub conditione.* 255

PARS

Syllabus Capitem.

PARS SECVNDA.

DE cauendo monitorij contemptu, & ex-
timeſcenda gladij Eccleſiaſtici per ex-
communicationem exſertione. 261

CAPVT 1. *Seponitur excommunicatione impropria
vel ſecundum quid dicta. Statuitur de ſolius an-
tonomaſticè dicta excommunicationis horrore
diſſerendum.* 264

2. *Praſuppoſitio neceſſaria. In quo ſit ſita proprie &
ſimpliciter dicta excommunicatione, de cuius horro-
re agendum eſt.* 275

3. *Excommunicationem propoſitam locum aliquatenus
erga defunctos quoque habere poſſe.* 336

4. *Quomodo multa in bonis propoſitis praſertim
ſpiritualibus & quoad vita functos, cum ſpiritu
lenitatis & manſuetudine Eccleſia erga peccato-
res cohereat.* 356

5. *Quam formidanda ſit excommunicatione, erui-
tur ex tam multis priuationibus quas inferit vi-
uis.* 375

6. *Virulentia excommunicationis ex damnis quae
mortui fideles ob eam in vita contractam, nec
ablatam ſubeunt, aperitur.* 445

7. *Horror excommunicationis ex damnis eius per
ritum*

Syllabus Capitem.

- ritum accidentarium quo solemniter intorquetur, expressis.* 454
8. *Quomodo excommunicationis perniciēs in Scripturis noui Testamenti exprimat.* 472
9. *Adumbrationes Christiana excommunicationis in veteri Testamento, ad cladis per eam illata intelligentiam clariorem.* 520
10. *Summa excommunicationis calamitas per analogiam ad extremam impiorum à bonis segregationem cuius est typus, iuxta supremam illius segregationis expressionem in utriusque Testamenti Scripturis.* 542
11. *Diuinum pro extimescenda excommunicatione suffragium factis exhibitum, siue exempla diuinæ vindictæ in quosdam excommunicatione perculos.* 552
12. *Alterum diuinum suffragium pro excommunicationis malignitate ex variis effectibus similitudinaria excommunicationis in res irrationales intorta.* 574
13. *Sensus Ecclesiæ de excommunicationis malignitate.* 588
14. *SS. Patrum de extimescenda excommunicatione testimonia.* 594
15. *De excommunicationis virulentia, Iurisperitorum & Theologorum iudicium.* 607
16. *Exempla Summatum, quibus excommunicatio horribilis*

Syllabus Capitulorum.

- horribilis & valdè extimescenda visa est.* 614
17. *Iudæis quoque excommunicationem horrore fuisse. Obiter item quantoperè Ethnici suam qualemcumque Christiana excommunicationis adumbrationem refugerint.* 628
18. *Quare excommunicationis horror inter Christianos obsoleuerit, causa ex parte plebis fidelium.* 641
19. *Causa neglecta excommunicationis, tenentes se ex parte Præsulum per quos vibratur.* 658
20. *Quid agendum ei, in quem potestas sacra, iuste, vel iniuste excommunicationem intorserit.* 695



P A R S



PARS PRIMA.

De Monitorij Ecclesiastici natura, viribus, & exsolutione.

PROLOQVIVM.

Operis utilitas, & aliqua etiam necessitas, indicata.

DE Ecclesiasticis monitoriis ad quorum considerationem aggredimur, dupliciter potest institui tractatio. Nempe primò in ordine ad forum contentiosum. Secundò in ordine ad forum internum. Priore modo de monitoriis egerunt nonnulli Iurisperiti, quos inter Ioannes Neuizanus libro 3. Sylvæ Nuptialis, Iudicibus superioris seculi veluti cortyna
A fuit,

2 PROLOQVIVM.

fuit, è qua poscerent oracula ad dissolutionem ambiguitatum, quæ plurimæ ac frequentes circa monitoria exiunt. Minus tamen sibi ab eo satisfactum professus est Ludouicus Vitalis, qui vergente ad finem eodem superiore seculo, eandem molam versavit, *Tractatu de reïs & testibus monendis, ac per censuram Ecclesiasticam cogendis*. Eius enim lucubrationis propè initio, de Neuizano pronunciat, regnasse illum quidem in sacris tribunalibus ac foro; hallucinatum tamen ac lapsum non semel esse, pleraque dignissima quæ peruaderet, sicco pede transiisse, plurima ne attigisse quidem: in summa, imperfectam admodum & inaccuratam huius negotij disquisitionem dedisse. De hac laborum Neuizani censura, deque ipsius Vitalis scriptione, quæ æquè in fori tricis & subtilibus iuris circa monitoria spinositatibus, vniuersa ferè consumitur, statuere non est meum. Viderint qui monitoria vix alio fine considerant, quàm vt demonstrent quatenus locum in iudiciis habere, quatenus in illo forensi strepitu declinari aut enervari possit eorum vis; quod est (vt dixi) Iurisperitorum proprium munus. Nos posteriorem monitorij considerationem inibimus, ea in vnum fascem adunantes, & certa methodo comprehen-

hendentes, quæ sparsim Theologi ac Summi-
stæ de hoc argumento prodiderunt, vt soli
conscientiæ foro seruirent. Quanquam non
defunt apud nonnullos Iurisperitos, Panormi-
tanum præsertim, Gutierrez, Barbosam, atque
Lazarium, quæ ad hunc scopum faciant, & de-
florari cum fructu possint, iis recisis quæ alte-
rius sunt instituti, pertinentque ad illas quas
dixi spinositates, à quibus nos & vitæ ratio
auocat, & vicinia ad illas pedicas de quibus
sunt admodum seuera SS. Patrû iudicia; Nyf-
seni præsertim hom. 5. in Ecclesiasten, ac Ber-
nardi 1. de cõsid. c. 10. & eruditæ æquæ ac amœ-
ni scriptoris, Petri Blesensis epist. 26. & 139.
Vt autem ad scopum propositum faciliùs per-
tingamus, non erimus generalibus resolutio-
nibus contenti: Sed quia vt Aristoteles 1.
Ethicorum sapienter admonuit, sermones
morales quo magis ad particularia descen-
dunt, eo sunt fructuosiores, & formandis mo-
ribus opportuniore, ad varias quæstiones si-
gillatim descendemus, quibus ea proponemus
enodanda, quorum crebrior est vsus, & vnde
conscientiarum illaqueatio frequentius exi-
stet. Neminem quippe latet, quàm sit res hæc
vt quotidiana, ita anceps & lubrica; in qua
multi per ignorantiam irretiantur ac pereant,

4 *PROLOQVVM.*

multi frustra angantur animis. Nam fidelium plerique, audita monitorij promulgatione, iusto meticulosiores, transgrediuntur limites obligationis quã monitorium iniicit; & quædam bona fide & simplici animo velut ex necessitate præstant, quæ reuera prætermitti vel licuerat vel oportuerat; ea est vis excruciationis, quam ab his (vt ita dicã) Ecclesiasticis tormentis, inferri piis mentibus vsu assiduo docemur. Alij è contrario, per cõscientiam erroneam exitium sibi æternum creant, omittẽtes cum culpa graui (quia se verè astringi putant) quæ depulso errore prætermittere absque cõsciẽtiæ sauciatione & numinis offensa potuissent. Quare vt debitus excommunicationis metus retineatur, neque tamen qui ab excommunicatione intentata intacti esse debent, vanis terroribus vel angantur frustra, vel impellantur ad peccandũ, rem animarum bono accommodatã præstabimus, incúbentes in hanc curã, vt breuiter ac perspicuè exponatur, quis monitorio ad restitutionis vel reuelationis finẽ lato obstringi cẽsendus meritò sit; quis itẽ iustã habeat causã quominus se eo vinciri putet. Qua in re, declinationis culparum in hoc negotio, & pacationis animorũ cardo vertitur.

CAPVT



CAPVT I.

*De natura & causis Monitorij,
nonnullisque eius adiunctis
generatim.*

PRÆMITTEMVS breuiter, causas Monitorij internas & externas. Internæ sunt, formalis quæ ratione quidditatiuæ seu definitione continetur; ac materialis, quæ sita est partim in re ob quam fertur Monitorium, partim in eo qui vrgendus est ad aliquid præstandum interuentu monitorij. Externæ verò causæ sunt, effectiua & finalis. Prior est persona habens ius præcipiendi, intentata in contumacem excommunicatione. Eius autem velut appendix, est pars, qua instante & vrgente conceditur monitorium. Posterior in præsentî negotio duplex est; nempe recuperatio rei subtractæ, & reuelatio arcanorum. Dicendum de singulis eodem ordine.

QVÆSITVM I.

*Quid sit Monitorium, de quo in hac tractatione
agendum est.*

Respondeo esse præceptum sub excommunicatione generaliter intentata, præmissis monitionibus, ad compellendos rei alienæ detentores ut restituant, vel conscios rei arcanæ ut eam detegant. Hæc definitio colligitur ex Conc. Tridentin. sess. 25. cap. 3. de reform. Eius plena notitia habebitur ex dicendis tota hac tractatione, nunc generatim & breuiter est attingenda.

Generis locum tenet *præceptum*. Vocant enim Iurisperiti *monitorium*, præceptum iudicis, citationi æquipollens, quo mandat ut quis compareat, ut habetur cap. *consuluit*. de offic. deleg. & ex cap. 2. de testibus. Mandatum ergo quo Iudex Ecclesiasticus generaliter præcipit; ut qui talem rem alienam detinet, eam restituat, vel quisquis tale arcanum nouit, illud aperiat, vel certè sistat se rationem redditurus cur tali præcepto parere non debeat; huiusmodi inquam mandatum, dicitur monitorium. Quia verò tali præcepto Iudicis Ecclesiastici, adiungi solet pœna excommunicationis aduersus eos qui intra terminum exequendo præcepto præfixum non fuerint dicto audientes; propterea inualuit vsus, ut ipsa quoque excommunicatio adiuncta, donetur monitorij nomine. Frequens enim est, ut accessorium sortiatur nomen principalis. Potuit etiam fortassis attendi ad præuias huic excommunicationi

Causæ & adiuncta Monitorij. 7

municationi monitiones. Inde enim haustum esse monitorij nomen, haud obscurè insinuat in Concilio Tridentino sess. illa 25. cap. 3. de reform. Quamvis autem præmissio monitionum, communis sit cuius excommunicationi ab homine; tamen non est novum, vt nomen commune fiat proprium alicui particulari, præsertim si illud particulare quoad participationem formæ à qua nomen petitum est, vulgatius sit, vt contingit in re præsentī. Pro nulla enim excommunicatione tam notæ sunt plebi monitiones præuiæ, quàm pro ea de qua agimus. Alterutram ergo ob causam, hæc excommunicatio, nominata est *monitorium*.

Cur hanc excommunicationem dixerim esse generalem, apertius infra fiet. Videbimus enim eam nunquam concedi, quandiu alia iuris subsidia suppetunt. At semper suppetunt, quando non latet persona quæ per monitorium vrgenda esset, sed est specialiter nota. Itaque hæc excommunicatio ob personæ incertitudinem, fertur generaliter tantum, saltem vt plurimum vt infra dicam, & idcirco vocatur excommunicatio generalis. Addebam autem eam intentari, quia non est nisi comminatoria, vt notat Nauarrus consil. 3. de sent. excommun. & Graff. consil. 2. num. 29. vterque post Glossam in c. 1. de sagittar. Vnde hæc intentatio per se nihil operatur, iuxta generalem doctrinam de comminationibus, traditam lib. 7. Cod. toto titulo *comminat. epist.* &c. quam ratam habent DD. Canonum cap. *is qui*. de sent. excom. in 6. & cap. *relatum*. de iure patron. Itaque hæc comminatio, tantum æquipollet citationi. Posita autem inobedientia contumaci, aut eo ipso parit effectum suum si sit latæ

sententiæ; aut si (quod regulariter contingit) sit tantum sententiæ ferendæ, succedit contumaciæ vibratio excommunicationis, quæ tunc habet effectum suum. Quamvis enim non sit nisi generalis, tamen æquè afficit reos, ac si propriis nominibus fuissent expressi, iuxta glossam cap. à nobis. 1. de sent. excom. consentaneè ad l. *nominatim*. ff. de lib. & posthum.

Quod subiungebam hanc excommunicationem
 * intentari præmissis monitionibus, comprehendit quod alij monitorio substantiale esse volunt, nempe ut feratur adhibita clausula iustificatiua, (ut vocant) *si te grauatum senseris, intra talem terminum compareas. Vel si habueris iustam aliquam non parendi causam, eamque allegare volueris,* (quod barbarè dicitur, *se iustificare*) *fas tibi erit id præstare intra talem terminum præfixum.* Hanc clausulam esse ad monitorium planè necessariam, affirmant Philippus Probus ad cap. 2. de constitut. in 6. Gutierrez l. 1. qq. Canon. c. 4 num. 18. Sayrus l. 1. de censur. c. 12. num. 28. & frequenter Nauarrus. Ut consil. 35. de sent. excom. num. 2. & in cap. *cum contingat*. de rescript. in octaua causa nullitatis, & consil. 13. de cler. excom. ministr. ac in Manuali cap. 27. num. 11. Et ratio suffragatur. Nam processus Iudicis ab executione incipientis, non permittitur ei qui grauatur, allegatione iurium suorum, nullus est ipso iure, ex l. 1. C. de execut. rei iudic. ad quam legem Bartolus egregiè obseruat, præceptum Iudicis quo aliquid fieri imperat absque ea temperatione & audientie concessione, iniustum planè esse, & ipso iure irritum. Id quod etiam habent Baldus l. 1. C. *quomodo & quando iudex*. Innoc. cap. *proposuit*. de concess. præbend. & Oldrad. consil. 81. num. 7. Nimirum fundamentum
 totius

Causa & adiuncta Monitorij. 9

totius iudicij est citatio, vt iura disertè ferunt, probatque Ioan. Monachus in Extrau. *rem non nouam*, de dolo & contum. Quia ergo præceptum Iudicis absque appositione huiusmodi clausulæ, quæ à concessa purgandi se, vel suum grauamen proponendi, atque adeò se iustificandi facultate, dicitur *iustificans*, ferretur absque partis citatione & causæ cognitione, meritò dicitur, tale præceptum fore inualidum & nullum. Hanc enim clausulam habere vim citationis docet Glossa ad cap. *ex parte*. de verb. signif. & l. *de pupil.* §. *meminisse*. ff. de noui oper. nunc. Vides ergo, cur dixerim, hanc clausulam comprehendi per ea verba definitionis propositæ, quibus monitiones ad excommunicationem istam prærequirebantur, vt planè necessariæ. Monitiones enim ita iubent intra certum terminum aliquid fieri, vel omitti, vt simul præstent inducias ad sui iustificationem (vt loquuntur) si ita videatur ei in quem intentatur excommunicatio. Quare præquirere monitiones ad hanc excommunicationem, perinde est ac eam clausulam adhibere, si modò monitiones debitè concipiantur, & seruata hac forma iuris, cuius neglectu, præceptum (vt vidisti) fieret irritum; & consequenter excommunicatio quæ se habet vt accessoria huius præcepti; eo suo principali deficiente, corrueret, & nulla esset, vt disertè dixit Baldus in l. 1. C. *quomodo & quando index*. Non sum nunc sollicitus, an omnis excommunicatio cui monitio non adiungitur, nulla sit ipso iure, qua de re breuiter dicam p. 2. c. ultimo. Id enim negat Nauar. ad cap. *cum contingat*. de rescrip. in quinta causa nullitatis, & alij nonnulli, quorum sententiam nunc non vacat excutere. Tantum igitur cum eodem Nauarro ibid.

in octava causa nullitatis, contendo speciale esse excommunicationi quæ ferrur in monitorio executorio, vt nulla sit absque monitione prædicta: quia alioqui iudicium inchoaretur ab executione, & excluderet citationem, quæ est totius iudicij fundamentum. §. fin. instit. *de pœna temerè litig.* Manifestum itaque est, ad excommunicationem de qua agimus, præexigi monitiones quæ eam clausulam iustificantem comprehendant, & reo sui purgandi, vel iurium suorum allegandorum, liberam faciant potestatem.

Ex huius excommunicationis subiunctione ad præceptum, addito ordine ad fines monitorij quos postremo loco proponebam, ducitur eius differentia, consummatûrque definitio. Aiebam porro fines illos esse, aut restitutionem rei alienæ, aut arcani refectionem, iuxta locum Tridentini de his monitoriis aliquoties iam allegatum. Non inficior, quin possint ferri à Præsulibus ad alios fines præcepta, intentato excommunicationis generalis fulmine in transgressores. Id enim est perspicuè extra dubium. Sed neque diffiteor, talia præcepta excommunicationis intentione munita, dici posse monitoria, in ea vniuersali notione vocabuli quæ initio facta est. Hæc igitur non nego: sed tantum dico, monitoria quæ vulgo & passim hoc nomine in Ecclesia donantur, & de quibus hîc agendum suscepimus, alios fines non spectare quàm duos prædictos. Nec est difficile, ad eos reducere alios quosdam fines proximos monitoriorum vulgo dictorum, quos assignat Lazarius sect. 1. q. 10. num. 1. & 2. post Riminaldum iuniorem consilio 357. v. g. contra testes recusantes dicere veritatem coram quocunque Iudice, & contra impediētes testes produci
in

Causa & adiuncta Monitorij. 11

in causa, & contra conscios simulati contractus, vel pacti nudi in graue tertij præiudicium, aut contra nõ soluentes decimas. Per se enim patet, non alium esse horum monitoriorum finem, quàm alterum è propositis, nimirum debitam veritatis patefactionem, aut restitutionem alienorum, siue indemnitate iuris alieni quam quærit restitutio. Ex his definitio monitorij de quo acturi sumus, manet sufficienter exposita. Fiet tamen dilucidior in sequentibus.

QVÆSITVM II.

Quotplex sit Monitorium.

Respondeo, monitorium vulgo dictum de quo agimus, multiplex assignari posse, vt tradit Nauar. consilio 10. de offic. iud. ordin. num. 1. & relect. ad cap. *inter verba.* coroll. 66. num. 331. Et vniuersè quidem dicere licet, Iudicem per monitorium subditos monere vt restituant, aut vt reuelent aliquid. Quoad monitoria restitutionem spectantia non occurrit necessaria vlla subdiuisio. At quoad reuelationem, potest monitorium multipliciter subdiuidi, quia reuelatio potest multipliciter mandari. Interdum quippe præcipitur iis ad quos monitorium dirigitur, vt denuncient. Aliàs verò vt testificentur. Quandoque, vt dicant Iudici non prout Iudici, sed prout Patri, aut prout personæ quæ potest prodesse & non obesse: quia scilicet prospiciet, vt delictum vel damnum alicui imminens arceatur, nec tamen progredietur ad punitionem, aut nocumentum eius qui detegitur.

Et

Et quidem cum verba præcepti disertè ferunt aliquid prædictorum, v. g. vt subditi denuncient, (nisi subiecta materia aliud ferat, vt statim dicam) vel certè vt testificentur, tollitur omnis ambiguitas, simpliciterque exequendum est quod mandatur. Quod item præstandum est, cum mens Iudicis se perspicuam exhibet ex modo proponendi, alijsve edicti adiunctis accuratè perpensis. Cum autem verba præcepti non sunt formalia & expressa, potest ambiguitas suboriri, quale sit monitorium, siue quid ferat. Qua in parte, rectè Nauarrus relect. ad cap. *inter verba*. coroll. 66. num. 780. & seqq. Henric. l. 13. c. 18. num. 5. Sanchez lib. 6. opusc. c. 2. dub. 17. ac Sayrus in Clau. l. 12. c. 14. num. 32. obseruant, attendendum valdè esse ad subiectam materiam; nam plerunque admetiendus ad eam est cortex verborum. V. g. sæpè edictum monitorium vocat ad denunciandum, cum tamen ex subiecta materia liqueat, non iudici denunciationem strictè sumptam, sed testificationem. Et ita contingit in causa criminali quæ iam cœpta sit agitari. Neque enim ad eam necessarij sunt denunciatores, sed testes. Quare si edictum in tali causa iubeat *denunciare*, vox illa improprie accipienda erit, nempe pro testificatione. Se haberet autem res e contrario, si causa necdum agitari cœpta esset; quia tunc sæpè sunt necessarij qui denuncient, & per monitorium quæri possunt, supposita probatione semiplena. In dubio autem, ad quid vocetur quis per monitorium, censendum est vocari ad testificandum duntaxat. Hæc dilucidiora fient ex dicendis circa necessitatem reuelandi, iniectam per monitorium. Nunc satis est eam diuersitatem monitoriorum annotasse.

QVA

QVÆSITVM III.

*Pro cuius generis materia concedi queat
monitorium.*

Respondeo, non nisi pro materia saltem indirectè spirituali. Neque tamen nego quin pro rebus temporalibus possint concedi monitoria, vt fert praxis ordinaria in Ecclesia. Quantumcunque enim aduersus eam praxim ringantur hæretici, & improbare quoque eam visi sint quidam Catholici, non licet dubitare quin sit legitima & sancta, si cæteræ conditiones non desint. Allatruit iam olim hunc Ecclesiæ vsum, spurcus hæreticus Marsilius Patavinus in defensorio pacis *sub finem*. Carolus item Molinæus, diu sectarius, sed tandem sub mortem Catholicus, in Tridentinæ Synodi vellicatione, cui Petrus Gregorius, & quoad hoc punctum Petrus Leloyer l. 4. de spectris, c. 10. responderunt, sanctæ Synodo hac ex causa obstrepuit. Laurentius item Bouchel, in Bibliotheca iuris Gallicani v. *Monitio*, aduersus monitoria de rebus temporalibus lata, fusissimè concitatur. Obitet quoque ea perstringunt & mordent, Soto in 4. d. 22. q. 1. artic. 2. & Gerſo lect. 4. de vita spirit. coroll. 14. propos. 5. tamenſi conteſtans ſe nihil definire. Sufficiens tamen probatio vſus in Ecclesia recepti, homini Catholico haberi debet, quòd Synodus Tridentina Oecumenica, honeſtatem talium monitoriorum agnoſcat, ſeſſ. 23. cap. 3. de reform. Iam pridem quoque ea uſurparat, atque adeò approbat, Innoc. III. cap.

cap. *ad nostram*. de iureiur. itémque Ioan. XXII. extr. vnica de furtis. Vt videas quod hæc monitoria, aliquando dicta inueniantur *excommunicationes Pauline*, quia vsus eorum maximè increbuit tempore Pauli III. vt notat Henriq. l. 13. c. 18. *litera A.* non excludere, quin Pontifices Paulo III. anteriores, hoc remedio sint vsi. Quinetiam seculū D. Augustini, hunc vsū agnouit. Nam epist. 54. agens cum Macedonio, & ostendens qua ratione Episcopi, iniustos rei aliene detentores adigant ad restitutionem, ait Episcopos illis humanum nonnunquam, sed maximè ac semper, diuinum iudicium comminari. [Nolentes autem reddere (inquit) quos nouimus & malè abstulisse, & vnde reddant habere, arguimus, increpamus, & detestamur; quosdam clam, quosdam palam, sicut diuersitas personarum diuersam videtur posse recipere medicinam, nec in aliorum perniciem ad maiorem insaniam concitari. Aliquando etiam, si res magis curanda non impedit, sancti altaris communione priuamus.] En excommunicationem pro re temporali.

Cæterum res illa ita est materialiter temporalis, vt tamen formaliter & indirectè sit spiritualis, quatenus Iudex Ecclesiasticus ferens monitorium, spectat bonum animæ in eo quem per monitorium adigit circa rem temporalem. Peccabit enim, nisi exequatur quod iubetur exequi; v. g. nisi rem ablatam restituat, aut arcanum detegat. Atque ita res temporalis respectu monitorij habet se duntaxat vt obiectum materiale, substratum formali quod spirituale est, & dignum cura ac studio potestatis Ecclesiasticæ monitorium ferentis. Non enim prætergreditur fines suos, cum ita excurrit in temporalia studio spiritualium, hoc est cum
fatagit

Causa & adiuncta Monitorij. 15

fatagit vt auferatur peccatum contractum, vel obstat ne vlteriùs prorogetur, aut præcludit contrahendum. Ita Victoria in summa tit. de excommun. num. 339. & Aufrerius tract. de potest. Eccles. in secul. num. 53.

Hinc euanescent omnia quæ aduersus honestatem huiuscemodi monitoriorum opponuntur. Molinaus cum Sectariis, causatur inuadi alienam iurisdictionem, eo quod res temporales spectent ad forum seculare. Hoc ex proximè dictis dilutum manet. Monstratum quippe est, Ecclesiam in hoc negotio non attingere temporalia quatenus talia sunt, sed prout conuestiuntur spiritualitate; quatenus scilicet spectatur circa ea bonum animæ, & exclusio vel præuentio peccati. Bouchel non alio argumento monitoria pro rebus temporalibus concessa oppugnat, quàm quod Ethnici infrequentissimè adhiberent suas illas proportionales & similitudinarias excommunicationes, & quod præstet remediis ordinariis vti, satiùsque sit causa cadere, quàm ad hoc medium deuenire. Cuius argumentationis infirmitas, non eget ariete vt quatiatur. Nam hoc remedium non esse vsurpandum nisi in defectum aliorum iuris remediorum, omnes consentiunt; ideòque constat vsum eius debere esse per rarum. Sed inde nihil infertur contra illius honestatem. Quod autem potius sit causa cadendum quàm hoc remedio vtendum, autor cum quo agimus, non censeret verum, si graui damno temporali afficiendus esset, ob neglectum huius remedij. Soto, queritur hunc esse auaritiæ fœtum, & inuentum humanæ cupiditatis, iniquo Mammonæ sacrificantis. Verùm quicquid sit de mente poscentium monitoria, monstrauimus, Ecclesiam sanctum & optimum finem sibi præfigere,

præfigere, cum videtur cupiditati petentium monitoria velificari. Non enim quærit eorum cupiditati satisfacere, sed impedire malum statum aliorum quos vrget per monitoria. Gerſo, argumentatur primùm ex periculo vſurpandi iuriſdictionem alienam, immittendo falcem in temporalia. Deinde ex eo quod excommunicatio ſit baculus ſpiritalis, qui non videtur adhibendus ad conſeruandas aut reſoſcendas res profanas, cum maiori detrimento eorum à quibus repetuntur, quàm ſit vtilitas repetenti proueniens. At detrimentum quod ſuſtinent qui petunt monitoria, ſupponitur eſſe temporale; damnum autem quod infligitur ei aduerſus quem monitorium vibratur, non eſt temporale, ſed ſpirituale; ac proinde ſupra omnem meſuram pretioſius. Quid quod adhibito hoc remedio ad temporalium indemnitate, fatendum eſt, Eccleſiam ſic ligando & ſpiritaliter occidendo animas, (in iure enim excommunicatio & vinculum & mors appellatur) grauius omnino punire eos qui ciuilitè delinquant, quàm faceret ſecularis poteſtas, quæ pro huiusmodi materiis in ſola corporum detentione ſiſteret, nec ad aliquid acerbius progrederetur? Hæc Gerſonis argumenta, nullo negotio diſſoluuntur. Quomodo enim Eccleſia in negotio de quo agimus contineatur ambitu ſuæ poteſtatis, nec vltra eum excurrat, apertè monſtratum eſt. Quod verò baculus ſpiritalis adhibeatur ad tutamen temporalium, nihil eſt quod impediatur, præſertim quia læſio temporalium infert grauem culpam lædentis, quam præcludere vel curare, ſpectat ad poteſtatem ſpiritualem. Et inde quoque ducenda eſt ratio, cur damnum eius qui excommunicatione percellitur, & cui auertendo conſulitur,

Causa & adiuncta Monitorij. 17

fulitur, sit reuera longè maius damno illius qui rem temporalem reposcit per monitorium. Attendendum enim est damnum spirituale eius in quem monitorium vibratur: quod damnum, Iudex Ecclesiasticus tanquam bonus medicus studet sanare vel auertere, èstque reuera longè maius, quàm damnum temporale partis monitorium petentis ad temporalem suam indemnitate. Neque tamen pars, quæ plerumque aliud non habet propositum quàm se indemnem temporaliter præstare, peccat poscendo ab Ecclesia remedium, quod vitio & malignitate noxij in eius exitium vertitur. Sicut non peccat, qui pro minori damno suo temporali eripit vitam latroni, quem aliter arcere res suas inuadentem non potest. Denique quod Ecclesia grauius plectat eos qui in his materiis delinquant, quàm faciat potestas temporalis, mirum videri non debet. Sola quippe Ecclesia, potest punire in eo bonorum genere, in quo minimum damnum secundum rectam æstimationem præferendum est cuius damno temporali. Iustè autem Ecclesia punit noxios in eo bonorum genere, quia non tam attendit reparare nocumentum temporale illatum tertio, (quod vnum spectat in simili causa potestas ciuilis) quàm sanare animam filij dysscoli & contumacis, ea nocumenti in res alterius illatione sauciatam. Ei porro curationi accommodatissimam esse eam punitiorem in bonis spiritualibus, dicam vltèriùs p. 2. c. 4.

Quare ratum esto, vsum ferendi monitoria pro materia reipsa quidem temporali, sed tamen indirectè spirituali honestum esse, dummodò non desint ceteræ conditiones ad idoneam monitorij materiam requisitæ, de quibus agendum sequitur.

B

QVÆ

QVÆSITVM IV.

*Cuiusmodi esse oporteat materiam saltem indirectè
spiritualem, pro qua monitorium
conceditur.*

Respondeo, oportere esse non vulgarem. Ita Tridentinum sess. 5. cap. 3. de reform. Et Pius V. constitutione de mandatis in forma significavit, edita anno 1570. cuius initium est, *Sanctissimus in Christo,* &c. Subscribunt Theologi in 4. d. 18. & Summittæ v. *excommunicatio*, ac Iurisperiti quos latè refert Neuizanus l. 3. sylæ nuptial. num. 49. & ratio manifesta suffragatur. Ridiculum quippe esset, imo valdè deplorandum, prodigere in minutias excommunicationem, qua nullum est gravius in Ecclesia supplicium. Quòdque experiètia docet, ex vsurpatione huius mediij ad res parui momenti, oritur rubigo gladij huius Ecclesiastici, vt cum Petro Blesensi dicā p. 2. c. 19. vbi etiā cū Banne, Salonio, & alijs docebo, ob causas proximè tactas, peccare mortaliter Ecclesiasticū iudicē, ita prodigū monitoriorū, vt pro rebus exigui momenti ea concedere non ambigat; cum mēs Christi & Ecclesię planè ferat, quod etiā huius mediij acerbitas satis docet, vt vsurpetur tantū pro rebus minimè vulgaribus; atque adeò grauibus, & non exigui momenti.

Difficultas verò esse potest, quæ censeri debeat res non vulgaris, quando monitorium fertur pro re temporali. Certum quidem est, materiam vt minimum debere esse talem, vt ad fundandum mortale peccatum, sit satis: quod communiter statuunt DD. apud

Couar

Causæ & adiuncta Monitorij. 19

Couarruiam in c. *alma mater*. p. 1. §. 9. & patet ex grauitate excommunicationis, quæ esset pœna transcendens culpam, si pro peccato veniali infligeretur. Non tamen quæcunque materia circa quam aliquis mortaliter deliquerit, idonea est vt monitorium pro ea feratur: v. g. quarta pars aurei, vt plurimum sufficit ad mortale peccatum furti; nemo tamen dixerit, eam summam, esse accommodatam decernendo monitorio materiam. Quare necesse est, rem esse non vulgarem, respectu habito ad excommunicationem. Hæc autem, iuxta prudentum omnium sensum, si prudenter & licitè feratur, grauiorem poscit materiam quàm quæ sit satis ad peccandum mortaliter quomodocunque. Dixi, *si prudenter & licitè*, quia nolo asserere, excommunicationem latam contra contumacem circa quancunque materiam etiam si vulgarem, & quæ sublata contumacia ad mortale peccatum non sufficeret, esse inualidam. Id enim rectè negat Sayrus in Clauil. 9. c. 15. num. 20. & 21. & Soto in 4. d. 22. q. 1. artic. 2. Palac. Rub. repet. ad cap. *per vestras*. §. 18. num. 22. & Lazarius sect. 1. q. 12. num. 6. Nec sanè Concilium Tridentinū præscribens vt monitoriū datur pro re non vulgari, irritauit monitoriū aliter concessum. Tantum itaque contendo, excommunicationem decretam pro re vulgari, circa quam tamen peccetur mortaliter, saltem ob contumaciam, quamuis valida sit, tamen imprudenter ferè semper ferri, & vix absque graui peccato Iudicis monitorium concedentis. Ratum igitur esto, materiam pro qua monitorium conceditur, vt prudenter & licitè concedatur, debere esse non vulgarem.

Quamuis autem Concilium Tridentinum sess. illa

23. cap. 3. de reform. relinquit Episcopi arbitrio, v-
statuat quæ in hoc negotio censenda sit materia non
vulgaris, tamen quia in arbitrariis quoque, Iudex
quantum fieri potest, debet regulis iuris insistere, vt
benè obseruat Crauetta consil. 99. num. 5. vnde ipsi
Præsules ambigunt plerunque quam debeant arbi-
trari dignam monitorij concessione materiam, ad-
dendum est, res temporales deperditas, aut subtraçtas,
in quibus ferè hæc dubitatio locum habet, penes va-
rios, conditionem non vulgarium variè habere. Nam
vt optimè notauit Glossa ad l. *sed & si susceperit*, ff.
de iudic. modicum & magnum, dicuntur respectiuè;
vnde quod vni magnum meritò censebitur, habebi-
tur modicum respectu alterius. Illustrat id Glossa,
exemplo Reginæ Mathildis, quæ donans Ecclesiæ
terram ad triginta milliaria protensam, ait se *aliquan-
tulum terra dedisse*. Annuunt communiter Iurisperiti,
Glossæ illi subscribentes, vt Bartolus, Palat. Rub.
Curtius vterque, quos adducit & sequitur Gutierres
l. 1. qq. Canon. c. 11. num. 64. Ex quo fundamento se-
quitur, pro minori summa concedi posse monito-
rium pauperi in rebus temporalibus læso, quàm sit
summa, pro qua subtraçta vel retenta conceditur
monitorium diuiti. Et in hoc puncto sic generaliter
expressio, omnes consentiunt.

In particulari autem expressione seu determinatio-
ne materiæ quæ pro paupere debeat censi non vul-
garis, itémque pro diuite, est nonnulla varietas. Ali-
cubi, pro incolis vrbium qui ferè solent esse minus
egentes, quantitas ad monitorium requisita, est au-
reorum quinquaginta: quæ dicitur esse Romana pra-
xis, & Neapolitanâ, eamque subalpinis Præsulibus in
hoc

Causæ & adiuncta Monitorij. 21

hoc negotio præfixit Hieronymus Federicus, Nuncius Apostolicus in decretis visitationis parte 4. tit. de excommun. addens, pro pauperibus de quorum paupertate constet, sufficere si materia subtracta pertingat ad summam centum florenorum, id est quadraginta francorum vel aureorum tredecim, & assium viginti. Minori summa quoad oppidanos, atque adeò quoad quosvis pauperes, contentus est Lælius Zechius in Repub. Eccles. tit. de Prælati cap. 1. num. 6. nam summam decem aureorum in qua pauper passus sit damnum, censet esse accommodatam monitorio concedendo materiam. Gutierrez autem l. 1. qq. Canon. cap. 11. num. 59. & 60. quamvis fateatur se cum Proepiscopum ageret, minori quantitate quoad pauperes in monitorio concedendo fuisse contentum quàm quoad diuites, tamen negat se vnquam concessisse monitorium pro minori materia quàm viginti aureorum, nec se aliquando interpellatum fuisse, vt monitorium concederet pro materia leuiori.

Res hæc magnam omnino Præfulum attentionem & accurationem deposcit, ne in eam reprehensionem incurrant qua graues DD. referendi p. 2. c. 19. & nominatim Soto in 4. d. 22. q. 1. artic. 2. castigant corruptelam mortaliter grauem concedentium monitoria pro furto vnus gallinæ vel paucarum herbarum, aliisve huiusmodi nugis, vnde permulta mala & nominatim monitorij depreciatio existit. Quare cum nihil occurrat omnino fixum ac planè stabile, quod siue circa pauperes, siue circa alios statui possit tanquam terminus intrinsecus paruitatis; sufficit dicere, attendendum esse ad statum personæ monitorium perentis: & pensatis adiunctis omnibus, ad prudentiam

B 3 Præfulis



Præsulis spectare, ut definiat quæ materia levis & vulgaris, quæ notabilis & digna pro qua monitorium concedatur, haberi debeat. Non dubito autem quin reicienda sit regula quam tradit Zerola in Praxi Episcopali, v. *excommunicationis causa materialis*, num. 1. nimirum quod non sit decernenda excommunicatio pro re furto surrepta, pro qua Iudex secularis non irrogaret mortem corporis. At non dubito quin multo minor quantitas sufficiat ad concessionem monitorij, & infligendam pro re subtracta excommunicacionem: quia quamvis excommunicatio sit aliquid corporea morte funestius ac terribius, tamen à corporea morte non est regressus. Vnde secluso modo furandi quem valdè interfit præcludi, mors corporalis nunquam iure communi pro furto infligitur, nisi fuerit plus quàm vnum simplex furtum, cuiuscunque sit quantitatis. Imo Scotus & Alensis negarunt pro furto quantocunque fas esse vnquam posse, furem morte punire: quod licet refellant Couarr. 2. var. c. 9. num. 7. & Mol. tract. 2. de Iust. disp. 695. num. 1. & 48. (& meritò, cum certum sit posse legem ferri, quæ furtum etiam vnicum, si vel materia sit notabilis, vel præcelsa ferit grauis prohibitio ob iustam & grauem causam, morte plectatur;) Tamen inde satis constat, ex sensu prudentum, quantitatem, ob quam simplex furtum à seculari Iudice potest morte mulctari, longè auctiorem esse oportere, quàm sit ea quantitas subtracta pro qua decerni potest monitorium, & infligi excommunicatio.

Q V Æ S I T V M V.

*Num quoties materia est non vulgaris, locus
sit monitorio.*

Respondeo, requiri præterea ex Tridentino sess.
25. cap. 3. de reform. & ex cap. clericos. de vita &
honest. cleric. vt non deueniatur ad hoc remedium,
nisi frustra tentatis aliis, quod passim admonent DD.
nominatimque Neuizanus l. 3. sylux nupt. num. 28.
Nauar. in summa cap. 27. num. 10. & cum permultis
Barbosa de potest. Episc. allegat. 96. num. 14. Nimirum
excommunicatio est pœna adeò grauis, vt nihil sit
in Ecclesia horribilius: & tamen plerunque fideles
euigescēte vel frigescēte charitate, tantam pœnam
parui pendunt, quia eam iusto frequentius nec defi-
cientibus aliis iuris remediis decerni vident. Merito
ergo prouisum est, vt non liceat hoc perfugium ca-
ptare, nisi cæteris omnibus præclusis: ita vt alia omnia
remedia, vel deficiant, vel sint inutiliter adhibenda.
Accedit quod quantum spectat ad monitorium pro
temporali causa cōcessum, constat, si veniretur ad
hoc remedium aliter quàm in defectum cæterorum,
consecuturam perturbationem & confusionem iu-
risdictionum. Nam v. g. si priusquàm persona laica
pro restitutione rei subtractæ conueniatur coram suo
Iudice laico, potestas Ecclesiastica stringat excom-
municationem aduersus obarratam illam personam,
confundetur gubernatio, & legitimus politicæ con-

centus euerteretur. Ordo quippe debitus fert, vt qui se in laicum ius habere, & ab eo iniuriam passum existimat, prius prosequatur ius suum coram Iudice laico illius à quo se violatum putat, iuxta cap. *causam*. qui filij sint legit. Si igitur Ecclesiastica potestas, aliter quàm in subsidium aliorum remediorum deficientium, concedat monitorium parti quæ neglecta Iudicis laici interpellatione confugit ad Ecclesiasticum, euerteretur ordo debitus, nec satisfiet illi Apostolico præcepto quo iubemur omnia decenter & secundum ordinem facere. Et hanc ob causam Naldus v. *Censura*, num. 3. prolato sacrę Congregationis decreto tradit, si duo in solidum obligentur ex contractu; & contra vnum procedi possit realiter aut personaliter, non autem contra alium, aduersus eum duntaxat procedi posse per excommunicationem, contra quem agi aliter nequeat: aduersus alium verò non item; sed usurpatis aliis remediis suppetentibus, abstinendum esse excommunicatione.

Non assero, eam ordinis peruersionem quam aiebam consecuturam neglecto hoc agendi modo, pugnaturam cum valore actus. Id enim meritò negant Neuizanus l. 3. syluæ nupt. num. 48. & Suarez t. 5. 3. p. d. 20. f. 1. num. 17. habeturque ex Innocentio III. c. *nonit*. de iudic. & suffragatur ratio, quia adesse supponitur idonea excommunicationis materia, nempe graue peccatum, & potestas ad illius correctionem sufficiens. Dubitare tamen non licet, quin sit illicitum peruertere eo modo ordinem debitum. Quare vt à negotio de quo agimus exulent incommoda proposita, non debet monitorium concedi nisi in subsidium aliorum iuris remediorum, quia vel deficiunt, vel non suppetunt

Causæ & adiuncta Monitorij. 25

suppetunt plena. Ideo consultissimè faciunt Præsules, qui partem monitorium postulantem non priùs faciunt voti compotem, quàm iuramento confirmet se destitui ordinariis præfidiis tuendi ius suum. Quem vsus commendant Gutierrez l. 1. qq. Canon. c. 11. n. 59. Roder. 1. p. summæ c. 79. num. 1. & Auila 2. p. c. 1. disput. 2. dub. 1.

QVÆSITVM VI.

Num in ciuili duntaxat causa, an etiam in criminali concedi queat monitorium.

Respondeo, spectata sola rei natura non fore illicitum, concedere monitorium, etiam in criminali causa: Attendendo tamen ad ius posituum variis locis variè vicens, vsus vbique eundem non esse.

Quod attendendo duntaxat naturam rei, posset monitorium absque culpa concedi in quacunque causa, perspicuum est. Nam cooperatio ad rectum iudicium, etiam in criminalibus, ex sola natura rei loquendo, recta & sancta esse potest. Nemo autem non videt, monitorium plerunque posse admodum conducere ad rectum iudicium in criminalibus, vt veritas plenè patefiat, serueturque vnicuique ius suum, nec crimina quibus Respublica & priuati turbantur & violantur, mapeant impunita, quod quanti intersit, dubitare non licet. Nec duo argumenta quibus Barbosa de potest. Episc. allegat. 96. num. 36. ex natura rei conatur euincere, neganda esse monitoria in criminalibus,

B 5

minalibus, id reuera euincunt. Primum est, quod monitoria in illis materiis, infamiae notam inurant. Alterum est, quod abhorreat à lenitate Ecclesiastica, cooperari ad sanguinis effusionem, sitque proinde Praefuli monitorium concedenti in huiusmodi negotio, timendus incurfus irregularitatis. Sed neutra ratio videtur satis valida. Non prima. Nisi enim qui detegitur sit noxius, non infamabitur per monitorium. Si autem per monitorium comperiatur patrasse aliquid unde fama inquinetur, sibi imputet quod culpa sua patitur. Quid quod plerunque, etiam si monitorium concedatur tantum ad agendum ciuilitate, æquè tamen aspergitur infamia is qui per monitorium comperitur admisisse peccatum, ac si criminaliter esset agendum? Sicut ergo ea ratio non impugnatur concessionem monitoriorum ad agendum ciuilitate in materia ceteroqui infamatiua, ita neque impugnatur concessionem monitorij ad agendum quomodocumque. Alteram rationem infringi video non vno modo. Zerola in praxi Episcop. v. *excommunicatio*, tit. de causa materiali excommun. ad 4. satis consultum censuit Ecclesiasticae lenitati, & declinationi irregularitatis, per adhibitas contestationes, quod tantum intendatur innocentis defensio, non autem noxij nocumentum. Item quod mens Praefulis non sit ut agatur nisi ciuilitate, & quoad interesse, nec intendat ut reuelatio per monitorium obtenta, fidem aliter faciat. His enim obtestationibus declinari irregularitatem, & lenitati Ecclesiasticos decenti abundè prospici, affirmat Zerola adductis Gomezio, Couarruuia, Soto, & aliis. Quauquam verò hic modus irregularitatem declinandi, non sit fortassis adeo aptus; quia protestatio de qua

Causæ & adiuncta Monitorij. 27

qua c. 2. de homicid. in 6. non iuuat ad declinandam irregularitatem nisi in causa propria, vt passim ad illud caput notant DD. & ad cap. *postulasti*. de homicid. Tamen aliter faciliè expeditur nodus ille; dicendo modum illum remotum cooperandi ad effusionem humani sanguinis, non esse sufficientem ad irregularitatem inducendam, nec crudelitatem Ecclesiastico homine indignam redolere. Sicut cum quis non peccat grauiter, *præbendo* alicui arma, non fit irregularis, si is qui arma accepit, iisdem abutatur ad eandem tertij. Optimum quoque exemplum est Iudicis Ecclesiastici, qui cum declarat delictum alicuius noxij, propter quod illum tradit brachio seculari, non fit irregularis, quia valde per accidens, nec nisi remotè cooperatur ad consequentem rei mortem. At ad contrahendam irregularitatem, necesse est causam esse propinquam, vt habet Glossa ad cap. *de cætero*. de homicid. quam esse ab omnibus receptam, testatur Nauar. in summa c. 27. num. 219. Quare de monitorij in criminalibus concessione pronunciando ex sola rei natura, nihil occurrit quod euincat illud concedi non posse, etiam ad agendum criminaliter.

Addebam verò, spectato iure positiuo, varium variis locis, hac in parte vsum vigere. Alicubi enim, & pars & Iudex feriuntur excommunicatione latæ sententiæ, si reuelatione per monitorium obrenta, vtantur in causa criminali. Et causam quoque criminalem esse censent, eam in qua tantum infligitur mulcta pecuniaria si sit fisco applicanda, vt tradit Philipp. Massin. ad l. i. C. de eden. num. 91. Constat Pij V. constitutione, cuius initium est *sanctissimus*, vetari ne monitoria concedantur nisi ad instantiam eorum quorum

rum ciuilitè interest. Cuius decreti autoritate Ludou. Vitalis tract. de reis & testibus per censuram cogendis, cum à num. 31. rem hanc fusè agitasset, & admodum anceps hæsisset, concludit num. 40. omne dissidium ea Pij constitutione sublatum esse, cum differtè neget concedendum esse monitorium nisi ad eius duntaxat instantiam cuius ciuilitè interest. Passim quoque in Monitoriis Pótificiis Roma transmissis, apponitur illa clausula. *Notamus autem quod ex reuelatione huiusmodi si eam fieri contingat, nisi pro ciuili interesse, & ciuilitè tantum agi possit. Aliàs reuelatio ipsa, neque in iudicio, neque extra iudicium fidem faciat.* Accedit celeberrimus textus in cap. *dilectorum*. de test. cogend. vbi Pontifex generaliter quidem statuit testes qui se odio, timore, vel gratia subtraxerint, cogendos esse per censuram Ecclesiasticam ad perhibendum veritati testimonium, *præterquam* tamen, *super criminibus*. Ex cuius decretalis auctoritate, plerique Iurisperiti manus dederunt vt Neuiz. l. 3. sylux, num. 47. & Capella Tolosan. decis. 112. ac Felinus ad dictum caput *dilectorum*. num. 3. Fusè disputat pro negandis in criminali causa monitoriis Lazarius sect. 1. q. 10. à num. 9. Nec dubitare licet quin sit admodum pium, & lenitati ac mansuetudini Ecclesiasticæ consentaneum, negare monitoria in tali causa. Nihil enim Sacerdori magis necessarium quàm lenitas, & abalienatio à sæuitia, vt docet S. Chrysost. homil. 5. de verb. Esaïæ. At præfert nonnullam lenitatis oblætionem filios pacis dedecentem, ea monitorij concessio in criminali causa. Quare negandum esse à Iudice Ecclesiastico monitorium in tali causa, fidelis sermo est & omni acceptione dignus.

Multi

Causa & adiuncta Monitorij. 29

Multi tamen Iurisperiti pro contrario usu pugnant, eumque multæ supremæ Curia: pro viribus promouent & fouent. Nituntur in primis autoritate veterum Canonum, quibus sæpè edicitur, vt testes veritatem promere compellantur, vtique si opus sit, interposita quoque excommunicatione, etiam super criminibus vt in crimine falsi cap. *cum contra*. de test. cog. & cap. *super his*. eod. Item in crimine simoniae & adulterij, cap. *peruenit*. 1. eod. Præterea ad probandum coniurationem aduersus Episcopum initam c. vlt. eod. Insuper ad probandam enormem vel intolerabilem iniuriam clerico irrogatam c. *peruenit*. 2. eod. Adhæc in furto, cap. *qui cum fure*. de furt. Item in crimine vsurarum cap. *ad nostram*. de iur. iur. Insuper in causa inquisitionis eius qui dignitatem Ecclesiasticam captat cap. *super his*. de test. cogend. Idem est de causa incendij ex cap. *peffsimam*. 23. q. 8. Hos canones proferunt Iurisperiti illi quos dicebam adstipulari concessioni monitorij in causa criminali; Id quod etiam aduertunt expresse tradi in Tridentino sess. 25. c. 3. de reform. Verba Concilij sunt. *In causis quoque criminalibus, ubi executio realis vel personalis vt supra, fieri poterit, erit à censuris abstinendum. Sed si dicta executioni facile locus esse non possit, licebit Iudici hoc spiritali gladio in delinquentes uti, si tamen delicti qualitas præcedente bina saltem monitione, etiam per edictum, id postulet.* Faciunt pro hoc usu Nauar. in cap. *inter verba*. conclus. 6. coroll. 66. num. 382. Franc. Marcus parte 2. decis. 855. Lælius Zecchius de Repub. Eccles. tit. de Prælatiis in genere c. 1. §. quinto. Petrus Leloyer l. 4. de spectr. c. 10. Zerola in Praxi tit. de causa materiali excommun. ad 4. (suum quoque in hac parte usum, sacra

sacræ Congregationis responso munitum adducens) Petrus Folerius in pract. crimin. Can. parte 2. c. 8. à n. 16. Optimè Abbas in c. *ad nostram*. 3. de iureiur. in 3. notab. & Hostiens in summa l. 2. tit. de test. cogendis. §. *in quibus*. & §. *& qualiter*. denique passim in his oris, non Iurisperiti tantùm, sed & Antistites, ac Generales Antistitum Vicarij, qui cum obiicitur Pij V. constitutio, negant legem esse pro vniuersa Ecclesia inductam. Quamuis enim Pontifex renuat cōcedere monitoria in causa criminali, suisque Officialibus aut Vicariis ea concessione interdicit; aiunt tamen ceteris Præsulibus liberam reliquisse facultatem concedendi monitorium in quacunque iusta materia. Ad caput verò *dilectorum*, quod videtur ius vniuersale continere, varias responsiones adducunt, quas recitat & expendit Folerius cap. illo 8. à num. 20. & tandem (inquit Ludouic. Viralis tract. de reis & testibus per censur. cog. num. 40.) *quo se vertant nesciunt*. Minus autem incommode philosophati videntur qui dixerunt, Pontificem eo loco non intendisse condere ius vniuersale. Sed cum ageretur ciuilis causa inter capitulum & Episcopum Vulteranensem, eaque fuisset vni Abbati & cuidam Canonico delegata; accepissetque Pontifex, & Capitulum Episcopo, & Episcopum Capitulo, crimina quædam obiicere extra causam principalem; noluisse Pontificem vt delegati compellerent testes per censuram ad deponendum de criminibus vtrinque obiectis, quorum discussio & punitio ad eos non attinebat, cum esset causa omnino diuersa, & planè discreta. Itaque in eo euentu compulsio testium per censuras, ad nihil fuisset utilis nisi ad creandam infamiam iis quorum crimina fuissent

Causa & adiuncta Monitorij. 31

sunt à testibus patefacta: ac proinde meritò Pontifex facultatem delegatis Iudicibus factam testes compellendi per censuras ad deponendum, noluit extendi ad crimina incidenter obiecta, circa quæ procedere non erat his iudicibus commissum. Non cogitabat autem Pontifex, vniuersaliter vetare, ne super criminibus possent testes compelli per censuras ad deponendum, quando aliter detegi veritas non potest. Ex contraria sententia, iuxta Hostiensem cui Folerius loco annotato num. 24. subscribit, *Deus offenditur, Respublica leditur, proximus corrumpitur, materia delinquendi & testes corrumpendi ministratur, utriusque iuris mens peruertitur, obediens qui remunerandus esset opprimitur, inobediens qui per pœnam affici deberet gloriatur.* Sic disputant qui tuentur vsum concedendi monitoria in causa criminali, cum necessitas ad extremum hoc remedium adigit. Et sunt in hoc numero in his oris Antistites quoque, & capita populorum; quorum ego iudiciis debeo reuerentiam non censuram; tametsi placere potius vsum contrarium iam præmisi.

QVÆSITVM VII.

Concedendumne sit monitorium, si materia sit eiusmodi, ut ipsam monitorij concessionem vel promulgationem secutura sit infamia.

REspondeo, abstinendum tunc esse monitorio, ut affirmat Neuizanus l. 3. sylux nupt. num. 50. & cum

cum multis Iurisperitis Lazarius s. 1. q. 10. num. 7. Exemplum ponit Neuizanus, si concederetur monitorium, ut quisquis nouerit aliquem cum tali muliere turpiter versatum, manifestet illum. Ratio autem cur huiusmodi monitoriis sit abstinendum, perspicua est. Nimirum quia iustum non est, ut fons ipse iuris, fiat fons iniuriæ, ut habetur ex cap. *qualiter & quando*, de accusat. & l. *meminerint*. C. unde vi. Fateor in cap. *ad nostram*. 2. de iureiuran. Innocentium III. mandare Pisano Archiepiscopo ut stringat monitorium aduersus omnes conscios vsurarum à quodam defuncto acceptarum, qui videtur euentus par illi quem ex Neuizano proposuimus. Reuera tamen est manifesta disparitas. Nam defunctum illum fuisse vsurarium, erat res omnibus nota, ipseque testamento suo iusserat, ut hæredes restituerent vsuras omnibus qui probarent se ei vsuras dedisse. Itaque monitorium in eo euentu, nullam creabat infamiam defuncto, contra quam continebat in altero exemplo. Ex quo intelligitur, infamationem quam in monitorij concessione declinatam volumus, non esse infamiam reo ex consciorum reuelatione obuenturam, sed eam quam ipsa monitorij concessio ante cuiusquam conscij reuelationem inureret.

Interdum tamen sola publicatio monitorij negatur, non item eius concessio vel intimatio priuata, quia sola publicatio infamiam crearet. Sic in Cod. Fabiano l. 4. tit. 14. definit. 49. refertur negata publicatio monitorij, quod quidam poposcerat ad probandam veritatem probri, communi (ut aiebat) fama perspecti, quo alium onerauerat. Negatæ autem publicationis ratio fuisse proditur, quod ea publicatio cessura

Causa & adiuncta Monitorij. 33

sura fuisset in irreparabilem infamiam eius qui fuerat conuicio appetitus: cum etsi tandem eueniret vt vinceret, fieri tamen posset vt non iis omnibus victoria innotesceret, quibus monitorij publicatio innotuisset. Neque publicatio decretorum, apud tam multos innotescit, quàm publicatio monitorij. Præterquam quod infamatio illa etiamsi per calumniam facta, onerat existimationem, vt habetur ex l. 1. C. de famos. libel. & ex illo Aufoniano, *hac casta est, de qua mentiri fama veretur*. Ibidem definit. § 10. cum causa recusandi Iudicis si vera esset, dehonestaret & infamaret Iudicem, refertur sancitum fuisse non esse locum publicationi monitorij, quam Iudicis infamia consequeretur. Itaque si ad eam causam probandam litigator qui eam proposuit, monitoriū poposcerit, statutū est, negata monitorij publicatione, permittendam duntaxat significationem, iis faciendam quos in testes producere se velle impetrans dixerit. Aliquando porro monitorij publicationem impediri à potestate laica absque peccato, obseruatum est à Nauarro l. 5. consil. tit. de excom. consil. 1. & à Reginaldo l. 9. prax. fori pœn. n. 132. in alio quidem euentu, sed pro quo non plus iuris suppetat, quàm pro eo de quo agimus.

QVÆSITVM VIII.

*An persona in quam monitorium decernitur,
debeat esse incerta & occulta.*

Respondeo distinguendo de materia spiritali & temporalis, rursusque quoad materiam temporalem,
C lem,

lem, subdistinguendo de personis Ecclesiasticis & laicis. Neque enim probandi sunt, qui vniuersaliter & indistinctè pronunciant, monitoria non esse concedenda quando personæ sunt certæ, eo quod tunc sit vtendum ordinariis remediis. Sic Gemin. & Anchar. ad cap. fin. de elect. in 6. Felinus in c. 2. de constitut. §. circa tertium. Sola ad antiqua Sabaud. decreta tit. *ut nemo inuitus*, Glossa vnica num. 7. & ad noua decreta tit. de tribunali compet. Glossa 5. num. 10. Neuiz. l. 3. syluæ num. 47. Gutier. l. 1. Can. qq. c. 11. num. 59. & multis allegatis Barbosa de potest. Episc. allegat. 96. num. 25. Hoc ita vniuersaliter & indistinctè pronunciarī minimè debuisse, patebit explicando quid circa membra distinctionis & subdistinctionis propositæ sit affirmandum.

In materia ergo spiritali, cum Antistes opportunum id esse censuerit, præsertim si alia media perueniendi ad iustum finem intentum non suppetant, fas est vrgere per monitorium personā certā ad præstandum quod debet. Nam hæc materia per se & directè pertinet ad Iudicem Ecclesiasticum, qui proinde medio efficaci cuiusmodi est monitorium, vti conuenienter potest, vt adigat ad præstandum circa eam quod ratio postulat: præsertim si alia media, vel non sint ad manum, vel difficiliora aut operosiora appareant. Si verò materia de qua agitur, sit temporalis, & persona sit Ecclesiastica, fas quoque erit Iudici Ecclesiastico eam ad officium vrgere per monitorium, quia talis persona subest directè foro Ecclesiastico. Nihil itaque verabit adigere illam ad præstandum quod debet, adhibito valde efficaci medio, hoc est intentata per monitorium excommunicatione. Ita Sua-

Causa & adiuncta Monitorij. 35

res t. 5. 3. p. d. 20. f. 1. num. 13. & Auila 2. p. c. 5. disp. 2. dub. 1. conclus. 2. At si agatur de persona laica circa huiusmodi materiam, tunc per se loquendo, illicitum est ferre aduersus eam monitorium si sit determinata & nota, quod multis confirmat Guido Papæ singul. 707. Breuiter autem ratio est, quia persona laica habet Iudicem proprium apud quem conuenienda est via ordinaria, iuxta responsum Alexandri II. cap. *causam*. qui filij sint legit. Vbi Pontifex interpellatus de negotio seculari inter personas notas & certas, negauit id suum esse; cum spectet ad Regem de huiusmodi causa cognoscere. Huc faciunt quæ dixi ad quæsitum 5. demonstrans, secuturam in Republica peruersionem ordinis debiti, si monitorium in temporali causa concedatur quandiu suppetunt ordinaria iuris remedia. At cum persona quæ læsit, occulta est & incerta, tunc Iudex secularis cogitur feriri, quia non habet vim urgendi conscientiam aliter quam per præceptum, caretque vi coactiua interiùs. Vnde recurrendum est ad Iudicem Ecclesiasticum, qui per censuram generalem, etiam personas indeterminatas potest ad officium compellere. Igitur persona laica in quam monitorium pro temporali causa decernitur, debet per se loquendo incerta esse. Nec aduersantur huic doctrinæ textus & DD. quibus Sayrus l. 1. de censur. c. 8. num. 26. & 27. probat excommunicationem posse duntaxat ferri in personam certam. Ea quippe doctrina, verissima est de certitudine personæ quoad naturam suam. Neque enim excommunicatio intorqueri potest ita in incertum, vt quasi vagè feratur in hunc aut illum; sed necessarium est vt intorqueatur determinatè in aliquem, etiam si incognitum

& eatenus incertum. Sicut enim qui vellet vagè consecrare hunc aut illum panem, nihil faceret, & qui intenderet hunc aut illum sacramentaliter absolueret, nihil efficeret; sed necessarium omnino est, ut intentio agentis & materia circa quam operatur sit determinata, ita res habet in excommunicante. Hæc tamen determinatio, non deest circa personam singularem quæ monitorio feritur; quia licet sit ignota, & eatenus dicatur incerta, tamen suapte natura ac secundum se est certa, atque adeò capax in quam censura monitorij intorqueatur. Rectè igitur cum ea communi doctrina cohæret quod dixi, personam laicam si pro causa temporali urgeatur per monitorium, debere incertam, id est occultam esse.

Addebam tamen, hæc valere per se loquendo: quia in raro aliquo euentu posset per accidens licitè ferri monitorium contra personam laicam determinatam in materia temporali. V. g. si secularis potestas ad quam directè spectat causam illam decidere, vel nolit, vel nequeat fungi officio suo, & parti læsæ suffragari. Nam aliquando reus vel ob distantiam, vel quia est in loco tuto, subducitur potestati Iudicis secularis: aliàs verò potest contingere, ut Iudex secularis obfirmatè negligat præstare quod est sui muneris: siue argentāginam passus, siue metu noxij ferociensis, vel præ potentia indomabilis à Iudice. Et suppono, non esse sperandum auxilium à sublimiore eiusdem fori iudice; siue ad urgendum Iudicem inferiorem ut munus suum obeat, siue ad obtinendum à noxio quod fert iustitia. Nam si talis sublimioris Iudicis copia esset, adeundus haud dubiè foret, priusquam monitorium aduersus noxium quæreretur vel
decer

Causæ & adiuncta Monitorij. 37

decerneretur. Quineriam si contingeret Iudicem inferiore prætermittere quod est sui muneris, non per impotentiam, sed ex malitia, vel quia daret gratiæ impunitatem noxij, vrgendus ipse prius esset per monitorium ad præstandum quod debet, & seruiendum iuri per ordinaria media, priusquam ad eam de qua agimus perversiorem ordinis veniretur. At cum nihil horum feliciter cederet, (quod rarum & infrequens est) nihil esset quod obstaret, quominus potestas Ecclesiastica paci fidelium consulens, & peccata auertere ex munere suo studens, inroqueret monitorium etiam pro causa temporali in personam laicam determinatam & notam. Quod si potestas Ecclesiastica, extra necessitatem prædictam vibraret huiusmodi monitorium in personam certam, tunc Naldus v. *excommunicatio*. num. 8. negat talem excommunicationem fore validam. Sed verius est validam fore, tamen si cum peccato Antistitis eam ferentis. Ita Auila 2. p. c. 5. disp. 2. dub. 1. conclus. 4. cum Glossa, Neuizano, Gutierre atque Nauarro. Quo faciunt quæ præmissi quæsito 5.

QVÆSITVM IX.

Debeatne qui monitorio feritur, subditus esse Prasulis monitorium ferentis.

Respondeo debere esse subditum, vt disertè statuitur cap. *Romana*. & cap. *à nobis*. de sent. excom. vbi Glossa & DD. communiter. Ratio autem est manifesta.

manifesta. Deest enim iurisdictione in eum qui non est subditus. Excommunicationem autem non posse ferri nisi cum iurisdictione, & in subditum, est quasi primum principium apud Iurisperitos : apud quos idcirco fixum est, excommunicationem absque iurisdictione, siue in non subditum, intortam, adeo nullam esse, ut quamuis postea à Iudice cui quis subiaceret, rata habeatur, nequaquam conualescat, quia quod nullum ab initio est, ratum haberi non potest, ut habet regula iuris. Et ita passim DD. in cap. *prudenciam*. de offic. & pot. iud. deleg. Quare extra dubium esto, excommunicationem ferre, eius tantum esse qui superior sit, habeatque iurisdictionem in eum qui excommunicatione impetitur. Proindeque monitorium cui excommunicatio conferitur, non potest ferri nisi in subditum.

Sed ut hæc resolutio plenè & solidè stabiliatur, obseruandum est, subditum Præsulis monitorium ferentis, vel esse indigenam qui simpliciter ei subditus est ratione personæ, vel esse alienigenam qui in alieno Episcopatu reperitur non translato illuc domicilio : quod fecisse censetur, qui illic habitare statuit saltem maiore anni parte, (quo pacto eadem esset eius ratio quæ indigenarum,) sed ad breuem moram, vel in transitu. Et indigena quidem potest multipliciter se habere. Aut enim hæret semper in proprio Episcopatu, & de eo nulla tunc est difficultas: ligabitur enim monitorio proprii Episcopi, ubi tempus in monitorio præstitutum fuerit elapsum, nisi steterit monitorio & abiiciat contumaciam. Aut egressus è proprio Episcopatu, regreditur ad illum priusquam consummetur monitorium; nempe quia reuenit prius

Causæ & adiuncta Monitorij. 39

priusquam tempus in monitorio præfixum elabatur. Et de hoc quoque non est difficultas. Ligabitur enim ni pareat intra tempus præfixum, saltem terminum statuendo, & tempus concessum subducendo, ab eo puncto quo audiuit monitorium esse latum. Tota ergo difficultas quoad indigenam est. 1. si is tempore concessi & consummati monitorij fuerit extra propriam Diœcesim absque mutatione domicilij, & interim proprius ipsius Antistes ferat monitorium, propter causam alibi datam, v. g. ob furtum factum extra Diœcesim. 2. quoad eundem indigenam difficultas est, si is initio quidem fuerit in Diœcesi cum monitorium est latum; vel ei saltem causam dederit existens in Diœcesi, quia scilicet ibi deliquit: ante elapsum verò terminum, in monitorio constitutum, vel etiam ante monitorium latum, sed post culpam admissam excedat è Diœcesi cuius est indigena, quod duobus modis potest accidere. Nam vel excedit è Diœcesi sua, animo mutandi domicilium, vel absque eo animo. Omnibus his modis difficultas esse potest, an indigena sit subditus proprij Episcopi, & eius monitorio ligetur. Quoad alienigenam verò difficultas esse potest, an sit habendus subditus Episcopi in cuius territorio reperitur, possitque proinde eius monitorio feriri. Item an qui in alia Diœcesi existens prauo aliquo actu violauit alterius quàm suæ Diœcesis Episcopum, v. g. qui existens in Diœcesi Gratianopolitana, violauit iura Antistitis contermini, puta Gebennensis aut Tarentasiensis, possit eius Episcopi quem violarit, subditus haberi quoad hoc, & ratione talis delicti in eum alibi admissi, percelli eius monitorio.

Quod attinet ad subditum proprium qui in aliena Diœcesi extitit tempore concessi & consummari monitorij, eique intra propriam Diœcesim causam non dedit, negandum est eum illigari monitorio. Ita Henriq. l. 13. c. 26. num. 1. Auila 2. p. c. 3. disp. 2. dub. 2. conclus. 1. Hurtado de censur. in comm. d. 34. & omnes, si Couartuuia credimus in c. *alma mater*. p. 1. §. 10. num. 3. sed refragati post eum sunt Vgolinus, Suarez, & Sayrus quos adducit & sequitur Bonac. disp. 1. de Censur. in commun. q. 1. p. 11. num. 14. qui censent Episcopum per modum sententiæ posse suos etiam in alieno territorio existentes ligare. Id quod aliqui Iurisperiti, tum demum verum fore censent, si Præsul intendar omnes suos subditos vbicunque fuerint, ligare censura quam decernit. Contrarium affirmo, & quidem neglecta ea Iurisperitorum distinctione, quam merito explodit Nauar. in Manuali cap. 27. miscell. 2. subiuncto num. 273. Ratio vniuersaliter est, quia excommunicatio pertinet ad forum contentiosum, quod arctatur limitibus proprii territorij. Igitur monitorium ab alterius territorij Episcopo latum, non ligat eum qui in territorio alieno interim fuit. Huc facit decretum Bonifacij VII. cap. *animarum*. de constitut. in 6. agens enim de statutis Episcoporum, docensque ea non ligare subditos extra proprii Episcopi territorium, rationem hanc reddit, quæ æquæ valet pro excommunicatione per sententiam generalem aut specialem; nimirum, quod *iis extra territorium dicenti, non pareatur impune*. Non est sensus, esse dignum pœna qui paret Iudici ius dicenti extra proprium territorium, vt exposuit Tabienna v. *excommunicatio*. 4. numer. 4. hic inquam non est sensus

Causa & adiuncta Monitorij. 41

sus oraculi illius Pontificij, tametsi perinde nobis id esset ad rem præsentem: sed sensus est, impunitum esse, atque adeò culpa vacantem, neglectum eius qui ius dicit extra territorium. Itaque monitorium latum contra personam alioqui subditam, quæ abest à proprii Episcopi territorio, nec dum in eo esset, dedit causam monitorio, non ligat talem personam.

Quia verò locus extra Diœcesim, & locus intra Diœcesim quidem materialiter constitutus, sed tamen exemptus, æquiparantur, ut benè notavit Franc. Zabar. reperit. in cap. *ut animarum.* de constitut. num. 35. & ibidem Gomesius §. *statuto.* num. 85. idcirco DD. benè multi, affirmant subditum Episcopi non posse eius monitorio feriri ob violationem legis vel sententiæ factam in loco exempto. V. g. si quis alioqui subditus Episcopi Viennensis, admittat furtum in monasterio exempto, intra Viennensem Diœcesim sito, & Episcopus Viennensis vibret monitorium ob huiusmodi furtum; negant talem furem ligari eo sui Episcopi monitorio. Et ratio est, quia monasterium exemptum, & eius totus ambitus, non est formaliter in Diœcesi Viennensi, sed materialiter tantum; quod non attenditur, ubi habetur ratio loci in quo iudex sortitur iurisdictionem. Ita Sylvester v. *excommunicatio.* 2. n. 22. Tabienna v. *excommunicatio.* 4. quæsito 3. Philiarcus 1. p. de offic. sacerdot. l. 3. c. 5. conclus. 4. Henric. l. 1. 3. c. 16. §. 2. Auila citans plerosque 2. p. c. 3. disp. 2. dub. 5. Sayrus l. 1. de Censur. c. 6. num. 40. Grassis l. 4. decis. c. 8. num. 37. Naldus v. *exemptio.* num. 5. Zerola v. *excommunicationis causa materialis.* dub. 2. Hoc apud eum nonnulli Iurisperiti, itémque Suares t. 5. 3. p. d. 5. l. 4. num. 6. Ægid. Coninck disp. 13. de sacram. C 5 dub.

dub. 7. Hurtado de censuris in communi diffic. 8. num. 33. restringunt ad locum plenè exemptum: qualia aiunt esse, non monasteria & Ecclesias Regularium exemptorum, sed oppida exempta, aut paræcias quasdam à iurisdictione Episcoporum subductas. Non video tamen, quam disparitatem asserere possint quæ ad rem faciat; aut cur domos exemptas, potius quàm oppida aut paræcias, velint esse diuersæ & deterioris conditionis hac in parte. Similitérque non video, cur Ancharanus in cap. *ut animarum*. de constit. in 6. subscribente ut videtur S. Antonino 3. p. summæ tit. 24. c. 75. §. 1. id quod diximus, restringi voluerit ad locum exemptum cuius Prælatus ex forma priuilegij habeat in eo loco Episcopalem iurisdictionem. Hoc inquam non video quanto iure dicatur. Nam quomodolibet se habeat Prælatus loci exempti, (quod ad rem præsentem non videtur pertinere) dummodò locus ipse planè exemptus sit à iurisdictione illius Episcopi intra cuius Dioccesim materialiter clauditur, militat semper eadem ratio, ut qui in eo deliquit, non ligetur talis Episcopi monitorio. Quare eodem planè modo philosophandum videtur, de monitorio lato ob culpam in loco exempto admissam, quicunque demum is locus sit, & quomodocunque se habeat eius Prælatus; ac de monitorio lato ob culpam admissam extra Dioccesim materialiter sumptam.

Quod si subditus Episcopi, cum latum est monitorium, eive causam dedit, intra Dioccesim quidem fuerit, sed ante elapsam tempus in monitorio præfixum mutarit domicilium, quæ erat altera dubitatio, mota circa Episcopi subditum indigenam, distinguendum

Causæ & adiuncta Monitorij. 43

guendum est. Vel enim mutauit domicilium iussus à superiore propter bonum commune, aliâve similem causam, vel certè domicilium mutauit suopte motu, aut denique in fraudem. In primo euentu desinit esse subditus prioris Episcopi, etiam in causis iam coram illo inchoatis, vt habetur ex doctrina Bartoli ad l. i. ff. de pœnis. Sublata autem subiectione, tollitur obligatio parendi tali Antistiti, atque adeò etiam deerit contumacia aduersus præceptum eius, sine qua non est locus excommunicationi, etiam si terminus in monitorio præfixus elabatur. In aliis autem duobus euentibus propositis, hoc est cum quis indigena suopte nutu, vel in fraudem mutat domicilium post latum monitorium, atque adeò post inchoatam causam circa rem ante admissam, dicendum est quoad hoc perstare in ea persona subiectionem ad Episcopum proprium: ac proinde quantumuis ante elapsum tempus in monitorio constitutum sedem mutet, illigari censura monitorij, cum tempus illud fuerit præterlapsum. Ita Suares t. 5. 3. p. d. 3. l. 5. num. 5. & 6. Et ratio est manifesta, quia quotiescunque causa est inchoata in vno tribunali, ibidem est finienda, licet persona mutet domicilium, l. si quis. ff. de iudic. & cap. *proposuisti*. de forò compet. Quare in re præsentī, persona de qua agimus, ratione inchoatæ iam causæ, manet subdita eius qui tulit monitorium; sin minus simpliciter subdita, at saltem secundum quid, & quoad hanc causam.

Tandem si causa nullo modo sit inchoata, vel per conditionalem lationem censuræ ob peccatum iam admissum quæ est virtualis citatio, vel per citationem formalem, & quoinodolibet factum causæ initium, sed

sed tantum præcesserit culpa , post quam admissam reus ante omnem iudicij inchoationem , egrediatur diœcesim , immunis erit à monitorio postea lato , si egrediendo mutet domicilium: Nisi si Præsul ad cuius territorium confugit, rogatus eum reuocet ad locum delicti, sicut facere tenetur, vt notant DD. cap. finali de foro compet. & Henriq. l. 13. c. 26. num. 2. ac Sayrus l. 1. de censur. c. 6. num. 43. Quod si egrediendo non mutet domicilium, sed tantum diuertat aliò, ad breuiorem moram quam exigatur ad domicilij mutationem, tunc Soto in 4. d. 22. q. 2. artic. 1. Syluester & Fumus quos sequitur Auila 2. p. cap. 3. disp. 2. dub. 2. conclus. 2. censent ligari monitorio , & incurrere censuram, ni pareat ante præstitutum tempus elapsum , eo quod crimen supponatur admissum in Diœcesi proprij Episcopi : & alioqui futurum sit , vt facinorosi gladium Ecclesiasticum omnino declinent ; quia neque possent excommunicari in propria diœcesi à qua absunt , neque in aliena in qua subiectionem non contraxerunt non admissio ibi delicto, nec comparato ibi domicilio.

Iam subditus alterius Episcopi, si tantum in transitu reperiarur in eius territorio, nec decreuerit maiore anni parte ibi hære , & ibi nihil peccet, non ligatur eius monitorio , quia caret subiectione. Nam quicquid sit de censura per statutum , quam aliqui censent incurrere ab extraneo , tamen de censura per sententiam omnes æquè consentiunt , extraneum , qui duntaxat transit per alienam diœcesim nec in ea domicilium comparauit, nequaquam esse ei obnoxium, nisi (vt aiebam) delinquat ibi; nam tunc ratione delicti fit subditus , vt habetur cap. fin. de foro compet. vnde

Causæ & adiuncta Monitorij. 45

vnde sic contracta subiectione ratione delicti, sortitur forum Episcopi extranei in cuius Diœcesi reperitur, & in eo foro iudicari debet, quandiu in ea Diœcesi est. Nam si exeat inde, lite nullo modo inchoata, non subiacebit censuræ talis Episcopi, etiam quoad culpam ibi admissam: In quo differt à subdito indigena alibi peregrinante, qui remanet subiectus suo Episcopo, ac proinde ob culpam iam admissam potest ab eo plecti absens, si tantum peregrinetur. Si tamen ille advena exeat iam præventus citatione, & lite quomodolibet inchoata quando erat in aliena Diœcesi; atque adeo quando erat subditus, tunc subiacebit iudicio Præsulis in cuius Diœcesi deliquit. Quoad alias causas; alienigena sicut non subest Episcopo extraneo, ita neque eius sententiæ vel iudicio est obnoxius. Imo quamvis postea ratione domicilij aut delicti subdatur illi Episcopo, si tamen pro tempore quo sententia aliqua ab eo emanavit non erat subditus, nequaquam ligabitur tali sententia; quia hæc vires habuit cum primum pronunciata fuit, & ad illud duntaxat tempus est referenda.

Quod circa alienigenam propositum est postremo loco, an scilicet subiaceat Episcopo extraneo quoad delictum quo iura eius violavit, etiamsi patrauerit delictum illud extra Diœcesim illius, respondendum est negatiuè. Qui enim dicitur subdi extraneo ratione delicti, non est intelligendus subdi; nisi ratione delicti admissi in territorio illius extranei Præsulis; vel quod ibi admissum censeatur, vt cum quis ita abest, vt omittat aliquid præstare in alterius territorio quod præstare debuerat. Peccatum namque omissionis, ibi censetur admitti vbi res omisiam, mandare executio

executioni oportuiffet. Vnde Angelus v. *excommunicatio*, num. 10. & Syluefter v. *excommunicatio*, 2. num. 8. notant, Parochum degentem extra territorium in quo est parœcia ipsi concredita, percelli excommunicatione in non residentes decreta ab illius territorij Episcopo; quia delictum quod non residendo admisit, censetur hîc consummari. Aliud verò esset de delicto quo aliquis extra territorium talis Episcopi in iura eius peccaret. Ago de Episcopo; nam Prælatus regularis, quod Syluester ibid. num. 15. admonuit, quia habet mundum vniuersum pro territorio, subditum suum vbilibet existentem ligare & ferire potest. Et ratio discriminis est, quia Episcopus immediatè habet iurisdictionem in territorium, in persona autem non nisi mediante territorio: Vnde personæ variato territorio subducuntur eius iurisdictioni, nec sententiis eius vltra ligantur. At Prælatus regularis, habet immediatè iurisdictionem in personas, vnde eas quocunque pergant assequitur, potestque percellere. Tradiderunt hoc ipsum ante Syluestrum Ioan. Andr. in cap. *cum contingat*. de foro compet. & Geminian. in c. *ut animarum*. de constitut. in 6. ac S. Antoninus 3. p. tit. 24. cap. 75. §. 1. *sub finem*.

QVÆSITVM X.

Qui possit monitorium concedere.

Respondeo, monitorium ad finem restitutionis aut reuelationis, concedere potest solus Episcopus. Ita decernit Conc. Trid. sess. 25. cap. 3. de reform. Vt enim corrigeretur corruptela nimiae facilitatis in
his

Causæ & adiuncta Monitorij. 47

his monitoriis concedendis ob res nihili, consultissimè S. Synodus hanc facultatem ad Episcopum restrinxit. Quanquam certum esse debet, non excludi Prælatos Episcopo superiores, in locis in quibus iurisdictione potiuntur. V. g. legatus à latere in sua prouincia potest hæc monitoria concedere, vt rectè asserit Gutierrez l. 1. qq. Canon. c. 11. à num. 5. & Barbosa de potest. Episc. allegat. 96. num. 12. qui idem testantur de Nuncio Apostolico, eo quod & ipse sit summi Pontificis Vicarius, amplaque iurisdictione intra suæ prouinciæ ambitum potiatur. Archiepiscopum, si Episcopus qui ei subest, renuat iniuste huiusmodi monitoria concedere, posse ad hoc adiri, notat Prosper de Augustino in additionibus ad summam Bullarij Quarantæ, v. *Archiepiscopi autoritas*, autorit. 19. in fine, consentitque Barbosa supra num. 4. qui etiam num. 21. post Nauarrum cons. 11. de offic. ord. addit, interponi quoque posse appellationem ad Metropolitanū, cum terminus ad restituendū vel reuelandū præfixus est nimis angustus. Cuiusmodi erat terminus bidui in eo monitorio quod Nauarrus prædicto loco excurrit.

Hæc cum rata sint apud DD. superest difficultas in re proposita, quoad Prælatos Episcopo inferiores, & in primis quoad Vicarium Generalem. Quamuis enim sit idem Vicarij Generalis & Episcopi tribunal, vt habetur c. 2. de consuet. in 6. & c. *Romana*, de appell. itē in 6. tamen cum Concilium facultatem concedendi monitoria ad finem restitutionis aut reuelationis, ad solum Episcopum restrictam voluerit, videtur omnes alios, atque adeo etiam Generalem Vicarium exclusisse, si tantum spectetur generalis commissio quæ accipit ex munere Vicarij, nec interueniat

niat specialis ad id facultas, Vicario concessa ab Episcopo. Ita Hugol. de potest. Episc. cap. 45. Narbona de appellat. à Vicario parte 1. n. 205. Barbosa allegat. illa 96. num. 6. Sayrus in Clavi Regia l. 9. c. 15. num. 21. Contraria tamen sententia, quæ Generali Vicario vi commissionis generalis tribuit facultatem concedendi monitoria ad fines restitutionis & reuelationis, nec id à Concilio ademptum censet Generali Vicario, est valdè recepta. Sunt in ea sententia, Gutierrez l. 1. qq. Canon. c. 11. num. 8. Henriq. l. 13. c. 17. num. 4. Sbrozzius de Vicar. Episc. l. 2. q. 43. num. 29. Garcias p. 5. de benef. c. 8. num. 94. Auila 2. p. c. 5. disp. 2. dub. 2. Suares t. 5. 3. p. d. 20. f. 1. num. 2. Sanchez l. 3. de matr. disp. 29. num. 16. Lazarius f. 1. q. 6. num. 1. Sayrus sibi contrarius l. 1. de censur. cap. 9. num. 33. & alij quos hi proferunt. Fundamentum est, quia etiam si Concilium edicit, vt monitoria ad fines prædictos à nemine præterquàm ab Episcopo concedantur, tamen eo ipso quod Concilium non arctat Episcopum vt ferat hæc monitoria per se solum, relinquit Vicario antiquam facultatem, competentem eidem vi sui muneris. Exemplum appositissimum est, causarum matrimonialium, quarum cognitio in eodem Concilio sess. 24. cap. 20. soli Episcopo addicitur, & tamen certum est non excludi Generalem Vicarium. Neque verò vt Vicarius Generalis hac facultate vti possit, necessarium est abesse Episcopum. Nam etiam in eius præsentia potest munus suum exequi, & quoad concessionem horum monitoriorum & quoad cæteras officij sui partes, paucis exceptis, quæ nominatim excepta sunt, aut quæ reuerentia Episcopo debita poscit non fieri à Generali Vicario præsentè Episcopo, vt est apud

Causa & adiuncta Monitorij. 49

apud Rebuffum in praxi benefic. l. 1. c. 22. n. 187. Hæc verò monitoriorum ad fines prædictos concessio, neque nominatim est excepta à numero earum functionū quas Vicario Generali in Episcopi præsentia obire licet; neque est eiusmodi, vt Vicarius Generalis ob Episcopi reuerentiam debeat ea abstinere præsentè Episcopo. Obseruat porrò ibidem Rebuffus num. 217. potestatem Generalis Vicarij suspendi, si auctoritas Episcopi suspendatur, quia incidit in excommunicationem, vel quia deuenit in hostium potestatem, aut quomodolibet aliter contingat Episcopi auctoritatem suspendi. Tunc enim suspendi quoque potestatem Vicarij Generalis, habetur ex cap. *si Episcopus*. de suppl. neglig. Prælat. in 6. & ex cap. 1. de offic. Vicarij, eodem libro. Itaque in eo euentu, Vicarius Generalis non posset concedere monitorium: absolutè autem cum liberum habet muneris sui exercitium, potitur hac facultate. Et ratio est, quia idem est Vicarij Generalis & Episcopi tribunal. Igitur cum Episcopus quandiu eius auctoritas non suspenditur, possit hæc monitoria concedere, idem præstare poterit Generalis Vicarius. Suspensa autem Episcopi potestate, eo ipso continget suspendi potestatem Generalis Vicarij, qui solius Episcopi radiis collucet. Ex contrario autem fundamento intulit Gutierres l. 1. qq. Can. c. 1. num. 83. aliter statuendum esse de delegato. Nam delegati & delegantis non est vnum tribunal. Itaque suspensa per excommunicationem potestate delegantis, non suspenditur eo ipso potestas delegati, vt Glossa, Innoc. & Abbas, alique à Gutierre num. illo 83. & 84. adducti, tradunt.

Quod diximus Generalem Vicarium ab Episcopo

D conti

constitutum posse monitoria ad finem restitutionis ac reuelationis concedere, æquè affirmandum est de Vicario Generali per Capitulum constituto sede vacante; quod rectè asseruerunt Gutierrez l. 1. qq. Can. c. 11. à n. 9. Bonac. disp. 2. de excom. in particul. q. 1. p. vnic. num. 4. & multi apud Barbosam de potest. Episc. allegat. 96. num. 10. & ratio est, quia vt latè tradit Franc. Pauin. tract. de potest. Capit. sede vacante parte 1. princip. q. 1. & 2. & Tuscus *litera C.* conclus. 56. mortuo Episcopo, omnia quæ sunt necessariæ iurisdictionis, inter quæ est facultas excommunicandi; transeunt ad Capitulum, ex cap. *cum olim*, de maiorit. & obed. atque adedò Vicarius Generalis constitutus à Capitulo, ea autoritate potitur. Quia verò si Episcopus quidem sit superstes, absit autem à Diœcesi, nullo ante egressum constituto Generali Vicario, Archidiaconus ipso iure in tali euentu est Generalis Vicarius Episcopi, iuxta cap. 1. & cap. *adhuc* de offic. Archid. idcirco affirmandum est, in eo euentu facultatem Archidiaconi porrigi quoque ad concessionem monitoriorum ad finem restitutionis ac reuelationis, vt benè docet Lazarius sect. 1. q. 6. num. 11.

Omnia quæ hætenus sunt constituta, quoad Generalis Vicarij ab Episcopo, aut Capitulo, vel iure ipso constituti potestatem, ad concedenda vi proprij muneris monitoria ad fines restitutionis aut reuelationis, æquè valent pro Generali Vicario constituto per summum Pontificem. Imo isti, vt benè aduertit Decius cap. *quoniam*. de Offic. deleg. peculiare est, vt possit exequi monitoria à Pontifice concessa, & pro more directæ Episcopo, vt tanquam delegatus Sedis Apostolicæ ea recognoscat, iubeatque esse rata, si preces

Causa & adiuncta Monitorij. 51

preces Pontifici propositas niti veritate compererit, vt sanxit Pius V. & habet vsus. Huiusmodi namque literas, nisi Pontifex expressè aut Episcopo aut eius Vicario executionem illarum demandet, solus Episcopus tanquam delegatus Pontificis exequitur, non item Vicarius, nisi subdelegante eum Episcopo; quod potest, quia delegati à summo Pontifice possunt subdelegare, vt tradunt DD. ad tit. de offic. deleg. & lason l. à indice, C. de iudic. Sed neque viceversa, Episcopus causam ad Vicarium Generalem directam, potest excutere, quandiu Vicarius perstat in munere, iuxta Panorm. cap. *quoniam*. de offic. deleg. num. 15. & ibid. Decium. At Vicarius Generalis à Pontifice constitutus, monitorium Pontificium, directum à Pontifice ad Episcopum, potest exequi absque alia Episcopi delegatione, cum ipse quoque sit delegatus Pontificis.

Itaque restrictio potestatis concedendi monitorium ad finem restitutionis aut reuelationis facta à Concilio Tridentino, non excludit Generalem Episcopi Vicarium, siue ab ipso Episcopo, siue à Capitulo, siue iure ipso, siue à summo Pontifice constitutum. Controuersia verò est an excludat quosdam Abbates & alios Prælatos qui potiuntur iurisdictione Episcopali. Assentior iis qui admittunt quemcunque potentem iurisdictione quasi Episcopali, non includi ea Concilij limitatione. Ita Tuscus *littera E*, conclus. 437. Suar. t. 5. 3. p. d. 20. f. 1. num. 2. & vt videtur Sayrus l. 1. de censur. c. 9. num. 33. Illos igitur duntaxat arctat limitatio per Concilium adhibita, qui Episcopis subordinantur, nec potiuntur iurisdictione Episcopali, vel quasi Episcopali, vt Archipresbyteri,

D 2 &

& Archidiaconi, cum non deest Episcopus aut Vicarius Generalis. Item excluditur per eam limitationem Visitator Generalis ab Episcopo constitutus, iuxta Henricum l. 13. cap. 17. num. 4. ac Vicarius foraneus, quia non habet idem tribunal cum Episcopo: unde ab eo datur appellatio ad Vicarium Generalem, vel ad Episcopum, quæ non conceditur à Vicario Generali ad Episcopum. Prælatos item Regulares ea limitatione excludi, censet Roderic. t. 2. qq. Regul. q. 59. artic. 4. quod intelligo de illis Prælati regularibus qui non potiuntur quasi Episcopali autoritate, cuiusmodi est Prior conventus, quem non fuisse exclusum malè censuit Graff. consil. 6. de excommuni. num. 11. & Lazar. f. 1. q. 8. quamvis enim talis Prælati possit suis subditis sub pœna excommunicationis quippiam mandare, non tamen ad finem restitutionis aut reuelationis occultorum, quia Concilium arctauit hanc potestatem ad Episcopos; id est vel ad simpliciter dictos Episcopos, vel ad eos Prælatos qui iurisdictionem habent quasi Episcopalem, cuiusmodi non est Prior, & similes. Et ita soli Guardiani in ordine Minorum de Obseruantia vetiti sunt ad prædictos fines excommunicare, quia non potiuntur autoritate quasi Episcopali. Ita refert Miranda t. 2. Manu. q. 35. art. 12.

QVÆSITVM XI.

Quomodo secularis potestas ad monitorij concessionem se habeat.

Respondeo, Concilium Tridentinum sess. 25. c. 3. de reform. non modò Episcopis ad sensum proximè expositum reseruaram voluisse facultatem concedendi monitoria ad finem restitutionis ac reuelationis, sed etiam addidisse, cauendum esse, ne Episcopis ad has literas monitorias concedendas, cuiusvis secularis, etiam Magistratus, autoritate adducatur. Inferiùs verò generaliter addit, Nefas esse seculari cui-libet Magistratui, prohibere aut mandare Ecclesiastico Iudici, vsum Ecclesiastici gladij, aut eius remissionem in vaginam: cum non ad seculares, sed ad Ecclesiasticos, vniuersum hoc negotium pertineat. Voluit nimirù sancta Synodus, cōprimere abusionem vrgēdi, vel compellendi Antistites ad concessionem monitorij, quam seculares Magistratus inuehebant. Pugnat latè pro ea licentia Laurentius Bouchel in Bibliotheca iuris Gallicani v. *monitorium*, sed ita vt vsum duntaxat alleget, quem Concilium manifestè statuit esse corruptelam extirpandam. Licentiùs etiam eo loco idem Autor, seculari potestati conceptis verbis tribuit potestatem ferendi censuram monitorio confer- tam, & ab ea absoluendi: eaque potestate non modò Iustinianum & Carolum Magnum vfos affirmat, sed omnes equè Principes, & eorù ministros vti similiter posse contendit. Hic ne quis virus aliquod doctrinæ

pro bono succo hauriat , in tam frequenti libri illius
 versatione per Iurisperitos nostrates , obseruandum
 est , assertionē illā qua potestas laica dicitur posse per
 se ipsam intorquere excommunicationē, vel ab ea ab-
 soluere, nō posse à manifesta hæresi liberari. Nemini
 enim ius est in Ecclesiastici gladij exertionem , præ-
 terquam Ecclesiasticæ potestati. Idque contra Angli-
 canam hæresim affirmant vno ore omnes Catholici.
 Vfus verò in contrarium prætenſus, nunquam vigit
 apud Catholicos Principes , bonosve & Catholicos
 eorum Præfectos & administratos. Nemini enim eo-
 rum in mentem vnquā venit, vt alienam sibi potesta-
 tem arrogaret ; & monstrosè spiritualia iura cū tem-
 poralibus, tiaram cum corona, cum sceptro pedum, in
 persona laica consociaret. Nec vt id ipsi voluissent,
 aliquid reuera effecissent. Imo nulla quantumuis
 longa consuetudine talem potestatem præscribere
 potuissent, vt rectè statuit Panorm. in c. fin. de con-
 ſuetud. num. 15. & in c. *Massana*, de elect. num. 4. Sed
 Principes aut Magistratus qui excommunicationem
 intorſisse aliquando, vel ab eā exsoluisse sunt visi, per
 Episcopos quorum id est proprium , obiri ea munera
 curauerunt. Et qui vt par erat reuerentes erga Eccle-
 siam fuerunt, & Antistitum se in Christo oues agno-
 uerunt, non vi aut imperio Præfules ad talia præstan-
 da adegerunt vnquam , sed interpositis supplicibus
 precibus, vel adhortationibus, & persuasionibus, non
 Theſſaliciſ vt Eunapius loquitur , id est ineluctabili-
 bus & violenter adigentibus, sed quæ essent quod di-
 cūtur, exorarūt ab eis, vt hoc remediū malè grauatis,
 vel bono publico non negarent. Certè Iustinianus
 qui supra cæteros minùs cauisse visus est sacræ &
 profanæ

Causæ & adiuncta Monitorij. 55

profanæ politiæ mixturam, eoque nomine à Facundo Hermianensi illius temporis scriptore, castigatus liberrimè est l. 12. pro tribus capitulis ferè toto, & nominatim c. 3. 4. & 5. aliud reuera noluit quàm quod diximus, vt notauit de sacrorum immunitate tractans Ribadeneira lib. 1. de Principe cap. 22. & Anastas. Germonius l. 2. de sacror. immunit. c. 1. & 11. Vel si plus voluit Iustinianus vt satis significat Liberatus c. 23. Breuiarij & Innocentius Maronianus epistola ad Thematem Presbyterum, non est quod pij & Catholici rectores populorum, Iustinianum æmulentur, hominem morum contaminatissimorum, vt Procopius in historia arcana, Euagrius & alij prodiderunt; tandèmq; hæresi miserè immortuum.

Q V Æ S I T V M XII.

*An Iudex Ecclesiasticus, possit monitoria ex officio
& nemine petente concedere, vel tantum ad
instantiam partis, & cuius partis.*

REspondeo, vt plurimùm monitoria concedi tantum petente parte, & iudicis auxilium implorante; aliquando tamen fas esse Iudici, nemine petente ferre monitorium. In causa enim rerum Ecclesiasticarum malè vsurpararum, potest Episcopus motu proprio monitorium ferre, vt reos adigat ad restituendum vel conscios ad detegendū, vt fecit Ioan. XXII. extrau. vnica de furtis. Item cum criminosus quispian petat monitorium ad damnorum sibi illatorum

reparationem, obseruat Neuizanus l. 3. syluæ nupt. num 47. negandum esse monitorium petenti, tamen Iudicem ex officio agere debere, vt homo ille indemnus fiat. Quid quod Iurisperiti passim, vt refert idem Neuiz. ibid. num. 30. & 31. non modò agnoscunt Iudicem Ecclesiasticum posse ex officio concedere monitoria, vt purget prouinciam sceleribus, sed etiam multo plus efficaciam tribuunt monitoriis solius Iudicis Ecclesiastici voluntate concessis, quàm iis quæ tulerit instante parte: quandoquidem iis quæ instante parte concessa fuerint, denegant vim adigendi conscios, vt parratorem sceleris v.g. furem manifestent. Quod verè ab eis dicatur, & an consentiat cum iure partis & Episcopi potestate, nunc non excutio, contentus inferre agnosci à prædictis DD. potestatem in Ecclesiastico iudice, ad concedenda ex officio monitoria. Debere quoque Antistitem post latum monitorium, denunciare excommunicatum nominatim, cum qui compertus fuerit non paruissè monitorio; debere inquam id ex officio præstare quamuis instante nemine, docet cum aliis Gutierres l. 1. Can. qq. c. 11. num. 92.

Quæ verò possit esse pars illa cui instanti conceditur monitorium, breuiter exponi potest, dicendo, esse quemcunque fidelem, non criminofum, cuius interfit. Restringo hoc negotium ad fideles, quia ij qui neque actu neque obligatione fideles sunt, non possunt in causis suis, hoc Ecclesiasticum remedium sibi deposcere, quia cum legibus Canonicis non obstringantur, frustra & indebitè canonicum pro se subsidium aduersus fideles implorarent. Itaque Iudæis vt notat Lazarius s. 1. q. 9. num. 2. eodémque iure Paganis

Causæ & adiuncta Monitorij. 57

nis & Saracenis, non patet perfugium ad hoc remedium, cum fideles per monitoria vrgere vellent: sed id fidelium qui obligatione parendi Ecclesiæ obstringuntur, peculiare beneficium esse conuenit. Nec tamen omnium. Nam instante excommunicato, aut quouis manifestè & notoriè criminoso, non est hic fauor concedendus, vt habet Glossa & Panorm. ad cap. *nouit*. de iudic. & cum alijs Neuizanus l. 3. syluæ nupt. num. 47. *in fine*. addens tamen cum Imola, & Decio aliisque nonnullis, criminoso emendato negandum non esse hoc beneficium. Sed neque omnes fideles innoxij, possunt exorare monitoria. Non enim ij quorum non interest: sed ij duntaxat qui damnum sunt passi, apt paterentur. Hi namque sunt *quorum interest*, ad quos hoc negotium restrinxit Pius V. ea de monitorijs constitutione cuius initium est, *sanctissimus*. Læforum tamen vel lædendorum nomine, intelliguntur ij quoque, qui læforum nomine agunt, tanquam ipsorum procuratores, habentes ad id speciale mandatum. Esse enim hoc necessarium, docet Specul. tit. de procurat. versic. 18. Cæterum non est necessarium, vt interesse alicuius monitorium petentis sit planè exploratum: sed in dubio quoque potest ei concedi monitorium, si alioqui periclitaretur res pro qua monitorium petitur; ita vt nisi tunc obtineretur monitorium, esset postea futurum, vt comperto & declarato iuridicè petentis iure, dilapidata & auersa fuisset.

QVÆSITVM XIII.

Ubi, & quando ferri queat monitorium.

REspondeo, locum ferendi monitorij si requiratur causæ cognitio, non esse nisi proprium territorium; is enim est locus ferendæ excommunicationi addictus, ex cap. *Episcopi*. 9. q. 2. & ex cap. *novit*. de offic. deleg. & ex cap. *ut animarum*. de constitut. in 6. Et ratio est perspicua, quia iurisdictio contentiosa, cuiusmodi est ea qua fertur excommunicatio, non potest extra proprium territorium exerceri. Vnde extra territorium ius dicenti, non paretur impune. Potest quidem Prælati, extra proprium territorium exercere iurisditionem voluntariam & gratiosam: ideoque potest sacramentaliter absolvere subditum suum extra propriam Diœcesim, ut docet Sylvester v. *Confessor*. 1. q. 14. & Suarez t. 4. 3. p. disp. 25. sect. 1. num. 17. adducens alios. Potest item ibidem conferre beneficium, ut latè tradit Selua de benefic. p. 3. q. 40. & 63. & alij quos profert & sequitur Couar. 3. var. cap. 20. num. 8. At iurisditionem contentiosam, ne iurisditionum perturbatio consequatur, non potest Prælati exercere extra suum territorium nisi de consensu Ordinarij, præterquàm cum res est adeò manifesta ut causæ cognitionem non requirat: sic enim cessat obex exercendi iurisditionem hanc in alieno territorio. Vnde quia Prælati in delictis notoriis potest procedere absque causæ cognitione, fas illi est subditum suum excommunicare, ferendo sententiam in alieno

Causæ & adiuncta Monitorij. 59

alieno territorio, vt habetur ex Nauarro in Man. cap. 27. num. 6. & Syluestro v. *excommunicatio*, 1. num. 6. & Sayro plures adducente l. 1. de Censur. c. 6. num. 46. Illi verò circiter duodecim euenus quos idem Sayrus c. 14. num. 6. recenset, in quibus Episcopus potest in alieno territorio excommunicare, non conuellant quæ proximè sunt constituta. Eò quippe vniuersi reuoluuntur, vt tunc tantum possit Episcopus excommunicare in alieno territorio, cum non est ibi necessaria causæ cognitio, aut cum super sit ad id facultas ob consensum Ordinarij, vel ob præscriptam consuetudinem. Quare nihil inde aduersus proximè constituta inferri potest; fixumque manet, Antistitem non posse in alieno territorio ferre monitorium, si necessaria ad hoc sit causæ cognitio. Quia verò locus exemptus intra territorium, perinde se habet ac si esset extra territorium; inde efficitur, Episcopum inuito Monasterij alteriusve loci exempti superiore, non posse in eo ferre monitorium, vt habetur ex Henrique l. 7. summæ c. 26. num. 5. qui alios profert: itémque ex Auila 2. p. c. 5. disp. 2. dub. 2. conclus. 1. suffragante cap. cum Episcopus. de offic. ordin. in 6.

Quod attinet ad tempus concedendi monitorij, dubitatio aliquando fuit possentne monitoria peti ac concedi ante litem cœptam. Sed vsum illum negandi monitoria ante litem cœptam qui aliquando inualuerat, improbant Alba conf. 15. Craueta conf. 181. & Anton. Sola ad antiq. Sabaud consuet. tit. *vt nemo inuitus*, Glossa vnica num. 8. Is quippe agendi modus veritatis indagationi obstat, & probationum facultatem coangustat, quod DD. in cap. 2. de probat. communi consensu refugiendum monent. Optima sanè ratio

ratio qua quis possit perspicere, an destituendus sit firmamentis litis cum fructu mouendæ, & persequendæ, nempe probationibus & testimoniis, est concessio monitorij. Quidni ergo peti & concedi poterit ante litem cœptam? Alij è contrario negarunt, lite iam mota & pendente coram iudice laico, concedi posse monitorium, vt lis finiatur vbi cœpta est, quæ est sententia Neuizani l. 3. sylux num. 60. quam videri vsu receptam, ait Ludou. Vitalis tract. de reis & testibus per censuram cogendis num. 28. meritò tamen contrarium statuens, vt apertè habetur ex cap. 1. & 2. de test. cogend. Neque enim idcirco lis extrahitur à tribunali laico, sed tantum seruitur explorationi veritatis, & exclusioni peccati. Quare fixum esto, generatim loquendo, nullum esse constitutum tempus concedendo monitorio: & siue non cœpta siue pendente lite, peti & concedi ritè posse; & quidem quacunque die. Nam concedi etiam potest die feriata, quia agitur de præclusionè peccati, ac proinde de negotio pietatis, cui qualibet die licitè vacatur, ex cap. conquestus. de feriis. Promulgatio tamen, dedeceret dies valdè solemnes, nisi Episcopus ex graui causa aliud censeret. Quanquam enim excommunicatio, vbi causæ cognitio non est necessaria, potest diebus feriatis & ferri & denunciari, vt notant Federicus de Senis consil. 11. 12. & 13. Abbas in cap. vlt. de feriis num. 16. & duobus seqq. Suarez l. de festis c. 30. num. 9. & Sayrus l. 1. de censur. cap. 14. num. 8. & 10. imò etiam si causæ cognitio esset necessaria, valituram tamen sententiam die festo latam fusè prosequitur Grassis 2. p. dec. l. 2. c. 13. num. 22. Tamen extra valdè grauem necessitatè, sanctitas dierum in tota Ecclesia

Causa & adiuncta Monitorij. 61

sia solemnissimorum non est hoc strepitu temeranda, vt rectè censuit Lazar. f. 1. q. 19. num. 4. & Barbosa de potest. Episc. allegat. 96. num. 1. & 43. Interdium, non autem noctu, ferendum esse monitorium, monere peculiariter, non est necesse: est quippe id commune cuius excommunicationi, ex cap. *consultuit*. de offic. deleg. Vbi Glossa v. *tenebras*, & Panormit. num. 111.

QVÆSITVM XIV.

Quid conferat terminus temporis monitorio præfixus, & quomodo intelligatur.

REspondeo, tempus in monitorio præfixum, vt intra illud, aliquid fiat, id efficere, vt ante illud tempus elapsum, non incurratur excommunicatio.

V. g. si præfigatur monitorio terminus 12. dierum, quorum quatuor primi assignentur pro prima monitione canonica excitante ad exequendum mandatum, vel legitimas excusationes proferendas; quatuor alij pro secunda monitione; totidem postremi pro tertia, clarum est quandiu peremptorius hic terminus non est elapsus, non incurri excommunicationem monitorio confertam: quia ante illius termini effluxum, deest contumacia. Elapso verò eo termino, si excommunicatio conditionalis erat latæ sententiæ, incurritur excommunicatio absque alio actu iudicis, dummodo non interuenerit impedimentum legitimum, quod comperendinationem aliquam

quam inueheret, quale esset, si intra tempus illud non potuisset præmitti fraterna correctio. Terminus enim monitoriis præfixus, quando res id patitur, non censetur incipere nisi post adhibitam correctionem, ut benè asserit Bonac. tract. 6. ex variis p. 1. §. 8. num. 4. multos ad id proferens. Legitimum quoque impedimentum censetur, si ultimus dies esset feriatum, nec quod vi edicti est iuridicè faciendum, posset ea die iuridicè fieri; v. g. deponere apud Notarium quod resciveris. In quo euentu, terminus statuendus est in die consequenti non feriato. Conuenit denique inter omnes, terminum assignatum non esse definiendum nisi post tempus notitiæ. V. g. si sint præfixi tres dies, non sunt dies illi numerandi à tempore lati edicti, sed à tempore quo is quem edictum tangit, conscius fuerit edictum esse latum. Nam priusquam tali notitia collustretur, non poterit censeri contumax omittendo quod præcipitur. Itaque quia ob ignorantiam qua laborat, nõ debet esse peioris conditionis; tantundem spatij concedendum ei est à puncto comparatæ notitiæ, quantum in monitorio concessum est iis qui ab initio promulgationis notitiam edicti sunt consecuti. Ita rectè Henriq. l. 13. c. 18. num. 6. Suarez t. 5. 3. p. d. 20. f. 3. *in fine*. Filliucius tract. 14. c. 2. num. 42. ac Bonac. tract. 6. ex variis p. 1. §. 7. num. 1. qui idem extendit ad illum qui post monitorium generaliter latum, incipit esse subditus Antistitis à quo monitorium est latum. Hæc clara & certa videntur.

At difficultas primò est, vnde sint numerandi dies præfixi. Suarez loco proximè notato num. 13. & ibid. Filliucius num. 41. volunt dies illos numerari ab eadem

Causa & adiuncta Monitorij. 63

dem hora qua edictum profertur. V.g. si edictum sit latum die Dominica, hora nona matutina, & præstitus sit terminus sex dierum, aiunt hi autores, terminum præstitutum fore consummandum expletis sex diebus naturalibus eadem hora. Ratio est, quia potestas plena, si velit, illico est efficax, & operatur quod potest. Atqui potestas Ecclesiastica est idonea ad excommunicationem infligendam, & quantum ex verbis edicti conicere licet, omnino vult terminum deliberationi constitutum consummari in puncto quem præfinit. Igitur vanum videtur, terminum illum ulterius prorogare, & procrastinationes gratis fingere. Plerique tamen autores, negant diem quo promulgatur monitorium, comprehendi intra numerum dierum assignatum pro termino, nisi verba edicti aliud expresse ferant. Ita Henriquez l. 13. cap. 18. num. 6. Lazarius sect. 2. quæst. 1. num. 4. Barbosa de potestate Episcopi, allegat. 96. num. 75. Bonacina tractatu 6. ex variis p. 1. §. 7. n. 2. & Diana parte 3. tract. 5. resol. 95. Huic posteriori sententiæ, probabilitatem conciliat communis opinio Iurisperitorum, apud quos dies quo assignatur certus terminus, non computatur in termino, ut habent Iason & Bartolus ad l. 1. ff. si quis caus. & Tiraquel. de utroque retract. p. 1. §. 1. num. 41. Ferunt etiam, vsum qui est optimus legum interpret, passim adstipulari huic posteriori sententiæ. Negari tamen non potest, quin prior planius inhæreat cortici literæ edicti, sitque securior.

Difficultas secundò est, an qui intra terminum præfixum neglexit operis indicti executionem, eo termino elapso, teneatur adhuc edicto parere si possit, an verò

verò parendi obligatio vnà cum effluxu termini eu-
nucrit. Non pericuerare exequendi obligationem,
cenfer Tabienna v. *excommunicatio*, 4. num. 4. Fumus
eodem verbo, §. 34. Philarcus de offic. Sacerd. p. 1. lib.
3. cap. 34. Hugol. de potest. Episc. cap. 45. §. 5. num. 1.
Naldus in summa v. *reuelare*. num. 2. Contrarium rectè
affirmant Suarez t. 5. 3. p. d. 20. f. 3. num. 14. Diana par-
te 3. tract. 5. resol. 95. Roder. in summa p. 1. cap. 79.
num. 18. Barbof. de potest. Episc. alleg. 96. num. 75. qui
alios praterea in hanc rem proferunt. Ratio est, quia
terminus non præfigitur ad extinguendam pro con-
ficiis obligationem, sed ad eam vrgendam. Itaque
quantumuis terminus sit iam transactus, tamen obli-
gatio exequendi quod indictum fuerat, perseuerat
per se loquendo. Quod addo, quia per accidens pos-
set tunc euanescere obligatio. V. g. si Iudex qui moni-
torium tulit, moreretur aut munere abiret. Nam ex-
communicatio per sententiam ab homine lata, extin-
guitur vnà cum eo, aut eius munere. At per se lo-
quendo, & spectata forma præcepti, obligatio eius
perstat, etiam post elapsum terminum constitutum.
Simile est, quod de præcepto annuæ Confessionis ha-
bet verissima sententia, cui contra paucos aduersantes
subscribit cum multis Valent. 3. p. d. 7. q. 9. p. 4. quan-
tumuis enim annus effluxerit, currit adhuc confiten-
di obligatio, cui quàm primum est satisfaciendum, &
nisi id faciant qui confessionem eo anno omiserunt,
multantur ab Ecclesia, & quidem alicubi per ex-
communicationem, à qua non prius absoluntur
quàm fuerint cōfessi: quod est manifestum indicium,
obligationem talis præcepti continuè vrgere, donec
præcepto factum sit satis: alioqui si tantum puniren-

Causæ & adiuncta Monitorij. 65

tur ob culpam præcedentem, possent ac deberent exsolui vinculis iniectis, exhibito solo dolore prioris culpæ. Intelligunt ergo Præpositi, obligationem confitèdi, quamdiu præceptum non impletur, perseverare. Simile præterea est, quod contingit in census annui persolvendi obligatione, quæ non cessat quousque debitum sit persolutum, etiamsi terminus solutioni præfixus iam effluxerit. Sunt quidem nonnulla præcepta affirmatiua, in quibus designatio temporis fit, ut in illo extinguatur obligatio, nec currat ultra illud: quod perspicuè cernitur in præcepto sacri die festo audiendi, aut ieiunandi certa die, vel horas Canonicas hodie recitandi. Longè verò aliter se habet designatio temporis in monitorio, vel in præcepto confitendi quotannis, aut censum persolvendi. Ex fine namque & forma horum præceptorum, suffragante praxi recepta, constat mentem legislatoris fuisse præfigere terminum ut executio præcepti ultra eum terminum non differatur, non autem ut exequendi obligatio, elapso eo termino evanescat, quoad conscios præcepti intra tempus præfixum.

Ex hac resolutione insuper habetur, quid respondendum sit ad difficultatem tertiam, quæ moveri potest circa eundem terminum: Nimirum utrùm si quis non contempserit quidem parere monitorio, tamen ob ignorantiam edicti per totum tempus præfixum aut aliam iustam ob causam quæ durante toto illo tempore excusauerit ab executione, prætermiserit parere; postea elapso iam termino præfixo edoctus præceptum, vel liber ab impedimento priùs excusante, teneatur exequi quod monitorium edicebat. Negat quoad ignorantiam Fumus v. *excommunicatio*,

E num.

num. 34. & probabile cenſet Lazarius ſ. 2. q. 1. num. 9. & rectè vt dicam quæſito 15. Tunc enim præceptum euiguit. Contrarium aſſeritur à Suare t. 5. 3. p. d. 20. ſ. 3. num. 14. & à Bonacina tract. 6. ex variis p. 1. §. 9. n. 1: quorum placitum innititur principio poſito. Cū enim conſtitutum ſit, terminum non præfigi ad elidendam obligationem, ſed ad eam duntaxat vrgendam, inferunt hi DD. obligationem quantumvis exacto termino durare in vtroque euentu propoſito: cum ea tamen differentia, quod qui diſtulit exequi præceptum ob ignorationem ediſti, diſferre poteſt executionem præfigendò ſibi terminum in monitorio conceſſum, ducto initio ſpatij à puncto comparatæ ſcientiæ. At qui ob ſolam impotentiam aliàmve iuſtam cauſam, fuit excuſatus ne exequeretur mandatum intra terminum conſtitutum, non poteſt alium ſibi terminum præfigere, ſed tenetur illico parere, quia monitorij conſcius tēpeſtiuè fuit, ac proinde ſufficientē deliberrandi & rem perpendendi moram obtinuit. Per accidens tamen, poſſet quoad vtroſque euaneſcere obligatio exequendi poſt elapſum terminum præfixum: ſi nimirum conſtaret actum monitorio indiſtum, fore modò inutilem; vel ſi ſatiſfactum iam eſſet parti; aut ſi poteſtas Iudicis qui monitorium tulit, euaniſſet per eius mortem, aut remotionem à munere. Ita quidem DD. prædicti, quorum ſententia quoad impotētiā eſt planè vera, vt dicam quæſito 15. Quoad ignorantiam tamen, non ſolutam niſi planè tranſacto termino, eſt reiicienda, quia tunc præceptum euiguit. Quod autem dicitur terminum poni, ne executio diſſeratur, non item vt obligatio extingatur, verum eſt quoad conſcios præcepti intra tempus præfixum

Causa & adiuncta Monitorij. 67

in monitorio, non autem quoad eos qui præceptum ignorarunt quandiu vim habuit.

Mouetur quartò difficultas, an qui terminum est prætergressus nec paruit, quamuis nullo modo excusaretur, toties nouam excommunicationem contrahat, quoties elapso iam termino sciens & volens dimittit occasionem exequendi mandatum. Affirmat Bonac. disp. 1. de censur. in communi q. 1. p. 5. à num. 5. Subscribo potiùs contrariæ sententiæ, quam tradit Barbosa allegat. 96. sæpè citata num. 75. & probabilem iudicat Diana parte 3. tract. 5. resolut. 95. Ratio est, quia ea edicti prætergressio, non est nouum peccatum moraliter loquendo quoad forum humanum, sed est continuatio eiusdem culpæ. Qua ipsa ratione detentionem longam rei alienæ, occurrentibus restituendi occasionibus, & nulla causa legitimè excusante, esse tantùm eiusdem peccati continuationem moraliter loquendo, censet Lessius l. de iustit. cap. 12. num. 20. Accedit quod non videtur fuisse mens Ecclesiæ vt noua excommunicatio incurratur, quandiu non iterat excommunicationem, vt sæpè facit, cum contumacia crescit, nouæ iusta causa geminanda excommunicationis occurrit. Et frustra sanè, vel etiam falsò diceretur, fieri ab Antistitibus in eo euentu iterationem & congeminationem excommunicationis. Tantùm quippe interuenire oporteret declarationem nouam multiplicis excommunicationis ex natura rei contractæ.

Est quinta difficultas, an terminus in monitorio præfixus, prorogari possit ex sola voluntate partis ad cuius instantiam concessum est monitorium, iudice interim prorsus inscio ac ne tacitè quidem consen-

tiente in prorogationem post habitam eius noti-
 tiam. Affirmant Panorm. cap. *præterea*, 2. de appellat.
 num. 4. & ibi Decius & Anchar. ad cap. *quicumque*, de
 sent. excommun. in 6. num. 3. Tolet. l. 1. instruct. cap.
 9. num. 5. Hurtado disp. de Censur. in commun. diffi-
 cult. 26. num. 113. Suarez t. 5. 3. p. d. 3. l. 6. num. 9. &
 septem Theologi Ordinis Minorum in Capitulo pro-
 uinciali, quos refert & sequitur Neuizanus lib. 3. syl-
 uæ nupt. num. 55. Ratio horum autorum est, quia mo-
 nitorium in gratiam partis est concessum, ut ab iniu-
 ria indemnis fiat. Si ergo pars ultro cedat iuri suo, &
 sicut potest obligationem prorsus remittere, ita eam
 proroget ultra terminum præfixum à Iudice, nihil
 obstat quominus liceat frui beneficio partis, cui
 Præsul monitorium concedens velificari voluit. Con-
 trariam sententiam tradit Syluest. v. *excommunicatio*,
 2. notab. 1. casu 13. Nauar. in summa c. 27. num. 15.
 Angelus v. *excommunicatio*, 1. num. 20. Naldus v. *ex-*
communicatio, num. 23. Sayrus multos Iurisperitos ad-
 ducens l. 1. de censur. c. 12. num. 20. Horum Docto-
 rum ratio est, quia excommunicatio non potest sus-
 pendi nec impediri quominus suo tempore effectum
 habeat, nisi sit in suspendente iurisdictio. Hæc autem
 non est in parte ad cuius instantiam concessum est
 monitorium. Igitur non potest vim eius suspendere,
 quod faceret, si elapso termino à Iudice præfixo, pos-
 set inducias elargiri ei quem monitorium urget ad
 nunc exequendum. Aliud autem esset de integrâ re-
 missione obligationis. Ea quippe remissione facta, (ut
 sanè eam potest pars facere) tollitur totum monitorij
 fundamentum; & omnis eius vis, per partem cuius
 intererat monitorio satisfieri, eueritur indirectè;
nempe

Causa & adiuncta Monitorij. 69

nempe per sublationem causæ & fundamenti, ad quam sublationem non est necessaria iurisdictio, sed sufficit voluntas cedens iuri suo, & relaxans obligationem cui monitorium innitebatur. Vnde monitorium concessum aduersus aliquem cum quo pars inscio Iudice pepigisset de materia monitorij, esset prorsus vanum & inutile quia destitueretur suo fundamento essentiali, vt benè vidit Gutierrez l. 1. qq. Canon. cap. 11. à num. 77. similiter ergo facta per partem remissione debiti, euertitur fundamentum censuræ, nec incurritur excommunicatio, quamuis non pareatur edicto, vt benè ait Ripa ad l. 4. ff. de re indic. §. soluisse. num. 4.

Inter has pugnantes sententias placet iudicium Antonij de Butrio in cap. *preterea*. 2. de appell. & Maynerij ad l. *ubicunque causa*. ff. de regul. iuris, num. 2. qui asserunt, ante factum tenendam esse secundam sententiam, quippe securiorem: sed post factum, primam sententiam esse satis securam, posseque approbari absque scrupulo: Moueor, quia facta per partem prorogatione deest contumacia, sine qua non incurritur excommunicatio: Neque hæc est suspensio sententiæ, directa & pro potestate suspendentis, ad quam verum est fore necessariam iurisditionem, qua pars caret. Est igitur duntaxat subductio materia: per aliquod tēpus. Eo autem tempore elapso, ad quod pars prorogauerat executionem, incurreretur illico excommunicatio, nisi sit satisfactum monitorio: quia quamuis supponamus Iudicem silere, nec vllam sententiam de nouo ferre, tamen prior sententia non euiguit, quamuis indirectè ad aliquod tempus suspensio fuerit & ultra terminum in ea constitutum di-

lata. Ille quippe terminus appositus est non ad elidendam obligationem, sed ad eam illuc usque differendam, & non ulterius inuito creditore in cuius gratiam lata est sententia. Si igitur posito termino, pars siue creditor annuat ut obligatio exequendi adhuc ad tempus aliquod suspendatur, differetur obligatio, nec incurreretur excommunicatio. Urgebit autem obligatio edicti, & incurreretur censura, si post illud tempus, inuito iam creditore, non satisfiat edicto. Quanquam Henric. l. 13, c. 20. num. 1. in contraria est sententia, existimans tunc tantum post elapsum terminum à creditore præfixum ultra eum quem Iudex statuerat, incurrì à debitore censuram latam in monitorio, cum prorogatio facta est de consensu Iudicis expressio, quia tunc censetur sub noua excommunicatione prorogasse, in quam rem citat permultos. Sed quod dixi, magis placet, & videtur ratione proposita cuinci.

Tandem sextò est difficultas, an si Iudex per monitorium decernat aliquid fieri intra talem terminum, & ante eum prorsus elapsum, constet de fore potestatem exequendi quod præceptum est; an inquam in eo euentu detur obligatio præueniendi, siue operandi, priusquam incidatur in impotentiam exequendi opus indictum, in quam impotentiam supponimus deueniendum esse ante elapsum totum tempus, intra quod exerceri operationem mandatum fuit. Dicendum est hanc difficultatem posse in duplici sensu agitari. Nimirum primò ita ut præceptum sit latum adhibito termino ad finem certi temporis designati limitato, ita ut obligatio non urgeat pro toto tempore, sed tantum in termino illius. Et in hoc sensu

Causa & adiuncta Monitorij. 71

su valet quod ait Lazarius f. 2. q. 1. num. 20. nunquam vi sententiæ terminum ad aliquid agendum præfigentis, iniici obligationem eum terminum præueniendi. Ex quo Suarez t. 5. 3. p. d. 5. f. 1. num. 13. infert, si cui præcipiatur vt restituat vel satisfaciatur, concessio illi mense integro tanquam termino ad differendam solutionem vsque ad illum, fore vt talis non incurrat censuram neglectui talis præcepti impositam, si ante expletum mensem moriatur: ideoque sic vita functum non præueniendo executionem præcepti, neque egere absolutione quoad se, neque quoad alios. Esto enim, cõtingere possit vt quis omittendo actum præceptum, aliqua alia ratione peccet: v.g. si non restituat, peccabit contra Iustitiam: tamen aberit culpa contra præceptum Ecclesiasticum sic limitatum ad finem certi temporis; nec interueniet contumacia: ac proinde quamuis non præueniatur terminus, sed homo sciens & volens sinat se cogi in arctum, nec operetur cum potest, non incurret excommunicationem.

Difficultas proposita locum habere in alio sensu potest, nimirum si monitorium iubeat aliquid fieri intra totum tale tempus, atque adeò ante illud prorsus elapsum. In hoc sensu, non autem in priore, intelligo, & admitto quod Sanchez l. 4. in Decalog. c. 22. num. 23. ex multis iuribus & Doctoribus latè confirmat, & ad excommunicationem quoque applicat num. 24. nimirum quod excommunicatio ab homine, ab eo tempore contrahatur, à quo constat non posse vltius perfici opus sub ea indictum. Addit verò Sanchez, secus fore si agatur de excommunicatione indicta per statutum & legem.

Nam talis excommunicatio iuxta eum non incurritur nisi transacto toto tempore: quia hæc est differentia inter pœnam ab homine, & pœnam legalem siue quæ lege debetur, quod quia pœna legis debet esse mitior, & magis restringi quàm pœna hominis, ut habetur ex l. *Celsus*, ff. de arbitris, non incurratur pœna legis nisi termino planè transacto, cum tamen pœna ab homine lata incurratur cum primùm residuo tempore opus perfici nequit. Quia igitur iuxta priorem huius doctrinæ partem, excommunicatio lata per monitorium est pœna à Iudice per sententiam inflicta, fatendum est eam incurri cum primùm homo sciens ac volens devenit ad tempus quo opus indictum perfici ultra non poterit, ob nimiam eius brevitatem, vel prævisum exequendi impedimentum tunc superuenturum. An verò aliter dicendum sit de excommunicatione imposita per statutum aut legem, ut Sanchez ait, nunc quidem nostra non refert: Tamen si lex indicat opus pro toto aliquo tempore (qui est posterior sensus propositus, in quo diximus accipiendum esse quod pœna neglectui operis intra aliquod tempus exequendi inflicta ab homine, incurratur cum primùm incurritur impossibilitas perficiendi ante totum tempus elapsum) non existimo negandum quin idem dicendum sit de pœna legis atque adeò de excommunicatione sub qua aliquod opus intra totum aliquod tempus fuerit lege iniunctum. Sic quia lex de confessione peccatorum quotannis facienda, cadit in tempus totius anni; (tenetur enim homo intra totum quemque annum confiteri) is qui prævidet ante anni finem superuenturum sibi esse impedimentum, aut defuturam Confessarij copiam, tenetur

Causæ & adiuncta Monitorij. 73

tenetur præuenire, & implere præceptum eo anni tempore quo potest illud exequi. Quam esse communem omnium sententiam, docet Couar. in *c. alma mater. p. 1. §. 1. num. 7. conclus. 5.* Item qui habet casum referuatum per statutum, & præscit fore ut in Paschate desit qui habeat iurisdictionem, possitque ab eo absolvere, tenetur uti occasione dum suppetit & præuenire, ut benè docet Suarez *t. 4. 3. p. d. 31. f. 5.* & Naldus *v. casus referuatus, num. 5.* Adhæc, qui præuidet se ab hora nona diei festi fore impediendum à sacri auditione, quantumuis mansurus sit in loco in quo præceptum de auditione sacri obligat, tenetur audire sacrum tempore matutino antecedenti. Nimirum in his euentibus obligatio urget pro toto tempore pro quo potest impleri. Ut quoad confessionem pro toto anno, quoad sacrum pro toto tempore matutino. Vasques *3. p. q. 90. artic. 3. dub. 2. num. 18.* & Bonac. *disp. 5. de sacram. q. 5. f. 2. p. 4. num. 21.* idem extendunt ad Clericum infirmum vesperi, quem obstringunt ad vespervas manè recitandas. Hoc non approbo, quia præceptum recitandi vespervas, non obligat pro tota die, sed tantum pro toto tempore vespertino. Quod enim recitare antè vespervas liceat, non iniicit obligationem eas tunc recitandi; si pro tempore quo præceptum recitationis urgebit, impossibile sit futurum recitare, & parere præcepto, sed sufficit cui-libet tempori malitia sua.

Modus quo ordinariè solet ferri monitorium, is est de quo agitari difficultatem in priori sensu diximus, ut constat ex vulgaribus formulis monitoriorum, & ex iis quæ initio præmisimus, explicantes cum communi sententia, quid ferat termini præfixio

E § in

in monitoriis. Itaque non est quod quis vi monitorij ordinario modo propositi, putet se angi ad præueniendum terminum præfixum, & anteoccupandam executionem actus præcepti, etiamsi præuideat consecuturam operandi impossibilitatem cum terminus præstitutus adueniet. Si tamen ex forma & modo præcepti constaret mentem Iudicis fuisse astringere ad operandum iniecta ad id obligatione pro toto tempore, iuxta sensum difficultatis posteriore loco adductum, sic qui præuideret consecuturam agendi impossibilitatem, teneretur præuenire extrema temporis pro quo toto viget mandatum, nec posset sine se in eas redigi angustias quibus à parendo excludatur.

QVÆSITVM XV.

Quid ferant voces illæ in monitoriis interdum adhibita, ex nunc prout ex tunc; vel ex tunc prout ex nunc, excommunicatione sit percussus qui non paruerit.

REspondeo, has voces cum adhiberi contingit, (raro quippe adhibentur, nec occurrunt in ordinariis monitoriorum formulis) non ferre præsentem censuræ vibrationem, si conditio à Deo præsciat non implenda, siue si Deus præuidet, rem præceptam non esse executioni mandandam. Si enim is esset sensus harum vocum, excommunicatio esset nulla, quia nemo potest percelli excommunicatione nisi propter

Causa & adiuncta Monitorij. 75

propter præsentem contumaciam. At constat, in tempore quo præceptum fertur, deesse contumaciam, cum nondum aduenerit terminus ad deliberandum præfixus. Quomodo verò is qui tempore conditionis pendentis admissus est ad communionem fidelium & participationem suffragiorum ac bonorum communium, priuari poterit ea communione quæ iam præcesserit cum conditio deficiet? Hic æquè militante omnia illa argumenta quibus Couar. in *c. alma mater. 1. p. §. 10. num. 6.* Gutier. *l. 1. qq. Canon. cap. 4. num. 23.* Suarez *l. de simonia cap. 56. num. 35. & 37.* Sayrus *l. 1. de censur. c. 11. num. 18. & Lessius l. de iust. cap. 35. num. 155.* cum aliis quos profert, affirmat excommunicationem in foro conscientie non retrahitur, quamuis in foro externo aliquando retrahatur. Vt patet de excommunicatione contracta per eum qui non soluit tempore constituto pensionem beneficiariam. Nam non censetur incurrisse excommunicationem quousque pensionarius declaret se velle ut debitor eam incurreret: qua declaratione posita, per fictionem iuris excommunicatio retrahitur, censeturque contracta iam inde à temporis initio in quo debitor cæpit esse in mora; id est à tempore præfixo ad solutionem pensionis, ut tradit Nauar. in *summa cap. 23. n. 104.* & Gigas de pension. q. 77. Et idem est de excommunicatione contracta ob simoniam conuentionalem. Pendet enim post pactum initum & traditam rem spiritualement usque ad euentum soluti saltem ex parte pretij: qua conditione posita, excommunicatio retrahitur, ita ut censeatur contracta ex quo turpe illud pactum fuit initum. Ita enim ferre stylum Romanæ curiæ, testatur supra Nauarrus. Omnia ergo quibus

quibus autores prædicti rectè demonstrant, censuram ipsam excommunicationis non retrotrahi in foro interno, sed tantùm quoad aliquos extrinsecos effectus suos temporales, qui possunt per legem induci & iuris fictione retrotrahi, æquè confirmant, in præsentī negotio excommunicationem non incurri ex quo latum est sub ea præceptum, etiamsi Deus præsciat contumaciam suo tempore consecuturam, & mandati neglectum in termino. Sensus ergo vocum propositarum, *ex nunc prout ex tunc*, &c. alius non est, quàm posita conditione, confestim absque alio Iudicis actu, incurrendam esse excommunicationem, vt notant DD. in Extrau. 1. de regul. & sepult. & ex eis Naldus v. *excommunicatio*, n. 23. Sanè particula illa, *ex nunc*, licet sonet tempus præsens, tamen non denotant nisi effectum futurum, vt cum Baldo & aliis obseruat Gutierrez l. 1. qq. Canon. cap. 4. num. 21. affirmans id ipsum quod hîc asserimus. Similitérque cum agitur de promulgatione legis, particulas illas *ex tunc*, designare duntaxat quæ ex parte legislatoris exiguntur ad obligandum, non tamen sonare illico exurgere obligationem, sed alia insuper exigī, monuit rectè Suarez l. 3. de legibus c. 17. num. 8.

Itaque ratum esto, etiamsi monitorium feratur adhibitis illis vocibus, tamen excommunicationem non incurri ante positam reipsa contumaciam, quæ est conditio sub qua excommunicatio fuerat intentata. Vnde si priusquàm ea conditio ponatur, Antistes qui tulit monitorium moriatur, alitèrve excidat potestate excommunicandi, censura monitorio conferta euanesceat, quantumuis adhibita fuerint voces de quibus agimus: quia cum sit censura ab homine, supponit superstitem

Causa & adiuncta Monitorij. 77

perstitem Iudicis potestatem quando reipsa est contrahenda censura, iuxta doctrinā Iurisperitorum cum Glossa in cap. *à nobis*. 1. de sent. excom. quam illustrat pluribus confirmatque Suarez t. 5. 3. p. d. 3. s. 4. à num. 12. & Sayrus l. 1. de Censur. cap. 8. num. 14. qui consequenter addit, si ante conditionem positam, Iudicis potestas, non suspendatur tantum, sed etiam extinguatur, rursūque ante tempus positæ conditionis restituatur eadem iurisdictio, latam prius excommunicationem sic intercisa eius ferendæ potestate abruptam, prorsus evanuisse, & nullam factam esse, nisi repetatur. Viceversa autem non obstantibus iisdem particulis *ex nunc*, &c. si ante conditionem positam, is in quem monitorium fuit intortum abeat è vita, non ligabitur monitorio cum tempus conditionis advenierit, nec erunt ei idcirco neganda suffragia, ut iam superius monui ad 6. difficultatem quæ sit præcedentis, traditque etiam Sayrus c. illo 8. num. 11. Ex quibus manifestum est, quantumvis particula *ex nunc*, aut similis fuisset monitorio adhibita (ut aliquando factum restati sunt qui nos de hoc dubio consuluerunt,) sensum eius non posse esse alium quàm diximus.

QVÆSITVM XVI.

Quamdiu vis monitorij obligans, durare sit censenda.

Respondeo, durare quantum fert terminus in monitorio constitutus, nisi ex parte causæ efficientis aut subiectivæ, citius defluat. Ad huius doctrinæ perspi

76 . Pars I. Caput I.

quibus autores prædicti rectè demonstrant, censuram ipsam excommunicationis non retrahi in foro interno, sed tantùm quoad aliquos extrinsecos effectus suos temporales, qui possunt per legem induci & iuris fictione retrahi, æquè confirmant, in præsentî negotio excommunicationem non incurri ex quo latum est sub ea præceptum, etiamsi Deus præsciat contumaciam suo tempore consecuturam, & mandari neglectum in termino. Sensus ergo vocum propositarum, *ex nunc prout ex tunc*, &c. alius non est, quàm posita conditione, confestim absque alio Iudicis actu, incurrendam esse excommunicationem, vt notant DD. in Extrau. 1. de regul. & sepult. & ex eis Naldus v. *excommunicatio*, n. 23. Sanè particulæ illæ, *ex nunc*, licet sonèt tempus præsens, tamen non denotant nisi effectum futurum, vt cum Baldo & aliis obseruat Gutierrez l. 1. qq. Canon. cap. 4. num. 21. affirmans id ipsum quod hîc asserimus. Similitérque cum agitur de promulgatione legis, particulas illas *ex tunc*, designare duntaxat quæ ex parte legislatoris exiguntur ad obligandum, non tamen sonare illico exurgere obligationem, sed alia insuper exigî, monuit rectè Suarez l. 3. de legibus c. 17. num. 8.

Itaque ratum esto, etiamsi monitorium feratur adhibitis illis vocibus, tamen excommunicationem non incurri ante positam reipsa contumaciam, quæ est conditio sub qua excommunicatio fuerat intentata. Vnde si priusquàm ea conditio ponatur, Antistes qui tulit monitorium moriatur, aliterve excidat potestate excommunicandi, censura monitorio conferta euanesceat, quantumuis adhibitæ fiterint voces de quibus agimus: quia cum sit censura ab homine, supponit superstitem

Causa & adiuncta Monitorij. 77

perstitem Iudicis potestatem quando reipsa est contrahenda censura, iuxta doctrinā Iurisperitorum cum Glossa in cap. *à nobis*. 1. de sent. excom. quam illustrat pluribus confirmatque Suarez t. 5. 3. p. d. 3. s. 4. à num. 12. & Sayrus l. 1. de Censur. cap. 8. num. 14. qui consequenter addit, si ante conditionem positam, Iudicis potestas, non suspendatur tantum, sed etiam extinguatur, rursūque ante tempus positæ conditionis restitatur eadem iurisdicctio, latam prius excommunicationem sic intercisa eius ferendæ potestate abruptam, prorsus evanuisse, & nullam factam esse, nisi repetatur. Viceversa autem non obstantibus iisdem particulis *ex nunc*, &c. si ante conditionem positam, is in quem monitorium fuit intortum abeat è vita, non ligabitur monitorio cum tempus conditionis adveniat, nec erunt ei idcirco neganda suffragia, ut iam superius monui ad 6. difficultatem quæ sit præcedentis, traditque etiam Sayrus c. illo 8. num. 11. Ex quibus manifestum est, quantumvis particula *ex nunc*, aut similis fuisset monitorio adhibita (ut aliquando factum testati sunt qui nos de hoc dubio consuluerunt,) sensum eius non posse esse alium quàm diximus.

QVÆSITVM XVI.

Quamdiu vis monitorij obligans, durare sit censenda.

Respondeo, durare quantum fert terminus in monitorio constitutus, nisi ex parte causæ efficientis aut subiectivæ, citius defluat. Ad huius doctrinæ perspi

perspicuitatem, statuendum est, esse haud dubiè tempus aliquod quo elapso vis monitorij evanescat. Cum enim nec eo animo latum sit vt habeat vim perpetuæ constitutionis, nec plerunque sit in potestate eius qui monitorium concedit, con dere statutum perpetuum, faciendum est vim obligandi ad aliquid præstandum qua monitorium pollet, perpetuam non esse, sed post tempus aliquod euigescere, idque ab intrinseco, vt ita dicam: Nam ab extrinseco, siue per accidens, ratione causæ vel subiecti, eius inquam qui fert, & eius in quem fertur monitorium, liquet ex proximè dictis ad finem quæsitæ præcedentis, monitorium vim omnem suam posse amittere, priusquàm terminus monitorio præfixus aduenerit; per mortem nimirum alterutrius, vel Antistite qui tulit monitorium amittente iurisdictionem: quia cum excommunicatio sub qua monitorij præceptum fertur, sit ab homine, non plus durat, quàm duret potestas in eo qui illam decreuit, vt supra dixi. Videndum ergo est, quandonam extinguatur vis obligans monitorij, etiamsi ex parte causarum suarum siue ab extrinseco non defluat: quandoquidem monitorium, cum non sit lex vel statutum perpetuum, debet post aliquod tempus ab intrinseco euigescere.

Et quidem si is qui monitorium tulit, tempus aliquod exprimeret, ultra quod nollet vim monitorij obligantem prorogari, nulla esset difficultas. Sed quia vt plurimum nihil tale exprimitur, nihil occurrit quo aptius definiri possit duratio obligationis monitorij, quàm tempus monitorio præfixum. Ita enim videtur ferre mens eius qui monitorium tulit. Cum enim haberet pro fine præcepti, executionem actus quem præcipit,

Causæ & adiuncta Monitorij. 79

præcipit, eamque executionem arctauerit ad tempus quod monitorio præfixit, non videtur intendisse, vt præceptum suum vim vltra illud tempus haberet. V. g. si monitorio ad restituendum lato præfigatur tempus octidui, monitorium non habebit vim obligandi post octiduum, numeratum à die quo quis intra illud octiduum rescierit monitorium latum esse; ita vt etiam si quis vltimo tantum die ex octo præfixis doceatur latum esse in eam rem monitorium, habeat à momento solutæ ignorantia, octiduum ad deliberandum & consulendos peritos, vel ad iustas excusationis causas proferendas; vltèriùs verò non sit eo monitorio obligandus, quia vis eius transacto eo tempore omnino euiguit. Non conuello quæ suprà alia occasione dixi, cum admisi posse aliquem irretiri censura monitorij longè post elapsum totum tempus in eo præfixum, etiamsi in termino illius temporis nō fuerit irretitus ea censura ob impotentiam, aliā-ve iustam causam non parēdi. Hoc inquam non euer- titur per ea quæ nunc affirmo. Nam in eo euentu ho- mo fuit conscius monitorij quo tempore adhuc obli- gabat, tametsi executio dilata est absque peccato, & obnoxietate censuræ. At nunc ago de eo qui sit tan- tùm conscius monitorij, cum planè effluxit tempus in eo constitutum, ac proinde quando monitorium iam marcet, & vis eius euiguit. Ad nihil ergo tenetur vi monitorij, nec censuram eius incurrer, etiamsi non præstet quod indicitur per monitorium, quia vis eius cessauit. Tradunt hanc sententiam Philiarcus 1. p. de offic. Sacerd. l. 3. c. 34. Armilla v. *excommunicatio*. §. 34. Tabienna v. *excommunicatio*, 4. §. 4. Auila 2. p. c. §. disp. §. dub. 1. *sub finem*, Sanchez lib. 6. opusc. c. 2. dubio 2 §.

nun.

num. 2. Qui addit, si contingeret nullum tempus monitorio siue præcepto præfigi, vim eius non esse duraturam ultra duos menses, eo quod talis mensura duratiua virtutis obligatiuæ præcepti quoad tempus indefiniti, videatur rationabilis atque conueniens. Non me latet, Sayrum in Clauis regia l. 12. c. 14. num. 34. existimare monitorium mandans reuelationem delicti indefinito tempore latum (& idem est de monitoriis alia mandantibus) tandiu vim obligandi retinere, quandiu durat obligatio exercendi quod monitorio mandatur, v. g. restituendi aut reuelandi. Sed hoc approbare non possum. Aliud quippe est obligari ex natura rei ad aliquid præstandum, aliud verò ad id ipsum teneri vi præcepti positiui, & intentatæ excommunicationis. Quare duæ illæ obligationes cum ex diuersissimis radicibus progerminant, non habent eandem (vt ita dicam) consistentiam, nec se concomitantur duratione: alioqui sicut ex natura rei obligatio ad restituendum ablatum per se loquendo, est perpetua; ita fatendum esset, monitorium habere vim perpetui statuti: quod supposuimus & à mente, & plerunque à potestate Antistitis ferentis monitorium abhorre.



CAPVT II.

*Vires Monitorij ad extorquendam
restitutionem.*

DELABIMVR in particulari ad vtrum-
que caput monitoriorum de quibus
agendum proposuimus huius tractatio-
nis initio, vnâque exponemus proxi-
mos eorum fines: nempe restitutionem
& reuelationem, quarum exequendarum necessitas,
intentato fulmine excommunicationis iniicitur. Fi-
nis verò remotus, quem ex supradictis constat esse
diuinæ offensæ declinationem, vel indemnitate iu-
rium partis cui monitorio consulitur, non deposcit
peculiarem operam, cum per se pateat.

QVÆSITVM I.

*Quis monitorio ad restituendum lato, ligetur
generatim loquendo.*

Respondeo, omnem illum ligari tali monitorio
qui culpabiliter omisit restituere rem verè in
F monitorio

monitorio designatam; quam si monitorium decernatur in furem vel ob furtum, necesse est, esse suapte natura & ex obiecto mortalem. Si verò monitorium decernatur in non restituentes aliena, poterit sufficere gravitas non nisi ob coniunctionem cum pluribus materiis, aut inde resultantibus damnis quorum nullum seorsim esset mortale. Ratio huius pronuntiati quoad primam partem, perspicua est ex fine monitorij; quod cum inferat excommunicationem intentatam, spectare debet curationem à peccato, & salutem eius qui excommunicatione appetitur. Sibi ipsi namque creat exitium, vel creabit in posterum, nisi pareat edicto postquam soluta fuerit bona fides depulsione ignorantia inuincibilis qua fortè hætenùs laboravit. Cum autem quis omittit restituere rem alienam non vulgarem, qualis esse debet ea pro qua fertur monitorium, sauciat lethaliter conscientiam suam, (nisi legitima quæpiam causa non restitutionem excuset:) ac proinde meritò per Præsules rãquam præfectos curationis animorum, virgetur ad restituendum lato monitorio, quod cum tunc ligat, cum adsit idoneum obiectum, nec desit potestas in ferente monitorium.

Addebam tamen eum duntaxat ligari monitorio de quo agimus, qui omittit restituere rem verè designatam in monitorio. Nam si contingeret, partem ad cuius instantiam concessum est monitorium, falsò exposuisse negotium in quo passa est iniuriã, monitorium vel nullo modo obligaret ad restituendum, vel saltem non ad omne illud restituendum adigeret quod in eo expressum est. Planè quippe rueret obligatio monitorij, si Prælatus non intenderet illud concedere nisi pro tanta summa, quantam pars falsò obtrusit

trahit sibi fuisse subductam. Plerunque enim Antistites certas summas notabiles præfigunt, pro quibus tantum, non autem pro minoribus intendunt monitorium concedere; qualis est variis in locis summa aureorum quinquaginta. Si igitur pars, aut fingat, aut per errorem exponat Præsuli se læsam esse in ea quantitate, reuera autem non sit læsa nisi in minori summa quantumvis sufficiente ad mortale peccatum, tunc monitorij efficacia planè succiditur, nec qui eo percussus fuerint tenebuntur restituere vi monitorij, sed tantum vi legis diuinæ mandantis restitui aliena. Quod si pars sit quidem damnum passa in summa quam Prælarus valori monitorij præfixit, non tamen in ea quā ipsa pars falsò exposuit Prælato, tunc monitorium quamvis non valeat quoad excessum falsò expressum, valet tamen quoad summam minorem verè expositam & à Prælato intentam, quia quoad eam adest potestas efficax & obiectum idoneum. Qua ferè ratione philosophantur Theologi de indulgentiis impetratis proposito motiuo ex parte falso. Valent enim pro rata motiui idonei, ut rectè statuit Suarez t. 4. 3. p. d. 54. s. 3. num. 9. & Ægid. Coninck disp. 12. num. 31. quamvis aliud sit de indulgentia quæ datur pro toto aliquo opere cuius tantum pars ponitur.

Subtexui deinde duplicem modum quo quis ligari potest monitorio ob omissam culpabiliter restitutionem rei alienæ. Aliquando enim monitorium decernitur in fures, vel ob furtum, aut ob res direptas. Aliàs verò decernitur pro rebus iniuste retentis, vel pro damnis illatis. Cum monitorium fertur hoc secundo modo, perspicuum est illud ligare etiamsi res

qua retenta vel ablata consecutum est graue damnum, non esset ex se materia grauis peccati. Sufficit enim vt in effectu suo sit materia grauis, & digna ob quam possit intorqueri excommunicatio. At cum monitorium fertur in furem vel ob furtum, necesse est vt res direpta habeat ex se & suapte natura rationem grauis materiae, quam surripere mortale sit spectata natura illius obiecti. Vnde si quis homini pauperrimo surriperet acum, posset quidem mortaliter peccare ob impedimentum quod afferret lucris ab eo homine per acum parandis: tamē ratione ipsius acus, leuiter tantum peccaret, nec percelleretur excommunicatione lata in furem: quia etiamsi acus sit materia furti, tamen est materia ex se leuis & insufficiens ad fundandam excommunicationem. Damna verò subsecuta quæ verè supponuntur esse graua, non multantur excommunicatione lata propter furtum, quia non sunt furtum, neque enim sunt acceptio rei alienę inuito domino. Atque ita secundum communem vsum, qui damnum infert, non dicitur propriè fur: & in iure alij sunt tituli de furtis; alij de iniuriis & damno dato: Est huiusmodi damnum reductiuè dicatur furtum, at non formaliter & directè. Quod de furto acus dictum est, æquè asserendum est de calamo quē quis Notario surriperet, vnde iniiceretur illi impedimentum lucrandi cētum aut mille aureos. Nihilominus enim ille calami surreptor non esset infamis, aut dignus suspendio, nec daretur contra eum actio furti: quæ tamen omnia essent admittēda, si grauis damni illatio esset furtum, & plecteretur excommunicatione lata in fures, vel ob furtum. Sicut ergo si quis tantum abstulisset calamum vel acum, nec inde aliud

damnum

Vires monitorij ad restitut. 85

damnum consecutum esset, non ligaretur monitorio lato ob furtum, quia esset levis materia & inidonea ad terminandam excommunicationem: ita quamuis eam ablationem supponantur sequi grauia damna, tamen quia eorum damnorum irrogatio non est furtum, materia in ratione furti, est minuta: ac proinde qui eam abstulit, non ligatur monitorio quod sit in tortum in fures, vel ob furtum. Et ita Aragon. 2. 2. q. 66. artic. 6. dub. 4. Auila 2. p. c. 5. disp. 2. dub. 3. Less. l. de Iustit. c. 12. num. 34. Sayrus in Clau. l. 9. c. 15. num. 18. & cum permultis Sanchez l. 7. in Decal. c. 20. num. 5. ac Bonac. d. 2. de restit. q. 8. p. 1. num. 8.

Nec aliter philosophandum est, de eo qui subduxisset domino rem ex se leuem, ei tamen admodum gratam. Plerique enim ita afficiuntur ad res nullius ex se momenti, vt tamen ex eis mirè oblectentur. Vnde qui huiusmodi res eis eripiunt, non ignari quo affectu sint erga eas, grauius peccant: quia afficiunt dominos magno damno, priuando eos oblectatione insigni quam è reculis suis caperent si penes ipsos essent. Domini autem ius habent, non modò vt illas qualescunque res suas habeant, sed etiam ne priuètur iure quod habent percipiendi ex eis summam illam oblectationem qua inde perfunduntur, esto sine iudicio & fundamento vllò sic oblectentur. Admitto ergo personam talis affectus dominorum consciam, si res illas modicas furripient, peccare mortaliter, non tamen in specie furti. Vnde non ligabitur monitorio lato contra furem, quo is tantum percellitur qui in specie furti mortaliter deliquit. Ita Rebellus 1. p. l. 3. q. 15. num. 13. post Lopesium 1. p. c. 93.

Similiter admittendum est, cum non ligari moni-

F 3 torio

torio aduersus fures decreto, qui paruam quantitatem ad peccatum mortale insufficiẽtem adimeret, etiamsi longè maiorem & indubiè mortalis peccati materiã accipere intendisset, & mortaliter peccasset in ea acceptione, iuxta doctrinam D. Hieronymi in c. 2. epistolæ ad Titum, & S. Chrysostomi serm. 3. in 2. ad Timot. & serm. 10. in 1. ad Thessal. & homil. 59. in Ioan. Ratio pronunciati propositi est, quia Iudex monitorium in furem decernens, non spectat quid fur intenderit, sed quid re ipsa fecerit exterius. Atqui furtum quod iste exterius admisit, non est notabile. Igitur ex mente Iudicis, non percellitur monitorio: quamuis (vt dixi), certum esse velim eum peccasse mortaliter inter accipiendum rem modicam, de quo non licet ambigere: quia si actus ille volendi furari hanc rem modicam, sit vnus & idem cum actu quo fur vellet multo plus accipere si reperiret, nemo non videt actum illum esse mortalem, quia cadit in obiectum graue. Si autem vt volunt Salas 1. 2. tract. 13. d. 16. num. 86. & Lessius l. de Iust. c. 12. num. 34. distinguantur ibi duo actus; vnus absolutus tendens in obiectum modicum quod de facto accipitur, & alter conditionatus, tendens in obiectum multo grandius, quod acciperetur si occurreret; adhuc verum est, vtrumque actum esse mortalem. Quod de actu conditionato ex parte obiecti, actuali autem & exercito ex parte subiecti, perspicuum est. Et idem monstratur de actu absoluto: quia actus ille absolutus, est mediũ ad executionem intentionis generalis mortalis quam actus ille conditionatus subinducat. Sicut enim qui furantur multa modica ex intentione generali perueniendi ad vnã summã notabilem, vt uis contingit qui
vtuntur

Vires monitorij ad restitut. 87

vtuntur stateris dolosis, & fallacibus ponderibus quæ Sap. 11. damnantur abominationis; peccât mortaliter in singulis modicis furtis, quia omnes illæ acceptiones pendent ab vna generali intentione mortali, qua captatur summa notabilis, suntque media, & executiones illius intétionis lethiferæ, cuius proinde acore & virulentia perfunduntur: Ita qui rem parvam furatur, cum haberet animum furandi rem magnam, habet vnam generalem intentionem mortalem, pertingédi ad grauem summam cuius hoc quod accipit, est portiuncula duntaxat. Illius autem generalis intentionis conditionatæ medium & executio, est intentio particularis absoluta, cuius obiectum in manus furis deuenit. Medium auté cum sit causa effectiua, redollet vitium sui effectus. Et idem est de executione, ad intentionem cui subiungitur, comparata. Quare admitto furtum illud modicum quod est executio vel medium lethiferæ intentionis qua captatur summa grauis, esse peccatum mortale, nec aliam præterea venialem culpam in eo actu agnosco, vt faciunt Lessius l. de iust. c. 12. num. 40. & Sanchez l. 7. in decal. c. 21. num. 13. Nego tamen eum actum tamen mortaliter turpem, percelli excommunicatione lata contra furtum: quia mens iudicis monitorium ferentis, non fuit ita plectere nisi furtum quod ex obiecto exterius accepto esset mortale, quale non fuit furtum de quo agimus. Et ita rectè Rebellus num. illo 13.

Quamquam si parua materia, (vt addidi in quæ sita resolutione), non sumatur seorsim, sed vt nexa cum aliis, aut prout damnum eius subductione illatum, coniunctim cum aliis graue est, poterit sanè materia illa sic spectata satis esse, vt quis ad eius restitutionem

sub excommunicatione obligetur, & feriatur monitorio, lato in non restituentes damnum graue illatum. Exemplum vulgare est, de vineæ vastatione sublati per multos omnibus racemis: quæ direptio potest duobus modis contingere. Nempe primò, ita vt multi illi direptores, simul conueniant ad hoc damnum domino vineæ inferendum, inuitantes se ac prouocantes inuicem ad maleficium illud, aut animo contutandi sese, & secure vastandi vineam ob defensionem quam sibi inuicem omnes præstabunt: qua ratione omnes sunt concausæ damni totius; totalitate effectus, quamuis partialitate causæ, & singuli peccant mortaliter, deficientibusque aliis quilibet sub mortali peccato tenetur restituere totum damnum, salua cæterorū obligatione ad refundendum illi quod insumpserit vltra mensuram ad quam pro se adstringebatur: quæ omnia rectè statuit Molina tract. 2. de Iust. disp. 689. num. 2. Hoc pacto, iustitia excommunicationis latæ in singulos nisi restituant, tametsi quisque modicum duntaxat quid acceperit, est manifesta. Sub hac tamen ratione, exemplum vineæ direptæ non ita aptè facit ad rem propositam. Potest ergo secundò ea direptio ita contingere, vt omnes quidem concomitanter concurrerint ad vineæ direptionem, nemo tamen fuerit concausa damni vineæ per alios illati, sed præcisè fuerit causa damni quod ipsemet intulit, conscius de damno illato ab aliis, quod adunatis omnibus damnorum minutiis concomitanter illatis sit notabile: Vel saltem postea conscius damni, & à se & ab omnibus aliis illati, verè magni. In hoc euentu Couar. 1. var. c. 3. num. 12. Vasq. 1. 2. d. 146. num. 5. & 6. & Molina loco notato, (malè refragantibus

Sanche

Sanche 7. in Decal. cap. 21. num. 22. Lessio l. de iust. cap. 12. num. 52. Sala 1. 2. tract. 13. d. 16. num. 93.) rectè affirmant singulos grauiter peccare, cum modicum quid auferunt conscij de damno æquè per talia modica damna ab aliis inferendo, quod graue esse ignorare non possunt: Et singulos item teneri sub mortali ad restituendum modicum quod sumpserunt, ita conscij cum sumerent, vel post factum agnito damno, & non sublata prorsus spe vt alij quoque restituant. Si igitur qui ad eum modum vineam diripuerunt, omittant restituere, ligabuntur monitorio lato in non restituentes; quia est ibi nexus plurium minutorum sufficiens ad ingenerandam grauem restituendi obligationem, quæ intentata excommunicatione vrgeri possit.

Video opponi posse, eos saltem direptores qui non fuerunt conscij alienarum aceptionum, non peccasse mortaliter accipiendo quod acceperunt: Quomodo ergo possunt eam ob rem excommunicari? Hic nodus non vno modo expediri potest. Ac primùm graues plerique DD. spectari volunt, damnum quod ab omnibus datur non restituendo, esse notabile & mortale: Cum ergo vnusquisque non restituendo in tali euentu, damnum illud graue coëfficiat, peccat mortaliter non restituendo; ac proinde potest monitorio ad restituendum lato ligari. Ita Angelus c. 9. moral. textu 3. dub. 1. Maior in 4. d. 15. q. 25. Rebellus 1. p. l. 3. q. 15. num. 41. Suarez t. 5. 3. p. d. 20. s. 2. num. 3. Sayrus l. 1. de censur. c. 9. num. 9. Bonacina tract. 6. ex variis p. 1. §. 6. num. 9. & alij quos hi proferunt. Quanquam si tam multi iam restituerint, vt qui supersunt non retineant quantum necesse est vt damnum domini iniuriam

passi sit notabile; tunc sicut non obligabuntur sub mortali ad restituendum, ita si excommunicatio, resistente ea pusilla materia feratur in non restituentes, non ligabit istos etiamsi non restituant, vt rectè senserunt Maior in 4.d. 15. q. 26. & probabile censet Rebellus supra num. 42. Similiter qui multa minima ab aliquo sine connexionione accepisset, & prouectus ad summam notabilem, tactus dolore cordis intrinsecus restitueret quantum necesse est vt summa residua sit leuis; is etiamsi leuem summam residuam retineret, non peccaret mortaliter, vt rectè censent Petrus à Nauarra l. 3. de restitut. cap. 1. dub. 9. num. 60. Molina tract. 2. d. 688. num. 3. Sayrus in Clau. l. 9. c. 15. num. 25. Vnde si postquam restituisset summam grauem ablatam, decerneretur monitorium contra non restituentes aliena, non ligaretur monitorio ob retentam leuem summam residuam. Sepositis verò his euentibus, & agendo de eo qui modicum quid accepit, tunc ignarus damni per alios æquè illati eidem vineæ, rectè monstratum est ex concausatione damni notabilis quod postea rescit, ingenerari grauem restituendi obligationem ad quam monitorio possit vrgeri, quæ erat prima dissolutio nodi propositi.

Sunt verò qui aliter eum nodum extricant, dicendo quando diuersi ab vno modica furantur, vt contingit in exemplo vineæ direptæ eo modo quem nunc excutimus, neminem eorum teneri restituere sub mortali, eo quod nemo eorum sit per se causa notabilis damni quod consecutum est præter cuiusque eorum intentionem. Si tamen monitorium in eam rem decernatur, tunc singulos teneri restituere sub mortali; quia potest quis ex iusta causa compelli etiam
intentata

intētata excommunicatione, vt illud efficiat ad quod ex natura rei & secluso superioris præcepto non teneretur : v.g. vt horas recitet, vel vt supplicationi intersit pro publica salute. Eritque semper causa iusta sic præcipiendi restitutionem cateroqui non nisi leuiter obligantem, cum graue malum iniuste exceptum, non erit alia ratione reparabile. Itaque quia in euentu proposito, ni singuli restituant summam leuem, dominus vineæ incurreret graue damnum quod aliter sarciri non poterit, interuenit iusta causa mandandi singulis sub graui culpa & excommunicatione, restitutionem ad quā alioqui nō fuissent astricti nisi sub veniali culpa, rem hanc considerando ex natura rei. Ita Rebellus 2. p. l. 18. q. 4. num. 2. & Lessius l. de iust. c. 12. num. 54. nec abhorrent ab ea doctrina Soto in 4. d. 22. q. 1. artic. 1. ad casum tertium, iuncto corollario 1. conclusionis primæ eiusdem articuli, & Suarez t. 5. 3. p. d. 20. l. 2. num. 6. Aliam causam iustam ferendi in eam rem monitorij, & vrgendi per excommunicationem ad restituendum id in quo non restituendo absolutè loquendo & secluso monitorio deesset lethalis culpa, petit Auila 2. p. c. 5. disp. 2. dub. 3. ex damno spiritali personæ iniuriam passæ, si pericliteretur desperare præinopia, vel exponatur periculo furandi non leuia, aut admittendi grandia alia peccata.

Quare sufficienter extricatus est nodus propositus; patetque, eum qui non peccauit mortaliter accipiendo, posse sub mortali & sub excommunicatione vrgeri ad restituendum rem exiguam, quam accepit non conscius minutarum acceptionum per alios. Male autem contrarium sensit Couar. in c. *alma mater*. p. 1. §. 9. num. 2. illatione 4. (parum consentaneè ad ea quæ

quæ ab eo alibi tradita diximus:) ac Nauarrus in manuali cap. 17. num. 4. & 130. ac Petrus à Nauarra l. 3. de restit. c. 1. dub. 8. num. 61. qui tamen oppositum quoque censet probabile.

QVÆSITVM II.

Quis sit intactus à monitorio ad finem restitutionis lato, generatim loquendo.

Respondeo, ex duobus capitibus oriri posse, ut quis non ligetur monitorio lato ad finem restitutionis. Vnū complectitur causas excusationis huic monitorio peculiares: alterum verò continet generalia principia, quibus quis æquè liberaretur ab incurso cuiusvis excommunicationis. Primum caput generatim loquendo breuiter expediri potest, dicendo omnem illum immunem esse à monitorio lato ad finem restitutionis, qui non debet, aut non potest restituere. Quæ pauca verba continent sementem plurimarum particularium dubitationum, mox sigillatim excutiendarum. Itaque non est hîc vlteriùs insistendum ei primo capiti.

Ad alterum caput excusationum, pertinent omnia quibus ob directam Iudicis voluntatem aliquis à censura excluditur. Tota namque vis monitorij, à Iudicis animo & voluntate dimanat, quia voluntas applicat potestatem cuius partus est vibratio monitorij & inflictio censuræ. Si ergo Iudex aliquem ferire monitorio nolit, siue quia ita ipsi videretur, siue quia pars cui Iudex velificatur, renuit talem feriri; non est dubium quin

Vires monitorij ad restitut. 93

uin sit futurus liber à monitorio, etiamsi omittat restituere quod monitorium restitui mandabat. Pertinet quoque ad hoc caput, omnes excusationes à censura ob præclusam grauem culpam vel contumaciam. Nam sine contumacia & graui culpa, non potest quis excommunicationi subiacere. Itaque sicut ignorantia inuincibilis facti, aut iuris siue præcepti, tollit contumaciam circa rem præceptam: (non enim qui inuincibiliter ignorat id quod agit esse rem à superiore prohibitam aut actum quem omittit esse præceptum, potest esse contumax aduersus iussa superioris) ita per eandem ignorantiam, fit tutus ab excommunicatione. Vnde etiam non restituat, quia ignorat se aliquid alienum habere, vel quia nescit se ad restituendum obligari, non erit obnoxius pænæ monitorij indicentis restitutionem. Nimirum nihil est ad depellendam culpam & pænæ cuiusvis obligationem accommodatius, quàm ignorantia inuincibilis, ut optimè tradit S. Chrysostomus hom. 26. in ad Rom. *initio partis moralis*, & S. August. l. 3. de libero arbitr. cap. 19. & 21. ac Saluianus l. 4. de prouid. à medio. Nec est excipienda ignorantia comitans; dummodò enim sit inuincibilis, sicut purgabit à peccato, ita & à censura liberabit: quod malè negat Couar. in cap. *alma mater*. p. 1. §. 10. num. 15. rectè autem asserunt Sanchez l. 2. de matr. d. 32. num. 26. & d. 34. num. 3. & l. 1. in decal. c. 16. num. 13. Suarez t. 5. 3. p. d. 4. §. 8. num. 9. Molina tract. 4. d. 53. num. 2. & tract. 5. d. 71. num. 9. Auila 2. p. cap. 5. disp. 5. dub. 6. & Vasq. tract. de excom. dub. 14. num. 4. Quinetiam tamen si ignorantia pænæ peccato impositæ, generaliter loquendo non excusat à debito pænæ, ut eleganter probat D. Thomas in 4. d. 18. q. 2. artic. 5. quæstiunc.

quæstiunc. 2.^a tamen ignoratio appositæ alicui peccato pœnæ excommunicationis, siue actus sit iure tantum humano vetitus, siue etiam iure naturali aut diuino, liberat ab incurso excommunicationis, quia excludit contumaciam, vt rectè probant Auila 2.p.c. 5. disp. 5. dub. 7. Suarez t. 5. 3.p.d. 4. l. 9. num. 19. Azor t. 1. l. 1. cap. 15. q. 3. Sanchez l. 9. de matr. disp. 32. num. 13. Demum quia plerunque metus iustus & grauis seclusis extrinsecis incommodis quæ ex alterius præcepti concursu interueniant, exoluit hominem à legis humanæ obligatione, eo quod legislator qui rationabiliter procedit, nolit astringere subditum interposito iusto illo & graui metu; vt pluribus confirmant Sanchez l. 1. in decalog. cap. 18. & Suarez l. 3. de legibus c. 30. idcirco qui per grauē & iustum metum absterreretur à restituendo, non percelleretur excommunicatione lata in non restituentes. Hoc secundum caput excusationum à censura monitorij lati ad finem restitutionis, non est quod hic diutiùs nos remoretur, cum sit commune omnibus planè censuris. Præterquam quod excusationes à censura monitorij inde petitz, æquè locum habent circa monitorium ad finem reuelationis cuius est vsus creberrimus, vbi huiusmodi excusationes attingendæ erunt, quantum satis est ad præsens institutum. Quare his dimissis, subsumamus quæ sub primo excusationum capite generaliter proposito annotanda in particulari occurrunt, quorum est copia non modica.

QVÆSITVM III.

*An impotens ad restituendum, ligetur monitorio
restitutionem mandante.*

Respondeo, distinguendo de impotentia restituendi. Alia enim est inuoluntaria, alia in quam quis voluntariè, aut etiam malitiosè incidit. Prior, sicut si plena sit, liberat à culpa, ita etiam à pœna. Itaque is qui intentata excommunicatione iubetur aliena restituere intra talem terminum, non incurrit prædictam excommunicationem, etiamsi elapso eo termino non restituerit præ vera impotentia; quia ad impossibile nemo tenetur. Imo quamuis haberet concomitanter pessimam voluntatem qua sibi placeret in ea non restitutione & impotentia, & quòd quamuis posset non restitueret; tamen non incurreret excommunicationem latam ad finem restitutionis, quæ solum cadit in eum qui non restituit cum possit. Præterquam quòd in eo homine, detentio externa ob impotentiam vacat labe, & ad summum est mala obiectiuè, ratione malæ voluntatis concomitantis ad eam terminatæ. Vt autem posset per excommunicationem plecti, deberet esse exterius mala formaliter, & esse libera, quod constat verum non esse ob restituendi impotentiam. Itaque ne eo quidem malo actu interno adiuncto, qui non restituit ob impotentiam, irretitur censura monitorij lati ad finem restitutionis, quod benè notat, Lessius l. de iust. c. 12. num. 21. & Auila 2. p. c. 5. disput. 5. dub. 1.

Neque

Neque verò nomine impotentia inuoluntaria, quam dico indemnem reddere ab excommunicatione impotentem etiam si non restituat, intelligitur tantum impotentia absoluta & physica, sed etiam moralis, qua plerunque præpediuntur qui habent unde restituant saltem ex parte; sed vel metu grauissimi alicuius incommodi extrinseci, vel ne ad extremam inopiam redigantur cum longè minore dispendio eius quem læserunt, excusantur à restitutione: quod quando contingat, excutiunt qui de restitutione disputant. Mihi nunc sufficit asserere, talem impotentiam etiam si non nisi moralem, quando excusat impotentem ut possit absque graui culpa restitutionem prætermittere, excusare quoque à monitorio lato ad restitutionem extorquendam. Neque enim monitorij adiunctio aduehit vel augeat restituendi obligationem per se loquendo, (quod addo propter extrinsecos quosdam euentus supra quæsito i. propositos) sed eam aliunde enatam supponit, ut rectè contra Sorum differit Auila 2. p. c. 5. disput. 5. dub. 1. Cum ergo impotentia etiam quæ moralis dicitur, excindat omnes radices obligationis restituendi, meritò asseritur, hominem impotentem liberari eius interuentu à censura monitorij. Supponendum tamen est, debitorem impotentem premi hac impotentia inuoluntaria, pro tempore quo est incurrenda censura. Nam si tunc debitor esset potēs, nec restitueret, ligaretur monitorio; & quamuis postea fieret impotens, retineret vincula semel contracta. Nos autem in præsentia agimus de eo debitore, qui pro tempore quo excommunicatio per monitorium intentata est incurrenda, laborat impotentia voluntaria: negamusque talem debitorem
etiam si

etiamsi non restituat, ligari monitorio lato ad finem restitutionis: quod est per se evidens ex defectu peccati in ea restitutionis prætermessione.

Viderur obiici in contrarium posse, vsus Romanus quo aliquis se obstringit ad persolvendam certo tempore pensionem debitam in forma Cameræ Apostolicæ: alij vocant *obligationem ad nisi*. Qui enim sic se obstrinxit, cum primum effluxit tempus solutioni destinatum, id est mensis post terminum constitutum, illico adigitur soluere, quamcumque impotentiam obtendat: alioqui post præmissam creditoris declarationem debitori intimatam per sententiam Cameræ, (qua declaratione significat creditor, se omnino velle, vt debitor; vel illico vt cum Cassadoro ait Toletus l. 1. instruct. c. 9. n. 6. vel vt aiunt Gigas de pension. q. 77. & Nauar. in summa c. 23. num. 104. si aliquandiu sit in mora, incurrat excommunicationem:) debitor quantumvis impotens, incurrit excommunicationem, quæ etiam retrahitur ad tempus termini statuti. Nec refert si Clerici sint, quia non iuuantur per impotentiam moralem, eo quod cesserint iuri concessio Clericis cap. *Odoardus*. de solut. vt quantumvis ære alieno grauati, possint statui suo conuenientia retinere. Videtur huic difficultati succubuisse Robertus Arboricensis Episcopus, tomo 2. de vtroque gladio, theorem. 7. Non obscure namque hæc omnia improbat & damnat. Multus est in eiusdem difficultatis discussione Suarez t. 5. 3. p. d. 20. s. 2. à num. 7. & Antonius Massa integro libro de hoc argumento. Sed breuiter dico, debitorem in eo euentu, si verè sit impotens, non percelli excommunicatione ob non exhibitam creditori solutionem, quantumcumque se ob-

G strinxerit

strinxerit ad incurrendam tali tempore excommunicationem, nisi restitueret. Ratio est, quia ubi non est voluntarium & liberum, deest contumacia sine qua non est excommunicationi locus. Atqui in proposito euentu, omissio restitutionis ob impotentiam non est voluntaria & libera, ut est perscrutabile de impotentia physica: Estque etiam clarum de impotentia morali, in eo qui ratione status aut gradus sui renunciare non potest favori iure concessio, vel etiam competenti ex natura rei in tali statu positus, conseruato autem per ius positiuum; favori inquam retinendi necessaria ad decentem sustentationem saltem in imo gradu totius latitudinis qua constat ea sustentatio: cui favori renunciare nequeunt Clerici, & quidam magnates. Igitur alterutro modo aliquis istorum sit impotens, nimirum siue physice, siue moraliter, non incurreret excommunicationem etiam si non restituat tempore constituto: & multo minus retraheretur verè excommunicatio in foro interno. Ea quippe fictio iuris non transcendit forum externum, ut rectè tradit Less. l. de iust. c. 35. dub. 27. nosque iam supra attigimus. Dixi aliquis istorum, (uti que eorum qui favori iuris renunciare nequeunt,) quia non videtur negandum quin moralis impotentia restituendi ne debitor statu suo excidat, vel necessaria sustentatione ex suis facultatibus priuetur, sit insufficiens ad tegendum ab excommunicatione debitorem qui possit iuri & favori prædicto renunciare. Potuit enim huiusmodi debitor velle se obstringere ad mendicitatem. Ea autem voluntate ultro præmissa, sicut per impotentiam tantum moralem non excusatur à peccato nisi restituat, ita neque ab excommunicatione in non restituentem intorta immunis

Vires monitorij ad restitut. 99

munis erit. Sed hoc est per accidens, ob vltro sibi iniectam obligationem ad restituendum, etiam in angustiis ad quas moralis impotentia deducit. Præcisè autem spectando veram debitoris impotentiam siue physicam, siue moralem, ratum esse debet, cum per illam, aduersus excommunicationem in non restituentes latam, securum esse.

Sunt qui velint, huiusmodi debitorem, vi monitorij saltem teneri obligare se creditori ad restituendum, cum ad meliorem statum deuenierit: adduntque, si monitorium simul sit ad finem reuelationis, teneri conscios curare, vt debitor modo prædicto se obliget, dummodò absque infamia possit id præstare: alioqui obstringunt conscios ad detegendum, qua obligatione eos liberant si debitor non detrectet hoc se vinculo creditori obstringere. Ita Nauar. repet. ad c. *inter verba*. coroll. 65. num. 797. Non est negandum, quin rectè facturus sit debitor, si ita se gesserit erga creditorem. Reuera tamen, nec ex natura rei, nec ex vi monitorij astringitur ad eam nouam obligationem supra eam quam ex natura rei habet sibi iniiciendam, vt rectè notauit Auila 2. p. cap. 5. disp. 5. dub. 1. & Sanchez l. 6. opusc. c. 2. dub. 24. num. 5. Illud verissimum est, si postea impotentia recedat pendente adhuc & vigente præcepto monitorij, id est neque sublato per Iudicem, neque cessione partis, neque expiratione iurisdictionis in eo qui monitorium tulit, non denique alio villo modo ex iis quibus monitorij vis potest euanescere, obligari tunc debitorem absque alia compendinatione quàm primum satisfacere creditori, alioqui incursum excommunicationem in monitorio latam, à qua in termino præfixo excusauerat cum

impotentia. Ita optimè Molina tract. 5. de iust. disp. 45. num. 4. & Suar. t. 5. 3. p. d. 20. f. 2. num. 14. Et ratio est, quia monitorium duo mandabat debitori sub pœna excommunicationis. Vnum vt solueret, alterum vt intra tale tempus liberaret se ea soluendi obligatione. Ab hoc secundo excusauit impotentia, non tamen à primo. Itaque si debitor, quàm primùm post exactum monitorio præfixum terminum negligat soluere, & restituere, incurreret excommunicationem sub qua iustus erat intra talem terminum restituere: quod consonat sententiæ Vlpiani & Celsi l. *Celsus*, ff. de recept. arbitr. & colligitur etiam ex cap. *Odaardus*. de solut. Nimirum vt supra aliquoties diximus, terminus in monitorio præfixus non ponitur ad finiendam tunc obligationem quoad eos ad quos tunc peruenerit scientia præcepti, sed ponitur ad eam illuc vsque liberè differendam, & urgendum ne executio operis indicti prorogetur ulterius. Quare si eo termino posito suppetit iusta excusatio ne tunc fiat restitutio, facienda postea illico erit, cum primùm causa à restitutione excusans, sublata fuerit.

Venio ad impotentiam restituendi in quam quis voluntariè aut etiam malitiosè se coniecerit. Vtrouis autem modo contrahatur hæc impotentia, ratum esse debet, debitorem qui & præscius sit impediendæ eo modo restitutionis, & censuræ ob eius omissionem tali tempore constitutæ, peccatum contrahere & excommunicationem, sed diuersimodè. Nam peccatum quidem contrahit ante positionem termini præfixi, atque adeò cum se facit impotentem. Sicut qui omittit Breuiarij recitationem, quia Breuiarium in mare coniecit præscius secururæ omissionis, non
tunc

tunc peccat cum omittit recitare, sed cum volens ac sciens coniecit Breuiarium, sine quo videbat se omis-
surum recitationem ad quam adstringebatur. Simili-
ter ergo se habet in re nostra debitor quoad pecca-
tum. At excommunicationem contrahit tantum, cum
terminus ei præfixus elabitur: quia censura non incur-
ritur, donec violatio præcepti sub ea lati consumme-
tur exterioris. In nostro autem negotio, violatio præ-
cepti restitutionem mandantis, consummatur tantum
cum terminus in monitorio præfixus elabitur, quia il-
luc usque fas erat restitutionem differre cum immu-
nitate à censura. Igitur eo tantum termino posito in-
curritur excommunicatio, ut rectè asserit Sayrus l. 1.
de censur. c. 18. num. 40. cum Soto & Henrique quos
profert. Nec impotentia tunc excusat, quia est volun-
taria, & respergitur malignitate contumaciæ inchoa-
tæ, quæ tunc interuenit quando præceptum viola-
tum est, præsciendo omissionem restitutionis manda-
tæ sub excommunicatione. Non dico tunc omissionem
restitutionis esse formaliter malam. Id enim non
est necessarium. Itaque tantum affirmo, eam omissionem
in termino præfixo, sordere obiectiuè labe vio-
lationis præcepti sub censura propositi. Imo ut rectè
addit Suarez s. illa 2. num. 16. quamuis tunc omissio
displiceret, tamen ex vi prioris causæ incurreretur ex-
communicatio, nisi Iudex congruo tempore interpel-
latus, eam misericorditer suspenderet, iniuncta ob
præuiam contumaciam salutari pœnitentia, quod Iu-
dex in tali euentu præstare & potest & debet.

QVÆSITVM IV.

*Num qui se iustè compensauit ligetur monitorio
restitutionem mandante.*

Respondeo non teneri, dummodò se iustè compensarit; id est dummodò debitum fuerit liquidum & certum, nec qui se compensauit plus acceperit quàm liquidò deberetur, & rem acceperit quæ verè esset debitoris; nam ex re apud debitorem deposita non licet se compensare, vt benè monet Petrus à Nauarra l. 3. de restit. c. 1. dub. 8. n. 406. & Auila 2. p. cap. 5. disp. 5. dub. 1. coroll. 2. Addit Comitulus l. 3. respons. moral. q. 39. idem esse dicendum, si compensans habeat apud se rem debitoris, iure depositi. In hac enim fieri compensationem, vetat lex vltima, Cod. de compens. Verùm hæc conditio non valet nisi pro foro externo: In conscientia autem, creditor depositarius ad eam conditionem seruandam non obligatur, vt rectè ait Lessius l. de iust. c. 27. num. 16. & Diana p. 3. tract. 5. resol. 10. Numeratur quoque inter conditiones iustæ compensationis, vt is qui se compensat, non aliam ob causam acceperit, quàm quia desperabat se vel à debitore accepturum quod iustè sibi debetur, vel facilè idem exoraturum à Iudice. Et certum est, vt compensatio vndecunque sit licita, id esse necessarium, quia nemo debet sibi ius dicere, vel per vim eripere quod temperando à violentia habere potest. Quomodo tamen hæc licitæ compensationis
conditio

conditio se habeat ad hoc negotium ; id est an idcirco qui ita se compensarit, per monitorium cogendus sit rem sic acceptam restituere , postea dicam. Nunc sufficit affirmasse, dummodò illæ aliæ iustæ compensationis conditiones sint adhibitæ , de quibus plenè Theologi vel in 4.d.15. vel 2.2.q.66. artic.5. ac quoties de restitutione disserunt , certum esse cum qui se compensauit non peccasse se compensando, & quicquid in contrarium dicat Ioan. Medina q.11.de restitut. comparasse dominium rei quam abstulit in compensationem. Ac proinde cum monitorium duntaxat iubeat , vt fiat restitutio rei alienæ malè & cum peccato retentæ , perspicuum est , cum qui se iustè compensauit non ligari tali monitorio. Ita Soto in 4.d.22. q.1.artic.2. Tolerus l.1.instruct.cap.8.num.5. Molina tract.2.de iust.d.692. Suarez t.5.3.p.d.20.f.2. Comitulus 6.respons.q.4. Lessius l.de iust.cap.12.num.61. Sayrus proferens benè multos & Scholasticos & summistas in Clauilib.12.c.14.num.29.Consentiant Iurisperiti quorum plerosque adducit Neuizanus l.3. syluæ nupt. num.51. Huc porrò respicere Cancellariam , cum monitoria ad finem restitutionis decernit tantùm aduersus filios iniquitatis alienorum detentores, obseruauit Naldus in summa v.reuelare,n.1.

Sunt qui referant, aliquando per monitorium præcipi vt omnes restituant, iis non exclusis qui in compensationem acceperint. Hoc valere potest , quando qui retinet compensasset se , non certus de alterius debito. Tunc enim quia nemo potest esse Iudex in propria causa, & possessio erat penes debitorem, malè facta fuisset compensatio, & cum obligatione ad restitutionem , etiam de damnis in quæ incurrerit ob

eam rei subductionem possessor, cuius in dubio potior debuit esse conditio. Potest item vsus ille mandandi restitutionem acceptorum in compensationem, valere quoad incrementum debiti certi quo is qui se compensauit, spoliari iniuste debitorem. Si enim illud incrementum sit notabile & sufficiens ad culpam mortalem, merito quoad illud habebit locum excommunicatio nisi fiat restitutio partis acceptæ cum iure dubio, vt benè monuit Nauar. ad c. *inter verba*. conclus. 6. coroll. 66. n. 396. & Lessius l. 2. de virtut. c. 12. num. 61. Denique valere quoque potest vsus prædictus, quando creditor se compensando intulit debitori damna quæ teneatur compensare restituendo rem quam in compensationem acceperat. Horum modorum aliquo, aliòve simili, intelligenda sunt ea monitoria, quibus expressum est, vt ea quoque restituerentur quæ essent in compensationem accepta. Et ita ea intellexerunt Angelus v. *Furtum*, num. 41. Tabienna v. *Inquisitio*, num. 7. Nauar. ad c. *inter verba*. conclus. 6. coroll. 66. num. 394. ac Philiar. de offic. sacerdot. p. 1. l. 3. c. 34. Quod si Iudex monitorium concedens, ea quoque restitui veller quæ per compensationem vndecunque iustam fuissent accepta, monitorium esset nullum, quia contineret errorem intolerabilem. Et ita rectè Medina q. 11. de restit. Gutier. l. 1. qq. Can. cap. 11. num. 67. Molina tract. 2. de Iust. d. 692. Nauar. in summa, c. 17. num. 114. & cum multis Bonacina tract. 6. ex variis p. 1. §. 6. num. 1. Neque enim Iudex Ecclesiasticus potest aliquem plectere pro actu in quo nihil peccauit; vel obligare hominem vt se spoliet re quam verè fecit suam, comparato legitime eius dominio.

Quin

Quin etiam tametsi is qui se compensauit, peccasset in eo actu, aliter quàm contra iustitiam erga debitorem; v. g. quia sibi ius dixit, & vsurpauit rem debitoris quam facile potuisset obtinere interuentu Iudicis; aut quia quomodolibet aliter transgressus esset ordinem statutum: Tamen sicut ob huiusmodi defectus non violasset ius debitoris in re sibi accipienda, ita non teneretur ad rei illius restitutionem, ac proinde non feriretur monitorio restitutionem indicente. Ac ne tunc quidem, excipio euentum in quo Iudex exprimeret vt qui se compensarunt, teneantur monitorio ni restituant. Ioannes quidem Medina C. de restit. q. 11. existimat, Iudicem in hoc euentu posse in pœnam peccati mandare, vt res accepta quæ alioqui retineri iuste potuisset, restituatur. Tamen cum compensatio supponatur facta occultè, & peccatum quod in ea admissum est fuerit occultum, nec in futurum amplius pendeat, sed sit plenè consummatum, rectè Molina d. illa 692. conclus. 2. & Lessius l. de iust. c. 12. num. 61. affirmant Iudicem Ecclesiasticum non posse plectere eo modo creditorem qui se compensauit, obligando illum ad restitutionem rei quam iuste retinet; eúmque constituendo executorem pœnæ temporalis qua illum vult mulctare pro peccato occulto, de quo illum neque conuicit, neque iudicauit, quandoquidem occultum fuisse supponitur, ac proinde non deductum in iudicium.

Cæterum si is qui se iuste compensauit, & sine debitoris iniuria rem retinet, compelleretur à Iudice, etiam intentata excommupicatione, vt proderet an rem accepisset, vel an se rei illius acceptione compensasset, & fatendo quod factum est, obuenturum esset

inde damnum creditori; puta quia Iudex rem iustè acceptam auferet, vel quia creditor insimulabitur furti aliquâve infamia inde aspergetur; fas esset creditori respondere se rem non accepisse subintelligendo, ita vt teneatur respondere. Quia enim non interrogaretur iuridicè, non teneretur respondere ad mentem Iudicis: qui proinde excommunicatione intorquens non feriret sic respondentem, cui ad declinandam omnem culpam, satis esset respondere in aliquo sensu vero, saltem ob adhibitam responsi sui appendicem mente suppressam. Ita quoad præsens negotium Nauar. in summa c. 17. num. 117. & Mol. tract. 2. d. 692. num. 3. suffraganturque innumeri quos protulimus in Opere de æquiuatione contra pseudomonachum Anglum. Si tamen creditor iustè quidem se compensasset quoad substantiam acceptionis, peccasset autem quoad modum, tunc si à Iudice interrogaretur an rem acceperit; interrogationem esse iuridicam, ac proinde creditorem teneri respondere nitidè & ad Iudicis mentem, affirmat Lessius l. de iust. c. 12. num. 62. tamen si ait contrarium non esse improbable. Mihi autem videtur longè verius, quod etiam tunc si ipsi damnum immineat ex aperta confessione, possit vti artificio prædicto; quia reuera mens Iudicis non est, interrogare an malè quoad modum acceperit, sed an iniustè quoad substantiam acceptionis: saltemque si Iudex aliud quærat, erimus extra controuersiam præsentem, quæ est de monitorio ad finem restitutionis, cuius in euentu proposito nulla iniicitur creditori obligatio.

QVÆSITVM V.

An monitorium liget donatarium non restituentem res sibi donatas contra statutum irritans, vel absque insinuatione, aut per dispositionem minus solemnes.

REspondeo 1. ligare donatarium quoad accepta contra statutum irritans donationem, càmque non modò reddens illicitam, sed etiam nullam. V.g. in quibusdam locis est statutum, quod donationem à marito moribundo factam vxori, reddit nullam, ac ne mariti quidem morte confirmabilem : contra quàm accidit iure communi, quod tamen si coniugum inter se donationes non approbet, vt liquet ex toto titulo ff. & C. *de donat. inter virum & uxorem*, tamen dissoluto per donantis obitum matrimonio, eas ratas habet. Vt habetur l. *cum hic status*. ff. *de donat. inter virum & uxorem*. Vnde non fuerunt planè nullæ. Quare si in loco vbi statutum illud huiusmodi donationes planè irritans viget, maritus aliquid occultè vxori donet, mòxque emoriatur, hæredes autem current ferri monitorium quo non restituentes bona defuncti mariti, excommunicatione percellantur, non est dubitandum quin vxor bona illa clanculum donata retinens, irretiatur excommunicatione, quia verè ob interpositum statutum à potestate idonea conditum, vxor non comparauit talium bonorum dominium. Ex quo fundamento præterpà sequitur, ad hoc vt vxor teneatur talia bona restituere, non esse expectandam

expectandam ullam sententiam, qualem expectare potest reus cuius bona ob crimen sunt fisco addicta. Non enim cum excidit dominio directo suorum bonorum, tenetur ea fisco exhibere, sed potest expectare sententiam: quia prius habuit dominium, quo excidit quidem per crimen, non tamen usu eius, & rerum suarum administratione, donec interueniat sententia, siue declarans, siue condemnans, pro varietate criminum: quæ est satis recepta sententia quam Suarez d. 22. de fide, l. 3. tradit, & contra Alphonsum de Castro obligantem in conscientia reos ad talia bona fisco exhibenda, confirmant Simancas in institut. 9. à num. 157. & Sanchez l. 2. in decal. c. 22. At in præsentī negotio nullum dominium præcessit, quia statutum acquisitionem eius præcluserit. Itaque donatarij de quibus nunc agimus, non possunt sibi retinere bona sic accepta, etiamsi non interpellentur à legitimis talium bonorum dominis. Multo igitur minus id poterunt, facta per monitorium interpellatione. Perinde porro erit, siue donatio fiat immediatè, ei quem donator cupiat retinere donum abs se factum; siue in speciem fiat tertio, sed cum promissione refundendi donum vero illi donatario. Is enim huiusce mangoniæ conscius, non facit sua quæ ad eum modum accipit. Quare tenetur illa restituere, & lato in eam rem monitorio ligabitur, nisi ad terminum constitutum restituat.

Rectè tamen & diligenter spectandum est, ut in hæreatur non verbis tantum, sed etiam menti statuti, atque adeò ut donatio per quam bona de quibus agimus sunt accepta, sit mera donatio. Nam v. g. in exemplo proposito, statuti irritantis donationem à viro

viro moribundo factum vxori, non est existimandum irritari eo statuto donationem remuneratoriam extraordinarij laboris quo vxor maritum diu languidum aliterve afflictum iuuerit: neque eam qua maritus ignobilis aut senex nobili & florenti puellę quam duxerit, elargitus sit aliquid: quam donationem iure communi prorsus valere notat cum Gomesio Lessius l. de Iust. c. 18. num. 89. nimirum quia est potius remuneratio, quàm mera donatio: quę ratio æquę probat eam donationem non irritari per statutũ de quo agimus, quod cum sit honestum & rationabile, intendit tantũ excludere acquisitionem dominij rerum donatarum, quas fallax mollioris sexus industria extorquet à maritis; non autem earum rerum quę in mercedem officiorum donantur, quorum largitio nõ tam est donatio mera, quàm naturalis debiti restitutio. Similitérque si maritus aliquid occultè donasset vxori, vt eam indemnem redderet quoad dorem, vel arrhas, aut bona paraphernalia vsurpata à marito absque scriptura publica qua vxor certa fiat ea bona sibi obuentura, statutum huiusmodi donationem non attingeret; quia verè non est donatio, sed expletio inæqualitatis inductę in bona & iura vxoris. Ac proinde vxor in eo euentu non ligaretur monitorio lato ad instantiam heredum vt restituantur bona donata contra statutum. Et idem attentè considerandum esset, quoad quæuis alia statuta irritantia donationes: ita vt statuta illa non sint censenda habere locum, nisi donatio fuerit mera donatio: proindeque non sit habendus monitorio irretitus, quisquis bona pro quibus restituendis monitorium fuerit latum, alio titulo quàm merę donationis acceperit.

Respondco

Respondeo 2. quod attinet ad donationem bonorum, quæ valida quidem fuit, sed defectu insinuationis periclitatur, monitorium planè ligare donatarium ut ea bona restituat. Hoc ut intelligatur supponendum est, iure positivo ut donatio sit valida, exigi donantis declarationem coram Iudice, tanquam teste authentico (citra iudicium ullum strepitum, & absque necessitate assensus à Iudice præstiti;) quod hæc sit mens donantis & voluntas libera, nullo metu adacta, aut dolo circumventa ad donandum, ut donatarius ex ipsius donantis bonis tantum accipiat. Ita enim cauere necessarium fuit, quoad summam magni momenti, hoc est excedentem solidos aureos quingentos, ut hominum depauperatio prohiberetur. Quoad summam ergo prædictam, id est quoad excessum solidorum quingentorum, quævis donatio cui insinuatio prædicta non accesserit, est nulla iure communi ex l. penult. §. vltimo, C. de donat. Exceptis tamen nonnullis donationibus; quas absque insinuatione validas esse, prosequitur fusè Molina tract. 2. de Iust. disp. 279. qui ibidem disp. 278. *in fine*, annuente Lessio l. de Iust. c. 18. num. 99. affirmat, non obstante defectu insinuationis, donatarium posse retinere summam donatam, indigentem ceteroqui insinuatione, quousque repetatur à donante, vel ab eius hæredibus; eo quod lex citata qua tollebatur translatio dominij quando donatio non fuerit insinuata, usu & consuetudine ita sit emollita, ut non vigeat, nisi fiat ea repetitio rei absque insinuatione donatæ: & eo usque res tuta conscientia retineri possit à donatario, etiam si conscio infirmitatis & reuocabilitatis donationis, non item donante eiusve hæredibus, quos donatarius

tarius cum suo incommodo docere non tenetur donationem factam repetitione adhibita posse reddi cassam.

Ex hac doctrina sequitur, si monitorium feratur ad instantiam hæredum, non modò vt bona occultè absque insinuatione data restituantur, sed etiam nulla facta mentione talis defectus, vt bona quæcunque ad talem testatorem spectabant restituantur, donatarium cum insinuatio alioqui necessaria defuit, teneri talia bona reddere; alioqui monitorio in non restituentes lato ligandum esse. Ratio est, quia hæc est sufficiens repetitio bonorum donatorum absque insinuatione. Imo cum supponamus latere quid datum sit contra formam iuris, hæredes non possunt alia ratione repetere bona, sicque infirmare donationem. Quare cum in re abdita pro qua ad Iudicem laicum adire non possunt, interpellent potestatem sacram, quæ etiam quoad res abditas potest vrgere, donatio planè corrumpitur, deestque in retinente rem sic donatam, idoneus retinendi titulus. Sanè si constaret palam, quæ summa fuisset donata absque insinuatione, suffecisset ad infirmationem donationis in conscientia, repetitio donantis eiusve hæredum, absque interpellatione donatarij per Iudicem laicum. Lex enim eam donationem irritam esse iubebat. Vfus autem ita legis rigorem temperavit, vt repetitio donantis eiusve successorum, requireretur ad obligandum in conscientia donatarium vt restituat: nec ea repetitio est arctata ad repetitionem iudiciariam, quæ solet scatere incommodis, & protrahi in infinitum, sed quæuis clara donantis repetitio debet sufficere, vt donatarius donationem priùs caducam & infirmam esse omnino rescissam

cissam non dubitet, teneaturque ad rem sine insinuatione acceptam, restituendam. Nemo autem non videt repetitionem interuentu monitorij factam, saltem æquiuale re simplici repetitioni factæ extra iudicium à donante eiusve hæredibus. Nam monitorium cum ad instantiam partis sit latum, non modò præfert voluntatem superioris Ecclesiastici mandantis restitutionem, sed etiam voluntatem donantis de recuperanda re sua, iuxta fauorem legis statuentis rem sic donatam esse repetibilem. Nec refert, quòd quia res occulta est, non possit eam signatim & nominatim reposcere. Sufficit enim quod repetat eo modo quo potest. Quare non est par ratio istius donantis, & illius quem supra dicebamus ignoratione fauoris lege concessi silere, & rem absque insinuatione donatam non repetere, quam proinde tunc donatarius licitè retinet, quia non repetitur. At in euentu de quo agimus, non deest repetitio sufficiens vt est monstratum.

Respondeo 3. quoad ea quæ quis habuit ab alio per dispositionem minùs solemnem, distinguendum esse de dispositione per testamentum, & de alijs dispositionibus. Nam quamuis aliqui vniuersè pronúcient, dispositiones quascûque absque præscriptis à iure solemnitatibus, inanes esse & dominium non transferre, quod sentiunt Vasquez Opusc. de Testam. c. 3. dub. 1. Suarez §. de legibus c. 24. num. 4. & ferè Valent. 2. 2. d. §. q. 6. p. §. 2. & Bonac. q. 1. de contract. p. 3. num. 2. Tamen verior sententia, agnoscit contractus quidem minùs solennes irritos esse, etiam in foro interno: at Testamenta quanuis minùs solemnia, valere in foro conscientiæ, cum euidenter constat de verè expressa in eis voluntate testatoris, quamuis leges ciuiles

les quia non adhibitis solemnitatibus præscriptis præsumunt fraudem, non admittant testamenta minùs solemnia ad faciendam fidem de testatoris voluntate. Quod declarauit Innoc. II. cap. *quod sicut, & quia propter.* de elect. Disertèque idem habet Iustinian. l. *et si inutiliter.* & l. ult. C. de fideicomm. necnon Plinius l. 2. epist. ad Annianum, & l. 5. epist. ad Caluissium. Ex recentioribus idem benè statuunt Lessl. l. de Iust. c. 19. à num. 12. Mol. tract. 2. disp. 81. Comitulus 7. respons. q. 1. Reginald. l. 25. prax. num. 105. Mald. tract. 1. de Iust. c. 11. dub. 5. & alij. Quare si quis accepisset bona alicuius, per testamentum quidem minùs solemne, sed tamen cum euidèntia de voluntate testatoris, & fraudis cuiusuis exclusione, fecisset ea bona verè sua, nec teneretur monitorio lato aduersus eos qui bona testatoris prædicti accepissent. Secus verò esset de iis bonis quæ ad aliquem venissent per aliam dispositionem minùs solemnem. Nam quia quoad eam, iura cassum reddunt actum, nec ex verbis legis, vel aliunde, apparet mentem legislatoris fuisse, vt actus valeat si fraus defuerit, meritò existimatur eam dispositionem esse prorsus irritam, etiam in foro interno & dominium non transferre. Ac proinde si feratur monitorium vt bona quæ quis à tali habuerit restituantur, ligabit quoad bona ab eo per huiusmodi dispositionem iure legitimo cassam accepta. Sunt tamen qui non modò testamenta, sed etiam quosuis contractus & dispositiones, dummodò apertè constet de voluntate contrahentium & disponentium, velint valere in foro interno, non obstante solemnitatum iure indictarum prætermessione: eo quod leges ciuiles non abstulerint eis vim quam natura sua habent ad dominij

H translatio

translationem. Esto dicantur interdum inualidæ per ius positivum, quia ius concedit alteri contrahentium, facultatem petendi rescissionem contractus sic initi; aut quia non dat vi eius, actionem in foro externo. Ita Sotus l. 4. de Iust. q. 5. artic. 3. post Victoriam, Sylvestrum, Adrianum, & Panormitanum. Iuxta quorum Doctorum sententiam, qui haberet bona alterius interuentu dispositionis minus solennis, si euidenter ipsi constaret de voluntate disponentis, posset ea retinere non obstante monitorio restitutionem alienorum præcipiente. Quæ sententia non est planè improbabilis, quamuis altera cui adhæsimus, nobis & longè probabilior, & sola simpliciter vera ac sequenda videatur.

QVÆSITVM VI.

An qui rem habet sibi debitam, cum sunt creditores ipso anteriores, ligetur monitorio restitutionem indicente.

Respondeo non ligari, quia Iudex Ecclesiasticus intendit tantum obligare ad restituendum id quod non potest retineri absque peccato. Atqui sententia quæ tradit talem possessorem in eo cunctu, non teneri in dispendium suum gratificari anterioribus debitoris suis creditoribus, sed posse iuste retinere quod è debitoris sui rebus habet, est valdè probabilis ac tuta. Docet eam Comitulus l. 3. respons. q. 39. Fernand. p. 4. exam. c. 5. num. 13. Diana p. 3. tract. 5. resolut. 10. Igitur,

Igitur, quod ſpecialiter expreſſit Comitulus, etiamſi interueniat monitorium mandans reſtitutionem bonorum debitoris, fas eſt creditori poſteriori, retinere bona ſibi alioqui debita quorum factus eſt compos. Suffragantur apertè, quotquot exiſtimant, creditorem non teneri reſtituere rem ſibi debitam quam ei in ſolutionem tradidit debitor non ſeruato ordine iuris, contra bonum anteriorum creditorum, qui præferendi erant cum omnes ſunt creditores tantum perſonales, abſque ſpeciali hypotheca aut pignore, quibus aliqui rem traditam ſibi deuinctam habeant. Negant quidem iſtud, Azorius t. 3. lib. 4. c. 36. q. 8. & Torres 2. 2. tomo 2. diſp. 19. *in fine*. Tamen meliùs affirmant Rebellus p. 1. l. 2. q. 19. num. 15. Leſſ. l. de Iuſtit. c. 15. n. 41. ac Molina tract. 2. de Iuſtit. diſp. 536. *ſub finem*. Et ratio eſt quia quamuis debitor proprio motu ſic ſoluens, violauerit ordinem iure ſtatutum; tamen creditor poſterior, neque titulo iniuſtæ acceptionis tenetur reſtituere, neque titulo rei acceptæ. Verè enim habet quod ſibi debetur; & rem ſic acceptam retinendo, cum nullius iure inæqualitatem inducit. Quæ ratio vniuerſaliter militat in hoc negotio, quomodo- cunque creditor rem debitoris habuerit. Ergo ſi per monitorium vrgeatur ad eam reddendam, ſiue eam debitor creditori poſteriori tradiderit, ſiue ipſe creditor aliunde eam habuerit, non ligabitur monitorio, quod tantum poteſt obligare ad reſtituendum ea quæ iniuſtè & cum peccato retinerentur.

QVÆSITVM VII.

*Monitorium ad finem restitutionis, an vinciat eum
qui ritè rem præscripsit.*

Respondeo non vincire. Ita Nauarrus Consil. 35. de sent. excom. num. 8. & Auila 2. p. c. 5. disp. 5. dub. 1. illatione 3. Et ratio est perspicua, quia per vsucapionem & præscriptionem, res fit propria vsucapientis & præscribentis. Nec tâtum fit propria quoad dominium vtile, vt quidam Iurisperiti senserunt de rebus immobilibus, sed etiam quoad directum, quomocumque se habeat prior Dominus; id est siue sit conscius translationis dominij rei suæ, siue nescius: & siue neglexerit rem suam recuperare, siue nō neglexerit: & quod non benè aliqui spectari volunt, vt Comitulus 7. respons. q. 17. siue prior dominus grauitè negligens fuerit, siue non fuerit: Quomocumque inquam se habuerit prior dominus, ritè facta præscriptio, transfert rei præscriptæ dominium, etiam in foro conscientiz, quod malè negarunt nonnulli apud Argentinatē in 4. d. 15. artic. 4. quæst. 7. rectè autem asserit idem Argentinas, & Scotus ead. dist. q. 2. *litera G.* Caietanus v. *præscriptio*. Mol. tract. 2. de iust. disp. 61. Less. l. 2. de virtut. c. 6. num. 50. & passim cæteri. Nimirum ita valere necessarium fuit, ad Reip. tranquillitatem curandam, ac tollenda innumera iurgia, & firmandam dominiorum certitudinē, vt Caius Iurisc. notauit l. 1. ff. de *vsucap.* Nec hac in parte reclamant Pontifices. Nam cap. *vigilanti.* & cap. vltimum

num de præscript. solùm reprobant præscriptiones malæ fidei, quas ius ciuile admittebat. Dummodò igitur bona fides præscribentis interueniat, aliæque conditiones legitimæ præscriptionis, quas plenè persèquuntur Mol. tract. 2. de iust. disp. 65. & Anast. Germon. l. 3. de sacr. immunit. c. 18. qui præscripsit, fit dominus rei præscriptæ, atque ad eam sine culpa retinet. Vnde sequitur, cum non vrgeri monitorio lato ad finem restitutionis rerum alienarum, cum culpa retentorum, cuiusmodi non sunt res quæ retinentur titulo præscriptionis vel vsucapionis. Loquor vt multi, quamuis non me lateat quàm alia sit eorum vocum legitima notio, vt videre est apud Couarruiam reg. *possessor*, p. 1. initio, & apud Alciatum ad l. *ut sunt*. ff. de verb. signific.

Hæc cum rata sint quoad præscriptionem iure communi inductam, addendum sigillatim est, id non valere quoad præscriptiones quæ in quibusdam regionibus aut ciuitatibus inductæ sunt per leges particulares regnorum, vel statuta ciuitatum. V. g. in quibusdam locis est statutum, vt famulus qui intra decennium debitas mercedes non reperierit, careat iure illas reperendi, eo quod domino sint præscriptæ. Hoc autem statutum esse iniustum, & non exculare debitorem scientem ab initio se eas mercedes debere, affirmant Nauarrus in summa c. 17. num. 85. Ancharanus ad cap. *peccatum*. de reg. iur. in 6. Couarr. reg. *possessor*. p. 2. §. 11. num. 3. & 4. Alfonso de Castro l. 2. de lege pœnali c. 10. Molina tract. 2. de iust. disp. 67. conclus. 1. Nimirum deest in huiusmodi præscriptionibus bona fides, sine qua non acquiri dominium, sanxit ius Canonicum. Itaque eos qui sic mercedes &

alia huiusmodi præscripserunt, ligari monitorio mandante restitutionem alienorum, notauit Graffis p. 1. decis. l. 4. c. 8. num. 19.

QVÆSITVM VIII.

Num depositarius rectè negaturus rem suam domino, vrgeatur monitorio ad eam reddendam.

Respondeo non vrgeri, & tamen si non restituat, immunem fore à censura lata contra non restituentes. Ratio est, quia Iudex ferens censuram, non aliud quærît quàm vrgeret detentorem rei alienæ, vt non omittat eius restitutionem ex graui præcepto necessariam, cuiusmodi non est in eo euentu restitutio depositi, vt supponimus. Neque enim depositarius, semper tenetur domino reposcenti restituere quod apud ipsum fuit depositum, sed aliquando potest negare illud cum laude, vt si reposcatur ensis à furioso ad patrandum homicidium: In quo euentu negandum esse ensẽ depositum, etiamsi iuramentum de eo reddendo quoties reposceretur fuisset à deposita io præstitum, habetur cap. *nẽ quis.* 22. q. 2. Nimirum quamuis liberum sit deponenti, rem suam reposcere quoties libuerit, etiam ante tempus quod fortè depositioni & custodiæ fuisset constitutum, quia ea custodia regulariter fit in gratiam deponentis, qui proinde potest pro libito mutare voluntatem: vt habetur l. 1. ff. *depositi*: Quamuis inquam hæc ita se habeant, tamen vt rectè prosequitur Molina tract. 2. de Iust.

Iust. disp. § 26. fas est depositario negare depositum, quoties deponens in suum aut aliorum damnum rem suam repetit; vel quoties deponens alienam rem deposuit, & dominus verus comparet, reposcens rem suam; aut denique quoties deponens excidit bonis omnibus per confiscationem. Et in hoc quidem tertio euentu, liberum est depositario reddere aut negare rem ei qui deposuit, vt probat Lessius l. de Iust. cap. 27. num. 14. In secundo autem euentu, & in primo cum damnum impendit tertio, obligatur per se loquendo depositarius rem negare reposcenti, alioqui si præscius damni iniuste tertio impendentis ex restitutione rei depositæ, eam nihilominus reddat, violabit Iustitiam, concausando iniustum alterius damnum, quod negata ad tempus re sua domino, vel negata furi re per eum deposita, auerteretur. Et ita rectè Sotus 4. de Iust. q. 7. artic. 2. & Rodericus in Summa p. 1. c. 153. num. 8. Quare in omnibus huiusmodi euentibus in quibus depositum ex quacunque tandem idonea causa negatur, monitorium non ligat depositarium, etiamsi non restituat, vt rectè statuunt Nauar. cap. *inter verba*. coroll. 65. n. 797. Sanchez l. 6. Opusc. c. 2. dub. 24. num. 2. & Sayrus in Clauil. 12. c. 14. n. 31. meritò tamen obseruans, adhibendum esse remedium intra terminum in monitorio assignatum, vt cessante causa honestante depositi negationem, v. g. elapso periculo iniusti damni proximo inferendi, si tunc res deposita restitueretur, res illa securè regre-
diatur ad verum dominum.

QVÆSITVM IX.

An qui rem alicui solo promissionis à se factæ titulo debitam habet, monitorio de restituendis promissarij rebus lato, ligetur ad eam exhibendam.

Respondeo, non ligari, etiamsi promissio fuerit acceptata. Ratio est, quia promissio vel obligat ex sola fidelitate, vel ex iustitia. Priorem obligationem non consequitur morale debitum aliquid restituendi, si is qui promisit mutet sententiam, & promissionem exequi renuat. Nec nisi hanc obligationem ex promissione creari, censent Richard. in 4. d. 38. art. 3. q. 3. Caiet. 2. 2. q. 113. *ad finem*, Mol. tract. 2. de Iustit. d. 262. Henric. l. 13. c. 17. num. 5. & alij quos protuli l. 4. de virtut. num. 185. eorumque sententiæ subscripsi num. 186. Si autem promissio obliget ex iustitia, non modò latè dicta, cuiusmodi est fidelitas quæ non nisi decentiæ obligationem ingenerat ad exhibendam rem promissam, sed etiam ex pressè & propriè dicta iustitia, vt affirmant varij DD. quando mens promittentis fuit eo se arcto modo astringere inter promittendum, ne sic quidem existimandum est, eum qui promisit ligari monitorio de quo agimus. Esto enim verum sit iuxta eam sententiam, illum qui promisit teneri, ex iustitia, atque adeò ex genere suo sub culpa graui, stare promissis, & tradere rem promissam, vt affirmat Molina tract. 2. disp. 262. & Sotus l. 7. de Iust. q. 2. artic. 1. ad 1. tamen quia promissarius nondum
habet

habet ius in re, sed tantum ius ad rem, is qui promissit non vrgetur monitorio mandante restitui res alienas: neque enim res promissa, est verè res promissarij. Fa-
ctor dato quod promissio obliget sub mortali; (id quod puto accidere posse, etiamsi eius obligatio non sit iustitiæ pressè & strictè acceptæ,) Iudicem Eccle-
siasticum posse per excommunicationem vrgeri cum qui promissit vt stet promissis, caueatque mortalem culpam. Tamen præceptum sub ea excommunicatio-
ne latum, non esset monitorium ad finem restitutio-
nis rerum alienarum de quo nunc agimus. Itaque quomocunque de vi obligandi per promissionem statuatur, rectè negatum est, cum qui rem habet solo promissionis titulo alteri addictam, teneri eam pro-
ferre ac reddere, vi monitorij mandantis restitutio-
nem rerum alienarum.

QVÆSITVM X.

*Qui rei aliena pretium latroni numeravit, an moni-
torio ad eam reddendam ligetur, negata aut
non sperata refusione pretij.*

R Espōdeo, distinguēdo de emptore bonæ & malæ fidei. Is emptor mala fide emit à latrone, qui cō-
scius vel dubius quod res esset aliena, numeravit pro ea pretium vt illā sibi haberet. Bona autem fide emis-
se is dicitur, qui inuincibiliter ignorans rem fuisse furto subductam, aut esse alienam, appendit pro ea pretium: Vel qui cōscius rem fuisse furto subductam,
H s tamen

tamen eam à latrone numerato pretio accipit, eo animo vt domino restituat, si contingat illum comparere, alioqui eam sibi retenturus. Emptor ille malæ fidei, rem non facit suam, sed eam vero domino tenetur reddere, etiam cum pretij iactura, si dominus nolit illud refundere: nec potest rem furi reddere, vt facta contractus rescissione pretium datum recuperet ab eo. Ita Rebellus 1.p.l.2. q.9.num.6. Sanchez l. 2. de Matr. disp. 41. à num. 27. Sayrus in Clau lib. 10. tract. 2. c. 3. n. 5. & alij quos isti proferunt. Qui autem à latrone bona fide emit, quamuis iuxta Sotum l. 4. de iust. q. 7. artic. 2. Medinam q. 10. de restitut. Couarruiam reg. *peccatum*, 3. p. ad initium num. 3. & Molinam tract. 2. de iust. disp. 722. teneatur rem à fure emptam, domino comperto reddere, etiam cum pretij dispendio si dominus nolit illud refundere; nec possit rescindendo contractum rem latroni reddere vt pretium à se datum recuperet: Tamen iuxta sententiam valdè probabilem, potest contractum rescindere, & pretium suum quod aliter perderet, recuperare. Ita Nauar. in summa cap. 17. num. 9. Toletus l. 5. in instructionis, c. 17. num. 12. Philiarcus part. 2. de offic. Sacerdot. l. 6. cap. 18. Rebellus 1.p.l.2. quæst. 9. num. 3. Valentia 2. 2. d. 5. quæst. 6. p. 4. Lessius l. de iustitia, cap. 14. num. 14. Bonacina d. 1. de restitut. q. 4. p. 2. Torres t. 2. disp. 13. dub. 2. qui proferunt plerosque alios. Et ratio est, quia emptor bonæ fidei, nec ex charitate, nec ex iustitia tenetur cum rerum suarum dispendio & pretij amissione, agere alterius procuratorem. Itaque ne pretium perdat, potest furi reddere quod ab eo acceperat, si existimat negandam à domino pretij refusionem: vt sanè in foro externo eam refusionem

Vires monitorij ad restitut. 123

fusionem negare potest, & absque ea vendicare sibi rem suam, vt habetur l. *si in civilem*. C. de furtis. & l. *si mancipium*, ac l. *si mater*, C. de rei vendicat. Nominatim verò emptor ille bonæ fidei qui numeravit pro re aliena pretium furi vt domino gratificaretur, iustè reposcit à domino pretium à se numeratum, quia negotium domini vtiliter gessit; vt rectè affirmant Couarruias ex multis reg. *peccatum*, p. 3. ante §. 1. num. 5. & Lessius lib. de iust. cap. 14. num. 20. & cap. 21. num. 136. Idem docent Molin. tract. 2. d. 118. *sub finem*, & Sanchez l. 2. de matrim. d. 41. num. 29. agentes de illis quæ hostes iniusti diripuerunt, & ab aliis iniustitiæ consciis, emuntur reddenda dominis si compareant.

Iuxta hæc principia, respondendum est ad quæsitum propositum. Qui igitur rem alienam emit mala fide, ligatur monitorio rerum alienarum restitutionem indicente, quantumvis deberet perdere pretium. Nec potest rem latroni reddere vt pretium recuperet, quia non potest sine graui peccato rem alienam habere sibi, vel latroni committere. At is qui rem furtiuam emit bona fide, non vrgetur monitorio ad eam reddendâ cum pretij dispendio si latro compareat, & rescisso contractu possit ab eo recuperari pretium quod dominus nolit refundere. Quamuis enim controuerti possit, an Iudex fori secularis possit edicere vt emptor bonæ fidei reddat domino rem furtiuam cum iactura pretij, & sint qui admittant, emptorem post sententiam teneri rem non soluto pretio reddere; tamen, quia Iudex Ecclesiasticus ferens monitorium, intendit tantum liberare à malo statu personam cui excommunicationem intentat, nec nisi in eum finem potest

potest præcipere rei temporalis restitutionem: propterea emptor bonæ fidei qui non est in malo statu, non potest per monitorium vrgeri ad rem domino reddendam, & pretium quod numerauit amittendum, si possit eam furi reddere, & contractu rescisso pretium suum recuperare. Nec est verum, quod id faciendo, rem in peiori statu collocet. Reponit enim eam in illomet statu quem habebat ante emptionem, ad quod duntaxat tenetur. Vt autem cum suo dispensio faciat eam perstare in statu quem habet cum eam furi reddit, nihil est quod eum astringat. Quod si fur non compareat, & emptor negotium domini fideliter gesserit, emens rem furtiuam vt domino cum is comparuerit restitui queat, tunc videtur perspicuum, fas esse emptori rem retinere pro pretio malè negato à vero domino, nec monitorium vrgeri talem emptorem ad iacturam pretij consecuturam rei restitutionem. Ratio est, quia in illo euentu ea rei retentio non est iniusta, cuiusmodi tantum est ea retentio alieni quam Iudex Ecclesiasticus monitorij intorsione tentat auertere. Si denique fur quidem compareat, sed emptor non velit cum eo rescindere contractum, ac pretium suum repetere; vel quantumuis enitatur ad recuperandum suum pretium, cogatur tamen illud amittere ob potentiam vel egestatem latronis; (& idem esset si fur non compareret, nec emptor gessisset se pro vtili procuratore domini rem emendo à fure:) Tunc quia emptor ratione rei acceptæ tenetur ad eius restitutionem, etiam cum iactura pretij, fatendum est eum ligari monitorio lato ad finem restitutionis, nec excusari quominus restituat, quod inde consecutura sit iactura pretij. Quâquam si rem bona fide emptam distra

Vires monitorij ad restitut. 125

distraxisset, & bona fide eodem pretio vendidisset, tunc emptor bonæ fidei liber esset obligatione restitutionis, atque adeò non vrgeretur monitorio. Ita Petrus à Navarra l. 3. de restitut. c. 4. p. 3. dub. 6. num. 171. Sanchez l. 2. in decalog. c. 23. num. 4. & 25. Philiarcus c. 18. citato, Toletus l. 5. instruct. c. 17. num. 8. Valentia 2. 2. d. 5. q. 6. p. 3. Molina tract. 2. d. 721. num. 6. Lessius l. de iustit. c. 14. n. 4. & 29. Ex quo videas, quàm verè Vasquez qui in contraria est sententia 1. 2. d. 172. num. 4. dicat, omnes ei subscribere.

QVÆSITVM XI.

An donatarius vel hæres institutus data fide de bonis indigno refundendis, ligetur monitorio ad ea bona restituenda illi cui iure alioqui essent obuentura.

Respondeo non ligari ante sententiam criminis sui condemnatoriam. Ratio est quia ea donatione vel institutione in hæredem, factus verè est dominus huiusmodi bonorum, quia nullum est ius quod illum inhabilitet ad comparandum tale dominium: in quo differt à filio spurio, qui nõ potest hæres institui, vt habetur authent. *licer.* C. de natur. lib. Vnde talis filius, ante omnem cõdemnationem debet hæreditatem malè sibi traditam transmittere ad idoneos ac legitimos hæredes. Et proportionem seruata, idem est de donatione cum est per leges irrita. At hæres & donatarius de quibus agimus, carent prædicta inhabilitate,

bilitate, proindèque possunt tuta conscientia retinere sibi bona ad eum modum accepta, vt rectè sensit Co-uarr. epit. de matrim. p. 2. cap. 8. §. 5. num. 8. Azor. p. 2. l. 2. c. 10. q. 4. Sanchez l. 4. opusc. c. 3. dub. 20. num. 9. & 11. Lazarius s. 3. q. 5. num. 4. Molina tract. 2. de Iustit. d. 169. conclus. 5. repugnantibus tamen Bartolo l. vltima, ff. de his quibus vt indig. Soto l. 4. de Iust. q. 5. art. 1. Ludouico Lopes p. 2. instruct. c. 19. aliisque nonnullis, qui obligant hæredem institutum data fide de bonis spurio refundendis, vt ea fisco confestim restituat ante quamcunque condemnationem. Sed sententia cui adhæsimus, tuta est, & satis recepta. Ea verò supposita liquet, talem hæredem vel donatarium cum sit verè dominus bonorum illorum, non ligari monitorio ad ea restituenda. Ligabitur tamen si monitorium feratur post sententiam condemnatoriam; quia tunc tenebitur bona illa cum peccato parta restituere: in pœnam quippe illius mulctabitur; & meritò, vt tradit Baldus l. si quis Presbyter. C. de Episc. & cler. Grauitè enim in bonum publicum deliquit, dando fidem in fraudem eorum quibus talia bona iure obuennissent, & faciendo vt noxius qui legibus priuatus erat facultate transferendi bona in personam indignam, v. g. hæreditatem (nō enim dona,) in spurium, euadat pœnam lege statutam, possitque bona sua ad spurium deuoluere, quem leges in odium paterni sceleris, volebant beneficij illius expertem esse.

Si tamen hæres cum eo artificio institutus, vel donatarius, fidem non dedisset de transfundenda inhabilibus personis hereditate aut bonis, non posset condemnari ad ea reddenda, quia deesset crimen fidei contra leges datæ: atque ita non ligaretur monitorio
de

de iis restituendis quæcunque condemnatio interuenisset, quia tunc condemnatio iniusta foret, nec cum verè priuaret dominio bonorum sic acquiritorum. Quare liberum ipsi esset, negare quod alienum quicquam retineat. Imo vt Couarruias in Epit. de Matr. p. 2. cap. 8. §. 5. & Molina disp. illa 169. conclus. 5. affirmant, quamuis in specie interrogaretur à Iudice an haberet bona talis testatoris aut donatorij, non teneretur absque semiplena probatione præuia, aut aliquo semiplenæ probationi æquivalente, respondere ad mentem Iudicis, quamuis fidem malè dedisset de bonis illis refundendis personæ legibus inhabili ad ea immediatè à testatore aut donatore recipienda: quia interrogaretur vt reus, atque ad eò ad pœnam irrogandam: reus autem non tenetur ad mentem Iudicis respondere, nisi interrogetur iuridicè, quod non contingit nisi interrogetur præuia semiplena probatione, aut aliquo ei æquivalente. Si ergo hæredi vel donatario qui grauiter deliquit, fas est interrogationem non iuridicam eludere, ne mulctetur, & bonis cum culpa comparatis excidat; quidni eundem fauorem præstemus hæredi & donatario qui nullo modo peccarit, quia fidem transfusionis bonorum contra leges non dedit, si ita respondere necessarium sit, ne malè mulctetur, & bonis excidat ob præsumptionem datæ fidei in fraudem legis? Existimo id esse perspicuum. Addo verò, huiusmodi hæredem aut donatarium qui fidem malè non dedit, posse postea pro arbitrato bona sic accepta elargiri personis illis inhabilibus, v. g. spurio. Dabit enim quod suum est, & spurio validè ab eo poterit accipere, quia id illi non vetatur, vt rectè notauit clarum iuris annis superioribus lumen Hieronymus

Hieronymus à Laurentio in decisionibus Auenionensibus decis. 42. num. 3. Nec obstabit quod fortassis qui donauit vel hæredem instituit, id fecerit ex certa spe quod iste amicus, bona illa sic relicta transmissurus esset ad personam quæ à testatore vel donatore accipere; legibus vetabatur. Hoc inquam non obstabit licitæ & validæ transfusioni donorum vel hæreditatis in personas indignas: quia illa spes non facit quin donatarius aut hæres sic institutus, sua gratis donec personæ respectu donatoris vel testatoris inhabili. In his ergo euentibus, monitorium non vrgeret ad quicquam restituendum vlli alteri ius habituro in bona prædicta si hæc dispositio non interuenisset: quia iudex monitorium cōcedens, non intendit cuiuspiam eripere quod suum est. At vidimus hæreditatem illam & dona, verè esse hæredis sic instituti & donatarij.

QVÆSITVM XII.

Num vxor & filij, ligentur monitorio indicente restitutionem rerum mariti vel patris, ad eius instantiam lato.

Respondeo, si ex verbis, aut aliunde constet, mentem mariti vel patris ferre, vt nemo excipiat, verè hos quoque ligari tali monitorio, & teneri sub excommunicatione in eo intentata ad restitutionem summæ cuius retentio esset lethifera: quæ summa, regulariter loquendo, maior esse debet quàm cum furtum est ab externis admissum, vt Molina rectè notauit

uit tract. 2. d. 686. num. 11. At si non constet de mente mariti vel patris ad cuius instantiam monitorium est concessum, coniectare sagaciter oportebit, quid ferat illius intentio. Nam Iudex ferens monitorium, non plures intendit ligare quàm pars monitorium poscens intendat. Itaque quia ut plurimum maritus & pater, nolunt cum coniuge & liberis præsertim non emancipatis, agere quoad hoc eodem rigore quo cum externis, præsumi tutò potest non esse eius mentem, ut excommunicatio cadat in personas adeò coniunctas, quando ut dixi, nihil interuenit unde ingenerari possit de contraria eius mente, iustum iudicium aut saltem dubium. Est in hac re magno iudicio & attentata circumspectione opus, quandoquidem prudentis arbitrio diiudicanda est, ut rectè affirmant Soto l. 5. de iust. q. 3. artic. 1. Toletus l. 1. instruct. cap. 10. num. 7. & Molina supra, num. 12. Cum autem prudens arbitrium cæcutiuerit, & dubium verè fuerit, quæ sit mens partis quæ monitorium poposcit, tunc quia constat de præcepto & adiuncta ei excommunicatione, nec constat de excusatione ab eis, censendum est, uxorem & filios ligandos esse monitorio, nisi vel intra præfixum terminum restituant, vel remissionem à patre aut marito obtineant. Hac autem remissione obtenta, complices quoque furti, vel emptores quicunque rei per uxorem aut liberos malè subductæ, liberantur onere restituendi, nec subiacebunt monitorio etiamsi nihil restituant. Sunt enim accessoria quæ sequuntur naturam principalis, ut benè quoad hos ipsos notauit Rodericus in summa p. 2. c. 47. num. 17.

QVÆSITVM XIII.

Quid si monitorium ob mariti, vel patris bona restituenda, ad creditorum, vel fisci instantiam sit latum.

Respondeo, si in eo euentu bona mariti vel patris quæ penes vxorem aut liberos sunt, non possint ab eis absque mortali culpa retineri, ligantur monitorio: sin autem eiusmodi sint ea bona, vt ab vxore aut filiis absque peccato mortali retineri queant, tunc monitorium has personas non ligat, & etiamsi non restituant, sunt immunes à censura. Hęc resolutio erit perspicua, si ritè statuatur, quæ sint ea bona quorum retentio per personas prædictas potest vacare labe mortali, siue agatur de creditoribus, siue de fisco bona patris aut mariti sibi deposcentibus.

Si igitur creditores per monitorium vrgeant de-
rentores bonorum debitoris ad ea reddenda, censetur
vxor posse absque culpa retinere ea mariti bona
quæ acceperit ad compensandum debitum dotale,
vel aliud quod maritus respectu vxoris possit contra-
here iuxta leges & statuta regionis. Item respectu &
vxoris & liberorum, talia censentur quædam prorsus
necessaria vtensilia, & quæcunque similia ad vitam
omnino necessaria; quorum asportatio secreta per
vxorem & filios habetur innoxia; iuxta ea quæ tra-
dunt plerique DD. agentes de decoctoribus, & iis qui
in tam magno sunt ære alieno, vt nō sint soluendo; &
quamuis

quâvis adhuc nonnulla possideant, tamen iure fortunis omnibus sunt euerſi. Iſſis enim decoctoribus vitio nō vertitur, quod aliqua ex ſuis bonis qualia diximus ſibi retineant, quia quoad ea creditores eſſent irrationabiliter inuiti. Similitérque dimitti poteſt reſtitutio per debitorem, ſi ex reſtitutione ei immincat corporis, aut etiam vitæ detrimentum, vt notant Nauarra l. 2. de reſtit. c. 4. num. 405. & Leſſ. l. de iuſt. c. 11. à num. 86. qui ibid. c. 16. num. 20. exiſtimat, debitorem pari graui neceſſitate cum creditore laborantem ratione morbi, famiſ, nuditatiſ, non teneri reſtituere; ſiue debitum ſit ortum ex furto ſimilive delicto, ſiue ſit ortum ex contractu: dummodò debitor non coniecerit creditorem in eam grauem neceſſitatem, ſed caſu aliunde in eam inciderit. Non ſolùm enim in pari extrema neceſſitate debitoris, (quanquam ne hanc quidem excipit Lorca 2. 2. diſp. 38. de charit. num. 11. reiectus ab Ægidio ibid. n. 171.) ſed etiam in graui, videtur melior eſſe conditio poſſidentis, qui creditorem ſuum in parem grauem neceſſitatem non coniecerit. Hæc igitur quæ de debitore reſpectu creditorum traduntur à Doctõribus, annuentibus vt iſ aliqua ſibi bona retineat nec reſtituat; æquè valent pro vxore & liberis, qui cum debitore cenſentur vna & eadem perſona. Nam idcirco DD. quæ de excuſatione à reſtitutione ob grauem aut extremam neceſſitatem propriam, aſſerunt; extendi ſimiliter volunt ad neceſſitatem ſimilem vxoriſ ac liberorum: eo quod tam arcta coniunctio quæ marito aut patri cum perſoniſ illiſ intercedit, efficiat vt iuſtè tantam neceſſitatem præferre poſſint obligationi reſtituendi, qua aſtringuntur creditoribus, in eo euentu in quo propria ex-

I 2 trema

trema aut grauis necessitas à restituendo excusare. Sicut igitur in tali euentu pater aut maritus debitor, posset tali filiorum vel vxoris necessitati consulere, non restituendo creditoribus quæ eis alioqui debet; ita iidem liberi & vxor, ex patris vel cõiugis facultatibus tantundem sibi retinentes in eo articulo necessitatis, non peccabunt: atque adeò non percellentur excommunicatione aduersus non restituentes ad creditorum instantiam vibrata.

Idem proportionem seruata statuendum est de bonis mariti aut patris, ab vxore aut filiis post delictum mariti vel patris occultatis in fraudem fisci. Ex quo enim maritus ille aut pater excidit suorum bonorum dominio, factaque est translatio eius in fiscum, non possunt bona illa ab vxore aut liberis retineri absque graui culpa, & obnoxietate ad censuram contrahendam si in eorum detentores feratur, nisi essent qualia iam circa creditores excepimus. Translatio autem dominiij bonorũ hominis noxij ad fiscum, quãdoque fit ipso facto, ita vt ad summũ necesse sit interponi sententiã declaratoriã criminis: (eam enim saltẽ sententiam exigi, mitior sententia fert, quam latè confirmat Sanchez l. 2. in decal. c. 22. à n. 3.) quãdoque autẽ vt translatio illa dominiij fiat, exigitur sententiã condẽnatoria. Igitur pro varietate delictorum quibus hæc aut illa bonorum confiscatio est adiuncta, (de qua varietate pronunciare Iurisperitorum est,) variè quoque in hoc puncto est respondendum; & statuendum an vxor & filij occultantes bona mariti aut patris bonis suis ob delictum aliquod excidentis, ligentur monitorio indidente restitutionem eorum patris aut mariti bonorum, quæ differant ab iis quorum retentionem hisce personis

personis circa creditores concessimus. Nomine porro bonorum, veniunt etiam debita. Vnde vt Molina benè aduertit tract. 2. de iust. disp. 741. num. 7. Si contingat tempore latæ sententiæ confiscationis, deberi aliquid reo soluendum in futurum, debitor tenetur eam fisco soluere, non reo qui iure in bona sua excidisse supponitur. Si tamen debitum caderet in aliquid certum in indiuiduo, idque per ignoratiam inuincibilem debitoris, traderetur reo eiusve hæredibus, nulla superesset obligatio quicquam fisco restituendi; siue ex parte rei acceptæ, quæ ultra non extat apud debitorem, siue ex parte iniustæ acceptionis, quam inuincibilis ignorantia exclusit. Quamuis enim verè non fuisset res illa reo eiusve hæredibus tradenda, tamen sine peccato (vt supponimus,) tradita est. Quare si monitorium edicat omnia rei bona restitui, debitor ad nihil tenebitur, nisi ad curandum quantum commodè & absque suo damno poterit, vt ij quibus per errorem inuincibilem soluit, fisco restituant. Isti verò ligabuntur tali monitorio, & obstringentur ad eam rem fisco reddendam, postquam adhibitæ fuerint solemnitates iure præscriptæ, vt reus bonorum suorum dominio planè excidat.

Q V Æ S I T V M XIV.

Num donatarius vel emptor, præsertim fiduciarij, ligentur monitorio ad finem restitutionis bonorum sic donatorum vel emptorum ab oberato.

Respondeo 1. quoad donatarium vel emptorem non fiduciarios, aliquando prædictum monitorium eos ligare, aliquando non ligare, prout videlicet

rem quam ab obærato habuerunt, fecere aut non fecere suam absque obligatione restituendi. Et donatarium quidem, omnes fatentur validè & sine restituendi obligatione accipere ab obærato, dummodò obæratuſ maneat aliunde potēs ad satisfaciendū creditoribus: si verò obæratuſ, dando fiat impotens ad satisfaciendū creditoribus; si quidē donatio fiat per quācunque vltimam voluntatem, nulla est, & donatarius obligatur ad restitutionē, vt colligitur ex l. *quod autē*, ff. quæ in fraud. cred. & ex l. vlt. C. de inre deliber. Quia enim per mortem succiditur spes omnis aliquid postea acquirendi quo possit satisfieri creditoribus, meritò iura talem acceptionem esse restitutioni obnoxiam voluerunt. Inanis præterea est donatio quam obærati impotentia consequitur, cum donatarius, mala fide, id est præsciū impotentia inde secuturæ, inducit obæratum ad sibi donandum: dummodò ea inductio sit causa impotentia, quod non contingeret, si obæratuſ ea esset industria vt facile posset tantundem lucrificare: vel si iam antè firmiter statuisset non soluere. Quandiu enim obæratuſ eam voluntatem retineret, donatarius tamenſi eum induxisset ad sibi dandum, non esset causa damni obuientis creditoribus. Si autem absit inductio quæ sit causa impotentia consequentis, vel donatarius bona fide rem ab obærato acceperit, & ante bonæ fidei solutionem ita distraxerit, vt non sit ex ea factuſ locupletior; tunc donatarius ad nihil tenetur creditoribus, nec acceptio est obnoxia restitutioni. Quinetiam si per inductionem accepit & res apud ipsū superstes est, obæratuſ autem mutet malum non soluendi animum qui donandi causa fuerit, necesse est donatarium paratum semper

semper esse ad rem sic acceptam, à se abdicandam, ne sit causa damni creditorum. Et idem erit, si censuerit bona obærati fore vendicanda à creditoribus auctoritate publica: sic enim accipiendo, fieret causa damni creditorum, quatenus minùs reperient in bonis obærati. His verò euentibus seclusis, is quoque qui accepit per inductionem supposita anteriore voluntate obærati de non soluendo, acciperet, absque obligatione restituendi. Ita habent Mol. tract. 2. de iust. disp. 3. 28. *sub finem*, Petrus à Nauarra l. 3. de restit. c. 4. num. 2. 18. & Less. l. de iust. cap. 20. dub. 19. refragante tamen Rebello 2. p. l. 1. q. 7. num. 22. qui donatarium conscium impotentiae in debitore consequentis ad satisfaciendum creditoribus, negat rem absolutè suam facere, & obligat ad restitutionem. Verùm sententia quam proposuimus, est satis probabilis & tuta. Vnde qui ad eum modum accepisset ab obærato, non ligaretur monitorio indicente restitui res obærati. Contrarium verò est dicendum de eo qui habuit aliquid per donationem ab obærato cum restituendi obligatione, in euentibus supra recensitis: quia licet non inficiemur translatum tunc fuisse dominium rei donatae, nullæ (vt supponimus) speciali hypotheca vinculae creditoribus, nec iisdem in pignus datae; tamen cum sit contracta obligatio ad restitutionem, perinde est ad rem præsentem vt quis rem acceptam, vel quia ipsa in indiuiduo creditoribus obstricta non erat, eius saltem æstimationem ac valorem exhibere creditoribus teneatur, quia nomine bonorum debitoris veniunt etiam debita. In præsentia autem negotio, donatarius contraxit debitum restituendi obærato res suas, vt hæbeat vnde creditoribus quibus obstringitur possit

ea saltem ex parte satisfacere. Et perinde est, si propter adiuncta & circumstantias, sit obligatio restituendi creditoribus personam & locum obærati tenentibus.

Iam verò qui titulò venditionis aliòve oneroso, acceperunt res obærati inde facti impotentis ad satisfaciendum creditoribus, si quidem conscij non fuere consecuturæ impotentix cum contraherent, licitè & sine restitutionis obligatione acceperunt res obærati, iuxta communem sententiam qua huiusmodi contractus cum obæratis habentur validi. Tradunt eam Nauarrus in summa c. 17. num. 27 1. Couar. 3. var. c. 3. n. 6. Rebellus 2. p. l. 3. q. 7. num. 12. adducens in eam rem plerosque alios. Si autem qui huiusmodi titulis onerosis acceperunt res obærati, supponantur inter celebrandum contractum fuisse conscij impotentix in obærato consecuturæ, tunc Rebellus ibid. num. 14. & l. 8. q. 16. f. 3. eos obligat ad restitutionem. Sed alia sententia quam circa donatarium vidimus esse idoneorum autorum, emptorem malæ fidei, vel qui simili titulo oneroso res obærati habuerit conscius impotentix in eo secururæ, dummodò abfuerit inductio, liberat obligatione ad restitutionem: Estque ea sententia satis probabilis & segura. Neque enim verum est quod Rebellus opponit vt eū restitutioni obnoxium statuatur; nimirum quod emptor malæ fidei, & coope-retur peccato obærati, vltro se impotentem reddentis ad restituendum, & admittat iniuriam erga creditores impediendo debitam illis solutionem. Neutrum inquam, verum est: cum emptor nullo modo concuset iniustitiam quam obæratus admittit; nec solutioni obstat, sed tantum vertat in suum commodum, culpam

culpam quam obxatus ex se concepit ac peperit. Geneti tamen mala fide & in creditorum fraudem, à socio obarato dotem accipientis, dispar est ratio, tamen si is titulus ex parte geneti, (non autem filia), est onerosus. Disparitatis causam profert Molina d. 330. *in fine*, & Bonac. disput. 1. de restitut. q. 8. p. 2. num. 28. Ceteri igitur quotquot res obxati sic accipiunt titulo oneroso, non ignorantes securam in eo impotentiam ad soluendum creditoribus, immunes sunt à monitorio indicente restitutionem bonorum obxati in gratiam creditorum.

Respondeo 2. quoad donatarium & emptorem fiduciarios, verè eos ligari monitorio restitutionem bonorum obxati mandante, per se loquendo: hoc est, nisi ratione infamiae qua idcirco sint respergendi, aliamve extrinsecam ob causam excusentur, ut notavit Auila 2. p. disp. 5. dub. 2. conclus. 2. Per se autem loquendo, fiduciarios istos obligari exhibere res sic acceptas, alioqui incurrere latam in monitorio excommunicationem, rectè pronunciat Rebellus 2. p. l. 3. q. 7. n. 28. & Bonac. adducens alios tract. 6. ex variis p. 1. §. 6. num. 7. & Iacobus de Grassis p. 1. decis. l. 4. c. 8. num. 15. qui profert exemplum nuperum mercatoris, qui cum omnibus creditoribus satisfacere non posset, mille ducatos quos habebat, vxori commisit ea lege, ut si postea sententia excommunicationis vibraretur contra occultatores bonorum ipsius; ex tunc, siue ex puncto commissorum vxori ducatorum, vellet eos per donationem pertinere ad vxorem: sin minùs, saluum semper esset mercatori eorum dominium. Potuisset autem alia fiduciarie donationis ratio iniri, si summa illa, ita fuisset vxori donata, ut soluto periculo vxor obligasset

obligasset se ad eam refundendam marito. Vtrouis autem modo peragatur ea fiduciaria commissio, certum est interuenire in ea commissione nequitiam, & acceptionem esse restitutioni obnoxiam: quia bona illa quæ quis ad eum modum, vel dono, vel emptione, aliòve honesto titulo accipit in cōfidentiam, cum scelere obærat ad quod fiduciaris accipiens cooperatur, transferuntur ad alium: nec rarò deest verus donandi aut vendendi animus, vt satis indicat simulatio interposita. Et quanquam metaphysicè ac speculatiuè rem spectando, possit interuenire verus animus transferendi dominium, tamen ob vtriusque cooperationem ad iniustitiam erga creditores, acceptio iniusta est, & cum obligatione ad restitutionem. Itaque lato monitorio ad finem restitutionis bonorum obærat, iniicitur obligatio ea exhibendi & faciendi creditores indemnes.

QVÆSITVM XV.

Quatenus monitorium urgere possit ad restitutionem scripturarum.

Respondeo urgere, si retentio scripturarum, saltem post latum de eis restituendis præceptum, sit peccatum mortale. Suppono, praxim frequentem explorandi penes quem sint scripturæ alicui necessariæ adhibito monitorio, non modò posse iustam esse, sed etiam vsquequaque licitam, quicquid in contrarium significet Soro in 4. d. 22. q. 1. artic. 2. casu 3. vbi ait,

ait, id nec moris prisce esse, nec rem fortè legitimam, sed humanam avaritiam, bonorum temporaliù quasi idolorum cultricem, tales censuras adinuenisse. Hoc Soto verè diceret, si quis per monitorium ad prodendas scripturas vrgeretur absque necessitate, aut pro rebus exigui momenti. Si tamen adsint quæ generaliter requiruntur, vt monitorium pro temporali causa feratur, non plus vsus ille improbari tanquam illicitus, aut avaritiæ tribui potest, quàm cum monitorium fertur pro aliarum rerum temporalium restitutione. Et ita omnes, præter Sotum, sentiunt.

Honestate igitur vsus prædicti supposita, dico, si retentio scripturarum quarum restitutio per monitorium indicitur, contineat mortale peccatum, tunc monitorium vrgeri, & ligare non edentem eas scripturas. Mortalis autem est retentio scripturæ per se loquendo, si quis apud se habeat scripturam alienam, cuius dominium vel vsus spectet ad partem quæ monitorium exorauit. Tunc enim sine dubio monitorium æquè ligat, ac si ferretur de alia quapiam re aliena: quia tunc æquè est obligatio iustitiæ ad scripturam vltro exhibendam, ac ad exhibendum quiduis aliud alienum quod penes te sit. Estque hæc obligatio anterior præcepto iudicis, vt notauit Syluester v. *Falsarius*, q. 3. rectè addens, inde sequi obligationem restituendi damna secuta ex ea scripturarum alienarum detentione. Neque dicas, neminem teneri testificari ante præceptum iudicis, atque adeò neque teneri ante iudicis præceptum edere scripturas, quarum editio testificatio quædam est. Quamuis enim verum sit, scripturam aliqua ex parte conuenire cum testificatione, cui vltro exhibendæ nemo ex iustitia

stitia astringitur : tamen valdè etiam discrepant , vt Suarez rectè notauit t. 5. 3. p. d. 20. l. 3. num. 3. nominatimque , quia scriptura cum sit res permanens , est idoneum alieni dominij obiectum , non item testificatio nostra , qua proinde , saltem si absit præceptum , supersedere possumus absque iniustitia. Scriptura ergo cum supponatur esse aliena , non potest per se loquendo negari domino absque iniustitia , vnde si monitorium præcipiat eam restitui , ligabit possidentem nisi eam restituat.

Quin etiam quoad scripturas proprias quas ferè ex sola graui obligatione charitatis tenetur quis exhibere , æquè posset ad id præstandum vrgeri per monitorium. Sicut etiam , cum quis per charitatis leges grauius vrgetur ad testificandum , (vt si absque periculo & damno suo graue alienum malum sua testificatione possit auertere :) fas est Prælato , intentata excommunicatione cum vrgeri ad testificandum. Similiter igitur etiamsi retentio scripturæ esset lethifera contra solam charitatem , quia scriptura tamen possidentis propria , continet tamen alienum titulum aut ius , potestque sine possidentis incommodo exhiberi , celaretur autem cum graui proximi damno ; nihil vetaret scripturæ illius possessorem vrgeri per monitorium ad eam prodendam , quia tunc eius retentio esset mortalis contra charitatem. Et quoad has possidentis proprias scripturas , maximè valet quod aiebam monitorium de scripturis prodendis ligare , si earum suppressio saltem post interpositum de eis prodendis præceptum , sit mortalis. Ratio est , quia interdum censura adiungitur præcepto de re quæ ex se liberè fieri aut omitti absque noxa poterat : Non enim cen-
sura

fura semper fertur ad anterioris culpæ emundationem, vel ad roborandam obligationem naturalem ad præstandum aliquid; sed potest etiam imponi nouum præceptum ex quo peculiaris & noua obligatio exurgat, cui explendæ excommunicatio compellens rectè adiungatur, vt benè asserit Gutierrez l. 1. qq. Can. c. 7. à num. 3. 1. & Suarez t. 5. 3. p. d. 20. s. 1. Sicut sæpè aliquis nisi vocetur non tenebitur testificari, ad quod tamen obligari poterit præcepto & aduocatione per Iudicem. Si igitur in aliquo euentu, patefactio propriarum scripturarum ad alterius leuamen, non esset ex se mortalis, & tamen mandaretur à Superiore, eo quod ea via appareret commoda ad indemnitatem tertij, aliudve bonum consequendum; præceptum autem sic latum muniretur excommunicatione lata in talium scripturarum occultatores, excommunicatio per se loquendo ligaret, vt cum multis tradit Auila 2. p. c. 5. disp. 4. dub. 1. conclus. 3. quia ea petitio scripturarum, est quasi quædam vocatio ad testificandum: quemadmodum scriptura est mutum testimonium de re quam exaratam continet: vnde in iure, scriptura venit appellatione testium, vt liquet ex cap. *peruenit*, de test. cogen.

Porro & quoad alienas scripturas, & quoad proprias, cū ex charitate vel vi præcepti positiui monitorio conferti prodendę sunt; aiebam obligationem eas prodendi exurgere per se loquendo; quia per accidens potest contingere, vt omnis illa obligatio elidatur, & monitorium non liget. V. g. tantum potest esse periculum dispendij famæ, aut bonorum, vel etiā vitæ quod alicui imminet ex redditione scripturarum alienarum, vt non teneatur eas reddere, quod rectè censuit

cenfuit Toletus l. 1. inſtr. c. 9. n. 7. Sayrus in clau-
l. 12. c. 20. num. 32. & cum aliis Auila 2. p. c. 5. diſp. 4.
dub. 1. Et ratio ſuffragatur. Neque enim ſemper adi-
gimur cum noſtro graui damno eiſve periculo, red-
dere quod ſuum eſt domino non æquè grauando ex
retentione : quod æquè valet circa ſcripturas, ac circa
res alias. Ac proinde ſi poſito eo graui incommodo
noſtro, iuberemur intentata excommunicatione red-
dere alteri ſuas ſcripturas, monitorium non ligaret.
Hoc autem multo magis valebit, ſi ſcripturæ ſint pro-
priæ, & non agatur de bono communi, ſed tantum de
incommodo tertij qui ſit priuata perſona. Sicut enim
in eo euentu, mandatum Iudicis ſæcularis impoſitum
perſonæ manifeſtæ ac certæ, eam non obligaret ad
tantum damnum ſuarum ſcripturarum exhibitione
ſibi creandum : Ita Iudex Eccleſiaſticus, qui generali
præcepto monitoriis conſerto, non plus poteſt circa
perſonas occultas, quàm Iudex ſecularis ſpeciali præ-
cepto circa manifeſtas, non poteſt per monitorium
obligare in eo euentu ad exhibendas tales ſcripturas,
vt fert communis ſententia rectè conſtituta à Suarez
t. 5. 3. p. d. 20. ſ. 3. num. 9.

Prætermiſi vulgarem nec paucis probatam diſtin-
ctionem, ſcripturarum publicarum & priuatarum.
Sunt enim qui ſcripturas publicas, quæ ſcilicet conti-
nent acta cauſæ in iudicio, vt interrogationes, respon-
ſiones, & alia huiusmodi in iudicio facta, manifeſtan-
das à reo ſtatuunt vi monitorij de ſcripturis edendis
lati; non item proprias, quæ ſolum pertinent ad iura
rei, & numerantur in eius bonis, tametſi in illis ſcri-
pturis aliqua habeantur quæ actori faueant, & faciant
pro iure illius. Ita Sayrus in clau l. 12. c. 20. num. 30.

Bar boſa

Barbosa de potest. Episc. allegat. 96. num. 50. Lazarius f. 3. q. 1. num. 3. & 6. Graffis 1. p. decis. 1. 4. c. 8. num. 24. Ego tamen, siue per se, siue per accidens vt supra dictum est, rem spectemus; eodem modo de vtrisque scripturis pronuncio: & vtrasque exhiberi aut patefieri debere statuo, si nihil sit quod excuset à graui eas prodendi obligatione quam monitorium infert, supponitve. Aut certè vtrisque retineri posse & non prodi, si is penes quem latent, aut vbi sint, cognouit, grauius sibi earum patefactione incommodandum non dubitet. Is tamen qui scripturas alienas per fraudem obtinuit, & idcirco tantum eas suppressit ne ingens damnum subeat, postea depulso periculo iuxta Auiam 2. p. c. 5. disp. 4. dub. 1. vel potius cum primum potest, tenetur arbitrio boni viri refarcire creditoribus damna per scripturarum illarum suppressionem consecuta; quandoquidem damnorum illorum causa fuit, captando commodum suum & indemnitate ab ingruenti malo.

Concludo igitur, tunc tantum esse obligationem exhibendi vel prodendi quasunque scripturas, cum earum suppressio aut retentio erit mortalis. Qualis non erit, cum magnum damnum mihi imminet, quod meritò præferri debeat incommodo alterius, consecuturo suppressionem scripturæ à me factam: vel certè cum Iudex Ecclesiasticus, absque alia causa volet me adigere ad proferenda mea instrumenta in fauorem tertij qui mihi aduersetur. Ei quippe præcepto, sine noxa & impune non obtemperari, latè tradunt Panorm. Decius, & alij ad cap. 1. de probat. Necessè præterea est, vt quis monitorio de prodendis scripturis verè ligetur, posse ab eo prodi scripturas
quæ

quæ poscuntur. Nam qui tantum haberet earum transumptum non authenticum, nequaquam vigeretur monitorio de tali scriptura prodenda, quam liquet longè differre à transumpto non authentico, cuius vix ullus est in iudicio usus. Leges Couarruiam in qq. pract. c. 21.

QVÆSITVM XVI.

Libérne sit à monitorio, qui rem alienam restituendam commisit infideli internuncio, retinenti eam sibi.

Respondeo, si ipse restituens, internunciū illū delegerit, ad restituendum autē obligatus fuerit ob iniustam acceptionem, vel ob rem in suum duntaxat commodum acceptam; non est liber, sed æquè tenetur restituere ac si nihil ei commisisset: ideoque incidet in excommunicationem monitorio illatam, si rescierit infidelitatem internuncij, & non restituerit. Ita Nauar. in summa cap. 17. num. 67. & Naldus v. *excommunicatio*, num. 19. Et ratio est, quia quando debitor non ex commissione creditoris, sed suamet voluntate eligit internuncium per quem restituat aliquid functionem recipiens quod in vtilitatem suam acceperat, si hoc quod acceperat pereat priusquam re ipsa deveniat in manus veri domini, perit debitori non creditori, ut cum permultis docet Sayrus in Clau. lib. 10. tract. 5. c. 9. num. 7. Hoc autem in euentu proposito cernitur. Igitur fur qui rem alienam furto subduxerat,

subduxerat, & eam internuncio infideli reddendam commiserat, adhuc obstringitur creditori, non minùs quàm si fur eam rapuisset ipsi debitori cum iam eam seposuisset ad restituendum. Ac proinde tempestiùè admonitus de sui internuncij infidelitate, priusquam elapsus sit terminus in monitorio præfixus, tenetur restituere, alioqui innodabitur excommunicatione. Quod si tantùm post elapsum terminum agnoscat infidelitatem internuncij, tenebitur illico restituere si possit, quia præceptum adhuc pendet, ut diximus cap. 1. ad quæsitum 14. non tamen incidit in excommunicationem, nisi quando post solutam bonam fidem & compertâ internuncij fraudem statuit non restituere.

Sed quid si is qui ad restituendum astringebatur, neglexerit parere monitorio; postmodum verò facti pœnitens, adhibeat pro restitutionis internuncio Confessarium, eique committat summam restituendam ut ad læsum illam deferat: Confessarius autem reum quidem absoluat ab excommunicatione quam incurrerat, postea tamen nihil restituat læso ut se facturum receperat; num pœnitēs sic delusus & postea non restituens, liber erit à censura monitorij ob præiacentem absolutionem; quam suppono fuisse absolutè collatam, & non ad reincidentiam? Petrus à Nauarra l. 4. de restitut. c. 5. dub. 1. num. 19. & Sayrus in Clavi lib. 10. tract. 5. c. 9. num. 9. aiunt, huiusmodi pœnitentem si renuat denuò soluere, posse quidem iterum excommunicari; si tamen Iudex sileat, liberum manere ab excommunicatione. Sicut excommunicatio reservata tollitur per tempus Iubilæi sub certis conditionibus, quas si quis bona fide se impleturum pollicitus est cum absolutionem obtinuit, verè manet absolutus,

K

tus,

tus, quamvis postea mutato animo nolit exequi quæ se executurum receperat, vt rectè affirmat Suarez t. 5. 3. p. d. 7. c. 5. num. 35. Subscribo huic doctrinæ, si agatur de excommunicatione quam debitor elapso termino præfixo incurrerat ob neglectam restitutionem imperatam. At falsum est, pœnitentem prorsus liberum manere à monitorio, ni Iudex denuò intorqueat excommunicationem. Quantumvis enim sileat Iudex, quia tamen vt supponimus, præceptum adhuc pender, non dubito quin reus iteratò incidat in excommunicationem. Nam præceptum restituendi ritè latum sub excommunicatione, & debitori tempestivè conscio perspectum, non aliter se habet ad eum pro tempore quo soluta est bona fides, & comperta internuncij infidelitas, quàm si toto tempore antiore fuisset ob impotentiam excusatus, postea autem fieret potens. Sicut ergo tunc, vis monitorij sopita reuiuisceret, & excommunicationem non restituenti inferret; ita etiam in re præsentì. Quare cum primùm debitor post elapsum terminum sit conscius infidelitatis Confessarij, si præceptum pender adhuc, id est si Iudex adhuc est Iudex, nec vis præcepti aliquo ex capite euiguit, eo ipso ligatur monitorio, eiusque censura irretitur nisi restituat, quantumvis Iudex nihil de nouo sciscat. Nec est simile de censura reseruata, & sublata per tempus Iubilæi. Hæc enim non incurritur denuò si Iudex sileat, quia præceptum ob cuius violationem lata est, non pender ultra: vel quia non amplius violatur præceptum, ob cuius infractionem contracta fuerat excommunicatio: Quæ omnia secus habent in re præsentì.

QVÆ

QVÆSITVM XVII.

Quomodo facienda restitutio vi monitorij.

Respondeo, spectata vi monitorij, restitutionem sic esse faciendam ut ius eius in cuius gratiam latum est monitorium, maneat illæsum, non tamen ultra quam fert monitorium; sed si quid præterea restituendum sit occasione rei detentæ, spectato iure naturæ, nec restituatur, non idcirco incurratur censura monitorio adiuncta. Item sic facienda est restitutio, ut debitorem sese prodere cum restituit, nihil sit necesse; ac plerunque etiam non expediat; sed par sit restitutionem fieri per tertium.

Quod dico, restituendum esse quantum fert monitorium, per se patet, & expositum magnam partem est hoc capite ad quæsitum 1. Nunc addo, si res subducta in furis potestate perierit, mentem Iudicis monitorium ferentis esse, ut reddatur illius rei æstimatio, spectato statu in quo fuit cum subducta est. Id porro debitor præstare tenetur, non tantum vi iuris naturæ, sed etiam vi monitorij, atque adeo sub pœna excommunicationis, quia in eo euentu, æstimatio tenet locum rei subductæ, nec debitor alia ratione liberabitur à peccato cui Iudex per censuram mederi satagit. Similitérque vi monitorij reddenda erit æstimatio rei singularis apud furem extantis, quæ reddi in indiduo nequeat iusta de causa, quam ipse quoque creditor ex charitate approbare teneatur. Ita Philiarç, de offic. sacerdot. 1. p. l. 3. c. 34. *ferè initio*. Præterea vi monitorij,

torij, si res subducta, fuerit à fure detrita, reddenda erit æstimatio excessus detritionis apud dominum secutura: quia res ad deteriore[m] statum per culpam furis deducta, non est illa quæ per monitorium reposcitur: proindeque non modò iure naturæ, sed etiam vi monitorij & sub pœna excommunicationis, reddendus est excessus ille.

Si tamen supponeremus eum excessum non esse obiectum sufficiens lethalis culpæ, tunc non vi monitorij, sed solo iure naturæ supplendus esset valor rei deficiens vitio furis: similiterque solo iure naturæ restituendum est lucrum quo fur factus est ditior per eam rei alienæ detritionem, quia v.g. pepercit interim propriis vestibus. Nisi enim hæc accessio quæ à re principali separabilis est, nec continetur æquivalenter in re principali designata, exprimat[ur] manifestè in monitorio, nulla est obligatio ad eam reddendam vi monitorij, quamvis ius naturæ obligationem iniiciat ad eius restitutionem. Idem dico de expensis notabilibus quas verus rei dominus coactus fuerit in ea quærenda & recuperanda facere. Nam quia fur fuit iniusta talium expensarum causa, dubitandum non est, quin fur iure naturæ ad earum restitutionem teneatur, vt rectè præter cæteros tradunt Rodericus 1. p. summæ c. 15 l. n. 4. & Sayrus in clau[us] lib. 10. tract. 3. c. 1. num. 2. Nec aliter statuo de fructibus, non quidem industriæ furis, vt quos ex ea per ludum aut negotiationem collegit, (hi enim furi cedunt,) sed de fructibus ipsius rei furtivæ, quos dominus percepisset si res penes eum mansisset. Hi quippe fructus, sunt domino resarciendi iure naturæ, necnon lucrum cessans ac damnum emergens, vt rectè ait Toletus l. 5. instr.

c. 21. num. 4. Verum inquam est, ista omnia esse domino à fure restituenda iure naturæ, quia in his omnibus læsit dominum contra Iustitiam. Tamen si monitoriū præcisè exprimat rē principalē subductam, nec per illud edicatur, vt quisquis habet aliquid Sempronio creditori debitum illud restituat, sed designetur res certa, saltem verisimiliter, vt habet formula monitoriorū à Pio V. præscripta, nequaquam monitorio ligabitur debitor, etiamsi non restituat illa accessoria & adiuncta rei, quorū nulla facta est expressio in monitorio. Nam monitorium non plus ligat quàm expressè ferat; iuxta vniuersale principium, & de censuris & de irregularitatibus admittendum, quod nunquam incurrantur, nisi in iure vel sententia ita exprimatur. Quare cum monitorium supponatur exprimere solam rem principalem occultè illuc vsque detentam, non oportet debitori negotium facessere à monitorio eiúsve censura, quoad alia debita accessoria non expressa in sententia, quamuis debitor ad eorum quoque restitutionem obstrictus sit iure naturæ.

Addebam ad modum restituendi vi monitorij necessarium minimè referre, quod res subducta cuius restitutio per monitorium indicitur, restituatur ab ipso fure. Æque enim potest restitui per alium; Et cum fur latet, expedit sic fieri, ne ipsemet restituendo frustra se infamet. Itaque quærendus ei est fidus internuncius, qui rem domino sine debitoris nota restituat: & vt plurimum, valdè ad id accommodatus est Confessarius. Quod si internuncius cautè & prudenter munus illud suum obire velit, & tranquillandæ debitoris conscientia rectè consulere, operæpretiū erit, vt syngrapham reporter à creditore recipiente rem suam:

quod vniuersè de restitutionibus per Confessarios factis, admonuit Petrus à Nauarrap. 2. de restit. l. 4. c. 5. num. 4. & Toletus l. 5. instruct. c. 24. n. 3. Est enim *ca* ratio commodissima ad auertendas suspiciones de noua restituendi obligatione, ob infidelitatem Confessarij. Quanquam si ea esset Confessarij persona, quæ videretur omni exceptione maior, ita vt eius fides nulla ratione reuocari posset in dubium, nihil necesse esset vel debitorem pro syngrapha non relata angi animo, vel Confessarium, (& idem est de quouis alio exploratissimæ fidei internuncio,) de eo suæ fidei testimonio reportando esse sollicitum. Hæc de modo res subductas restituendi vi monitorij, dicta sunt. Quorsum verò S. Gregorius, infamatorem quendam adegerit ad famam alienam suimetipsius detectione reparandam, dicemus sequenti capite ad quæsitum 10.

QVÆSITVM XVIII.

*In dubio de obligatione restituendi, an liget
monitorium.*

Respondeo in pari causa non ligare, ac proinde si-
ne culpa omitti posse restitutionem monitorio
indictam. Ratio est, quia Iudex Ecclesiasticus conce-
dens monitorium, nec intendit, nec vt intenderet,
posset adigere quemquam vt restituat quod iure reti-
ner. In dubio autem, si par sit causa, melior est condi-
tio possidentis, vt est receptissimum apud Iurisperitos
atque Theologos, & latissimè confirmant Sanchez l.
2. de Matr. disp. 41. & l. 1. in decal. c. 10. num. 9. ac l. 4.

Vires monitorij ad restitut. 151

c. 1. num. 17. Vasq. 1. 2. d. 66. c. 1. Salas 1. 2. tract. 8. disp. vnica s. 18. à n. 166. Castro Palau tract. 1. disp. 3. p. 2. qui alios benè multos proferunt in eam sententiam. Igitur in tali rerum statu, monitorium latum ad finem restitutionis, non obligat possidentem, vt rem à se abdicet.

Aiebam tamen id valere tantùm in pari causa; qua ratione videmus eam regulam iuris, *melior est conditio possidentis*, limitatam fuisse regula 170. ff. *de reg. iuris*, & regula 65. in 6. eodem titulo. Nam v. g. si quis dubitaret an soluisset debitum certum, non satisfaceret retinens solutionem nixus possessione sua; quia non esset vtrunque par causa: Neque enim debito certo, æqualis est dubia solutio. At iustitia æqualitatem deposcit. Itaque vt conditio ob possessionem sit melior, nec possidens de iure suo dubius vrgeatur monitorio restitutionem mandante, necesse est, vt cum ipse dubitet an res quam possidet sit ipsi propria an aliena, & vtrunque sit dubium, ipse tamen ex alia parte possideat. Qua ratione ius eius est duplex. Nam & potitur iure certo possessionis, & habet insuper ius dubium proprietatis, cum tamen alius iurè duntaxat proprietatis dubio potiat. Æquum autem est, vt ius duplex superet ius vnicum. Idque etiam in foro externo ratum habetur, vt constat ex l. 1. *C. de condit. infer.*



CAPVT III.

*Vires Monitorij ad extorquendam
reuelationem.*



Hic est alter finis monitorij initio huius tractationis propositus, quem vt conuenienter explicemus, præmittendum in primis erit generatim, quoniam vi monitorij ad reuelandum urgeantur, qui verò ea obligatione sint liberi. Tum sigillatim & in particulari tractabimus obiectum, & actum, ac principium efficiens seu potentiam huius negotij. Obiecto continentur, cum res tum personæ reuelandæ. Ad actum pertinet modus reuelationis. Principium efficiens seu potentia, est persona reuelans, & quæ ad eam spectant. Qua ferè methodo Aristoteles, potentias animæ explicandas docuit, ipsæque explicauit.

QVÆSITVM I.

Quis monitorio ad finem reuelationis, obstrictus aut liber sit, generatim loquendo.

Respondeo 1. generatim loquendo omnem illum obligari monitorio lato ad reuelandum, qui reuelare tenetur sub graui culpa: Siue ea grauis ad reuelandum obligatio oriatur ex natura rei, siue præceptum potestatis legitimæ inducat obligationem reuelandi quæ ex natura rei non interuenisset. Ex natura rei reuelare obligatur, quisquis ex iustitiæ vel ex charitatis legibus grauiter obligatur ad ius vel bonum alienum ex manifestatione curandum. Ex præcepto autem legitimæ potestatis ille ad reuelandum obstringitur, qui ita conscius est veritatis cuius manifestatio intenditur, vt tamen semoto peculiari præcepto positiuo non obligaretur eam aperire. Posse tamen aliquando iniici ad id obligationem à legitima potestate siue laica siue Ecclesiastica, cum ex natura rei nulla intercederet obligatio, monstratum iam supra est cap. præcedenti ad quæsitum 15. post Suarem t. 5. 3. p. d. 20. s. 1. num. 4. & s. 2. num. 3. & sect. 3. num. 5. & Gutierrem l. 1. qq. Can. c. 7. à num. 31. Alterutro igitur modo grauis reuelandi obligatio intercedat, monitorium ligat conscius veritatis cuius detectio quæritur. Nec est hac in parte dubitatio vlla, cum reuelandi obligatio ex natura rei præiacet. Idem tamen ratum quoque esse debet, cum obligatio enascitur ex

K 5 legitimo

legitimo præcepto potestatis Ecclesiasticæ. Hæc enim pro eo studio quo commune bonum curat, potest pensatis attentè circumstantiis iubere, vt conscij reuelent aliquid quod spectata sola rei natura & oriunda inde obligatione tacere potuissent. V. g. quia longè incommodiùs poterit alia ratione haberi veritas, quamuis posset aliis præterea modis ad eius cubilia perueniri. In quo euentu obligatio reuelandi, similis est ei qua interdum testis ex solo iudicis præcepto ad restificandum obligatur, quamuis semoto præcepto non obligaretur. Intelligetur porrò superior, nouam & ex natura rei non præiacentem obligationem inducere, si in verbis edicti reuelationem mandantis, nulla fiat mentio peccati iam admissi per eos quos Iudex præcepto suo vrget ad reuelandum. Vt si non dicat se agere contra eos qui absque timore Dei & contra conscientiam celant aliquid, sed absolutè præcipiat rei alicuius derectionem. Sic igitur res habet generatim loquendo, quoad eos qui monitorio ad finem reuelationis ligantur, nisi excusentur interuentu alicuius è variis ab eo præcepto excusationibus, quas postea persequemur.

Respondeo 2. Generatim loquendo omnem illum esse liberum à monitorio reuelationem mandante, qui non peccat mortaliter non reuelando. Excommunicatio enim vel supponit peccatum mortale ex natura rei contrahendum per conscios si veritatem tegan-
 • gant; vel supponit peccatum mortale prius natura contrahendum per inobedientiam qua quis aduersus legitimum præceptum reuelationem indicens obdure-
 • re scit, & parère recusat. Prius namque natura est, in-
 • quinari graui peccato per eam inobedientiam, quàm
 in

in eius pœnam petcelli censura. Quisquis ergo idoneam aliquam ob causam, absque peccato mortali sillet de re, cuius reuelatio per monitorium indicitur, immunis est à monitorio & conferta ei censura, quia sublato mortali peccato euertitur totum excommunicationis maioris fundamentum. Et idcirco vt bene vidit Naldus v. *reuelare*, num. 1. consultò in monitoriis ad finem reuelationis, apponi solent illæ particulæ, *malitiosè temerèque occultantes*, vt significetur omnes eos qui sine peccato mortali silent, non irretiri excommunicatione. Tales causas mortale peccatum præcludentes, atque adeò à reuelando excusantes, plurimas proferemus & excutiemus inferiùs.

Omnem porrò qui à reuelando excusatur, posse si vrgeatur de pandendo arcano cuius est conscius, non modò silere, sed etiam negare se tale aliquid scire, subintelligendo, *vt teneatur manifestare*; & cum eadem subintellectione posse negationem suam iuramento firmare, asserunt Sayrus in Clauil. 12. cap. 14. num. 33. & Bonac. tract. 6. ex variis p. 1. §. 6. num. 5. cum Paludano, Henrico Gandauensi, Adriano, Maiore, Nauarro, Corduba, Salonio, Aragonio, Petro à Nauarra, Molina, Lessio, Bannesio, Valentia, Vasquesio, quorum loca signant. Nos idipsum prolatis autoribus multo pluribus, & longo rationum & omnis generis probationum apparatu firmauimus, in Opere de Æquivocatione & mentalibus restrictionibus, contra Barnesium Anglum.

QVÆSITVM II.

Num culpam prorsus occultam reticens, ligetur monitorio ad reuelandum.

REspondeo 1. si culpæ prorsus occultæ manifestatio quæratur à Iudice ad infligendam pœnam & grauandum criminofum, tunc confcios, regulariter & vt plurimum non ligari monitorio reuelationem mandante. Dicitur enim culpa prorsus occulta per comparisonem ad eius autorem, cum aliquis ita eam rescivit, vt tamen nec de illa habeatur contra autorem semiplena probatio, nec publicus rumor aut infamia vel indicia manifesta præcesserint. Talem autem culpam qui euulgare confcios iusserit, iniuste agit, regulariter loquendo & vt plurimum; quia iniuste accersit auctori infamiam. Nam ordo iuris in naturæ iure fundatus, fert vt nemo iubeatur prodere nisi de crimine infamatum, vel quem semiplena probatio aut vrgentia indicia grauent, quod hîc non contingit: ac proinde qui mandat peccatum prorsus occultum detegi, iniuste præcipit regulariter loquendo. Præcepto autem iniusto, nõ paretur impune. Itaque etiamsi tali præcepto per monitorium lato quis non reuelet, nullam incurreret grauem culpam; atque adeo ab excommunicatione quæ necessariò grauem culpam supponit, immunis erit. Ita rectè Nauarrus ad c. *inter verba*, conclus. 6. coroll. 47. & seqq. Suarez t. 5. 3. p. d. 20. c. 3. num. 8. & Sayrus in Clauis lib. 12. c. 16. num. 21. qui rectè

rectè insuper repellit sententiam quam tribuit Syluestro v. *correctio*, q. 9. nimirum quod si Prelatus manderet sub pœna excommunicationis reuelare crimen secretum, etsi conscij non peccent silendo, ob iniustitiam præcepti, tamen nisi reuelent incurrant excommunicationem quoad pœnam. Hoc facilè repellit Sayrus, ex eo quod sententia excommunicationis adiuncta præcepto, non faciat præceptum iustum quod ex se iniustum erat. Quare crimen prorsus occultum, sicut secluso monitorio & adiuncta ei excommunicatione non esset aperiendum, ita neque posito monitorio & censura. Cæterum longè alia est mens Syluestri, qui apertè agit de præcepto, iniusto quidem ex parte præcipientis, tamen substantialiter iusto & valido: quod genus præcepti & adiunctæ ei censuræ, non minùs ligat, quàm si sententia ex parte Iudicis vsquequaque nitens & iusta esset. Inde ergo impugnanda est Syluestri sententia, quod præceptum de pandendo peccato prorsus occulto, sit substantialiter iniustum & inualidum, regulariter loquendo & vt plurimùm.

Semper dico, regulariter loquendo ac vt plurimùm, neminem ligari monitorio ad detegendum crimen prorsus occultum cuius sit conscius; quia sunt quædam peccata cum tanto communis boni periculo coniuncta, vt tametsi prorsus occulta sint, debeant tamen à consciis detegi sub graui culpa. Quod de hæresi in regionibus puris, fert probabilior sententia. Est enim hæresis tantum malum, vt omni ratione prospiciendum sit, ne serpat in animarum certum exitium. Igitur quisquis nouit aliquem hæresi sordentem tametsi occultissimum, tenetur culpam eius detegere,

ut aperiat^r via inquisitioni instituendæ à Iudice prospiciente salutⁱ publicæ: poteritque hinc non parum frænari Magistrorum auribus prurientium sollicitudo in disseminationem erroris. Nam ubi compererint quemcunque conscium teneri prodere huiusmodi culpam tamen si prorsus occultam, fient meticulosiores, & cunctantiùs ac trepidiùs aggredientur machinationem maleficij. Ita quoad hæresim tamen si occultissimam ex obligatione detegendam, statuunt Suarez disp. 20. de fide, s. 4. num. 7. Sanctarellus tract. de hæresi c. 9. num. 2. Auila 2. p. c. 5. disp. 4. dub. 3. Diana tract. de denunci. resolut. 4. Bonac. tract. 6. ex variis p. 2. num. 2. qui id ipsum valere vult quantumvis hæresis sit in persona coniunctissima, vel quantumvis tantum crimen fuerit nobis sub secreto commissum, de quibus adiunctis postea pronuntiabimus. Porro quod de hæresi dictum est, ex eodem proportionaliter fundamento, de quibusvis culpis in graue damnum publicum vergentibus est affirmandum. Quinetiam Sayrus in Clauⁱ lib. 12. c. 10. num. 8. affirmat quodcunque peccatum notabiliter lædens tertiam personam, si sit in fieri seu aliquo modo pendens in futurum, detegendum esse à conscio, etiamsi vnicus sit; ut damno proximi prospiciatur, nec immunem fore ab excommunicatione ad id intentata, si non detexerit. Si tamen crimen occultum sit prorsus transactum, tunc quantumvis fuerit contra publicum bonum, Sanchez l. 6. opusc. c. 5. dub. 5. negat illud esse detegendum, atque adeò iuxta eum, conscius immunis erit à monitorio ad id lato, etiamsi sileat. Videtur tamen posse hic quoque circa delicta occulta habere locum quod Valentia 2. 2. disp. 5. q. 14 p. 1. conclus. 1. & Sayrus cap. il-

lo 20. num. 9. censuerunt de manifesto delicto occul-
ti auctoris prorsus transacto. Censent enim nihilomi-
nus autorem esse detegendum, ne gliscat per impuni-
tatem talium scelerum copia, cum magno Reipubli-
cæ damno. Hoc quippe incommodum, cui auertendo
hi auctores volunt occultum autorem delicti manife-
sti tamen iam planè transacti manifestari, non minùs
urget pro detectione peccatorum occultorum iam
transactorum, si sit verisimile periculum ne per huius
singularis delicti, quippe prorsus occulti, impunita-
tem, malum gliscat, & alia similia patrentur in dies. Eo
tamen rerum statu qui infrequentissimus est, seposi-
to, verissimum est quod Sanchez tradit de delicto
prorsus occulto planè transacto. Est tamen id longè
certius de atrocibus peccatis adhuc pendentibus in
futurum, in graue tertij, vel etiam publicum dam-
num. Tunc enim tamen si sint prorsus occulta & non
nisi ab vno deprehensa, sunt ab eo detegenda, lato ad
finem reuelationis monitorio, vt diximus. Neque ve-
rò quia tantum diximus, culpam prorsus occul-
tam esse detegendam, intelligimus hoc de culpa in
abstracto seu seorsim ab autore occulto. Ea namque
detectio esset ferè inutilis ad prospiciendum commu-
ni bono, & scopum mandata reuelationis: sed in-
telligimus, & culpam & eius autorem quantumuis
occultum detegi oportere, quamuis ad eum mo-
dum hîc locuti simus, quia directè quærimus de re-
rum occultarum detectione, inferius quæsituri dire-
ctè de patefactione auctoris occulti, cum crimen est
notorium ac euident.

Respondeo 2. si non agatur de criminis punitione,
sed de reparando damno alterius & excludendo no-

xij peccato; v. g. de restitutione rei furtiuæ, tunc quando debitor non excusatur à restitutione, nec admonitus inducit in animum reducere omnia ad æqualitatem, tenentur qui conscij sunt detegere quod norunt, tamen si occultum sit; & nisi detegant, incurrunt in censuram monitorio intentatam. Negat hoc Fumus v. *Inquisitio*, num. 8. conclus. 5. eo quod tamen si qui conscij sunt, teneantur ex charitate rem aperire, tamen non possint ad id obligari vi monitorij, quia nesciunt iuridicè, vt excommunicans intenderet. Sed meliùs Corduba in summa q. 111. *sub finem*, Soto de secreto membro 2. q. 6. & Sanchez l. 6. opusc. c. 2. dub. 24. num. 6. affirmant: quia tamen si quando Iudex ex officio procedit ad inquirendum & plectendum delicta, regulariter verum sit occulta peccata esse reticenda, donec suppetant contra reum indicia, vel semiplena probatio, aut infamia; & tunc qui reuelant, dici possint efferre quæ sciunt iuridicè, id est de quibus possunt interrogari iuridicè; Tamen ea scientia reuelantium, non est necessaria cum tantùm agitur de præcludendo peccato, v. g. de reparando damno iniusto creditoris. Quare in eo euentu aperienda est culpa quantumuis occulta, eo meliori modo quo aperiiri poterit: id est non vt Iudici vltori, sed vt patri restitutionem curaturo, & peccati prorogationem præclusuro. Id ipsum æquè de omnibus delictis, tamen si in damnum tertij non vergentibus affirmat Auila 2. p. c. 5. disp. 4. dub. 2. concl. 2. Sanè si ipsemet reus, cum duntaxat agitur de auertendo eius peccato absque punitione vel grauamine, tenetur occultum suum peccatum non celare de quo infra q. 10. quanto magis idem tenebitur præstare alius?

QVÆ

QVÆSITVM III.

*Ligétne monitorium, si ea reuelare mandet quæ
probare non possumus.*

REspondeo, si quærat de reuelatione qua conscius vocatus præcedente accusatione vel denunciatione testificetur, monitorium ligare ad reuelandum etiam quæ probare non poterit: si verò quærat de reuelatione denunciante, rarò monitorium ligare ad sic reuelandum, nisi quæ conscius probare possit.

Quòd, etiam ea quæ probari à me non possunt, reuelare, hoc est de iis testificari debeam, si monitorium ad finem reuelationis feratur, & sermo sit de simplici reuelatione & non de denunciatione siue delatione, affirmat Nauar. conf. 2. de testibus cogendis, & multi apud Sanctarellum tract. de hæresi cap. 9. num. 13. & apud Bonacinam tract. 6. ex variis, p. 1. §. 4. num. 5. Et ratio est, quia cum denunciatio iam præcessit, tantumque quæruntur testes, & in eam rem fertur monitorium; is qui rem nouit tametsi est homo singularis, perinde se habet ac testis qui interrogatur iuridicè, quem teneri respondere, concors est Doctorum sententia. Præterea rationes omnes quibus regulariter nemo conscius astringitur denunciare quæ probare non potest, cessant pro reuelatione subiuncta accusationi, siue pro testificatione, vt mox patebit rationes illas adducendo; ac proinde nihil est quod excuset

L conscius,

conscium, à iusto præcepto reuelandi ad modum prædictum, quæ probare non potest. Neque verò id ab eo quæritur, vt perspicuum est ex discrimine inter testem & accusatorem, cui soli incumbit probatio, vt notum est ex tractatione de Iudiciis.

Iam quod si nec accusatio nec denunciatio præcesserit, nemo teneatur denunciare quod probare non potest, habetur ex cap. *qualiter & quando*. l. de accusat. & ex cap. *Sacerdos*, de pœnitentia dist. 6. vbi latè in hanc rem Nauarrus: suffraganturque plurimi Iurisperiti quos profert Neuizan. l. 3. sylux nupt. à n. 45. itémque Ripa tract. de peste §. vltimo à num. 124. Non habuit autem satis perspectam Neuizani & citatorum ab eo Doctorum mentem Ludou. Vitalis tract. de reis & testibus per monitor. cogendis num. 15. cum ridiculum esse dixit, asserere teneri tantum confcios reuelare quæ norunt, si ea probare possint vt prædicti DD. affirmarunt. Hi namque DD. hoc intelligunt de delatoribus, quos ipsemet Vitalis vltro dat non teneri denūciare nisi probare possint: Non agunt autem de presè dictis testibus, quos Vitalis rectè negat excusari à testificando, etiamsi probare non possint. At hoc DD. illi à quibus se dissidere putat, nequaquam inficiantur: sed tantum dicunt, delatorem vel denunciatores qui primus orditur telam iudicij, non teneri, etiamsi latum sit monitorium ad finem reuelationis: non teneri inquam sic reuelare, id est denunciare vel deferre quæ probare non potest. Tradunt id ipsum è Theologis & Summistis plerique, quos adducunt Auila 2. p. cap. 5. disp. 4. dub. 3. conclus. 3. & 4. Sanchez l. 6. Confil. c. 2. dub. 14. n. 10. & Bonac. tract. 6. ex variis p. 1. §. 4. num. 4. Ratio sententiæ propositæ est,

est, quia crimen quod probari non potest, perinde se habet ac si ignoraretur; nihilque proclivius est, quàm vt calumniator habeatur qui ea alicui impegerit quæ probare non possit. Lessius l. de lust. c. 29. num. 111. vrget infamiam gratis innoxio creandam à tali denunciatore. Neque enim talis denunciatio, defectu probationum, præstabit subsidium in iudicio, parti quæ monitorium poposcit. Quare planè gratis aspergetur infamia, is qui nulla anteriùs flagrabat infamia, & inuretur ei nota de qua puniri non poterit; quò ramen spectat vniuersum iudiciùm. Vnde cum iudicij peruersione & violatione iuris, fieret denunciatio in eo euentu. Nec refert quod delictum fortè sit in fieri, & in damnum tertij priuati. Nihilominus enim vt ex Soto notat Auila loco allegato, nec teneor nec possum iudicialiter denunciare delictum huiusmodi, si illud probare non possum.

Obseruat proinde Gutierres l. 1. Canon. qq. cap. 11. num. 22. & passim DD. citati, quando præcipitur in monitorio, vt qui tale delictum norunt, illud denuncient, præceptum esse accipiendum de iis duntaxat qui ita sunt conscij vt probare possint, saltem per vnum testem integrum ac omni exceptione maiorem, aut per scripturas, vel per indicia vrgentià aut infamiam. Is enim qui monitorium tulit, haud dubiè intendit rationabiliter agere quod non faceret, si regulariter obligare vellet ad pandenda quæ probare non potero vbi denunciauero. Quare si solus viderim furem aliqua subducentem, non teneor vi monitorij denunciare quod vidi; (denunciare inquam, non testificari, nam ad hoc vocatus, tenerer vt præmisi:) quia præceptum de denunciando, nõ est vt me illaqueem,

deferens quæ nullo modo probare potero: atque adeò in tali euentu non obligat. Quod si Iudex præciperet, vt quilibet conscius siue probare queat siue nequeat, denunciaret delictum quod nouit, audiendus non esset regulariter loquendo, quia tale edictum, vt Neuizanus benè notauit, contineret errorem intolerabilem.

Aiebam verò hanc doctrinam de iis non denunciandis quæ quis probare nequeat, etiamsi feratur eam in rem monitorium, valere tantum regulariter loquendo, in raro autem aliquo euentu posse vi monitorij iniici obligationem denunciandi, etiam quæ probari à conscio denunciante nequeant. Eiusmodi in primis est, euentus quo agatur de matrimonij impedimentis. Vnus quippe testis, potest disturbare totum illud negotium, ex cap. *præterea*. de sponsal. Itaque quisquis impedimenti conscius fuerit, lato in eam rem monitorio, quamuis impedimentum probare nequeat, tenebitur ad eius detectionem: quod latè confirmat Gutierrez l. 1. qq. Canon. cap. 11. à num. 28. Idem tradit cum aliis Bonacina tract. 6. ex variis p. 1. §. 4. extenditque etiam ad quidlibet vergens in graue communitatis detrimentum. Quod ita approbauit Diana tract. de denunci. resolut. 1. vt omnia crimina ad tribunal S. Officij pertinentia, quamuis probari à conscio nequeant, denunciari tamen velit lato in eam rem monitorio. Quam sententiam viginti neoterico- rum Doctorem autoritate communis, ac etiam ratione. Nam hodie ex vsu recepto denunciatus non astringitur denunciationem suam probare, vnde non grauabitur ipse denunciando, etiamsi probare non possit. Ex alia verò parte, denuntiatio tametsi simplex & expers probationum, sufficit ad inquirendum. Vnde hoc

hoc saltem emolumentum ex ea extabit, quod excitabitur Iudicis diligentia ad inquirendum, facileque contingeret per inquisitionem sic institutam perueniri ad cubilia sceleris, illudque auerti, eiusve prorogationem. Contraria tamen sententia non destituitur suis patronis. Duodecim profert idem Diana, & addendus iisdem est Fagundes tract. 2. de pæcep. Eccles. l. 4. c. 3. num. 31. nisi quod pro sola hæresi formali in alteram sententiam abit, volens eam à conscio denunciari, quantumvis probationes non suppetant. Tandem si non ageretur de denunciatione iudiciali, sed de ea quæ facienda esset vt patri, idque ferat monitorium, non dubito quin conscius quamvis probare nequeat, rem patefacere teneatur vi monitorij; ita vt non tantum benè faciat denunciando, quod admittit Auila 2. p. c. 5. disp. 4. dub. 3. conclus. 5. sed etiam quod ille non rectè negat, ad id teneatur: & celans quod nouit, incurrat monitorij censuram. Argumentum verò huius auctoris, (quod scilicet monitorium non obliget nisi ad iudicialiter reuelandum, ad quod conscius defectu probationum in hoc euentu non tenetur;) est illudmet argumentum quod quæsito præcedenti ex Fumo prolatum fuit, atque contritum,

QVÆSITVM IV.

*Sintne vi monitorij reuelanda quæ fuerint
secretò concredita.*

R Espondeo 1. monitorium non posse obligare ad ea secreta reuelanda quorum detectio esset con-

tra ius diuinum. Nimirum iure diuino arcanum in sacramento pœnitentiæ cōmissum, reuelari non potest aliter quàm de explicatissima & liberrima pœnitentis facultate. Quare apud omnes Catholicos extra omne dubium est, firmitatem sigilli quo arcanum illud fuit à Christo obsignatum, esse omni ratione irreferabilem, quocunque iubente & quidlibet intentante; ne ipso quidem Summo Pontifice excepto, cui si tale quid vel simpliciter vel sub quantouis anathemate præciperet, parendum non esset, vt benè dixit Nauarrus ad cap. *Sacerdos*, de pœnit. dist. 6. num. 166. & excommunicationem idcirco intortam, habendam esse neglectui tanquam brutum fulmen, tradit D. Thomas in 4 d. 21. q. 3. art. 1. quæstiunc. 1. ad 2. Nimirum Pontifex nihil potest contra Christi institutionem qua sacramentalis confessio, munimento sigilli quacunque ex causa inuiolabilis, est firmata, quod hîc supponendum est ex tractatione de sigillo & innumeris quos in eam rem proferunt qui hoc argumentum ex instituto versarunt, nominatim Onuphrius, Malderus, & Carrocus, & per occasionem Delrio 6. Mag. cap. 1. s. 2. Absurdissimè verò quidam Canonum DD. aliter censuerunt quoad hæresim peccatoris obdurati, quod reiicit Simanc. in Cathol. instit. tit. 42. num. 14. Alij Iurisperiti apud Neuizanum l. 3. sylvæ nupt. num. 45. non minus absurdè censuerunt, Sacerdotem in negotio matrimonij, cogi per censuram posse ad laxandum huius arcani sigillum. Vniuersaliter verò additio ad decisionem 856. tom. secundi Francisci Marci, prolata Glossa & Panormitano, asserit Sacerdotem vi monitorij adigi ad reuelandam Episcopo, pœnitentis confessionem, clam tamen & secretò.

Sed

Sed hæc omnia, vt Theologos nunc prætermittam, explodunt quàm meritissimò ex ipsis Iurisperitis benè multi, ac nominatim Angelus, Felinus, Albericus, & alij à Neuizano prolato loco annotato. Itémque Nauar. ad c. *si sacerdos*, de pœnit. dist. 6. num. 144. & Gu-tierres l. 1. qq. Canon. c. 1. num. 50. de quorum sententia, etiamli Papa iubeat, excommunicatione etiam intentata, non inodò Sacerdos non potest secretum sacramentale aperire, sed ne laicus quidem qui adhibitus sit peragenda Confessionis interpres, vt benè ait Alciat. ad c. *omnis vtriusque sexus*, de pœnit. & remiss. n. 6. & Ludouic. Vitalis tract. de reis & testibus num. 11. Et idem est de laico qui se Sacerdotem finxerit vel quomodolibet aliter mediata aut immediata (aliter tamen quam per schedulam peccata in confessione exponenda in subsidium memoriæ pœnitentis continentem) ad confessionis sacramentalis secretum peruaferit. Quod si testificari ex ea notitia quis velit, planè inualidum habendum esse eius testimonium, affirmat Felinus in c. 1. de except. & Tyndarus dialog. de testibus: prorsusque ita decere, fatetur Ripa tract. de peste, §. ultimo, num. 105. Itaque nihil monitoriis reuelationem indicentibus, & arcano confessionis sacramentalis, nisi si pœnitens Confessarium velit aut etiam roget reuelare. Quod enim ne sic quidem posse reuelare, tradit ex Scoto, Alensi, ac Bonauentura, Felinus ad cap. *Matthæus*, de simonia, & Monchada ad Crotum de testibus, p. 5. num. 18. reiiciendum est, vt patet ex fine sigilli.

Hic propter simplices, & vulgarem multorum deceptionem aduertendum est, arctissimam sigilli propositi firmitatem ne monitorij quidem interpolatio-

ne laxabilem, non competere nisi confessioni verè sacramentali, aut expositioni peccati factæ animo conficiendi sacramentum. Non dico, animo consequendi absolutionem peccati quod exponitur. Sæpè enim pœnitens satis agnoscit se esse ad absolutionem indispositum, & tamen intendit se accusare coram Iudice constituto à Christo Domino; vt eius opera vel absoluat, si contingat illucēte diuino radio murata in melius mente concipi dispositionem debitam, vel iuuetur ad bonam illam mentem concipiendam: aut vt præcepto confessionis satisfaciatur, vel vt se in foro animæ reum sistat quantum potuerit, non obstante indispositione sua ad absolutionem, sibi comperta. Omnis enim huiusmodi expositio peccati, est inchoatiuè & reductiue sacramentalis, ac proinde sigillo huius sacramēti obsignatur, vt rectè post Caietanum & Simeonem censuit Suarez t. 4. 3. p. d. 33. l. 2. num. 7. Aliæ tamen peccatorum expositiones ad Sacramentum conficiendum nullo modo ordinatæ, etiamsi Sacerdoti fierent, non ingenerant arctum illud arcanum, ne monitorij quidem interpositione laxabile. V. g. si quis facinorosus animo seducendi Confessarium, eumque ad maleficij societatem securè pertrahendi, exponeret illi peccata prætendens maleficio laruam illam sacramentalis confessionis, hancque fuisse facinorosi illius mentem, indubitatum & euidenter fieret, non esset ei seruandum secretum, si monitorium ad finem reuelationis ferretur; vt rectè tradunt Innoc. & Abbas passimque cæteri ad cap. *omnis*. de pœnit. & remiss. necnon Nauar. ad cap. *inter verba*. conclus. 6. coroll. 58. num. 223. Et idem esset statuendum, de eo quem constaret non alia mente stitisse se Confessario,

rio, quem facinoris sui aliunde confcium sciret, quàm ne ab eo posset denunciari. Nam talis, non modò ex aliunde parta notitia, sed ex illa ipsa quam per illud confessionis inane simulachrum præbuisset, detegendus esset lato in eam rem monitorio, vel etiam absque eo, si præclusio peccati aut damni ita posceret, vt notat Vasq. 3. p. q. 93. artic. 4. dub. 7. Sed & cum aliquis, pro frequenti multorum vsu, vel sacerdoti extra confessionem & absque animo subiiciendi quicquam clauibus, vel laico arcanum aliquod aperit, addita protestatione quod velit id ab eo accipi sub sigillo Confessionis; denunciandus nihilominus est, si ad id monitorium feratur, nec aliud sit quod obstat, præter protestationem prædictam. Neque enim verè ibi interuenit sigillum Confessionis, quod soli confessioni sacramentali annexum est. Et ita Monchada ad Crotum de testibus p. 5. num. 19. & cum quamplurimis Sanchez l. 3. de Matrim. disp. 13. num. 7. Miror autem quid in mentem venerit Naldo in summa v. *reuelare*, num. 5. vt diceret, quamuis non interueniat sigillum confessionis in ea commissione arcani cum protestatione prædicta, tamen perinde hominem arctari ad celandam rem sic commissam, ac si in Confessione sacramentali fuisset concredita. Hoc nullo modo verum est. Infinites enim arctius est vinculum secreti sacramentalis, quàm hoc secretum: vt ex eo patet, quod secretum istud merè naturale potest ex causa referari, vt postea dicam: at sigillum sacramentale, est prorsus & omnimodis intemerabile, quæcunque tandem necessitas obtendatur, & quamuis ad id excommunicatio intentetur, vt præter superiùs adductos tradunt DD. quos adducit Ripa tract. de peste, §. ultimo, n.

119. & 120. & Aufrerius ad q. 241. Capellæ Tolosanæ.

Respondeo 2. monitorium non obligare ad ea arcana reuelanda quorum detectio esset contra ius naturæ, nisi si aliquando ius naturæ non obliget ad secreti sic commissi obseruationem. Explico. Esset contra ius naturale per se loquendo, detectio secreti bona fide commissi alicui, vt ex officio, vel pro peritia quam habet, iuuat eum qui commisit secretum. Vnde qui secretò de re quapiam consultus est; itémque Aduocatus & Procurator, quibuscum cliens ad iuriũ suorum tutelam negotia sua communicat; Obstetrices quoque clam accersitæ ad leuandam prægnantem quam latere oporteat; Chirurgus item aut Medicus quibus morbus patefactus est, quem celari interest ægrorum; Omnes inquam hi ac similes, ni velint grauis peccati labem contrahere, tenentur secreta habere quæ ad eum modum acceperint; etiam si infamia de eis, aut semiplena probatio præcessisset; & quantumuis monitorium ad finem reuelationis latum esset. Docent quod dixi Nauar. ad c. *inter verba* concl. 6. coroll. 66. à num. 401. Auila 2. p. c. 5. disp. 5. dub. 2. Barbosa de potest. Episc. alleg. 96. n. 63. & seqq. Sanchez l. 6. consil. c. 2. dub. 20. num. 8. Tullius Crispollius de casibus militar. in 23. Nominatimque tenendum esse arcanum quamuis infamia vel semiplena probatio præcedat, superiorque rem detegi mandat, tradunt Sayrus in Clauil. 12. c. 14. num. 29. Lessl. l. de Iust. c. 30. num. 45. Petrus à Nauarra l. 2. de restitut. c. 4. num. 222. Valent. 2. 2. disp. 5. q. 14. p. 1. *sub finem*, & Bonac. tract. 6. ex variis p. 1. §. 5. n. 2. Superiorem verò præcipere non posse, vt huiusmodi arcana detegantur,

tur, contra ius naturale quod in prædictis euentibus altum rei secretò commissæ silentium indicit, docent cum aliis à se adductis Bartholom. Socinus volum. 4. consilio 102. num. 3. Gutierres l. 1. qq. Canon. c. 11. n. 47. Valentia & Bonacina locis proximè notatis. Ratio autem cur tantopere per se loquendo vrgeat secreti huius licet merè naturalis obligatio, est, ne præcludatur aditus ad omnia consilia, vnde existeret immensa seges malorum. Multòque magis interest Reipublicæ & communis boni, vt quæ aliis sub secreto, auxilij & consilij gratia sunt commissæ, maneant arcana, quàm vt interrogante superiore pandantur. Neque verò duntaxat is cui res primùm secretò commissæ est, debet secretum seruare, sed etiam alij ad quos indebitè manasset secreti commissi detectio. Vnde illi quibus perfidus Consiliarius arcanum tertij aperuisset, non possent vi monitorij adigi ad aperiendum quod sic acceperunt: quia omnis illa notitia ortum habuit à primâ manifestatione iniqua, ac proinde vsus eius non potest esse absque iniuria miseri qui infidè illi Consiliario primùm se aperuit, & secretum commisit. Neque sanè reuelatio facta ab isto secundo sic conscio, vllam in iudicio faceret fidem, nisi dependenter à testificatione illius qui primus secretum infregit. At istum, liquet non debere reuelare rem sibi sub secreto commissam, nec debere ratam habere detectionem ex leuitate & cum peccato priùs factam. Igitur qui per eum factus est conscius alieni negotij quod celatum interfuit, nec potest nec debet illud aperire, quantumuis ad id vrgeatur per monitorium. Non est quippe nunc nobis sermo de complice, aliòve qui præmissa promissione seruandi secreti, admis-

sus

sus esset vel ad iuuādum in scelere , vel ad illius conspēctionem cum patraretur. Hos siquidem, nihil (ex hoc quidem capite,) vetaret detegi. Sed sermo nunc nobis est, de eo cui primū consilij aut opis gratia, vt malum aliquod declinaretur , commissum sit arcanum , accepta saltem virtualiter fide seruandi secreti; cui stare, per se loquendo, est iuris naturæ, contra quod, monitorium vrgere non posse nemo non videt. Quomodo autem in his euentibus, obseruatio secreti sit de iure naturæ, fusè profequitur Guliel. de Rubione in 4. d. 21. q. 4. conclus. 1.

Repugnant nonnulli quoad aliqua ex prædictis. Nam Franciscus Marcus p. 2. Decis. 856. censet si monitorium ad finem reuelationis feratur , amicum ab amico consultum , & arcanorum eius consilij gratia consciū factum , teneri reuelare quod fuit secretò concreditum. Multi Iurisperiti quos refert Neuizanus l. 3. Syluæ nupt. num. 45. Nem docent quoad omnes quos retulimus. Putant enim, lato monitorio eos teneri parere , & arcanum opis licet aut consilij gratia proditum referare. Subscribit illis Neuizanus, præterquàm quoad Medicum & Aduocatū , quos n. 47. à cæteris in hac parte seiungit : & idcirco eum refellit Ludouicus Vitalis tract. de reis & testibus per censurā cogendis num. 43. contendens hos quoque lato monitorio debere arcanum euulgare , in quam rem adducit Glossā singulārē, à nemine (vt ait,) ante eum animaduersam , in l. vltimam. ff. de testib. versic. *item quid si præstitit*. Præterea Petrus Gregorius l. 48. syntag. c. 13. num. 31. & Lazarius f. 2. q. 16. num. 9. si feratur monitorium ad finem reuelationis, obligant Aduocatū & Procuratorem (nisi expressè per monitorium

rium sint excepti,) ad prodeſſa firmamenta cauſæ clientis ſui, in fauorem eius qui monitorium impetrauit. Tandem Soto reſc. de ſecreto membro 2. q. 7. conſul. 4. ſi præcedat infamia aut ſemiplena probatio, vult arcanum ſic commiſſum, iubente ſuperiore, & multo magis excommunicatione intentata, reſerari. Nihil tamen horum per ſe loquendo eſt admittendum, vt ratio prolata apertè euincit, & quoad Aduocatum rectè multis D D. prolatis confirmat A. Sola ad noua Sabaudix decreta tit. de tribunali compet. Gloſſa 5. num. 12.

Hæc quamuis ita ſint, aliquoties tamen dixi, per accidens interdum contingere, vt patefactio arcani ſub naturali ſecreto commiſſi, non ſit contra ius naturæ, eo quod homo ſecretum excipiens, non potuerit in quibuſdam euentibus ob incommoda conſecutura aſtringere ſe ad ſecretum: Et tunc ſi monitorium feratur ad finem reuelationis, is qui per ſecretum naturale aliquid accepit, tenebitur illud reſerare. V. g. ſi ingens omnino periculum bono publico immineat, eiſque poſſit proſpici deſectione arcani ſub naturali ſecreto concrediti, non videtur ambigendum, quin liceat atque etiam oporteat ſecreti reſeratione tantum malum Reipublicæ impendens auertere. Idque quoad hæreſim, vt certum ſtatuit Diana tract. de denunc. reſol. 24. idem addens de eo cum quo fuiſſet communicata turpitudine Confefſarij ad luxuriam ſollicitantis, licet in hoc exemplo Fagundez tract. 2. de Eccleſ. præcep. l. 4. c. 3. num. 31. cenſeat ſecretum naturale eſſe ſeruandum. Quinetiam ſi contingeret graue damnum priuato cuiſpiam impendere ex obſervatione arcani ſub naturali ſecreto concrediti, pandendum eſſe ſecretum,

tum, & iniustum dampnum tertij esse ea reuelatione auertendum, atque adeò nisi id fiat incurrendam esse monitorij in eam rem lati censuram, habetur ex S. Thoma 2. 2. q. 70. artic. 1. ad 2. statuiturque à Nauarro in summa c. 18. num. 52. & à Bonacina tract. 6. ex variis p. 1. §. 5. num. 2. & à Barbosa de potest. Episc. allegat. 96. num. 63. qui plures ad id autores profert. Et ratio est, quia nemo sibi obligationem iniicere potuit ad rem malam qualis esset obseruatio secreti in eo euentu. Itaque conscius grauis illius damni quod posset reuelatione auerti; nisi præcepto pareat, irretietur censura monitorij in eum finem lati, nisi si impenderet ei maius malum in fama ob reuelationem, quàm impendeat tertio in facultatibus, vt notat Auila 2. p. c. 5. disp. 5. dub. 2. conclus. 3. quanquam hæc excusatio non est peculiaris huic negotio, vt est perspicuum. Denique non esset contra ius naturale, aperire rem sub naturali secreto concreditā, si alia ratione sit perspecta. Nam etiam Confessarius, qui ad secretum incomparabiliter arctiùs astringitur, non vetatur patefacere prudenter, illa ipsa quæ in Confessione accepit, si aliunde ea rescierit, vt benè monstrat Suar. t. 4. 3. p. d. 33. f. 3. num. 7. & Delrio 6. mag. c. 1. f. 2. §. *secundus casus*, passimque cæteri. Toties ergo monitorium ligat ad reuelanda arcana sub naturali secreto concredita, quoties licuerit absque violatione iuris naturalis arctè indicentis secreti naturalis obseruationem, de eis agere.

Q V Æ

QVÆSITVM V.

Inducaturne per monitorium obligatio aperiendi accepta à quocunque, aut quæ verè non scimus.

Respondeo, non induci. Nam si is à quo rem accepimus talis sit, vt perinde videatur rem illam à nullo ac ab eo accepisse, frustra detegeretur quod ab eo acceptum fuit. Vnde cum nemo obligetur ad actum inutilem, non est existimandum, Iudicem qui monitorium rulit, intendisse astringere ad reuelandum quod quis ea tantum ratione compererit. Quare si is à quo rem accepimus, sit persona leuis & indigna cui fides adhibeatur, non iniicitur per monitorium obligatio rem sic acceptam detegendi, vt rectè statuit Sanchez l. 3. de matrim. disp. 13. & alij quos profert & sequitur Bonacin. tract. 6. ex variis p. 1. §. 4. num. 1. Similiter si is à quo rem accepimus, fide quidem dignus fuerit, sed eius nomen nobis exciderit, nulla iniicitur obligatio reuelandi quod ea duntaxat ratione habemus perspectum. Quod si & fide dignus est, & notus ex nomine, iam tamen ipse Iudici referauit quæ ab eo acceperamus, inutile esset nouam reuelationem sola illius assertionem nixam iterare, proindeque non obligabimur tunc ad reuelandum, vt benè tradunt Neui-
zanus l. 3. sylux nupt. num. 63. Nauar. repetit. ad c. inter verba, conclus. 6. coroll. 66. num. 392. Rodericus in summa 1. p. cap. 79. num. 7. & Sanchez l. 6. opusc. mor. cap. 2. dub. 16. & passim ceteri, ad quorum sententiam tandem post inutilem distinctionem reuenire cogitur
Barbosa

Barbosa de potest. Episc. allegat. 96. num. 68. Eadem ratione, si notitia quam comparauimus hausta sit ab homine nihil certum sciente, vel quia rem tantum acceperit ab hominibus lubricæ prorsus fidei, & nihil certò scientibus, reuelatio esset inutilis: ac proinde monitorium non ligaret eos qui rei ad eum duntaxat modum essent conscij. Addit Auila 2. p. cap. 5. disp. 5. dub. 2. conclus. 5. non sufficere vt denunciare teneamur, si is à quo rem accepimus sit fide dignus certòque rem edoctus; sed necesse insuper esse, vt nobis innotuerit esse ea de re infamiam. Verè id quidem, regulariter loquendo. Tamen hæc limitatio non spectat ad caput in quo versamur, sed ad illud quo quæritur an probum occultum sit ex monitorij obligatione denunciandum. Huc potiùs spectat quod monet Nauarrus in summa cap. 25. num. 49. nimirum in dubio an personæ à quibus rem accepimus sint fide dignæ, & ex certa notitia locutæ, parendum esse monitorio, & aperiendum quod ab eis acceptum fuerit, vt profit quantum poterit, ineatùrque via securior ad declinandum fulmen excommunicationis.

Ex eodem fundamento ex quo hætenus ostensum est non iniici per monitorium obligationem reuelandi quæ ita ab aliis accepimus vt nescire ea dicamur; sequitur, monitorium quoque non obligare ad ea reuelanda quæ nos ipsi ita perspeximus, vt tamen dicere non liceat nos ea scire. Non dicitur autem scire, qui verè non scit, id est qui non percepit sensu aliquo rem de qua agitur, vt habetur ex cap. *hoc videtur*, 22. q. 5. & ex l. *qui testamento*, ff. de testamentis. Sed tunc censetur quis scire, cum habuit sensationem aliquam plenam & perfectam ex parte obiecti & actus, saltemque

témque audiuit à viro fide digno, vel ab ipso reo extra sacramentalem confessionem. Ex quo vides, aliam esse hoc loco notionem *scientiæ*, quàm apud Philosophos. Quia igitur mandatum vt qui rem sciunt eam reuelent, intelligitur de verè ac realiter scientibus; ij autem soli sciunt qui notitiam compararunt qualem nunc expressimus, non autem ij qui aliter sciunt: fatendum est, eos qui ad modum propositum verè non sciunt, exolui obligatione reuelandi, ita vt tametsi non reuelent, nequaquam ligentur monitorio: eos autem duntaxat ligari, qui dici possunt verè ac propriè scire, iuxta propositam *scientiæ*, in hoc negotio notionem. Et sanè qui aliter accedunt ad detegenda aliena facta, exponunt se periculo leuitatis & temeritatis, necnon iniustitiæ erga eos quorum res aperiant. Haftenus directè, tantùm de rebus detegendis actum. Nunc directè, de personis vi monitorij detegendis, agendum sequitur.

QVÆSITVM VI.

Possitne per monitorium, non rei tantùm circa quam delictum admissum est, sed etiam personæ quæ deliquit, reuelatio indici, puta furis, & rei furto subductæ.

Respondeo, posse indici detectionem vtriusque, si ita necessarium sit, vel ad recuperationem rei, vel ad iustam vindictam peccati, aut pacem publicam. Ita latè Gutierres l. 1. qq. Canon. cap. 11. num. 18. & seqq.

M Iacobus

Iacobus de Graffis 1.p. decis. l. 4. c. 8. num. 21. Ludou. Vitalis tract. de reis & testibus per censur. cog. num. 7. & seqq. Nauarr. in summa c. 18. num. 23. & vt videtur S. Hieronymus in c. 26. Prouerb. malè refragante Soto relect. de secreto memb. 2. q. 6. qui causatur, tale præceptum esse contrariū, cum nemo teneatur manifestare noxium vt puniatur, sed tantum vt reparet damnum illatum, quod absque noxij reuelatione præstari potest. Verum posse aliquando esse necessariam furis reuelationem vt fiat damnorum irrogatorum reparatio, dubitare non licet. Quid si enim fur obfirmatè renuat refarcire damnum irrogatum, etiamsi adhibita sit fraterna correctio? Possè verò insuper accidere iustam causam præcipiendi detectionem personæ, vt pœna de ea sumatur, & prospiciatur in posterum ne idem scelus patrare audeat; ac etiam vt alij facinorosi à simili nequitia arceantur, mihi videtur planè verum: quamuis quod Nauarrus rectè monuit, si idonea causa desit, non sit deueniendum ad mandandam furis detectionem. Sed cum necessitas id postulat ad rei recuperationem, aliæve idonea causa interuenit, non sunt sine causa mouendi scrupuli, quasi illicitum sit indicare furis detectionem; seruatis iis quæ iure ad id præscribuntur. Et ita ferre perpetuam Ecclesiæ consuetudinem, testatur Nauarrus loco allegato. Non est hærendum circa inutilem Iurisperitorum distinctionem, in hoc puncto. Aiunt enim, Iudicem si ex officio procedat, posse per monitorium adigere ad detectionem furis: non item si procedat, & monitorium ferat ad instantiam partis. Ita latè refert Neuiz. l. 3. syluæ nupt. num. 30. & 31. Sed ea distinctio caret fundamento. Nam nonnulla iura ex quibus eam sibi visus est

est eruere Bartolus l. *Ciuile*. C. de furtis, reuera ad eam distinctionem fundandam frustra aduocari, demonstrat Ludou. Vital. paulo ante adductus num. 8. & 9.

QVÆSITVM VII.

Ligétne monitorium, mandans detegi culpæ manifestæ occultum autorem.

Respondeo 1. si generaliter tantum præcipiat, ligare. Et quidē si culpa sit grauis & ad graue publicum aut priuati cuiuspiam damnum spectans, pendensque in futurum, non videtur dubitandum quin fas sit & oporteat autorem occultū per conscios prodire. Ita enim deposcit cura communis boni, vel innocentis tutela & indemnitas. Sic Sayrus in Clau. l. 12. c. 20. num. 8. & Less. l. de Iust. c. 29. num. 119. Si autem delictum non pendeat amplius in futurum, fas nihilominus esse generaliter mandare, etiam intenta excommunicatione, vt quisquis notorij delicti autorem prorsus occultum, id est nulla inde probatione, aut infamia, iudicii sive grauatū, rescuerit, cum aperiat, & conscios teneri denunciare, affirmat Valentia 2. 2. d. 5. q. 14. p. 1. assert. 1. cui subscribit Sayrus loco allegato, tamen si non nihil implexus. Et ratio est, quia nisi id fieret, crimina manerent impunita, & in dies crescerent, cum magno Reipublicæ damno, & priuatorum pernicie. Refragati in hoc puncto sunt Caietanus 2. 2. q. 69. artic. 2. versic. *sed occurrit*, & Soto l. 5. de Iust. q. 6. art. 2. alique nonnulli, negantes fas esse in-

M 2 quirere

quirere generaliter, qui scelus admiserit, si nulla sit de autore infamia. Attamen contrarium habet communis & vniuersaliter receptus vsus, pro quo pugnat Nauar. in summa c. 18. num. 38. & ad cap. *inter verba*, concl. 6. coroll. 50. num. 586. Torres 2. 2. tom. 2. disp. 50. dub. 5. Lessi. c. 29. num. 114. Petrus à Nauar. l. 2. de rest. c. 4. num. 167. Sanchez l. 6. Opusc. cap. 3. dub. 20. Diana 2. p. tract. 1. miscell. resolut. 63. & alij quos isti proferunt. Veruntamen tamen si omnes hi DD. contra Caieranum & Sotum, censent fas esse in notorij delicti occultum autorem generaliter inquirere, etiam intentata excommunicatione; plerique tamen eorum negant conscios teneri detegere reum illum, nec infamia nec iudiciis manifestis grauatum, eo quod culpa eius cum sit occulta, non pertineat ad forum humanum, nec in eo puniri possit. Hoc tamen non videtur satis consequenter dictum. Idcirco enim mandatur occulti auctoris detectio, ut eius culpa quæ supponitur euidens, deduci possit ad forum humanum, fiatque idonea publici iudicii materia, ad Reipublicæ bonum, & innocentum tutelam. Adhæc si Iudex, reperto v. g. cadauere, potest ac debet inquirere quis hoc scelus patrarit, ut hi auctores contra Caieranum ac Sotum rectè docent; nec Iudicis inquisitio generalis vana est, eiùsve de autore criminis denunciando præceptum, ludicrum & futile; necesse est conscios teneri obedire & pandere veritatem, nisi ij sint quos alia aliqua ratio excuset, ut reus ipse, vel complices: quia quoad istos generalis illa interrogatio non est iuridica, nisi infamia, aut semiplena probatio antecedat, ut Val. assertionem illa prima *sub finem*, rectè admonuit, & Sayrus in Clau. l. 12. c. 10. num. 25. Cæteri verò nisi aliud

aliud obster, quàm defectus præuiæ infamiæ autoris, tenentur respondere, quia iuridicè interrogantur: quandoquidem Iudex nihil eos interrogat, vel nihil ab eis detegendum mandat, nisi quod potest & debet interrogare, aut mandare. Igitur ne detur bellū vtrinque iustum, consciij in euentu proposito tenentur parere, idque ni faciant, incurrunt in excommunicationem sub qua præceptum detegendi, latum fuisse supponimus. Et ita præter cæteros Torres t. 2. in 2. 2. disp. 50. dub. 3. num. 12. Aragon. 2. 2. q. 69. art. 2. dub. vltimo, & Ioannes Valerus in differ. vtriusque iuris. v. *inquisitio*. n. 9.

Respondeo 2. si Iudex lato monitorio specialiter præciperet, vt qui nosset certum hominem quem designaret, v. g. Petrum autorem esse sceleris notorij, illum detegeret, nequaquam detegendus esset in ordine ad punitionem regulariter loquendo, si nulla prorsus de Petro infamia, aut aliquid eam supplens, eive æquiualens præcessisset, essetque autor ille prorsus occultus. Ratio est, quia tunc Iudex non præciperet iuridicè in ordine ad inferendam punitionem. Iura enim, vt id fiat, præscribunt antecessionem infamiæ, vel alicuius æquiualentis, ne gratis homines aspergantur infamia, & inde procedat iniquitas, vnde expectanda iustitia fuerat. Hanc tamen resolutionem, dupliciter réperauī, dicens eam valere si præceptum sit latum in ordine ad punitionem, & regulariter loquendo. Nam si aliud quærat quàm pœnæ irrogatio, v. g. si præcisè agatur de impediendo aliquo malo, aut tollendis maleficiorum occasionibus, tunc vt benè ratiocinatur Less. l. de iust. c. 29. num. 121. ni velimus omnia scatere sceleribus & iniquitatibus, fa-

tendum est licere superioribus præcipere specialiter de quopiam quem nullus malus rumor grauet, & inferiores conscios teneri, quàm secretò & quàm minima fieri poterit famæ iactura, eum pandere superiori vt patri, in scelerum præclusionem incubituro. Item tanta potest esse delictorum atrocitas, & tam iustus ab eis exitij timor, vt hæc quæ regulariter valere diximus, non sint anxie retinenda, sed fas sit mandare denunciationem, inquirendo etiam specialiter de quopiam absque infamia præuia, vel manifestis indiciis, sed ex qualicunque & leuicula occasione, num fortè ipse sit qui parrarit manifestum scelus, cuius autor lateret. Necessitas enim communis boni honestat illam vsus ceteroqui recepti ac seruandi temerationem, vt tradit Adrianus quodl. 11. difficult. 5. & Lessius supra notauit num. 139. concilians praxim omnium Iudicum, cum contraria opinione magnæ partis Doctorum anteriorum. Videturque annuere Suarez l. 5. de legibus cap. 9. num. 15. Quoties ergo præceptum denunciandi specialiter aliquem sceleris manifesti occultum autorem & infamia non laborantem, iustum fuerit, toties monitorium de ea denunciatione latum, ligabit. Non esset tamen iustum præceptum, nisi quæ nunc proposuimus, interuenirent. Vnde iis deficientibus, non ligaret monitorium.

QVÆSITVM VIII.

An reus delicti in nosmetipsos admissi, sit necessario detegendus vi monitorij.

Respondeo, non esse ex obligatione detegendum, si Iudex rationem præcisè habuerit iniuriæ nostræ. Ita rectè Sayrus in Clauī l. 12. cap. 14. num. 24. & Bonac. tract. 6. ex variis p. 1. §. 3. num. 1. Ratio est, quia non est præsumendum, venisse in mentem Iudici Ecclesiastico, ut velit quenquam inducere ad despuenda Christi consilia. At inter consilia Euangelica illud eminet, quo proprias iniurias non persequi, sed Deo cōdonare admonemur. Quinetiam ius ciuile l. vnica, C. *ut nemo inuitus*, &c. neminem vult adigi ad agendum vlla in causa, quanto magis in propria? Idque rationabilissimè cautum esse, demonstrant Clarus in pract. crimin. §. fin. q. 7. & Anton. Sola ad vetera Sabaud. decr. tit. ut nemo inuitus accusare vel denunciare cogatur, Glossa vnica, num. 1. Si igitur hoc seruat ius ciuile, quanto conuenientius est, idem ratum haberi iure Canonico? Quare extra dubium est, Iudicem Ecclesiasticum, nec velle nec posse obligare quenquam læsum, ut detegat illum à quo læsus est, si præcisè agatur de læsi indemnitate.

Hoc addo, quia interdum Iudex aliò collimat, & in damno priuati spectat commune bonum, cui aliter prospici non potest, quàm si ille ipse qui læsus est, aperiat criminofum. Et tunc, si feratur monitorium ad

M 4 finem

finem reuelationis, ab ipso læso est denunciandus is qui illi intulit iniuriam cum communi damno implicitam. Sic iure nouo Pij I V. Clementis VIII. Pauli V. sed præsertim Gregorij XV. pœnitens cui Confessarius per Sacramentalem confessionem laqueus Diaboli factus fuerit, sollicitans ad Venerem, tenetur illum prodere. Tantum quippe est ea in parte bonum communitalis & religionis, immani illo sacrilegio violatæ, vt non possit quis cedere iuri suo, & condonare iniuriam tam detestandæ sollicitationis. Vnde innodabitur excommunicatione lata in conscios, nisi illud tam tetrum Diaboli organum aperiat, in cuius horrendam nequitiam conclamat validè Calixtus III. in fine sermonis de vigilia S. Iacobi. Sed est scelus cui impar est quantacunque abominatio & detestatio. Quæ de reo tanti criminis dicta sunt, monstrando eum esse detegendum lato ad id monitorio, etiam ab eo qui est immediatè iniuriam passus, extendenda sunt ad alios euentus, in quibus interfit religionis vel cõmunis boni, læsum aperire eum à quo violatus est.

QVÆSITVM IX.

Reus iam emendatus, an detegendus vi monitorij.

Respondeo, reum occultum iam emendatum non esse vi monitorij detegendum, nisi vel in futurum pendeat periculum, vel Iudex ex vrgenti causa, criminis præteriti pœnam intendant. Quod his adiunctis sepositis reus occultus peccati non publici, non
sit

fit detegendus vi monitorij, patet ; quia tantum abest
vt fit obligatio detegendi talem reum, vt potius ini-
ciatur consciis obligatio illum celandi. Vnusquisque
enim tenetur abstinere euulgatione probri alieni, &
incommodatione proximi, absque rationabili causa,
quæ in re proposita prorsus deest, cum reus iam sit
emendatus : eaque emendatione iam sit factum satis,
fini, ac menti Iudicis ferentis monitorium. Proinde
non est quod cum proximi damno, frustra refricentur
plagæ iam obductæ. Et ita passim D D. multos accu-
mulant Gutierrez l. 1. qq. Can. c. 11. num. 73. Bonac.
tract. 6. ex variis p. 1. §. 8. num. 1. & Sanchez l. 6. Con-
sil. c. 2. dub. 5. num. 2. & lib. 6. in decal. c. 18. num. 49.
Quod enim initio illius numeri apud Sanchez habetur,
in eo euentu non esse necessarium denunciare
noxium superiori, etiam tãquam patri, quasi possit de-
nunciari à consciis si velint ; aperta alienæ manus in-
terpolatio est, cum probationibus & discursu auctoris
non consentiens, qualis non vna occurrit in posthu-
mo illo Opere. Superest tamẽ circa resolutionem tra-
ditam, difficultas, quandonam criminofus præsumi de-
beat emendatus. Quod enim Felinus ad c. *testimonium*.
de testibus, ex sola aditione tribunalis pœnitentiæ, &
facta ibi confessione constare putat, hominem esse
emendatum, id quod Genuensis in praxi c. 18. num. 6.
ex Iubilæi consecutione patere vult ; verum quidem
supponi posset, si ageretur de emendatione corâ Deo,
deque obliteratione actus prætensi per infusionem
gratiæ factam in absolutione sacramentali, non tamen
in sensu excludente obligationem denunciandi, lato
ea de re præcepto : quia ad eam obligationem eliden-
dam, requisi præterea videtur certa moraliter victo-
ria,

ria, reportata de prava consuetudine per contrarium
vsum. Vnde aliqui ad hoc certum de emendatione iu-
diciū, deponunt triennium, vt refert Diana tract. de
denunc. resol. 3. Sed hoc etiam nimium videtur, saltem
pro quibusvis culpis. Quare rectius dicitur, sitne ali-
quis emendatus, & an lato monitorio cesset ob hanc
causam obligatio illum denunciandi, aliter definiri
non posse quam boni & prudentis viri arbitrio, quod
ferendum in hac re erit, spectata personarum qualita-
te & criminis veluti viscositate, ac difficili vel facili
abiectione, cæterisque negotij adiunctis. Sic igitur res
habet quoad criminosos illos qui lato ad finem reue-
lationis monitorio detegendi non sunt, quia iam sunt
plenè emendati.

At addebā, interuenire quādoque adiuncta, in qui-
bus reus etiam si iam emendatus, sit vi monitorij de-
nunciandus. Nimirum si sit periculū relapsus, & dam-
ni grauis inde secuturi communitati, aut etiam priua-
tæ personæ. Hoc pacto graues DD. aiunt, hæreticum
formalem qui in hæresi ex malitia fuit, tametsi emen-
datus sit, tamen esse denunciandum si monitorium
id ferat: Non quia non possit supponi verè emenda-
tus, vt malè ratiocinatur Fagundez tract. 2. de præc.
Eccles. l. 6. c. 4. num. 17. sed quia quantumvis emenda-
tus, tamen haud ægrè ad vomitum redibit in tempo-
re & occasione. Ita Farinac. tract. de hæresi q. 197. §. 2.
num. 52. Valent. 2. 2. d. 3. q. 10. p. 5. §. 1. casu 4. Delrio
5. Magic. f. 4. indicio 6. & Suar. d. 20. de fide f. 4. num.
13. valétque id præsertim de hæretico emendato post
dogmatizationem, & disseminationem erroris de ca-
thedra pestilentia. Plerique quos appendit & sequi-
tur Diana tract. de denunc. resol. 3. idem affirmant de
sacerdote

sacerdote qui nefandissimè abusus sit sacramento pœnitentiæ ad turpitudinem designandam, sollicitandúmque ad eam. Nam licet emendatus sit, tamen q̃b summam talis criminis lubricitatem, & facilem ad cœnum illud regressionem, semper est iusta occasio dubitandi, non de emendatione, sed de recidendi periculo, si incidant occasiones. Quare lato de hisce criminosis aperiendis edicto denunciandi erunt, tametsi iam emendati. Insuper verò si Iudex ferens monitorium, non intendat solam à delicto emendationem, aut indemnitatem partis monitorium deposcentis, sed etiam intendat pœnas sumere de criminosis qui se tali scelere impiarint; tunc monitorium obligat conscios, vt aperiant quos sciunt huiusmodi criminibus forduisse, etiamsi iam emendatos, vt iustitia vindex locû suum habeat, & securitati publicæ tranquillitatis, ac innocentum tutelæ prospiciatur. Nam iuxta ea quæ dicta sunt ad quæsitum 7. sunt quædam crimina quorum tametsi iam transactorum denunciationem, Iudex bono publico vel innocentû defensionis seruiens, iustè præcipit vt irrogata debita pœna prospiciatur culpis deinceps admittendis, & omnium bono paucorum castigatione consulatur. Ambigi verò potest, quem finem intendat Iudex Ecclesiasticus, cum intentata excommunicatione mandat denunciari criminofum qui scitur iam emendatus, cum neutrum finem ex verbis monitorij licet deprehendere. Præsumendum esse intendi punitionem, censet Reginal. in praxi lib. 24. num. 51. At Suarez, Auila, Filliucius, quibus subscribunt Barbosa de potest. Episc. alleg. 96. n. 69. & Bonac. tract. 6. ex variis p. 1. §. 3. num. 3. contrarium docent. Nec abs re, ita præsumendum esset de eo qui

qui pastor sit non lanius, & sanitatem potius quàm abscissionem membri malè affecti habere debet propositam: sed magna rerum inclinatio in quouis statu, non exiguam verisimilitudinem priori præsumptioni conciliat, per hoc orbis in maligno positi senium.

QVÆSITVM X.

An reus vi monitorij seipsum detegere teneatur.

Respondeo 1. si monitorium feratur ad pœnam inferendam, reum occultum non teneri seipsum prodere nisi iuridicè interrogetur: quod non contingit nisi infamia criminis laboret, aut manifestis indicijis vrgeatur, vel sit aduersus eum semiplena probatio, qui modi variis instituendi iudicij rationibus sunt accommodati: nempe cum proceditur via accusationis, exigitur regulariter probatio semiplena aduersus reum vel aliquid ei æquiualens, nimirum indicia manifesta vt iuridice interrogari censeatur, teneaturque se prodere & fateri veritatem: cum autem via inquisitionis proceditur, interrogatio est iuridica regulariter loquendo, si infamia præcedat. Si igitur reus de crimine à Iudice interrogatus, non interrogetur iuridicè, defectu vel semiplenæ probationis, vel indiciorum manifestorum, vel infamiæ, ne accessu quidem intentatæ excommunicationis pandere seipsum tenebitur. Negat hoc Ludouicus Vitalis tract. de reis & testibus per censuram cogendis n. 18. & 30. Sed rectè affirmant benè multi DD, quos adducunt & sequuntur

tur Gutierrez l. 1. qq. Can. c. 1. num. 39. Sanchez l. 6. Opusc. c. 3. dub. 29. num. 4. & Diana tract. de denunc. reſol. 8. videreturque aperte haberi ex cap. *quis aliquando*. de pœnit. diſt. 1. & cap. *quidam maligni*. §. q. 1. vbi traditur, neminem teneri prodere ſeipſum. Idem ſonat quod habetur l. *de minore*. ff. de quæſt. & l. *nimis graue*. C. de teſtibus, quibus locis dicitur, non eſſe ſumenda arma de domo rei. Saperet ſanè tyrannidem præceptum illud, quo homo ita in ſeipſum efferari iuberetur, vt ſibi ipſemet exitium vel infamationem crearet, nullis præoccupatus & prægrauatus indiſciis, aut rumoribus, vel probationibus. Quare iuſſio rationabilis, cuiuſmodi præſertim eſt Eccleſiaſtica, nihil tale indicit vnquam, vel poteſt indicare, ſed ſi id aggreſſiatur & excommunicatione intentata reum ad id vrgeat, non tenebitur reus ſe prodere & aperire ſeculus ſuum planè occultum, cum de eo ad pœnæ irrogationem prodendo agitur: nec per ſilentium incurret cenſuram monitorio cõſertam, vt benè aiunt Hugolinus de poteſt. Episc. c. 45. §. 4. & Naldus v. *excommunication*, num. 8. Aliqui excipiunt euentum in quo quis pro bono communi teneretur propriam vitam ponere. Sed non eſt cur ea exceptio admittatur, niſi ſi agatur de reo, indirecè & conſequenter prodente ſeipſum cum prodit complicem, in euentu quo graue malum communi bono imminens iniiceret neceſſitatem reo detegendi complicem cuius voluntas non ſubeſt voluntati rei. At ſi ſermo ſit præciſè de reo, nulla eſt ex communis boni debito ſtudio neceſſitas, quæ eum agat ad ſe prodendum, cum in eius poteſtate ſit mutare efficaciter voluntatem, ſicque mali occaſionem remouere, & præ-

• cludere

cludere necessitatem se detegendi, eam ob causam.

Aduersus hanc resolutionem opponuntur tria. Primum est, argumentum cui succubuit Franciscus Marcus p. 2. decis. 856. nempe quod ne pro vita quidem retinenda, liceat mentiri. Igitur reus sub excommunicatione interrogatus de scelere, quia nisi se prodatur, mentietur, adigitur ad se ingenuè prodendum. Hæc tamen difficultas facillè expediri potest, non modò in monitorio quo generaliter tantum inâdatur vt conscij veritatem aperiant; vnde silere possunt & mentendi necessitatem declinare tacendo; sed etiam in iudiciaria interrogatione speciali, adactò specialiter reo per intentatam excommunicationem vt pandat veritatem. Potest enim nihilominus reus declinare iniquam, quippe non iuridicam interrogationem, dando responsum sensibilibiter vel insensibiliter æquiuocum: sensibilem æquiuocationem appellant, qua responsum præbetur verbis biformibus, & multiplici significatione fœtis, quarum significationum vnâ concepturus agnoscatur iudex, alteram verò intendat & verbis suis substernat reus; nihil quidem suppressens, aut mente abditum tenens quod verbis exterius prolatis non indicetur, tamen multiplicitate & ambiguitate sensus verborum, deludens iniquum quæsitum. Altera verò æquiuocatio siue insensibilis, ea est, qua pars responsi foras promitur, pars suppressitur & subintelligitur; quale genus respondendi vsurpauit Christus ipse, cum rogatus à discipulis de die iudicij, respondit, se nescire: non quod intellectus Christi etiam creatus & humanus, ignoraret iudicij diem; quod qui ex eo Christi responso intulerunt Agnoitæ, inter hæreticos sunt recensiti: sed quod
Christus

Christus ad eum modum loquens exteriùs, subintel-
ligeret interiùs, se nescire vt Magistrum, siue ad do-
cèdum, vt disertissimè tradidit S. Augustinus in Psal-
mum 9. *ferè in fine*, & alij plerique Patres quos ad-
duxi in Opere de æquiuatione c. 10. n. 8. quo Opere
fusè & omni testimoniorum ac probationum genere
adhibito demonstratum est, vsum alterutrius æquiuo-
cationis, si grauis & idonea causa suppetat, nec alia
quàm veritatis enunciandæ obligatio ex lege virtutis
veracitatis vrgeat, vacare culpa. In re autem de qua
agimus, ob imminètem pœnam si veritas apertè pan-
ditur, adest iusta & idonea causa adhibendi subterfu-
gium prædictum. Nec alia virtus obstat. Nam obe-
dientia superiori interroganti debita, non habet hîc
locum, quia superior non agit vt superior, quando-
quidem supponitur non interrogare iuridice. Itaque
fas est ei respondere non ad mentem, & verborum
ambiguitate vel apta subintellectione partè responsi
foras emissam supplente, deludere perperam interro-
gantis sollicitudinem; non adhibito mendacio quod
constat esse intrinsecè malum, nec vlla ratione vsur-
pari posse, vel si vita esset prodigenda. Nec Albericus
Gentilis, qui pro mendacij in hoc negotio defensio-
ne, genus omne probationum ac testium conquisiuit
integra de hoc argumento disputatione, aliud reuera
profecit, quàm quod se malæ causæ malum patronum
prodidit. Tamen si illud non inuitus dederim, magnam
partem autorum quos producit, nomine mendacij
quod in necessitate approbant, non illud propriè di-
ctum mendacium quod in mentis & verborum dis-
sonantia situm est, & nunquam licet; sed æquiua-
tionem alterutram, quæ in speciem & aliquali cor-
respondentia

respondentia cum vero mendacio conuenit designare voluisse. Id enim de Origene, Cassiano, Dorotheo, mendacij tanquam medicamenti id est in necessitate, vsum labe vacare agnoscentibus, puto perspicuum. Vt autem propriè dictum mendacium, vel si vita perdenda esset, quandoque sit licitum, nemo Catholicus admiserit, vt rectè aiebat Franciscus Marcus, non rectè tamen inde ratiocinatus, necessitatem iniici reo non iuridicè interrogato prodendi seipsum ne mentiatur: cum ea interrogationis non iuridicæ iniquitas, solius apparentis mendacij vsurpatione, declinari facile à reo absque labe queat.

Secundum quod aduersus resolutionem datam opponitur, est factum S. Gregorij l. 5. epist. 30. indict. 14. vbi mandasse videtur cuidam libelli famosi occulto autori, sub pœna excommunicationis, vt se prouideret. Vnde Almainus tract. de potest. Eccles. & laica c. 9. probat peccatorem occultum posse excommunicari pro peccato manifesto. Nec pauci inde collegerunt, excommunicationem ferri posse pro peccato præterito. Caterum S. Gregorius, quod ad rem præsentem attinet, nihil constituit quod resolutioni positæ aduerfetur. Nam vt rectè notarunt Soto in 4. d. 22. q. 1. artic. 2. conclus. 4. & Nauar. repetit. ad c. *inter verba*. conclus. 6. coroll. 66. num. 409. S. Gregorius non mandauit reo sub pœna excommunicationis vt se detegeret, sed tantum vt homo tanti sceleris reus, qui viro bono clam impegerat probra graua, abstineret Eucharistiæ perceptione, donec satisfecisset, idque ni seruaret, percelli eum voluit excommunicatione, tamen si occultum. Neutram verò pœnam illi inflictam voluit si vltro prodiret, & probra quibus virum bonum

num onerauerat, nisi veritate demonstraret. Vides S. Gregorium non astringere reum planè occultum ad se prodendum, sed ei imperare, vt personæ quam malè violarat satisfaciat, nec ad communionem accedat quin satisfecerit: ad quod vtrunque, reus ille antecedenter ad S. Pontificis præceptum, omni iure obstrangebatur. Quod verò si prodire ipse malit, & vera esse demonstrare quæ alteri inuissèrat dedecora, immunitatem eum esse voluit à mulcta itrogata, non fuit eum cogere ad se prodendum; sed optionem dare liberandi se à nota calumniatoris, & probandi quæ clam exprobrauerat; quod quàm sit diuersum ab eo quod hîc inficiamur, nemo non videt.

Tertium denique quod resolutioni traditæ opponitur, est vsus apud plerosque receptus apponendi monitoriis hanc clausulam, *dempta parte & consilio*, ne per monitorium vim inferrent reo, & iis quos reus auxilij & consilij gratia adiisset, detegendi ipsum reum. Ea enim clausula non apposita, sed quod aliquoties factum constat, adhibita clausula, *nemine dempto*, sensus multorum tulit, & reum etiamsi prorsus occultum teneri se prodere, & consultos ab eo, obligari ad eum detegendum. Ita Petrus Gregorius l. 48. syntagm. c. 13. num. 3. ex Ægidio Magistro in decis. Paris. tit. de appell. ex abusu c. 9. & 10. & Lazarius l. 2. q. 16. num. 9. refertque Ægidius loco prædicto, antiquam illam clausulam, *dempta parte, & consilio*, fuisse senatus consulto abrogatam. Verùm eam in aliis oris semper adhiberi, scribit Sola ad antiq. Sabaud. decr. tit. vt nemo inuitus, &c. Glossa vnica num. 7. & tit. de minor. decr. inuent. p. 1. Glossa vnica n. 17. vbi cum Rebuffo in Constit. Reg. tit. de Inuent. Glossa 1. n. 9.

N excipit

excipit duntaxat monitoria aduersus tutores qui bona pupillorum infideliter descripserint. Notat enim in talibus monitoriis non adhiberi clausulam illam, *dempta parte & consilio*, sed hanc aliam qua reus quoque ad se prodendum adigatur, etiamsi occultus, *nemine dempto*. Quam item clausulam, ipsius quoque rei & consultorum ab eo adactricem, permitti in quibusdam euentibus in monitoriis debere, statuitur in Codice Fabriano l. 4. tit. 14. vt definit. 54. cum monitorium impetratur ante motam litem, non autem post. Rursusque cum agitur de instrumentis maximè communibus. Adhæc definit. 68. cum quis criminaliter postulatus, non alias veritatis & innocentiae suæ probationes habet, quàm quas ex ore accusatoris eliciet. In Galliis variam planè esse quoad has clausulas apponendas praxim, legere ibidem est ad definitionem illam 54. Vbi etiam illa secularium Iudicium sollicitudo legitur, interdicendi publicatione monitorij, priusquam agnouerint an adhibitione clausulæ illius, *nemine excepto*, alteriusve cuiuspiam, sint in monitorio comprehensi aliqui quos iniquum sit comprehendi, & adigi ad sui ipsorum vel aliorum euulgationem.

Salua tamen reuerentia, quæ Diis (vt Constantini Magni verba huc transferam) à vero Deo ad iudicandum orbem constitutis summa debetur, sequitur perspicuè ex dictis, hallucinari eos qui censent appositionem vel prætermissionem clausularum illarum, *dempta parte & consilio*, & *nemine dempto*, aliquid plus cōferre quoad rem de qua agimus, hoc est quoad necessitatem iniiciendam reo vt se prodatur, iisve ad quos ipse consilij opifve gratia confugerit, vt eum detegant. Verè enim, reus vi solius monitorij, etiamsi

Præsul

Præful neminem demat & omnes arctare ad reuelandum velit, non obligatur se detegere, nisi absque appositione illius clausulæ, *nemine dempto*, obligaretur; puta quia non est planè occultus, sed ob præcedentem infamiam vel semiplenam probationem criminis, vel aliquid iis æquiualens, interrogatur vel vrgetur iuridicè ad se prodendum. Nam in eo euentu obligatur se prodere, etiamsi nō sit apposita clausula illa, *nemine excepto*. Extra cum verò euentum, quantumuis eā clausula adhibeatur, non tenebitur se prodere, si planè occultus sit, atque adeò non vrgeatur iuridicè ad se aperiendum. Et idem est de consilio, v.g. de aduocato aut fideli amico, quos reus auxilij & consilij gratia adierit, seque illis detexerit. Quantumuis enim monitorium ferat vt omnes nemine dempto reum planè occultum detegant, non tenebuntur tamen eum aperire, imo nec poterunt, iuxta dicta superius ad quæsitum 4. vbi etiam ostensum est, consilium ne in eo quidem euentu in quo reus nisi in monitorio excipiat adigitur se prodere, hoc est cum laborat infamia, vel est aduersus eum semiplena probatio, aliquidve ei æquiualens, posse reum detegere regulariter loquendo. Non igitur ex eo quod adhibita sit ea clausula, *nemine dēpto*, adigitur reus planè occultus se detegere, nec cum illa alia clausula apponitur, *dempta parte*, gratia fit reo ne se detegat quantumuis sit occultus, obligandus alioqui nisi ea clausula fuisset apposita. Id quippe falsum esse liquet ex dictis. Sed hæc quidem clausula, *dempta parte*, gratiam reo facere potest non se prodendi, si non sit planè occultus, & alioqui per monitorium absque ea restrictione latum, vrgendus iure esset ad se prodendum, iuxta ea, quæ mox

subiiciemus in limitatione huius ad quęsitum rēspō-
 sionis. Illa verò alia clausula, *nemine dempto*, potest cō-
 ferre ad vrgendos vt veritatem detegant, eos quoque
 quos alioqui pars pręsumeretur noluisse in monito-
 rio comprehendere; puta domesticos cum agitur de
 clancularia subductione facultatum, aliisve huiusmo-
 di. Addi potest nec incommodè, clausulas prædictas
 ex mente eorum qui primi eas apposuerunt, aliò re-
 uerà pertinuisse quàm ad significandam rei occulti
 obligationem ad se prodendum nisi excipiat. De
 illa enim clausula, *dempta parte & consilio*, facilè dici
 potest, eam non adhiberi quasi necessariam ad exolu-
 endum reum prorsus occultum obligatione se de-
 tegendi, vt censent qui inde à contrario sensu argu-
 mentantur, reum si non excipiat, teneri se prodere
 tamen si occultus sit: sed ideirco adhiberi, vt tollantur
 scrupuli meticulorum. Quia enim plerique trepi-
 dant timore ubi non est timor, & audito generali
 præcepto sub pœna excommunicationis quo conscij
 obligantur aperire quod norunt de re proposita, non
 pauci facilè induxissent in animum, reos quoque de-
 bere se detegere, & consultos ab eis teneri prodere
 hos suos clientes, vnde magni conscientiarum ango-
 res, aut etiam Numinis offensę exorirentur: prouidè
 & sapienter Antistites, eam clausulam, *dempta parte &
 consilio*, adhibendam existimarunt, ne reus occultus
 eiusque Consiliarij putarent se monitorio compre-
 hendi, sicque illaquearentur sine causa. Qua fere ra-
 tione, plerunque conceduntur priuilegia adhibitis
 clausulis præcisè non necessariis, tantùm vt tollantur
 scrupuli, & nimix pusillarum mentium meticulositati
 cōsulatur. De illa verò alia clausula, *nemine dempto*, dici
 facile

facile potest, sensum non esse, vt reus quoque etiam si prorsus occultus se pandat : sed obligationem iniici omnibus iis qui legitimè ac sufficienter non excusabuntur, vt aperiant veritatem, vel si seipsos detecturi essent. At inter eos legitimè excusatos, eminet reus prorsus occultus, vt est demonstratum.

Semper restrinxi resolutionem datam ad reū prorsus occultum, quia fateor reum sceleris infamia laborantem, vel pressum manifestis indiciis, aut aduersus quem semiplena sceleris probatio habeatur, teneri se prodere, si à legitima potestate interrogetur : atque adeò qui talis est, si feratur monitorium in quo reus non excipitur, tenebitur se detegere. Negauit hoc Ambrosius de Vignate cuius argumenta latè profert & excutit Neuizanus l. 3. Syluæ nupt. à n. 36. Quoad monitorium quoque, quia tantum generaliter fertur, Corduba quem sequitur Auila 2. p. c. 5. disp. 5. dub. 2. conclus. 8. negat reum teneri se prodere quantumuis sit infamatus, sed tantum obligat eum ad fatendam veritatem, si ipse specialiter interrogetur iuridicè, scilicet præcedentibus indiciis, vel semiplena probatione. Lessius item l. de Iust. c. 31. num. 15. iuncto 11. negat reum ex sola simplici infamia si nullum aliud ad sit indicium, obligari posse ad fatendum crimē suum, etiam si intentetur excommunicatio. Contrarium habet Gutierres l. 1. qq. Canon. c. 11. num. 38. & 41. asserens monitorium iniicere reo necessitatem se prodendi si grauetur infamia, vel manifestis indiciis, aut semiplena probatione. Idem tradit Syluester v. *Correctio*, q. 9. & subscribit Iacobus de Grassis 1. p. decis. l. 4. c. 8. num. 18. Sed dicendum est, quoties Iudex interrogat iuridicè, (ad quod quid in variis iudicij ineundi

rationibus præexigatur, initio tactum est obiter; plenè autem excutitur in tractatione de iudiciis;) toties iniici reo obligationem fatendi crimè, etiam si ad pœnam interrogetur: quod si interrogationi adiungatur intentatio excommunicationis, fore ut reus eam incurrat, nisi pareat. Quod autem de speciali interrogatione dictum est, æquè valet de generali interpellatione per monitorium; ita scilicet ut reus, qui si specialiter rogaretur teneretur fateri suum crimen, quia interrogatio esset iuridica; æquè teneatur illud fateri interposito ad id generali præcepto sub pœna excommunicationis. Ratio est, quia quod præceptum sit generale quia ignoratur is ad quem dirigitur; vel certè speciale, quia innotescit is cui præcipitur, non variat vim præcepti, quod supponitur à legitima potestate & legitimè procedente manare, proindeque esse validum & obligatorium. Igitur dummodo Iudex legitimus procedat iuridicè, quod facit cum iubet reum prædictis modis iudicio convenientibus non occultum, se prodere, reus siue generatim siue in particulari mandetur; ut se detegat, tenetur obedire; idque si præstare renuat, violètque mandatum cui conferta sit excommunicatio, incidet in illam. Tradit hanc sententiam Zerola v. *excommunicationis causa materialis*. ad 3. & plurimos adducens Lazarius f. 3. q. 12. num. 4. Argumenta verò quibus Ambrosius de Vignate contrarium probabat, contendens, reum vi monitorij nunquam teneri se prodere, illa ipsa sunt quibus aliqui id ipsum de reo specialiter interrogato absque censuræ interminatione confirmant, inter quos Angelus, Sylvester, & Fumus, v. *delicti confessio*, Petrus à Nauarra 2. de restit. c. 4. parte 2. dub. 2. Pesantius 2. 2. ad

ad q. 70. disp. vnica *in fine*. aliique non pauci adducti 2.2. in tractatione de reo, quorū sententiam probabilem censent, tametsi ei simpliciter non subscribunt, Rodericus t. 2. qq. regular. q. 19. artic. 4. Reginal. in praxi l. 24. n. 37. Bonac. ad 8. Decal. præcep. disp. 10. q. 3. p. 2. num. 7 Less. l. de iust. cap. 31. num. 16. Malderus de virtut. tract. 6. c. 3. dub. 1. assert. 2. & 3. Filliuc. tract. 40. num. 266. Atque vtinam Torres qui 2.2. t. 2. disp. 50. dub. 7. horum placitum ne probabile quidem esse pronunciauit, quanta facilitate hoc dixit, tanta dissoluisset argumentum sanè validum pro eo placito, inde desumptum, quod nemo potest adigi ad detegendam personam noxiam valdè coniunctam etiam in euentu in quo alium detegere cogeretur, saltem regulariter loquendo: Non potest inquam spectata vi humanæ potestatis, ex rei natura & antecedenter ad ius positium, quod tantum declarauit quid ea in parte posceret ius naturale. Ergo multo minus adigi potest reus detegere seipsum tametsi non prorsus occultum, cum nemo ei sit ipsomet sibi cōiunctior aut propinquior. Eam tamen rationem verèque implexum nodum, inferiùs agentes de propinquorum denunciatione, vel soluere, vel scindere conabimur. Interim in cōtrariam sententiam propositam, quæ reum legitimè & iuridicè interrogatum obligat ad se prodendum, lubentes concedimus, cum vniuersè quoad iudicia quæcunque, tum nominatim si in euentu in quo legitimè interrogaretur si pateret, interpelletur ad id generaliter per monitorium.

Respondeo 2. ad quæsitum, si reus monitorio non interpelletur ad se prodendum vti pœnam subeat, sed tantum in ordine ad impediendum malum aliquod,

vel ad tollendam maleficij occasionem, ratum esse debet, monitorium ligare reum ad se prodendum, etiamsi ita occultus sit, ut si Iudex tenderet ad gravamen inferendum, interrogatio iuridica non esset, nec obligaret ad planam & expeditam respōsionem. Ratio huius doctrine, eadem est cum ea qua graues DD. quos latè refert & sequitur Sanchez l. 3. de matrim. disp. 14. num. 2. confirmant, Iudicem Ecclesiasticum si agatur de contrahendo matrimonio, posse obligare partes ad fatendum impedimentum prorsus occultum, si velint porro pergere in contractus coniugalis celebratione. Itémque qua Henriques cum aliis l. de Ordine c. 18. num. 2. docet, eum qui vult ad Ordines promoueri, debere prelato reganti, aut generatim mandati, candidè & simpliciter prodere vitium occultum, quo ab Ordinibus repellendus sit. In his quippe euentibus DD. agnoscunt obligationem detegendi probra occulta & infamatiua, quia non agitur de grauando reo, quo pacto præexigeretur probum non esse prorsus occultum, sed agitur de impediendo peccato, & indignis à sacramento Matrimonij vel Ordinibus, per Dei ministrum, non qua Iudicem, sed qua fidelem dispensatorem & patrem repellendis; ad quod, ius & potestatem à Deo accepit. Igitur vbicunque similiter ageatur tantum de impediendo peccato, habebit ius præcipiendi, ut probra licet prorsus occulta aperiantur: & qui iis sorddebunt, tenebuntur ea aperire, si velint progredi in opere cui illud peccati periculum est adiunctum. Id nisi præstent, seque candidè aperiant, irretientur excommunicatione, si præceptum se detegendi sit sub ea pœna impositum: quia tale præceptum se aperiendi, non est latum ad inferendam pœnam.

pœnam, sed ad præcludendam diuinam iniuriam, & impediendum maleficium quod aliqui consequeretur.

QVÆSITVM XI.

*Sitne obligatio detegendi complicem vi
monitorij.*

Respondeo, non aliter ferè complicem obligari ad prodendum socium criminis, quàm ad prodendum seipsum. Explico hoc, distinctione adhibita. Vel enim agitur de complicitis detectione à reo primario facienda, vel de detectione rei primarij, facienda per complicem qui sit minus principalis causa delicti, & socius rei primarij in eo admittendo. Neutro autem modo, vix est alia obligatio ad prodendum complicem, quàm ad prodendum seipsum, etiamsi detectio imperetur intentata excommunicatione.

Ac primum si agatur de obligatione rei primarij ad prodendum criminis socium seu complicem, haud obscurum est quàm fere eodem gradu procedat obligatio prodendi vel facultas celandi complicitis, quàm obligatio & facultas prodendi vel celandi seipsum. Nam qui aperit complicem, aperit consequenter seipsum, siue ultro fateatur se cum eo deliquisse, siue tantum prodatur illum admisisse tale crimen, postmodum eiusdem criminis participio maculandus ab eo quem prodiderit. Itaque quia reus non tenetur seipsum aperire, nisi iuridicè id ei iubeatur: quod non

N s contingit,

contingit, cum est prorsus occultus, vix tenetur complices aperire si sint prorsus occulti, quantumvis præceptum sit impositum sub pœna excommunicationis. Quo spectat, quòd vt tradit Caiet. t. 1. opusc. tract. 3 1. respons. 5. habeturque ex c. *nemini*. 1 5. q. 3. & ex l. fin. C. de accusat. Iudex regulariter loquendo, nec potest nec debet interrogare reum de complice, si nulla sit infamia quod complex aliquis interuenerit. Vnde quia talis de complice interrogatio non esset iuridica, reus eam eludet aut negliget absque peccato, & incurso excommunicationis intentatæ. E contrario autem, quando crimen tale est vt exerceri absque complice nequeat; vel quantumvis ex natura rei posset admitti absque complice, tamen ex circumstantiis prudenter deprehendatur complicem interuuisse; Tunc quia interrogatio de complice est iuridica, iniicitur obligatio complicem detegendi. Neque enim tunc, complex est prorsus occultus: sed illa ipsa quæ ad interrogandum vel vrgendum ad sui detectionem reum principalem sufficientia fuerunt, ad complicem quoque diffunduntur tanquam ad circumstantiam scelestis, atque adeò æquè aperiendus est à reo, si velit se excommunicationi intentatæ subducere. Vniuersa hæc doctrina colligitur ex iis quæ cum aliis tradit Suarez disp. 20. de fide s. 4. num. 19.

Eam tamen temperaui addita particula restringente, cum dixi eandem ferè aut vix aliam esse reo obligationem prodendi complicem, quàm prodendi seipsum, quia interdum ratione immensi damni quod ingruit communi bono ex complicitis celatione, obligatur reus seipsum discrimini exponere detegendo complicem, etiamsi non teneretur se detegere si solus

lus esset. Nimirum quia ipse reus, est plenè arbiter ac dominus suæ voluntatis. Vnde si occultus omnino sit, dummodò efficaciter statuat abstinere scelere, satis prospectum erit communi bono, etiamsi non se aperiat. At voluntas complicitis, non subest arbitrio & potestati principalis rei. Itaque si contingeret ex complicitis celatione, magnum damnum quod meritò præferendum sit damno rei, exoriturum iure timeri, teneretur reus complicem detegere quamvis prorsus occultum, & cuius detectio extra eam necessitatem non posset iuridicè mandari. Ita ferè statuunt DD. de complice heretico. Nec pauci idem statuunt de persona à Confessario ad turpitudinem sollicitata, quam obligant ad detegendum Confessarium etiamsi prorsus occultum, ob summam perniciem Ecclesiæ Dei imminentem, ni tam tetra pestis auertatur. Ita Bonac. tract. 6. ex variis p. 3. num. 10. & alij quos refert Diana tract. de denunc. resolut. 9. Quanquam in hoc secundo exemplo, lōgè aliter se habet res quàm circa complices aliorum criminum. Tamen si enim supponamus, personam sollicitatam præstitisse consensum in sollicitationem, atque adeo habuisse rationem complicitis quoad crimen de quo fuit sollicitatio: Tamen quoad ipsam sollicitationem quæ est crimen horrendum, Confessarius sollicitans, complice caruit: cum ipse supponatur is fuisse, qui factus est alteri personæ laqueus diaboli. Edicta autem quæ in Ecclesia prostant plurima de tantæ turpitudinis detectione, spectant duntaxat crimen sollicitantis Confessarij, vt multorum fert sententia apud Dianam loco annotato resolut. 23. Vnde persona pœnitens, reuelans Confessarium sollicitantem, nihil sibi ab ea reuelatione time-

re debet, præcisè vi edicti mandantis detectionem Confessarij sollicitantis. In aliis autem criminibus, cum reus complicem detegit, si priùs reus ipse non innotuerat, accersit sibi per se loquendo eandem pœnam.

Venio ad alterum punctum initio propositum, hoc est ad quæstionem de complice qui fuit secundaria & coadiutrix causa delicti, quatenus is ad reum principalem detegendum obligetur vi monitorij. Quia enim complex iste, aperiendo reum principalem, in eandem se coniicit voraginem; idcirco dicebam, quæ ratione si prorsus occultus ipse sit, non teneretur se detegere, quantumvis id sub excommunicatione mandetur, eadem ferè neque reum principalem esse ab isto complice detegendum, si prorsus occultus sit, ne se cum eo inuoluat, & eidem obiciat discrimini. Ferè inquam eadem est isti complici detegendi sui aut rei principalis necessitas, vel celandi facultas, quia necessitas alieni præsertim communis boni, aliud interdum ferre potest quoad obligationem detegendi rei principalis, eo quod voluntas illius non subsit arbitrio ac potestati complicitis; nec prospiciendum aliquando sit alieno bono nisi reus principalis detegatur, in quo eventu, complex qui si solus esset non teneretur se detegere, quia posset efficaci voluntatis mutatione auertere graue malum imminens quod meritò anteponendum sit damno ipsi complici detegenti resultaturo per detectionem rei principalis, obligandus est ad eam detectionem rei principalis, tametsi prorsus occultus, ut in superiori puncto diximus, agentes de reo complicem detegente. At si reus principalis, & ipse complex non sint prorsus occultus, sed ita se habeant

beant vt interrogatio de crimine si iisdem singulatim fieret, esset iuridica, atque adeò etiam vt præceptum se detegendi non esset contra rationem ac formam iuris, tunc complex quantumuis non nisi generatim per monitorium iussus veritatem enunciare, tenebitur detegere reum principalem, æquè ac in eo euentu tenebitur ad detegendum seipsum. Idque si renuat exequi, innodabitur excommunicatione sub qua præceptum detegendi autores criminis, impositum fuisse supponitur.

Ex dictis diiudicandum est dubium frequens, de obarato qui videns se impotentem ad soluendum, vel ex malitia fraudem faciens creditoribus, quærit fiduciarium emptorem cui bona sua in speciem vendat, moxque cedit bonis. Creditores fraudem subodorati impetrant monitorium, vt quisquis bona obarati aut fraudem factam deprehenderit, eam detegat. Dubitatum sapè est, vtrum emptor, qui obarati in ea fraude struenda complex fuit, nec testes habet quibus factam mangoniam probet, teneatur aut possit reum principalem vnàque se aperire, ne in monitorij censuram incurrat. Auila 2.p.cap. 5. disp. 4. dub. 3. conclus. 7. affirmat, complicem istum, teneri primum monere obaratum vt restituat, vel sua bona recipiat: quod si is neutrum velit, teneri eum denunciare; quod ait apertè colligi ex Syluestro v. *restitutio*, 3. num. 10. §. 4. nec referre putat, quod desit facultas probandi: quia id neque exigitur in hoc negotio vt emptor non habeatur calumniator, neque ad indemnitate debitam famæ obarati. Emptor enim nullo modo præsumetur calumniator etiam absque facultate probandi, obaratum denunciaret; quia clarum est, cum

eum nequaquam à se abdicaturum bona quæ ei fiduciariè sunt commissa, si reuera non essent sic commissæ, nec scrupulo admissæ nequitix angeretur, & vrgeretur ad aperiendam syncerè veritatem. Infamia autem reo principali obuentura ex detectione fraudis per eum factæ, attendenda & cauenda esset, si emptor fuisset præcisè conscius fraudis; at cum complex fuerit, & celans vltèriùs nequitiam admissam, bonæque concredita asseruare pergens, causa sit damni creditorum, æquè ac is qui bona à latrone data in custodiam apud se habet, non est excusandus à rei principalis denunciatione eam ob causam. Vnicam huius obligationis amoliendæ iustam excusationem proponit idem Auila sequenti disp. 5. dub. 2. concl. 2. si inde emptori fiduciario ingens famæ damnum accedat. Et æquè addere poterat, si futurum sit, vt ob cooperationem in fraudem, grauiter mulctetur, sintque hæc infamiæ obuenturæ vel mulctæ inferendæ dispendia talia, vt meritò declinatio eorum anteponi queat damno creditorum. Id enim præcipuè videtur ad diiudicationem huius difficultatis considerandum, quod attinet ad obligationem vel facultatem detegendi obæratum. Nam quoad restitutionem quidem, de qua sola agit Syluester loco annotato, res est extra controuersiam. Tantùm dubitare licet, an emptor possit in deteriori statu collocare bona quæ ab obærato pessimæ fidei homine accepit, ea illi restituens quod fieri posse aiebat Auila. De hoc inquam dubitari posse dico. Quod enim latroni liceat restituere rem ab eo bona fide emptam, & rescindere comperto scelere contractum vt recuperetur pretium; ratio est quia alioqui emptor bonæ fidei pateretur damnum nullo admissio peccato.

to. At in re præfenti, emptor fiduciarius præterquam quod peccauit contra ius creditorum cum cooperatus est occultationi bonorum, quam iniustitiam hac bonorum illorum positione in creditorum potestate optimè faciet; nullum exinde parietur dispendium, quia cum venditio fuerit colorata, nullum pretium numerauit, vel statim à consummato contractu recepit. Imo etiam si non recepisset, eadem eius esse ratio deberet quoad pretij illius amissionem, ac emptoris qui mala fide à latrone rennemit, nec potest pretium appensum recuperare nisi rem latroni reddat: quod fieri ab eo non posse, sed debere rem vero domino reddere, etiam si facienda esset pretij iactura, in confesso est. Sed vt his admissis in detectione obærat per complicem sistam, dico iuxta superiùs constituta, si vterque fraudis artifex sit prorsus occultus, & dispendium quod creditores subeunt non præponderet damno quod alterutri vel vtrique noxio ex detectione resultabit, complex potest ac debet filere non obstante monitorio, salua semper curandæ aut faciendæ restitutionis obligatione. Si autem ista deficient, sed damnum creditorum longè grauius sit damno quod fraudis artificibus ex detectione obueniet; vel certè si neuter vel alteruter sit prorsus occultus, ideóque iuridicè quamuis non nisi generaliter interpellentur per monitorium ad aperiendam veritatem, tenebitur complex reum principalem aperire, & fraudem simul factam detegere.

QVÆSITVM XII.

Ligétne monitorium ad pandendam personam criminofam valdè coniunctam.

Respondeo negatiuè regulariter loquēdo, etiamfi per monitorium generaliter edicatur, vt quilibet confcius, quemcunque alium noxiū in caufa de qua agitur patefaciat. Ita Nauar. repetit. in cap. *inter verba*, conclus. 6. num. 312. Gutierrez l. 1. qq. Canon. cap. 11. num. 54. & multi quos adducit Neuizanus l. 3. syluæ nupt. num. 47. Ratio est quia præceptum humanum non potest obligare ad rem ad eò arduam cuiusmodi est detectio criminofi valdè coniuncti, qui eadem ferè persona nobiscum cenferur, & cuius detectio fit futura perpetuus fons iurgiorum & diffidiorum interstinatorum inter eos qui vitam omnem simul exigere ob coniunctionem astringuntur. Sanè lex ciuilis, cui lex Ecclesiastica non debet de benignitate concedere, l. 4. ff. de test. disertè cavit, *ne inuita denūcietur vt testimonium litis dicat aduersus socerum, generum, vitricū, priuignum, sobrinum, sobrinā, sobrino natum, eòsue qui in priori gradu sunt.* Quinetiam patronos ac libertos inter se, ac respectu cognatorum in prædictis gradibus, legislator eodem testificandi onere exemptos voluit. Varia alia iura quibus constitutum est, vt nemo in criminali caufa contra cōsanguineum vsque ad quartum gradum, & contra alios æquè ac magis coniunctos testificari adigatur, collegit Molina tract. 3. de iust.

iust. disp. 44. num. 11. & 12. Nimirum perspexere legiflatores quid ferant vires humanæ potestatis ciuilis in ferendis præceptis quæ captui subditorum debent esse accommodata, ne sint importabilia, proindeque frustra imponantur. Itaque potestas Ecclesiastica, quæ magnam partem non nisi in subsidium ciuilis potestatis decernit monitoria, non potest virgere aliquem ad eum detegendum, quem ciuili lege celare finitur, ob nimiam coniunctionem. Nec refert quod ea persona non sit prorsus occulta, sed vel infamia, vel manifestis indiciis, aut semiprobatione ita grauetur accommodatè ad rationem iudicij institutam aduersus eam, vt ipse coniunctus si de eo ageretur & similiter grauaretur, teneretur se prodere. Nihilominus enim præceptum de huiusmodi persona detegenda non virget, quamuis virgeret ad detegendum seipsum. Ratio disparitatis afferri potest, quia denunciator & testis in iudicio se habent actiue, & quasi impetendo reum in fama aut vita aliisque bonis; ad quod personam coniunctissimam nulla sua culpa ad id obstrictam adigere, inhumanum & asperum esset, imo ferum & crudele. At reus cõfitemens, non se habet actiue, nec se impetit, sed nudè contuendum præbet quod reuera fecit: ac proinde non potest idcirco censeri causa damni quod subibit, nec erit nimis durum supposita veritate facti, eum virgere & adigere ad sic se habendum. Præterquàm quod ex ea sui detectione, nullæ timendæ erunt hominis aduersus seipsum graues offensiones perpetuæ, quæ in magnum communis damnum redundare solent: sicut moraliter loquendo ex detectione coniunctorum per coniunctos, existerent graua charitatis mutuæ & pacis

O

vulnera,

vulnera , ægerrimè vnquam obducenda.

Neque igitur pater filium, neque maritus vxorem, aut è contrario; nec frater fratrem aut sororem, tenetur detegere vi monitorij. Id tamen intelligo de patre & fratre secundùm carnem. Nam filium spiritua- lem, teneri vi monitorij detegere patrem spiritua- lem contra Franciscum Curtium l. de testibus conclus. 30. docet & rectè Nauar. repetit. in c. inter verba, conclus. 6. corol. 66. num. 412. & Farinacius tract. de testibus q. 54. num. 194. & cum multis Barbosa de potest. Episc. allegat. 96. num. 55. An quoad alios cognatos præter prædictos sit eadem à monitorio immunitas, etiamsi à consciis non detegantur, ambigunt aliqui. Sed placet quod statuunt Angelus , & Syluester, v. *familia*, & cum alijs Auila 2. part. cap. 5. disp. 5. dub. 2. idem pronunciandum esse de focero & genero, deque cog- natis omnibus intra quartum gradum. Ira enim neces- se est asserere , vt vitentur dissensiones & odia inter cognatos , quorum iurgia tam noxia sunt Rebus pu- blicis , tamque tetram mephitim inhalant quoties in- terueniunt. Absque dubio autem interuenirent iur- gia & odia, si cognatus intra prædictos gradus aduer- tus cognatum ageret testem aut denunciatores. Quare ad id non vrgentur lato in quousvis consciis monitorio. Neque est adhibenda temperatio non ne- cessaria quam huic resolutioni apponunt Naldus v. *reuelare*, num. 8. & Bonacin. tract. 6. ex variis p. 1. §. 3. num. 5. Nimirum quod hi quoque sint ad detegen- dum cognatum obligandi monitorio , si detegere possint sine graui damno. Voco hanc limitationem non necessariam, eamque idcirco reiicio ; quia ratio adducta demonstrat , non posse à tali reuelatione
absesse

abesse graue damnum personę coniunctę detegentis. Eodémque modo reiicitur limitatio alia quam adhibent nonnulli reiecti ab Auila 2.p.c.5. disp.5. dub.1. concl.1. nimirum quod cognati à denunciandis cognatis tantum excusentur in criminali causa, non autem in ciuili. Verum ratio proposita vrget vninersaliter. Ex eaque ritè perpenſa, effici insuper videtur, id ipsum quod de cognato vi monitorij non detegendo dictum est, dicendum similiter esse de amico coniunctissimo, & de benefactore planè insigni, quorum detectio grauiter exasperaret, & feritatem vel non leuem ingratitudinem redoleret.

Aiebam tamen hanc resolutionem valere regulariter loquendo, quia interdum occurrunt euentus in quibus consecrandę sunt cuius manus suę Domino in sanguine coniunctorum. Itaque quotiescunque ex non facta aliquarum personarum detectione, grande malum Reipublicę immineret, monitorium ligabit conscios quoscuque ad eas detegendas. In crimine læsę maiestatis, ita sentit Mascardus conclus. 561. n. 9. & concl.857. num.20.& 23. & Azor t.2.l.2. c.2.q. 12.& 13. & cum Farinacio, Barbosa de potest. Episc. allegat.96.num.57. Id tamen intelligendum est de crimine adhuc pendente, non autem de iam admissio prorsusque transacto, cuius detectio ad nihil conferret quantum attinet ad malum illud auertendum. De hæresi idem affirmant plerique, obstringentes quemcunque ad detectionem cuiuscunque ea lue laborantis, ne serpat in commune exitium. Ita Suarez d. 20. de fide s.4.num.21. Azor q.illa 13. Comitulus 4. respons. q.8. Auila 2.p.cap.5. disp.5. dub.2. & benè multi quos refert & sequitur Diana tract. de denũc. resol.4.

& 5. & Barbosa supra num. 56. quibus subscribendum est, si agatur de hæreticis dogmatizantibus, vt rectè distinxit Simancas tract. de patre hæretico, & in Cathol. instit. tit. 29 num. 37. videturque idem velle Sanchez l. 6. consil. cap. 2. dub. 19. num. 6. & 9. Non placet autem Abul. qui in c. 13. Deuter. q. 3. indistinctè negat, filium teneri detegere patrem hæreticum. Crimen Confessarij sollicitantis, eodem loco reponit Bonac. tract. 6. ex variis p. 1. §. 3. num. 6. Quoad crimina verò minùs tetra, vel quorum contagium non est adeò metuendum, retinenda est resolutio proposita. Ideoque verius videtur quod asserunt Lazarius tract. de blasphemia q. 12. & Homobonus tract. de cas. reseru. p. 2. c. 1. & Diana supra resolut. 6. repugnante licet Comitelo 4. respons. q. 8. & Bonacina loco annotato; nimirum non teneri vxorem aut filium, mariti vel patris blasphemias detegere, lato licet eam in rem monitorio.

QVÆSITVM XIII.

An monitorium obligationem iniiciat detegendi eum qui reuera non deliquit, vel absque culpa omittit quod monitorio mandatur.

Respondeo, non iniicere obligationem. V. g. vt à primo quæsitì membro ordiar, fertur monitorium vt omnes qui sciunt quisnam bona Sempronij furatus sit, illum detegant. Compertum mihi est, Caium ea bona accepisse in iustam compensationem. Non

Non adigor per monitorium ad eum detegendum. Tum quia Caius non est ea bona furatus, cum tamen monitorium supponatur de eis duntaxat detegendis latum, qui furati sunt. Tum etiam quia quamuis monitorium mandaret omnes Sempronij bonorum detentores detegi, intelligendum id esset de iniustis detentoribus: cuiusmodi non est qui se iuste compensauit, aut qui bona iuste præscripsit, eaque aliquo iusto titulo detentionem emundante, apud se habet. Ita Suarez t. 5. 3. p. d. 20. f. 3. num. 12. Ludou. Lopez p. 2. instruct. c. 12. Bonac. cum permultis tract. 6. ex variis p. 1. §. 6. num. 3. Eodem recidit quod ait Nauarr. consil. 34. de sent. excom. num. 2. post Ripam tract. de peste, nempe eum non teneri reuelare, qui scit partem in cuius gratiam monitorium est concessum, iure carere. Quod mox Nauarrus n. 3. extendit ad iudicium conceptum per iustam causam credendi, atque adeò ad credulitatem ex iudicio probabili. Quare qui scit vel probabiliter credit, partem destitui iure in rem quam poscit per monitorium; vel qui saltem probabiliter iudicat suum esse quod petitur, non ligatur monitorio indicente reuelationem.

Eadem ratio militat pro responsione negativa ad secundum membrum quaesiti. Supponamus enim Titium furatum esse quippiam non leue quod postea consumpserit, nec iam habere unde restituat, vel certe ob graue damnum ex restitutione nunc facta obueturum differre absque culpa restitutionem: Instante autem domino ferri monitorium, quo omnes iubeantur rei ablatae detentorem detegere. Nego conscios teneri reuelare Titium, quia retentio non est ei culpabilis. Monitorium autem, sicut si ferretur ad extorquendam

torquendam restitutionem, non vrgeret Titium impotentem, vel iusta ex causa differentem restituere: ita cum fertur ad reuelationem extorquendam, non vrget eos qui sciunt detentionem rei, eiusve non restitutionem culpa vacare. Quid enim proderit si reuelent. Accedit quod obiectum reuelationis indictæ, est iniusta detentio, quæ supponitur abesse. Et ita Suarez t. 5. 3. p. d. 20. f. 3. num. 12. & cum multis Lazarius f. 1. q. 13. ac Bonac. tract. 6. ex variis p. 1. §. 6. num. 4. qui tamen obligat ad detegendum eum qui esset potens quoad aliquam partem debiti, etiam si non quoad totum debitum: itémque eum qui postea potens erit. Verùm ut sit obligatio detegendi potentem quoad vnā partem, necesse est eam partem esse notabilem, & cuius (saltem ut aliis iunctæ) detentio sufficiat ad mortalem culpam in ea detentione contrahendam, iuxta dicta superius c. 2. ad quæsitum 1. ut item sit obligatio detegendi eum qui postea potens erit, necessarium videtur, ut vel iam nunc habeat ius ad aliquid postea cum effectu consequendum, vel saltem iam non polleat industria, quam si adhibere velit, sit proximè habiturus vnde satisfaciatur. Alia enim quæcunque potentia futura esset nunc planè incerta, nec suppeditaret fundamentum obligationis reuelandi. Porro in dubio an is de quo reuelando agitur, per impotentiam excusetur; atque adeò an vltior rei detentio vel non restitutio vacet culpa, rectè Sayrus in Clau. l. 12. c. 14. num. 3. pronunciat esse obligationem reuelandi, & monitorium ligare. In dubio tamen quo possessor rei ambigeret an teneretur reddere, sicut ipse quia possidet, non tenetur reddere, ita neque conscij tenentur eum detegere.

Pertinet

Pertinet eodem quod Philiarcus 1. p. de Offic. Sa-
cerd. l. 3. c. 34. rectè admonuit, nempe monitorium
non ligare ad detegendum eum qui facit quod potest
vt satisfaciatur parti quæ monitorium impetrauit; sal-
uam duntaxat volens famam suam, in euentibus in
quibus fas est famæ consulere. Nam causa quæ prin-
cipalem excusat à restituendo, aliève quopiam præ-
stando, æquè excusat conscios à reuelando, cum id-
circo tantum teneantur reuelare, vt principalis præ-
stet quod debet.

QVÆSITVM XIV.

*Sitne obligatio detegendi quos pars vel iudex in
monitorio includi noluit.*

Respondeo, nullam esse obligationem eos dete-
gendi: Ac primum quod eos quos pars includi
noluit, res est manifesta, quia potestas Ecclesiastica
ferens monitorium in gratiam partis, non intendit
obligare ultra partis voluntatem. Igitur quos pars ex-
pressè contestabitur nolle se includi, ac etiam quos
iustè & rationabiliter præsumetur noluisse includere
in monitorio, non sunt à consciis ex obligatione de-
tegendi. Ita Molina tract. 1. de iust. disp. 686. num. 2.
Filliuc. tract. 14. c. 1. q. 7. num. 18. & c. 2. q. 7. num. 38.
Barbosa de potest. Episc. allegat. 96. num. 71. Bonac.
tract. 6. ex variis p. 1. §. 1. num. 1. & multi cum Theo-
logi, tum Iurisperiti, apud Neuizanum l. 3. Sylux
nupt. num. 55. Itaque quia pars non præsumitur vo-

luisse patrem, matrem, vxoré, liberos suos monitorio subiici, nō erit obligatio eos detegendi. Aliud quoad filios si monitoriū pro furto domestico sit impetratū, statuunt Hugol. de potest. Episc. p. 2. c. 45. §. 4. & Naldus v. *excommunicatio*, n. 8. Peristo tamē in sententia, nisi aliunde constet mentem eius qui monitorium impetravit aliud ferre, omninōque velle, vt hi quoque, si rei sint, manifestentur: quod pro negotij qualitate & circumstantiis prudenter diiudicandum est, cum verba nihil peculiare exprimunt quoad istos; sicut censerentur exprimere si adhiberetur clausula, *nullo excepto*, aut *nemine dempto*, qua significaretur, voluntatem partis, atque adeo etiam ludicis esse vt quicumque tandem reus sit, aperiatur: alioqui enim personæ tam coniunctæ, non sunt ex obligatione detegendæ vi monitorij. Sunt qui id extendant ad earum complices, v. g. ad famulos socios furti filiorum, ac similia. Nam quandoquidem is qui monitorium impetravit, præsumitur noluisse filios v. g. includi in monitorio, vt eorum famæ parcat: ita neque videtur voluisse vt eorum complices detegantur, ne consequatur infamatio personarum quas habet charissimas. Existimo tamen rectè Hugolinum 2. p. de offic. Episc. c. 17. & Naldum v. *Filius*, num. 3. censuisse obligationem monitorio iniici ad hos complices personarum coniunctarum detegendos, quia hæc videtur esse mens partis: nec præsumpta eius voluntas quoad ipsas personas coniunctas, extendenda est ad earum complices, ac socios: quia etiamsi ex complicum detectione sit indirectè consecutura infamatio aliqua personarum coniunctarum, tamen id incertum est, fortassis enim non detegentur: Et quidquid

quidquid sit de infamatione , tamen immunes erunt à tam multis damnis excommunicationis.

Non esse quoque obligationem detegendi eos ad quos Iudex monitorium pertinere noluit , est extra controuersiam, quia totum monitorij robur est ab intentione Iudicis. Quare nemo conscriptorum detegere tenetur quoscunque Iudex noluerit detegi. Et præter eos quos expressè declararet se eximere, tales quoque esse præsumuntur, omnes quos iusta causa excusat ne præstent id ob quod omissum , essent detegendi spectato solo cortice verborum monitorij. Tales item præsumi debent , ij quos priùs circa monitorij materiam pepigisse cum parte monitorium poscente constaret. Neque enim Iudex si hoc pactum habuisset perspectum, nec alij ulli fuissent quos partis interfuisset cognoscere , concessisset monitorium ad reuelandum, & ita rectè Neuizanus l. 3. sylua nupt. num. 55. & Gutierres l. 1. qq. Can. c. 11. à num. 67. Egi de eo quem Iudex includi noluit , non autem de eo quem monitorij promulgator vellet exceptum. Neque enim vis monitorij est à promulgante , sed à ferente, siue à Iudice. Itaque in eo euentu quem memorat Franciscus Marcus p. 2. decis. 80r. Sacerdos monitorij promulgator idemque reus , non euasit censuram monitorij quod ipse promulgabat , quantumvis se exceptum vellet. Nec plura de obiecto vi monitorij detegendo , tum quoad materias , tum quoad personas. Nunc ad actum reuelationis , eiusque faciendæ modum progrediamur.

QVÆSITVM XV.

Cui, & quomodo facienda sit reuelatio per monitorium indicta.

Respondeo, faciendam esse Iudici iisve quos ipse sibi suffecerit, nec aliter faciendam quàm eo modo qui in monitorio exprimitur, & quo constet vtilem fore parti iuxta mentem Iudicis. Aio reuelationem faciendam esse Iudici, aut quod perinde est iis quos ipse sibi subrogauerit, quia vt rectè Syluester notauit v. *excommunicatio*, 2. num. 18. non est reuelatio facienda parti. Id enim esset magnum incentiuum odiorum. Itaque facienda est Superiori, siue vt Iudici, siue vt patri, pro vario modo quo reuelatio imperatur. Interdum enim intenditur duntaxat emendatio noxij, & impeditio peccati: Et tunc reuelatio fit superiori vt patri qui non sit obfuturus, nec ad pœnam asperam irrogandam processurus, sed præcisè consulturus bono subditi. Aliàs verò intenditur iuridica puni-
 tio & castigatio eius qui deliquit, vt cæteri timorem habeant, & ipsi noxio reponatur pro malè capta-
 ro bono iustum malum vltorium, vt cum Tertullia-
 no dicam. Vnde in hoc modo procedendi non cura-
 tur fama denunciati, sed regulariter loquendo quæri-
 tur bonum vel commune, vel ipsius denunciantis, vt
 rectè obseruat Molina tract. 4. de iust. disp. 32. num. 6.
 Hanc denunciationem secundam, vocant iuridicam
 siue iudicialem, quæ differt ab accusatione in qua is
 qui

qui crimen defert fit pars iudicij, vnde obligatur probare crimen quod detulit; ad quod ſimplex denunciator non cogitur, vt conſtat ex cap. *ſuper his*, de accuſation. vbi additur aliud diſcrimen; quòd denunciationem non eſt neceſſarium ſcriptis committi, cum tamen accuſatio fit recipienda in ſcriptis, vt notat D. Thom. 2. 2. q. 68. artic. 2. ex cap. *accuſatorum*, 2. q. 8. Aliud diſcrimen accuſationis & denunciationis ex finibus, refert & excutit Suarez d. 20. de fide ſ. 4. num. 3. adducens alios plenius ac fuſius iſta ſcrutatos.

Vtro autem ex duobus modis prædictis facienda ſit reuelatio, colligendum eſt ex adiunctis monitorij cum nihil expreſſè in eo habetur. Vel ſi ne ex adiunctis quidem aliquid poſſit in hanc rem erui, hoc tempore attendendo vſum frequentiore præſumendum potiùs eſt, ſcopum Iudicis eſſe punitionem, quamuis ſpectato munere paſtorum, aliud potiùs præſumendum videretur, vt ſuprà dixi ad quæſitum 9. Quando verò incideret dubium, an Iudex per monitorium vocaret ad denunciandum alterutro ex dictis modis, an verò ad teſtificandum duntaxat, vnde ſit petenda dubij depulſio attingi c. 1. q. 2. addidique, ſi nulla ex parte lux aſſulgeat, præſumi Iudicem vocare conſcios ad teſtificandum. Quæcunque porrò ex prædictis reuelandi ratio ineatur, neceſſe eſt reuelantem clarè ac perſpicuè reuelare quod nouit. Quanquam interdum neceſſe eſt Iudicem Eccleſiaſticum conſuſa reuelatione eſſe contentum, vt benè cum aliis notauit Gutierrez l. 1. qq. Canon. c. 11 num. 84. Nimirum ſi reus facti propter quod monitorium fuit latum, ſiſtat ſe Iudici, proſitens verè ſe eſſe qui patrauit id de quo agitur; habuiſſe tamen iuſtam faciendi cauſam, quam expoſiturus

expositurus & probaturus sit distinctiùs Iudici suo seculari ad quem se remitti postulet. Tunc enim Iudex Ecclesiasticus debet ibi sistere, nec vltra illam confusam reuelationem quærere aliam. Nec sanè pertinet ad potestatem sacram in eo euentu, vltteriùs scrutari iustitiam facti, sed id examinandum Iudici laico potest debétque permittere: quod vnum puto voluisse Ægidium Magistrum in decis. Paris. tit. de appellat. ex abusu c. 4. Deposci posse à reuelante, vt reuelationem firmet iuramento, scribit Alba consilio 15. & omnino debere ita fieri vt certior sit ac firmior reuelationis fides, sæpè ingeminat Ripa responso 77. excutiens testificationes vi cuiusdam monitorij elicitas. Regulariter tamen ne conscientia magis illaqueentur, abstinetur eo mandato, nec quisquam compellitur cum iuramento deponere, vt ait Genuensis in praxi c. 1. n. 16. & ex eo Barbosa allegat. 96. num. 34.

Iam ad modum in reuelatione faciènda seruandum, vt reuelatio sit vtilis parti quæ monitorium poposcit, pertinet vt non verbo duntaxat fiat, sed etiam scripto committatur; & quidem per Notarium idoneum, vt depositio fidem in iudicio faciat. Quæ ratio confirmat, nomen quoque & cognomen denunciantis, aut quomodolibet reuelantis exprimendum esse in eo scripto quo continetur depositio, quod consentaneum est iis quæ præscribuntur c. *dilectus*, de accusatione. Videndus Genuensis in praxi c. 18. num. 2. Interdum tamen cum reuelanti si notus fieret damnum immineret, fit reuelatio missa scheda, rem quidem reuelandam continente, sed absque reuelantis adscriptione, vt notat Philiarcus p. 1. de offic. Sacerd. l. 3. c. 34. §. 1. limitatione 8. Nam quamvis scheda non habeat

beat vim probandi, aut accusandi ad effectum inquirendi nisi præuia infamia vel idoneis indiciis, tamen habet aliqualem vsum de quo Mascardus conclus. 247. Nec plura generatim de modo in facienda reuelatione tenendo. Nunc sigillatim nonnulla eodem pertinentia attingamus.

QVÆSITVM XVI.

*Num reus vi monitorij detegendus sit omiſſa
correctione fraterna.*

Respondeo, si monitorij scopus sit rei emendatio, præmittendam esse reuelationi correctionem in euentibus in quibus præceptum fraternæ correctionis vim habet. Interdum enim vt constat ex 2. 2. q. 35. leges charitatis ferunt, vt adhibeatur proximo fraterna correctio inter nos & ipsum solum, priusquam crimen eius dicatur Ecclesiæ iuxta Christi ipsius oraculum. Aliquando autem quia deest spes profectus, vel quia esset periculum in mora, v. g. quia fur elaberetur, prætermittitur fraterna correctio absque labe, rectaque aditur superior, vt securius & robustius prospiciat. Quandiu igitur per noxij dispositionem, & non omnimodam obfirmationem, & per extrinseca damna quæ timentur, licet præmittere fraternam rei correctionem, non est dubium quin sit præmittenda; nec eas inducias negat monitorium de quo agimus; quod scilicet latum est ad corrigendum reum, & impediendum peccatum eiusve prorogationem: Ita vt etiam si
intra

intra tempus in monitorio præfixum, non potuerit adhiberi quæ speratur profutura fratris correctio, non sit idcirco censendus monitorij censuram incurrisse qui non reuelauerit, vt notauit c. 1. agens de termino præfixo monitoriis. Et quamuis postea deprehenderetur correctionem fuisse inutilem, tamen prudens illa comperendinatio vltra terminum constitutum ad reuelandum, qua prudenter caprata esset corrigendi occasio, non verteretur vitio. Quinetiam si semel adhibita correctio non profecisset, adhuc posset prudenti arbitrio differri detectio, saluo monitorio: quod cum contineat præceptum Ecclesiæ, atque adeo benignum, non excludit huiusmodi moras. Admonet quoque Gutierrez l. 1. qq. Canon. c. 1. num. 73. cum SS. Thoma, Antonino, itémque Nauarro & Corduba, tam necessariam esse adhibitionem correctionis, vt quamuis in euentibus de quibus nunc agimus, iudex mandaret omitti correctionem, non esset ei obtemperandum. Et ratio est perspicua. Nam monitorium continet mandatum purè humanum. At præceptum corrigendi proximum si spes profectus affulgeat, spectat ad naturalem & diuinam legem, cui leges omnes humanæ de efficacitate debent concedere. Non benè autem Neuizanus l. 3. syluæ nupt. num. 46. statuit nunquam esse obligationem præmittendi reuelationi fraternam correctionem; argumento inde ducto, quod denunciatio per monitorium extorta, sit iudicialis. Vm tamen huius argumenti, apertè elidit ratio proximè in contrarium proposita.

Iam verò in euentibus in quibus præceptum de adhibenda fraterna correctione non habet locum, vt contingeret si ea esset rei dispositio vt nihil ab eo esset

set sperandum ; vel si pericula grauium damnorum bono publico aut priuato impendentium omnem remoram excluderent: itémque si ageretur de monitorio ad alium finem quàm præcauendi vel emendandi peccati de quo hætenus egimus; sed scopus monitorij esset, extorquere reuelationem ad puniendum reum de scelere iam perpetrato nec vltèriùs pendente ; tunc non est præmittenda fraterna correctio, sed dummodò peccatum tale sit quod detegi possit absque iniuria; quia scilicet vel non est prorsus occultum aliis, vel vergit in tertij cuiuspiam aut etiam in publicum exitium, parendum illico est monitorio reuelationem indicenti ; quia tunc correctio fraterna vel nulli vsui esset, vel scopo monitorij vltionem querentis non congrueret. Ita cum aliis Auila 2.p.c. 5. disp. 4. dub. 2. conclus. 3. Non pauci negarunt præmittendam vnquam esse correctionem, si agatur de hæretico formali. Profert ad id complures eisque subscribit Diana tract. de denunc. resol. 2. qui videtur idem extendere ad omnia crimina quorum disquisitio pertinet ad tribunal S. Officij. Multi tamen ab eodem Diana recensiti, contrarium asserunt, etiam quoad hæresim formalem, quibus addendus est Sanchez l. 6. consil. c. 2. dub. 14. num. 8. estque ea sententia satis verisimilis; præsertim si non agatur de hæreticis dogmatizantibus, à quibus & minor spes profectus ex adhibita correctione fraterna solet affulgere, & maius periculum ob virulentiam & malignitatem impendet. Indubitata verò haberi deberet ea sententia quæ correctionem fraternam etiam hæretico priusquàm denunciatur adhiberi vult, si sermo esset de eo qui non nisi materiali hæresi laboraret. Nec leuiter peccant plerique

plerique prurientes linguis, qui Concionatorem ex inaduertentia aut ignorantia inuincibili lapsum, illico deferunt prætermiffa correctione fraterna. Id enim à malo esse nec labe vacare, rectè admonuit Bonac. tract. 6. ex variis p. 1. §. 8. num. 5. Est is affectus inuidiorum proprius, vt notauit S. Basiliius homil. de inuidia, componens eos cum muscis, quæ dimisso reliquo corpore sano & benè composito, si quid in eo vlcerosum & purulentum sit, eò aduolant. Adhibuerat illam ipsam comparisonem ante Basilium, S. Iustinus in dialog. cum Tryphone, docens id fuisse Iudaicum vitium.

In dubio de dispositione noxij, & vtilitate correctionis, censeo ad periculum damni imminentis esse attendendum: ita vt obligatio hæc diiudicetur ex quantitate, (vt sic dicam) spei de reportando fructu ex correctione præmissa, collata cum quantitate metus de perdenda opera. Nam si spes non præponderet, & pericula damnorum grauium non sint exigua, præferendum erit quod tutius est; nimirum rem illico superiori detegere vt prospiciat. Si autem non sit periculum magnorum malorum, vel si periculum qualiuncunque malorum non sit proximum, nec modica spes affulgeat fructus ex correctione obuenturi, tentanda prius erit correctio. Quam praxim in tali dubio, nonnulli etiam quoad formalem hæresim, & affinia crimina probant, vt refert Delrio l. 5. Mag. f. 4. n. 6. qui tamen haud abs re quoad hæresim formalem & enormia huiusmodi scelera, aliud pronúciat: eo quod respectu huiusmodi summorum criminum, vix possit contingere, vt res eú statum sortiatur, in quo diximus correctionē in dubio præmittendā esse denúciationi.

QVÆ

QVÆSITVM XVII.

Teneaturne quis vi monitorij, reuelare cum graui suo, aut suorum damno.

REspondeo, regulariter loquendo, non teneri quentquam cum graui suo damno reuelare. Ita Soto relect. de secreto memb. 2. q. 6. dub. 5. Suárez t. 5. 3. p. d. 20. f. 3. num. 9. Ex Iurisperitis Neuiz. l. 3. syluæ nupt. num. 47. & Felia. in cap. dilectorum. de test. cog. num. 3. Refert hos Iurisperitos & malè repudiat Ludou. Vitalis tract. de reis & testibus per censuram cogendis num. 37. negans iustam habere excusationis causam quenquã propter minas alterius, etiam qui eas exequi consueuerit, quominus vi monitorij teneatur reuelare. Quod cû vniuersaliter & absque restrictione dicatur, pertinet quoque ad intimationem grauis damni: ac proinde mens illius auctoris est, quocunque damno imminente, aut per timorem non irrationabilem nec leuiter conceptum obiecto, teneri conscios reuelare. Sed contrarium est asserendum; quia præceptum humanum rationabile, cuiusmodi est præceptum monitorio contentum, non obligat cum graui discrimine quod non sit per se coniunctum actui præcepto, sed ei contingenter adiungatur, vt latè confirmat Sanchez l. 1. in decalog. c. 18. à num. 4. & Suarez l. 3. de legibus c. 30. num. 6. Nemo igitur obligatur reuelare, si ex reuelatione graue sibi malum meritò timeat. Vnde si monitorium mandet reuelari delictum

ab aliquo admissum cuius ego sim conscius, isque à quo scelus admissum est, denunciatione per me facta, resciturus aut non dubitaturus sit quin ego denunciauerim; indeque non leue periculum in vita, fama, aut fortunis vereri meritò debeam, vel inde capitales inimicitiae, periculorū refertae iure sint timendae, non tenebor reum detegere, nec per silentium incurram in decretam monitorio censuram. Similiter si fur me docuerit vbi sit res furtiua, & monitorium mandet consciis vbinam res illa sit, vt locum reuelent, non tenebor reuelare; nisi possim probare me id à fure comperrisse. Nam si reuelem, nec possim probare me à fure id didicisse, habebor fur, aut furti complex, cum magno damno meo atque infamia. Itaque non ero reus censuræ per monitorium intentatæ etiam si taceam, vt rectè asseruit Sayrus in Clauil. 12. cap. 14. num. 25. Eandem ob causam, vassallus non vrgetur monitorio ad reuelandum contra dominum suum, quia id postea pessimè vassallo cederet. Sic Neuizanus l. 3. syluæ nupt. num. 47. & Gutierres l. 1. qq. Canon. c. 1. num. 56. Denique ne ad varios particulares euentus sine causa descendam, quoties ex reuelatione, notabile vitæ propriæ aut famæ, vel bonorum periculum imminabit, cessabit detegendi obligatio. Et ita ex benè multis Diana tract. de denunc. resoluit. 7.

Aiebam tamen hæc non valere nisi regulariter loquendo, quia præferendum est semper commune bonum, priuato, etiam proprio. Vnde quantumcunque priuatim mihi immineret damnum graue, ac vel si ingrueret mihi mors ex detectione personæ exitium machinantis religioni, aut Reipublicæ; negligendum esset dispendium proprium, & eius conculcatione
 consulendum

Vires monitorij ad reuel. 227

consulendum foret publico bono, facta reuelatione indicta per monitorium, id quod æquè absque monitorio fuisset præstandum. Ita rectè Genuensis in praxi cap. 18. num. 8. Et Sanchez l. 6. opusc. c. 2. dub. 22. n. 2. estque perspicuum ex sæpè annotatis superiùs circa varios euentus, in quibus per se loquendo vidimus monitorium non fuisse iniecturum obligationem reuelandi, quæ tamen per accidens ob graue damnum præsertim religioni aut publico bono imminens, iniicitur conscio de grauissimorum Doctorem sententia.

Quod dictum est de periculo grauis damni proprii, extendendum æquè est ad periculū damni similis, ex mea reuelatione imminens personis mihi coniunctissimis. Quale esset, si criminosus nihil aduersum me moliri valens, prænosceretur irruiturus in personā mihi valdè coniunctam eius violentiæ obnoxiam, v. g. parentes, liberos, fratres, sorores, & alios quorum mecum valdè arctus sit nexus, aut sanguinis, aut alterius magnæ necessitudinis. Tunc enim non tenerer reuelare criminosum illum regulariter loquendo, id est dempto magno quopiam communis boni discrimine, cui esset ea reuelatione prospiciendum, non obstante incommodo, imminente cuius quantumlibet mihi coniuncto. Ratio autem cur extra hunc euentum, reuelandi obligatio non iniiciatur per monitorium, perspicua est. Nam persona ad eò coniuncta, reputatur alter ipse. Sic patri acerbissimum accidere incommodum liberorum, vixque acrius tangi posse parentem quàm liberorum afflictione, erga quos præ oculorum pupillis afficitur, obseruat Isidorus Pelus. l. 2. epist. 81.

QVÆSITVM XVIII.

*Quid si ex reuelatione per monitorium indicta, secuturum sit graue iniustum
damnum tertij cuiuscunque.*

Respondeo, non esse obligationem reuelandi. Ratio est, quia Iudex Ecclesiasticus decernens monitorium, non intendit vt sim causa alieni damni iniusti. Atqui id supponitur ex reuelatione per me facta consecuturum. V. g. habet Sempronius siue furto, siue deposito, aut quomodolibet aliter, instrumentum adulterinum Caij, quod si proferatur, imminet iniustum exitium Titio. Tamen si feratur monitorium instante Caio, ad comparandam instrumenti illius notitiam, in perniciem Titij inde inique exturbandi fortunis omnibus, abstinebo tamen reuelatione, nec indicabo instrumentum illud penes Sempronium esse, vt Titius sit indemnus: nec ea in re despectam à mente Iudicis, qui ferens monitorium, intendit præsertim vt excludantur peccata, nec sit qui in scelere & iniustitia hæreat. Cui fini seruiet silentium meum, reuelatio autem officeret. Quare merito abstinebo reuelatione. Nisi si in aliquo euentu, ex reuelatione consecuturum esset iniustum damnum tertio per nequitiam partis: Ex veritatis autem suppressione, consecuturum esset mihi meisse graue

ue dispendium , quod meritò mihi esset sollicitius auertendum , quàm iniustum damnum tertij extranei. Tunc enim exoluerer obligatione silendi.

Porro responsio ad quæsitum data , æquè accommodanda est ad damnum iniustum consecuturum reo vnius criminis comperto , si fiat reuelatio alterius criminis de quo non præcessit infamia , sed quod sit adhuc prorsus occultum , præterquàm mihi. Tunc enim nisi bonum quod ex denunciatione sequetur, sit meritò præeligendum neglecto damno quod reo adueniet , silendum erit de eo delicto occulto quandiu occultum erit, quia interpellatio ad illud detegendum, non est iuridica. Nam quod infamia, vel qualicumque cognitio alterius delicti præcesserit , nihil facit ad infamiam de isto quod supponitur manere adhuc occultum. Ita Nauarrus ad cap. *inter verba.* concl. 6. coroll. 65. num. 826. & Sanchez l. 6. opusc. c. 2. dub. 22. num. 4. Quæ doctrina nititur eodem fundamento quo communis doctrina Theologorum, Caietani t. 1. opusc. in 17. respons. 5. Valentia 2. 2. d. 5. q. 13. p. 2. Turriani t. 2. in 2. 2. d. 50. dub. 3. Lessij l. de iust. c. 29. à num. 121. & passim cæterorum, dempto Paludano in 4. d. 19. q. 4. asserentium, Iudicem posse duntaxat interrogare reum , & adigere in conscientia ad respondendum, de crimine de quo præcesserint quæ præcedere debent attentæ ratione iudicij initi; nimirum vel infamia , vel indicia sufficientia , vel semiplena probatio : Non posse autem semel malè audientem aliquo prædictorum modorum circa aliquod crimen , interrogare de quibusvis aliis criminibus, circa quæ nihil præcesserit eorum quæ interroga-

QVÆSITVM XVIII.

*Quid si ex reuelatione per monitorium indicta, secuturum sit graue iniustum
damnum tertij cuiuscunque.*

REspondeo, non esse obligationem reuelandi. Ratio est, quia Iudex Ecclesiasticus decernens monitorium, non intendit ut sit causa alieni damni iniusti. Atqui id supponitur ex reuelatione per me facta consecuturum. V. g. habet Sempronius siue furto, siue deposito, aut quomodolibet aliter, instrumentum adulterinum Caij, quod si proferatur, imminabit iniustum exitium Titio. Tametsi feratur monitorium instante Caio, ad comparandam instrumenti illius notitiam, in perniciem Titij inde iniquè exturbandi fortunis omnibus, abstinebo tamen reuelatione, nec indicabo instrumentum illud penes Sempronium esse, ut Titius sit indemnis: nec ea in re deflectionem à mente Iudicis, qui ferens monitorium, intendit præsertim ut excludantur peccata, nec sit qui in scelere & iniustitia hæreat. Cui fini seruiet silentium meum, reuelatio autem officeret. Quare meritò abstinerebo reuelatione. Nisi si in aliquo euentu, ex reuelatione consecuturum esset iniustum damnum tertio per nequitiam partis: Ex veritatis autem suppressione, consecuturum esset mihi meisve graue

Vires monitorij ad reuel. 229

ue dispendium , quod meritò mihi esset sollicitius auertendum , quàm iniustum damnum tertij extranei. Tunc enim exolueret obligatione silendi.

Porro responsio ad quæsitum data , & quæ accommodanda est ad damnum iniustum consecuturum reo vnius criminis comperto , si fiat reuelatio alterius criminis de quo non præcessit infamia , sed quod sit adhuc prorsus occultum , præterquàm mihi. Tunc enim nisi bonum quod ex denunciatione sequetur, sit meritò præeligendum neglecto damno quod reo adueniet , silendum erit de eo delicto occulto quandiu occultum erit, quia interpellatio ad illud detegendum, non est iuridica. Nam quod infamia, vel qualiscunque cognitio alterius delicti præcesserit , nihil facit ad infamiam de isto quod supponitur manere adhuc occultum. Ita Nauarrus ad cap. *inter verba*. concl. 6. coroll. 65. num. 826. & Sanchez l. 6. opusc. c. 2. dub. 22. num. 4. Quæ doctrina nititur eodem fundamento quo communis doctrina Theologorum, Caietani t. 1. opusc. in 17. respons. 5. Valentiz 2. 2. d. 5. q. 13. p. 2. Turriani t. 2. in 2. 2. d. 50. dub. 3. Lessij l. de iust. c. 29. à num. 121. & passim cæterorum, dempto Paludano in 4. d. 19. q. 4. asserentium, Iudicem posse duntaxat interrogare reum , & adigere in conscientia ad respondendum, de crimine de quo præcesserint quæ præcedere debent attentæ ratione iudicij initi; nimirum vel infamia , vel indicia sufficientia , vel semiplena probatio : Non posse autem semel malè audientem aliquo prædictorum modorum circa aliquod crimen , interrogare de quibusvis aliis criminibus, circa quæ nihil præcesserit eorum quæ interroga-

tionem debent facere iuridicam. Nam quoad hæc crimina prorsus occulta, nec vllatenus nexa cum eo de quo præcessit infamia aliudve æquiualens necessarium ad interrogationem iuridicam, ita vt eadem infamia aliquatenus perspergantur; quoad hæc inquam prorsus abdita scelera, peccator est prorsus occultus. Vnde non plus tenetur de eis respondere, quàm si integer planè vitæ esset, nec eo scelere sorderet quod fuit obnoxium iuridicæ interrogationi. Quia ergo interpellatio consciij per monitorium ad reuelandum, correspondet interrogationi quæ Iudex reum iuridicè rogat, & in conscientia obstringit ad respondendum quod patrauit; meritò quod de reo tradit communis Theologorum doctrina, extendimus ad reuelationem à conscijs faciendam quoad crimina prorsus occulta, in quæ iuridica interrogatio non caderet.

QVÆSITVM XIX.

An procul eundum, & cuius expensis, vt fiat reuelatio indicta per monitorium.

Respondeo, regulariter neminem teneri procul ire vt reuelet id de quo fertur monitorium; nec si aliquando procul sit eundum, teneri id facere suis expensis, sed eorum qui monitorium impetrarunt, & conscios ad reuelandum adigi poposcerunt. Cur nemo adigendus passim sit procul ire vt denunciet, ratio est, quia nemo cum graui suo incommodo tenetur prospicere alterius bono. At longinqua
profe

profectiones , vt plurimum non tarent grauibz
incommodis. Si tamen incommodum profectionis
leue esset, eo quod non adeò distet locus vbi facien-
da est reuelatio, de quo statuere prudentis arbitrij est,
attenta locorum ac personarum dispositione & nego-
tij grauitate , tunc monitorium ligaret. Quod si per
profectionem longinquam in extraordinario aliquo
euentu indictam à Iudice grauem ob causam sub
pœna excommunicationis, faciendę essent aliquę ex-
pensę , necessarium esset eas fieri à parte quę moni-
torium impetrauit. Idémque est de aliis expensis aut
damnis , quę quis , etiam ad reuelandum non procul
domo , subire cogeretur ob reuelationem. V. g. quia
non posset interim domi laborare , & lucrari aliquid
ex opificio , defuitque tempus aliud quo posset fieri
reuelatio absque illo reuelantis dispendio. Pro quibus
omnibus militat generalis illa ratio, quod nemo alte-
ri militet suis stipendiis , nec teneatur bono alieno
prospicere cum damno suo, regulariter loquendo, at-
que adeò seclulis extraordinariis quibusdam euenti-
bus, in quibus studium boni communis, aliãve vrgen-
tissima causa posset conscium ad deuotionem pro-
priorũ incommodorum obstringere pro alieno bono.
Extra hos itaque euentus, pars tenetur conscio ad ex-
pensas non tantum itus ac redditus, sed etiam commo-
rationis , (iis tamen expensis detractis quas fecisset
domi, vt habetur ex Romano l. *sed etsi lege*. ff. de petit.
hæred. & ex Antonio Grauiatio in notis ad Vestrij li-
brum 6. c. ult. num. 15.) Teneatur item pars, sarcire dis-
pendium temporis quod conscius occasione reuela-
tionis perdit, vt rectè Felinus in c. 1. de testibus. Mo-
nitorium autem absque his indemnitatibus reuelanti

à parte præstitis, non ligare, affirmat rectè Gutierrez l. 1. qq. Canon. c. 11. num. 23. Fuit in contraria sententia Syluester, quem refert & reiicit Neuizanus l. 3. syl. uæ num. 46. subscribitque Ludou. Vitalis tract. de reis & testibus per censur. cog. num. 17. Ad idem aliquot Doctores adducit Folerius in pract. crimin. Canon. p. 2. c. 8. n. 39. suffragantibus Nauarro ad c. *inter verba*. concl. 6. coroll. 65. n. 799. & Sanchez l. 6. Consil. c. 2. dub. 22. num. 1. Satis de actu reuelationis & eius faciendæ modo. Nunc de persona reuelante, eiûsque conditionibus agendum superest.

QVÆSITVM XX.

An testes priuilegiati vel ad testificandum inhabiles ad reuelandum teneantur vi monitorij.

Respondeo 1. testes priuilegiatos ex mera prærogatiua per ius humanum concessa teneri reuelare vi monitorij, præsertim si desint alij qui reuelent, & sufficienter parti monitorium poscenti suffragentur. Cæteros verò quibus immunitatem à testificando præstant iura, ad naturalem coniunctionem aut necessitudinem contractam attendentia, ferè exolui obligatione reuelandi, ex qua in coniunctorum vel necessariorum offensionem incurrerent. Agnosco (ut vides,) duplex genus testium priuilegiatorû, habentiû à testificando immunitatem. Vnum est, eorum circa quos arcta sanguinis aut affinitatis necessitudo, visa est legislatoribus exigere immunitatem ab onere testificandi

stificandi aduersus ita cōiunctos. Sic parentes, & omnes ascendentes respectu quorumuis descendendum, & è contrario liberi ac quilibet descendentes respectu quorumcunque ascendendum, etiamsi sint spurij & extra patriam potestatem constituti; vxor item contra virum, & libertus contra dominum, arcentur à testificando, vt ex variis iuribus eruunt Nauarr. ad cap. *inter verba.* concl. 6. coroll. 65. num. 809. & seqq. & varij DD. quos profert. Aliis quamuis concedatur testificari si velint, ex iuris tamen concessione ad id cōpelli nequeunt, vt vir aduersus vxorem, socer in generum, & è contrario; nurus item in socrum & vicissim socrus in nurum; sicut etiam vitricus & nouerca in priuignos, ac viceuersa. Adhæc collaterales intra gradum quartum, numeratis gradibus iuxta ius ciuile. Patronus cōtra libertū à se manumissum; libertus cōtra eiusdē patroni vxorem, eiusque parētes & liberos. De his testibus priuilegiatis quid sit in hoc negotio sentiendum, iam supra dictum est ad quæsitum 12. vbi monstratum est, regulariter loquendo, personas hæc valdè coniunctas non vrgeri monitorio, vt contra se aliquid reuelent. Contrarium asserit Iacobus de Graffis 1. p. decis. l. 4. c. 8. num. 23. cum Hostiensis, si non adsint aliæ viæ suffragandi parti quæ monitorium impetrauit. Cum eadem temperatione idem cēsuit Sanchez l. 6. consil. c. 2. dub. 18. num. 9. & Diana 3. p. tract. 5. resolut. 63. post Nauarrum in summa c. 25. num. 49. Felinum in c. 1. de testibus cogendis, Lazarium s. 3. q. 11. num. 18. Sed quod diximus, satis rationabiliter constitutum videtur, traditūque est cum ab iis quos ad quæsitum illud 12. adduximus, tum à Gabriele Pereira tract. de man. Reg. c. 10. num. 36. refellente Nauarrum;

uarrum; qui tamen non negat si cognatis aut coniunctis non leue incommodum ex reuelatione imminuat, euanesce hanc obligationem, vt notauit approbauitque Sanchez loco allegato num. 13. At hoc est euertere obligationem testificandi & reuelandi, quam hi autores personis coniunctis volunt iniicere si desint alij qui reuelent. Nam nunquam accidet vt coniuncti aduersus coniunctos reuelent, quin existat reuelantibus graue damnum ex abalienationibus & simultatibus diuturnis, quæ vt nihil præterea mali inferrent, sunt damna graua, meritoque declinanda.

Alterum genus testium immunitatem à testificando habentium, est eorum quibus ius humanum, siue fauore publico, siue priuilegio proprio id concessit, vt videre est apud Albericum tract. de testibus c. 6. n. 22. & 23. & apud DD. ad l. *inuiti*. ff. de testibus. Hac ratione milites, senes, infirmi, Magistratus, à testificando sunt liberi ex priuilegio: nõ quod vsquequaque exoluantur testificandi necessitate, sed quod præ cæteris habeant in eo genere prærogatiuam. De Episcopo, propter honorem debitum, idem habetur. l. *neque honore*. c. de Episc. & de sacerdotibus ne à diuinis auocentur. cap. *quanquam* 14. q. 2. quod Nauar. ad c. *inter verba*. concl. 6. coroll. 65. n. 821. extendit ad omnes Clericos. De his testibus priuilegiatis, negandum est eos exolui obligatione reuelandi cum latum est monitorium ad finem reuelationis. Valebitque id præsertim, si alij testes desint à quibus veritas erui possit. Neque enim fauor iste iuris humani, commune quicquam habet cum præsentī negotio; nominatim si non suppetant alia veritatis agnoscendæ subsidia. Nam in eo euentu, omnia huiusmodi priuilegia euanescent, vt cum mul-

ris

tis DD. tradit Crotus tract. de testibus p. 5. num. 5.

Respondeo 2. quoad testes iure humano ad testificandum inhabiles, monitorium vrgere ad reuelanda ea quorum sunt conscij. Qui sint iure humano ad testimonium ferendum inidonei, compertum est ex tractatione de testibus. Quamuis enim attento solo iure naturæ omnes perfecto rationis vsu præditi, habeant aptitudinem ad testificandum; tamen ius humanum induxit impedimenta varia, ob quæ plerisque personis facultas ad testificandum non superat. Sic excommunicati repelluntur à testimonio ferendo, si sint excommunicati vitandi, vt latè monstrat Suarez t. 5. 3. p. d. 16. f. 6. In criminali causa minores annis viginti, item ascendentes & descendentes accusatoris, hostes rei, infames infamia iuris & plerunque etiam infamia facti, inopes quos suspicio iure esse possit pecunia fuisse corruptos, & alij, repelluntur à testimonio, vt ex variis iuribus breuiter perstrinxit Lessius l. de iust. c. 30. dub. 5. sùntque hæc testificandi impedimenta, iure Canonico alia quàm ciuili. Nam v. g. ius Canonicum in causa criminali mulierem à testificando repellit, ex cap. *mulierem*. 33. q. 5. non item ius ciuile, quod in omni causa & negotio præterquam in Testamento, mulierem admittit in testem. Hi igitur testes quocunque iure humano inidonei ad testificandum, si monitorium feratur ad finem reuelationis, non eximuntur obligatione testificandi aut denunciandi, vt benè notauit Nauarrus ad c. *inter verba*. concl. 6. coroll. 65. num. 819. Et ratio est, quia huiusmodi personarum testimonium, esto non probet rem cui attestatur, sufficit tamen ad fundandam præsumptionem, vt habet Glossa ad c. 1. de testibus in 6. Præterquàm quòd

vt habetur l. 3. ff. de testibus, horum inidoneorum testimonium fides, adiunctione fidelium testimoniorum suppleri potest. Tenentur igitur hi quoque vi monitorij reuelare, nec planè inutiliter testificabuntur; quamuis facilè repellendi sint ab eo qui se tali testificatione grauatum censebit, cum prolata testificandi inhabilitate, aduersus eos possit excipere.

QVÆSITVM XXI.

Conscijs negotij quod iurauit non reuelare, an ligetur monitorio ad reuelandum.

REspondeo ligari, si alia silendi idonea causa non interueniat. Ita Neuizanus l. 3. Syluæ nupt. n. 45. Foler. in praxi Crim. Can. p. 2. c. 8. num. 29. Ludou. Vital. tract. de reo & test. per censur. cog. num. 14. Gu-tierres l. 1. qq. Can. c. 11. num. 53. & cum multis Sanctarellus tract. de hæresi c. 9. num. 10. & c. 44. num. 11. Et ratio est perspicua. Nam præceptum reuelandi iustum est & legitimum, atque adeò ei non parere peccatum est. At iuramentum non potest esse vinculum iniquitatis, vt dicitur cap. *quanto*, & cap. *Quintanallis*, & cap. *tua nos*, de iureiurando. Nec de mortali tantùm peccato vt sonare videtur nomen *iniquitatis*, sed de quocunque etiam si minutissimo peccato, valet ea iuris regula § 8. in 6. *non est obligatorium, contra bonos mores præstitum iuramentum*: vbi Glossa multa iura profert, multaque ad id ex Patribus & Conciliis prostant apud Gratianum 22. q. 4. *ferè per totam*. Videntur etiam latè Suarez l. 2. de iuram. c. 14. & 15. Quare
extra

extra dubium esto, conscios rei quam iurarunt non reuelare, teneri ad reuelandum, si ita iubeantur per monitorium. Neque verò istiusmodi reuelatio erit inutilis, vt visum est Baldo l. *nullum*. C. de testibus. Ait enim eum qui iurauit seruare secretum, repelli à testificatione tanquam inutiliter testificaturum, cum esse nequeat nisi aut falsus aut periurus. Hoc benè reiicit Anton. Sola ad noua Sabaud. decreta, tit. de tribun. compet. Glossa 4. num. 5. Immeritò enim pronunciat Baldus huiusmodi hominem testificando fore periurum; quandoquidem iuramenti malè emissi religione nullatenus vrgetur. Et idè non modò si ita poscat commune bonum, sed ob minutas quoque causas, si producat in testem compellitur ferre testimonium, vt tradit ad Capellam Tolosanam Aufrerius q. 241.

QVÆSITVM XXII.

*Num quos Iudex reuelandi obligatione eximit
ligentur monitorio.*

Respondeo non ligari, siue expressè & conceptis verbis in monitorio adhibitis exprimat aliquos eximi, siue id illis tacitè per Iudicem significetur. Ratio est, quia tota vis monitorij deriuatur ex Iudicis illud ferètis voluntate. Quare quem Iudex grauari hac obligatione non intendit, erit ab ea immunis. Quemadmodum enim superiùs monstratum est, deesse obligationem detegendi quos Iudex non intendit detegi, ita quos Iudex noluerit ad detegendum obligare,

obligare, immunes erunt ab obligatione detegendi. Neque verò valent ista duntaxat de monitorio per ipsummet immediatum Antistitem concessio, sed etià cum monitorium est impetratum à summo Pontifice, isque de more dirigit illud ad Ordinarium, facta ei potestate vt causa diligenter examinata quatenus videbitur expedire pro locorum ac temporum circumstantiis, monitorij litteras exequatur: Tunc inquam Ordinarius, si censeat ita expedire, potest cum aliquo consilio dispensare ne monitorio Pontificio ligetur, etiamsi taceat. Si tamen Episcopus per fraudem ageret, & probè gnarus deesse iustam causam eximendi quempiam, eum nihilominus exemptū vellet; quoad suum quidem monitorium peccaret, quia faceret parti iniuriam: quoad Pontificium verò, nihil faceret, & ij quos detegendi obligatione eximeret, ligarentur nihilominus monitorio.

QVÆSITVM XXIII.

Dubius de monitorij obligatione an reuelare teneatur.

Respondeo teneri reuelare. Ita Hentiq. l. 13. summa c. 18. num. 4. Lopez 2. p. instruc. c. 9. Sayrus in Clavi l. 12. c. 14. num. 34. Naldus v. *accusare*. n. 1. & v. *reuelare*, num. 2. Ratio est, quia præceptum de facienda reuelatione, est clarè ac certò latum: causa autem excusans, supponitur esse dubia. Igitur præceptū possidet, vt loquuntur. Possidentis autè conditio cæteris paribus,

paribus, in dubio est potior ac melior. Sicut ergo si quis certus esset se vouisse, aut debitum apud aliquem contraxisse; dubitaret autem an votum impleset, vel debitum dissoluisset, præsumeretur pro voto ac pro creditore, nec censeretur debitorem dubia solutione expleuisse debita certa, vt rectè demonstrat Sanchez l. 1. in decalog. cap. 10. num. 12. ita cum dubium est an quis excusetur à monitorio quod constat latum esse, præsumitur pro monitorio, estque ei parendum; ne dubia excusatione elidatur certa præcepti obligatio. Contrarium diximus ad finem præcedentis capitis, tractantes dubium circa obligationem restituendi. Sed disparitas est manifesta. Nam in dubio de restitutione, persona in quam fertur monitorium, possidet rem cuius restitutio petitur, estque par causa illius, & partis quæ monitorium exorauit, vt supponimus. Quia ergo in pari causa, melior esse debet possidentis conditio, vt habet regula iuris, meritò negauimus possessorem in dubio an teneatur restituere, ligari monitorio ad finem restitutionis. E contrario autem affirmamus hominem dubium an ligetur monitorio ad reuelandum, teneri reuelare, quia iste non possidet, sed possessio est penes præceptum reuelandi, quod liquidum est ac certum. Ob hanc ipsam causam Nauar. in summa c. 25. num. 49. in dubio an personæ à quibus aliquid acceptum est sint fide dignæ, obligat ad reuelandum. Rectè item Auila, & cum eo Bonacin. tract. 6. ex variis p. 1. §. 4. num. 3. pronunciant præceptum possidere, in dubio an Prælati facta reuelatione sit adhibiturus remedium: Ideoque non obstante tunc dubio faciendam esse reuelationem, à qua facienda exolueretur qui certò aut probabiliter iudicaret,

caret, nullum remedium fore adhibendum etiam si fiat reuelatio, vt rectè cum aliis Sanchez l.6. consil.c. 2. dub. 17. Hæc ad varios similes euentus extendere, operosum non erit.

QVÆSITVM XXIV.

Ad quid teneatur, qui absque idonea excusatione reticuit quæ monitorio iussus erat reuelare.

Respondeo, iuxta sententiam valdè receptam, falsisque probabilem, teneri ad restitutionem damnorum quæ parti per eius silentium inferuntur. Inter omnes quidem constat, illud silentium esse mortale peccatum, ob materiæ grauitatem & præcepti iustitiam, quæ supponuntur. An verò sit peccatum contra iustitiam, ex quo solo nascitur restituendi obligatio, controuersum est. Quanquam communissima doctrina affirmat hoc peccatum esse contra iustitiam, & idcirco eum qui sine causa lato monitorio siluit, esse iniustam causam damnorum omnium quæ parti obtingunt ratione talis silentij, ac proinde teneri ad eorum restitutionem. Ita Auila 2. p.c. §.disp.4. dub. 3. conclus.8. Nauar. in Manuali c.25. num.41. & c.17. n. 134. Aragon. 2.2. q.70. art.1. Carbo q.51. de restitut. & quotquot affirmant, testem ex quo à Iudice vocatus est ad testificandum, iam intimato sibi præcepto se subducentem, teneri ad restitutionem omnium damnorum parti obuientium per eum defectum testificationis. Ita Lud. Vital. tract. de reis & testibus cog. num.

num. 45. Grauatius ad l. 6. Vestrij c. penult. n. 26. Valent. 2. 2. d. 5. q. 14. p. 1. Sayrus in Clauil. 10. tract. 2. c. 14. num. 2. Reginal. in praxi l. 24. p. 163. Torres t. 2. in 2. 2. d. 52. dub. vnico n. 2. & alij; quos ea ratio iuuat, quod posito præcepto Superioris, pars cui testimonium commodum est, ius habet ne recusetur sibi testimonium; qui igitur recusat iussus testificari, violat ius istud partis, atque adeò tenetur ad restitutionem. Aliud verò est, an is qui ita siluit obligetur quoque ad restitutionem mulctæ pecuniariæ quam Iudex si veritas per reuelationem huius conscij innotuisset, imposuisset reo; qua in re variant Doctorum sententiæ, & verisimile admodum est deesse quoad hoc obligationem iustitiæ, atque adeò non interuenire debitum restituendi. Quia ergo monitorij interpellatio ad reuelandum, non secus se habet quàm interrogatio Iudicis, siue iussum quo testi imperat testificationem, planè si quis intimato iam sibi superioris præcepto testificari renuens se subducit, peccat contra iustitiam & est obnoxius restitutioni damnorum quæ parti ex eius silentio sunt secuta; idem quoque dicendum consequenter erit de conscio, qui per monitorium interpellatus ad reuelandum, renuerit obedire.

Hæc est (vt dixi) valdè communis doctrina. Nolim tamen diffiteri, oppositam tamen si minore autorum numero subnixam, esse admodum verisimilem, quæ scilicet negatur ius esse parti post interpositum superioris præceptum, vt conscij rem aperiant. Debent quidem conscij parere præcepto, idque ni faciant, & obedientiam superiori debitam violabunt, & in charitatem parti exhibendam. Nullum verò est caput, ex quo prodatur eam culpam esse contra iustitiam, qui

Q est

est totus & vnicus fons obligationis restituendi. Ita Molina tract. 2. de Iust. disp. 33. §. *de teste.* & d. 700. n. 4. Lessius l. de Iust. c. 13. n. 76. & c. 30. n. 59. tametsi vacillat, saltem in speciem n. 60. Quod autem inter obnoxios restitutioni, in vulgaris versiculis numerari soleat *non manifestans*, ex quo Sayrus loco allegato intulit, apud omnes certum esse, testem iustum testificari nec parentem, esse iniustam causam damnorum silentium consequentium, & ad eorum restitutionem teneri, non grauatè eliditur. Nomine quippe *non manifestantis* in illis versiculis, intelligendus est is duntaxat, qui ex officio suo ac munere tenebatur impedire damnum quod fuit accidere, cum posset aperiendo alicui id impedire. Quia ergo hæc sententia, quæ testem iustum testificari, solo contra obediētiā & charitatem peccato inquinat, est admodum verisimilis, nō ausim damnare eos, qui ad monitorij interpellationem tacentes, nulli restitutioni obnoxios faciunt, quamuis damna aliqua inde sequantur parti; Non modò si ante promulgatum monitorium conscij de eius futura promulgatione se subducant, (in quo euentu rectè Valent. q. illa 14. p. 1. & Torres disp. 52. citata num. 4. contra Sotum negant esse obligationem quicquam restituendi; quemadmodum qui se subducit, præsciis se iubendum agere tutorem, solam obediētiā erga Magistratum non seruat exquisitè, & charitatem pupillo debitam violat, nihil tamen tenetur restituere :) sed etiamsi lato iam monitorio conticescant.



C A P V T IV.

De exsolutione à nexibus, per contumaciam erga monitorium male contractis.

L A T O monitorio, & elapso termino qui in eo ad restituendum vel reuelandum præfixus erat, vel executioni mandatum est quod mandabatur exequendum, vel cum mortali culpa est prætermiffa ea executio. Si primum contigerit, monitorium fuit nuda comminatio, & absque vlllo virulento effectui in eo ad quem dirigebatur, euanesceit. Audiuit enim Ecclesiam, defuitque contumacia. Quare non est de eo ultra hîc addendum quippiam. Si autem contigerit, monitorium ex graui culpa negligi, nec intra terminum præfixum impleri quæ mandabantur, illico incurritur excommunicatio; & contemptor factus contumax, habendus est sicut Ethnicus & Publicanus. Quia tamen qui dormit, iuuante Deo adiiciet ut resurgat, videndum est qua ratione illis se pedicis expedire valeat, qui primum alienatus à vita Dei & Ec-

clesiæ commercio per contumaciam, tandem reuertitur ad cor. Resecanda tamen hinc erunt, quæ omnium censurarum, ac ferè etiam quæ omnium excommunicationum ablationi sunt communia, ut breuius quæ sunt huius negotij propria, recisis extraneis expedire liceat.

QVÆSITVM I.

*Quis possit excommunicationem monitorij neglectu
intortam tollere.*

Respondeo, eum qui monitorium tulit, vel ab eo facultatem habuerit: Itémque eum qui æquè iurisdictionem habet in ligatos monitorio ac is qui illud tulit, siue sit eius successor, siue superior, & qui ab istis potestatem sunt nacti. Suppono quod est frequentissimum, imo quod regulariter accidit; excommunicationem scilicet quæ monitorio infertur, esse reservatam. Nam si reservata non esset, tolli posset per quemcunque Sacerdotem habentem iurisdictionem ad absolvendum à mortalibus. Ea ergo huius excommunicationis reservatione supposita, aio eius tantum esse auferre hanc censuram, vel qui tulit monitorium, iuxta illud ex cap. *pastoralis*. de Offic. deleg. *qui ligauit, ipse soluere debet*. Vel certè illius, qui cum Antistite qui censuram tulit, parem potestatem sit nactus: cuiusmodi est Capitulum sede vacante, & successor Antistitis. Vel denique superioris eodem Antistite, nec minus habentis iurisdictionem in eum qui absolvendus

us est. Eiusmodi est Papa eiusque delegatus; itémque Patriarcha, cum Episcopus suffraganeus recusat absolutionem, ut notant DD. cap. *ad reprimendam*. de offic. ordin. & Barbosa de potest. Episc. p. 1. titulo 3. cap. 1. num. 36. non tamen Archiepiscopus, nisi in paucis quibusdam euentibus in quibus habet iurisdictionem in subditos suffraganeorum; nimirum quando interposita est ad eum appellatio, & vocatis partibus cognouit de appellatione. Item quando Episcopus admodum negligenter, vel malitiosè differret absolutionem; & denique quando visitans obit suffraganei sui Diocesim: nam tunc temporis, ratione officij habet ordinariam censuras relaxandi facultatem. Extra hos euentus, ut nihil est Archiepiscopo iuris in subditos sui Suffraganei, ita censuras à Suffraganeo intortas relaxare non potest. Quare necesse est, eum qui tollere velit censuram monitorio illatam, esse vel ipsum qui censuram tulit, vel ei iurisdictione parem respectu pœnitentis absolueri, vel etiam superiorem, aut ex commissione & delegatione alicuius istorum absolueri.

Sic Episcopus executor monitorij Pontificij, absoluit eius transgressores ubi satisfecerint, ut tradunt autores quos in eam rem profert Barbosa de potest. Episc. allegat. 96. num. 42. sed eam absolutionem, Episcopus executor impendit tanquam delegatus Pontificis, sicut ad excommunicandum, ita & ad absoluerendum. Similiter Episcopus tametsi non executor monitorij Pontificij, absoluit à censura transgressoribus eius inflicta quando occulta est nec deducta ad forum contentiosum; repugnantibus quidem Lazario §. 4. q. 14. num. 19. & paucis aliis: at melius affirmantibus,

bus, Nauarro in Manuali, c. 27. num. 260. Toletio l. 1. instruct. c. 42. num. 13. Roderico in summa p. 3. c. 81. num. 4. Bonacina tract. 6. ex variis p. 1. §. 10. num. 2. Id verò referendum est ad Iurisdictionem in Tridentina Synodo sess. 24. cap. 6. de reform. Episcopis concessam ad huiusmodi effectum. Concedit enim Episcopis S. Synodus facultatem absoluendi à casibus Pontificiis occultis, quibus semper est annexa censura Pontifici item reservata, ut Nauarrus supra num. 261. admonuit. Quantum autem est ex vi potestatis eo Tridentini loco concessæ Præsulibus, sine vlla ad tempus aliquod arctatione, possunt Episcopi absolvere in foro interno à censura Pontificia, eos quoque qui per annum à die vibrationis in illa hæserint, tametsi id Episcopis, etiam quoad censuram non nisi generaliter à Pontifice latam, negant plerique DD. ad cap. *querenti*, de offic. deleg. & cum Nauarro c. 27. num. 40. Toletio l. 1. instruct. c. 17. Sayro l. 2. de censur. c. 20. num. 9. Lazarius s. 4. q. 13. num. 6. Et ita sanè res habebat ante Tridentinum. At post Tridentinum, verum est quod dixi, quantum quidem est ex vi Concilij. In dubio denique an quis incurrerit in censuram monitorij Pontificij, Episcopus ex tacita Pontificis concessione, ratione dubij, relaxare potest censuram illam, si fortè contracta esset, ut alia occasione docet Sayrus l. 3. de cens. c. 2. num. 29.

Apagè verò nuperum errorem, recitatum c. 1. ad quæsitum II, quo absolutio à censura monitorij ad cautelam tribuitur potestati laicæ. Videri possint astipulati ei errori Glossa & Panorm. ad cap. *pastoralis*. de offic. ordin. & c. *à nobis*. de sent. excom. dicentes laicū in extrema necessitate posse absolvere ab excōmuni-
catione.

De solutione nexuum mon. 247

catione. Quod secutus Ripa tract. de peste parte 2. principali partic. 3. n. 46. numerat id tanquā decimum pestis priuilegium quoad res iudiciales: addens tamen num. 51. si æger lue contactus, & in eo articulo per laicum vinculis excommunicationis exsolutus conualescat, debere adire pro absolutione à censura per laicum ablata iudicem Ecclesiasticum, alioqui relapsurum in censuram pristinam. Hæc eadem simplicitate à Ripa traduntur, qua ibidem num. 48. & 49. cum Glossa, & *omnibus* (vt ait) *scribentibus*, affirmat in illamet necessitate, laicum posse absolvere à peccatis, cum eadem repetendæ apud Sacerdotem confessionis obligatione. Quod quàm sit falsum, nihil attinet dicere. Nec vllus Theologorum emunctæ naris est suffragatus, sed ferè soli, nec omnes Iurisperiti; vt mirum sit tam auersam à vero doctrinam, omnibus tribui ab hoc autore; cuius tamen bona mens & animus purus, in illa ipsa hallucinatione veniam à benigno lectore facilè extorquet.

QVÆSITVM II.

Quomodo censura monitorio conferta, sit tollenda in foro interno & externo, & non ante satisfactionem reipsa exhibitam.

REspondeo, in foro interno nihil esse necesse, vt censura monitorij tollatur, adhibere solennitates præscriptas cap. *solet*, de sent. excommun. in 6. vbi mandatur, vt priusquam excommunicatio in gratiam

Q

alicuius

alicuius vibrata tollatur per absolutionem, citetur prius is cuius interest, audiatúrque an aliquid opponat quominus impendi debeat absolutio: Tum eo audito & causa ritè discussa, aduocentur Notarius & testes, siue ad præstandam cautionem (si res ferat) quod is cui absolutio est impendenda præstiturus sit quæ ius partis exigit; siue etiam ad faciendam fidem certam de absolutione impensa; quia absolutionem fuisse collatam non præsumitur, sed probandum est, iuxta cap. *sicut nobis*. de sent. excommun. Has solemnitates, & si quæ sunt aliæ, nego esse necessarias ad impendendam à monitorij censura absolutionem in foro tantum interno vel conscientiae; intelligendo per id forum, non præcisè iudicium sacramenti pœnitentiæ, sed etiam exercitium iurisdictionis per impensionem absolutionis extra Sacramentum, absque vſu tamen ad forum externum & contentiosum, iuxta triplicis fori distinctionem rectè expositam à Sanche l. 8. de Matrim. d. 34. num. 39. Absoluendo igitur à censura monitorij in foro conscientiae, nihil est necesse prædictas solemnitates adhibere, vt ex rituali Pauli V. tradit Naldus v. *absolutio à censura*. num. 15. sed sufficit, transgressorem monitorij, ideóque censura eius irritum, spondere satisfactionem iustam si eam reipsa non exhibeat; & sic absque alio strepitu exsolui potest contractis nexibus. Vult tamé Auila 2.p.c.7. disp. 3. dub. 3. citás Polancú, adhiberi tunc quoque iuramentum de cauendo recidiuo, & abiicienda contumacia aduersus Ecclesiam; possétque is esse genius personæ quæ absoluitur, vt firmāda esset in sancta volūtate ad eū modū. De vanitate absolutionis collatæ absque firmo emédationis proposito, plenè Gelas. Papa epist. 4.

Ac

At in foro externo, vt tollatur Censura quam quis certo & citra ambiguitatem neglectu monitorij incurrit, eo quod offensa sit manifesta, siue de ea constet per euidentiā rei, siue per legitimas probationes, aut confessionem iuridicā, necesse in primis est, reipsa & de facto parti læsæ satisfieri, si satisfactio exhiberi reipsa possit; quod conforme est iis quæ tradunt Isidor. Pelus. l. 3. epist. 260. & Synesius epist. 67. necnon Theophilus Alexandrinus in responso ad Menam Episcopum, prout illud est interpretatus Balsamon. A suscipientibus Baptismum si obnoxij aliqua in re aliis essent, idem deposcebat Nazianz. orat. 40. Quod si satisfactio exhiberi reipsa nequeat, necesse est adhiberi cautionem pignoratitiam, vel fideiussoriam, de præstanda satisfactione, dummodò hæc quoque cautiones adhiberi possint. Hæc adeò necessaria sunt ad consequendam absolutionem à censura monitorij in foro externo, vt aliter impensa absolutio, nulla habeatur, iuxta Henricum l. 13. c. 28. num. 1. & Sayrum l. 2. de censur. cap. 20. num. 33. nec est ambiguum quin ita sit; si is qui à censura absoluit, sit ad id delegatus sub ea conditione. At si delegatio facta tantum esset ad absoluendum à censura iuxta formam iuris, tunc Naldus in summa v. *absolutio à censura.* & Auila 2. p. disp. 3. dub. 5. & 9. affirmant, absolutionem etiamsi non præstita de facto satisfactione cum exhiberi posset, validam quidem esse, sed cum graui absoluentis peccato, eiusdemque obligatione ad reparanda damna partis. Porro quoad eos qui laborant vera impotentia exhibendi reipsa satisfactionem, aut cautiones reales, satis esse debent cautiones possibiles saltem iuratoria: sicque impenditur absolutio; & verè

Q 5

tunc

tunc confertur, sed ita tamen ut si impotentia abeat, nec exhibeatur satisfactio debita, reueniat homo in statum priorem & censura reuiuifcat; ut tradit Soto in 4.d.22.q.2.art.3. Ritus externi inter absoluendum in externo foro seruandi, sunt tacti paulo ante, legique de eis potest Nauar. in summa c. 26. num. 7. 8. & 9. ac Rodericus in summa p. 1. c. 83. à num. 1.

QVÆSITVM III.

Egeátne absolutione, qui post contractam monitorij censuram, rediens ad cor satisfecit, aut remissionem à parte obtinuit.

Respondeo, egere omnino. Ac primùm quod attingit ad satisfactionem subsequutam, faciet illa quidem ut homo non ultra peccet, prorogando iniuriam erga partem: Tamen constat non posse per satisfactionem exhibitam, tolli siue peccati maculam iam iniustam, siue censuram iam contractam: Sed sicut ut tollatur peccatum necesse est interuenire absolutionem sacramentalē, ita ut tollatur cēsurā, exigitur absolutio ab ea: Imo hoc plus operæ est in censura tollenda, quod peccatum tolli potest per contritionem perfectam, qua includitur ordo ad clauēs & absolutionem iuridicam in Sacramento. At excommunicatio semel contracta, per nullum excommunicati actum tolli potest, sed sola Iudicis absolutione relaxatur. Nimirum quoad peccatum, ne innumeris discriminiibus quibus obnoxij perpetuò sumus, homo sacerdote plerunque

runque destitutus æterno exitio subiaceret, necessaria fuit benignitas illa qua votum sacramentalis absolutionis dum facultas non suppetit, adiunctam habet gratiæ infusionem, & emundationem à peccato, saluo onere subiiciendi peccatum clauibus cum facultas suppetet & subiiciendi præceptum vrgebit. Pro excommunicatione autem, quia ex ea superstite homo non addicitur exitio æterno, nihil fuit necesse prouideri huiusmodi supplementum, vt homo ab ea in voto, & aliter quàm per absolutionem re ipsa impensam exolueretur. Itaque quicquid reus ex se contulerit ac etiamsi satisfecerit, adhibenda tamen est absolutio à censura. Et ita deceditur c. 1. de decimis in 6. & cap. *de quod vult Deo.* de Iudic. vbi Ripa n. 23. docet id esse vbique vsu receptum. Sed malè num. 24. ait id tantùm valere in foro Ecclesiæ, non autem in foro poli. Reuera enim in quocunque foro ita res habet, vt notat Anton. Massa tract. de obligat. in forma Camerae p. 3. q. vltima n. 12. Insigni miraculo confirmatam quandoque fuisse necessitatem absolutionis post iam exhibitam satisfactionem, produnt Illescas p. 2. Pontif. histor. c. 14. & Ludou. Granat. 2. p. introd. in symbol. cap. 27. §. 7. Narrant enim accidisse aliquando, vt æger ad extrema deductus, sacro pane ad eum allato reſici aliquandiu non potuerit, eo quod sacrae panis exuiæ ram tenaciter patenæ adhærescerent, vt nulla vi & industria sacerdotis auelli possent, & in os iacentis inferri. Anxio super eo facto, & stupore defixo sacerdote, venit in mentem vt ægrum rogaret, an excommunicationis alicuius contractæ nec per absolutionem sublata, sibi conscius esset. Æger primùm, negare; quod ita reuera existimaret, contractam abs se aliquando

quando ob non dissolutum debitum excommunicationem, peracta tandem solutione evanuisse; idque mox veluti securus, nec inde timendum quicquam ratus Sacerdoti exposuit. At Sacerdos deprehensa hac nexuum pridem contractorum nec dissolutorum perseuerantia, ritè aptatum ægrum absolutione à censura impertiit. Quo facto manus ad sacrum panem patenæ applicitum admouit, & sine vlla difficultate prehendentem securus diuinus cibus, illatus est ori ægrotantis; apertissimè docente Deo, vt semel ab Ecclesiastica potestate iniecta vincula, malè afficere hominem desinant, necessariam esse illiusmet potestatis quæ ea innexuit manum, nec personæ meliorem animum, vel exhibitam ab ea iustam satisfactionem, ad dissolutionem talium nexuum satis esse. Tradit hanc sententiam Ioannes Gagneus 2. Cor. 2. ad illud, *cui aliquid donastis*, vbi idem satis clarè habet Theophylactus.

Iam quod condonatio vel remissio partis quæ monitorium impetrauit, non sit satis ad tollenda semel iniecta monitorij vincula, perspicuum est ex eodem fundamento quo id de exhibitione satisfactionis monstrauimus. Nimirum quia ad sublationem censuræ ex quo contracta est, exigitur iurisdictio, qua constat partem destitui. Aliud verò esset, si ageretur de tempore ante contractam censuram. Nam si tunc pars iniuriam remitteret propter quam decernitur monitorium, vel condonaret satisfactionem debitam, manifestum est non fore incurrendam censuram; quia vt incurratur, pendet à Iudicis voluntate. At Iudex non intédit ferire noxium nisi vt parti satisfaciatur tollatúrque inducta erga eam inæqualitas. Quia igitur
partis

partis condonatio aut remissio, inæqualitatem illam expleret, euerteretur censuræ fundamentum, subtrahereturque Iudici ad illam vibrandam materia, arque adeò etiam animus. Verùm ex quo censura ob superstitem iniuriam vibrata est, sicut pars non habet iurisdictionem vllam in reum, ita neque potest illum à censura semel contracta liberare, ad quod necessarium est iurisdictionis exercitium.

QVÆSITVM IV.

Num absolutio à censura monitorij, possit accipi per interpositam personam.

Respondeo posse, dummodò hæc absolutio non alligetur absolutioni à peccatis & Sacramento pœnitentiæ, per voluntatem eius qui absoluendi potestatem fecit. Nonnulli quidem Iurisperiti, negarunt absolutionem hanc à censura, posse obtineri per procuratorem. Ita Innoc. in cap. *cum desideres*, de sent. excom. Panorm. Hostiensis, & alij, ut notat Victorellus ad l. i. summæ Toleti c. 14. meritò addens, contrariam sententiam communem esse, pro qua profert Sylvestrum, Hugolinum, & Sayrum, præter ipsum Toletum qui c. illo 14. num. 4. pro ea adduxerat Archidiaconum cap. *eor qui*, de sent. excom. in 6. & Ioannem Andream c. *qui ad agendum*, de procur. in 6. Quod autem Iurisperitos allegatos abripuit in contrariam sententiam, fuit non satis animaduersa disparitas inter absolutionem à peccatis, & absolutionem à censura. Nam iudicium

cium humanum, cui consimile est quod exercetur in absolutione à censura, potest inter absentes perfici; quia nec illud iudicium, nec ista absolutio exigunt ex necessitate formam vocalem, directam ad reum per pronomen *te*, simpliciter & absque limitatione prolatum, quod designat personam præsentem. Hoc autem necessarium est ad absolutionem sacramentalem à peccatis, ut doceamur ex usu Ecclesiæ perpetuo, quo ex veritate formæ sacramenti pœnitentiæ, usurpatum semper est, ut absolutio non nisi præsentem concederetur. At absolutio à censura, quia ad huiusmodi formam non arctatur, absenti sæpè est indulta. Quo pacto Scotus in 4. d. 17. *ferè in fine*, scribit de S. Thoma Cantuariensi poscente à summo Pontifice absolutionem ex Anglia; utique absolutionem à censura. Disseret quoque S. Cyprianus epist. 13. absens absoluit à censura nonnullos. Et S. Gregorius, ut habetur cap. *quanto*. 2. q. 5. Episcopum absentem absoluit ab excommunicatione.

Hinc liquet, quorsum dixerim absolutionem à censura monitorij posse accipi per interpositam personam, dummodò eius impendenda facultas non sit alligata sacramento pœnitentiæ; quod contingit, cum is qui absoluit, utitur potestate delegata, habetque usum iurisdictionis arctatum ad forum Sacramenti pœnitentiæ. Liberum enim fuit deleganti, hoc aut illo modo restringere usum facultatis à se concessæ. Cum igitur potestatem duntaxat facit, ut absolutio à censura impendatur concomitanter ad absolutionem à peccatis, clarum est absolutionem à censura nō posse accipi per internuncium; ob eam quam præmissi necessitatem præsentis localis in eo qui à peccatis absoluitur.

absoluitur. At si is qui absoluit à censura, non sit delegatus alterius qui eum duntaxat ad absoluendum in foro sacramenti pœnitentiæ arctauerit; vel certè si qui absolutionem impendit ex delegatione, acceperit simpliciter & absolute potestatem ad impertiendam absolutionem, aut ad absoluendum in foro conscientię, quod supra attigi aliud esse à foro sacramenti pœnitentiæ; tunc nihil est necesse, eum qui absoluitur adesse, aut cognosci à Iudice absolvente, sed res tractari & confici potest per internuncium, aut procuratorem. Nec rarò expedire potest ut ita fiat, ut famæ rei ad bonam frugem redeuntis consulatur, nec manifestetur occultus monitorij transgressor. Porro procuratorem transmissum ad accipiendam absolutionem ab his vinculis, Sayrus l. 2. de censur. cap. 11. n. 14. monet debere instrui speciali mandato.

QVÆSITVM V.

*An censura monitorio induc̃ta tolli possit sub
conditione.*

Respondeo 1. posse tolli sub conditione de præ-
senti, aut de præterito. Ratio est, quia actus ex in-
tentione his conditionibus affecta, non aliter se ha-
bet quàm si fieret ex intentione cuiusvis conditionis
experte & prorsus absoluta. Hæ quippe conditiones,
non suspendunt intentionem cui apponuntur, quia
sunt de facto positæ; & actus qui illis nititur, non ti-
tubat nec est quasi anceps & ambiguus ad esse aut

non

non esse. Vnde cōditiones prædictæ modò verè sint positæ, non suspendunt absolutionem, nec eam vel inualidam vel illicitam reddunt, nisi aliud obstat. Nihil enim vetat, impendi absolutionem à censura, *si restitutionem debitam pramiseris; vel si habes animum restituendi, cum facultas suppetet.* Aliter tamen pronuntiandum est, de illo modo exprimendi conditionem præsentem per modum futuræ. V. g. posset quis ita concipere intentionē tollendi censuram. *Absoluo te, si Deus videt te cras illud facturum.* Vel, *absoluo te iam nunc, si verum est te cras illud facturum,* qui modi loquendi redolent futuritionem: reuera tamen conditio quam exprimunt, non est futura, sed præsens, quia iam nunc ponitur veritas futuræ actionis; id est iam nunc verum est, te postea hoc facturum vel non facturum. Et similiter, iam nunc Deus videt si ne cras id effecturus. Quare conditiones istę sunt reipsa de præsentī, nec suspendunt actum cui apponuntur. Vt propterea difficile sit rationem reddere, cur appositio huiuscemodi conditionum in intentione conficiendi sex prima sacramenta, pugnaret cum validitate Sacramenti, ut pugnare affirmat Ægidius de Coninch 3. p. q. 64. n. 88. argumentatus ex eo quod sacramentum penderet à conditione futura contingenti, essetque in suscipientis potestate (cum conditio ut sæpè accidit ab eo pendet) postea efficere ut sacramentum validè aut inualidè fuisset collatum. Sicut quovis tempore præcedente impletionem conditionis ab ipso pendens, in potestate eius est facere, ut Deus viderit ipsum hoc illudve facturum, & ut verum fuerit, ipsum effecturum hoc illudve de quo propositio de futuro pronuntiabat. Hoc argumentum est valdè infirmum.

Nam

Nam conditiones de quibus agimus, sunt reuera præsentes vt dixi, nec suspenderent sacramentum cuius confectioni apponerentur: quia Sacramentum haberet iam nunc, quicquid ad eius confectionem est necessarium. Dependētia autem obiectiua à termino futuro qui certò ponetur, non pugnat cū vera actualitate absoluta, ac nullo modo suspensa, actus tendentis in talem terminum: alioqui actus diuinus quo nostra actio liberè futura prænoscitur, suspensus esset, quod constat dici non posse. Itaque conditiones prædictæ sunt verè præsentes & reipsa positæ, quamuis tendant in aliquid futurum. Et quamuis donec illud futurum à suscipiente pendens, ponatur reipsa, liberum sit suscipienti ponere illud aut non ponere, tamen reipsa non efficiet nisi horum duorum alterutrum: hoc est, vel cum futurum terminum ponet in rerum natura; atque ita sacramentum iam nunc fuerit validum; vel non ponet, atque ita Sacramentum fuerit inualidum, nec vlla eius suspensio interuenerit. Quare perspicuum existimo, appositionem prædictarum conditionum, non pugnaturam cum sacramenti validitate, tametsi sacrilegè apponeretur, & cum obligatione reperendi sacramentum sub conditione, ob incertitudinem respectu nostri plerumque exortitram, fuissetne reuera susceptum sacramentum; ac ne salus hominis ex incerto harum sententiarum circa talis sacramenti valorem, incerta penderet, si sacramentum esset necessarium ad salutem comparandam. Quod si speculatiuè loquendo, & abstrahendo à peccato operantis, confectio sacramentorum cum illis conditionibus de quibus agimus esset valida, multo magis necesse est id admittere de absolutione à cen-

R sura;

fura; quamvis addiderim aliter censendum de illis esse, (vtrique quoad honestatem & exclusionem culpæ à sic operante) quàm de conditionibus præteritis, aut iis quæ ita sunt præsentibus ut nihil futurum respiciant. Præteritas quippe & præsentibus conditiones, admitti posse absque labe (cum itares fert) apponi absolutioni à censura, quod negandum est de illis conditionibus, *si Deus videt te cras hoc facturum, vel si verum est te facturum quod spondes.* Nam quamvis sint conditiones præsentibus, nec nisi in speciem sint de futuro, tamen earum appositio esset præter morem receptum, & ingeneraret incertitudinem de sublatione censuræ, proindeque non vacaret peccato.

Respondeo 2. censuram monitorio inductam non posse licitè tolli sub conditione de futuro, quæ sublationem censuræ suspendat vsque ad positam ipsam conditionem. Si tamen quis talem conditionem apponeret, absolutionem à censura validam fore. Quod dico talem conditionem illicitè fore huic absolutioni apponendam, non admittunt Hugol. tab. 1. de censur. c. 12. §. 1. & Sayrus l. 2. de censur. c. 16. num. 4. *in fine.* dummodò conditio non sit friuola & impertinens, cuius appositio clauium contemptum saperet. Ut si diceretur, *absoluo te, si Titius spuerit.* Sed quod dixi magis placet, quia *actus legitimi*, ut habet regula iuris in 6. *conditionem non recipiunt.* Atque ita Panorm. c. de quibus, de baptis. Fore autem talem absolutionem verè validam & ablaturam censuram, negauit Syluester v. *absolutio*, 3. num. 1. & Toletus l. 1. summæ c. 14. num. 5. Contrarium meritò asserunt Henriq. l. 13. c. 29. n. 4. Auila 2. p. cap. 7. disp. 3. dub. 15. Suarez t. 5. 3. p. d. 7. s. 8. num. 7. & 11. & Sayrus alios adducens, citato cap. 16. num. 4.

num. 4. Quidni enim si censura ferri potuit sub tali conditione de futuro, nimirum dicendo, *percello te excommunicatione nisi hoc feceris cras*; poterit sub eadem conditione impendi absolutio, ita ut non sorriatur effectum, sitque suspensa usque ad impletionem conditionis? Nimirum sententia iuridica (qualis est hæc absolutio) humano modo ita ferri potest, ut maneat suspensa usque ad impletionem alicuius conditionis; quod liquet ex Iudiciis forensibus: non quod actus ex parte subiecti non sit absolutus, hoc est non quod reuera non sit actu in voluntate Iudicis positiva volitio exercendi iurisdictionem; sed quod non habeat vim donec conditio reipsa accedat & executioni manderetur, ut habetur ex l. *si stipulatus*, ff. de verb. obligat.

An verò hinc concludere liceat, absolutionem quoque à peccatis quæ confertur in sacramento Pœnitentiæ, estque similiter sententia iuridica, posse validè impendi sub conditione de futuro, suspendente non modò effectum formæ sacramentalis (ut malè supponit Valent. 3. p. d. 7. q. 1. p. 3.) sed etiam ipsam formam quæ per intentionem formanda & quasi consecranda est, atque adeò totum sacramentum, viderint Scholastici. Sanè quæ pro inualiditate absolutionis à peccatis, sub tali conditione concessæ; atque adeò pro discrimine talis absolutionis à censura quæ validè impenderetur, ab absolutione à peccatis quam fore irritam volunt, proferuntur à Suare t. 5. 3. p. d. 7. l. 8. num. 8. Ægidio Coninck 3. p. q. 64. num. 87. & Vasque 3. p. q. 84. artic. 3. dub. 5. num. 6. eiusmodi sunt ut facile disiciantur. Nam sicut matrimonium quia consistit in humanis actibus moraliter durabilibus potest confici cum intentione suspensa, ita ut absque nouo consensu

perficiatur cum primùm conditio impletur, vt tradit Sanchez l. 5. de matr. d. 8. n. 5. & l. 5. in decalog. c. 4. n. 88. quod non habet Baptismus & similia sacramenta, quorum partes essentielles non sunt actus humani moraliter durabiles, & capaces per conditionem appositam suspendi ad eam moram; ita etiam dici posset, sacramentum Pœnitentiæ quia constat humanis actibus moraliter durabilibus quousque retractentur, validè confici posse suspensum vsque ad conditionis impletionem, vt de communissima sententia vidimus fieri posse quoad absolutionem à censura, cuius discrimen hac in parte ab absolutione à peccatis perobscurum est, ne dicam assignatu impossibile. Quamuis sit extra controuersiam, eum qui à peccatis sub conditione de futuro absolvere vellet, (sicut sub tali conditione, iuxta nos valida, iuxta plerosque autem etiam licita est absolutio à censura) temerè omnino facturum, nec absque graui peccato & repetèdi sacramenti obligatione recessurum à sententia communissima, inualidam statuente eam absolutionem: cui sententiæ omnino inhærendum est in praxi, quicquid sit de probabilitate aut etiam veritate speculatiua contrariæ sententiæ, cuius lubrico & incertitudini committere gratis velle pœnitentis salutem, improuidentissimi esset hominis plus iusto tribuentis ratiocinationibus ac commentationibus suis.



PARS SECVNDA.

*De cauendo Monitorij contemptu,
& extimescenda gladij Ecclesia-
stici per excommunicationem ex-
sertione.*

PROLOQVIVM.



ABSIONEM planè grauem,
nec minùs latè fusam, qua Ec-
clesiæ Rectoribus commissus
à Deo spiritualis gladius pas-
sim vilescit, corrigere consi-
lium est; iis propositis, quæ animaduersionem
Ecclesiasticam non contemptui habendam,
sed cuicunque sapienti extimescendam esse
persuadeant. Quam in rem necessarium in
primis erit quæ sit huius gladij exsertio, &
quanta bona amittat qui eo feritur, aperire.

R 3 Tum



CAPVT I.

Seponitur excommunicatio impropria, vel secundum quid dicta. Statuitur de solius antonomastice dictæ excommunicationis horrore differendum.

1. **N**ON suscipio incutere horrorem cuiusvis & quomodolibet dictæ excommunicationis, sed eius tantum quæ propriè & simpliciter excommunicationis dicitur. Iungo illa duo, quia interdum vox *excommunicationis* adhibetur ad denotanda aliqua, in quæ ratio legitima excommunicationis nullo modo cadit. Itaque tunc excommunicatio improprie sumitur. Aliàs autem vox *excommunicationis* tribuitur alicui segregationi, quæ est quidem propriè dicta excommunicatio, sed aliqualis tantum, & non simpliciter dicta, siue plena & integra nōxij segregatio à cæteris. Exemplis omnia hæc illustremus, ut quæ dimittenda hîc nobis sint, quæ verò urgenda, fiat perspicuum.

Irra

Irrationalium ac Dæmonum excommunicatio, impropria.

Impropiè omnino, nec nisi catachresticè excommunicatio dicitur, ea quæ interdum in animalia irrationalia, vel plantas, aut dæmones, aut res planè inanimas intorquetur. Exempla dabo capite 12. Sic enim alicubi locustæ & bruchi, alibi delphines, aut anguillæ, vel serpentes, aut muscæ, aliquando etiam plantæ, vel plantarum rami, excommunicationem subiisse dicuntur. Verùm per vocis abusum dici, adhiberi circa huiusmodi subiecta excommunicationem, dicam plenius citato loco. Breuitérque ratio est, quia irrationalia non sunt delicti vel emendationis capacia, ac proinde non potest in ea cadere excommunicatio propriè dicta, quæ non irrogatur nisi propter culpam cauendam, vel emendatione, tollendam. Itaque excommunicatio qua irrationalia feriri dicuntur, non est verè excommunicatio, sed duntaxat imprecatio & execratio aduersus Dæmonem talium rerum motorem, addita ad Deum precatione, vt eas perdat vel auerrat.

2. Nec aliter accipiendū est, quod interdum dicitur adhiberi excommunicationem aduersus Dæmonem. Qua ratione in vita S. Bernardi lib. 2. cap. 6. narratur, incubum Dæmonem miseræ mulieri annos iam multos infestum, anathematizatum fuisse à S. Bernardo, & duobus Episcopis, ac plebe vniuersa, extinctis candelis quas omnes astantes gestabant manibus, & præmissa omnium adscriptione in charta anathematis. Manifestum est, hanc non esse veram excommunicationem. Nam satanas non est particeps Ecclesia-

Tum diuinum suffragium , quâ dictis quâ factis exhibitum , proferetur. Accedet sensus Sanctorum , timorem fidelibus hac in parte facientium. Nec eorum qui foris sunt , similem in dissimiliter simili causa dimittemus. Tandem quæ fuerint propositæ abusionis causæ vestigabimus , ut iis mederi , & inde enascens malum auertere liceat. Hæc est series huius Opellæ , quantum attinet ad suadendum iustum metum exsertionis gladij Ecclesiastici , in quo plerofque nunc mortalium grauissimè hallucinari , experientia (heu nimium!) prodit. Ad tractationis verò complementum , addemus corollarium , quatenus timenda sit iniusta per Ecclesiasticum hunc gladium animaduersio. Cætera quæ ad eum spectant , species inquam eius & causæ , discrimen quoque ab aliis censuris , quas item ob culpas exserendus sit , aliæque huiusmodi , quod immensis tractationibus discussa prostent , non nisi parcè , & quatenus necessitas planè feret , attingemus. Punctum propositum ab aliis ferè prætermisum , bonis autem moribus maximè commodaturum , & Ecclesiastici regiminis vigori in mentibus fidelium roborando peropportu

opportunitatem, iuvat excutere, vrgentibus
iam pridem multis, quibus ea Ecclesiastici
gladij contemptio creat cordolium: Nec
sine causa, nam imminere inde extremum
fidei discrimen, S. Birgitta lib. 4. reuelationum,
cap. 33. *sub finem*, disertè admonuit. *Profundos* iam olim *singultus*, Turpionis
Lemouicensis Episcopi hanc ob causam,
memorat & laudat S. Odo, epistola ad ipsum
Turpionem, qua ei inscribitur Opus Collationum.

Tum diuinum suffragium , quâ dictis quâ factis exhibitum , proferetur. Accedet sensus Sanctorum , timorem fidelibus hac in parte facientium. Nec eorum qui foris sunt , similem in dissimiliter simili causa dimittemus. Tandem quæ fuerint propositæ abusionis causæ vestigabimus , ut iis mederi , & inde enascens malum auertere liceat. Hæc est series huius Opellæ , quantum attinet ad suadendum iustum metum exsertionis gladij Ecclesiastici , in quo plerosque nunc mortalium grauissimè hallucinari , experientia (heu nimium!) prodit. Ad tractationis verò complementum , addemus corollarium , quatenus timenda sit iniusta per Ecclesiasticum hunc gladium animaduersio. Cetera quæ ad eum spectant , species inquam eius & causæ , discrimen quoque ab aliis censuris , quas item ob culpas exserendus sit , aliaque huiusmodi , quod immensis tractationibus discussa prostant , non nisi parcè , & quatenus necessitas planè feret , attingemus. Punctum propositum ab aliis ferè prætermisum , bonis autem moribus maximè commodaturum , & Ecclesiastici regiminis vigori in mentibus fidelium roborando per-

opportu

PROLOQVIVM. 263

opportunum , iuuat excutere , vrgentibus iampridem multis , quibus ea Ecclesiastici gladij contemptio creat cordolium : Nec sine causa , nam imminere inde extremum fidei discrimen , S. Birgitta lib. 4. reuelationum , cap. 33. *sub finem* , disertè admonuit. *Profundos* iam olim *singultus* , Turpionis Lemouicensis Episcopi hanc ob causam , memorat & laudat S. Odo , epistola ad ipsum Turpionem , qua ei inscribit Opus Collationum.

R 4 CA

Tum diuinum suffragium , quâ dictis quâ factis exhibitum , proferetur. Accedet sensus Sanctorum , timorem fidelibus hac in parte facientium. Nec eorum qui foris sunt , similem in dissimiliter simili causa dimittemus. Tandem quæ fuerint propositæ abusionis causæ vestigabimus , vt iis mederi , & inde enascens malum auertere liceat. Hæc est series huius Opellæ , quantum attinet ad suadendum iustum metum exsertionis gladij Ecclesiastici , in quo plebsque nunc mortalium grauissimè hallucinari , experientia (heu nimium!) prodit. Ad tractationis verò complementum , addemus corollarium , quatenus timenda sit iniusta per Ecclesiasticum hunc gladium animaduersio. Cætera quæ ad eum spectant , species inquam eius & causæ , discrimen quoque ab aliis censuris , quas item ob culpas exserendus sit , aliæque huiusmodi , quod immensis tractationibus discussa prostent , non nisi parcè , & quatenus necessitas planè feret , attingemus. Punctum propositum ab aliis ferè prætermisum , bonis autem moribus maximè commodaturum , & Ecclesiastici regiminis vigori in mentibus fidelium roborando per-

opportu

opportunitatem , iuvat excutere , vrgentibus iampridem multis , quibus ea Ecclesiastici gladij contemptio creat cordolium : Nec sine causa , nam imminere inde extremum fidei discrimen , S. Birgitta lib. 4. reuelationum , cap. 33. *sub finem* , disertè admonuit. *Profundos* iam olim *singultus* , Turpionis Lemouicensis Episcopi hanc ob causam , memorat & laudat S. Odo , epistola ad ipsum Turpionem , qua ei inscribit Opus Collationum.



CAPVT I.

Seponitur excommunicatio impropria , vel secundum quid dicta. Statuitur de solius antonomastice dictæ excommunicationis horrore differendum.

NON suscipio incutere horrorem cuiusvis & quomodolibet dictæ excommunicationis, sed eius tantum quæ propriè & simpliciter excommunicatio dicitur. Iungo illa duo, quia interdum vox *excommunicationis* adhibetur ad denotanda aliqua, in quæ ratio legitima excommunicationis nullo modo cadit. Itaque tunc excommunicatio improprie sumitur. Aliàs autem vox *excommunicationis* tribuitur alicui segregationi, quæ est quidem propriè dicta excommunicatio, sed aliqualis tantum, & non simpliciter dicta, siue plena & integra nōxi segregatio à cæteris. Exemplis omnia hæc illustremus, vt quæ dimittenda hîc nobis sint, quæ verò virgenda, fiat perspicuum.

Irra

Irrationalium ac Dæmonum excommunicatio, impropria.

Impropriè omnino, nec nisi catachresticè excommunicatio dicitur, ea quæ interdum in animalia irrationalia, vel plantas, aut dæmones, aut res planè inanimas intorquetur. Exempla dabo capite 12. Sic enim alicubi locustæ & bruchi, alibi delphines, aut anguillæ, vel serpentes, aut muscæ, aliquando etiam plantæ, vel plantarum rami, excommunicationem subiisse dicuntur. Verùm per vocis abusum dici, adhiberi circa huiusmodi subiecta excommunicationem, dicam plenius citato loco. Breuitérque ratio est, quia irrationalia non sunt delicti vel emendationis capacia, ac proinde non potest in ea cadere excommunicatio propriè dicta, quæ non irrogatur nisi propter culpam cauendam, vel emendatione, tollendam. Itaque excommunicatio qua irrationalia feriri dicuntur, non est verè excommunicatio, sed duntaxat imprecatio & execratio aduersus Dæmonem talium rerum motorem, addita ad Deum precatione, vt eas perdat vel auertat.

2. Nec aliter accipiendū est, quod interdum dicitur adhiberi excommunicationem aduersus Dæmonem. Qua ratione in vita S. Bernardi lib. 1. cap. 6. narratur, incubum Dæmonem miseræ mulieri annos iam multos infestum, anathematizatum fuisse à S. Bernardo, & duobus Episcopis, ac plebe vniuersa, extinctis candelis quas omnes astantes gestabant manibus, & præmissa omnium adscriptione in charta anathematis. Manifestum est, hanc non esse veram excommunicationem. Nam satanas non est particeps Ecclesia-

sticæ communionis; quare ea priuari non potest. Feritur ergo duntaxat execratione & maledictione, adiunctis ad Deum precibus ut eius conatus impediat, nosque defendat; ut rectè notarunt Sanchez l. 2. in Decal. cap. 42. num. 32. & Suarez tomo 5. 3. p. d. 5. l. 1. num. 2. qui id illustrat ex eo quod simili vocis laxitate, hæreses dicuntur anathematizari; ut in professione fidei à Pio I V. præscripta, & infinities in Conciliis: quod non est aliud quàm illas hæreses subiici execrationi. Nam qui fidem profitetur, plerunque non is est qui possit excommunicatione percellere; ipsæque hæreses cum non sint supposita rationalia, non possunt excommunicatione propriè dicta feriri.

Item hominum, à laicis; vel nudè per mortale peccatum.

Quinetiam plerunque, homines quoque dicuntur fieri anathema, cum nulla potest esse suspicio intortæ veræ excommunicationis, sed tantum maledictionis vel execrationis, cui per abusum nomen excommunicationis tribuitur. Sic mulier pia, calici quem dabat monasterio, iussit insculpi anathema, non irritò effectu. Nam calicem exportans Episcopus, graues pœnas dedit, ut scribit Petrus Damiani opusc. 34. cap. 1. Neque tamen mulier, vel aurifex stringere poterant verum anathema. In eundem sensum est accipiendum cum Baronio anno 1097. n. 51. quod quibusdam sepulchris adscriptum legitur, ut qui ea violare præsumpserit, sit excommunicatus, & habeat partem cum Cain, & Iuda proditore. Item quod alibi legitur, ut qui hoc vel illud circa sepulchrum tentarit, sit maledictus

&

Cuius Excom. horror incutiend. 267

& in perpetuum anathemate obstrictus. Ac etiam quod in Regiis quibusdam diplomatibus, adhibitum huiusmodi munimentum legitur. *Si quis hanc nostram donationem infregerit, anathemate condemnatur, ut cum Iuda traditore partem habeat.* Similes formulas à priuatis appositae donariis, sæpè occurrit legere; cum tamen satis superque liqueat, personas illas potestate Ecclesiastica ad veram & propriè dictam excommunicationem inferendam, non fuisse præditas. Erant ergo formulæ tantùm imprecatoriæ & maledictiones, aduersus eos qui tentare quippiam aduersus rectè constituta, non reformidarent.

3. Præterea per impropriam vocis acceptionem, status peccati mortalis apud aliquos dicitur excommunicatio, & quilibet mortali peccato sordens, excommunicatus appellatur. Sic loquuntur Gabriel in 4.d. 18.q. 2. artic. 1. Viguerius de sacramento Ord. versic. 14. Couarr. in cap. *Alma mater.* p. 1. initio num. 6. & latè Salianus lib. 6. de Timore cap. 27. Fauet apertè Syluester V. *excommunicatio*, 3. num. 1. Nam inter effectus excommunicationis, numerat priuationem regni cælorum, in quam tamen nemo incurrit nisi ratione peccati mortalis. Sed neque hæc excommunicatio, est vera & propriè dicta. Nam quamuis ad excommunicationem simpliciter dictam præsupponatur mortalis culpa, tamen non idcirco idem formaliter est, esse excommunicatū, & sordere mortali peccato. Imo potest aliquis iam nitere per contritionem, & tamè retinere vinculum excommunicationis prius contractum, eoque non dissoluto, consequi beatitudinem; qua de re fusè infra cap. 3. sub finem. Deinde à quo ferretur hæc excommunicatio in quemcunque peccatorem?

peccatorem? Respondet Maior in 4. d. 18. q. 2. *in illationibus ex conclusione tertia*, peccatorem excommunicari à seipso. Addit tamen Maior, eam excommunicationem, esse duntaxat minorem; quatenus scilicet peccator ob grauem culpam quam admisit, arcetur à participatione Sacramentorum. Idem habet Glossa cap. *siquidem*. de sent. excom. Hæc tamen sunt manifestè falsa. Nam ridiculum est, asserere, posse aliquem à seipso excommunicari: quia ad excommunicandum exigitur iurisdictio in personam cum vi coercitiua. Quis autem sibi subest, & à se vi coercetur? Optimè hoc excutiunt Soto in 4. d. 22. q. 2. artic. 2. & Gabriel in 4. d. 18. q. 2. artic. 2. *litera L*. Ex Iurisperitis, Glossa cap. *quoties*. 1. q. 7. & Panorm. in cap. 1. de raptor. num. 12. & in cap. *uniuersitatis*. de sent. excom. num. 13. Quare ratum esto, neminem posse à seipso excommunicari. Itaque quod apud creditum Prosperum l. 2. de vita contempl. c. 7. laudantur qui in seipsos voluntariæ excommunicationis sententiam ferunt, non est accipiendum de excommunicatione quæ sit iudicialis sententia, sed de abstinencia à participatione Sacramentorum, qua quisque suæ indignitatis conscius, mulctare se cum laude potest, donec idoneus ad Sacramentorum vsum euadat. Quod addebat Maior, eam excommunicationem quam in se intorquet peccator, non esse nisi minorem, æquè reiiciendum est. Aliud quippe est, reddi indignum Sacramentis, quod contingit peccatori per mortale peccatum; aliud autem, speciali prohibitione Ecclesiæ arceri à Sacramentis suscipiendis, quod facit excommunicatio minor. Itaque aliquâdo homo, iam per contritionem purgatus ab ea inhabilitate ad sacramentorum vsum

quam

Cuius Excom. horror incut. 269

quam ex natura rei, peccando contraxerat; adhuc manet inhabilis ad Sacramentorum susceptionem ratione censuræ nondum ablatæ. Sunt igitur inhabilitates illæ, rationis longè diuersæ, nec vna est permiscenda cum alia, vt malè faciunt qui peccatorem quia ex natura rei arceretur à Sacramentorum susceptione, aiunt irretiri minori excommunicatione.

Suspensio & interdictum, excommunicatio impropria.

4. Denique per impropriâ acceptionem excommunicationis, & obtorsionem illius vocis, aliquando & suspensio & interdictum, vocantur excommunicationes. De suspensione id notauit Maiolus lib. 3. de irregular. cap. 21. *in fine*, ex cap. *quidquid*. 1. q. 1. & ex dist. 23. cap. *Ecclesiastica*, vbi Glossa & DD. Idem habet Bernardus Diaz in praxi Canon. cap. 33. De interdicto nomine excommunicationis expressio, extat exemplum apud Cantipratenum l. 2. Apum cap. 40. num. 7. vbi dicitur, Urbem Sueffionensem fuisse suppositam excommunicationi, quod statim exponitur de Interdicto. Eadem est notio excommunicationis apud Ademarus S. Eparchij Monachum, in Chronico anno 994. verbis illis. [Sæpè idè Alduinus (*Lemonicensis Episcopus*) pro nequitia populi, nouam obseruantiam constituit; scilicet Ecclesias & Monasteria cessare à diuino cultu, & sancto sacrificio, & populum quasi paganum à diuinis laudibus cessare. Et hanc obseruantiam, excommunicationem censebat.] In Concilio item Bituricensi, actione 1. Odelricus Monachus sententiam rogatus aduersus perturbatores Episcopatus

tus

tus Lemouicensis, rationem ac formam eiusdem publicæ excommunicationis, hoc est interdicti, proponit seueriorem quàm vnquam indixerit Ecclesia. Refert Baronius anno 1034. num. 18. [Nisi de pace acquieverint, (*inquit Odelricus,*) ligate omnem terram Lemouicensem publica excommunicatione, eo videlicet modo, vt nemo nisi Clericus aut pauper mendicans, aut peregrinus adueniens, aut infans à bimatu & infra, in toto Lemouicinio sepeliatur, nec in alium Episcopatum ad sepeliendum portetur. Diuinum officium per omnes Ecclesias latenter agatur, sed Baptismus petentibus tribuatur. Circa horam tertiam, signa sonent in Ecclesiis omnibus, & omnes proni in faciē preces pro tribulatione & pace fundant. Pœnitentia & viaticum in exitu mortis tribuatur. Altaria per omnes Ecclesias, sicut in Parasceue nudentur, & cruces ac ornamenta abscondantur, quia signum luctus & tristitiæ omnibus est. Ad Missas tamen quas vnusquisque Sacerdotum ianuis Ecclesiarum obseratis fecerit, altaria induantur, & iterum post Missas nudentur. Nemo in ipsa excommunicatione (*hoc est durante interdicto,*) vxorē ducat. Nemo alteri osculum det. Nemo Clericorum, aut laicorum, vel habitantium aut transcuntium in toto Lemouicinio, carnem comedat, neque alios cibos quàm illos quibus in Quadragesima vesci licitum est. Nemo laicorum aut Clericorum tondeatur, neque radatur, quousque districti Principes & capita populorum, per omnia sancto obediant Concilio.] Vides excommunicationem publicam, dici pro interdicto, & quidem peculiaris & seueræ admodum formæ. Satis de excommunicatione impropria.

Propria

Propria sed secundum quid tantum, excommunicatio; monastica, & quæ minor dicitur.

5. Iam verò propria quidem, sed non plena, atque adeò non nisi secundum quid dicta excommunicatio, ea est, qua pars tantum communionis inter fideles intercedentis remouetur; v.g. collocutio, aut discubitus ad eandem mensam. Quo pertinet excommunicatio illa quæ apud D. Basilium legitur in serie pœnarum n. 15. [Si quis vespere post *Pater noster*, inueniatur colloquens, excommunicetur.] Item illa quam S. Benedictus in regula cap. 24. his verbis decernit. [Secundum modum culpæ, & excommunicationis, vel disciplinæ debet extendi mensura. Qui culparum modus in Abbatis pendeat iudicio. Si quis tamen frater in leuioribus culpis inuenitur, à mensæ participatione priuetur. Priuati autem à mensæ consortio, ista erit ratio, vt in oratorio psalmum aut antiphonam non imponat, neque lectionem recitet vsque ad satisfactionem. Refectionem autem cibi, post fratrum refectionem solus accipiat; vt si verbi gratia fratres reficiunt sexta hora, ille frater nona. Si fratres nona; ille vespera, vsque dum satisfactione congrua veniam consequatur.] Hæc excommunicatio, vt ibi notat Pères, ne excedat culpam quæ reuera leuis est, non potest censerì esse excommunicatio maior, aut plena. Nonnulli eam vocant excommunicationem Monasticam, eamque contradistinguunt Ecclesiasticæ; vt videre est in Constit. Camaldul. lib. 1. cap. 23.

6. Cauendum tamen est, ne Monachi putentur fuisse prorsus expertes excommunicationis simpliciter dictæ.

dictæ. Id enim falsò assereretur. Sanè S. Isidorus in regula cap. 28. excommunicationem simpliciter dictam, vsurpatam inter Monachos fuisse demonstrat, prout eum intellexit Gratianus, regulam illam referens 11. q. 3. cap. *cum excommunicato*. Idem habetur ex Cassiano lib. 2. de instit. c. 16. & expressissimè ex S. Benedicto in reg. cap. 25. verbis illis quæ Anton. Peres ibi num. 6. & 7. & cap. 26. num. 6. & cap. 23. num. 12. affirmat accipi debere de propriè dicta excommunicatione, intorquenda per superiores Iurisdictione Ecclesiastica potientes, nec ad aliam excommunicationem trahi posse: quod item monnerat Turrecremata. [Is autem frater, qui grauioris culpæ noxa tenetur, suspendatur à mensa simul & ab oratorio: nullus ei fratrum in vlllo iungatur consortio, neque in colloquio. Solus sit ad opus sibi iniunctum, persistens in pœnitentiæ luctu: sciens illam terribilem Apostoli sententiam, dicentis: traditum huiusmodi hominem Satanæ in interitum carnis, vt spiritus saluus sit in die Domini. Cibi autem refectionem solus percipiat, mensura vel hora qua prouiderit ei Abbas competere. Nec à quoquam benedicatur transeunte, nec cibus qui ei datur:] En apud Monachos propriissimam excommunicationem.

Monastica ergo excommunicatio, Ecclesiasticæ excommunicationi simpliciter dictæ contradistincta, quæ frequentior fuit apud Monachos, ea est, quæ nulla interna communione priuat excommunicatum, sed tantum parte aliqua externæ communionis. V.g. conuictu in eadem mēsa, addito ferè semper auctario aliquo pœnarum; puta reclusionē in cella ad dies aliquot,

quot, humicubatione, ac similibus asperitatibus, ut videre est apud Smaragdum ad caput 23. reg. S. Benedicti. Eiusdem rationis fuisse aliquando, excommunicationem in Ecclesia receptam pro fidelibus minora peccantibus, censet Gazæus ad librum 10. Instit. Cassiani c. 16. colligitque ex eo quod Apostolus iusserit fidelibus, ut subtraherent se ab omni fratre inordinatè ambulante: itémque ne cum rebellibus commiscerentur; quod si quis frater esset fornicator, aut avarus, aut maledicus, aut ebriosus, cum huiusmodi nec cibum sumerent. Hæc tamen illatio, non videtur adeò solida. Nam sensus multorum tulit, criminosos illos de quibus meminit Apostolus, vigente tunc disciplina Christiana, fuisse simpliciter ac plenè excommunicatos. Quare aptius exemplū excommunicationis prædictæ ad monasticam accedentis, videtur peti posse ex cap. *in loco*. §. q. 4. ut ibi Glossa indicavit, & expressiùs tradidit Archid. ibi, & in cap. *presenti*. §. q. 2. ac Suarez t. 5. 3. p. d. 4. l. 5. num. 26.

7. Pertinet etiam ad excōmunicationem nō plenam, ea excommunicatio Ecclesiastica, quam passim vocant minorem. Estque in eo sita, quod alicui directè vetetur participatio Sacramentorum, ut habetur cap. penult. de sent. excomm. Hæc sola ex partialibus excommunicationibus quas excogitare licet permultas, & quarum aliquas vidimus viguisse apud Monachos, ab Ecclesia inter censuras omnibus fidelibus communes instituta est, & frequenti usu recepta. Imo olim nomine excommunicationis simpliciter & absolutè dictæ, hæc sola intelligebatur, ut patet ex cap. *Engeltrudam*. 3. q. 4. notaruntque Martinus Peresius de tradition. p. 3. tit. de excommuni. §. 1. *sub finem*, &

Auila 2. p. c. 1. disp. 2. Nimirum tunc fideles quia feruebant spiritu, plus horrebant arceri à solis sacramentis, quàm nunc senescente fide timeant prohiberi ambitu vniuerso Ecclesiasticæ communionis: ideoque nomen excommunicationis absque alio addito dictæ, applicabant ad illam diminutam nec nisi secundum quid dictam excommunicationem, quam nunc passim dicimus excommunicationem minorem.

Et improprie, & secundum quid dicta excommunicatio hinc seponenda.

8. Omnes toto hoc capite propositæ excômmunicationes, seponendæ sunt à præsentî tractatione: quia illæ quas improprias esse monstrauius, longè absunt à ratione veræ excômmunicationis, cuius terrori apud fideles incutiendo anniti volumus. Illæ verò aliæ quas secundo loco recensuius, tametsi sint excommunicationes propriè dictæ, non tamen nisi secundum quid: quia non arcent ab omnibus communionibus, quæ fidelibus cum fidelibus intercedunt. Præterquàm quòd illæ quas vocauimus monasticas, non pertinent ad omnes fideles. Postrema verò quæ in omnes potest cadere, nunc non est adeò frequens ac olim, nec circa eam viget abusio cui euellendæ consultum cupimus. Nunc sanè, contra quam olim factum vidi-mus, vox *excommunicationis*, absolutè & simpliciter dicta, denotat solam excommunicationem maiorem, vt habetur ex cap. penult. de senten. excom. ibique cum Glossa tradunt DD. nominatimque Panorm. num. 2. Angelus v. *excommunicationis*. 2. §. ultimo. Syluest.

Propria Excom. in quo sita. 275

Syluest. v. *excommunicatio*. 1. num. 18. Nauar. in Extrau. de datis & promissis, notab. 4. n. 8. & plerique omnes apud Sayrum lib. 1. de Censur. c. 4. num. 19.

C A P V T II.

Presuppositio necessaria; In quo sit sita propriè & simpliciter dicta excommunicatio, de cuius horrore agendum est.

1. **N** T possimus grauiam mala quæ per excommunicationem antonomasticè dictam inferuntur aperire, & abusum quò parui fit, eradicare, præmittendum necessariò est, in quo sita sit excommunicatio simpliciter dicta. Nam nisi notio eius proponatur, & in quo sita sit excommunicatio simpliciter dicta perspiciatur, impossibile esset, timoris quem incutere quærimus, stimulum idoneum adhibere.

Excommunicatio, communicationis priuatio.

Excommunicatio idem est quod communicationis vel communionis priuatio. *Communicationis* autem vel *communicationis* nomina, inter Christianos longè alium vsum olim habuere, quàm nunc habeant. Nam olim voces illæ, ad denotandam societatem rerum sacrarum, & pertinētium ad humanæ vitæ commercia, vsurpabantur: quod prolatis variorum Conciliorum decretis confirmat Albaspinæus lib. 1. obseru. sacr.

S 2 obseru.

276 *Pars II. Caput II.*

obseru. 1. Sed abstinco eo labore tanquam minùs necessario, cum nihil sit frequentius in priscis Conciliis & antiquorum Pontificum decretis, quàm vt communio aut communicatio eo modo vsurpata reperitur. Illustrissimus est locus ex Concilio Arelat. 2. can. 12. quo sic habetur. [De his qui in pœnitentia positi vitam exceſſerunt, placuit nullum communionem vacuum debere dimitti, sed pro eo quod honorauit pœnitentiam, oblatio eius recipiatur.] Nemo non videt, quam ibi communionem dicat Concilium; nempe admiſſionem oblationum quas cognatio pœnitentis vita functi, eius nomine, vti Testamento cauebat, exhibebat Ecclesiæ. Liquidissimum igitur est, cõmunione eo loco vsurpari pro societate inter fideles. Et quia fidelium alij, ad ordinem vt Tertullianus loquitur, hoc est ad clerum, alij ad plebem pertinent, & laici dicuntur: aliter autem fideles societatem habent cum Clericis, aliter cum laicis: & cum Clericis diuersi gradus diuersimodè; (nam in aliis participamus cum Episcopo, quem vt Episcopum agnoscimus, in aliis cum Sacerdote, & ita de cæteris:) idcirco duplex huiusmodi communio, generatim distincta iam olim est. Nimirum communio *Ecclesiastica*, quæ etiam aliquando reperitur dicta *Sacerdotalis*, & communio *laica*. Clericus ille potiebatur communionem *Ecclesiasticam* sui gradus propria, qui nulla functione ad ipsum attinente, nullo munere aut honore sui gradus proprio, prohibebatur. Qui inde excidebat, ex toto vel ex parte, eadem proportionem excidebat communionem. Interdum verò absque deiectione è communionem *Ecclesiasticam*, Clericus fruebatur tantùm communionem peregrina, quæ iuxta Albaspinæum su-
pra

pra obseruatione 3. & Ludouicū à Cerda in Aduers.
sacris cap. 138. num. 13. Clericis externis indulgeba-
tur cum absque literis formatis adueniebant, aut cum
suberat occasio suspicandi essentne formatæ, synce-
ræ, vt satis apertè traditur can. 32. Apostol. etiam si ali-
ter de ea communione philosophantur, Sanctesius
repetit. 10. & Lindanus l. 4. panopl. cap. 58. & Bellar-
minus ac Vasquez mox adducendi. Communionem
laicam, aliqui interpretantur de sumptione Euchari-
stiae sub sola panis specie, prout eam sumere poterant
laici. Ita Bellarminus l. 4. de Euchar. c. 24. addit tamen
dari quoque solitum laicis vsum calicis si voluissent,
sed non nisi in Ecclesia, & absque contactu calicis,
cum tamen speciem panis, & manu exciperent, &
domum asportarent. Verum inde sequitur commu-
nionem laicam non fuisse necessariò sub vna specie,
qualem tamē fuisse Clericorum criminoforum com-
munionem, & idcirco dictam laicam, vult Bellarmi-
nus, vel minus consequenter locutus, vel denomina-
tionem laicæ communionis tribuens communioni
sub vnica panis specie, quia quandoque vsurpabatur
tali modo à laicis. Ibidem Bellarminus, laicam com-
munionem censet eandem fuisse cum peregrina; &
annuit Vasquez 3. p. d. 216. num. 35. ratus dici peregrina-
nam communionem, non quod esset peregrinorum,
sed quod esset peregrina, siue aliena à Clerico. Alij
laicam communionem exponunt de sumptione Eu-
charistiae extra cancellos altaris. Ita Durantus l. 2. de
ritibus cap. 55. Pamel. ad epistolam 52. S. Cypriani n.
37. Suarez 3. p. q. 73. artic. 4. V Valterus cœna 3. cap. 14.
Verior autem interpretatio quæ est Lindani lib. 4.
panop. cap. 58. communionem laicam accipit pro eo

usu societatis fidelium qui laicis concedebatur, quod videntur ferre multi canones quos Durantus supra profert num. 7. & Albaspinæus l. 1. observat. sacr. observ. 4. Aliter quippe fideles laicis, aliter clericis iunguntur: & aliorum commercium est cum personis sacris, aliorum cum profanis & laicis. Est in eam rem pulcher locus apud S. Cyprianum epistola ad Antonianum cum agit de Trophimo Episcopo, quem negat restitutum ut locum Sacerdotis usurparet, sed tantum ut tanquam laicus communicaret: hoc est, ut eadem cum cæteris consociatione frueretur qua passim laici fideles. Huic interpretationi communionis laicæ, opponit Ludouicus à Cerda in Aduers. sacris cap. 141. num. 13. locum ex Concilio Prouinciali Rothomagensi, celebrato anno 1581. tit. de Episcoporum Officiis num. 11. quo damnantur Sacerdotes qui à multis annis initiati, laicam tantum communionem sumunt. Vbi aperrè, communio laica idem est quod participatio Eucharistiæ sub sola panis specie. Verum locus à Neotericis autoribus sic expressus, non potest antiquam communionis laicæ notionem repræsentare. Germanam communionis peregrinæ notionem, & quantopere à laica differat, iam supra tradidi.

2. Hæc cum esset antiqua notio communionis & communicationis, nunc tamen eadem voces longè strictiùs accipiuntur, nempe tantum pro sumptione Eucharistiæ. Causas vestigat Bayus, lib. 2. de Euchar. cap. 18. Sed breuiter ratio est, quod præcipuum bonum, τὸ τέλειον καὶ τὸ ἀγαθόν, ut loquitur S. Basilii ad Amphilochiū cap. 4. & 22. & Concil. Ancyran. cap. 4. 5. & 6. quo participare in hac vita possunt fideles, sit corpus Christi, speciebus velatum. Inde ergo factum est,

est, vt communicationis, & communionis nomina ad eam participationem sint restricta. Sicut nomen *Papæ*, olim commune omnibus Episcopis, sensim ad solius Romani Pontificis, tanquam aliis longè præcellentis, designationem arctatum est. Et nomen *Bibliorum* ex se commune quibusvis libris, ad nomenclationem sacrorum librorum vsu receptissimo est restrictum. Similiter ergo, quia præstantissima pars societatis fidelium, in eiusdem panis Eucharistici communicatione versatur, non abs re eius sumptio cum cæteris fidelibus, dicta est antonomasticè *communicatio*, vel *communio*. Eaque ex causa, olim Episcopi aduenientibus externis quibuscum societatem habere statuebant, mittebant ad eos sacram Eucharistiam, tanquam contestationis mutuae symbolum. Et esse sanè Eucharistiam, symbolum vnitatis membrorum in Ecclesiæ corpore sub Christo capite, dicam infra agens de exclusionem excommunicati ab Eucharistia. Meritò igitur Eucharistiæ vsus dicitur *communio*. Non me latet, Isidorum Pelusiotam lib. 1. epist. 228. aliò referre causam cur Eucharistia dicatur *communio*. [Diuinorum (inquit) sacramentorum perceptio, idcirco *communio* appellata est, quia nobis coniunctionem cum Deo conciliat, nòsque regni ipsius consortes ac participes reddit.] Non improbo hanc doctrinam. Sed quod dixi, est receptissimum.

Dux hæ communionis siue communicationis, se habent vt includens & inclusum. Nam posterior hæc *communio* vt ex dictis liquet, est pars prioris communionis quæ suo ambitu comprehendit vniuersam fidelium societatem, & omnia in quibus commercium mutuum ac consociationem habere possunt. Et

ab ea sic amplè dicta , non autem à sola posteriore communione , præcisè & vt sic accepta , petitur est nomen excommunicationis propriè & simpliciter dicta. Id vt perspicuum fiat , paulò altiùs rem arcessere operæpretium videtur , & quæ inter fideles viatores , ac etiam inter viatores & vita functos , intercedere communio possit, est præmittendum.

Communicatio fidelium, externa, interna, mixta.

3. Recolendum igitur est, quod ex doctrina Apostoli est vulgarissimum, fuscèque tractatum agendo de Christo capite, Ecclesiam esse corpus quoddam politicum, cuius singuli fideles sunt membra. Sicut ergo inter membra eiusdem corporis , non potest non intercedere multiplex communicatio, ita eiusdem fidelium cætus partes , non possunt communicationem inter se multiplicem non habere. Est itaque vt S. Thomas notauit Opusc. 5. ad 9. symboli articulum , fidelium communicatio , quædam in rebus externis purè humanis & ciuilibus, quarum scilicet in communi vita est vsus ; cuiusmodi sunt, salutationes, colloquutiones, conuiuia, aliæque huiusmodi: siue quæ occasione fori ciuilis secularis aut Ecclesiastici adhibentur, quæ dici potest communicatio forensis, vt quæ in Iudicis, Aduocati, Tabellionis, Actoris, Tutoris, similive quopiam munere continetur. Præterea verò est communicatio quædam in rebus sacris , & vel ad cultum Dei , vel ad animæ sanctificationem spectantibus. Quæ communicatio, pro multiplici genere rerum in quibus versatur , aut externa est , aut interna , vel ex ambabus compmixta. Externam voco , communem cum

Propria Excomm. in quo sita. 281

cum aliis fidelibus vsum Sacramentorum, & sacrificij incruenti frequentationem cum aliis, dimisso interno fructu inde oriundo, & præcisè attendendo externam illam oculis corporeis patentem communicationem. Eodem reducitur societas in solemnibus precibus, & doxologiis psalmisque pangendis. Interna verò communicatio, ea est qua fideles per fidem internam qua diuinitus collustrantur, & multo nobilius arctiusque per charitatem cœlitus sibi infusam consequenter ad gratiam sanctificantem, connectuntur inter se inuicem, & cum Christo omnium capite, à quo vinificum influxum communem, & vitæ succum recipiunt. Hanc bonorum internorum communitatem, consequitur communicatio meritorum, non quidem quoad gratiæ sanctificantis & præmij essentialis participationem; (sic enim mereri aliis, Christi solius fuit,) sed quoad exorationem specialis prouidentię diuinæ, ac protectionis, quæ quibusdam ratione aliorum obtingit, etiam citra impetrationem, in formali, & ad hoc directâ oratione fundatam; tantumque quia sunt membra connexa, quorum quæ bona sunt, obiectiuè mouent Deum, vt eorum intuitu velit aliis benè. Quo pacto communionem Sanctorum in symbolo expressam accipit Alanus lib. de sacrif. cap. 31. nec sine fundamento in Scriptura, vt dico tractans literas fraternitatis in Opere de pietate heteroclita. Scorus quodlib. 20. distinguens fructum operum bonorum specialissimum qui immanet operanti, & specialem qui transfunditur in eum cui aliquid impetratur, addit alium tertium fructum quem vocat generalissimum, qui in totam Ecclesiam deriuatur propter Sanctorum communionem, estque is ipse fructus quem nunc ex-

posuimus. Agnoscunt illum eodem modo Adrianus quodlib. 8. artic. 3. Gabriel lect. 26. in Canon. & alij apud Couarruiam in c. *alma mater*. p. 1. §. 5. num. 5. Malè autem Sayrus l. 1. de censur. cap. 5. num. 12. existimat hanc Sanctorum communionem ferre, vt vnus pro alio mereatur & satisfaciatur, etiamsi neuter de eo cogitet. Id enim quoad satisfactionem, absque fundamento affirmatur. Quoad meritum autem, si de merito propriè dicto esset sermo, repugnaret statui hominis puri. Meritum verò congruum, non potest formalem merentis intentionem excludere. Quare sufficit, eam Sanctorum communionem, exponere vt fecimus. Communicatio denique, mixta ex externa & interna, dicitur illa in qua aliquid ad vtranque propositam communicationem pertinens, reperitur. Sic communes Ecclesiæ preces & communia suffragia per satisfactionum communium applicationem, cum sint corporis sensibilis atque visibilis, aliquo semper sensibili conuestiuntur, eive adiunguntur, vt pertingant ad eos quibuscum communicantur. Et ferè eodem modo res habet, quoties priuatus quilibet, suarum precum aut satisfactionum fructum transfundit in alium. Minus verò aptè Brulefer in 4. d. 18. quæsito 6. & ibid. Vorrilongus q. vnica, artic. 3. ad 1. huius tertiæ communicationis exemplum proferunt communionem in Sacramentis.

Ex his variis communicationibus inter Ecclesiæ membra intercedentibus, & constantibus adæquarum & totalem communionem eorum, aliquæ non subsunt dispositioni Ecclesiæ vt eas possit abrogare, vnde non priuat illis excommunicatum; aliquæ verò subsunt potestati Ecclesiæ, & eas reipsa abrogat ex-
commu

communicato. Recurramus singulas, eodem ordine quo sunt propostæ.

Externa communicatio prior, spectans societatem humanam, adempta excommunicato.

4. Communicatio quoad opera humanæ societatis atque conuietus, subest absque dubio potestati Ecclesiæ. Si enim potestas politica iustè segregat aliquos à quibus posset corporum contagium in alios deriuari, ut leprosos, aut lue contactos, quanto magis qui pestes esse animorum deprehensi fuerint, poterunt procul amandari? Sic exilium quod in variorum criminum culpam irrogatur, ita plectit noxium, ut etiam consulat iis à quibus morbida illa ovis secluditur. Et qui factiosi, aut seditionum incentores sunt, meritissimò extorres fiunt, ut publicæ tranquillitati prospiciatur. Hoc si ad status politici indemnitatem iure decernitur, quanto magis cum æterna cõmunitatis salus idem deposcet, infligi valebit per Ecclesiasticam potestatem, quæ nec in suo genere est infirmior, nec minùs intenta in bonum eorum quibus inuigilat? Non dubitabit de iustitia & conuenientia huius segregationis improborum à cæteris, quisquis attenderit ad virulentiam & damna conuietus vitiosorum. Pleraque in eam rem protuli in Morali dist. 4. à num. 438. Nunc addo insignem locum S. Chrysostomi, in Psalmum 4. ad illud. *singulariter in spe*. Sic autem habet. [Illud, *singulariter*, non est parvæ virtus doctrinæ. Quid est autem *singulariter*? Seorsum ab improbis. Hanc enim pacem (inquit) apud te præclare habui, & separatim habito, fugiens homines improbos, ac corruptos.

ruptos. Et iure profectò. Quemadmodum enim corpora sæpè à corrupti aëris lue infecta, pereunt; ita etiam anima sæpè damnum accipit ex malorum con-
 gressione: & quemadmodum sanus oculus quando laborantem aspexerit, afficitur, & qui est scabie refer-
 tus, iis etiam qui sani sunt eam impertit: ita etiam sæ-
 pè contingit in consuetudine improborum homi-
 num. Et ideo etiam suavit Christus non solum eos
 qui sunt tales fugere, sed etiam excindere, sic dicens.
Si oculus tuus dexter, te scandalizat, erue eum, & eiice à
te; Non dicens de oculo; (quid enim mali fecerit ocu-
 lus, si sit sanus animus?) sed de amicis necessariis, &
 qui sint nobis loco horum membrorum, & nos læ-
 dunt, hæc constituit, iubens eorum amicitiam etiam
 cōtemnere, ut sua salus efficiatur tutior. Quamobrem
 ipse etiam rursus progrediens dicit. *Non sedi cum con-*
cilio vanitatis, & cum iniquè agentibus non ingrediar.
 Quinetiam Hieremias eum dicit beatum, qui sedet
 separatim, & tollit iugum ab adolescentia. Iam verò
 etiam Prouerbia, multa de ea re verba faciunt, dicen-
 tia, & suadentia omnibus, non solum declinare, sed
 etiam resilire ab iis qui mala consulunt, & non cum
 illis versari. Si enim quæ sunt naturalia, sæpè mutant
 naturam ex mala consuetudine, quanto magis quæ
 sunt arbitraria, & nostræ voluntatis? Color enim, & sa-
 nitas inest nobis natura: Sed ea nōnunquam corrup-
 puntur ex alio habitu contrario, & rursus appetitus
 ciborum, & eum sæpè perdidimus vitio egritudinum.
 Multa etiam alia licet videre eiusmodi, quæ accidunt.
 Quod si ea quæ sunt naturalia, mouentur, multo ma-
 gis ea quæ sunt volūtatīs facilius mutantur ad vtrum-
 libet. Ne parum damni afferre existimemus malorum
 consuetu

Propria Excomm.in quo sita. 285

consuetudinē : sed ante omnia, eos qui tales sunt, vitemus, etiamsi sint vxores, etiamsi amici, etiamsi qui- libet. Nam hoc etiam malos illos perdidit, Salomonem inquam, & Samsonem. Quinetiam totum genus Iudaicum sic periit. Neque enim ita feræ pungunt vt hominum improbitas. Illæ enim venenum apertè præ se ferunt : hi autem insensibiliter, & absque villo strepitu, virus quotidie immittunt, de animi robore quotidie paulatim detrahentes. Quocirca etiam impudicum aspectum Deus amolitur, dicens. *Qui respexerit mulierem ad concupiscendum eam, iam mæchatus est in corde suo* ; propterea quòd sit facile & proclive exitium. Tu autem si in ciuitate aliqua sis habitaturus, de aëre curiosè inquiris, an non sit salubris, non temperatus, non siccus. De anima autem rationem initurus, non es sollicitus de eorum consuetudine, qui cum ea sunt congressi, sed temerè & inconsideratè eam omnibus permittis? Dic tu mihi quomodo veniam assequeris, qui eam sic negligis?]

5. Ex Isidoro Pelusiota, locum illustrissimum in hanc ipsam rem signaui prædicto loco: nunc appono alium ex libro 4. epist. 157. vbi explicat quid sit illud à Moyse mandatum Sacerdoti. *Super omni animam mortua, non ingreditur*. Sic ergo scribit ad Anatolium. [Hoc vult dicere. Cum anima mortua, nihil tibi esto commercij. Nam quod illud *non intrabis*, valeat idem, quod *non communicabis*, (vel nihil rei habebis cum ea) audi quid Sara dicat Abrahamo. *Ingredere ad ancillam meam, & liberos ex ea procrea*. Quod autem corpus mortuum neminem polluat, (naturales enim res extra culpam sunt) disce à legislatore ipso, Moyse inquam, qui per vmbra & symbola veritatem adumbravit.

brauit. Nam ille ipse qui hæc præcepit, ossa Iosephi ex Ægypto ablata, circumuectauit. Ad quem, non iniuriâ quis dixerit : Quid agis ô Moyse ? quid ita facis ipse, quæ prohibes aliis ? Quid ea aggredieris quibus interdiciis ? Imo etiam quid facis ea, quæ lege lata vetuisti ? Dicam tibi quispiam scripturus videtur, tanquam ei qui primus omnium, violes legē. Non violo, non soluo (inquit) legē à me latam. Sed per hoc ostendo, rem ipsam quæ per scripturam, ac verba legis significatur, diligenter esse attendendam. Ego enim eum qui castitatem coluit, pro mortuo non habeo. Ego eum, qui fratres à quibus insidiæ sibi structæ fuerant, beneficiis affecit, defunctum nescio. Viuit Deo, vt nobis interim ad tempus videatur esse mortuus. Sed & vobis hortator sum, vósque sedulò monéo, vt nō solum fugiatis peccatum, rem videlicet mortuam, & mortis conciliatricem, verū etiam, vt ne cum peccantibus quidem, vllum habeatis commercium. Nam naturales quidem defectus, extra culpam, & crimen versantur. At qui ex libera voluntatis electione proficiuntur, illi demum accusationem, & animaduersionem merentur. Atque hanc meam fuisse mentem, inuenietis faciliè, si verba quibus vsus sum, probè examinaueritis. Non enim dixi: *ad hominem, vel ad corpus mortuum*; sed *ad animam*. Anima namque peccans, morietur.] En quantum sit periculum & damnum à commercio vitiosorum.

Sigillatim, quid ea priuatio contineat.

6. Meritissimò igitur Ecclesia interdicat iis in quos animaduersionis suæ gladium exierit, commercio

Propria Excomm.in quo sita. 287

cio cæterorum, & prima hac communione, ita vt nefas sit excommunicatis frequentare alios, vel eorum conuictu quomodolibet potiri, vt sanciunt benè multa iura quæ collegit Gratianus 11. q. 3. & 24. q. 1. Videndum præterea caput *nuper*, ad cap. *si aliquando*, de sent. excomm. Quæ iura, iis quoque qui sani sunt, interdicit omni commercio excommunicatorum. Vt autem aliquid distinctiùs dicamus, vetatur in primis allocutio excommunicati, etiamsi is non respondeat: Vel etiamsi tantùm ei præbeamus aurem, & ipse solus loquatur: idque, etiamsi collocutio fiat secretò, non publicè: vel etiamsi fiat tantùm per nutus & signa, vt ex variis Doctoribus affirmat Ricciullus l. 4. de iure person. extra Eccles. cap. 46. Ne ipsam quidem honorificam salutationem, siue verbo siue scripto posse impendi excommunicato, habetur ex multis textibus quos profert Couar. in c. *alma mater*. p. 1. §. 1. n. 1. colligiturque ex illis verbis B. Ioannis, *nec aue ei dixeritis*. Tamen si autem non desunt DD. qui contrarium opinentur, tamen verius id esse, censet Suarez t. 5. 3. p. d. 1 §. 1. num. 3. Eidem excommunicato, exhiberi non posse reuerentiam, caput aperiendo vel assurgendo, tradunt Palud. in 4. d. 18. q. 6. artic. 2. Syluest. v. *excommunicatio*. §. num. 3. Præpos. dub. 14. de excom. num. 95. Peres ad cap. 25. reg. S. Bened. num. 2. vbi tamen excipit Prætozem ac similes; additque, neminem prohiberi resalutare excommunicatum, eive in necessitate rescribere, quia hoc est debitum soluere, quod etiam Ethnicis debetur. Statuit quidem de his paulo laxiùs Comitulus l. 6. resol. moral. q. 31. num. 5. non sine aliorum quorundam suffragio. Tamen alij, nec numero nec autoritate impares, omnem planè in hoc genere

genere indulgentiam rescindunt, & excommunicatum, veluti truncum inter mortales versari volunt, omni planè cum eo communicatione rescissa, intra ambitum virium legis humanæ interdicentis communicatione cum excommunicatis Leges quos circa hanc communicationem quadripartito distributam profert Riccius. c. illo 46. qui ibidè c. 56. n. 12. negat licere soluere debita excommunicato, etiamsi fas sit repetere ab eo debita, vt rectè statuit Glossa ad c. *nos Sanctorum*. 15. q. 6. contra quosdā Iurisperitos ridiculè aduersantes. Saltem verò fas esse negare excommunicato debiti solutionem, probabile agnoscit multos ad id adducens Less. l. de Iust. c. 16. n. 77. & idem vt probabile tradūt Naldus v. *excommunicatio*. n. 32. & Molina tract. 2. d. 759. Absolutè verò idem docet Medina C. de restit. q. 3. causa nona, quoad debita solo verbo contracta, vt promissione aut stipulatione, etiamsi iuramento firmata. Sunt quoque qui contractus cum excommunicato celebratos, non modò pronuncient illicitos, quod est regulariter certum, sed etiam nullos & inualidos. Ita enim illis videtur sequi, ex prorsus interclusa communicatione cum excommunicatis.

Adheret excommunicato, vbilibet.

7. Prorsus inquam. Est enim decretum planè vniuersale quoad omnes excommunicatos simpliciter, æquè obseruandum ab omnibus fidelibus. Itaque communis doctrina, vt notat Naldus v. *excommunicatio*. num. 29. interdicat communicatione cum excommunicato, etiamsi dormiente, aut verso in furorem. Item æquè cum eo qui sit alibi excommunicatus, ac cum eo qui fuerit perculsus excommunicatione
in

in hac parœcia, vel Diœcesi: quia excommunicatio, vt ait Panorm. in c. 1. de Treuga & pace, est sicut lepra, quæ non clauditur territorio, sed sequitur personam. Subscribunt Rosella v. *excommunicatio*, 6. §. 39. Syluest. ibid. 5. §. 26. Couarr. in c. *alma mater*. p. 1. §. 2. n. 6. Philiarcus 1. p. de offic. Sacerd. l. 3. cap. 13. Quare qui sunt conscij quod Caius sit alibi excommunicatus, tenentur hîc eum vitare, non modò priuatim quod omnes admittunt, sed etiam publicè, dummodò tamen vt vult Auila 2. p. cap. 6. disp. 11. dub. 2. accesserit hîc denunciatio, vel notorietas facti, excommunicatum reddentis vitandum, inducta per sententiam iudicis. Fuit autem planè necessarium, statui vt excommunicatus alicubi, iuberetur carere vbique communicatione fidelium: alioqui non posset perfectè & conuenienter obtineri effectus per excommunicationem intentus. Quod demonstrant illa Isidori Pelusiotæ l. 3. epist. 259. cum expostulat de contrario abusu hac in parte. [Ex Ecclesia eiicere, promptum ac facile est, sed emendationem non habet. Nam si ei qui optimo iure ab aliquo condemnatus est, ad omnes etiam alias Ecclesias aditus clauderetur, cunctique vnà cum eo qui sententiam tulisset, indignationem conciperent, fortassis ille castigatus in meliorem mentem indueret. Nunc autem, simul atque quispiam ab aliquo condemnatus est, ab alio persæpè colitur, & obseruatur, aliâque ei Ecclesia patet & satellitium, & munera, eique qui eiectus est, in quæstû cedit loci commutatio.] Subdit quanta inde rerum euersio, & zeli in Antistitibus probis restinctio consequatur. Autor libri de 12. abusibus, qui & apud S. Cyprianum legitur. & c. 9. Augustini, tractans abusionem decimam, inde

T probat

probat excommunicatum ab vno Antistite, debere aequè apud omnes, priuari fidelium commercio, quod Leuit. 21. summus Sacerdos veretur viduam aut repudiatam ducere vxorem. Sic enim significatum putat autor ille, summum inter Christianos Sacerdotem, (quæ sæpè est apud veteres Episcopi nomenclatura) non debere excipere, repudiatos ab alio Antistite. Et ita sanxerat magnum Concilium Nicænum c. 5. Idem quoque præscribitur apud Gratianum c. *si quis Presbyter*. 7. q. 1. ex Concilio Antiocheno cap. 3. Quare Synesius in horrenda illa Andronici deuotione quæ legitur apud ipsum Synesium epist. 58. fidenter denunciât omnibus Ecclesiis, nisi scissam velint Christi vestem, vt diras in Andronicum intortas, ratas habeant, eumque deuient. Non est autem quod quis miretur, quomodo vnus Antistes possit personas alterius territorij obstringere ad fugiendum consortium eius quem ipse excommunicauerit. Nam iura omnibus communia, & ab vniuersali potestate lata, ita decreuerunt; vt rectè notarunt Maior in 4. d. 18. q. 4. & Gabriel ibid. q. 3. *litera T*. Nec aliud voluerat Scotus in 4. d. 19. q. 1. num. 16. malè reiectus à Dominico Soto in 4. d. 22. q. 2. artic. 1. Mens enim Scoti, perspicuè est quam proposui.

Et quoad omnes Christi oues.

8. Est præterea decretum de cauendo excommunicati consortio vniuersale, quia omnes Christi oues attingit, & obligat. Omnes enim oues, quotquot sunt in Christi caula, Pastoribus quibus Pastor æternus gregem suum credidit, subesse humiliter debent; & quas

quas illi segregauerint oues morbidas, ni & ipsæ contaminari & alieno contagio sordere velint, debent auersari. Nec dubitarem pertinuisse ad laxationem Ecclesiasticæ disciplinæ, & enervationem vigoris in Pastoribus, vel ad conculcationem audacem sacrarum legum, si verum esset quod scribunt Iuretus ad epistolam 62. Iuonis Carnotensis, & Sauaro ad l. 1. Sidonij epist. 11. nempe liberum fuisse apicibus humanarum dignitatum, dignari mensa quosuis excommunicatos, & ea ipsa ad Regiam mensam admissione, exsolutos fuisse excommunicationis nexibus. Sed hæc est perspicua hallucinatio, cui non suffragatur Concilium Toletanum 12. cuius cap. 3. nititur Sauaro. Nam eo capite, sermo duntaxat est, de illis qui excommunicati fuerant quia in Regem deliquerant. Rege autem placato, & satisfacta (vt aiunt) parte, mirum non fuit, remitti eo ipso, pœnam excommunicationis inflictam. Sic Prætextatus Episcopus Rothomagensis, iudicio 45. Episcoporum excommunicatus tanquam maiestatis reus, habitus est planè exsolutus, cum primùm Rex Guntrannus illum ad conuiuium admisit, vt scribit Gregor. Turon. l. 7. histor. c. 16. Videndus in eam rem Iuo Carnot. epist. 62. & 171. Rarum igitur esto, magnos quoque qui sunt in terra, teneri non communicare cum excommunicatis.

9. Quinetiam Episcopus qui excommunicationem vibrauit, eadem lege astringitur, nec potest cum eo quem excommunicauit, communicare ante exsolutionem legitimam; vt cum communi Doctorum sententia, rectè statuit Couarruias in cap. *alma mater*. p. 1. §. 2. num. 2. iuxta caput *cum desideres*. de sent. excommun. Id ni seruet Episcopus, peccabit, & ini-

nōri excommunicatione, lata in communicantes cum excommunicatis, irretietur. Non habet quidem ipse in se vim coercitiuam, vt notum est. Tamen eo ipso quod excommunicatione aliquem perculit, ex vi institutionis talis censura, & iure communi, consequitur in t̄piscopo, obligatio illum euitandi quem ipsemet excommunicauerit. Nec si cum eo communicet, eo ipso absoluit illum. Contrarium namque statuitur cap. *cum desideres*. de sent. excommun. Facultas quoque quam concederet communicandi cum excommunicato, nulla esset, vt rectē statuit Barbosa de potest. Episc. allegat. 41. num. 37. Ipse item Papa, nisi id expresse intendat, non absoluit etiam si cum excommunicato communicet: vt habetur Clement. *si summus*. de sent. excommun. Necessarium igitur est, vt Antistes Summo Pontifice inferior, beneficium absolutionis, in actu (vt sic dicam) signato impendat, priusquam sine noxa communicet cum eo quem excommunicauit. Idque ad Superiorem quoque excommunicantis, rectē extendit Prepositus q. 2. de Censur. dub. 5. Semper tamē excipitur Papa, vt est manifestū, notantque Abbas & Felinus cap. *nulli*. de sent. excommun. Est locus 2. Constit. Apostol. c. 40. qui contrarium sonare videtur quoad Antistites summo Pontifice inferiores, quā hīc sanxerimus. Sic enim habet Clemens, alloquens Ecclesiæ præfectos. [Cum iis igitur quos propter peccatum excommunicastis, habete & congressus, & conuictum, curantes, consolantes, fulcientes, illudque dicentes: *Inualescite remissa manus, & soluta genua*. Consolari enim oportet lugentes, & eis qui parui animi sunt alacritatem animi addere, ne inmoderato dolore ad amentiam tendant.]

Verū

Verum hic locus non repugnat iis quæ diximus. Accipiendus enim est, de ea Episcopi communicatione cum excommunicato, quæ fit ad opem ei ferendam, iuuandumque, ut qui dormit adiciat ut resurgat, quæ ratione communicatio cum excommunicato, affulgente spe profectus, non est illicita.

10. Astringuntur præterea eadem lege cauendi excommunicatum, alij qui item sunt excommunicati. Tenentur enim inuicem non communicare, quicquid dicat Gloss. c. *denotam.* 27. q. 1. Andreas item Fructus carm. 228. increpans hæreticos ob liberam cum excommunicatis communicationem, prodit se esse in sententia Glossæ: sic enim canit.

Quos contumaces Pastor excommunicat,

Fas est apud vos colloqui, conuivere,

Negotiari liberè cum cateris:

Quamvis prohibeat Paulus hæc, ut promptius

Resipiscat ille. Facite sed vos, ut lubet.

Hunc duco vobis eximendum scrupulum,

Possitis omnes ut simul consuescere,

Cum sitis excommunicati, omnes simul.

Argumentum Glossæ in hanc rem, ductum est ex eo quod non interdicatur excommunicatis communicatione cum infidelibus, sed cum solis fidelibus, quos inter non numerantur excommunicati. Verum nihil est necesse, quemcunque excommunicatum esse propriè infidelem, ut per se liquet. Et quanquam plerique ex iis in quos excommunicatio vibratur, destituantur vera fide, ut si à fide defecerint per hæresim vel apostasiam; tamen quia debito & obligatione fideles sunt, & per defectionē illam impiam non sunt subducti Ecclesiasticæ potestati, meritò ad eos quoque

extenditur lex Ecclesiastica de vitandis excommunicatis, quæ vniuersalis est, & neminem Ecclesiæ subiectum excludit, vt habetur cap. *Apostoli*. 11. q. 3. aliisque iuribus.

Non tamen quoad non baptizatos.

11. De solis illis infidelibus nihil hac in parte edixit Ecclesia, in quos ob defectum initiationis & characteris per Baptismum susceptum impressi, nullum ius habet, cuiusmodi sunt Pagani atque Iudæi, quibus Sayrus l. 1. de censur. c. 8. num. 6. rectè addit Catechumenos, quia nondum sunt baptizati. Ait quidem Nazianzenus, sanctissimam parentem suam Nonnam, Ethnicos non secus vitasse ac excommunicatos. Laudat enim eam orat. 19. [Quod nullius vnquam Gentilis fœminæ, quamuis alioqui honestissimæ, ac propinquissimæ, manibus inanum iniecerit, aut labra labris miscuerit. Immo, nec cum his qui à prophana, & impura mensa veniebant, non modò sponte, sed ne coacta quidem, sal commune habuerit, nec impuram, & sacrilegam domum aduersus conscientiæ legem, aut pertransire vnquam, aut conspiciere sustinuerit, nec aurem, & linguam res diuinas partim accipientem, partim proloquentem, Ethnicis narrationibus, ac Theatricis cantilenis contaminari passa sit. Nihil enim prophani, sacris conuenire statuebat.] Hoc S. Nonna, fecit ex abundantia iustitiæ. Absolutè autem loquendo, non tenemur vitare eos qui sunt prorsus extra Ecclesiam, vt benè tradit S. Chrysostom. hom. 25. in ad Hebr. Hi enim sunt foris, de quibus non est Ecclesiæ iudicare, sed de fidelibus tantum, iuxta illud *Apostoli* 1. Cor.

1. Cor. 5. quod est in hanc rem peremptorium edictum. [*Scripsi vobis in epistola, ne commisceamini fornicariis: non utique fornicariis huius mundi, aut avaris, aut rapacibus, aut idolis seruientibus, alioquin debuerat is de hoc mundo exisse. Nunc autem scripsi vobis non commisceri, si is qui nominatur frater inter vos, est fornicator, aut avarus, aut idolis seruientis, aut maledicens, aut ebriosus, aut rapax; cum eiusmodi nec cibum sumere. Quid enim mihi de iis qui foris sunt iudicare? Nonne de iis qui intus sunt vos indicatis. Nam eos qui foris sunt, Deus indicabit. Auferte malum ex vobisipsis.*] id est, solliciti tantum estote de domesticis fidei vitandis, cum deliquerint, non de externis, qui meæ sententiæ non subiacent. Itaque communio quæ negatur Ethnicis 2. constit. c. 42. & 43. est communio in sacris, non autem communio humana in qua versamur. Cum autem excommunicati dicuntur habendi sicut Ethnici, sensus est, habendos esse prorsus impios, sicut sunt Ethnici, quamuis neque fideles teneantur vi huius legis de qua agimus, vitare Ethnicos; neque ipsi Ethnici teneantur vitare excommunicatos. Potuisset quidem excommunicatis mandari, ut ne cum Ethnicis quidem ac similibus planè extra Ecclesiam positis communicarent, & ita in raro aliquo euentu edixit Ecclesia, ut eorum communicatione abstineretur, c. *postulasti*. de Iudæis. Tamen generaliter loquendo, nihil tale mandatum est excommunicatis; sed tantum decretum est, ut abstinerent communicatione fidelium, saltem qui iure & obligatione sunt fideles; quos item omnes astrinxit lex de vitando excommunicato.

Legis propositæ violatio, quanta.

12. Quanta autem sit vitandi obligatio, seu sub quo peccato prohibeatur humana hæc communicatio cum excommunicato, tam ipsimet quàm aliis fidelibus, nihil definitio. Satis quippe est, admitti peccatum violatione huius edicti. Et quâquam graues DD. non nisi venialem noxam in ea violatione agnoscant; (Multos profert Gabr. in 4. d. 18. q. 3. & Henriq. l. 13. cap. 8. testantes esse communem doctrinam:) Tamen si res speculatiuè spectetur, & materia non statuatur modica, id est si longa & notabilis sit communicatio, non apparet, quare Ecclesia non modò non potuerit graui obligatione & sub graui culpa ad id astringere, quod videtur certum, sed etiam ita non voluerit, vt notant aliqui apud Gabrielem supra *litera L*, & Præpositus dub. 15. de excom num. 99. Sed qualiscunque tandem sit huius interdicti violatio, satis est quod peccatum contineat, vt meritò censeatur refugienda.

Antiquus rigor mollitus.

13. Hic erat antiquus rigor excommunicationis; sed molliuit eum necessitas ex continuis ac innumeris animarum periculis suborta. Itaque Gregorius VII. vt refert Iuo Carnotensis epist. 186. & habetur etiam cap. *quoniam*. 11. q. 3. pleraque personas de quibus mox, obligatione huius legis exempt. Confirmauit Gregorij decretum, successor eius Urbanus, vt refert Bertoldus in Chronico, ad annum 1089. Necdum tamen eo deuenum erat, quo Iuo citata epistola volebat,

bat, optabátque Gerſo lect. 4. de vita ſpirit. coroll. 14. propoſ. 2. nimirum vt ij tantum excommunicati vitarentur ex obligatione, qui nominatim eſſent Eccleſiaſtico gladio percuſſi, ac vt tales denunciati. Tandem verò Martinus V. in extrauag. *ad euitanda*, quam tulit in Conſtantienſi Concilio, indulſit fidelibus, vt poſſent communicare cum excommunicatis quibuſcunque; demptis notoriis Clericorum percuſſoribus, & iis qui eſſent denunciati nominatim; id eſt publicè notati ſententia. quæ eſſet non modò lata, ſed etiam promulgata. Addit Nauarrus in ſumma cap. 27. num. 35. notab. 3. eos qui ſunt notoriè excommunicati, etiamſi non ſint denunciati, eſſe vitandos, etiam poſt Martini V. conſtitutionem. Idem habent Concordata Galliæ, *rubrica de excommuni. non vitandis*. Hoc tamen meritò reiiciunt Gutierrez l. 1. qq. Can. c. 1. à num. 14. Zerola in praxi v. *excommunicatio*, cap. de cauſa formali excomm. dub. 3. adducens Sotum ac Couarruiam, communiterque recentiores. Sed reiiciendus ſimiliter eſt Soto in 4. d. 25. q. 1. artic. 1. poſt 3. conſcluſ. & artic. 3. verſ. *in ordinatione*. & d. 20. q. 1. artic. 5. conſcluſ. 2. affirmans, hæreticos ac ſchiſmaticos, etiamſi nominatim denunciati non ſint, aut notorij percuſſores Clericorum, eſſe tamen excommunicatos vitandos. Hoc dico eſſe reiiciendum: quia eſt contra expreſſam determinationem Martini Pontificis. Fuſius hoc confirmant Azor t. 1. l. 8. c. 13. q. 7. Suarez t. 3. in 3. p. d. 18. ſ. 1. & d. 21. de fide, ſ. 3. à num. 3. Sánchez lib. 2. in Decal. c. 9. num. 3. qui addit, ne eos quidem hæreticos qui generaliter tantum denunciantur, vt in primo articulo Bullæ cænæ pleroſque expreſſos videmus, vitandos neceſſariò eſſe, quia non denuncian-

cur nominatim, quod tamē Martinus V. ad necessitatem euitationis requirit. Imo quamuis quis denunciatur sordens crimine cui annexa est excommunicatio, vt cum quis denunciatur hæreticus, tamen nisi ipsa censura specialiter & expresse denunciatur, id est, donec expresse denunciatur, illum non modò tali peccato sordere, sed etiam ob illud excommunicationem incurrisse, existimant Sanchez ibid. num. 4. & Nauar. miscell. 47. de orat. num. 2. ac Iacobus de Grassis p. 1. decif. l. 4. c. 11. num. 5. talem excommunicatum non esse è numero vitandorum, eo quod censura ipsa non sit formaliter & expresse denunciata: quod putant requiri à Pontifice, vt quis teneatur excommunicatum vitare. Sed hoc meritò reiiciunt Henriq. l. 13. c. 5. n. 4. Auila 2. p. c. 6. disp. 2. dub. 3. conclus. 3. Suarez d. 21. de fide s. 3. num. 7. & Bonacina q. 2. de excom. p. 1. §. 1. num. 2.

Non tamen pœnes ipsum excommunicatum.

14. Quamuis autē illa Martini Pontificis constitutione, temperatus ad eum modum sit graues omnino ob causas, rigor antiquus omni cum excommunicatis communicatione interdicens, tamen eadem Constitutione expresse cautum est, nullum ius nouū condi quoad ipsos excommunicatione perculsos, quibus Pontifex contestatur, nullum abs se concedi fauorem, aut pœnæ antiquitus constitutæ remissionem, sed eodem loco relinqui quo erant ante editam eam constitutionem. Idcirco quamuis aliis in quos mucro gladij Ecclesiastici non est exsertus, fas sit vi illius constitutionis, frui commercio humano cum quibusuis

uis excommunicatis, dummodò non denunciatis, vel notoriis Clericorum percussoribus: Ipsi tamen rei, quantumvis non denunciati, à què astringuntur aliorum commercium vitare, ac priùs astringebantur, vt notant Couar. in cap. *alma mater*. p. 1. §. 2. num. 11. Gu- tierres l. 1. qq. Can. c. 1. num. 36. & Nauar. l. de horis Can. c. 21. num. 17. & 18. qui de contraria peruersitate, meritò expostulat. Non possunt inquam, qui ex- communicatione sunt percussi, se ingerere, & com- municationem cum aliis occipere: tamen si ab aliis ad communicandum sollicitati vel inuitati, possint abs- que culpa cum eis communicare, ne fauor innoxiiis factus, sit irritus, inutiliterque bonis sit indultum vt communicare possint, si penes alterum extremum ve- tetur communicatio. Auspicari tamen, & per se inire cum aliis communicationem, nequeunt excommu- nicati, etiamsi non sint ex illis quos vitandos esse di- ximus: quia communicandi concessio, est fauor aliis tantùm factus. Quare quantum est ex ipsis, abstinere tenentur cæterorum commercio, per se loquendo, & seclusa inde fortassis secutura occulti sui probri gra- uis detectione, quem euentum benè excepit Philiar- cus 1. p. de offic. sacerdot. lib. 3. c. 13. & Castro l. 2. de le- ge pœnali cap. 15. & multi apud Lazarium sect. 4. q. vlt. num. 7. Excipiuntur item quidam euentus, qui es- sent supra vim legis humanæ rationabilis, cuiusmodi est Ecclesiastica. Idcirco enim non interdicitur ex- communicato etiamsi denunciato, communicatione cum personis carne coniunctissimis, cuiusmodi sunt parentes, & liberi non emancipati, siue legitimi, siue naturales, (de adoptiuis res est ambigua:) itémque dominus & famuli, etiam conductitij, duràte tempore conductionis.

conductionis. Cum his inquā personis non est ablata excommunicatis facultas communicandi, spectando quod ordinariè accidit, & dimittendo quod in nonnullis euentibus quoad has quoque personas constitutum est ab Ecclesia. Quæ hîc minutè concidere, præsens institutum non fert. Diligenter autem excutuntur à censurarum tractatoribus, & latè quoque à Ricciullo l.4. de iure person. extra Eccles. à cap. 45. ad 55. Cæterum hæ personæ, præ aliis cum quibus lex non communicandi viget, vix faciunt numerum: & vt Gabriel in 4. d. 18. q. 3. *litera H*, rectè considerat, hæ ipsæ personæ tenentur vitare coniunctos excommunicatos, quoad eam omnem communionem quam illis sine peccato negare possunt, si ita ferat censuræ aggrauatio, vt non infrequenter contingit.

Posterior communicatio externa in humanis, excommunicato adempta, forensis.

15. Satis de primo membro communicationis in rebus humanis, qua interdicitur per excommunicationis decretum. Eiusdem communicationis membrum alterum, complectitur actiones forenses. Quo nomine non intelligitur Testamenti confectio. Nam posse ab excommunicato condi Testamentum, rectè asserunt Mol. tract. 2. de iust. disp. 137. Suarez t. 5. 3. p. d. 15. l. 9. Selua de beneficiis 3. p. quæst. 4. num. 4 adducens Federicum de Senis, Bartolum, Ananiam, Calderinum, & latè Iacobus de Beluio, tractatu de hoc argumento. Quamquam repugnât Glossa c. *decernimus*, de sent. excom. in 6. & Hostiensis cap. pia, de except. in 6. ac Gulielmus Benedictus refert. ad c. *Raynuius*. de Testam. §. *mortuo Testatore*. n.

288. & Naldus v. *Excommunicatio*, num. 28. Nomine ergo actionum forensium quibus excommunicato interdicitur, intelligendum est forense ministerium quodcunque, eo duntaxat excepto, quo excommunicatus compelli potest iudicio se sistere ut reus, in quacunque causa sua, vel agere ad se purgandum in causa sue excommunicationis. Extra eam quippe causam, non potest esse actor, in vlllo siue Ecclesiastico siue temporali iudicio: ac ne per procuratorem quidem agere posse, affirmat Naldus v. *actio*, num. 5. quia qui per alium facit, per seipsum facere videtur. In quibusdam item criminibus enormibus, ut in hæresi, ac ut Delrio 5. Mag. f. 6. contendit, in maleficio, excommunicatus admittitur ut accusator, quamuis non ut actor. Cæteris omnibus forensibus ministeriis interdicitur excommunicato, ita ut ne arbiter quidem ex cap. *veritatis*. de dolo & contum. & aliis iuribus ac DD. apud Gigantem q. 14. de pens. num. 5. imo nec arbitrator esse possit, ut cum Panormitano & Ioanne Andrea affirmat Molina tract. 5. de iustit. disp. 39. num. 6. Non posse item esse procuratorem alterius vel Aduocatum, tradunt multi apud Græuatium ad librum 7. Vestrij c. 1. num. 29. Nimirum vetatur excommunicatus communicare cum aliis. Huiusmodi autem ministeria, communicationem humanam inferunt, & quidem in re magni inter homines momenti. Perspicue igitur sequitur, excommunicatum omnibus illis functionibus arceri. Valétque id etiam de excommunicato occulto, ut Naldus supra notat. Tamen si fas nunc est partibus, operam eius interpellare, dummodò non sit excommunicatus vitandus. Ad hunc locum pertinent quæ latissime persequitur

quitur Marianus Socinus ad c. *sacris*, de sent. excommun. Ricciullus l. 4. de iure personarum extra Eccles. à cap. 17. ad 40. Item huc ferè pertinent dux illæ supra sexaginta excommunicatorum pœnæ, quas sigillatim appendit Rebuffus comment. ad Concordata tit. de excommun. & varia quæ de damnis excommunicationis addensat Gigas de pensionibus q. 36. à num. 6. & Chassanæus in consuetud. Burgun. rubr. 1. §. 6. à num. 15. Ad institutum præsens sufficit ista libasse.

In hac meta priusquam ex humana communicatione superiùs proposita excedam, moneo inter humana opificia, interdici excommunicatis, pictura sacrarum imaginum. Sic enim habet 8. Synodus Actione 10. can. 7. quo etiam vetantur excommunicati, docere disciplinas humanæ ac diuinæ sapientiæ.

Privatio communicationis externa in sacris inflicta excommunicato: & in primis Sacramentorum.

16. Pergo ad secundam communicationem externam potestati Ecclesiæ subiacentem, quæ excommunicatione adimitur. Ea est communicatio externa in sacris, quæ continetur receptione Sacramentorum, itémque sacramentalium prout applicationem aliquâ suffragiorum communium ab Ecclesia habent: nec non frequentatione sacrificij incruenti, itémque assistentia præstita officiis diuinis, & precibus solemnibus, ac publicis vel privatis coniunctim factis. Quod si qui excommunicatur sit idoneus alicuius sacramenti minister, interdicit ei Ecclesia tali administratione, ut & sacrificij ac diuinorum officiorum publi-

ca & solemnī celebratione, ac etiā diuini verbi prædicatione coram fidelibus. Dixi hæc omnia comprehendī externa communicatione in sacris, quia eam præcisè spectāui prout constitutā externis illis actionibus, vel quasi actionibus pertinentibus ad diuinum cultum aut animæ sanctificationem, etiā si omni interno fructu vacuæ essent. Vniuersa igitur hæc communicatio veratur per excommunicationem, & quidem sub peccato quod ex genere suo mortale est, ex omnium sententia. Recurramus per singula.

17. Quod nefas sit excommunicato, suscipere quodcunque Sacramentum, traditur cap. *cum illorum*, & cap. *si quem*, de sent. excom. rectèque Nauar. ad cap. *Fratres*, de pœnit. dist. 5. num. 38. admonet, eam receptionem cum immani sacrilegio esse coniunctam: quod liquet ex graui irreuerentia qua Sacramentum, res vtiq; sancta, à tali suscipiente contaminatur, quantum est ex eius iniquitate. Nominatim autem quod excommunicatus arceatur ab Eucharistiæ susceptione, tradit pulcherrimè S. Chrysostomus in Psal. 49. ad illud, *si videbas furem*, sic scribēs: [Si videris aliquem eorum qui tecum congregantur fornicantem, & ad sacramenta accedentem, dic ei qui est Minister distributionis eorum: Hic est indignus sacramentis, arce prophanas manus, Hic enim nec iustitias quidem enarrare dignus est, considera quò eius procedet puni- tio, quando sacram etiam mensam ausus fuerit attingere.] Arceri vult profanas manus, alludēs ad vsum antiquum, quo Eucharistia in viri communicantis manus inferebatur. Et meritò sanè ab Eucharistiæ participatione remouetur excommunicatus. Nam Eucharistia, vt ex Patribus asserit Rupertus in c. 6. Ioannis,

Ioannis, vulgatissimumque est ex S. Augustino D. Cyprianum allegante, symbolum vnitatis corporis Christi. Qui ergo segregatur à consortio fidelium, iure quoque ab vnitatis symbolo remouetur: & quidem ita, vt duplici mortali peccato contaminetur, si in eo statu accedat. Quamuis enim non sit duplex peccatum, communicare absque confessione, eo quod tunc confessio non præcipiatur per se, sed tantum ratione communionis, vt rectè statuunt Vasq. 3. p. d. 208. num. 24. & Suarez t. 4. 3. p. d. 35. s. 3. contra Canonum relect. de pœnit. p. 4. tamen si peccatum tale sit, vt non modò inuehar defectum gratiæ, sed etiam specialiter sit ei annexa ex præcepto Ecclesiæ repulsa à communione, (quale est peccatum propter quod quis excommunicatione percussus est,) non dubito quin excommunicatus superstite ea labe ad Eucharistiam accedens, duplici mortali peccato contaminetur; altero contra legem de perceptione Eucharistiæ in gratia, altero contra legem de abstinendo ab Eucharistia per tempus excommunicationis. Sicut dupliciter peccat, qui se ingurgitat quo tempore indictum erat ieiunium. Nam & Temperantiam, & Ecclesiasticam ieiunij legem violat. Et ita rectè in præfenti negotio Bonacina q. 6. de Euchar. p. 1. num. 34. contra Vasquem 3. p. d. 207. num. 5. cui suffragatus videtur Diana parte 2. tract. 14. resolut. 22.

18. Vnica tantum proferri potest causa, excusans excommunicatum à peccato in sacramento alicuius susceptione: Nimirum necessitas auertendi graue spirituale aut temporale damnum, quod alioqui indeclinabiliter ingrueret. Extra eum euentum, excommunicatus sacrilegè suscipiérét sacramentum, quamuis validè;

validè; quia excommunicatio nihil ad sacramenti substantiam necessarium intercludit. Idque quidquid Vasquez dicat tract. de excommun. dub. 4. num. 9. valet quoque quoad Sacramentum pœnitentiæ, quantum est ex vi solius excommunicationis; & secluso mortali peccato in ipsa sacramenti susceptione admisso, quod totum sacramentum euerteret; nec illud duntaxat informe redderet, sed planè nullum & necessariò iterandum, ut optimè asserunt Palud. in 4. d. 14. q. 4. Adrianus q. 1. de clauibus, Syluest. v. *excommunicatio*. 3. num. 1. Soto in 4. d. 22. q. 1. artic. 1. dub. vltimo, & Angles in 4. q. de excommun. artic. 3. difficult. 1. conclus. 2. contra Angelum v. *confessio*. 5. num. 10. Caietanum, v. *absolutionis impedimenta*. & Auilam 2. p. c. 6. disp. 3. dub. 4. qui confessionem excommunicati de sua excommunicatione conscij, censent informem, sed validam & non iterandam: eo quod nusquam ab Ecclesia irritetur, etiamsi prohibeatur. Verùm quid necesse est irritari Sacramentum illud ab Ecclesia, cum ex natura rei sit nullum, ob defectum doloris legitimi, & peccatum mortale quod in ipsa susceptione admittitur? Esset tamen sacramentum illud validum, si seponeretur ab eius susceptione, mortale peccatum per ignorantiam probabilem, vel ob necessitatem grauem quæ excusaret à scelere excommunicatum recipientem absolutionem à culpa, tamen si superstitie censuræ vinculo. Tunc enim ut rectè affirmant Couarr. in c. *alma mater*. p. 1. §. 6. num. 7. Sayrus l. 2. de censur. c. 2. n. 3. & Egidius de Coninek disp. de Excommun. num. 18. nihil desideratur ad valorem sacramenti pœnitentiæ requisitum; non, materia, non forma, non intentio: nec in Ministro desideratur Iurisdictione,

risdictio, quam subiecti iniquitas præpedire non potuit. Sic igitur res habet quoad susceptionem Sacramentorum per excommunicatum; quæ resolutio ad omnia Sacramenta pertinet, præterquam ad Baptismum, de quo non potest hîc quæri, cum is qui baptizatus nondum est, excommunicari nequeat. Quod si excommunicatus tenetur abstinere receptione Sacramentorum, Minister quoque Sacramentorum tenetur ea negare, & cum eo non communicare in tali negotio: ex vi quidem censuræ, si sit excommunicatus vitandus; Ex vi autem iuris diuini naturalis, si is qui excommunicatione percussus est, indignè petat Sacramentum & cum scelere.

Item Sacramentalium.

19. Iam verò excommunicatum priuari vfu Sacramentalium, prout fœtorum (vt sic dicam) applicatione aliqua communium suffragiorum, perspicuum est ex suffragiorum illorum interclusionem, de qua postea. Est hæc vox *Sacramentalium*, satis ambigua. Apud Lucam Tudensem lib. 2. contra Albigenes cap. 1. Sacramentalium nomine intelligitur lotio pedum exemplo Christi, ac peregrinatio. Apud alios eo nomine intelliguntur minuta sacramenta Catechumenorum, puta sal, panis benedictus & huiusmodi alia. Scholastici, quoscunque sacros ritus Sacramentis aut sacrificio adiunctos, & ad eorum conuenientem celebrationem ex Ecclesiæ institutione vsurpados; *Sacramentalia* appellât nō exclusis sacris vestibus ac téplis. Alij non paucas præterea obseruantias sacras inter sacramentalia numerât, vt aquam lustralé, & alia pleraque

que quibus Ecclesia suam benedictionem impertit. Imensus est circa sacramentalia Thomas Vvalden-
sis tomo 3. Priuantur itaque sacramentalibus excom-
municati, quatenus Sacramentalia ex Ecclesiæ insti-
tutione adiunctam habent vim aliquam moralem ex
inclusis intra ea communibus Ecclesiæ suffragiis.
Esto non prorsus prohibeantur illis vti veluti mate-
rialiter sumptis. V. g. non prorsus vetatur excom-
municatus, esse in templo, vel in eo priuatim orare.
Quod autem Tertullianus lib. de pudic. c. 4. & 14. ait,
excommunicatos à limine & omni recto Ecclesiæ
submoueri, accipiendum est de absentia à templo
tempore sacri; aut diuinorum officiorum. Ius item
asyli in templo, saluum est excommunicato, vt rectè
affirmat Couarr. 2. var. c. 20. num. 11. Suarez tract. 2.
de relig. l. 3. c. 10. num. 3. & latè Gambacurta l. 4. de im-
munit. Eccles. cap. 10. num. 4. Sed hic est fauor templi,
non autem excommunicati.

Ac sacrificij incruenti.

20. Prohiberi excommunicatum assistere sacri-
ficio Missæ, per se loquendo, est extra controuersiam,
vt constat ex cap. *Episcoporum*, de priuil. in 6. & ex
cap. *illud*. de Cler. excommun. ministr. & cap. *is qui*, ac
cap. *alma mater*. de sent. excom. in 6. Et est sapè hæc,
inignis communicatio in diuinis rebus. Vnde iura
quibus generatim vetamur communicare cum ex-
communicatis in rebus diuinis, cuiusmodi sunt cap.
responsio. & cap. *nuper*. & cap. *alma mater*. de sent. ex-
com. in 6. hac maximè communicatione interdiciunt.
Causam cur excommunicati repellantur à præsentia
V 2 sacrificij,

sacrificij, aperit his verbis S. Chrysostom. hom. 61. ad popul. [Qui sunt in peccatis priores eiiciuntur. Sicut enim ad mensam veniente domino, seruos qui dominum offenderunt adesse non oportet, sed procul arcentur: ita scilicet & hic, dum profertur sacrificium & Christus immolatur & ouis dominica.] Olim quippe, graues illi criminosi excommunicabantur. Porro hæc prohibitio, non modò attingit excommunicatum, sed etiam ceteros fideles qui interfunt sacrificio. Communicant enim cum iis quos habent in auditione sacri socios. Itaque sacerdos vetatur ad altare accedere, si adsit excommunicatus vitandus. Si autem iam consecrauerit, inchoatum sacrum perficere tenetur. Quid consilij dederit S. Anselmus, sacerdoti in cuius sacrificium se ingerebat Comes excommunicatus, apud eum videre licet lib. 1. epist. 56. Ceteri fideles præter Camillum siue ministrum, quia non vrgentur obligatione illa perficiendi sacrificij, cum primùm aduertunt excommunicatum vitandum superuenisse, & obfirmatè hære in æde sacra, tenentur abscedere.

Necnon diuinorum Officiorum.

21. Eadem ratio est de cæteris diuinis Officiis. Quo nomine antononastice designantur horæ Canonice, cap. *dolentes*. de celebr. Missar. & in Concilio Aquisgran. 1. cap. 131. Præterea tamen in hoc negotio, nomine *diuinorum officiorum* veniunt quæcunque orationes & benedictiones, à sacris Ministris ex Ecclesie institutione solemniter & ex officio factæ, ac nominatim processiones quas Ecclesia ex antiquissi-

mo vsu obit, vt videre est apud Serarium in opere de eo argumento, & apud Stephanum Durantum lib. 2. de ritibus cap. 10. In nullo actuum prædictorum, potest excommunicatus communicare cum aliis: hisque incumbit obligatio secedendi, si excommunicatus superueniat, nec arceri aliter queat. Vetatur item excommunicatus orare priuatim cum aliis, orationem cum eis coniungendo, v.g. alternatim recitando horas Canonicas, aliãve aliquas preces. Quæ prohibitio correlatiua est, & cum quoque obstringit, qui non est noxius. Et ideo can. 10. Apostolorum, & aliis iuribus quæ ad eum canonem profert Binius, post Couarruuiam & Suarẽ quos citat, quisquis præces cum excommunicato coniunxerit, ac vel si in domo id fecerit, iubetur excommunicari. Esto, qui ita officium diuinum cum excommunicato recitaret, satisfaceret legi de ea recitatione, vt asserit Maior in 4.d. 12. quæst. 6. ad 3. Non interdicitur tamen, ea priuata oratione in præsentia excommunicati quæ seorsim ab alia funditur, nec cum ea iungitur in vnã communem, vt notauit Caietanus in summa v. *excommunicatio*, sub finem; inde inferens, si duo in eodem cubiculo seorsim confidentes, audito pulsu campanæ ad salutationem Deiparæ ibidem flectant genua & seorsim orerentur, talem orationem non vetari ob præsentiam excommunicati, concomitanter quidem, sed tamen dispartitè & absque vnione cum cæteris, fundentis precatorem. Colligere verò indidem possumus, non vetari fidelibus, recitare in præsentia excommunicati orationem ad Deiparam, quæ initio concionis soler recitari: quia quamuis excommunicatus qui adesse supponitur, eam quoque orationem recitet, tamen ora-

tiones illæ astantium, non vniuntur in vnam communem; vnde nulla ibi cernitur communicatio. Supposui, excommunicatum posse adesse concioni, quia reuera nō est officium diuinum. Vnde Gentiles quoque & infideles, ab ea non arcentur, vt sanxit Conc. Carthag. 4. cap. 84. Multorum Canonum apparentem circa hoc dissonantiam, conciliat Albaspinæus l. 2. obferuat. c. 29. Quæ autem Isid. Pelus. l. 2. epist. 253. habet, non pertinent ad exclusionem profanorum à concione sacra, sed ab euulgatione imprudenti mysteriorum; quam non est necesse fieri in concione, imò abstinendum ea propalatione est, cum adsunt inidonei. Vides ex his non minui dedecus excommunicati, ex eo quod permittatur adesse concioni, cum Gentiles quoque permittantur illi interesse, quia potest conducere ad rangendum & emolliendum cor, nec venit nomine diuini Officij.

22. Repulsa ab offerendis per excommunicatum oblationibus, vt diuina officia pro eo fiant, decernitur in cap. *sacris*. de sent. excom. Ab Vgolino autem Tab. 2. cap. 9. §. 4. extenditur cum ad oblationes per alios pro ipso factas in finem prædictum, quia qui per alium facit, per seipsum facere videtur; Tum etiam ad oblationes factas non vt diuina officia pro eo fiant, sed simpliciter eleemosynæ nomine. Militant enina hic rationes omnes, quibus Philo confirmat sanctitatem legis vetantis inferri in sacrarium oblationes meretricis. Id manasse ab Apostolis testatur Clemens Romanus lib. 3. constit. c. 8. & l. 4. c. 5. & 6. & 7. Traditur autem hic vsus aperte in Concilio Illiberitano cap. 28. verbis illis. [Episcopum placuit, ab eo qui non communicat, munera accipere non debere.] Quod

non

non esse accipiendum de omittente communionem in sacro, sed de excluso à communione corporis Christi, & à cœtu fidelium, rectè conuincit Suarez tract. 2. de relig. l. 1. c. 6. num. 4. Idem statutum est in magno Concilio Nicano cap. 27. in editione Alphonfi Pisani. Idoneam sic statuendi causam, suppeditant verba illa Iuonis Carnotensis epist. 186. [Donationes, & concessiones excommunicatorum, quibus nec dicendum est, aue, propter infirmos vitandas esse consulimus: quia licet Apostolus dicat, *omnia munda mundis*, consequenter tamen addit, *sed malum est homini qui per offendiculum manducat*. Vnde etiam in epistola ad Corinthios. Si quis ait, *vocat vos infidelium, & vultis ire, omne quod vobis apponitur manducate, nihil interrogantes propter conscientiam*. Siue ergo manducatis siue bibitis, *omnia in gloriam Dei facite. Sine offensione estote Iudeis, & gentibus, & Ecclesie Dei*, sicut ego per omnia omnibus placeo, non quarens quod mihi utile est, sed quod multis, ut salui fiant. Hæc est Apostolica, & sana doctrina. Quare talium donationes vel concessiones vitandæ sunt: non quod Dei creatura, ex eis munda immunda fiat, quia Domini est terra & plenitudo eius; sed ne simplicium ex hoc infirmetur conscientia, cum talibus coniecturis existimât, bonis eorum malefacta placere, vel quæ prius abhorrebant, mala non esse. Simili de causa diuinæ leges pariter & humanæ, refutant, & vitant eorum testimonia, & iudicia; non quod non aliquando vera testificentur, & iusta decernant, sed ut tali repulsa confutati, ab errore suo desistant.] Cæterum infulsè Vorrilongus in 4. d. 19 q. vnica, artic. 2. conclus. 2. existimat, oblationes excommunicati quamuis ob ea quæ protulimus, ne-

V 4

queant

queant in Ecclesia recipi, posse tamen recipi domi.
 Hoc vides concidere ex Iuonis discursu. Deinde iura
 absolutè vetant recipi oblationem excommunicati,
 saltem eius qui notus sit, prout hanc resolutionem, li-
 mitant Innoc. Anton. & Abbas in cap. *cum voluntate*.
 de sent. excom. adducti à Troilo Maluerio tract. de
 oblationibus, 2. p. num. 2. quæ iura nunc restringenda
 sunt ad excommunicatum vitandum, si eius qui obla-
 tiones recepturus esset, obligatio ad eas repellendas,
 attendatur.

*Quæ speciales sacrorum ministrorum excommunica-
 torum priuationes, quoad sacra: ut Sacra-
 menta ministrandi.*

23. Omnis prædicta communicatio in sacris,
 qua excommunicato interdici hætenus asserui,
 est communis quorumvis fidelium. Addebam ve-
 rò, esse aliam communicationem in sacris, qua
 quilibet idoneus Sacramenti alicuius minister, im-
 peditur durante excommunicatione qua irretitus sit,
 illud administrare. Sicut etiam sacerdotes excom-
 municati, vetantur celebrare sacrificium incruen-
 tum, & diuina officia solemniter aut publicè recitare,
 vel prædicare fidelibus verbum Dei.

Et quidem, ministrum excommunicatum prohi-
 beri Sacramentorum administratione, constat ex cap.
latores. de Clerico excom. ministr. Ratio manifesta, ex
 reuerenti & digna sacramentorum administratione,
 suffragatur. Et potest quidem in nonnullis euentibus,
 grauis necessitas laxare huius interdicti rigorem,
 quippe

quippe inductum per legem humanam rationabilem, quæ in illis euentibus euigescit. Potestque ea grauis necessitas, se tenere vel ex parte ministri excommunicati, si videlicet magnum malum ei intentetur nisi sacramentum administret, (tunc enim fas ei esse ministrare, statuit cum multis Auila 2.p.c.6. d.8.dub. 5.) vel certè ex parte passi innoxij sacramento indigentis, & alio ministro destituti, præsertim si sit in mortis articulo. Nam tunc fas esse excommunicato ministrare sacramentum indigenti, rectè asserit Gu tierres adducens multos l.1. qq. Canon.c.1. num.65. malè reclamante Couarruua in cap. *alma mater.* p.1. §.6. num.8. Hæc igitur rectè quidem dicuntur. Tamen nemo non videt, ea esse per accidens. At per se loquendo, minister excommunicatione irretitus, prohibetur sacramentorum administratione, càmque contra edictum Ecclesiæ vsurpans, sacrilegus est: non modò quia supponitur sordere labe mortali, cù qua tractare sancta impium est, (hæc enim labe saluo excõmuni cationis nexu tolli posset,) sed etiam directè, vi interpositæ ab Ecclesia prohibitionis, quæ ministros quoque matrimonij, hoc est ipsos coniuges, comprehendit; vt tradit Sanchez l.7. de matr. disp.9. n.3. & Suarez t.5.3.p.d.11.f.1.num.13. contra Præpositum dub. 8. de excomm.num.51. De Parocho excommunicato, an possit vt testis authenticus assistere matrimonij celebrationi, variant sententiæ. Negat Auila, & inde irritari matrimonium censet 2. p. cap. 6. disp.3. dub. 1. conclus.5. sed reclamationat & meritò Sanchez l.3. de matrim. disp.21. num.4. quia hæc non est administratio sacramenti, sed nuda conditio, tametsi essentialiter requisita ad celebrationem validam, vbi decretum Tri-

dentinae Synodi est promulgatum. Quoad sacramentum verò Pœnitentiæ extra mortis articulum, ne valida quidem foret administratio eius per excommunicatum, vt rectè affirmat Reginaldus lib. 32. praxeos cap. 2. num. 7. estque hæc resolutio extendenda, etiam ad absolutionem à venialibus, contra Vasquem 3. p. q. 93. art. 1. dub. 6. num. 8. quia Ecclesia à qua est omnis iurisdictio in foro interno, multat excommunicatum omnimoda priuatione iurisdictionis in eo foro.

24. Quamuis autem nonnulli DD. de quocunque ministro excommunicato pronuncient, cum prohiberi ministrare quæcunque sacramenta; tamen mollior nunc sententia benignius sentit de excommunicato tolerato, quem negat quidem posse se ingerere ad sacramenti cuiuscunque administrationem, admittit tamen posse illud administrare si adeatur, etiam absque necessitate; siue sit pastor, siue non sit. Nam minister huiusmodi, non peccat si requisitus ius dicat, siue ministret: neque item fideles cum adeuntes & iuxta suo vrentes, peccant, siue aduersus legem de non communicando, quæ post Martinum V. non vrget; siue ob cooperationem in peccatum ministri; non enim vlla ibi cernitur cooperatio ad peccatum, quia non peccat minister toleratus, si requisitus ministret. Ita Sanch. l. 7. de Matr. disp. 9. num. 8. Ledesma 1. 4. q. 5. artic. 6. dub. 12. Præpositus dub. 12. de excom. num. 81. & 82. & ferè consentit Suarez t. 5. 3. p. d. 11. s. 4. num. 9. Verùm hæc indulgentia Ecclesiæ, in fauorem fidelium concessa, mollitionem continet rigoris quem ex se inueheret excommunicatio, vt dictum est de externæ communicationis cum toleratis concessione.

Item

Item sacrificandi & solemniter celebrandi officia.

At nullo modo mollitus est antiquus rigor, quoad veritatem sacrificij celebrationem per quemcunque sacerdotem excommunicatum. Nam iura id seuerè veritantia, vt cap. *si celebrat*, de cler. excomm. ministr. per seuerant in rigore antiquo, qui tantus est, vt S. Thomas 3. p. q. 83. artic. 6. ad 2. existimet, si sacerdoti in ipso altari, iam inchoato canone, dummodò non inchoata consecratione, subeat recordatio contracti à se vinculi excommunicationis, abruptum ei esse sacrificium, si absque infamia aut graui scandalo possit fieri abruptio. Si verò iam cœpta esset consecratio, perficiendum esset sacrum vsque ad sacrificij consumptionem, at non vlteriùs; vt in simili statuunt DD. de celebrante coram excommunicato nolente secedere. Est enim planè par, aut etiam maior ratio, ne Sacerdos excommunicatus sacrificet; quàm vt Sacerdos planè liber à tali vinculo, non sacrificet præsentem eo qui excommunicatione irretitur.

25. Æquè arceretur excommunicatus à celebratione solenni & publica diuinorum officiorum. Ita enim perspicuè fert prohibitio qua excommunicatus vetatur communicare in sacris cum cæteris. Diserte quoque idem mandatur cap. *illud*. de cler. excomm. ministr. & cap. *nuper*. de sent. excomm. Nomine porro officiorum, in hoc negotio, veniunt quoque benedictiones quæcunque & orationes publicæ, vt rectè notauit Præpositus dub. 9. de excomm. num. 53. Aliud verò est de priuata officij recitatione. Nam is qui ad eam alioqui tenebatur, æquè ad eam astringitur, non obstante

stante excommunicatione. Probat hoc ex plerisque iuribus Durantus l. 3. de rit. cap. 22. num. 11. & suffragantur multi DD. apud Sanchez 7. opuscul. c. 2. dub. 54. contra aliquos apud Couarruuiam 3. var. cap. 13. num. 8. Accedit ratio. Nam si homo teneatur ad officij recitationem vi ordinis sacri aut religiosæ professionis, constat fundamentum obligationis recitandi, non tolli per excommunicationem. Si autem astringebatur ad recitandum vi beneficij, perstat obligatio: quia quamuis excommunicatus non faciat fructus suos, tamen per eum stat quominus fructus percipiat. At iuxta regulam iuris in 6. [Damnum quod quis sua culpa sentit, sibi debet non aliis imputare.] Accedit quod homo non obstante excommunicatione, retinet beneficij titulum & possessionem. Quare perinde se habet ac is qui priuatur fructibus defectu residentiae. Hunc verò nemo eximit onere recitandi horas Canonicas, ratione beneficij cuius titulum & possessionem retinet, etiamsi culpa sua careat fructibus. Passim dicitur, excommunicatum in priuata officij recitatione debere omittere *Dominus vobiscum*, eo quod hæ voces sonent communicationem cum aliis; vt docet Petrus Damiani Opusc. 11. Doctores tamen non ignobiles, excommunicatum, in priuata recitatione ea verba proferentem, liberant à culpa, vt Auila 2. p. c. 6. disp. 4. dub. 6. nec multum abest Ægidius de Coninck tract. de excom. dub. 7. num. 54. Nimirum qualiscunque expressio communicationis, non est communicatio, quæ sola vetatur.

Ac etiam concionandi.

26. Ad extremum, excommunicatus vetatur prædicare

prædicare verbum Dei. Negant hoc Henriquez l. 13. c. 7. & Sayrus l. 2. de censur. cap. 3. n. 14. qui etiam denunciatis excommunicatis, conciones permittunt. Soto autem in 4. d. 22. q. 1. artic. 4. conclus. 2. concedit excommunicatos non vitandos posse munus concionandi obire. Verùm hi autores, sine idoneo fundamento restringunt ius vniuersale, vetans excommunicatum cæteris communicare in sacris, quod certè fit tractando Dei verbum. Itaque occluditur ea in parte os excommunicato. Et meritò. Est enim spiritualiter leprosus, qui in lege os habere opertum iuebatur, patente reliquo corpore, quod quid significaret, accipe ex Origene hom. 8. in Leuitic. [Quid est hoc quod omnes corporis partes nudas habere præcipitur, & os solùm operire iubetur? Nónne palam est & in aperto positum, quod ei qui in lepra peccati est, clauditur sermo, clauditur & os, vt fiducia sermonis, & docendi autoritas excludatur? Peccatori enim dixit Deus. *Quare tu enarras iustitias meas, & adsumis testamentum meum per os tuum?* Clausum ergo habeat os peccator, quia qui seipsum non docuit, docere alium non potest: & ideò os suum iubetur operire, qui malè agendo, loquendi perdidit libertatem.] Hæc porrò in excommunicatum cadere, tradit apertè Origenes in sequentibus. Prohibetur ergo excommunicatus, prædicare Dei verbum. Quamuis enim ea illi misericordia non negetur vt possit audire verbum Dei; & concioni ab altero habitæ interesse ob vtilitatem suam, non tamen similiter ei conceditur, vt ob aliorum communem vtilitatem habeat concionem; seclusa tamen extrema. aut valdè graui necessitate spirituali proximorum: Itémque nisi esset excommunicatus non

non vitandus, qui vi muneris teneretur ad concionandum, nec haberet quem sibi subrogaret; ab auditoribus autem pro suo iure vrgeretur ad concionandum. Tunc enim non obstante excommunicatione, posset habere concionem.

*Priuationum communicationis in sacris, accessio
spectans beneficia, & munera Ec-
clesiastica.*

27. Accessio priuationum communicationis in sacris, censeripotest, quod excommunicatus & ab munere quocunque Ecclesiastico, & à beneficio suspenditur, impedita acquisitione dominij reddituum Ecclesiasticorum, iuxta probabilissimam sententiam Couarruix 3. var. c. 13. num. 8. & valdè multorum quos profert Ricciullus l. 4. de iure person. extra Ecclef. c. 14. num. 2. quamuis num. 39. fatetur, hodie ex vsu multorum locorum, excommunicatum non omnibus fructibus, sed solis distributionibus priuari. Ceterum in sententia valdè communi, qua excommunicatus non facit fructus suos, beneficiarius excommunicatus, si pensione grauetur, non eximitur ab eius solutione, quamuis fructus non percipiat. Ita Toletus l. 1. instruct. Sacerd. cap. 13. num. 16. & Gigas tract. de pension. q. 64. ac Gutierrez l. 1. qq. Canon. cap. 1. num. 125. se tamen restringens ad pensionarios Ecclesiarum Cathedralium. Addit Gigas q. illa 64. & ex multis textibus confirmat! excommunicatum quoad omnia onera haberi pro non excommunicato. Quod excommunicatus priuetur distributionibus, & quidem

dem tamen si non sit denunciatus, & sententia hoc expressè non ferat, tradit ibidem Gutierrez n. 95. subscribitque Moneta in opere de distribut. p. 2. q. 15. à num. 18.

28. Contrahit præterea excommunicatus, in habilitatem ut ad Ecclesiasticum beneficium vel eligi ipse possit, vel alios eligere, eisve beneficium conferre, aut quomodolibet ad beneficij adeptionem ab alio faciendam concurrere. Explico. Non potest in primis, excommunicatus conferre beneficium, siue per seipsum, siue per Vicarium non excommunicatum, quod rectè statuit Rebuffus ad cap. *postulastis*. de Cler. excomm. ministr. num. 58. & Ricciullus l. 4. de iure person. extra Eccles. c. 3. num. 3. Item non potest eligere alium ad beneficium. Valent porro ista, siue excommunicatus conferre & eligere debeat solus, siue cum aliis. Tunc enim repulso excommunicato collationem vel electionem per solos innoxios esse faciendam, docent passim DD. cap. *unico ne sede vacante*. lib. 6. Quod si excommunicatus, simul cum alijs eligat, aut conferat, actus est nullus, ut probat Rebuffus supra num. 90. additque num. 102. & 103. idem dicendum esse de institutione. Rursusque n. 120. idem habet de nominatione. Ioannes Andr. & passim DD. cap. *nobis*. de iure patron. idem docent de præsentatione ad beneficium; quod de præsentatione facta per patronum Ecclesiasticum excommunicatum, est extra dubium, ut videre est apud Couarruiam in c. *alma mater*. p. 1. §. 7. v. 9. De patrono laico, idem latè statuit Ricciullus libro illo 4. c. 4. contra Rebuffum supra n. 103. & 104. Quia verò præsentatio fit ratione officij priuati, perinde erit ad eius nullitatem, siue patronus præsentans sit excommuni

communicatus publicus, siue occultus, vt tradit Rebuffus consil. 53. quamuis aliter se habeat res in collatione, quia fit ratione officij publici, vnde quamdiu excommunicatus non est declaratus, valet collatio per eum facta, iuxta commune effarum petutum ex l. *Barbarius*. ff. de offic. Præt. Nulla præterea est permutatio beneficii facta per excommunicatum. Porro omnia prædicta, non tantum valent de beneficiis strictè sumptis, sed etiam de latè dictis, non exclusis præbendis & quibusuis iuribus spiritualibus competentibus ex institutione Canonica, vt cum Suarez, & Alterio tradit Ricciullus libro illo 4. cap. 3. num. 5.

29. Iam quod excommunicato conferri nequeat beneficium, siue latè siue pressè acceptum, nec ad id eligi postulari, nominari, præsentari validè possit; certa & communis est doctrina, quam latè stabiliunt Azor t. 2. l. 6. c. 7. Suarez t. 5. 3. p. d. 13. & Ricciullus dicto libro 4. cap. 6. & ratio est clara. Interdicitur enim excommunicato, communicatione cum fidelibus. Non potest autem quis potiri beneficio, absque communicatione. Item beneficium ferè datur propter munera Ecclesiastica. Ab his verò arcetur qui est excommunicatione percussus. Neque verò vt prædicta valeant, necesse est excommunicatum esse denunciatum vel publicum. Quinimo ratum esse debet, excommunicatum nullo ex modis prædictis posse validè obtinere beneficium, etiamsi qui reuera est excommunicatus, habeatur liber ab eo vinculo, & sic ferat vulgaris sensus: Itémque vt cum Glossa & Couarruia statuit Lessl. de iustit. c. 35. num. 154. etiamsi ipse excommunicatus contractam abs se excommunicatione, inuincibiliter ignoret, & eam quoque nesciant qui

qui aliquo ex prædictis actibus erga excommunicatum fungi volent. Nimirum ignorantia inuincibilis ex vtriusque parte interueniat, non tollit obicem obtinendi beneficii, sed tantum liberat à noua culpa & pœnis eam consecuturis. Nihil porro refert, quacunque ex causa tentet excommunicatus irrepere in beneficium: id est, siue ex causa permutationis, siue ex causa resignationis. Imo etiam si resignatio & permutatio antecessissent excommunicationem, ipsa tamen subsequuta, præpeditur ius quod tribuendum superest. Non refert quoque, quod beneficium detur in titulum aut commendetur. Nam excommunicatus, æquè ineptus est ad munia ob quæ beneficium tribui potest quocunque modo. Eademque ex causa, excommunicatus est incapax literarum ad beneficia vacatura, ut rectè asserit Gigas de pension. q. 14. qui addit, incapacem quoque esse pensionis datæ titulo Ecclesiastico; annuuntque Vasques, Suares, & Henriques, quos adducit & malè deserit Præpositus dub. 11. de excomm. num. 64. Acceptatio quoque beneficii ante excommunicationem oblata, vel collata, nulla est si fiat tempore excommunicationis, ut tradunt Hurtado disp. 6. de excomm. difficult. 3. & Couarruias ac Aegidius quos adducit. Quamuis autem absolutio sequens, tollat excommunicationem cum qua quis est adeptus beneficium, adeptio tamen nulla manet, estque opus noua beneficii adeptione: quia absolutio ita tollit vinculum præsens, & quæ ad illud nunc consequuntur, ut tamen non tollat præcedentem beneficii incapacitatem. Et ita rectè Garfias p. 1. de benef. cap. 5. num. 10. Sayrus l. 2. de censur. c. 5. num. 5. & Aegid. Coninck disp. de excomm. num. 74.

30. Annectitur insuper excommunicationi, priuatio omnis iurisdictionis in vtroque foro Ecclesiastico, id est tam externo & contentioso, quàm interno, quod penitentiae forum appellatur. Quae priuationes antiquis licet iuribus statutae, etiamnum tamen durant: quia per ius nouum à Martino V. latum, nullus fauor excommunicatis ipsis est factus. Quare excommunicati quicumque, atque adeò etiam tolerati, & qui se excommunicatos prorsus ignorant, propositis fauoribus potiri nequeunt. In gratiam tamen fidelium, concedit Ecclesia, vt valeant omnia ab excommunicato occulto gesta, vt latè prosequitur Castro lib. 2. de lege pœn. cap. 15. post conclus. 2. quod ad excommunicatum toleratum extendunt Henriq. lib. 13. cap. 8. num. 6. & Auila 2. p. c. 6. disp. 6. dub. 3. adducens Nauarrum ac Gutierrem; nec malè, quatenus fauores illi non in excommunicati tolerati, sed in cæterorum commodum possunt cedere.

*Clausula priuationum communicationis externae,
humanae, ac sacrae.*

Quae ad duarum propositarum communicationum exclusionem excommunicato inflictam pertinent, pulchrè omnino Conc. Lemouicense anno 1034 celebratum non sine auctario nunquam in Ecclesia vniuersaliter recepto, & seueritatis planè insolite his verbis expressit, agens de excommunicatis priuatim, vltra interdictum, quod ibi dicitur excommunicatio publica. [Hi tales, & priuatim excommunicentur, vt sint segregati à communione corporis & sanguinis Domini. In Ecclesiam intrandi, nullam habeant licentiam,

tiam,

riam. Cum Christianis non comedant neque bibant, neque ambulent; carnem non comedant, vinum non bibant, non tondeantur neque radantur, ad nullas orationes proficisci præsumant. Si infirmi fuerint, non visitentur à Clerico; morientes in ipsa excommunicatione non sint de loco leuati in quo mortui fuerint, nec cooperiantur lino, neque petra, neque aliqua munitione; substantiam eorum nullus pro animabus eorum in eleemosynam accipiat.] Porro quod tot & tantas quoad sacra priuationes excommunicato inflictae considerans Maiolus lib. 3. de irregular. cap. 21. *initio*, affirmat, quemlibet excommunicatum esse irregularem, reiiciendum est, quia non consonat iuri, in quo nusquam eiusmodi irregularitas proditur. Quinimo iure statutum habemus, vt excommunicatus in excommunicatione celebrans, fiat irregularis: quod falsò statueretur, si ipsa excommunicatio iam inuexisset irregularitatem, vt ait Maiolus.

*Communicatio fidelium merè interna, non subest
Ecclesie, nec per eam excommunicato
adimitur.*

31. A communicatione merè externa in rebus humanis & sacris excommunicato erepta, progredior ad merè internam, quæ iuxta aliquos partim subest dispositioni Ecclesiæ & excommunicato eripitur, partim non potest ab Ecclesiâ tolli, & ideò salua manet ei qui excommunicatur. Communicatio enim interna in fide, gratia, virtutibusque infusis, non potest tolli vlla homini extrinseca potestate creata. Solus

homo potest eam sibi grauitè peccando eripere. Est-
 que id inter peccatoris mala non postremum, quod
 qui per gratiam erat socius Angelorum bonorum &
 sanctorum hominum, frater fiat draconum & socius
 struthionum; & quod est miserabilissimum, sola sua
 voluntate eò deueniat. Hæc igitur communicatio
 non potest per Ecclesiam concedi aut tolli. Vnde non
 modò qui iniustè percelluntur excommunicatione, si
 sint in gratia, retinent hanc communicationem cum
 aliis sanctis, sed etiam cum iustè fuere percussi, in po-
 testate eorum est, communicationem istam resumere
 interuentu contritionis, priusquam ab Ecclesia exol-
 uantur. Supponitur quidem ad iustam excommuni-
 cationem grauis culpa, proindeque antecessit excom-
 municationem, interclusio huius communicationis.
 Ipsa tamen excommunicatio nequaquam intulit hu-
 iusmodi interclusionem, sed homo solus eam sibi ma-
 lè creauit, non Ecclesia illi inuexit aut inuehere po-
 tuit.

32. Non me latet quorundam opinio, quam ex
 aliquibus anterioribus retulit Soto in 4. d. 22. q. 1. ar-
 tic. 1. dub. 2. nec nisi sub dubio reliquit. Præter priua-
 tionem ergo gratiæ atque virtutum, existimat ea sen-
 tentia, induci posse priuationem communis meri-
 torum, consequentis internam gratiæ & virtutum
 communicationem: quæ priuatio, dici potest priuatio
 necessitudinis consurgens ex communi possessione
 bonorum spiritualium & interiorum. Bona quippe
 illa interna, possunt sub duplici consideratione spe-
 ctari: nempe & ut bona interna ac propria subiecto
 cui insunt, & ut similia iis quæ insunt aliis fidelibus,
 ratione quorum similibus bonorum existit inter fide-
 les

les illos necessitudo atque cognatio ; ita vt homines
iisdē talibus bonis potientes, censeantur esse eiusdem
cognitionis , imo familiæ , & quod etiam arctius &
intimius est, eiusdem mystici corporis Christi Domi-
ni. Duplex namque est Christi corpus , vt scitē dixit
Petrus Damiani serm. de S. Magdalena ; vnum quod
verbum assumpsit ex Virgine , alterum pro quo talis
assumptio facta est, quod nos ipsi sumus, siue Ecclesia
Catholica. Eo ipso ergo quod quis ab Ecclesia inter
suos numeratur, & agnoscitur vt domesticus fidei, si-
mul conferitur corpori Christi mystico per dotes su-
pernaturales quas proposuimus ; gratiam inquam at-
que virtutes , sitque membrum de membro, vt Apo-
stolus loquitur , & induit quandam cum aliis fide-
libus necessitudinem , ratione cuius exurgit obiectiua
illa meritorum communicatio quam supra proposui,
per quam multa bona obtingunt fidelibus, præter bo-
na quæ accipiunt ob priuatam suam excellentiam.
Qua ratione , ex eo quod quis annumeretur ciuibus
alicuius ciuitatis , habet priuilegia toti illi ciuitati cō-
munia , distincta ab iis quæ priuatæ eius virtuti seor-
sim debentur. Eadem quoque ratione, seruus cætero-
qui multis dotibus excultus, si excedat è familia alicui-
us magnatis , non ampliùs excipietur eodem modo
ab iis qui amicitia vel necessitudine aliqua cum eo
magnate nectuntur. Nec aliter peritiores Theologi
philosophantur de aggregatione ad merita ordinum,
vt dico tractans heteroclitia spiritualia. Similiter ergo,
etiāsi aliquis gratiam & virtutem quasi priuatam
fortiatur insignem , tamen nisi ea gratia & virtus fa-
ciat vnum cum virtute cæterorum fidelium; id est ni-
si ipse censeatur de familia Dei , sitque domesticus

fidei, excidet multis bonis quæ ratione illius coniunctionis cum cæteris, ei obuenirent. Vt autem quis censeatur de familia Dei, sitque Ecclesiæ domesticus, & membrum mystici corporis Christi Domini; vel vt inde excludatur, habeaturque pro extraneo, est in Ecclesiæ potestate, supposita occasione ex parte personæ de cuius allectione in Dei familiam agitur. Ecclesia enim, ex causa, potest aliquem tamen interius probum, & vel iam ad se reuersum, vel exterius & coram hominibus probatum malum, nolle sustinere in suo cætu, & mystico Christi corpore: quo pacto virtus eius & gratia si quam habet, sit priuata, & talis vt eam non collustret gratia & virtus aliorum, quia sublata est moralis vnitas; & extrinseca illa denominatio, quæ necessitudo spiritualis dicitur, excisa est per Ecclesiæ potestatem. Hæc est illa quam dixi, vel noua vel renouata aliquorum opinatio.

33. Ego tamen illi subscribere non possum. Falso quippe in ea assumitur, esse in Ecclesiæ potestate, facere vt homo habens gratiam & charitatem, non sit mysticum membrum corporis Christi, & non pertineat ad Ecclesiam cuius Christus est caput. Ita enim statuendum in hac sententia fuit, vt subsumeretur, Ecclesiam posse inducere priuationem communitatis meritorum, qua Deus ex bonis cæterorum ad eundem cætum idemque corpus mysticum pertinentium, mouetur obiectiuè, ad omnibus comuniter benefaciendum. At perspicuum videtur, rationem membri Ecclesiæ sitam in eiusdem fidei professione, & accessu gratiæ ac virtutum consummatam, esse humanam potestatem extrinsecam inabdicabilem ab eo qui eiusdem sit fidei, multoque magis gratiæ & sanctitudinis

Propria Excom. in quo sita. 327

dinis particeps. Quo constituto, corrui illa per Ecclesiam inducibilis priuatio meritorum, cui hæc sententia inardificabatur. Et hac ex parte, communicatio meritorum religiosi ordinis quæ Religionum superioribus est arbitraria, differt à communicatione meritorum Ecclesiæ, quæ communicatio petider à solo Christo. Itaque ego quidem nullam agnosco purè internam communicationem inter fideles, quæ dispositioni & potestati Ecclesiæ subiacere, dici possit.

Priuatio communicationis mixta, negatis orationibus communibus.

Restat communicatio mixta, id est partim externa, partim interna, ad quam initio reuocabam suffragia, tam communia totius Ecclesiæ per communium precum & satisfactionum applicationem, quam priuatâ vniuscuiusque, per suarum precum & satisfactionum applicationem ad alium. Vocantur suffragia communia, quæ fiunt in persona totius Ecclesiæ, vel ex eius communi thesauro per indulgentias conferuntur. Videndum ergo est, quatenus hæc communicatio subsit dispositioni Ecclesiæ, & quæ eiusdem priuatio excommunicato infligatur.

34. Suffragiis communibus per orationes in persona Ecclesiæ factas, priuari excommunicatum, negant Hostiens. cap. *cum voluntate*. de sent. excom. & Summa Confess. lib. 3. tit. 33. q. 159. Contrarium tamen ratum est apud Theologos in 4. d. 18. constatque ex cap. *sacris*. & cap. *à nobis*. de sent. excom. & ex variis textibus qui prostant 1. 1. q. 3. & apud Couarruquiam latè omnino id versantem in cap. *alma mater*.

p. i. initio, num. 3. & §. 4. 5. 6. S. Thomas q. 3. de malo artic. 13. huc aptat illud B. Ioannis. *Est peccatum ad mortem, non pro illo dico ut roget quis.* Itaque nefas est sacris ministris, pro excommunicato orare, cum ex præcepto Ecclesiæ certam orationem præscribentis precantur; nisi si quando Ecclesia id expressè indulgeat. Quamuis enim potestas excommunicandi sit à Deo collata, tamen modus & forma excommunicationis penes Ecclesiam est: unde communicationē quam aliquando vult ablatā, potest aliquādo concedere excommunicatis, salva adempitione cæterarum communicationum, atque adeò superstitie excommunicatione. Ecclesia ergo feria sexta in Parasceue, communia Ecclesiæ suffragia impendit quibusdam excommunicatis; quod aliter minùs commodè extricare nituntur S. Thomas in 4. d. 18. q. 2. artic. 1. ad 1. & ibid. Gabr. q. 2. artic. 3. *litera P.* Non orat quidem pro excommunicatis in actu signato, quod vnum vult asserere S. Bernardus tract. de grad. humilit. *in fine.* Orat tamen pro hæreticis & schismaticis, qui utique sunt excommunicati. Extra eum diem, excommunicatus planè excluditur à participatione communium Ecclesiæ orationum; siue earum precum quæ fiunt à ministris Ecclesiæ prout talibus, & in persona Ecclesiæ, eiusque nomine. Tantùm est ambiguitas nonnulla, quæ oratio habenda sit talis. Nam quod Nauarrus Enchir. de orat. cap. 20. num. 40. ex quibusdam textibus non admodum idoneis, asserit omnes Clericos etiam primæ tonsuræ, omnes religiosos vtriusque sexus etiam novitios, ac (vt vocant) donatos quarumcunque Ecclesiarum, etiam secularium, orare vt ministros Ecclesiæ, ac in eius persona, nullo modo est admittendum. Illæ
ergo

ergo orationes fiunt in persona Ecclesiæ & eius nomine, quæ à ministris ad id deputatis funduntur ex Ecclesiæ mandato. Quemadmodum enim persona publica dicitur, non quæ in omnium oculis versatur, sed quæ ministerium publicum exercet sub certis legibus à Republica constitutis; quæ verò persona tale ministerium non habet, dicitur priuata, quod item de ministro dicitur cum non agit secundum potestatem quam à Republica accepit, sed secundum quod est talis homo: Sic oratio non dicitur publica, ex eo quod fiat coram vniuerso populo, vnde oratio patibularij iam iam de furca deliciendi, non est publica, sed priuata. Sed ea duntaxat oratio dicitur publica, sitque in persona Ecclesiæ, quæ à ministro ad id destinato, auctoritate ac mandato Ecclesiæ in tali circumstantia funditur, quod addendum est ad ea quæ minùs plenè de oratione priuata & publica differit Anton. Perez ad cap. 27. reg. S. Bened. num. 6. Ceteræ verò orationes, tametsi ab Ecclesia institutæ tanquam formulæ precandi, non sunt ab Ecclesia institutæ vt eius nomine promerentur; quia liberè & citra mandatum funduntur: vnde non funduntur in persona Ecclesiæ eiusve nomine, vt rectè censuit Suarez t. 4. 3. p. d. 48. f. 8. n. 9. & t. 5. d. 34. f. 3. num. 7. Sic igitur intelligenda est priuatio orationum communium, siue fufarum in persona Ecclesiæ; (comprehensio etiam in eis sacrificio prout nomine Ecclesiæ offertur,) quam priuationem excommunicato infligi diximus.

35. Valent porro ista, primò; etiam quoad excommunicatum nõ vitandum, vt rectè asserunt Suarez t. 5. 3. p. d. 9. f. 2. num. 17. & Præpositus dub. 6. de excom. num. 35. Ecclesia enim à qua hæc participatio

X 5 pender,

pendet, nihil fauoris impensum vult excommunicatis quos in aliorum gratiam tolerat, nec iubet vitari. Valent prædicta, secundo, etiam quoad excommunicatum iam contritum & paratum satisfacere, cupidumque exolui vinculis contractis. Nam quousque exsoluatur, & absolutio ab excommunicatione impendatur, perstant nexus iniecti; atque adeo etiam priuario de qua agimus. Sicut homicida contritus, manet implicitus reatu pœnæ sceleri suo consentaneæ, & irregularitate, si eam inuexit homicidium. Hæc resolutio satis apertè habetur ex cap. *sacro*, & ex cap. *cum desideres*, & ex cap. *à nobis*, de sent. excom. subscribuntque Soto in 4. d. 22. q. 1. dub. penult. Bonac. q. 2. de excom. p. 1. num. 6. Alanus l. de sacrif. cap. 31. contra Maiorem in 4. d. 18. q. 2. ad 2. Nauarrum in summa c. 27. num. 36. Toletum l. i. cap. 4. num. 4. & Auilam multos proferentem 2. p. c. 6. disp. 4. dub. 2. Valent tertio prædicta; etiam quoad iniuste excommunicatum, dummodo excommunicatio fuerit valida; contra Caietanum tomo 1. opuscul. tract. 31. resp. 14. q. 5. Couarruuiam in c. *alma mater*. p. 1. §. 7. num. 5. Reginaldum lib. 31. num. 9. & Scortiam multos adducentem l. 2. de Missa cap. 2. num. 4. Sanè plerunque excommunicatio potest valere etiamsi iniuste feratur, vt dicam in fine huius lucubrationis. Quomodo ergo tunc carebit hoc effectu suo, qui est illi primarius atque præcipuus? Valent denique prædicta quarto; quoad illum excommunicatum qui nō est in mora, de quo Henric. l. 7. c. 18. num. 2. *litera H.* & Nauar. de Indulg. notab. 18. num. 14. & notab. 22. aliter sentiunt: sed non rectè, nam quandiu perstat causa, siue excommunicatio quæ sola absolutione adimittitur, tam-
din

diu debet perstare hic eius effectus, nec Ecclesia ullam gratiam à se fieri vult excommunicato, quamdiu manet illigatus spiritualibus hisce nexibus.

Non tamen priuatis.

36. Semper porrò dixi, hanc priuationem esse communium Ecclesiæ suffragiorum vel orationum: quia Sacerdos v. g. potest multipliciter suffragari alteri, & pro eo orare. Nimirum, vel 1. in persona Christi quam gerit vi suæ ordinationis, quippe minister ad id à Christo delectus, vt ipsius Christi nomine offerat, & talem effectum applicet: Vel 2. in persona Ecclesiæ, quæ item delegat sacerdotem vt suo nomine sacrificium offerat, & communem effectum ipsi Ecclesiæ ex opere operato respondentem, membris suis applicet: Vel 3. priuato suo nomine. Priuata suffragatio, nemini vetatur. Atque ita communiter Scholastici in 4. d. 18. aut 22. concedunt, fas esse priuatim orare pro excommunicato quocunque. Idque, tametsi ambigit Soto in 4. d. 22. q. 1. artic. 1. ad 1. dubium, potest quoque Sacerdos suo nomine præstare in altari, vt benè asserunt Syluest. v. *excommunicatio*. 1. num. 2. Nauar. de orat. c. 19. à num. 67. Couar. in c. *alma mater*. p. 1. §. 6. num. 4. Henric. l. 9. c. 15. *litera R*. Nec est excipiendum *memento* vt vocant, de quo aliqui male tricantur, rectè ab Ægidio reiecti disp. de excom. n. 37. Potest item, pro excommunicato tolerato cū quo communicare licet, offerri sacrificium, manabitque ad eum fructus ille sacrificij qui est ab Ecclesia independens, dummodò talis excommunicatus sit ad recipiendum eum fructum dispositus; v. g. si se per contritionem

tritionem mundarit à culpa. Ita rectè Præpositus 3. p. q. 83. num. 76. adducens Suarem, Auilam, & Henricum. Tantùm igitur negaui, communia suffragia sita in precibus publicis, & sacrificij applicatione quatenus facta nomine Ecclesiæ. Qui autem hæc quoque concedunt posse excommunicatis toleratis applicari, vt Ægid. Coninck dub. 6. de excom. num. 40. euacuant (quantum video,) excommunicationem. Quare ratum esto, suffragationem excommunicatis præstitam nomine Ecclesiæ, non modò prohiberi, sed etiam cassam & nullam reddi : quia hæc omnia subsunt dispositioni Ecclesiæ, quæ in ultionem iustam, meritò illis priuat excommunicatum.

Item negatis indulgentiis.

37. De suffragatione per translationem satisfactionum, idem dicendum est quod de suffragatione per orationes & sacrificium. Nimirum concedendùm est, suffragationem priuatam per propriarum satisfactionum transfusionem in excommunicatum, non esse prohibitam. Secus autem est asserendum, de suffragatione per satisfactiones communes, in concessione Indulgentiarum expromptas è communi Thesauo. Ecclesia enim penes quam est thesauri illius dispensatio, non vult vt excommunicatus eo potiatur vlla ex parte, vt rectè asserit Rosella v. *indulgentia*, §. 14. Adrianus in 4. q. 2. de clauibus, ad 1. ex inductis in principio principalis argumenti, Suarez t. 5. 3. p. d. 9. l. 1. num. 2. & 3. & disp. 13. l. 3. n. 7. ac Bonac. q. 2. de excom. p. 1. §. 3. num. 9. Restrinxì satisfactiones communes ad indulgentias, quia tametsi Nauar. de orat. c. 19. à num.

Propria Excomm.in quo sita. 333

à num. 59. & cap. 10. à num. 39. agnoscit alia quædam suffragia communia, & nomine Ecclesiæ impensa, quæ sint satisfactoria ex opere operato, tamen verior sententia, pro qua pugnat latè Suarez t. 4. 3. p. d. 48. f. 8. à num. 5. nullum tale suffragium commune, à sacrificio quod ex opere item operato satisfactorium est, & ab indulgentiis distinctum, admittit. Quare negato iam sacrificij fructu communi de quo Ecclesia potest disponere, & negatis quoque indulgentiis, nullæ supersunt satisfactiones communes, quarum applicatio fieri excommunicato queat.

*Priuationum excommunicato infligtarum, coronis,
ademptio protectionis specialis diuinæ
& Angelicæ.*

38. Coronidem priuationum quibus excommunicatus multatur, appono cum Iacobo Bayo l. 1. instit. relig. Christ. cap. 300. priuationem diuinæ protectionis specialis, quæ promissa est Ecclesiæ: Eo ipso enim quod excommunicatus excidit communione Ecclesiastica, omnibus bonis propositis constituta, priuatur quoque illa prærogatiua diuinæ specialis custodiæ, ac beneficentiæ, & tutelæ aduersus hostes præsertim internos, quæ variis locis promissa est membris Ecclesiæ: vt ferunt loca illa quibus Deus spondet se fore Ecclesiæ murum ignis in circuitu, & id ipsum viatoribus Christianis præstiturum, quod olim columna inumbrans præstabat peregrinantibus Hebræis. Attigit hoc excommunicati damnum S. Chrysostomus hom. 5. in 1. ad Timoth. Potestque eodem referri, quod


quod S. Leo epist. 89. inde maxime timendam esse docet excommunicationem, quod per eam excommunicatus exuatur omni interno munimine, quale certe præsertim est diuina specialis protectio. Agnoscit quoque hoc excommunicati damnum, supplem. S. Thomæ 3. p. q. 21. artic. 2. ad 3. & Magister quem citat, in 4. d. 18. Subtractioni diuinæ protectionis specialis, adiungenda quoque est subductio præsidij sanctorum Angelorum, quod magni omnino esse momenti S. Bernardus serm. 1. in festo S. Michaelis admonuit, quippe per quod Deus plerumque nobis prospicit. Non quod velim excommunicatum prorsus destitui sanctorum Angelorum præsidio, præsertimque Angeli custodis; sed quod specialia beneficia quæ extra ordinem communis prouidentia, plerumque obueniunt Ecclesiæ per Angelos, cessent pro excommunicato, ut rectè affirmat Hugo Victor. l. 1. de Sacram. cap. 26. & Panorm. in rubr. de sent. excom. & ex eo Ripa ad l. *si constante*. ff. solut. matr. num. 46. Fa-teor hanc priuationem diuinæ specialis prouidentia im-mediata & Angelicæ, non infligi excommunicato directè ac per se: quæ causa est cur plerique Docto-rum eius non meminerint. Consequitur tamen ad statum in quo Ecclesia excommunicatum collocat.

Summella capitis.

39. Ex disputatis tam fusè toto hoc capite, habemus quod tanquam necessarium reliquæ tractationis fundamentum iacere proposueramus: nempe in quo sita sit excommunicatio simpliciter & per excellentiam dicta, quæ intelligenda est, quoties absque
alio

alio addito intentatur vel infligitur excommunicatio in re graui, & penes quam aliquis antonomasticè excommunicatus dicitur. Sita namque est, in priuatione communicationis fidelium, externæ, humanæ & sacræ; itémque mixtæ ex interna & externa; ac specialis protectionis diuinæ & Angelicæ. Hanc priuationum congeriem, vocamus propriam ac plenam excommunicationem. Antiqui paulo aliter nominabant. S. Cyprianus vt ex eo variis locis congeſtis môſtrat eruditè Pamel. ad epist. 38. num. 10. quandoque vocat excommunicatum, *abſentum*, & *abſtinere* dicit pro *excommunicare*. Alibi id exprimit per hæc verba, *arcere à communicatione; & non communicare; eiicere & de Ecclesia pellerè; à communicatione cohibere; Ecclesia excludere; à communicatione abſtinere; ſacerdotum voce damnare; aut ſimpliciter condemnare*. Apud Tertullianum c. 39. Apolog. hæc excommunicatio definitur, *cenſura diuina qua iudicatur magno cū pondere, vt apud certos de Dei conſpectu qua ſummum futuri iudicii præiudicium eſt, ſi quis ita deliquit, vt à communicatione orationis, & conuentus, & omnis ſancti commercij, relegetur per ſeniores præſides*. Alibi vocat *ſeparationem ab Ecclesia, & ab omni etiam communicatione fraternitatis*. Item *relegationem ab Ecclesia, & communicationis interdittum, prohibitionemque ne quis in Eccleſiam recipiatur*. Præterea, *depulſionem à communicatione, & ſubmotionem ab omni nouo modò limine, verùm etiam teſto Ecclesia*. Adhæc; *exautorationem & ab Ecclesia eierationem, eradicationem de Ecclesia, proiectionem quoque aut dationem extra eam*. Videsis appendentem ſingularim Tertulliani loca Pamelium ad librum eius de pudic. cap. 14. num. 119. vbi addit vniuerſa, pro eo quod

quod est absoluere ab hac excommunicatione, solemne esse Tertulliano dicere, *postliminium largiri Ecclesiastica pacis, dedamnare, recipere in communicationem, reuocare in Ecclesiam, concorporare rursus Ecclesia*. Quæ phrasæ à contrario insinuant, quid faciat excommunicatio simpliciter dicta de qua agimus. Cæterum quod delicatè quidam latinitatis aucupes, vocem *excommunicationis* expungentes, *interdictionem* vocare maluerunt, vt refert Nicol. Grauatius ad l. 2. Vestrij c. 4. n. 11. vel *interdictum*, vt ait Ludou. Vitalis de reis & testibus cog. num. 4. inconsultè ab eis factum est, nec sine confusione nominum huius & alterius censuræ, præ cuius confusionis vitatione non deber in re Ecclesiastica tanti esse latinitas. Quanquam sitne reuera, vox *excommunicationis* barbara, & an ex Tullij oratione pro Balbo habeatur, quòd vacauit Grauatius probare, non sum sollicitus.



C A P V T III.

Excommunicationem propositam, locum aliquatenus erga defunctos quoque habere posse.

1. **W** IDIMVS in quo sita sit excommunicatio simpliciter dicta quoad fideles viatores, recensitis priuationibus quas illis formaliter infert, & in quibus consistit. Vt autem vniuersam excommunicationis virulentiam exprimere postea liceat, præsupponendum insuper est, an, & quibus communicationibus, fideles vita functi & in purgatorio hærentes,

tes,

Damna excommun.in mortuos. 337

res, (de beatis & damnatis hîc non quæritur,) priuari possint per excommunicationem saltem in vita contractam, nec ablatam ante mortem, per absolutionem. Hinc enim inferre licebit, quantus esse debeat excommunicationis horror. Quid enim tetrius co malo, quod etiam ad mortuos permanat, & hominem omnibus iam malis nostris liberum non dereliquit?

Mortui fideles, capaces excommunicationis.

Posse igitur fideles vita functos in Purgatorio hærentes Christiana communione carere, certum est, generatim & indistinctè loquendo. Multa in hanc rem congerit Romanus singul. 709. & passim DD: ad cap. à nobis. de sent. excom. & cap. ad hæc. de priuileg. Faciunt planè ad hunc locum multi Canones quos profert Alasp. l. 1. obseru. sacr. cap. 10. mandantes vt fideles vita functi extorres communionis, receptis eorum oblationibus per cognatos adductis, restituantur communioni: quod fieri non potuisset, nisi extra communionem fuissent, iam vita functi. Disertè quoque cap. à nobis. & cap. sacris. de sent. excom. statuitur, absolutionem ab excommunicatione, dari posse aliquando post mortem. Id quod etiam agnoscit Gerſo 2. p. opusc. de absolut. Carrus. defuncti. Cum igitur exsolui non possit nisi qui retinet vincula, perspicuè sequitur defunctum communionē aliqua Ecclesiastica posse carere.

Sunt in hanc rem narrationes variæ apud probatos autores. S. Gregorius 2. dial. cap. 3. testatur puerulum qui excommunicatione innodatus obierat,

Y contineri

contineri sepulchro non potuisse, humo cadauer semel & iterum reiiciente, donec puer absolutionem excommunicationis consecutus est, transmissa in signum exsolutionis à S. Benedicto particula Eucharistiae, & super cadaueris denuò tumulati pectus collocata, non tamen infossa. Tunc enim puer asylum sepulturæ est assecutus. Simile beneficium à S. Benedicto consecuta sunt solutioris linguæ sanctimoniales, quas S. Pater viuentes excommunicatione perculerat. Raderus p. 1. virid. SS. ad 15. Octobris, narrat quosdam contumaces, posuisse feros animos, & templo excessisse donec absoluerentur, quod prius obfirmatè refugerant; cum vidissent quosdam mortuos dudum sepultos cum anathemate, ad mandatum S. Antistitis Gothardi, de tumbis suis surgere ac templo excedere. Mortuos S. Gothardus censura soluit, moxque inclinatis sancto Pontifici cervicibus, suum quisque tumulum repetiere. In Menæis dicta die, proditur Monachum Scetanæ solitudinis, pro Christi fide casum Alexandria, ibique in sacra æde honorificè sepultum, Diacono super sacrificium denunciante egressum catechumenis; spectantibus ac stupentibus omnibus, è sepulchro suo exiluisse, & in atrio donec res diuina absolueretur, permanisse; finito demum sacro ad priorem locum rediisse. Causam exitus illius, Angelus Domini virum pium docuit, quod monachus ille perseveraret ligatus excommunicatione à presbytero suo irrogata, ideoque non esset sinendus tempore sacrificij intra sacrarium quiescere, donec illum exsoluisset qui ligarat. Quod ubi presbyter ille festinatò monitus præstitit, immotus deinceps sub altari perstitit martyr. Eadem ferè recitat Glycas 4. p. annal.

Damna excommun.in mortuos. 339

annal. ex Philone historico Ecclesiastico, in Leone Isaurico, adhibita tamen nonnulla magni momenti varietate, de qua postea. Narrat Gulielmus Brito l. 12. Philippeidos, Regem Philippum Augustum vita functum, absolutum esse per Honorium III. ab excommunicatione ob repudiatam Gelpergam contracta: id ei beneficium à Papa pet visum poscente S. Dionysio. Exemplum sui temporis, recitat Abulens. in cap. 16. Matth. q. 89. *in fine*. Apud Petrum Maffeiū lib. 5. histor. Ind. narratur de milite vita functo cū excommunicatione, cui ne Oceanus quidem, sepulchri quietem præstare potuit. Nocte namque intempesta proiectus in mare, exauditis infra sentinam pulsibus frequentibus, deprehensus est hærete carinæ implexus sub ipso gubernaculo. Cum autem corpus in littus fuisset delatum, & ibi terra contactum, postridie rursus apparuit inhumatum, donec expiatione defuncti adhibita è Pontificia formula per Sacerdotem, pax tandem est mortuo data, & vaga ossa suo tumulo quievere. Ex his & similibus exemplis quibus historia Ecclesiastica scater, perspicuum est, fideles vita functos communione aliqua Christiana carere posse, vt affirmabam.

Non tamen directè inflictæ.

2. Neque tamen existimandum est, huiusmodi carentiam induci posse feriendo mortuos excommunicatione per se ac directè. Id enim Ecclesiam facere non posse, rectè statuunt Couarr. in cap. *alma mater*. p. 1. §. 11. num. 8. Suarez t. 5. 3 p. d. 5. sect. 1. n. 3. Azor. t. 2. l. 5. cap. 26. q. 2. Castro l. 2. de iusta hæret. punit. c.

19. & 20. Auila 2.p.c. 4. disp. vnica, dub. 8. Sayrus l. 1. de censur. c. 8. à num. 8. Lazarius sect. 4. q. 10. num. 8. Bellarminus l. 1. de Indulg. capite 14. q. 2. Toletus l. 1. summæ c. 7. num. 6. qui ait hanc esse communē Theologorum & Canonistarum sententiam. Iurisperitos in hanc rem laudat Castro supra & Nauarrus miscellaneo 2. subiuncto capiti 27. Manualis num. 271. Est quoque in hanc sententiam longa disputatio apud Facundum Hermianensem l. 8. pro tribus capitulis c. 2. ex Proclo Constantinopolitano, & lib. 10. cap. 4. & lib. contra Mocianum *sub finem*, qua probat, mortuos non posse ab Ecclesia damnari vel excommunicari. Accedit manifesta ratio. Nam homo mortuus, est extra Ecclesiæ territorium. Quomodo ergo Ecclesia posset hominem iam extra eius iurisdictionem locatum, percellere sententia condemnatoria?

Arcto me ad sententiam condemnatoriam, quia fateor sententiam declaratoriam criminis in vita admissi, ac pœnæ cui homo obnoxium se idcirco fecerat, rectè posse ferri post mortem. Idque ferunt quæ latè pro mortuorum licita anathematizatione disputat Iustinianus Imperator epist. ad Ioannem II. quæ habetur inter acta quintæ synodi. Habet etiam multa in eandem sententiam Pamelius ad epistolam 66. S. Cypriani n. 16. itémque Hugolinus tabula 1. de censur. c. 17. §. 2. num. 3. & 19. Richard. in 4. d. 18. artic. 5. q. 4. & ibid Gabr. q. 2. artic. 2. concl. 5. coroll. 4. Rem extra dubiū statuit caput *sanè*. 24. q. 2. & cap. *neque*. dist. 33. Sed talis declaratio, non est excommunicatio; hanc enim necesse est ferri ex Iurisdictione in excommunicatum, & spectare illius emendationem; quod vtrunque deficit Ecclesiæ circa vita functum.

Est

Damna excommun. in mortuos. 341

Est igitur tantum, iusta ultio, qua defunctus notatur infamia, & quamvis ipse non ligetur, tamen alij superstitres ligantur, vetanturque pro mortuo aliqua facere. Qua etiam ratione Ecclesia, quamvis non praecessisset censura in viventem, atque adeo quamvis ferri non posset sententia declaratoria vinculi in vita contracti, tamen ob anteriora delicta etiam si censuris non obnoxia, posset in ultionem iustam precipere fidelibus, ne certis officiis prosequeretur defunctum, cuius culpae quoad maculas sint fortassis oblitteratae, ac proinde quem non liqueat esse damnatum. V. g. posset Ecclesia edicere viventibus, ne suffragia offerant pro tali mortuo qui vivus sic deliquit, neve in loco sacro sepeliatur, aut indulgentiis iuuetur. Aliquando enim potest ita expedire ad commune bonum: & constat S. Cyprianum epist. 66. ex anteriorum canonum quos refert praescripto, statuisse, ut non fieret oblatio aut deprecatio pro dormitione Geminiij Victoris., qui contra episcopalia edicta, Clericorum dixerat Testamento suo curatorem.

Sed ante mortem contracta, nec ablata.

3. Verum quamvis mortui directe & in seipsis nequeant excommunicatione feriri, ut recte constitutum, tamen excommunicatio quam in vita contraxerant, potest perstare: unde quamvis moraliter constaret eos obiisse in gratia, essent tamen priuandi solitis mortuorum subsidiis, non modò ad scandalum vitandum, quod falsò censet Paludanus in 4. d. 18. q. 1. num. 7. sed etiam quia reuera ob nexus quibus irretiti manent, illicita & infructuosa illis esset subsidiorum

Y 3 illorum

illorum exhibitio, æquè ac si iisdem viuentibus excommunicatione illigatis fieret. Hoc probant omnia quibus probauimus hominem iam vita functum posse esse expertem Christianæ communicationis, & egere beneficio absolutionis: quam doctrinam non euertunt, qui negare videntur mortuos posse verè absolui, cum iam non sint supra terram, potestas autem à Christo data ad soluendum Matth. 18. non spectet nisi quæ sunt soluenda super terram. Ita philosophari videtur Alphonsus de Castro cap. illo 19. & 20. & Facundus lib. 10. pro tribus capitulis cap. 4. *in fine*, nec non Gelasius Papa epist. 4. cum ait. [Id quoque pariter ostendant qui nobis canones nituntur opponere, quibus hoc canonibus, quibus regulis, qua lectione, quòve documento, siue à maioribus nostris, siue ab Apostolis (quos potiores fuisse, meritò non dubium est,) seu ab ipso Domino Salvatore qui iudicaturus creditur viuos, & mortuos, siue factum est vnquam, vel faciendum esse mandatur. Mortuos suscitasse legimus Christum: in errore mortuos, absoluisse non legimus. Neque certè hoc faciendi solus habuit potestatem, Beato Petro principaliter mandat Apostolo: *Quæ ligaueris super terram, ligata erunt & in cælis, & quæ solueris super terram, erunt soluta & in cælis.* Super terram inquit. Nā in hac ligatione defunctum, nusquam dixit absolui. Quod ergo nunquam factum est vel mente concipere formidamus, scientes in diuino iudicio non posse penitus excusari.] Rursus epist. 11. [Nec quisquam omnino vobis persuadeat, Acatio prauaricationis suæ crimen fuisse laxatum; quia qui postquam in collegium recidens prauitatis, iurèque meruit ab Apostolica communione secludi, in hac eadem persistens damnatione,

damnatione, defunctus est, absolutionem quam superstes nec quaesivit omnino, nec meruit, mortuus iam non potest impetrare: siquidem ipsis Apostolis, Christi voce delegatum est: *Quæ ligaueritis super terram, & quæ solueritis super terram.* Cæterum iam qui in diuino est iudicio constitutus, nobis fas non est aliud decernere, præter id in quo cum dies supremus inuenit.] Absolutionem quoque moniali post mortem à S. Benedicto impelam ut supra memorauimus, nō fuisse verè absolutionem ab excommunicatione, multis argumentis euincere tentat Abulensis in c. 16. Matth. q. 89. & Bellarminus l. 1. de Indulg. cap. 14. ad quaestionem 1. Non inquam per hæc siue argumenta siue testimonia, eueritur quod constitutum supra est de mortuorum absolutione ab excommunicatione cum qua excesserant. Per hæc enim probatur duntaxat, hanc absolutionem non esse actum iurisdictionis directè exercitæ in defunctos: sed tamen dicitur defunctorum absolutio, quia datur superstilibus facultas, ut licitè & validè aliquid circa mortuos præstent, quod alioqui non exequerentur licitè, vel cum fructu mortuorum, ut ex dicendis fiet perspicuum. Rectè igitur ex indigentia absolutionis, fideles ante mortem non exsolutos afficiente, colligitur, carentiam communicationis alicuius Ecclesiasticæ, posse fideles vivos afficere, ut fuerat à nobis constitutum.

Ex priuationibus communicationis externa, sola sepultura sacra priuatio, cadit in mortuum absentum.

4. Quæ verò sigillatim sint illa quorum communicatione

municatione cum viatoribus carere possunt fideles defuncti, non erit difficile perspicere, si recurramus per tres series priuationum communicationis, superiori capite recensitas. Itaque vniuersa series prima prout est priuationum ciuilis communicationis & conuictus politici, vel forensis, hinc ableganda est, cū constet mortuos non esse capaces talis commercij nobiscum. In eadem autem serie prout continet priuationem communicationis externæ in rebus sacris, erit qui existimet priuationem aliquam Sacramentorum posse in mortuos cadere, argumēto ducto ex eo quod legantur aliquādo etiam Catholici impertiuisse mortuis Eucharistiam; de quo fusè Basil. Ponc. in variis disp. & Albaspinæus l. 1. obseru. sac. cap. 9. Nam quod Hæretici quidam Baptismum mortuis contulerunt, vt plenum impietatis ac sceleris, nolo huc adducere. Videatur Castro v. *Baptismus*. hæ. 3. & Interpretes 1. Cor. 15. ad illud, *quid facient qui baptizantur pro mortuis?* Et illud quoque prætereatur, quod Serarius Opusc. de extrema vnctione, cap. 3. obseruat de Heraclonitis hæreticis, qui mortuis impendebant Sacramentum extremæ vnctionis. Aptius adduxerim quod aliquos Catholicos, catechumenis vita functis impendisse Baptismi Sacramentum, docet supra Albaspinæus. Nihilominus quod per simplicitatem in plerisque Conciliis damnatum, susceptum aliquādo perperam est, non potest idoneum argumentum suppeditare, quo probetur fideles vita functos posse subire priuationem communicationis in Sacramentis. Sanè in Concilio Antissiod. cap. 12. & in Synodo Trullana cap. 84. & in Conc. Carthag. 3. cap. 6. (quæ duo loca posteriora notauit Photius in Nomocan. tit. 3. cap. 17.)

vetatur

vetatur ea sacramentorum administratio facta mortuis, vt concorporarentur Ecclesiæ, vel in eam restituerentur.

5. Priuatio ergo communicationis externæ apta cadere in mortuos, alia non est quàm priuatio sepulturæ. Eam verò meritò, excommunicatis vita functis adhærescere perspicuum est. Nam à quibus per vitam seiuncti fuerint fideles, ab illis post mortem quoque sunt seiungendi. Quidni autem poterit Ecclesiastica potestas dyscolos fideles absque exsolutione à vinculis excommunicationis excedentes, mulctare ad eum modum, cum id ipsum erga aliquos noxios iure statuat potestas ciuilis, cum mandat eos ob scelera carere Ecclesiastica sepultura, vel etiam abiici insepultos, aut non nisi sepultura asini tumulari? Id enim per ciuilem potestatem rectè statui, confirmant Maior in 4. d. 45. q. 4. ad argumenta contra quartam conclusionem, & Couarruias 2. var. cap. 1. num. 11. contra Syluestrum, v. *sepultura*, q. 10. & aliquos Iurisperitos adductos à Couarruias. Priuationem porrò sepulturæ quam excommunicati vita functi subeunt, intelligo 1. quoad lotionem, vnctionem, vestitionem cadaueris: hæc enim esset saltem ciuilis cum mortuo communicatio, qua frui nobiscum nō debet, vt rectè statuit Ioan. And. in c. *adhec*. de priuil. n. 1. & ibid. Cardin. & Abbas, & Butrio, omnes n. 2. Intelligo 2. eandem priuationem, quoad honores funebres. Nec enim licet eos exhibere excommunicatis. 3. eandem intelligo quoad tumulationem in loco sacro, vt habetur c. *sacris*, de sepult. & Clementina. 1. eod. tit. & c. *quicumque*. 1. 1. q. 3. rursumque c. *quicumque*. de heret. in 6. Quod si casu aut vi, cadauer excommunicati illatum sit in sa-

crum cœmeterium vel Ecclesiam, extumulari iubetur si discerni possit. Sic cadauer Henrici Imperatoris in excommunicatione defuncti, à Leodiensibus in loco sacro tumulatum, iussu Ecclesiæ refoffum est, & in locum profanum tandem proiectum, vt scribit Nauclerus generat. 37. anno 1106. Interim verò dum cadauer excommunicati iacet in loco sacro, vetatur aliorum fidelium ibidem tumulatio, & diuinorum officiorum eo in loco celebratio, quousque expietur, vt Suàres rectè notauit tract. 2. de relig. lib. 3. cap. 2. num. 5.

Sepultura excommunicati in loco sacro, graue peccatum.

6. Sanè ea excommunicati sepultura in loco sacro, grauiter noxia visa est sapientibus. Vnde illæ Gaufridi Vindocinensis querelæ l. 3. epist. 37. aduersus Episcopum Santonensem, ob concessam cuidam in excommunicatione defuncto, sacram sepulturam. Concludit verò epistolam verbis illis. [Auctoritate tamen sanctorum Canonum firmiter tenemus & nullatenus dubitamus, quia quibus viuus non communicamus, nec mortuis communicare debemus: & qui aliter fecerit, si laicus est, debet & ipse excommunicari: si clericus cuiuscunque dignitatis vel ordinis sit, debet penitus degradari.]

Ipsemet Christus apud S. Brigittam l. 1. reuel. c. 13. exponere dignatus est, quantum sit peccatum sepelientis excommunicatum in loco sacro. Et ibidem narratur ultio diuina in quendam exferta, eam ob causam. Sed luculenta planè fuit alia ultio diuina ob idem peccatum,

peccatum, quæ ex Concilio Lemouic. actione 2. refertur in actis Episcoporum Cadurcensium num.60. cum de Deodato. [Nuperrimè (ait Deodatus) post Concilium Bituricense quidam de excommunicatis eques in nostra Diœcesi interfectus est,quem ego rogantibus amicis & propinquis eius,nullatenus solvere volui,vt ceteri metum haberent,grauem enim culpam prædantis habuerat.Itaque sine Sacerdotis obsequio, à militibus apud quandam Ecclesiam S. Petri, non me iubente sepultus est. Mane autem facto corpus eius longè extra cœmeterium proiectum & nudum super faciem eius terræ inuentum est: tumulus autem vbi sepulturam habuerat,intactus, & ita vt dimissus fuerat,repertus est. Quem iterum milites aperuere, & nihil in eo amplius nisi vestes quibus inuolutum corpus fuerat,inuenerunt.Rursus cadauer ibidem sepeliunt, & diligenter tumulum sub enormi pondere terræ, & lapidum claudunt. Sed die altero proiectum cadauer, & tumulum intactum, vt suprâ, aspiciunt.Quinque sepeliunt,toties eodem eiectum tenore contuentur. Tanto demum victi stupore, corpus longè à cœmeterio Ecclesiæ, terra obruunt. Quo terrore perculsi principes militiæ, pacem nobis velut optabamus firmare nequaquam distulerunt.Ad hæc (Deodati verba)respondit Concilium. Quid hoc aliud est, nisi quia sub oculis hominum, arbiter hominum affirmat Ecclesiæ suæ autoritatem, quia excommunicati à sepultura Christianorum iustè ab Episcopis segregantur?] Sanè qui multatus est exilio ab aliqua ciuitate, non potest sine graui offensâ in Principem iniussu eius in ea ciuitate tumulari mortuus,vt habetur l.penult.ff.de cadau.punit.vbi Bartolus

lus id commendat, & Anchar. in Clement. I. de pœnit. & remiss. ac Iason ad l. 2. C. qui test. fac. poss. Igitur cum excommunicatio sit *exilium finitimum*, ut diximus cap. 2. grauiter delinquere dicendus est, qui in iussu Ecclesiæ tumulat excommunicatum in loco sacro.

Neganda, etiam tolerato.

7. Sunt qui priuationem de qua agimus, ad eos duntaxat mortuos pertinere velint, qui fuerunt excommunicati vitandi; ad toleratos autem non item. Nam quamuis secundum antiqua iura superius prolata, omnes æquè excommunicati arcendi essent à sepultura in loco sacro, tamen existimant post extrauagantem Martini V. sicut fas est communicare cum excommunicatis toleratis dum viuunt, ita idem indulgeri post eorum mortem. Ita Suares t. 5. 3. p. d. 13. l. 4. num. 4. & t. 3. 3. p. d. 81. l. 4. consequenter admit- tens, Ecclesiam non pollui per sepulturam excommunicati tolerari, nec esse quod de eo exhumando cogitetur, si illatus sit in locum sacrum. Consentunt Henriq. l. 13. cap. 7. n. 2. & cap. 11. num. 3. Toletus l. 1. summæ cap. 13. num. 10. Victoria in summa tit. de Eucharist. q. 90. Gutierrez l. 1. qq. Canon. c. 1. num. 30. Hurtado diffic. 4. de excomm. Ricciul. l. 4. de iure person. extra Eccles. cap. 60. num. 45. & alij. Est tamen admodum probabile quod ait Auila 2. p. cap. 6. disp. 9. dub. 6. & disp. 4. dub. 8. concl. 2. nempe quoscunque excommunicatos, etiamsi dum uiuerent toleratos, nunc quoque post Martini V. decretum prohiberi sepultura in loco sacro, dummodò tamen publicè inno-
tuerit

tuerit eos fuisse excommunicatos. Ad tales quippe restringendam esse hanc pœnam, benè admonet Caic-
tanus v. *excommunicatio*, cap. 46. Ratio autem cur tales
nunc quoque sint arcendi à sacra sepultura, videtur
clara. Nam iure antiquo hæc pœna cadebat in excom-
municatos toleratos. Nec potest negari quin sit bo-
num quoddam, nec exiguum mortuorum, ut in loco
sacro condantur, ut tractare memini in Opere de Mar-
tyrio parte 4. cap. 6. num. 7. Ecclesia autem non inten-
dit vllum fauorem excommunicato ipsi præstare,
quando indulget ne vitaretur. Igitur quoad ipsum ex-
communicatum, perstat decretum, ut sit exors sacre
sepulturæ. Et quamvis superstites qui excommunica-
tum toleratum sepeliunt in loco sacro, nunc ob in-
dultam à Martino V. concessionem, non irretiantur
excommunicatione, nec polluantur ob talem com-
municationem cum excommunicato defuncto; ta-
men ipse excommunicatus, nec dum vivit potest sibi
curare talem sepulturam, nec mortuus ea potiri po-
test, consentaneè ad Ecclesiæ mentem, ac volunta-
tem, antiquis iuribus vim suam retinentibus satis pro-
ditam. Constat olim apud Ethnicos vetitum fuisse ne
deportati sepelirentur, vel extra deportationis locum
veluti feralem & maledictum, possent transferri, ut
humarentur in religioso loco. Et ita habetur ex l. 2. de
cadav. punit. At excommunicatio, est deportatio
quædam Christiana. Igitur excommunicatus etiam si
toleratus, excludendus est humatione in loco sacro, &
priuandus translatione in terrâ benedictâ. Hoc sem-
per addidi vel aliquid æquivalens, quia simplex sepul-
tura cum sit officium pietatis & humanitatis extre-
mè indigenti impensum, non potest excommunicato
negari, .

negari, vt benè tradit Paludanus in 4. d. 45. q. 1. artic. 3. conclus. 6.

Priuationes communicationis mixtæ, in defunctum cadentes, aliæ à priuatione gloria.

8. Ex tertia serie priuationum recensitarum superiori capite ; (dimitto secundam communicationem , quia liquet eam ad rem non facere) ex cadunt in defunctum excommunicatum, quæ hominem spoliant suffragiis communibus , & fructibus sacrificij prout nomine Ecclesiæ oblatis, itémque opibus è communi thesauro Ecclesiæ depromptis. Defunctus enim omnium horum bonorum capax est , manet autem priuatus iisdem , donec interposita absolutione ad ea admittatur. Falsò autem Palud. in 4. d. 18. q. 1. artic. 1. num. 8. & Sibyllanus decad. 1. c. 3. q. 4. quæstiunc. 13. censuerunt, excommunicatum si è vita cum gratia excedat, fieri participem suffragiorum, eo quod excommunicatio sit ablata per mortem. Hoc inquam falsò dicitur , quia vt excommunicatio quæ est nexus animam vinciens auferatur, interponenda est exsolutio: hæc autem alia non est quàm absolutio. Vnde quandiu absolutio non adhibetur , remanet inducta prius suffragiorum priuatio , etiamsi homo è viuus excesserit in gratia.

9. Non adiunxi his priuationibus excommunicatum defunctum afficientibus, carentiam æternæ gloriæ, quasi defunctus fidelis post plenam purgationem à reatu hinc exportato, cariturus sit visione Dei, nisi exsoluatur excommunicatione. Id enim falsò affirmaretur , & miror circa hoc nihil ausum asserere Henricum

cum de Affia in Genesim, referente Sibyllano decade
1. c. 3. q. 4. quæstiuncula 13. multoque magis miror ita
asseruisse Viguerium in Theolog. Institut. tit. de Ordine,
versu 15. *in fine* : qui idcirco laudat usum quarundam
Diœceseon, in quibus die Cinerum, ad instantiã
procuratoris animarũ, impenditur omnibus mortuis
absolutio, vt si animæ sint plenè purgatæ possint
ad cælũ euolare, nec ab eo excludantur ob excommunicationem,
salua tamen partibus actione super bonis defunctorum.
Hic vsus quoad exhibitionem absolutionis, & communicationem
suffragiorum, retineri potest. Falsum tamen est quod eo prætermisso,
anima iam plenè nitens retinenda sit in Purgatorio ob excommunicationem.
Et perperam Viguerius ait, Christum id expressè sanxisse
Math. 18. cum dixit: *Qua ligaueritis super terram, erunt ligata & in cælo.*
Nó enim illud *ligari in cælo*, significat exclusionem à gloria,
etiã si anima sit plenè nitens ac sancta; sed tantum significat
sententiam à Iudice Ecclesiastico ritè latam, in cælo quoque probari, & ratam haberi,
quoad ea quæ sub sunt dispositioni Ecclesiæ, inter quæ
non est subitio in gloriam. Itaque fidelis anima, cum
primùm est plenè purgata, euehitur ad visionem Dei
& gloriam cælestem, etiã si non absoluat ab excommunicatione
contracta in vita; quia gratia sanctificans quam hinc exportauit,
supposita deterfione reatus, est illi litrum sufficiens ad plenam
liberationem & transuectionem in gloriam. Nec excommunicatio
potest illi remoras iniicere. Alioqui si nunquam ab ea liberaretur,
(vt facilè posset contingere per obliuionem, vel incuriam viuorum)
perpetuò arceretur à beatitudine, quod nemo fingat. Quod ergo
interdum

interdum legimus, excommunicatos à Deo reiici & damnari, vel esse à Deo alienandos, atque in infernum detrudendos, accipi debet præsuppositiue, siue ratione peccati propter quod infligitur excommunicatio, non autem quasi ipsa per se excommunicatio priuet fœlicitate æterna. Sic intelligendus est Clemens Romanus 2. constit. cap. 47. verbis illis. [*Iustè* tanquam de vita & morte sempiterna ferenda est sententia: *Iustè enim* (inquit Deus) *quod iustum est exequèris*. Qui enim iustè à vobis punitus est, & excommunicatus, idem à vita immortalis, & gloria reiectus est, & apud iustos, & pios homines inhonoratus & inglorius, & apud eundem Deum damnatus.]

Quadam in contrarium narrationes, expositæ.

10. Ad hanc doctrinam admetiendæ sunt narrationes nonnullæ in hanc rem. Et in primis illa quæ superius recitata est ex Menæis, de Monacho pro fide mortuo, priusquàm ab excommunicatione absolueretur. Ei quippe narrationi apud Glycam additur, martyrem ipsum post mortem interrogatum quàm haberet, respondisse; *Testimonij quidem, id est martyrij, coronam consecutus sum, sed Dei faciem nondum conspexi*. Quod assumentum de non collata Dei visione, in Menæis ubi eadem narratio habetur, meritò omissum est, quippe quod non cohæreat cum subita martyrum gloria essentiali quam vno ore agnoscunt Patres, & profitetur Ecclesià. Videtis quæ dico in Opere de Martyrio p. 2. cap. 6. num. 20.

Eandem ob causam explicatione eget quod habetur apud Ioannem Moschum lib. 10. Limon. cap. 192.
& inde

& inde recitatur à Ioanne Diacono l. 2. vitæ S. Gregorij cap. 45. de Monacho proprietario, qui iussu S. Gregorij, excommunicatione percussus fuerat, ob accepta à fratre seculari atque retenta tria numismata ad cœmendam vestem. Nam etsi culpas duntaxat secuturas per intentatam excommunicationem præuenire, moris sit Ecclesiæ, tamen pro præterita quoque culpa vibrari potest excommunicatio, cum culpa ita est præterita, vt tamen in futurum adhuc pendeat, vel quoad satisfactionem iustam, vel quoad scandali ablationem. Imo Caietanus 2. 2. q. 69. artic. 2. & Corduba l. 2. q. 27. aliisque non infimæ notæ DD. censuerunt excommunicationem ferri absolutè posse pro solo peccato præterito. Monachus ergo ob eam summam clam acceptam atque retentam excommunicatus, male facti pœnitens mortuus est priusquàm vinculis Ecclesiasticis exolueretur. Quod agrè ferens S. Gregorius, orationem epistolæ specie Archidiacono tradidit, super fratris tumultu legendam, qua mortuus exsoluebatur excommunicatione. Subsequenti autem viso declaratum est, quahora Archidiaconus fratrem mortuum liberabat ab excommunicatione per absolutionem, *liberatam esse de iudicio & damnatione animam ipsius.* Ita quidem Moschus. Sed illud iudicium & ea damnatio, accipi debent de iudicio & damnatione Ecclesiæ, ita vt sensus tantum sit, fratrem illum si adhuc egebat iuuari communibus suffragiis ad plenam reatus abstersionem, potuisse deinceps cum fructu iuuari, ob interpositam absolutionem, quæ capacitas prius deerat ob superites vinculum excommunicationis. Non potest autem esse sensus, quod frater ille ante receptam exsolutionem ab eo vinculo, sub-


iaceret damnationi, siue æternæ, siue temporariæ ob
solam non exsolutionem ab excommunicatione.

11. Eodem denique modo condiendum est, quod
ait Viguerius in Institut. tit. de Ordine, vers. 15. in fine.
Iuat ipsa eius verba adducere ne quid interpolem.
[Nostris temporibus legimus factum in Diœcesi san-
cti Pontij de Thomeriis de quodam clerico excom-
municato ab Episcopo Ruthenensi, qui post duos
annos permissione diuina reuelauit socio suo, & se
exhumari fecit, & in loco prophano sepeliri, donec
habita absolutione iterum sepeliretur in loco sacro;
deinde habita absolutione cum iterum sepeliretur in
Ecclesia, coram toto populo audita est vox clara, &
perceptibilis ab omnibus qui aderant, gratias agentis
& dicentis, tunc paradisum illi fuisse apertum, vt in
actis & registris publicis prædictæ Diœcesis latius
continetur.] Supposita narrationis huius veritate
quam nolo in dubium reuocare, dicendum est, non
prius Clerico illi paruiffe cœlum quia illuc vsque non
fuerat plenè deterfa rubigo reatus peccatorum in vi-
ta admissorum. Sub illud verò tempus, quo plenè ni-
tens futurus erat, prouidisse Deum, vt admodum præ-
dictum exsolueretur ab excommunicatione; vt simul
à reatu, & ab Ecclesiasticis nexibus liber, cœlo infer-
retur. Et videtur verum, exsolutionem ab excommu-
nicatione, additis (vt fit) post eam aliquibus suffragiis,
commodasse ad integram reatus deterfionem: sicque
per absolutionem, & necessitati animæ suffragatione
adiuncta egentis seruitum est, & ædificationi fide-
lium, vt curent exsolui Ecclesiasticis vinculis, ne post
mortem fraudentur suffragiis communibus, sicque
remoras patiantur in aditu gloriæ. Quamuis etiam si
non

non soluerentur ab excommunicatione, non essent à cælo excludendi cum primùm plenè niterent.

Summa damnorum defuncti ab excommunicatione.

Verùm tametsi excommunicatio fidelem in gratia defunctum non arcet à gloria, si à reatu prorsus liber sit, priusquàm ab excommunicatione absoluator, ut facillè potest contingere; Tamen satis grauiatur fidelis defunctus excommunicatione irretitus, quod illis aliis quas recensui priuationibus afficiatur. Nam & punitur in corpore, cui negatur Ecclesiastica sepultura: & plectitur etiam in honore. Apud omnes quippe fideles, in honori sunt qui sic excedunt. Et denique in anima quoque multatur, negatis suffragiorum communium subsidiis. Ita rectè quæstionem hanc vniuersam concludit Thyraeus lib. de locis infestis cap. 87. addens & rectè, falso à nonnullis iactari, terrificationes & infestationes quorundam locorum per spiritus, semper existere ab animabus excommunicatorum. Ac rectè etiam negans quod aliquos dixisse refert, animas defunctorum excommunicatorum, donec absoluantur, semper oberrare & nunquam quiescere.



CAPVT IV.

Quomodo mulcta in bonis propositis præsertim spiritualibus, & quoad vitam sanctos, cum spiritu lenitatis, & mansuetudine Ecclesiæ erga peccatores cohæreat.

1. **R**IVS QUAM malorum propositorum gravitatem perpendamus, & inde concipiendum excommunicationis horrorem colligamus, occurrendum est difficultati in speciem non levi, quæ argumentationem pro vehementissimo excommunicationis timore prædictis malis inædificandam anteoccupare everso eius fundamento videtur. Difficile quippe persuasum videtur, Ecclesiam, quæ ab Apostolo informata est, præoccupatos in aliquo delicto instruere in spiritu lenitatis, tanta austeritate velle agere in filios tametsi immorigeros, ut eos obiciat aperto discrimini damnationis æternæ, negando eis sacramenta & suffragia communia, quæ sunt opportunissima ad salutis consecutionem subsidia. Sanè potestas quæ Ecclesiæ data est ad ædificationem, non debet cedere in destructionem, quod tamen videtur ex tali peccantium tractatione apertè sequi. Alia in hanc rem argumenta collegit Alrissiod. lib. 4. summæ cap. de excommunicatione, & S. Thomas in 4. d. 18. q. 2. artic. 1. Sed præsertim immanitatem sapere videtur, quod diximus excommunicationem pertinere posse ad vitam sanctos.

Excommunicationis aequitas. 357

functos. Efferatæ enim crudelitatis videtur, ne mortuis quidem parcitum velle.

Excommunicationis asperitas, non est contra lenitatem.

2. Statuendum nihilominus est vt indubitatum, rectè ac prudenter Ecclesiam, austeriore hoc pharmaco siue cauterio, ad efficacem correctionem male sanorum capitum vti. Sic enim congruum ac necessarium fuit: Et siue ipsos excommunicatione percussos, siue cæteros attendamus, medicina est quæ lusciosis oculis videtur crudelitas aut immisericordia; meritoque medicinæ nomine insignitur cap. 1. de sent. excommun. in 6. colligiturque etiam ex cap. 1. de exception. in 6. & ex cap. *ex literis*. de constitut. & ex cap. 1. de iudic. Ex Iurisperitis, idem latè tradit Couarr. in *c. alma mater*. p. 1. initio num. 9. Frequenter idem habent Theologi in 4. d. 18. Medicinam autem necesse est interdum esse asperiores, notauitque optimè S. Cyprian. l. de lapsis, *sub medium*, imperiti esse Medici abblandiri egro, vbi eius necessitas truncationem putraminum, & scalpelli intromissionem deposcit. Itaque exercitium potestatis de qua agimus, & tor priuationum etiam in bonis spiritualibus irrogatio, non deficit à ratione medicinæ, tametsi asperitatem aliquam præ se ferat atque molestiam. [Sanandum ergo celerius (inquit Innocent. I. epist. 91. inter Augustinianas) ne longius execrandus animis morbus inserpat. Vt si medicus cum viderit huius terreni corporis aliquem esse languorem magnum suæ artis æstimat documentum, si citò quis illius interuentu desperatus

Z 3 euadat,

euadat, vel cuni putre vulnús aspexerit adhibet fomenta, vel cætera, quibus illud possit quod natū fuerat vulnus obduci: at si id manens sanari non poterit, ne corpus reliquum sua tæbe corrumpat, ferro amputat quod nocebat: quod reliquum integrum est, seruat intactum. Præcidendum id ergo est quod velut puro, sanoque nimium corpori vulnus obrepit; ne cum tardius abstergitur, in ipsis penè visceribus huius mali non exhaurienda post sentina confidat.]

3. Nec verum est, infligendo hanc molestiam inter sic medendum, immisericorditer fieri, aut abiici conuenientem commiserationem erga peccatorem. Reuera enim peccator non est lugendus & miserandus cum ob peccatum plectitur, sed cum peccat, & vindictæ inferendæ iustam causam subministrat. Disputatio est perelegans S. Chrysostomi t. ser. Græcol. serm. 6. qui est in terræ motum & Lazarum. [Noli (inquit) vnquam supplicium timere, sed supplicij parentem peccatum. Concurritur ciuitas: quid tum postea? mens tua verò non conuassetur: quandoquidem & in morbis ac vulneribus, non eos lugemus, qui curantur, sed qui insanabili morbo laborant. Quod est morbus & vulnus, hoc est etiam peccatum. Quod est sectio, & medicamentum, hoc est etiam pœna. Intellexistis quod dico? Attendite. Volo etiam orationem Philosophia plenam vos docere. Quam tandem ob causam eos qui puniuntur, non eos qui peccant lugemus? Non enim res ita grauis est pœna, vt res grauis est peccatum. Si quem igitur videris habentem vlcus, cernis sanie à corpore defluentem, nec vulnus tamé aut vlcus curâtem: alterum verò pariter affectum, qui medicorum vtatur opera, qui vtatur, secetur, & acerba

acerba medicamenta deglutiatur, utrum istorum quæso lugebis? Eúmne qui æger est, nec curatur, an eum qui æger est & curatur? Haud dubium quin eum potius qui cum æger sit nō curatur.] Illustrat hoc exemplis. Tum subdit [At enim molesta est curatio: verum utilis est eius finis. Ita quoque nostræ huius vitæ se res habent: sed à corporibus sermonem transfer ad animas; à morbis ad peccatum; ab acerbitate medicamentorum, ad pœnas & iudicium diuinum. Quod enim est medicamentum adhibitum à Medico, & sectio, & ignis, hoc est à Deo illata pœna. Nam ut sæpe numero admotus ignisurit, & sistit vlcus, quod pascendo serpit, & ferramentum putredinem exhaurit, dolorem quidem inurens, sed utilitatem tamen pariens; ita & fames & pestes, & quæcunque mala esse videntur, ferri loco, & ignis admoventur animæ, ut ægrotantis eius vlcus depascens, ad similitudinem corporum cohæreat, eamque meliorem efficiant.] Quod de temporalibus pœnis à Deo immixtis, ait ibi S. Chrysostomus, æquè valet in re nostra, siue in pœnis quas Ecclesia fidelibus irrogat propter peccata. Christus ipse apud S. Gertrudem lib. 3. reuelat, c. 16. exponere dignatus est, quantum esse possit commodum excommunicationis ut par est exceptæ, tantum abest ut importabile malum inferre sit censenda.

Tum quia ita fert bonum excommunicati.

4. Verum ut distinctè & argumenta proposita dissoluamus, & euincamus priuationem tot bonorum etiam spiritualium, probè cohærere cum spiritu lenitatis Ecclesiæ, consideranda sigillatim sunt duo

capita necessitatis inferendi priuationes propositas. Vnum est, penes ipsum qui segregatur, & priuatur bonis prædictis. Alterum est, penes ceteros quibus ab eius communicatione timetur. Necessitas ex priori capite ducta, honestat omnino irrogationem priuationum quas proposuimus. Suffunditur enim salubri pudore, cum agnoscit se ab omnibus declinari, ut ouem morbidam cuius contagium extimescant. Idque intendere Ecclesiam hoc remedio vrentem, notauit Vvalafridus Strabo libro de rebus Ecclesiasticis capite 17. in ipso fine; & habetur ex cap. *pia.* de except. in 6. Bonum ergo & optimum est ei qui excommunicatur, sic plecti. Nisi enim hic stimulus adhiberetur, perstaret diutius in longè deteriore statu, quàm sit is qui per excommunicationem infertur. Nimirum quia hæreret in cæno illius culpæ lethalis ob quam excommunicatione percussus est, vnde contingere facillè posset æternum exitium. Itaque sic punitur, ut in alia vita non puniatur immedicabiliter, iuxta sapientem S. Bernardi ratioinationem serm. 23. in Cant. quæ magna est erga eum benignitatis expromptio. Nec aliter se habet Ecclesia in hac pœnarum irrogatione, quàm se habeat Deus proportionē seruata, cum ob peccatoris bonum, ut humilietur, & confundatur, tandèmq; resipiscat, tradit eum animæ irreuerenti ac infrunitæ, permittens ipsum fœdis sceleribus inquinari, ut optimè disserit S. Gregorius 11. Moral. c. 9. ad illud, *præcingit fune renes eorum.* Notauit hanc Dei ex eo fine punientis imitationem, per Ecclesiam excommunicantem, Gabriel lect. 26. in Canon. *litera K.* & Ferrar. opusc. de Euangel. libert. cap. 9. probans contra Sæctarios, excommunicationem

nem cohærere cum libertate Christiana.

¶ 5. Et irrogatur quidem excommunicato damnum, etiam in bonis spiritualibus. Tamen ea damna nec inferuntur in præcipuis spiritualibus bonis; sanctitate inquam & gratia, cuiusque comitibus indiuiduis, quæ supponuntur iam deesse; sed in aliis bonis quorum priuatio minùs damnosa est, & tamen hominem facillè commouet vt ad se reueniat, quia eorum carentia magnam partem patet exterius. Qualiacunque verò sint damna quæ per excommunicationem irrogantur, in potestate est eius cui inferuntur, se ab eis præstare liberum, resipiscendo & satisfaciendo Ecclesiæ. Vnde si eorum perpeffio sit diuturnior, non est quod de Ecclesia expostulet, sed de seipso per quæ stetit ne confestim liberaretur. Et hanc ob causam, additio ad singulare 130. Matasilani num. 16. negat excommunicationem esse pœnam. Quod quauis cruditiùs dictum sit, in sensu tamen qui ab autore est intentus, admitti potest. Aliæ extricationes huius difficultatis quas aliqui iniuerunt, non sunt idoneæ. Maior in 4. d. 18. quæst. 2. conclus. 3. coroll. 3. & Gabriel ibid. quæst. 2. ad hoc dubium dissoluendum, aiunt excommunicatum non pati damnum ab Ecclesia, sed à seipso, id est à suo peccato & contumacia in eo: *sed Ecclesia* (inquiunt) *eum damnificatum autoritatiuè ostendit.* Hoc non admitto. Neque enim Ecclesia excommunicans, est merè interpres damni quod homo peccando sibi intulit. Imo Couarruias in cap. *alma mater.* initio partis prioris, num. 8. veluti hæreticam damnat sententiam Glossæ cap. *quodcunque.* 24. q. 1. affirmantis excommunicationem nō esse actum iudicij & inflictionis supplicij, sed esse

tantum demonstratione ligaminis quod homo subiit peccando. Affinis est hic Glossæ error, ei errori Magistri in 4. d. 18. & nonnullorum veterum, qui solutionem per Sacerdotem absoluentem à peccatis, censuerunt non esse nisi renunciationem & declarationem remissionis peccatorum: quod damnavit Tridentinum sess. 14. cap. 6. Richardus autem Victorinus lib. de potest. ligandi atque soluendi, placitum illud aliquibus tunc probatum referens, dixit esse tam frivolum, ut ridendum potius quam refellendum videatur. Verè ergo Ecclesia, cum vibrat excommunicationem, habet se non ut præco, sed ut iudex puniens; nec tantum ostendit hominem à seipso damnificatum, sed etiam ei novam poenam infligit, nimirum quas supra recensuimus, & nominatim priuationem suffragiorum communium, & priuationem Sacramentorum nouo titulo. Posset tamen illorum verborum quæ ex Maiore ac Gabriele retulimus, is sensus esse, quem S. Bonau. in 4. d. 18. in vltima distinctionis parte q. 2. aperuit: Nempe quod excommunicati malum, radicaliter & primordialiter ab ipsomet excommunicato proueniat, non ab Ecclesia: Etiam si verè Ecclesia, formaliter & proximè iustum damnum inferat cum excommunicat. Hac ergo solutione dimissa, hærendum est in ea quam adhibuimus, dicendumque mulctari quidem & damno affici hominem cum excommunicatur, sed ipsum esse qui damno causam dedit, nec nisi per eum stare quominus ab Ecclesia liberetur: ac proinde debere sibi, non Ecclesiæ rectè iudicanti succensere. Quoad mortuos autem, prout ad eos pertinere potest excommunicatio, verum est ob negata illis subsidia quibus animæ fidelium iuuantur, fore ut illi

Excommunicationis equitas. 363

illi diutius in ignibus emendatoriis hæteant, & ita quidem ut ipsi per seipfos nequeant excutere hanc suæ gloriæ remoram. Tamen commune bonum de quo mox, eam retardationem gloriæ certò alioqui obuenturæ, iustam & honestam potest reddere.

Tum quia sic expedit cæteris.

6. Iam honestatio excommunicationis, & asperitatis quam infert; penes necessitatem cæterorum, est per se perspicua. Cæteri enim discunt sapere, dum vident in Ecclesia graues culpas non dissimulari, & metu similis quâ infamiæ, quâ irrogationis damnorum, frænânt seipfos ne similiter plectantur. Hoc spectabat S. Chrysostomus hom. 5. de verbis Esaïæ, *vidi Dominum*, cum dixit. [Sapientes Medici quoties membra putrefacta secturi sunt, aut lapides in meatibus affixos extracturi, aut aliquod aliud naturæ vitium correcturi, non id faciunt eo qui laborat in angulum abducto; sed eo in mediis foris deposito: conglomeratōque prætereuntium spectaculo, ita demum admouent sectionem. Hæc autem faciunt non quod velint humanas traducere calamitates, sed ut unicuique propriæ sanitatis commendent curam. Itidem & scriptura facit, ubi quem artipuit peccantium, proponit cum in sublimi suggesto, non in mediis foris, sed in media terra; & posteaquàm totius orbis circumsteterit theatrum, tum curationem adhibet, erudiens nos, ut circa propriam salutem captiores simus.] Non contendo, finem adæquatum ex quo infertur pœna; esse exemplum aliorum, neque hoc affirmat S. Chrysostomus loco annotato. Id enim falsò affirmaretur
ut

vt probaui in Morali dist. 4. n. 477. Plerunque enim, non vt alij exemplo noxij malè mulctari absterreantur à simili scelere, irrogatur pœna. Imo interdū quoque non spectatur bonum noxij, vt scilicet emendetur, & deinceps sapiat: sed præcisè inferitur suppliciū, vt sit suus locus iustitiæ vindici. Idque iustum & sanctum esse, agnoscit S. Augustinus l. 2. de peccat. merit. c. 16. & 34. pluribûsque confirmo Facula 15. ad Idioram. Sensus ergo D. Chrysostomi qui ad rem præsentem sufficit, is est quem Origenes homil. 5. in Ezech. egregiè persequitur, frequentissimum esse, vt ad cæterorum emendationem, inferatur pœna; idque ad honestādam supplicij acerbiteratē & iudicem nota immisericordiæ & crudelitatis liberandum, satis superque esse posse. Non alia sanè ex causa quod Taurus Philosophus apud Gellium l. 6. c. 14. probè admonuit, nomen *exempli* pro supplicij irrogatione vsurpatum jam olim est. Nam exemplum statuere, perinde est ac plectere: Qua loquendi formula insinuat, Iudicem idcirco externa specie savi in personam noxiam, vt cæteri à similibus patratione arceantur, (non exclusis tamen cæteris finibus iustæ castigationis:) & ex hoc nominatim capite animaduersionem qua criminofus punitur, non esse referendam ad truculentiam Iudicis, sed cum eius debita lenitate, probè cohærere. Sed quid vrgeo exempla humana? Aut quorsum ad amouendam immisericordiæ & crudelitatis labem à negotio in quo versamur, insisto rationi ex more agendi mortalium, tamen si receptissimo, & quem nemo qui sapiat, ausit damnare?

7. Deus ipse (quæ est D. Thomæ in hanc rem ratiocinatio in 4. d. 18. q. 2. artic. 1. quæstijunc. 2. ad 3.)
plerunque

plerumque iam ex hac vita, peccatoribus infert pœnas, statuitque eos in exempla: non ut illis mutetur animus quos agnoscit esse in nequitia obfirmatos, sed ut alij flagellato pestilente discant sapere. [Deus (inquit Origenes hom. 9. in Ierem.) non vnum hominem, sed vniuersum curat orbem, cœlestia atque terrena & omnia vbique dispensat. Et cum hoc prouideat quod vni commodum sit, multo magis prouidet quid toti mundo conducatur, & hominibus vniuersis: prouidet quidem & ea quæ vni expediunt; verum ita, ne vnius utilitas, omnium damno sit. Idcirco & ignis æternus præparatus est & gehenna, & tenebræ exteriores, quæ omnia non tam ob eum qui puniendus est quàm propter homines constituta sunt. Si autem vis huius rei testem accipere scripturam, quia in aliorum eruditionem, licet iam desperabiles sint peccatores, & à curatione penitus alieni, torqueantur, audi Salomonem in Prouerbiis dicentem. *Pestilente flagellato, impudens callidior erit*: Non eum qui flagellatur, dixit callidior futurum, & sapientior propter castigationem suam; sed insipientem à stultitia ad prudentiam conuerti; propter supplicia pestilentiae (hoc quippe ex ipso nomine calliditatis significatur) & conuerti eum à calliditate dum alios cernit propter ea quibus ipse obnoxius est, peccata cruciari. Igitur prodest nobis si tam digni sumus salute, ut alij in utilitatem nostram torqueantur. Et quomodo utile fuit peccatum Israël in salutem gentium, sic utilis est quorundam pœna, aliorum saluti.] Hoc apertissimè intendit Ecclesia, intorquens in aliquem excommunicationis flagellum. Itaque eodem modo honestatur hæc seueritas Ecclesiæ, ac ea quæ cerni videtur in modo

do agendi diuino. Quare mox Origenes prolato eodem exemplo Dei, iuste in malos seuiens, ut bene sit aliis, subdit: [Hæc autem in Ecclesia sæpè accidentia, possumus considerare. Peccauit quispiam, & post peccatum postulat Communionem. Si ei conceditur quod rogat, in incòmodum omnis venia procedit, & laxatis franis, sceleribus panditur via. Sin verò cum rationabili deliberatione, non ut misericors, nec rursus ut crudelis iudex, sed & quasi vni prouidens, & de omnium salute pertractans, consideraui populi damnum in vnius venia; hæud dubium est quin faciat eiici vnum de Ecclesia, ut multos saluet incolumes. Age nunc considera mihi, & medicum, si cessauerit à sectione eius vulneris quod secandum est, si non vsserit id quod indiget cauterio, videlicet propter dolores qui ex talibus remediis consequuntur, quomodo crescit infirmitas, & in deterius vetus humor exuberet? Si verò (ut ita dicam,) temerarius ad vulnus selector accesserit & incusserit plagam, curat eum qui secatur & vritur; quia paululum seueritatis assumptæ, licet visus fuerit, ægrotanti ad horam non misereri.]

Prospicitur præterea cæterorū adhuc sanorum bono, dum impiorum obduratorum communicatione prohibentur. *Modicum enim fermentum totam massam corrumpit*, ut ipse Apostolus in hanc rem est ratiocinatus. [Nam etsi illius, (inquit ad eum locum Chrysostomus homil. 15.) est peccatum, si tamen negligatur, potest totum corpus Ecclesiæ corrumpere. Nam quando is qui primus peccauit pœnas non dederit, citò alij quoque eadem peccata admittent, ostendens quod non de vno solo, sed de tota Ecclesia agitur, & periculum subitur. Quamobrem fermenti quoque opus

Excommunicationis equitas. 367

opus habuit imagine ac similitudine. Nam sicut illud (inquit,) etiam si sit modicum totam massam in se transmutat; ita quoque iste si dimissus fuerit impunitus, nec in eius peccatum iuste fuerit animaduersum, corrumpet & perdet cæteros.] Nihil sanè est facilius, quàm ut concolores fiant qui simul agunt familiariter.

Suffragium Sapientum de honestatione excommunicationis ex hoc capite.

8. Benè hunc fructum excommunicationis, atque adeò hanc eius honestandæ viam, aperit Pseudoconcilium Bagaitanum Donatistarum, apud D. Augustinum lib. 4. contra Crescon. c. 4. post damnatum Maximinianum. [Nec solùm hunc (inquiunt) sceleris sui mors iusta condemnat. Trahit etiam ad consortium criminis plurimos catena sacrilegij de quibus scriptum est, *Venenum aspidum sub labijs eorum, quorum os maledictione & amaritudine plenum est, veloces pedes eorum ad effundendum sanguinem. Contritio & calamitas in viis eorum, & viam pacis non cognouerunt, non est Dei timor ante oculos eorum.* Nollemus quidem tanquàm è proprii corporis iunctura præcidi, sed quoniam tabescentis vulneris putredo pestifera, plus habet in abscissione solaminis, quàm in remissione medicaminis, inuenta est causa salubrior, ne per cuncta membra pestilens irrepat virus, ut compendioso dolore, natum decingat vulnus.]

Sed præstat nostros audire. Clemens Rom. 2. constitut. Apostolic. cap. 17. aliàs 20. [Qui peccat cum viderit aliquem facientem similia atque ipse facit,

extruetur ad faciendū eadem. Deinde qui prauus est, per vnum occasionem nactus, in aliis operatur, quod Deus auertat : ita fiet vt grex deprauetur, & quo maior est numerus peccantium, eo sit vitium maius: peccatū nāque quod nō arguitur, detērius fit & ad alios manat. Siquidem parum fermenti totam massam corrumpit, & vnus fur in totam nationem diffundit execrationem; & muscæ mortuæ, putrescere faciunt vnguentum suauē. Item Rex cum iniquo sermoni aures præbet, omnes Ministri eius existunt iniqui. Sic quoque ouis scabiosa, in alias oues transfundit scabiē, nisi à sanis separetur, & homo peste laborans, multis est cauendus: canis etiam rabiosus, quidquid attigerit, in eo periculum affert. Si igitur hominem flagitiosum ab Ecclesia non remoueamus, facimus domum Dei speluncam latronum.]

9. Origenes hom. 9. in Ierem. interrogans cur Deus separatos velit malos à malis, responderet quia, [Mali cum simul fuerint, ea quæ mala sunt cogitant, & in pristina nequitia perseverantes, augent peccata peccatis. Quomodò è contrario boni, cum simul fuerint, de honestis sermocinantur. Dissoluitur ergo, & ad nihilum deducitur nequam cogitatio, cum nō habuerit colloctionem alterius nequioris. Idcirco per dispensationem Dei prouidetur, pessimos à pessimis separari : iustum quoque & commodum est, vt à pristinis sceleribus ipsa solitudine, & penuria consortij aliquando desistant. Hæc de eo quod dictum est, & dispergam illos, virum & fratrem eius, & patres eorum, & filios eorum in idipsum; dicit Dominus.] Hæ autem rationes multo fortius vrgēt pro separatione malorū à bonis, quos faciliē fermentarent & contaminarent.

S. Augu

Excommunicationis equitas. 369

S. Augustinus l. de corrept. & gratia cap. 15. vt nulla alia bona excommunicationem consequerentur, ipseque excommunicatus non resipisceret, quod monet sperandum semper esse, hoc tamen commodum in quo versamur nunquam defore contestatur. [Et ipsa (inquit,) quæ damnatio nominatur, quam fecit Episcopale Iudicium, qua pœna in Ecclesia, nulla maior est; potest si Deus voluerit, in correptionem saluberrimam cedere atque proficere. Neque enim scimus, quid contingat sequenti die: an ante finem vitæ huius de aliquo desperandum est? Aut contradici potest Deo ne recipiat & det pœnitentiā, & accepto sacrificio spiritus contribulati cordisque contriti, à reatu quamuis iustæ damnationis absoluat, damnatumque ipse non damnet? Pastoralis tamen necessitas habet, ne per plures serpent dira contagia, separare ab ouibus sanis morbidam; ab illo cui nihil est impossibile ipsa forsitan separatione sanandam.]

10. Theodorus Ancyranus homil. in S. Ioannem Euangelistam, quæ habetur tomo 6. Concilij Ephesini, editionis Peltani, cap. 9. [Quod corporibus nostris est medicus, hoc animabus est Sacerdos. Quia ergo animi morbus est error, qui diu multumque dissimulatus, mortis supplicium inducit, Spiritus sancti gratia animarum medicinam Sacerdotium instituit; membrumque morbo dudum labefactatum excidi curauit: non quidem in illud desuere instituens, sed reliquis membris consultum cupiens. Cum enim iugis illa tabes, prauæ corruptionis incrementa paulatim generaret, membrum putridum præcidendum existimauit, quò omnem simul corruptionis malitiam è medio tolleret. Est hæc curandi ratio, non crudeli-

A A ras,

tas, sed salubris & necessaria medicina. Sanè medicus flens interdum membrum præscindit. Verùm dum sectioni non parcit, sanitatem inducit. Neque genus hoc medendi nouum est, sed antiquum, & iam inde ab initio vsurpatum: hac enim ratione Sancti Patres, venerandam hanc Ecclesiam hætenus curarunt & conseruarunt. Obrinet sacerdos gladium, non vt lædat, sed vt medelam adferat: atque hoc ipsum superna gratia insinuans quondam Hieremiam ita affabatur: *Constitui te hodie super gētes, & super regna, vt euertas, & destruas, & disperdas, & dissipes, & adifices, & plantes.* Neque enim pietas cōmodè inferi potest, nisi malitia antè fuerit extirpata. Par est vtique affectū membrum primò rigare, culturæ industria vti, pietatis sermonem adhibere, & omne denique medicamento genus putrescenti membro applicare. Verùm si tabes maior fuerit, quàm vt curationem admittat, tunc demum membrorum ita affectorum sectio, præsens est medicina.]

Exemplo eius quod in brutis cernitur, confirmat hoc quod dicimus S. Gregorius lib. 12. Regist. indict. 7. epist. 32. & vltima. [Sunt (inquit) mali segregandi à bonis, iniqui à iustis, vt saltem rubore suo conscientias suas recognoscant, & conuertantur à prauitatis suis: & si incorrigibiles apparuerint, segregentur à fidelibus vsque ad satisfactionem, iuxta Saluatoris Domini sententiam, qua inter cætera de peccante in se fratre præcipiendo, ait: *Si peccauerit in te frater tuus, corripe eum inter te & ipsum solum: si te audierit, lucratus es fratrem tuum: si autem non audierit te, adhibe tecum unum vel duos, vt in ore duorum vel trium testium, stet omne verbum. Quòd si non audierit, dic Ecclesie. Si autem*

autem Ecclesiam non audierit, sit tibi ut ethnicus & publicanus. His ergo & aliis multis sanctorum Patrum autoritatibus, segregandi sunt mali à bonis, ne pereant iusti pro iniustis, sicut scriptum est: *perit iustus pro impio*, debet enim discretio fieri inter bonos & malos, sicut est inter hœdos, & oves. Manifesta quoque peccata non sunt occulta correctione purganda: sed palam sunt arguendi, qui palam nocent, ut dum aperta obiurgatione sanantur, hi qui eos imitando deliquerat, corrigantur. Dum enim unus corripitur, plurimi emendantur: & melius est, ut pro multorum salute unus cõdemnetur, quam per unius licentiã multi periclitentur. Nec mirum si inter homines hæc ratio custoditur, cum & inter iumenta hoc fieri persæpè cognouerimus, ut ea quæ scabiem aut impetiginem habere videntur, separentur à sanis, ne illorum morbo sana darentur & pereant.]

11. S. Chrysostomus homil. 36. in Matth. *initio*, hanc esse sapientum omnium praxim ut putria & vitiosa ad cæterorum conseruationem sine comperendinatione præscindant, optimè admonet, verbis illis. [Præcipua singularisque pax tunc præstat, quando quod tabo vel sanie corruptum est, abscinditur, atque proiicitur: quando factiosa & improba pars repellitur, aut omnino destruitur: Sic certè cælis terra coniungi potest. Nam & medicus hoc modo reliquum corpus conseruat facile, si quod reduci ad sanitatem non potest, exciderit atque abiecerit: & militiæ dux ad soluendam militum conspirationem, alterum in alterum concitat. Sic in turre illa factum videmus, quando perniciofa illa pax per salutarem vocis dissonantiam dissoluta, tranquillam atque laudabilem pacem reddidit. Sic etiam Paulus eos, qui aduersus

se conspirabant , diuidebat atque dissipabat.] Denique S. Basilius , hanc in qua versamur honestandæ excommunicationis viam , cum altera priùs tractata coniungens, cap. 9. constit. Monast. *in fine*, sic habet. [Hi omni ratione coercendi sunt , idque ea re , ne & pestis contagione ceteros inficiant, & ipsi cum se vndique velut proscriptos, & ab aliorum communione summos animaduertent , vel serò se ad meliorem frugem recipiant : & ignominiam illam, quod bonos se defugere , atque auersari videant , paedagogi loco accipientes , admoniti à prauitate resipiscant. Nam hoc etiam Paulus fieri iussit , loquens de iis , qui nihil laborabant, sed curiosè agebant: *hunc enim* (inquit) *notate, & ne commisceamini cum illo , vt confundatur.*]

*Concluditur excommunicationis & lenitatis
cohesio.*

12. Itaque cum spiritu lenitatis quo Ecclesia ducitur, optimè cohæret hæc qualiscunque erga improbos seueritas, & in speciem asperitas. Errant enim qui lenitatem interpretantur ignauiam. Cum è contrario, quod exemplo Moysis & Dauidis egregiè illustrat S. Chrysostomus in Psal. 131. Mansuetudo vera , norit in tempore pie sæuire. Quod ipsum tradunt S. Basil. in Constit. Monast. cap. 14. S. Gregor. 21. Moral. cap. 8. Rupertus lib. 4. in Exod. cap. 27. & alij latè adducti in nostra lucubratione cui titulus est, *Commonitorium vt sit moderatio quod dicitur*, §. 7. & 12. Meritò proinde S. Augustinus lib. de fide & oper. c. 3. excommunicationem vocat, *misericordem seueritatem*, & per aliquot capita confirmat, excommunicationem prudenter & cum

cum charitate inflictam, non modò iustè omnino, sed etiam absque temeratione Ecclesiasticæ lenitatis inferri. Ipse sanè Apostolus, qui hominem in delicto quopiam præoccupatum instrui mandabat in spiritu lenitatis, nihilominus in tempore vsus est excommunicatione, vt contra Corinthium impurum, & contra Alexandrum ac Hymenæum. Vel ergo infir uandus esset violati moniti sui, quod absit vt admittamus: vel agnoscebat hanc seueritatem cum spiritu lenitatis Pastorum rectè concinere.

13. Quod si quem stimulat metus prætextu huius seueritatis, indèque honori vel virtuti Pastorum excommunicationem vibrantium timendum putet, consideret vicissim, prætermissionem huius remedij, quando prudentia, & bonum vel noxij, vel cæterorum, poscit illud adhiberi, de ignauia & mollitie longè damnosiore periclitari. Quantum autè delinquat Antistes mollis, & falsa mititatis specie parcens putribus membris, nemo satis explicet. Fusè id versat Clem. Rom. 2. Constit. cap. 9. 10. & 11. Considerandum præterea ex rescissione vnius strumæ quantum decus extitutum sit in corpus Ecclesiæ. Nemo quippe damnare ausit tanquam minus lenem, vel tanquam sæuam & asperam, eam vnius putris membri truncationem, è qua tantum in Ecclesiæ corpore decus venustatis efflorescit. Vrget inde Pastores ad audendum in hoc genere Clem. Romanus 2. Constit. c. 4. agens de fidei dyscolo, his præter cætera. [Si seditionem & discordiam concitarit, neque desinat turbare, & conuicia facere fratri, vituperationibus ex contentione nequiter studens, eiicite eum tanquam pestilentem, ne Ecclesiam Dei vitiet & fœdet. Qui enim huiusmo-

di est, turbas conflatur ciuitatibus, idemque tamen intra Ecclesiam est, tamen quia Ecclesiam dedecorat, superuacuum est, inanis est; qui quidem quantum in se est, corpus Christi sordidat. Nam si nonnulli homines ita nati, ut quasdam partes corporis superuacuas adhaerentes habeant, ut digitos, aut quaedam in carne eminentia, quae dicuntur hyperfarcomata, haec sibi propter turpitudinem amputant, neque est indecorum, opera artificis naturalem pulchritudinem recuperare, quanto magis decet hoc facere vos pastores Ecclesiae, quae est integrum corpus, constans ex membris sanis, quae in Deum, in metu domini, & charitate credunt, cum aliquis instar membri superuacanei reperiatur, qui praua cogitet, & reliquum corpus deformet, tempestatemque in eo excitet, seditione & pugna, ac destructione exhibens ei metus, molestias, vituperationes, obreptiones, criminationes, turbulentias; aut alia huiusmodi opera diaboli efficiens, tamquam à Diabolo electus, ut Ecclesiam maledictis, & infamia, & multa seditione, contentione, discordia, vilem faciat, & sordidam. Hic igitur ex Ecclesia iterum eiectus, merito est abscissus à cœtu Domini: atque Ecclesia Dei magis nunc ornata fuerit, quam antea, cum erat in ea aliquod membrum superuacuum, & ab ea alienum. Quocirca iam deinceps extra maledicta & contemptum est, liberata fraudulentis comminationibus, inhumanis proditoribus, à virtute auersis, voluptuariis, inanis gloriae cupidis, impostoribus, & iis qui sapientes videri volunt, quorum officium est, dispergere, potius quam dissipare agnos Christi.]

la t. 2. horar. subsec. lib. 16. c. 7. Ante hos omnes, quidam tempore D. Augustini, ut ipse refert lib. de fide & operibus, cap. 4. dum vitant stulti vitia in contraria currentes, auersati truculentiam quorundam præcipitanter ruentium ad excommunicandum, inducere tentarunt excommunicationis reiectionem, *quandam peruersissimam securitatem Præpositis tribuentes, ut ad eos non pertineat nisi dicere quid cauendum quidve faciendum sit, quidlibet autem quisque faciat non curare.*

De malignitate excommunicationis, veritas Catholica, contra hæreticos, obiter supponitur.

2. Non est quod aduersus horum Satanæ emissariorum impias voces, confirmem iustam vim Ecclesiasticæ excommunicationis. Præstitere id iam pridem alij, splendidè ac plenè. Nominatim Robertus Episcopus Arboricensis in opere de utroque gladio, toto priore Tomo, stabiliens, potestatem hanc coërcitiuam, Ecclesiæ à Christo concessam. Rursusque tomo 2. theoremate 7. præsertim ad finem. Breuiter, sed non malè, Petrus Velliardus aggressu 19. contra Lutherum, quem tunc maximè furem, exagitauit. Item Roffensis contra 23. & 24. Lutheri articulum: & Soto in 4. d. 22. q. 1. artic. 1. Alphonsus de Castro v. *excommunicatio*. Salcedo in pract. crimin. Canon. cap. 119. num. 3. Valentia Opusc. de excommunicatione cap. 3. & alij, quorum prolixis disputationibus prætermisissis, tantum dico, quod contra quosdam hac in parte hæreticos, scriptum est à S. Gregorio epistola ad Theodistam patritiam l. 9. indict. 4. epist. 39. [Si sunt qui dicant quia compulsus quispiam necessitate,

si ana

fi anathematizatus fuerit, anathematis vinculo non tenetur; ipsi testes sunt quia Christiani non sunt: quia ligamenta sanctæ Ecclesiæ, variis se existimant conatibus soluere, ac per hoc nec absolutionem sanctæ Ecclesiæ quam præstat fidelibus, veram putant, si ligaturas eius veras esse, atque valere non æstimant. Contra quos diutius disputandum non est, quia despiciendi per omnia & anathematizandi sunt: vt unde veritatem fallere se credunt, inde in peccatis suis veraciter ligentur. Si qui sunt igitur, qui sub nomine Christiano hæc quæ diximus errorum capitula aut prædicare audent, aut taciti apud semetipsos tenere, hos proculdubio anathematizauimus.] Non addo plura. Nam *nulli qui sanum sapit*, dubiam esse posse, Ecclesiæ hac in parte potestatem, dixit Concilium Meldense sub Sergio Papa, in præfatione.

Fundamenta ex quibus retuli hos impios despiciatui habere excommunicationem, sunt planè inania. Nam quòd excommunicatio Pontificia vel Episcopalis sit censura Antichristi, verbum est hominis Satânico æstro perciti, & spuma hæretici rabientis. Quod autem excommunicatio sit pœna salutaris & medicinalis, verissimum id quidem est, vt fusè prosequitur Couarr. in cap. *alma mater*. p. 1. in initio, n. 9. At inde inferre excommunicationem esse optandam, eius est qui amarissimam potionem, vel membri truncationem, quæ plerunque salutaris & medicinalis est, censeat esse in votis habendam. Sanè improborum supplicia sunt medicinæ, vt Plato in Gorgia, & l. 9. de leg. discretè tradit, confirmâtque S. Chrysostomus hom. 6. ad popul. Quis tamen dicat, supplicium esse noxio in votis? Adde quod excommunicatio potest esse medic-

nalis, cæteris qui pestilente flagellato fiunt sapientes: esto ipsi pestilenti, excommunicatio ob eius duritiam, frequenter non sit medicinalis. Ita habetur ex cap. *corripiantur*. 24. q. 3. Denique fortitudo quam Erasmus agnoscit in contempione excommunicationis, non est verè fortitudo, sed mentis auersæ durities; qualem Aristoteles in Celtis memorat, qui aduersus mare infremens armabantur, & vehementissimo Boreæ ac procellis sonantibus cedere, imminutæ fortitudinis probum esse arbitrabantur.

Eadem malignitas, generatim monstratur.

3. Erronibus dimissis, validissimam confirmationem iusti horroris quo excommunicatio percellere quemque cordatum debet; ac proinde quod excommunicatio non ut isti blaterabant despuenda, sed omnino pauenda sit, eruamus ex dictis in secundo & tertio capite. Si enim vel tenuiter inspiciamus priuationes omnes quas per excommunicationem inferri probauimus, dubitare non licebit, quin excommunicatio summoperè metuenda sit, quippe *pœna qua nulla sit grauior*. ut dixit D. August. lib. de corrept. & grat. cap. 15. & habetur etiam cap. *corripiantur*. 24. q. 3. Plura in eam rem habet Hugolinus tabula 2. de censur. cap. ultimo, §. 1. num. 8. & 9. Vno verbo rem complecti possumus, si dicamus, excommunicatum priuari communionem sanctorum quantum est in potestate Ecclesiæ.

Hæc quanta sit calamitas, intelligere generatim licebit ex opposito, siue ex magnis bonis communionis sanctorum, ad quæ bona utcūque intuenda, adre-

pendum

pendum est è bonis communicationis in naturalibus consideratæ. Incredibile sanè est, quanta bona adueniant homini ex communicatione cum aliis hominibus. Pauci hoc aduertunt, quia res est quotidiana, nihilque est frequentius quàm vt non moueamur solitis, etiamsi admirabilibus, vt D. Augustinus notauit. Verùm si cogitatione fingamus aliquem esse in orbe solum, nihil possit eo homine cogitari miserabilius, magisve destitutum bonis & commodis omnibus. At ex communicatione cum aliis, veniunt homini bona innumera. Ab vno vestem accipit, ab alio calceos. Ille panem, ille vinum suppeditat. Alius alia subministrat. Hippiam Philosophum exhibet Apuleius 2. Florid. *initio*, omnia sibimet factum. Ipse sartor & sutor, ipse pistor & coquus, ipse denique sibi vnus satis superque erat ad cuncta. Ita quidem iactatum, sed falsò. Nam vt omnia necessaria prouidere sibi solus potuisse admitatur, tamen materias è quibus necessaria pararet, à se non habebat, sed aliorum ad id laborem desiderabat. Hoc consilio Deus commercia prouidit, & vt merciorum faciliior esset ratio, mare & fluuios interfecare terram voluit, quod eleganter de more notauit Theodoretus serm. 2. de prouid. & alij quos adduxi in Scalio gradu §. quamuis aliter, sed minus verè sensit S. Ambrosius l. de Elia c. 19. Ipsæ gentes quæ Deum non nouerunt, communicationem cum aliis, tanquam rem utilem imò necessariam, cupidissimè quærunt & amplexantur, vt ratiocinatur S. Basilius epist. 77. Intelligimus ergo ex his, quanti sit communicatio in naturalibus.

4. Inde verò facile est cum S. Basilio dicta epistola 77. assurgere ad perspiciendum, quanti sit communicatio

munio Sanctorum. Non enim minus homo homini confert quoad supernaturalia, quàm quoad naturalia & humana. Quam in rem expendendum diligenter est, quantopere ad virtutem parandam, & magnos in ea progressus faciendos conferat conuictus aliorum. Ea sanè causa erat, cur Apostolus Hebr. 10. fideles hortetur ad non deferendam collectionem, sed frequentandos assiduè sacros conuentus, quod inde valdè essent in fide & charitate confirmandi, vt S. quoque Ignatius idipsum Smyrnensibus & Ephesiis inculcans, tradidit. Sed pulchrè S. Chrysostomus ibid. hom. 19. [Quid est non deferentes congregationem nostram? Nouit ex conuentu & ex congregatione, multam esse vim. *Vbi enim sunt (inquit) duo, aut tres congregati in nomine meo, illic sum in medio eorum.* Et rursus, *& omnium erat anima vna, & cor vnum.* Non autem solùm hoc, sed etiam quod augetur charitas per congregationem. Si augeatur autem charitas, necesse est vt etiam augeantur quæ sunt Dei. Et Oratio (inquit) fiebat sine intermissione à populo. Et rursus, *vt sint vnum sicut nos.*] Et mox quod subdit Apostolus, vt se consolentur, ipse legit; *Et consideremus inuicem in prouocationem charitatis & bonorum operum:* quod sic glossat. [Nouit hoc quoque fieri ab eorum cōgregatione. Quomodo enim ferrum, ferrum acuit, ita etiam conuentus auget charitatem. Nam si lapis lapidi attritus ignem emittit, quāto magis anima animæ admixta? Sed nō dicit *ad emulationē*, sed *ad prouocationē charitatis*, vt magis diligant, & diligantur: & bonorum operum vi capiant æmulationem. Facere enim, maiorem vim habet ad docendum quàm dicere. Multos vos quoque habetis doctores, hoc in

multitudine

multitudine facientes per opera.] Rursus paulo post eandem sententiam regustans. [Addit (inquit) id quod est perfectum, nempe charitatem, *non deserentes collectionem nostram, sicut consuetudinis est quibusdam.* Quia quidam faciunt & scindunt concilia ac conuentus. Frater enim à fratre adiutus, est sicut vrbs munita. Sed consideremus inuicem in prouocationem charitatis: utpote diligamus & diligamur. Nam à charitate fiunt bona opera. Magnum bonum est conuentus, ac congregatio. Ipsa enim eam charitatem reddit ardentior, & ex ipsa omnia nascuntur bona. Nullum est enim bonum quod non sit charitatis.]

Bona pars disputationis quam S. Basilius regula 7. ex fusioribus instituit ad monstranda vitæ socialis commoda, huc planè facit. Hæc generatim dicta de bonis communicationis sanctorum, generatim quoque demonstrant, sublata sanctorum communicationis quanta sint mala, quàmque formidandû sapienti sit in eam incidere calamitatē, quæ tot & tantis commodis communicationis illius hominem spoliet. Sed vt hæc sint perspectiora, descendendum est ad specialem expensionem priuationum, quæ excommunicatione infert homini, recurrendo series capite secundo & tertio propositas, & librando mala & damna quæ ibi, tantum quoad *an est*, recensuimus: Sic enim immensam cladem quam excommunicatio inuehit, agnoscere licebit. Ducendum verò erit initium ab expensione damnorum, quæ excommunicatio infert uiuentibus, vt vidimus cap. 2. subiungeturque consideratio malorum quæ mortui fideles subeunt per excommunicationem de quibus c. 3.

Quantum

Quantum sit, privari excommunicatione externa humana.

5. Priuatio communicationis externæ quoad humanum & politicum conuictum, quam in prima acie cap. 2. locauimus, si benè attendatur, est omnino referta ærumnarum & calamitatis. Quantum enim est, interdici alicui omnium consuetudine? Hoc planè aliud esse non videtur, quàm exui vita hominis, & veluti in feræ statum redigi. Quod enim habetur apud Philosophum 1. Polit. c. 2. & ex Heraclito refertur à Stobæo serm. 3. *homo solitarius, aut Deus, aut fera est.* Nec dissimile est illud quod cum laude refert Guliel. Paris. 2. 2. de vniuerso, c. 91. *Vita sine socio, vita leonis, aut lupi est.* Hominis quippe est, socialem vitam ducere, & quæ animo ipse agitauerit, cum aliis conferre per sermonem & colloctionem. Eaque ex causa, sermonis facultatem solus accepit, adeo nexam cum vi intelligendi, vt de Philonis sententia, non secus se habeat ad eam, quàm germana soror ad sororem, vel quàm frater ad fratrem. Propterea enim l. quod deterius potiori insidietur, Mosem & Aaronè accipit pro symbolis intellectus & sermocinatricis facultatis, vt quemadmodum Aaron fratri Mosi interpretes datus est, ita & facultas loquendi, intelligentiæ tanquam germanæ subseruiat. Idem libro de somnis, tractans legem de pignore reddendo, sermonis vsum atque præstantiam splendide & copiose aperit. Cui ergo sermonis vsum eripitur, quod iis contingit qui procul ab omnibus secedere iubentur, & quorum colloctione prohibentur cæteri (nam aliis aures obstruentibus, sermo,

fermo, aëris inanis verberatio fuerit:) ad statum propè ferinum rediguntur, omnibus exclusi bonis quæ aliorum ingenia excogitare & per sermonem promere possunt. Nec si admissimus, infideles non vetari cū excommunicato agere & colloqui, eo quod interdictum communicationis cum excommunicato, ad eos qui foris sunt non extendatur, censendum est inde multum decedere de incommodo proposito: Imo teretissima excommunicationis facies agnoscenda inde est, cum S. Chrysostomo hom. 25. in ad Hebr. quod Ecclesia velit, suos plus ab excommunicato quàm ab infideli abhorre. Deinde hæc est quædam ad bestialem conuictum relegatio. Quid enim aliud sunt infideles quàm bestiæ quædam, quibus non est intellectus? Alibi dicuntur *qui non sunt*, nempe quod exteriùs præferunt, hoc est homines. Scitent Scripturæ, huiusmodi locutionibus de bestiali & ferino statu infidelium. Itaque cui sola cum infidelibus cōmunicatio permittitur, commercium tantùm cum bestiis humanam personam præferentibus indulgetur. Non plus profectò ab huiusmodi hominum laruis, de Deo vero hominis finè, de hominis officiis & debita humanæ vitæ conformatione audire licebit, quàm à bestiis si iuxta Pythagoricum commentum colloqui cum eis concederetur. Quare videmur posse iure concludere, eum in quem gladij Ecclesiastici mucro exeritur, ad bestiarum statum redigi, & vitæ humanæ ac rationalis vsu priuari.

Est exilium finitimum.

6. Facile est alia præterea ratione aperire, quo
parto

pacto qui excommunicatur, vita humana spoliatur ex hoc primo capite priuationum in quo versamur, seu ex interdicto communicationis ciuili & conuictus humani. Multatur enim morte ciuili, & quidem longè atrociorè, quàm quæ eo nomine à Iurisperitis est insignita. Exilium illi denominant mortem ciuilem, quod per exilium homo procul à patria & à notis statuat. Id enim non secus esse videtur, quàm morte multari. Et sanè Philo l. de Abraham, cum dixisset, exilium esse pœnam à capitali secundam, corrigens quod scripserat, addit, videri potius exilium aliquanto grauius extremo supplicio, & pro vna morte inferre innumeras, quod non sit vita quæ absque notorum consuetudine, inter ignotos exigitur. At nemo vnquam tam asperum tamque immire sustinuit exilium, quàm qui excommunicatur. Nam qui sit extorris è patria, quocunque commigret, alios inuenit plerunque lectiores & probatiores quibuscum degat, & vitam iucundiùs quàm in patria exigit: Vt propterea non multùm persæpè cruciet vel angat exulem, quod à patria & prioribus necessitudinibus remouetur. Quinetiam vt Seneca in Consol. ad Heluiam cap. 6. præclare prosequitur, in vrbibus populosis, maxima mortalium pars eodem est loco quo exules, id est peregrina. Dulcis quidem est sensus patriæ, ac vel si nidus rupi affixus & Ithaca quædam sit, pectus mulcet, vt est apud S. Augustinum serm. 68. de temp. & apud S. Ambrosium serm. 85. aliòsque adductos l. 4. de virtut. num. 400. & seqq. Experientia tamen testatur, plerisque eam dulcedinem facilè desipere, vbi primum alibi sedes fixerint, & vel affinitate contracta, vel coalitu amicitia, nouas inierint consuetudines. At
qui

qui excommunicatur, quocunque tandem migret, quia omnium societate prohibetur, verè exul & extorris vbique est. Imo quia ex solo patrio non truditur, eo duriùs vitam exigere cogitur, quod inter nos tanquam ignotus, ac velut omnium peripsema versatur. Alexander I. epistola 1. mortem hanc ciuilem & exilium excommunicati, disertè agnoscit. Obstruens enim (vt ait) vocem accusatoribus Episcoporum, dicit, scire se, eos quippe excommunicatos, diuinis actibus mortuos esse, hoc est esse quoad Deum mortuos, & *perpetua notari infamia, ac exilio dignos iudicari finitimo*. Vocat *exilium finitimum* excommunicationem, vt rectè interpretatus est Turrianus lib. 1. contra Magdeburg. c. 22. quod qui excommunicatur, non pellatur in oras longinquas, ac ne extra suam quidem ciuitatem ablegetur, sed tamen ita intra ciuitatem degat, vt omnium consortio abstinere iubeatur, quod est subire exilium finitimum. Idem voluit Bart. q. 1. n. 9. conferens excommunicatum cum bannito: & in l. 2. de publ. iud. cum deportato. Quamuis autè repetit. in l. *placet*, C. de sacros. Eccles. n. 5. secernat excommunicatione ab exilio, agnoscit tamen esse inter ea affinitatem. Gloss. ad c. *pastoralis*. de appell. & Ioan. And. c. *decernimus*. de sent. excom. in 6. excommunicatum æquiparant relegato. Vt vt sit, (nam hæ comparationes cauillis sunt obnoxia, vt infra videbimus) excommunicatus perinde ac extorris & exul, debet haberi mortuus ciuilitè, nec minùs ei statui potest cenotaphium, quàm desertoribus philosophiæ apud Pythagoræos, vt eos letho datos significarent, iuxta Origenem l. 2. contra Celsum. Fœtet sanè excommunicatus, vt apud S. Brigittam l. 6. reuelat. cap. 87. diui-

no viso est proditum. At fœtor, mortis obitæ & status cadauerini est argumentum.

7. Quod si aspera supra mortem ipsam visa est crudelitas Geiserici in S. Valerianum Abensem Episcopum octogenario maiorem, quem iussit ab omnibus repelli, non domo, non agro, non naui, aut vehiculo excipi, omnium denique peripsima & reiectamentum esse, ut scribit Victor Vticensis l. 1. persecut. Vandal. habemus profectò quomodò aliquatenus etiam supra mortem, prouehamus mulctam quæ excommunicato irrogatur. Nam æquè præcipitur ut nemo cum excommunicato agat, sed ab omnibus deferatur, solusque, & ab omnibus alienus degat. Non est quidem mens Ecclesiæ adeo seuerè cum excommunicato agere, ut prohibeat alios cum res feret, aliquid ei humanitatis causa præbere, quod disertè indulgetur cap. *quoniam multos*. 11. q. 3. quod caput ex Gregorij V I l. decreto est depromptum, adduciturque ab Iuone Carnotensi epist. 186. vbi obseruat permitti excipere excommunicatum hospitio, negata tantùm mensa & osculo. Fas item est, imo necessarium eleemosynam dare excommunicato, quoties præceptum eleemosynæ obligat, ut notat Lessius l. de iustit. c. 16. num. 80. Multo minus si grauis necessitas vrgeat excommunicatum, & quod clarius est, si extrema, negari iubet Ecclesia misericordiam, exhibitione subsidij necessarij ad vitam excommunicati tolerandam, aut graue ab eo damnum in corpore, alijsve bonis auertendum. Hac inquam seueritate non vult vti Ecclesia aduersus excommunicatum, quicquid sit, an pro aliquibus grauissimis sceleribus, quorum causa excommunicationem infligit, posset tantum rigorem usurpare

vsurpare. Et in hoc deficit proportio excommunicacionis, cum supplicio per trucem illum Vandalum imposito. Accedit tamen ad illud non parum, quatenus Ecclesia excommunicati horrorem omnibus incutit, & quantum per piæ matris benignitatem licet, ac Christianæ benignitatis & humanitatis iura patiuntur, reiectum ab omnibus atque desertum, & veluti proscriptum vult. Facit huc egregia Origenis disputatio hom. 9. in Ierem. cum exponit acerbicatem separationis peccatorum ab inuicem. [Peccatores (inquit) diuidentur ab inuicem, vt etiam in hoc, excruciatione pariter torqueantur. Scio quosdam Reges, eos qui imperio suo insidiati sunt, ad desertas insulas deportare solitos, & pro magnis suppliciis hoc iubere, ne in vno loco, exilij penuriam sustineant, sed in aliam partem orbis vxor, in aliam liberi exterminentur; vt ne in calamitatibus quidem suis perfruantur solatio, aut pater filij, aut mater filiæ, aut frater fratris. Simili modo & peccator, per quandam dispensationem Dei, maiora solitudinis tormenta perpetitur, si solus in exilium relegetur, vt emendatus in statum pristinum redeat. Et quomodo tu propinquos, vel liberos tuos non in forti ictu & irrationali coërces ira, sed per verba reducere quaris ab errore in quem incubuerant: sic Deus eos qui non poterant conuerti, doloribus & tormentis ad id retrahit quod ferunt secundum Scripturam dicentem, *per omnem dolorem & flagellum emendabis Hierusalem*. Vt igitur crescat dolor pænæ corripientis, ij qui corripiuntur ab inuicem separantur. Nam quodammodo leuius sit supplicium, si plures in eodem loco constituti mutuis se consolantur aliquis.] En statum excommunicati, cuius acerbicatem

intelligere præterea licebit ex eo quod ut est apud Procopium in histor. Arcana, Theodora Augusta non aliter Belisarium adigere potuit ad Antoninæ conjugis probra iugēsque & patentes spurcicias tacitè perferendas, quàm curando eius redactionem ad statum excommunicati, hac ex parte, hoc est interdicens eius consuetudine amicis illius ac notis qui plurimi ad illud vsque tempus Belisarium stipauerant. Quod *miserum & acerbum spectaculum, et si visum, haud tamen creditu facile*, vocat Procopius, eam ab amicis & notis abiunctionem, statuens asperrimam, & vel frangendo turpiter Belisarij animo idoneam, quod & factum est.

8. Satis de præcipuis & vniuersalioribus priuationibus, quæ excommunicatione inferuntur in genere humanæ communicationis. Minutiores verò priuationes istis supra adiunctas, quæ ad rem forensam spectant, non videntur hoc loco vrgendæ, quod magni momenti non sint apud plerosque, quibus forum constratum est muricibus, ut factum à Catone Censorio refert Plinius l. 19. cap. 1. ne ciues crebrò illuc commearent, vel si commeassent, diutiùs hærent. Quanquam nec negligenda prorsus homini cordato sunt commoda quæ his priuationibus cripiuntur, ac præsertim stillicidium illud diuinæ iudiciariæ potestatis, quod in excommunicato exarescere, plurimorum sensus tulit.

Expensa virulentia excommunicationis, ex priuatione communicationis in sacris.

Pergo ad seriem alteram priuationum externæ commu

communicationis, qua continentur damna longè maioris momenti, quippè cadentia in longè pretiosiora bona, nec sistentia in corpore eiùsve solatiis, sed ad animum quoque peruadentia. In quo Ecclesiastici huius gladij vim, præ acie gladij materialis celebrat S. Augustinus epist. 75. Inconsultissimè autem in contrarium hallucinatus est Lutherus articulo 23. ex damnatis à Leone X. cum dixit, excommunicationem ad summum esse pœnam externam, nec attingere animam. Similiter locuti sunt plerique Caponum DD. vt notat Nauarr. comment. in cap. *ita quorundam*. de Iudeis, notab. 11. num. 8. Latè id refellunt Petrus Soto lect. 2. de excomm. Couarr. in c. *alma mater*. in principio num. 9. Soto in 4. d. 22. q. 1. artic. 1. Caietanus t. 1. Opusc. tract. 19. Quæ subiiciam, id sufficienter euertent. Numerabam ergo inter priuationes communicationis in sacris, exclusionem à receptione Sacramentorum, & vsu sacramentalium quatenus Ecclesiasticis suffragiis & opibus ditatorum, necnon à præsentia in sacrificio, & quibusuis diuinis officiis, item à coniunctione in quibusuis precibus. Addebam priuatione administrationis actiuę sacramentorum, & habendæ prædicationis verbi Dei, quæ non sunt bona quibusuis fidelibus communia sicut anteriora, sed sunt bona propria sacrorum ministrorum. Quanta sit malorum moles his bonis excidere, expendendum est paulo diligentius.

Pretiositas, & utilitas Sacramentorum.

9. Ac primùm, inæstimabile mihi videtur damnum quod exclusione à Sacramentis infertur. Sunt

enim Sacramenta, *signacula visibilia quorum consortio fideles in unum religionis nomen coagulantur*, vt loquitur D. Augustinus l. 19. contra Faust. cap. 11. Neque verò sunt nuda signa, sed gratiæ feracia, & fontes Saluatoris, è quibus gratiæ & salutis aquas haurimus. Meritò *fontes*, quia per Sacramenta abluimur & potamur. Fontes autem *Saluatoris*, quia omnis eorum efficiencia ex Christi passi meritis promanat, iuxta Tridentinæ Synodi definitionem sess. 7. c. 6. vt bellè proinde consentiat quod proximè de Sacramentorum coagulo cum D. Augustino diximus, cum iis quæ habet Nazianz. orat. 42. *in fine*, de paucis guttis sanguinis Christi, in salutis humanæ miraculo idem vniuerso orbi præstantibus, quod lacti coagulum. Nam Sacramenta & sanguis Christi, se habent vt continens & contentum. Vis ergo Sacramentorum, est à Christo passio, eiusque sanguine. Et ideò candelabrum sempiternum, typus Sacramentorum nostrorum apud Zachariam c. 4. oleum quo lucernæ septem arderent, ducebat à lampade aurea super caput ipsius candelabri constituta, geminisque rostris & suffusoriis aureis instructa. Quod est symbolum apertissimum Christi Domini geminæ substantiæ Gigantis, gratiam ad nos per septem Sacramenta deriuantis. Eodem respexerunt varij Patres, qui dixerunt, Sacramenta ex perfosso Christi latere dimanasse. Ita nominatim August. 15. Ciuit. c. 26. & tract. 15. ac 120. in Ioan. & in Psal. 65. ac 138. Chrysostom. hom. 84. in Ioan. Ambros. l. 10. in Lucam cap. 105. Hieron. epistol. 83. S. Leo epist. 4. cap. 6. Damasc. 4. fid. cap. 10. Innoc. III. cap. cum *Martha*. de celebr. Miss. Non quod hi Patres velint, vim Sacramentorum deriuatam esse ex lateris perfossione,

sione, prout Christo iam mortuo illata est, qua ratione non fuit meritoria: sed quod tota Sacramentorum vis, ex Christi passione exoriatur. Consummatio quippe vniuersi meriti quod Christus parauit, facta est in passione, cuius complementum fuit lateris perfossio, à Christo etiamnum uiuo præuisa & acceptata, ac eatenus meritoria. Et quia sanguis & aqua, quorum effluxus eam perfossionem lateris est subsecutus, interueniunt in duobus præcipuis Sacramentis, non abs re existimatum est, Christum illis veluti symbolis significatum voluisse, vndenam vis Sacramentorum proficiscatur; nempe ex passione, cuius veluti obsignatio, fuit ea lateris perfossio. Sunt igitur Sacramenta, velut lecythi quibus oleum lætitiæ, gratia inquam sanctificans, & auxilia ad iustè & piè viuendum necessaria, continentur.

10. Inde pretiosissima hæc dona depromere, magna facilitate & propè certitudine possumus. Quid enim facilius, quàm externa illa symbola vsurpare absque obice? Antiqua quidem Sacramenta, erant egea & vacua elementa: quia si quid gratiæ ea vsurpantibus conferebatur, non obtinebatur ex vi Sacramentorum illorum, quasi eorum applicatio esset gratiæ ferax, sed ex vi operationis quam homo Sacramentum recipiens adiungebat; hoc est contritionis perfectæ aut dilectionis, qui actus admodum operosi sunt, & frequenter absunt cum putantur exerceri. Tantùm ex speciali Dei prouidentia, ne paruulorum omnium salus periclitaretur, ad sacramenti primi applicationem; (non dico *per eam*, sed *ad eam*, vel *in ea*) dabatur paruulo gratia sanctificans, qua ab æterno exitio eximeretur. Adultus verò si illud ipsum Sacra-

mentum, v. g. circumcisionem suscepisset, nihil in ea susceprione accepisset gratiæ, nisi quantum contritioni vel amorì quem elicuisset, deberetur. At nouæ legis Sacramenta, quia producunt gratiam per nudum exercitiũ & vsurpationem externi ritus à Christo præscripti, veluti grauidati diuinitus inclusione meritorum ipsius Christi; idcirco dummodò conueniens dispositio adsit, quæ facillima adhibitu est, gratiam illico infallibiliter conferunt. Est itaque hæc parandæ & augendæ sanctitatis ratio longè facillima, & vt addebam, prope certa; in quo hic modus spiritualiter distendi, longè differt à modo parandi gratiam per antiqua Sacramenta, & actus nostros seorsim à nouis Sacramentis. Olim siquidem tota gratia, quoad adultos, actibus eorum parabatur, ex opere (vt vocant) operantis: quod nunc item locum habet, cum paratur, vel augetur gratia extra Sacramenta. Nihil verò procluius & frequentius est, quàm vt operationibus nostris teredo vitians adnascatur: vt inquam circumstantia aliqua vitians adiungatur, quæ sit radix amaritudinis & vniuersam operationem inquinet, quia malum ex quocunque defectu. Ex operatione autem quomodolibet inquinata, velut ex scrobe lutulenta, pellucidus gratiæ latex expectandus non est. Quod incommodum sanè frequens, ex quo intercipi valdè sæpè quæstum gratiæ nostris operibus acquirendæ magna suspicio est, cessat in Sacramentorum vsurpatione: quia rudis illa & imperfecta dispositio, quæ consentaneè ad rei naturam deposcitur simul cum Sacramento nouæ legis per adultum suscepto, adeò facilis paratu est (quippe imperfectissima & permodica) vt nisi mens suscipientis læua & nimium à bono suo

suo auersa sit, ægrè contingat inde periclitari gratiæ adeptionem. Ea porrò dispositione adhibita, Sacramentum se solo tanquam fœtum Christi meritis, producit sanctitatem; hoc est confert diuinam filiationem, peccati lethalis absterisionem, ius ad hæreditatem diuinam, omniâque illa bona quæ præparauit Deus diligentibus se.

11. Hoc omnibus Sacramentis ita commune est, vt insuper cuilibet Sacramento sua peculiaris gratia actualis respondeat, consentanea fini in quem varietas Sacramentorum est prouisa, vt benè philosophatur Alanus l. de sacram. c. 40. & Soto in 4. d. 1. q. 3. articulo 2. aliique communiter. Quare cum Baptismus idcirco sit institutus, vt in eo homo regeneretur, & quod est matrix embryoni hoc homini mystico sit aqua, iuxta Chrysostomum hom. 25. in Ioan. idcirco hoc Sacramentum, præter gratiam sanctificantem quæ est primarius & communis omnium nouæ legis Sacramentorum partus, confert homini renato ius congruo tempore explendum, vt accipiat auxilia, quibus nouam vitam secundæ generationi consentaneam viuat. Similiter cõfirmatio, quia est veluti inunctio athletarum Christi, & idcirco prouisa est, vt non exhorrescamus hostes fidei quam in Baptismo sumus professi, inuehit supra gratiam sanctificantem, lumina & suauitates supernaturales, quibus perstemus constantes in fide. Eucharistia cibatur spiritualiter: fouet enim gratiam & vitam spiritualem præiacentem, eamque auget, & aduersus intestini ignis iuges inuasiones seruat, non secus ac cibus ingestus, depastionem humidi radicalis ab igne domestico, vnâque vitæ excidium prohibet. Pœnitentia vulneribus irrogatis me-

detur, depellens mortem illatam, & restituens vitam amissam, ac ne denuò amittatur, & vt concepta à culpis remissis auersio perseueret, præstat per proportionata auxilia. Extrema vnctio, & gratia sanctificante, & iis auxiliis diuinis dicitur hominem, quibus cum defecerit virtus eius, in extremo agone duret inuictus. Ordo noua sanctitate cohonestat initiatos, additque vires, quibus dignè Dei ministris, & cum fructu populorum, exigant vitam. Matrimonij denique sacramentum, coniugibus & sanctificationem confert, & in tēpore opportuno aduocat illustrationes & gustus supra naturam, quibus iuuētur ad sanctum conuictū, & tribulationem carnis Christianè perferendam: Innumeras inquam cōiugij molestias, patienter & cum fructu deuorandas, piēque educandam & cœlo inferendam prolem. Nimirum in singulis Sacramentis, vt habet autor sermonis de Baptismo apud Cyprianum, [consecrationibus visibilibus, inuisibiliter manum totius bonitatis autor apponit, & plenitudinem gratiæ, vnctionis diuinæ pinguedo sanctificationibus officialibus infundit.] *Plenitudinem inquam gratiæ*, atque adcò non tantū gratiam sanctificantem, sed etiam actualem fini sacramenti proportionatam, & necessitati suscipientis congruentem.

Infertur quàm sit damnosum, usu eorum arceri.

12. Ex his, vel cæco perspicuum duco, quantum sit damnum in exclusionē à Sacramentis, quàmque calamitosum sit, prohiberi accessū ad hos diuinos fontes, quibus absque argento emitur aqua salutis. Vt mirari sæpè subiuerit, stuporem Christianorum, qui diuinarum

uinarum harum fauissarum probè conscij, tam parcè earù immensas opes summa facilitate parabiles eruant, cum tamen in terrenas (vt vocantur,) diuitias, reuera autem paupertatis nostræ argumenta, tanto ardore ferantur. Sed horum supinitatem ex caligante fidei oculo, dimittamus in præsentia. Sed & illos nunc prætereamus, qui conscij sibi grauis noxæ, [arbitrantur hoc esse pœnitentiam, (ait S. Ambrosius l. 2. de pœnit. cap. 9.) si abstineant à Sacramentis cœlestibus. Hi sæuiore in se iudices sunt, qui pœnam præscribunt sibi, declinant remedium, quos vel pœnam suam conueniebat dolere, quod cœlesti fraudentur gratia.] Hos omnes missos faciamus. In eorum potiùs calamitatem intendamus animum, qui arcantur tantis bonis, & proli non caballino sed cœlesti fonte, Christi laticibus exundante prohibentur. Hi sunt quos excommunicatio perculit. Nam quandiu excommunicatione non exsoluuntur, verantur frui Christianis Sacramentis. Quæ ergo miseria conferri cum ista potest, si attentè expendatur? Ius habent quia fideles sunt, ad potiendum Christi sanguine, nec tamen sinuntur iure illo vti, quasi pro illis mortuus non sit Christus. Sunt partes familiæ locupletis, in qua bonorum omnium vberriima copia est, in qua multi mercenarij abundant panibus, ipsi verò interim fame pereunt.

Specialiter de exclusionè à Sacramento. Pœnitentia.

13. Magna planè & maximè formidanda priuatio, quoad quæcunque Sacramenta. Nullo tamen ex capite miserabiliores videri debent qui ab omnibus Sacramentis arcantur, hoc est excommunicari, quàm penes

penes remotionem à pœnitentiæ & Eucharistiæ Sacramentis. Nam pœnitentia est in eum finem instituta, vt peccatorum sordes quibus in singula penè momenta inquinamur, abstergat; vt vulnere quibus sauciati miserè iacemus, obducatur; vt morbos ex tam multis capitibus contractos, sanet; vt debitorum nostrorum chirographa, dissoluatur; vt captiuitatem qua peccatores à peccato & Satana opprimuntur, appenso Christi sanguinis litro depellat; vt iniurias quibus nomen violauimus, expromptis Christi satisfactionibus adæquatè reparet, nōsque Deo cōciliet, & in pristinam beneuolentiam amicitiamque, qua nullum est bonum pretiosius, postliminio restituat; vt relabendi in tanta lubricitate nostra facilitatem tollat; firmitatem in via salutis gradiendi præstet, & securā ad cœlos regressionem, diuinum ductum sequentibus tribuat. Tot modis vnum Sacramenti Pœnitentiæ effectum expono, vt eius summa necessitas fiat apertior. Quem ergo eius esse statum dicemus, qui fimo oppletus & cæno oblitus, prohibetur adhibere publicas & omnibus patentes aquas quibus sordes abstergat, sēque labis purum & nitentem præstet? Qui vulneribus plurimis certam mortem inferentibus, vel ad eam disponentibus, admouere non potest medelam prostantem cæteris, similiter, aut etiam deterius sauciatis, quasi non sit resina in Galaad. Qui ægrotat, & adiri à perito Medico, eūmve adire prohibetur. Qui grauatus, aut etiam oppressus ære alieno, ideōque contrusus in neruum, & compactus in ergastulum vbi pædore tabescit, & fame conficitur, pecuniarum sacculos quos domi habet, recludere impeditur. Qui infamem & ærumnosissimam sub peccato & Satana Tyrannis

Tyrannis immanissimis seruitutem seruire cogitur, nec potest sibi redimendo, litrum à Christo prouisum adhibere. Qui Deo exosus, & spoliatus cœlestibus sanctificantis gratiæ bonis quibus miserè excidit, perstare in illa egestate adigitur; vel saltem vti non potest ea ratione hæc bona recuperandi, quæ sola facillima est, & propè certa. Ad extremum, qui in via tenebrosa & lubrica, Angelo Domini persequente, ne quid ad prolapsionem desit, destituatur virga sustentante & baculo fulciente, viatores consolantibus. Neminem puto fore adeò salutis suæ incurium, aut negotij parandæ beatitatis æternæ, præ quo omnia negotia pueriles nugæ sunt, tantoperè despicientem; vt non videat, arceri participatione tanti Sacramenti, cumulum inferre damnorum qui omnem subductionem transcendat, omnem æstimationem infinitis partibus superet.

Sed præsertim Eucharistia.

14. De exclusionè verò ab Eucharistiæ Sacramento, quid dicam? Hoc Sacramentum, vt cæteris dignitate longè præstantius, ita efficacitate est planè eximia. Hic est fons Paradisi, ait S. Chrysostom. hom. 45. in Ioan. *in fine*. Hic, ad eandem mensam ad quam Angeli in cœlo relictis sipariis accumbunt, nos quoque per velamen admittimur, vt S. Bernardus serm. 33. in Cant. egregiè notauit. Hic, de ipso Christi sanguine potamur. [Quoties enim ad calicem admirandum accedimus, velut ab ipso latere haurimus,] inquit S. Chrysostomus hom. 84. in Ioan. Hinc existit spiritalis verèque optanda ebrietas, quæ cordis vigiliam

liam non intercludit, iuxta præclaram Nysseni de hoc mysterio philosophiam hom. 10. in Cant. & Chrysostomi t. ser. Græcol. serm. 34. Qui item serm. 24. in 1. ad Cor. ad illud, *calix cui benedicimus*, contestatur *omnem Dei benignitatis thesaurum* nomine Eucharistiæ proponi; hinc omnia nobis exoriri bona confirmat. Quare communicaturum hæc apud se recogitare iuber. [Quando corpus Christi tibi videris propositum, dic: Propter hoc corpus non sum ego amplius terra & cinis: non sum amplius captivus, sed liber: propter hoc, spero me accepturum cælos & omnia bona, quæ in eis sunt, vitam immortalem, Angelorum conditionem, cum Christo consuetudinem. Hoc corpus clavis confixum & flagris cæsum non tulit mors. Hoc corpus in crucem actum sol cum vidisset, suos auertit radios. Propter hoc, & velum tunc scindebatur & petra rumpebatur, & terra quatiebatur. Hoc est illud corpus quod fuit cruentatum, quod lancea percussum, & salutare emisit fontes vniuerso orbi terræ, vnum quidem sanguinis, alterum vero aquæ.] Hoc inquam est illud corpus, cuius passionibus & morte, omnia bona adepti sumus.

Immensi ergo fructus Sacramentum, prohiberi sumere, & à tam eximia cum Christo coniunctione remoueri, quod excommunicato contingit, iactura est quam nullum exæquare possit dispendium. Et ex hoc nominatim capite, excommunicationem summo horrore esse oportere Christianis, S. Cyprianus lib. de Orat. Domin. num. 47. egregiè his verbis exposuit, tractans priorem sensum panis quotidiani quæ Christus pascere docuit.] Panis vitæ Christus est, & panis hic omnium non est, sed noster est: & quomodo dicimus

cimus *pater noster*, quia intelligentium & credentium pater est : sic & *panem nostrum* vocamus, quia Christus, noster (qui corpus eius contingimus,) panis est. Hunc autem panem, dari nobis quotidie postulamus, ne qui in Christo sumus, & Eucharistiam quotidie ad cibum salutis accipimus, intercedente aliquo grauiore delicto, dum abstenti & non communicantes, à cœlesti pane prohibemur, à Christi corpore separemur, ipso prædicante & monente : *Ego sum panis vite qui de cœlo descendi. Si quis ederit de meo pane, viuet in æternum. Panis autem quem ego dedero, caro mea est pro seculi vita.* Quando ergo dicit in æternum viuere, si quis ederit de eius pane, vt manifestum est eos viuere, qui corpus eius attingunt, & Eucharistiam iure communicationis accipiunt: ita contrà timendum est & orandum, ne dum quis abstentus separatur à Christi corpore, procul remaneat à salute: comminâte ipso & dicente, *nisi ederitis carnem filij hominis, & biberitis sanguinem eius, non habebitis vitam in vobis.* Et idè *panem nostrum*, id est Christum, dari nobis quotidie petimus, vt qui in Christo manemus & viuimus, à sanctificatione eius & corpore, non recedamus.] Nec alius fuit sensus aliorum multorum Patrum, qui similiter ac Cyprianus, nomine panis quotidiani quem poscere edocti à Christo sumus, intellexerunt Eucharistiam, indèque increparunt Christianos, quod cibum quotidianum, infrequenter ac tardè sumerent. Ita optimè S. Ambros. l. 4. de Sacram. c. 5. S. August. serm. 28. de verb. Dom. Venantius Fortunatus in expositione orationis Dominicæ, aliique non pauci.

15. Vnde verò robur & fortitudinem hauriet Christianus, aduersus iuges impetus carnis, & Satane?
Vnde

Vnde planè, nisi ex hac panoplia, à Christo instructa ad munimen Ecclesiæ suæ? Est enim reuera Eucharistia, scutum cordis, & validum munimen aduersus assaultus perpetuos truculentissimorum & inconciliabiliter nobis inimicantium hostium: vt propterea sapienter Præsules Synodi Africanæ, quorum literæ extant apud S. Cyprianum epist. 54. cum prius sanxissent, vt seclusa ægritudine negaretur lapsis Eucharistia, sententiam retexuerint excitato postmodum turbine nouo persecutionis; & rationem his verbis reddiderunt num. 6. [Meritò trahebatur dolentium pœnitentia tempore longiore, vt infirmis in exitu subueniretur, quamdiu quies & tranquillitas aderat, quæ differre diu plangentium lacrymas, & subuenire serò morientibus in infirmitate pateretur. At verò nunc non infirmis, sed fortibus pax necessaria est, nec morientibus, sed viuentibus communicatio à nobis danda est, vt quos excitamus & hortamur ad prælium, non inermes & nudos relinquamus, sed protectione sanguinis & corporis Christi muniamus: Et cum ad hoc fiat Eucharistia, vt possit accipientibus esse tutela, quos tutos esse contra aduersarium volumus, munimento dominicæ saturitatis armemus. Nam quomodo docemus aut prouocamus eos, in confessione nominis sanguinem suum fundere, si eis militaturis Christi sanguinem denegamus? Aut quomodo ad martyrij poculum idoneos facimus, si non eos prius ad bibendum in Ecclesia poculum Domini, iure communicationis admittimus?] Rectè & sapienter. Nam ex Eucharistiæ sumptione, deriuatam fuisse infractam in tormentis constantiam Martyrum, Isaias interprete B. Iustino agnouit. Ita enim Iustinus cum Tryphone

Tryphone agens accipit illud Isaïæ cap. 33. *Panis ei datus est, aqua eius fideles sunt.* S. item Augustinus tract. 27. in Ioan. *in fine*, fortitudinem S. Laurentij, refert ad vsum huius Sacramenti: hoc quippe pane saginatum, & hoc calice ebrium, ad tam atrocem excarnificationem factum esse quasi sine sensu, quin etiam idoneum scommatis incessere Tyrannum, arbitratur. Rursus serm. 13. de sanctis, eodem refert S. Vincentij constantiam miraculo parem. Itaque excommunicatus, qui viuifico hoc cibo & verè firmamento in terra, vt vocat Psaltes, per culpam suam destituitur, hostilibus incurribus quibus semper patemur, impastus & intectus misere obiiicitur, indubiè sternendus & crudeliter conterendus.

16. Specialiter verò, est quod in homine cui hoc pietatis Sacramentum negatur, ea ariditas commiserationem moueat, quam abditus medullis & nobis omnibus à natura confertus ignis, pice & adipe ac naphtha, aliisque externorum fomentorum irritamentis affatim suppetentibus, & Satanæ suggestionem ingestis pastus, inferre animo solet: ita vt fas sit ei qui eiusmodi est, pronunciare de seipso, quod Dauid Psal. 101. in eius persona, tanto antea protulit: *Percussus sum vt fœnum, & aruit cor meum, quia oblitus sum comedere panem meum.* Hunc enim locum S. Gregorius, & Cassiodorus, de pane Eucharistico accipiunt, cuius obliuio, id est prætermissio, ariditatem cordis inducit, & plenam vniuersi succi pietatis exsiccationem; concupiscentiæ veluti Sole, sub nube torrente, qui propaginem fortium marcescere facit, iuxta Prophetam. Verè hæc est miseranda atrophiam, ex qua subiecto, non macies modò infertur, sed & tabes, ac certū exitium.

Claudamus hoc punctum verbis Nysseni orat. in eos qui ægrè ferunt reprehensiones, sub finem. [A mysteriis quidem arcanorumque communione Sacramentorum, culpa nostra decidimus & separamur, nec tamen studium, ac diligentiam adhibemus, ut ad ea fruenda reuertamur, sed ut vilia, & quæ paruo pretio redimi possint, contemnimus. Considera, homo, qua dignitate iam ornatus fueris, nunc autem careas. Si regiae mensæ particeps, ab eo honore ob crimen aliquod excidisses, quantam pecuniæ vim expenderes, ut in Regis gratiam redires, ut honorem pristinum redimeres? Quorum autem fores supplex, hæsitans, dolens, frequentares? Vitam profecto ipsam, tibi acerbam duceres; squalore, & luctu, & vultus demissione, dolorem animi præ te ferres; omnem denique, (ut aiunt,) moueres lapidem, ut ab ea te calamitate liberares.] Est igitur multo conuenientius ac necessarium omni studio conniri, ut qui à cœlesti Regis Regum mensa, in qua immortalis cibus & vita ipsa gustatur, relegatus est, nihil prætermittat, ut frui denuo tantis epulis liceat: ne à vita extorris fiat. Nam etiam Punici, ut S. Augustinus l. 1. de peccat. mer. c. 24. testatur, sicut *salutis* nomine Baptismum, ita nomine *vite* absolutè usurpato, Eucharistiam designabant.

*Quàm graue excommunicato, priuari
Sacramentalibus.*

17. Damno quod ex Sacramentorum priuatione infertur, adiunctum ac veluti continens est, damnum quod sequitur ex priuatione Sacramentalium. Hæc enim utilitatis sunt permagnæ. Non quod gratiam

Damna viuorum ab excom. 403

tiam sanctificantem recipienti conuehant ex opere operato, sed quod efficacitate polleant ad bonos motus excitandos, vnde gratiæ prouentus potest existere. Eam porro vim sortiuntur, primùm quidem per inodum signi refricantis recordationem, & excitantis memoriam, quemadmodum voces & imagines, excitando memoriam, dicuntur mouere ad deuotionem, & ciere sensa pietatis. Hæc vis, ex natura rei consequitur deputationem huiusmodi rerum ad cultum diuinum. Similiter ac ablutio in baptismo Ioannis ob deputationem præuiam, ingerebat memoriam internæ ablutionis per contritionem. Deinde oritur vis illa Sacramentalium, ex eo quod per benedictionem Ecclesiasticam quasi graudentur communibus Ecclesiæ suffragiis, per ordinem ad impetrandum à Deo bonum aliquem effectum: V.g. vt homo concipiat dolorem peccatorum, aspersus lustrali aqua: Vt facilius exaudiatur à Deo orans in templo consecrato: Vt abigatur Satanas, adhibita re per certam benedictionem sanctificata. Quia enim Deus Ecclesiam diligit, hæc autem benedicens aut deputans aliquid in Sacramentale, poscit à Deo, vt quisquis fidelium huiusmodi rem vsurpauerit, hunc illumve effectum obtineat; non est dubium, quin intra limites impetrationis, atque adeò citra infallibilitatem, plurimum fiduciæ ad talem effectum consequendum, possit in ea vsurpatione collocari. De ea fiducia deiicitur excommunicatus, quia Ecclesia non vult preces suas, quibus vniuersa vis impetrandi Sacramentalibus inserta nititur, fructuosas esse excommunicato, easque quoad illum, non concludit intra rem quæ est veluti materiale Sacramentalis.

18. Quare perinde est excommunicato, aspergi aqua benedicta, ac aspergi aqua profana, quantum attinet ad effectus quos aqua ex Ecclesiæ benedictione consequitur. V. g. impetrationem bonorum mortuum, depulsionem dæmonum, & quod multi asserunt, absterisionem venialium. Perinde item illi est, orare in templo, ac domi, vel vbilibet; quantum attinet ad fructum ex loci consecratione aut benedictione manantem, qui est insignis. Est enim longè fructuosius orare in templo consecrato aut benedicto, quàm alibi, vt rectè affirmant Gers. tract. de mystica Theol. pract. consider. 9. Durantus l. 1. de ritibus cap. vltimo num. 6. Suarez t. 3. 3. p. d. 81. s. 1. & 2. & l. 3. de orat. cap. 7. num. 12. Caracciolus ad regul. cleric. Reg. p. 1. c. 8. num. 3. benèque Anastasius in vita Stephani VI. ex eius ad populum allocutione de reuerentia in templo. Possuntque eodem referri quæ S. Chrysostomus homil. 3. contra Anom. & hom. 79. ad popul. alii-que Patres tradunt de fructuosiore oratione in templo. Videretur adscribendus Origen. tract. 35. in Matth. ad illud, *Tunc venit IESVS cum illis in Gethsemani.* Sic enim ibi scribit. [Conueniebat autem & priusquam proderetur, orare; & orandi eligere locum mundum, ad orationem. Sciebat enim quod sicut differt aer ab aere mundiore, sic terra sancti loci & sanctioris, sicut scriptum est, *locus in quo tu stas, terra sancta est.* Et quæras, si præter affectum orantis, etiam ex loco orationis in quo quis orat, sit oratio mundior & acceptabilior, secundum quod scriptum est, *domus mea, domus orationis vocabitur*: de qua & alibi dicitur: *Exaudiuit de templo sancto suo vocem meam.*] Ita ibi Origenes, qui nequaquam hanc sententiam retractat, cum

mox

mox subiungit, virum iudæum de his non dubitaturum. Id enim tantum pertinet, ad commendandum monitum quod statim addit, cui iudæus non subscriberet. Eodem pertinere videtur, quod in Concilio Gangrensi cap. vltimo, damnantur qui pietatem priuatis domibus concludebant, commendaturque oratio facta in aede sacra, haud dubie quia fructuosior, ob loci sanctitatem ex Ecclesiæ benedictione, aut consecratione. Tametsi verò ita res habet quoad alios fideles, tamen quoad excommunicatum, perinde est orare in vico, vel platea publica, aut domi, ac in templo. Nam quicquid templo inest, propter quod oratio in eo fusa est vtilior, pertinet ad preces Ecclesiæ, quibus generaliter à Deo petiit, vt quicumque ibi orabunt, bonos motus assequantur, aut facilius exaudiantur, quas preces Ecclesia noluit excommunicato suffragari.

Itémque Missa auditione.

19. Sequitur dispendium ex prohibita sacri auditione. Quod vt ingens esse appareat, consideranda sunt duo. Nempe honor ex assistentia sacrificio præstita, Deo delatus; & fructus assistenti repensus. Honor qui Deo exhibetur audiendo sacrum, est omnino insignis. Certum quippe est, summum actum cultus quem Deo exhibere possumus, situm esse in actione sacrificandi, & præsertim in sacrificio Christiano. Nam ex genere suo, seu quatenus sacrificium est, continet solemnem contestationem diuini dominij supremi, & summam gratiarum actionem quam possumus Deo rependere. Quatenus autem est sacrificium tale, hoc

est idem quoad rem oblatam cum sacrificio crucis, eadem præstat excellentissimè, insuperque est propitiatorium, & Deo placando, ac conciliando vniuersis mortalibus opportunissimum. De cultu Dei supremo per hoc sacrificium, benè ex variis præsertim Augustini locis, Alanus l. de Missa cap. 26. & qui ante institutum hoc sacrificium defuisse Deo plenam laudem pulcherrimè ostendit Gul. Paris. tract. de Euchar. cap. 2. *sub medium*. Quia verò nunc in lege noua, hoc sacrificium quod in Missa peragitur, vnicum est, nec eius celebratio concessa est à Christo omnibus fidelibus, sed iis tantum qui ad id ritè initiati & consecrati fuerint, propterea ne cæteri fideles priuarentur insigni illa diuini cultus supremi exhibitione, & gratiarum actione pro acceptis bonis, necnon placatione pro offensis, prouisum à Christo est, vt illa sacrificandi actio, posset omnibus vtriusque sexus Christianis aliquatenus esse communis; non modò sacrificando per Sacerdotem, vt dixit Fulbertus epist. 53. sed etiam per seipsos: quod faciunt assistendo rei diuinæ, & eam sua præsentia ratam habendo, moralitèrque aliquatenus cooperando actioni sacrificandi. Aliquatenus enim cooperatur Sacerdoti sacrificanti, moraliter loquendo, qui astat sacrificanti, approbans quod ipse facit, ei que consentiens. Hanc rationem sacrificadi omnibus Christianis communem, insinuasse arbitror S. Chrysostomum hom. 18. in 2. ad Corinth. *sub finem*. Eandem quoque significasse videtur Petrus Damiani Opusc. 11. cap. 8. benè confirmans ex variis particulis Canonis Missæ, non sacerdotem duntaxat, sed alios quoque qui sacrificio assistunt, sacrificare & offerre. Astipulantur Innoc. Alber. Alcuin. Odo Camer. & Steph.

Damna vinorum ab excomm. 407

Steph. Eduenf. quos in eam rem citat Durantus lib. 2. de ritibus cap. 34. num. 7. ad illam Canonis partem, *vel qui tibi offerunt*. Et cap. 36. num. 1. ad illa verba, *sed & cuncta familia sua*. Hinc illud inter Christianos adedò arctum præceptum assistendi sacro, iis diebus quibus feriandum est, & specialiùs intendendum diuino cultui: quod per se loquendo obligare sub peccato lethali pro qualibet vice, communis est sententia Doctorù iuris ad cap. *Missas*, & ad cap. *Omnes fideles*, de consecr. dist. 1. & scholasticorum in 4. d. 13. vel 3. p. q. 83. artic. 6. ac summistarum v. *Missas*, & v. *Feriarum observatio*. latè in hanc rem Suarez lib. de festis cap. 15. Nimirum quia Ecclesia probè conscia obligationis qua fideles astringuntur ad cultum certis temporibus Deo exhibendum quàm possunt summum, idque per assistentiam Missæ sacrificio exhibitam præstari agnoscens, meritò illos festis diebus adigit ad assistentiam prædictam, quamuis eos non urgeat vt assistant confectioni cæterorum Sacramentorum, quia non sunt instituta ad finem cultus quem huic sacrificio præfixum diximus, vt benè considerauit Alanus l. de Missa cap. 27.

20. Iam fructus fidelibus ex hac assistentia proueniens, præter eum qui communis est omnibus religiosi actibus, duci peculiariter potest ex honore què Deo exhiberi diximus per hoc sacrificium, & ex gratiarum actione ac propitiatione numinis, eidem honori cõserta. Quid enim fructuosius esse queat Christiano populo, quàm excellētissima veneratione prosequi Deum, eique eminentissimo modo gratias agere, nec sibi tantum, sed & vniuerso orbi illum propitiare? Est & alius fructus quem graues DD. agnoscunt

conferri assistentibus sacrificio Missæ; & quidem ex opere operato sacrificij, etiamsi Sacerdos speciali sua intentione de eis non cogitet. Tradit hæc sententiam Caietanust. 1. Opusc. tract. 3. q. 2. Syluest. v. *Missæ*, 1. q. 9. Valen. t. 4. d. 6. q. 11. p. 1. §. 25. & Suar. 3. p. q. 83. art. 1. disp. 79. l. 8. versic. *Quartò de cæteris*. Et ratio suffragatur. Cum enim oblatio sacrificij Christiani, sit fructuosa ex opere operato quoad remissionem aliquam pœnæ peccatis abolitis debitæ, prositque etiam quoad impetrationem variorum spiritualium & temporalium bonorum, iuxta subiectorum indigentiam & dispositionem, ac diuinæ prouidentię ordinem: conuenientissimum est, vt quotquot ad hanc oblationem concurrunt, feracitatis eius sint participes. Igitur qui assistunt sacrificio, quandoquidem ad illud concurrunt honestando præsentia sua ratamque habendo actionem sacrificandi, participant eiusdem fructibus, seorsim ab applicatione primarij ministri, siue Sacerdotis. Et idcirco fideles, ab ipsis Ecclesiæ cunabulis summopere solliciti fuerunt, vt sacrificio Missæ singulis diebus assisterent, etiamsi obligatio præcepti tantum vrgeret pro diebus festiuis. Non video autem quàm solidè Petrus Blesensis in calce sermonis 43. assermet, olim laicos diebus duntaxat festis interfuisse sacro, indèque vsum manasse claudendi sacrum festis diebus, ea ad populum allocutione, *ite, Missa est*, quæ fiebat populo potestas abeundi, quæ non fiebat alijs diebus quibus sacro aderant soli Clerici, vnde ad Deo benedicendū monebantur, nō autem ad abeundum. Hęc inquam Blesensis obseruatio mihi non probatur, & melius ex alijs, circa has claudēdi sacri varias formulas, philosophatur Durant. l. 2. de ritib. c. 56. n. 5.

21. Ex his patere perspicuè videtur , quanto damno suo , excommunicatus , sacrificij assistentia prohibeatur. Eo ipso namque , eripitur ei supremus modus Deum colendi, & gratiarum debita actione prosequendi, itémque placandi : quorum tamen actuum immensa cuius est necessitas , simul & vtilitas. Præterea eripitur ei modus facillimus & expeditissimus, tollendi reatum ex culpis remissis superstitem : nec non impetrandi à Deo varia bona spiritualia & temporalia. Quod si non ipsius sacrificij vim assistentibus proficuum, vt nunc fecimus, sed ipsorum assistentium orationes considerare placeat , nullum est tempus ad impetrandum opportunius , quàm tempus huius sacrificij , vt propterea Angeli ipsi , hanc occasionem captent ad offerendas Deo preces suas, iuxta S. Chrysostomum orat. de S. Philogonio, & ad finem orationis de non contemnenda Ecclesia & mysteriis , & optimè orat. 3. contra Anom. verbis illis. [Tempore illo , mi frater , non solum homines clamorem illum horribilem reddunt , sed etiam Angeli Domino genu flectunt, & Archangeli rogant, habent sibi tempus id idoneum, habent sacram illam oblationem in fauore. Itaque vt homines ramos olearum gerentes, mouere Reges consueuerunt , eoque arboris genere misericordiam commemorant & humanitatem : sic Angeli tunc pro ramis oleagineis, corpus Domini ipsum prorentes, rogant pro genere humano, quasi dicant; pro his Domine rogamus, quos tu adeò dilexisti , vt pro eorum salute mortem obires, animamque in cruce efflares: pro his supplicamus, pro quibus ipse tuum largitus es sanguinem : pro his oramus , pro quibus corpus hoc immolasti.]

Quæ ergo & quanta miseria est, impediri ad Deum accedere, eo tempore & loco, quo maxima spes esset orationem non fore cassam? Et verum quidem est quod idem S. Chrysostomus in Psal. 145. optimè tradit, Deum ea esse facilitate & benignitate, ut oraturis nobis non sint captandi molles aditus: Tamen non omnes qui ad Principem admittuntur porrecturi libellum supplicem, quoties admittuntur, eandem Principis ad annuendum porrectis precibus dispositionem experiuntur: sed pro varietate circumstantiarum, facilius aut tardiùs exorant quod petunt. Et eodem modo contingit circa Deum, qui maximè per tempus sacrificij, facilem se præbet ad audiendas preces nostras.

Exclusio excommunicati à sacris cætibus, & publicis precibus, quàm damnosa.

22. Progredior ad dispendium quod subit excommunicatus per exclusionem ab oratione publica, quo nomine officium Ecclesiasticum, & supplicationes sacras, & quasuis preces in sacris fidelium conuentibus, comprehendo. Est autem conuentuum illorum, & ut Tertullianus dixit coitionum in vnum ad vñ faciendam Deo, singularis omnino iucunditas, quam iuuerit in huius puncti aditu agnoscere ex illa S. Chrysostomi allocutione ad suos homil. 1. de verb. Esaiæ, *in initio*, verbis illis. [Angelicorum ordinum stationem imitantes, sine cessatione laudes & hymnos offertis conditori. O mira Christi dona! In supernis exercitus Angelorum canunt gloriam, in terris homines in Ecclesiis choros agentes, ad illorum exemplum,

plum, eandem canunt gloriam. In supernis Seraphim, ter sanctum illum hymnum resonant; in terris eundem hominum promit multitudo, communiterque tum cœlestium, tum terrestrium plaudit celebritas, vna gratiarum actio, vna exultatio, vna beneuolentis, gaudensque choreæ statio. Hanc enim ineffabilis Domini sese ad nos demittentis bonitas comprobauit; hanc electam, Spiritus congregauit sanctus: huius vocum concentus, paterno beneplacito congruit: è cœlis habet modulorum consonantiam, dum à Trinitate velut à plectro quopiam mouetur, delectabile illud, ac felix resonat melos, illam angelicam cantionem, illum desinere nescium concentum: hoc est studij præsentis alacritatisque uestigal, hic conuentus nostri fructus. Eoque gaudeo, talem conspiciens in vobis probabilem affectum. Gaudeo dum animorum vestrorum beneuolentiam, alacritatemque considero, dum gaudium spirituale, dum iuxta Deum exultationem. Neque enim vlla res, tantum adfert gaudij vitæ nostræ, quantum hoc quod ex animo gaudetis in Ecclesia congregari. In Ecclesia, gaudantium conseruatur gaudium: In Ecclesia animo deiectorum, animorum est recreatio: In Ecclesia dolentium est voluptas: In Ecclesia defatigantium respiratio: In Ecclesia laborantium requies. *Venite enim (inquit) post me, qui laboratis & onerati estis, & ego reficiam vos.* Quid hac voce possit esse desiderabilius? Quid hac inuitatione iucundius? Ad epulum te vocat qui in Ecclesiam te vocat Dominus, ad releuationem pro laboribus adhortatur, ad releuationem à molestiis transfert; pondus peccatorum alleuans, deliciis animi molestiam, gaudio mœrorem sanat. O miram eius curam! ô vocationem

orationem cœlestem !] Tanta iucunditate & cœlesti dulcedine , ex coitionibus in sacrum locum ad orationem publicam , excommunicatum spoliât excommunicatio.

23. Sed vel ipsa communiter & publicè orandi prohibitio , magnum omnino infert dispendium. Quod ut intelligatur , præmittendum est , duobus modis fundi posse orationem communem. Primus est , in persona omnium , ita ut omnes vnâ orationem emittant , tanquam membra vnus communitatis , partialiter ad sic orandum concurrentia , etsi non omnes æquè loquantur , sed quibusdam loquentibus astent alij , & consentiant , aliterve precibus eorum cooperentur. Et hinc ductum , ut talis oratio dicatur collecta , quia ab vno fit , sed ab omnibus colligitur , ait Cassian. 2. de instit. cap. 7. Alter modus orationis communis , est is quo multi simul ad orandum conveniunt , ex intentione simul orandi. Non quod omnes & singuli vnâ & eandem orationem fundant , sed quod vnusquisque quidem per se oret quasi privatim , fiat tamen aliqua orationum omnium coniunctio , propter concomitantiam temporis , alicuiusve alterius circumstantiæ. Ab vtraque hac oratione communi , arcetur excommunicatus , *propter honorem orationis* , ait Origenes tract. 35. in Matth. & præmiserat. [Christianus dicit , non propter locum fieri orationem distantem ab oratione ; sed quia melius est cum nullo orare , quàm cum malis orare. Ad demonstrationem autem traditionis istius , utetur exemplo quo Iesus in domo Iairi Sacerdotis , oraturus pro mortua filia eius , omnes eiecit foras , & tres tantùm elegit secum , qui & super montem facti fuerant testes transfiguratio

figurationis ipsius. Propter hoc enim & in Ecclesiis Christi, consuetudo tenuit talis, vt qui manifesti sunt in magnis delictis, eiiciantur ab oratione communi, ne modicum fermentum non ex corde mundo orantium, totam vnitatis conspersionem & consensus corrumpat.]

Sensus Patrum, de bono publica orationis.

Insigni autem dispendio suo excommunicatus à publica oratione excluditur. Ad quod demonstrandum. [Possem equidem (vt cum Petro Damian. dicam Opusc. 24. c. 1.) plurima scripturarum & veteris & noui Testamenti exempla congerere, si priores nostri Patres, aut Doctores Ecclesię, super hoc themate funditus siluissent. Sed superfluum est, nos vilibus sarculis illic glebas effringere, vbi tam strenui cultores, terrę viuentium, acutissimo linguę suę vomere, reperiuntur arma sulcasse.]

24. Iudicium itaque SS. Patrum exquiramus, & quę illi de fructu orationis publicę & communiter fusę proferunt, adducamus; inde enim quàm damnosum sit ab ea excludi, erit per se perspicuum. Antiquissimus Tertullianus cap. 39. Apolog. ita in hanc rem scribit. [Corpus sumus de conscientia religionis, & disciplinę veritate, & spei fœdere. Coimus in cœtũ & congregationẽ, vt ad Deum quasi manu facta, precationibus ambiamus orãtes. Hęc vis Deo grata est.]

Petrus Chrysologus sermone 132. tractans locum ex Matth. 18. *si duo ex vobis consenserint super terram, de omni re quamcunque petierint, fiet illis à Patre meo*, sic exclamat. [Vbi sunt qui præsumunt, Ecclesię conuentum

conuentum posse contemni, & solitarias preces, venerandæ congregationi autumant anteferri, si duobus, vel tribus simul positis, medium se futurum, & omnia se promittit quæ postulatus fuerit præstiturum? Qui nihil negat tam paucis, quid in conciliis & congregatione Sanctorum, poscentibus denegabit? Sic credens Propheta, hoc adeptum se gloriatur cum dicit: *Confitebor tibi Domine in toto corde meo, in concilio iustorum & congregatione.* Toto corde confitetur, qui totum sibi in concilio Sanctorum, quod poposcerit, audit esse præstandum.] Rationem egregiam pronuntiati sui, reddit ex longè pulchriore, & Deo acceptabiliore, proindeque ad exorandum aptiore, Ecclesiæ in vnum adunatæ speciositate, præ vnus orantis solitudine. Itaque expostulans de illis qui *neglecto venerandi cætus & congregationis ardore*, despiciebant coire in communem locum ad orandum, & solitarias priuatæque preces, probari sibi obtendebant, addit. [Isti sunt qui corpus Christi dissipant, membra dispergunt; nec ad decorem suum patiuntur formam Dominici habitus peruenire: quam Propheta cum vidisset in spiritu, sic canebat: *Speciosus forma præ filiis hominum.* Habent quidem singula membra proprium sui munus officij, quod tamè tunc implere poterût, si connexa sibi, & compaginata, perfecti corporis perueniant ad decorem. Hoc ergo interest inter congregationis plenitudinem gloriosam, & separationis præsumptam de ignorantia, aut negligentia vanitatem, quod in salute & honore integri corporis, species est vnitas membrorum: & in separatione viscerum, est fœda, lethalis, & horrenda pernicies.]

25. S. Athanasius in Apologia ad Constantium,
cùm

cum tertiam sibi impactam criminationem proposuisset, quod Synaxes habuisset in Ecclesia nondum dedicata, inde præsertim factum suum probat, quod ob capacitatem illius Ecclesiæ, confertissima multitudo adunari simul potuerit. Quem orandi modum, longè vtiliorem & ad permouendum Deum efficaciorum esse docet, quàm si dissociatim & particulatim fiat oratio. [Preces(inquit)faciendæ erant. Quid ergo rectius putas, particulatim & dissociatim, vnà cum periculo elisionis populum synaxes facere, an potius vt in locum omnium benè capacem conuenerit, & vnà eandemque sine dissonantia vocem reddat? Certè id rectius est, quum & concordia vnanimis multitudinis ostèdat, & Deum ad exaudiendū, promptiorem habeat. Nam si pro ipsius Saluatoris pacto, in cōsensu duorū, quodcūque petierint, fiet; quid igitur futurum, vbi ex tot tātisque populis in vnum congregatis, vna vox respondeatur, acclamantium, Amen?]

S. Chrysostomus hom. 4. in 2. ad Thessalonic. sub finem, vrgens plebem suam, vt communibus eius orationibus iuuaretur, sic habet præter cætera. [Vnum quidem rogare pro multis, magnæ est audaciæ, & quod multa eget fiducia: multos autem, cum simul conuenerint, pro vno precari, non est graue, nec importunum. Non enim suæ virtuti credens, hoc facit vnusquisque, sed multitudini & consensui, quem semper maxime respicit Deus, & eo mouetur, ac placatur. *Vbi enim fuerint duo, aut tres congregati in nomine meo, illic sum in medio eorum.* Si vbi sunt duo, aut tres congregati, est in medio: multo magis apud nos. Quod enim per se precans quispiam, non potest accipere, hoc accipiet precans cum multitudine. Quamobrem?

obrem? Quoniam etsi non virtus propria, sed tamen consensus, magnam habet vim: *Vbi fuerint* (inquit) *duo, aut tres congregati.* Cur dixisti duo? Nam si vnus fuerit in nomine tuo, cur non es illic? Quoniam volo omnes simul esse, & non esse diuulsos. Nos ergo alter alterum condensemus, ac constipemus, charitate coniungamus ac colligamus. Nemo nos separet.]

26. Optimè homil. 2. de prophetiarum obscuritate, cum præmisisset, Paulum, tantum Apostolum, preces sibi communitatis esse apprecatum, addidissetque, se quoque meritò eas exposcere, rationem hanc reddit. [Cum enim infirmi simus dum soli precamur, vbi vero congregati fuerimus robustiores, multitudinis ac societate inita Deum exoramus. Sic etiam Rex sæpenumero cum aliquem ad mortem damnarit, vni quidem exoranti pro damnato non annuit, ab integra verò ciuitate deprecante facile exoratur, eumque qui ad barathrum adducebatur, ob deprecatorum multitudinem supplicio eximit, atque ad vitam reducit. Tanta vis est orationis multitudinis. Idcirco etiam colligimus & conuenimus hîc omnes, vt vehementius Deum ad misericordiam flectamus. Nam cum orantes soli, vt ante dixi, imbecilles simus, per coniunctionem charitatis Deum exoramus, vt nobis postulata concedat. Hæc verò non temerè à me proferuntur, neque propter meipsum tantum, sed vt semper ad collectas properetis, nec dicatis: an non enim orare domi possum? Potes tu quidem orare, sed tantâ virtutem non habet oratio, quàm vbi cum propriis membris fit, quàm cum totum corpus Ecclesiæ vnanimiter & vna voce preces fundit Sacerdotibus præsentibus, ac verba communis cœtus offerentibus. Visne dicere quanta

quanta sit virtus orationis , quæ in Ecclesia fit ? Vinc-tus erat aliquando Petrus in carcere , ac multis cate-nis circumdatus; oratio autem fiebat sine intermissio-ne ab Ecclesia pro eo , & confestim illum eduxit è carcere. Quid igitur hac potentius fieri queat oratio-ne, quæ de columnis Ecclesiæ bene merita est? Paulus enim & Petrus turres erant & columnæ Ecclesiæ, at-que huius quidem vincula soluit, illius autem os ape-ruit.]

Videndus insuper hom. 2. & 18. in 2. ad Cor. vtro-bique in morali. Religio sit missum facere illustrissi-mum locum ex hom. 3. contra Anom. *sub finem*. [Si & domi quoque datur orandi facultas , tamen fieri non potest, vt domi tam benè ores, quàm in Ecclesia, vbi tot patres; vbi clamor felici societate excitus ad Deum immortalem refertur. Non pariter exoras, cum solus Dominum obsecras, atque tuis cum fratribus. Est enim in hoc plus aliquid, videlicet concordia, conspi-ratio , copula amoris , & charitatis , Sacerdorum cla-mores. Præsunt enim ob eam rem sacerdotes, vt po-puli orationes quæ infirmiores per se sunt, validiores illas complexæ, simul in cælum euehantur.] Et mox. [Profectò si orare cum diligentia insuescas , nihil est quod doctrinam tui cõserui desideres, cum ipse Deus sine vllò interprete , mentem tuam abundè luce affi-ciat. Quod si omnis oratio tantam vim habeat, longè magis eam , quæ ore multorum proueniat , valere consentaneum est. Plus enim neruorum in ea est , & multo audientia maior, quàm in domestica illa & pri-uata. Vnde id constet, Paulum ipsum dicentem audi. *Qui ex tantis periculis eruit nos , etiam speramus quod adhuc eripiet , vobis quoque in oratione pro nobis sub. e-*

DD nientib. s,

nientibus, ut dono in vos collato, à multis personis gratia agantur pro nobis. Sic etiam Petrus, carcerem euasit. Oratio enim pro eo, ab Ecclesia sedulò agebatur ad Deum. Quod si Petro Ecclesiæ oratio profuit, & columnam illam ac stabilimen nostræ religionis, carcere liberauit, cur eius vim tu contemnis ac negligis? Quare possis purgare ratione? Deum quoque dicentem audi, quàm populo cum beneuolentia inuocante, placeatur & parcat. Quippe qui se excusans apud Ionam Prophetam, fruticis argumento cucurbitæ, verba ad hunc modum faciat. *Tu doles super cucurbita, in qua non laborasti, neque fecisti ut cresceret: Ego non parcam Ninive ciuitati mea, magne, in qua habitant plures quàm centum viginti millia hominum?* Non ab re amplum populi numerum proponit; sed ut intelligas, plurimum eam pollere orationem, quæ cum consensu agitur & iugi concordia plurium hominum. Quod exemplo quoque rei humanæ, libet explanare. Nam ante hos decem annos, capti sunt nonnulli tyrannidem appetentes, cuius rei vos etiam meminisse arbitror. Fuit inter eos quidam dignitate ac principatu præditus, qui cum damnatus capite ad supplicium duceretur, populus motus misericordia, vniuersus Prætorum adiit, & deprecandi communi opera efficere potuit, ut reus ille venia nulla dignus, liberaretur ab ira Imperatoris. Quod si cum iram terreni Imperatoris velitis extinguere, vniuersi cum liberis & vxoribus festinatis, cur quoties ad cœlestem illum Imperatorem placandum, reddendumque propitium, ire pergitis, ut eius iræ eximatis non vnum, ut tunc, nec duos, aut tres, aut centum, sed omnes orbis terræ peccatores, omnes dæmone agitados, à flagello liberetis diaboli,

Damna viuorum ab excom. 419

boli, foris federis? Non vniuersi concurritis: & Ecclesiam penetratis, vt Deus vestram reueritus, atque exosculatus concordiam, & illis pœnam dimittat, & vobis peccata absoluat? Si in negotiis tam necessariis non omni leone vehementiùs disruptis omnibus vinculis, curriculo is, & te confers ad supplicationem communem, quam spem habere possis salutis?]

Concluditur, quanto suo damno excommunicatus à publica oratione arceatur.

27. Ex his liquere puto, quantum sit excommunicati dispendium ob exclusionem à communi oratione. In quam rem legi insuper potest libellus Gersonis parte 4. cōtra postponentem actus hierarchicos deuotionibus particularibus; & quæ Nauarrus ex Paludano & Maiore tradit in Enchiridio de Orat. cap. 17. num. 26. Sed quæ proposui, videntur abundè esse. Monstratum quippe est, quanta sit publicæ orationis apud Deum gratia: huic autem admensum est damnum quod oritur ex ea negata. Plerunque sanè concederentur homini, siue pro se, siue pro alio oranti communiter, quæ fusa solitariè precatione negantur. Esto verò, oratio quam funderet, non esset directè ordinanda ad ipsum excommunicatum, sed ad alios; tamen non exiguum est damnum, priuari fructu redundaturo ex fructuosa oratione pro aliis. Eam enim conitantur plerunque immensa bona, quorum moralibus causis inter quas precatōres numerantur, magnum accrescit emolumentum. Et quamuis omnia alia damna abessent, vel ipsa priuatio cooperationis ad bonum quod communis oratio pariet, dispendium est nullo

modo leue aut contemnendum. Ne memorauì quidem, probrum ex eo ductum quod homo remoueatur à cœtu orantium, ne tanquam fermentum acidum totam massam corrumpat; nec minùs quàm lue contactus timore virulentia ab eo contrahenda, secludatur. Hoc dispendium, quod non sit tanti, & minutum bonum præ iis quæ hætenus proposui, remoueat ab homine, non modò non duxi vrgendum, sed propè præteritum prorsus, ac vix commemoratum volui.

Sic expensis damnis exclusionis à publica oratione coniunctim facta, non est quod hæream in expendendis damnis, negata coniunctionis orandi cum vno quopiam. Hoc enim à fortiori, perspicuum est ex proximè dictis de oratione communi. Eadem quippe moralis vnitas & coniunctio, reperitur inter socium orationis in euentu proposito, & excommunicatum; quæ reperitur cum omnibus simul adunatis ad publicè orandum. Itaque cum omnis planè coniunctio, magis vel minus fructuosa orantibus sit pro sua amplitudine, exposito iam damno quod ex remotione à communi cum plurimis oratione prouenit, non est quod hæreamus in damno quod deriuatur ex remotione à precatatione cum vno aut altero. Tamen si damnum quoque hinc exortum non sit contemnendum, cum plerunque deprecario iusti, etiamsi vnici, coniuncta precatationi alterius, reporem vel algorem eius, iuuare non modicè possit.

Damnum repulse oblationum, quantum.

28. Propositis priuationibus, subtexebamus repulsam

pulsam oblationum excommunicati, quæ non debet videri malum tenue, tametsi iis qui sunt infossi terrenis, non sit fortassis admodum graue impediri bonorum suorum elargitione. Est tamen reuera damnum magnum, & commensum beneficio quod Deus confert in eum cuius bona & opes acceptat. Neque enim qui pium munus offert, impendit beneficium, sed recipit; vt optimè de eleemosyna religiosis collata philosophatur S. Chrysostomus homil. 1. in epist. ad Philipp. in morali. Et vniuersè de quauis ob Deum facta eleemosyna, idem tradit S. August. serm. 40. ex 40. nouis. Scitè S. Ambros. l. 8. in Lucam *sub finem*. [Presbyter cum accipit, tradit; & accipit non quasi inops, sed quasi remuneraturus maiore mensura.] Sicut ergo est insigne Dei beneficium, quod dignetur munera alicuius habere accepta; & è contrario est signum reprobationis, quod ad alicuius oblationes non respiciat, vt in Caino & Abele est deprehensum; ita quod Ecclesia cui Deus suas vices commisit, oblationes excommunicati repudiet tanquam hominis contaminati, argumentum est insignis calamitatis. Transferre huc facile liceat, illorum quondam populorum miserrimum statum, è quorum bonis nihil sibi in sacrificia vel oblationes seruatum volebat Deus; sed omnia excrebatur, & perdi potiùs mandabat, quàm ad altare inferri, vel in vsum ministrorum sacrorum cedere.

*Quantum malum ministri excommunicati,
non sacrificare.*

29. Restant in hac secunda serie priuationum excommunicatione illatarum, damna illa quæ ad

DD 3 idoneos

idoneos sacramentorum aut sacrificij ministros , vel diuini verbi tractatores , excommunicatione cōtāctos pertinent. Sacri quippe ministri excommunicati, vetantur Sacramenta administrare , per se loquendo: Vetantur quoque sacrificare ritu Christiano , & immolare hostiam viuam in sacrificio incruento. Item vetantur, publicè ac solemniter celebrare diuina officia, & obire quasunque publicas orationes, vel benedictiones. Denique prohibentur etiam tractare verbum Dei. Hæc est immensa damnorum moles, si rectè perpendatur. Quanta enim est meritorum seges , in omnium huiusmodi functionum exercitatione? Quæra spiritali sobole gaudent , qui hæc munera piè ac sanctè obeunt. Non dubitauit Apostolus , gaudium suum atque coronam appellare eos quos initiauerat, & sacrorum munerum propositorum exercitatione, aprauerat in hæredes Dei, & Christi cohæredes. Nempe quia intelligebat , quanti esset apud Deum meriti, sancta sanctè ac religiosè tractando, in vsum cæterorum fidelium diligenter impendi. Fructus hic vniuersus, præcisa laborum ex quibus existit facultate, eripitur excommunicato : Quæ quàm magna sit miseria, inde deprehendi potest , quod nemo non miserum duceret eum, qui potestatem nactus illuminandi cæcos , erigendi claudos & debiles , excitandi ad vitam mortuos, prohiberetur tantæ tamque excellentis potestatis exercitio. Constat verò, functiones sacrorum ministrorum , effectus habere longè sublimiores, quàm sint ij quos nunc enumeravi. Quàm enim superat anima corpus, tam præcellit bonum esse animæ, quod sacratum illarum functionum ministerio obtinetur , bono corporis quo concluduntur proposita miracula.

miracula. Hæc pauca vniuersim de propositis malis attigisse sit satis, ne in immensum diffundatur oratio, si singulis accuratè inhærendum suscipiam. Vnum tamen & alterum ministerium sacrum; nempe liturgiam, & diuini verbi tractationem, sigillatim attingere, obiter tamen & perpaucis, operæpretium videtur, eo quod virus excommunicationis, ex negato horum munerum vsu, possit perspicuè deprehendi.

*Immensus fructus Christianæ immolationis
attingitur.*

30. Quanto ergo se & alios bono fraudet qui diuinæ hostiæ litatione abstinere cogitur, inde agnoscendum est, quod summa sit Christiani sacrificij utilitas, in omnes quidem, sed nominatim in ipsum sacrificantem. Vt propterea Petrus Damiani lib. 2. epist. 11. syluam sanctorum monitorum, quibus Desiderium Cassinensem Abbatem ad omnem sanctitatem informat, claudat his verbis. [Sed vt colubrum hunc valeas efficacius rumpere, sacrificij salutaris hostiam satage frequenter offerre: vt dum ora tua Christi perspexerit cruore rubentia, territus contremiscat, præsto diffugiat, & sacramento quo captiuatus est, propius accedere non præsumat. Sic effæctis continuò viribus corruat, & in scrobe suæ malitiæ, quantum ad te perpetuò conditus deliteſcat.]

Actum egero, si rem immenso voluminum molibus à plerisque stabilitam, & expositam, prosequi hoc loco aggrediar. Nullus quippe est, ex infinitis scriptoribus qui de diuino hoc sacrificio lucubrationes ad defendendam Catholicam de eo fidem vel ad

incédendam pietatem ediderunt, qui copiosus non sit in exponendis eius fructibus & commodis. Nam dignitatem vel ipsis beatis spiritibus suspiciendam, quandoquidem huius sacrificij actione Christi corpus producit, nihil attinet commemorare hoc loco; nisi fortassis ut hinc quoque monstremus, miserrimam esse hominis illius conditionem, qui tam excelsa potestate donatus, qua actionem omnium quæ vel cogitari possunt dignissimam & eminentissimam eliciat, eius tamen exercitatione prohibetur. In fructibus ergo huius sacrificij exponendis, & bonis quæ Sacerdos celebrans orbi conciliat aperiendis, excellenter omnino versatus est Guliel. Paris. l. de Euchar. cap. 2. & l. de Rhetor. diu. c. 32. & 33. cum quo, Sacerdotem sacrificantem spectare debemus, ut orbis sanctificatorem sub Christo, ut aduocatum causam nostram agentem apud Deum, ut Medicum nostris egritudinibus subuenientem, ut pastorem animato & viuifico pabulo pascentem Dei gregem. Autor homiliæ de Adam & Eua apud Chrysostomum, specie legati vniuersalis, Sacerdotem sacrificantem exhibet illis verbis. [Sanctæ plebis Sacerdotes, per mandata sibi inde data, legatione funguntur apud diuinam clementiam, humani generis causam, totamque secum Ecclesiam aggregantes atque congemiscentes postulant & precantur, ut infidelibus donetur fides, ut ab idololatria, & impiis erroribus liberentur. Ut ludæis ablato cordis velamine, lux veritatis appareat, ut hæretici Catholicæ fidei perceptione resipiscant, ut schismatici spiritum rediuuiæ charitatis accipiant, ut lapsis pœnitentiæ remedia conferantur, Catechumenis ad regenerationis Sacramenta perductis, cœlestis miseri

mifericordiæ aula referetur. Hæc non inaniter à Domino peti, rerum ipsarum monstrat effectus, quandoquidem ex omni genere plurimos dignatur Deus attrahere, quos erutos de potestate tenebrarum, transfert in regnum filij charitatis suæ, & ex vasis iræ facit vasa mifericordiæ. Quod adeò totum diuini operis esse sentitur, vt hæc efficienti Deo gratiatum semper actio, laudisque confessio pro talium correctione referatur.] Bona horum verborum Glossa, peti potest ex Concilio Tridentino sess. 22. cap. 2. quo quantum valeat hoc sacrificium ad placandum Deum, & pænæ remissionem exorandam, innumeræque bona obtinenda, clarè erudimur.

31. Nec viuentium modò, sed & mortuorum immenso fructu, celebratur hoc sacrificium, vt S. Chrysostomus lib. 6. de Sacerd. optimè disserit, vocans Sacerdotem, legatum pro vniuerso terrarum orbe deprecantem, & viuis simul ac mortuis mifericordiam exorantem: vt meritò cum Aarone inter viuos ac mortuos stante, & incensi scutum opponente aduersus diuinam concitationem, componere liceat Sacerdotem sacrificantem. Sanè hac maximè ratione, iuuari animas quas ignes emendatorij purgant, aperte habet S. Bernardus serm. de quinque negotiationibus. Nam tractans tertiam regionem in qua Christianus negotiari potest, eamque statuens Purgatorium, (in Tartaro quippe & cælo, quibus præterea locis excipiuntur animæ, nulla est negotiatio) subdit: [Quia igitur primi redimi non possunt; tertij redemptione non indigent, restat vt ad medios transeamus per cōpassionem, quibus iuncti fuimus per humilitatem. Vadam in istam regionem, & videbo visionem hanc

DD 5 grandem

grandem, quomodo pius pater glorificandos filios in manu tentatoris relinquat, non ad occisionem, sed ad purgationem; non ad iram, sed ad misericordiam; non ad destructionem, sed ad instructionem; ut iam non sint vasa iræ apta in interitum, sed vasa misericordiæ præparata ad regnum. Surgam ergo in adiutorium illis, interpellabo gemitibus, implorabo suspiriis, orationibus intercedam, satisfaciam sacrificio singulari, si fortè videat Dominus & iudicet, ut laborem conuertat in requiem, miseriam in gloriam, verbera in coronam. His enim & huiusmodi officiis, potest eorum pœnitentia refecari, finiri labor, destrui pœna.]

Similia habet Petrus Venerabilis l. 1. miracul. c. 10. *in fine*, & alij cum Patres tum Doctores, quos profero in tractatione de heteroclitis spiritualibus, refellens nouam matæologiam, eorum qui sacrificium cum Sacramento inconsideratè confundentes, scripserunt non ita pridem, maximum fructum perceptionis Eucharistiæ, esse leuamen fidelium defunctorum. At apud Patres, sacrificium nostrum proponitur tanquam præcipuum inter leuamina, quibus per Dei benignitatem, possumus animabus defunctorum opitulari.

32. Ad ipsos quoque beatos, pertinet aliquatenus huius sacrificij fructus, quandoquidem est gratiarum actio pro bonis omnibus, quæ & viventibus & vita functis, inter quos beati eminent, sunt collata. Audi enim S. Chrysostomum hom. 26. in Matth. [Reuerenda & salutaria illa mysteria, quæ in omni Ecclesiæ certè congregatione celebramus, Eucharistia, (id est gratiarum actio) nuncupatur. Sunt enim beneficiorum recordatio plurimorum, caputque ipsum diuinæ

Damna viuorum ab excom. 427

uinæ erga nos charitatis ostendunt, nōsque faciunt debitas Deo gratias exoluere. Si enim Dominum ex Virgine natum, grande miraculum est, & Euangelista cum admiratione dicebat. *Hoc autem totum factum est*, in quo tandem beneficiorum loco ponemus, illum etiam mortuum esse pro nobis? Nam si illum tantummodo nasci totum vocatur, iam crucifixum esse, & sanguinem fudisse, & semetipsum nobis in cibum dare, & spirituales illas præbere epulas, quid vocandū est? Agamus igitur ei iuges gratias, atque istud & verba & facta nostra præcedat, ac dirigat. Agamus verò gratias non de propriis tantum, verum etiam de alienis bonis; ita enim & inuidiam poterimus extinguere, & alere charitatem, eamque in nobis efficere magis synceram. Neque enim iam illis poteris inuidere, de quorum bonis gratias Deo deferendo lætaris. Idcirco enim altari assistēs Sacerdos pro vniuerso orbe terrarum, pro absentibus atque præsentibus, pro his qui ante nos fuerūt, pro his qui postea futuri sunt, sacrificio illo proposito Deo nos gratias iubet offerre.] Hac ipsa ex causa, Apostolum, nominasse calicē Eucharisticum, *calicem benedictionis*, egregiè exposuit idem Chrysostomus hom. 24. in 1. ad Cor. verbis illis. [Calicem benedictionis vocauit, quod eum habentes in manibus sic eum hymnis & laudibus prosequimur, admirantes ineffabile donum, stupentes, benedicentes, bonisque verbis prosequentes, quod eum ipsum effudit ne maneremus in errore: & non solum effudit, sed etiam eum ipsum nobis impertit.] Et paulò ante. [Nam quando dico benedictionem, explico omnem thesaurum Dei beneficentiæ, & magna illa dona in memoriam reuoco. Nam nos quoque
ad

ad calicem recensentes ineffabilia Dei beneficia , & quæcunque sumus adepti , ita ipsum offerimus & communicamus, gratias agentes , quod ab errore liberarit hominum genus : quod cum longè essemus, propè fecerit; quod cum spem non haberemus, & sine Deo essemus , suos fratres fecerit & cohæredes. Pro his ergo, & quæcunque sunt huiusmodi, gratias agentes ita accedimus.] Itaque hoc sacrificium , est præstantissima gratiarum actio quam possimus Deo rependere, pro innumeris bonis quæ in omnes creaturas sunt erogata diuinitus.

Damni propositi moles immensa, concluditur.

33. Quis igitur non deploret sortem miserrimam ministri excommunicati , qui expeditissimo & optimo medio priuetur ad agēdas Deo, pro se & vniuerso orbe gratias innumeris titulis debitas ? Qui destituatur medio tam idoneo ad exorandum Deum, cæque spiritualia vel temporalia subsidia , sibi & vniuerso orbi impetranda , quibus eget vita mortalium, vt liberetur ab ingruentibus iugiter aduersis , vt firmetur ac solidetur in bono , vt ad patriam inoffenso pede regrediatur ? Cui eripiatur facultas beatis ipsis gratificandi, subleuandi item detentos in Purgatorio, omnibus denique viuis & defunctis rorem diuinæ miserationis exorandi ? Nam ad hæc omnia pertingere fructum sacrificij , & Sacerdotem sacrificantem, in tam multos quàm dixi , manum beneficam extendere, est extra controuersiam. Vnde ille Sanctorum feruor in assiduè ac per dies singulos immolanda hac hostia. Nam S. Andreas Apostolus vt in eius actis refertur.

Damna viuorum ab excom. 429

fertur, [quotidie (inquit) immolo Deo agnum immaculatum.] Et S. Hippolytus orat. de consummat. seculi inducit Christum sic allocuturum Sacerdotes in mundi clausula. [Venite qui pretiosum corpus meum & sanguinē quotidie immolastis.] Cælestem remunerationem, Diuo Cassio Narniensium Antistiti hac ex causa repensam, notauit S. Gregor. homil. 37. in Euang. Communis Theologorum consensus eo nūc conspirat, laudabilius ac melius facere Sacerdotem, si quotidie sacrificet zelo diuini cultus ac publici boni, quàm si præ reuerentia ad altare non accedat. Vide Suarem t. 3. 3. p. d. 80. f. 2. Praxis piorum Sacerdotum idem confirmat. Scio Petrum Blesensem epist. 86. & 123. ad stabiliendam contrariam praxim, adducere Carthusianos, quos rarò sacrificasse dicit. Sed quidquid sit, an hoc ille ante annos ampliùs quadringentos verè dixerit; (nam contrarium satis insinuat in tertia compilatione statutorum antiquorum cap. 1.) noua tamen collectio statutorum sanctissimæ illius familiæ p. 2. c. 7. omnes Sacerdotes ad quotidianam celebrationem hortatur, eamque consuetudinem, tanquam veterem & receptam commendat. Quare æstimare hinc licet, ingentem omnino fructum crebræ litationis Christianæ, & quanto dispendio mulctetur Sacerdos excommunicatus, cum sacrificare vetatur.

Prædicandi prohibitio, quàm damnosa.

34. Iam quod sigillatim quoque expendi volebam damnum, ex erepta excommunicato alioqui idoneo, facultate prædicandi Christiano populo Dei verbum,

verbum, non eget longa discussione. Neminem quippe latet, quàm gloriosum & fructuosum sit, in Catholica Ecclesia munus tractandi verbum Dei, & escas salutis porrigendi plebi Christi. Fusi in hoc sunt Michael Medina l. 3. parænes. & Carolus Regius l. 1. orat. Christ. præsertim c. 10. & 11. Ex Patribus autem, ferè perpetuus in hoc argumento est S. Gregorius. Quod si aliis prodest, qui verbum Dei congruenter tractat, non dubium quin sibi quoque profit plurimum. Vt enim dixit S. Damascenus orat. pro defunctis, *sub medium*, sicut qui inungit alium, non prius ei vnguem applicat, quàm ipse illo se perfuderit; ita qui ex charitate ad alterum iuuandum accedit, prius prodest sibi: atque adeò si benè multis simul profit, ut Christiano Oratori contingit, immensam sibi bonorum spiritualium segetem parat. Talentum adeò locuples, & tantorum pro Ecclesia, pròque ipso concionatore fructuum ferax, reponere in sudario cogitur, qui excommunicationis fulmine icitur. Cadit enim in cum illud Prophetæ tonitru, *Peccatori autem dixit Deus, quare tu enarras iustitias meas, & assumis testamentum meum per os tuum?* Olim sanè ut est apud S. Chrysostomum homil. 52. in Ioan. lecturi librum sacre Scripturæ, priusquàm librum in manus sumerent, lauabant manus, & viri capita aperiebant, mulieres verò operiebant, præ reuerentia verbi Dei quod ea lectione excipiendum erat. Non minus itaque congruum est, viui verbi Dei tractatorem, summa puritate nitere, & idcirco iure à tractatione diuini Verbi arceatur excommunicatus. Est etiam bona eius prohibitionis confirmatio, quæ peti potest ex illa comparatione, qua D. Augustinus homil. 26. ex 50. post Origenem

nem homil. 13 in Exod. verbum Dei ex sacris suggestis prolatum, confert cum Christi corpore in Eucharistia, quod vtrunque sit Dei verbum. Quanquam de sano horum locorum intellectu consulendus est Genebrardus in exposit. Liturg. c. 25. & Bellar. l. 2. de Euch. c. 24. ad argumenta ex tomo 10. Augustini. Sic ut ergo excommunicatus, prohibetur administratione Eucharistiae, ita & tractatione verbi Dei, tanquam indignus per quam tantum bonum in populo Dei efficiatur. Hoc autem in magnum eius damnum cedit. Nam praeter exclusionem ab opere tanti apud Deum meriti, tantaeque dignitatis, certum est, eripi illi expeditissimam rationem vrgendi seipsum ad ea bona, ad quae alios concionando velit impellere. Nemo enim nisi desipiat, disertus esse contra seipsum velit, vrgendo alios ad bonum, de cuius omissione notari possit; vel abstrahendo eos à vitiis quibus ipsemet fordeat.

Quale malum excommunicato, Iurisdictione Ecclesiastica exui, per excommunicationem.

35. Minutiae priuationum, secundae huic seriei adiunctarum; priuatio inquam Iurisdictionis in foro vtroque Ecclesiastico, pœnitentiae nimirum & contentioso; item priuatio expeditionis ac idoneitatis ad beneficia Ecclesiastica adipiscenda, & Ecclesiasticos per ea prouentus comparandos; hæc inquam & si quæ sunt aliæ similes priuationes, non est quod fusè expendantur ad conflandam inuidiam excommunicationi. Nam plerosque non multum tangunt, non paucis etiam videntur optandæ atque captandæ. Et præfecturas

fecturas quidem sacras vniuersas, esse periculi plenissimas, dixi plenè initio commonitorij de moderatione moderatorum, benèque præter cæteros id docet Origenes hom. 5. in Ezech. Qui in eas irrepunt indigni, (& irrepunt penè innumeri,) cathedram pestilentiae qua sibi & aliis exitium creent conscendere, flebilibus admodum modis deplorat Petrus Blésensis epist. 23. Præcipuam Christi persecutionem hinc existere, sic docet S. Bernardus serm. 1. de conuers. S. Pauli. [Amici tui Deus & proximi, aduersum te appropinquauerunt & steterunt. Coniurasse videtur contra te vniuersitas populi Christiani à minimo vsque ad maximum, à planta pedis vsque ad verticem, non est sanitas vlla. Egressa est iniquitas à senioribus iudicibus Vicariis tuis, qui videntur regere populum tuum. Non est iam dicere, vt populus, sic Sacerdos: quia nec sic populus vt Sacerdos. Heu heu Domine, quia ipsi sunt in persecutione tua primi, qui videntur in Ecclesia tua primatum diligere, gerere principatum. Arcem Sion occupauerunt, apprehenderunt munionem, & vniuersam deinceps liberè & potestatiuè tradunt incendio ciuitatem. Misera eorum conuersatio, plebis tuæ miserabilis subuersio est. Atque vtinam sola hac parte nocerent. Esset fortè qui dominica præmonitus & præmunitus exhortatione, daret operam ipsorum non exempla imitari, sed obseruare præcepta, iuxta illud: *Qua dicunt facite, & ad opera eorum nolite respicere.* Nunc autem dati sunt sacri gradus in occasione turpis lucri, & quæstum estimant pietatem. Copiosissimæ siquidem pietatis inueniuntur in suscipienda (imo accipienda magis,) animarum cura; sed hæc apud eos cura minor, & de animarum salute nouissima cogitatio

cogitatio est. An verò Saluatori animarum grauior vlla esse poterat persecutio? Iniquè agunt & cæteri contra Christum, multique sunt nostris temporibus Antichristi. Meritò tamen, censet crudeliorem eam persecutionem pro acceptis beneficiis, & grauiorem sentit pro tempestate, quam propriis sustinet à Ministris.]

36. Iurisdictionem verò Ecclesiastici fori contentiosi, rem esse periculosaæ alex plenam, latè differit Petrus Blesens. epist. 25. agens de Officiali Episcopi, cuius est eam iurisdictionē exercere. [Credo (inquit,) huiusmodi Officiales, non ab *officio* nomine, sed ab *officio* verbo mutuassee vocabulum. Nam genus hoc hominum, quod dicunt *officiperdi*. Tota officialis intentio est, vt ad opus Episcopi, suæ iurisdictioni commissas miserrimas oues, quasi vice illius tondeat, emūgat, excoriet. Isti enim sunt Episcoporum sanguisugæ, euomentes alienum sanguinem quem biberunt, quia testimonio Scripturæ, *diuitias quas congregauit impius, euomet, & de faucibus illius extrahet eas Deus*. Isti sunt quasi sponsia in manu prementis, quasi quædam colatoria diuitias suis Dominis influentes, & execrandis acquisitionibus nihil sibi præter peccati sordem & sæculentiam retinentes. Quod enim aggregant per oppressionem pauperum, Episcopis quidem ad delicias cedit, Officialibus ad tormentum. *Sic vos non vobis mellificatis apes, sic vos non vobis accumulatis opes*. Isti sunt secretiora illa ostiola per quæ Ministri Belis, sacrificia quæ super mensam ponebantur à Rege, clanculum asportabant. Sic Episcopus quasi longa manu bona aliena diripit, & notam criminis à se remouens, suis officialibus culpæ, & infamiæ discrimen

E E impingit.]

impingit.] Et mox. [Officium Officialium quorum te numero aggregasti, hodie est iura confundere, suscitare lites, transactiones rescindere, innectere dilationes, suppressere veritatem, fouere mendacium, quæstum sequi, æquitatem vendere, inhiare exactio- nibus, versutias concinnare. Isti sunt qui hospites suos grauant, superflua euectione, & multitudine clientelæ. Quærun- t delicatos, & superfluos cibos, cum scriptum sit: *Comedentes, & bibentes, quæ apud illos sunt.* De alieno enim prodigi, de proprio sunt avari; verborum insidiatore, & aucupes syllabarum: tendunt laqueos, & pedicas in capturam pecuniæ. Iura interpretantur ad libitum, & ea pro voluntate sua nunc abdicant, nunc admittunt, benedicta deprauant, prudenter allegata peruertunt, rumpunt fœdera, nutriunt simu- lates, fornicationes dissimulant, matrimonia distra- hunt, adulteria fouent, penetrant domos, & mulier- culas peccatis oneratas, captiuas ducunt; diffamant innoxios, & nocentes absoluunt. Et vt multa sub verborum paucitate concludam, dum omnia vena- liter agunt, filij avaritiæ, serui mammonæ, se diabo- lo venales exponunt.]

Quale item priuari per eam sacris prouentibus.

37. Prouentus denique Ecclesiastici, sapientibus viris eiusmodi videntur, quibus carere sit longè sa- tius. Nam hæc bona, mixta patrimonio, esse ignem absumentem, notauit Cantiprat. lib. 1. Apum c. 18. n. 1. facitque eodẽ pulchra narratio quæ habetur apud Raderum 3. p. viridar. cap. 6. §. 17. Quo magis autem hæc bona accumulatur, eo maiorem perniciiei ac
ruinæ

ruinæ occasionem accumulari, tractant, qui differunt de periculosa beneficiorum pluralitate. In quam rem multa habet laudatus proximè Cantipratanus l. 1. cap. 19. à num. 5. iudicia grauiſſimorum æui ſui Doctõrum referens, & diuinam in contemptores vltionẽ, exemplis teſtatam faciens. Videndus etiam tractatus Gulielmi Pariſienſis *de pluralitate beneficiorum*, malè prætermiſſus in editione Veneta Operũ Gulielmi: extat autem cuſus Argentinæ anno 1507. cum alio eiufdem autoris Opere a quẽ prætermiſſo, cui titulus eſt, *de collatione beneficiorum*. [Quis non horreat, (exclamat idem Gulielmus Pariſ. l. de virtut. cap. 11.)] laſciuire in ſanguine Chriſti, & martyrum, ac voluptate diſſolui in tantis laboribus, ſudoribus, atque doloribus Sanctorũ?] Optimè proſectò. Nam prouentus Eccleſiaſtici, aliud non ſunt quàm ſanguis Chriſti, & ſanctorũ. Sicut opes quas quis parauit laboribus ſuis, dicũtur eius ſanguis, vt notaui in Opere de martyr. p. 1. cap. 5. Sic pretium vniuerſitatis, ſanguinem inquam Chriſti, maſcupiis includi & exitiali ludæ imitatione, Chriſtum prodi denuo dixit S. Bernardus, vel quiſquis apud eum autor ſermonis ad Patres congregatos Rhemenſi in Concilio, *ante medium*. Ditantur hinc à plerique nepotes, errore non nouo. Nam etiam ante quatuor ſecula Petrus Bleſenſis ep. 51. dixit. [Hodie pro filiis quos abſtulit Prælatiſ Eccleſiæ Deus, habere nepotes, in diſſipationem patrimonij Chriſti, & in ſuæ ſalutis diſpendium permittuntur.] Sed has diuitias de ventre deglutientium, extrahit Deus ſeriùs ocyùs, de quo experientia crebra ambigere non ſinit.

Rectè igitur aſſumpſiſſe videor, priuationem mu-

nerum & bonorum propositorum, non magni à ple-
risque fieri. Vnde penes eam vrgere ac premere ex-
communicationis damna, non placuit. Neque tamen
negandum est, hoc esse aliquod damnum. Sacra enim
iurisdictio vtriusque fori Ecclesiastici, stillicidium est
plenissimæ illius potestatis, quæ à Christo Domino
Summis Pontificibus Vicariis suis, in vniuersam Ec-
clesiam ad eius regimen est attributa. Vnde eius pos-
sessio & vsus, si per eum cui obligat non stet, ad non
exigua bona potest conducere. Quod item de sacris
beneficiorum Ecclesiasticorum prouentibus, est affir-
mandum. Quare cum excommunicatus his omnibus
priuatur, aliquo vtrique bono priuatur, quo gratiæ &
gloriæ non exiguas accessiones, fas fuerat emercari.

*Exclusio à fructu suffragiorum communium
damnosissima.*

28. Series postrema priuationū quibus excōmu-
nicatio continetur, cōprehendit priuationē suffragio-
rū cōmunium, quā sacrificio, quā orationibus in per-
sona Ecclesiæ fufis exhibitorū, itēque indulgentia-
rum, & protectionis quam Deus spopondit Ecclesiæ,
Suffragia communia quanti sint apud Deum, videbi-
mur fortassis, iam attigisse superiūs, exponendo dam-
num excommunicati per exclusionem ab oratione
communi. Sed ibi spectabamus orationem, commu-
niter quidem fusam à pluribus, quorum tamen quili-
bet suo proprio nomine precaretur; etiamsi esset ali-
qua orationis vnitas, ratione circumstantiarum. Nunc
verò spectamus orationem verè communem, id est,
fusam nomine totius Ecclesiæ, cuius orationis fructu
excluditur

Damna viuorum ab excomm. 437

excluditur excommunicatus. Est autem dispendium hoc longè maximum. Nam si paucos aliquos, simul quidem quoad temporis & loci adiuncta, reuera autem non nisi concomitanter orantes, Deus faciliùs exaudit, vt fert promissio repræsentata Matth. 18. quanto magis orationem totius Ecclesiæ nomine fufam, certum esse debet audiri à Deo, cui Ecclesia est in deliciis? Verbum Chrysostomi est *scam* cum de expulsiõe eius ageretur, *sub initium*. [Gratiosior Deo est Ecclesia, ac longè amabilior, cælo ipso. Siquidem cæli corpus, nõ accepit: Ecclesia verò carnem assumpsit. Propter Ecclesiam conditum est cælum, nõ item propter cælum Ecclesia.] Sanè grauissimi Doctores nominatimque S. Thomas in 4. d. 45. q. 2. art. 1. quæstiunc. 2. Soto ibid. q. 2. artic. 1. Nauar. Enchir. de orat. cap. 19. conclus. 4. à num. 59. & cap. 20. à num. 39. Suarez t. 4. 3. p. d. 48. s. 8. num. 3. diserte pronunciant, orationem factam à Ministris nomine Ecclesiæ, tantæ esse ad impetrandum efficacitatis, vt etiamsi Ministri sic orantes sordeant peccatis, tamen oratio eandem vim impetrandi obtineat: quia non spectatur conditio internuncij, quem exolum esse supponimus, sed eius cuius perfert mandata; nempe Ecclesiæ, cuius nomine fit petitio. Ecclesia enim quatenus est vnum corpus mysticum, potest desideria sua & petitiones Deo proponere per hunc vel illum. Ea autem propositio, prout est signum voluntatis ac desideriorum Ecclesiæ, haurit ab Ecclesia vim ad exorandum, & dignitatem. Licet enim nuncius indignus sit ac displiceat, tamen Ecclesia dignissima est, & Deo acceptissima. Quinimo, etiamsi supponeremus non modò personam ministrorum, sed etiam ipsum eorum actum,

hoc est orationem sic fusam, vitiari ex parte eorum: Tamen Ecclesię dignitas, & orationis quoad substantiam bonitas, satis superque esset, vt suffragatio illa non esset cassa & infructuosa, sed impetratoria; vel infallibiliter & ex certa promissione; vel si ea promissio non videatur planè certa, & omnino infallibilem impetrationem in ea fundare non liceat; est tamen ea oratio frequentissimè impetratoria, vt Suarez supra n. 8. philosophatur de remissione pœnæ temporalis per huiusmodi orationem. Est autem par ratio de cæteris rebus, ad quas impetrandas Ecclesia orationem nomine suo fundi mandat. Non igitur ei officit Ministri peccatum inter orandum. Nec id negat D. Gregorius p. 1. pastor. c. 11. quia non agit de Ministro peccante inter orandum nomine Ecclesiæ, sed de eo qui malè orat suo nomine, & vt est priuata persona.

39. Est ergo damnum quod hac suffragiorum communium priuatione infertur longè maximum, & tam dignum quod summo studio declinetur; quàm suffragia ipsa nomine Ecclesiæ fusa, sunt captatu dignissima; de quo neminem Christianum ambigere posse existimo; cum ex amore quo Christus Ecclesiam & vnitatem eius prosequitur per se pateat, quãti apud eum sint preces, oblatæ vniuersę Ecclesiæ nomine, ac in eius persona. Scitè apud Cantipratanum lib. 1. Apum, cap. 12. num. 2. & 3. refertur, qua ratione Comes Campaniæ, princeps admodum religiosus, cū in transmarinis partibus versaretur, vim suffragiorum vnius homuncionis quem de suis bonis sustentari mandarat, expertus sit. Quandiu enim dispensatores quibus pauperem benignè habendum commiserat, functi sunt officio, & iussu Domini exequentes, paue-

runt

runt & curarunt egenum ; tandiu res Comiti optimè
cesserunt. Ex quo autem pauper à dispensatoribus
neglectus, suffragari Comiti destitit, exinde Comes
in graua incommoda & calamitates incidit. Itaque
domum regressus Princeps, cùm interrogato paupe-
re, & subductis ritè temporibus, comperisset, causam
ærumnarum suarum fuisse, quod per ea tempora ora-
tionibus pauperis fuisset fraudatus; iram in dispensa-
tores infideles conuertès, malè multatos à se abiecit.
Multorum autem interpositis precibus, rem summi
Pontificis arbitrio permittens, eos Romam ablegauit.
Pontifex re audita, responsum Comiti dedit, vt infi-
dos ministros in gratiam reciperet, accepto ab
eorum singulis nummo aureo. Sed cum nummi aurei
latitudinem spissitudinèque, exponi à Pontifice
oportere dixisset Comes, renunciatum denique Ro-
ma est, oportere [nummum illum aureum habere la-
titudinem terræ, & spissitudinem eius extendi vsque
ad altitudinem cœli: eo quod oratio iusti qua Comi-
tem fraudauerant, cœlos penetraret, & virtus eius cor-
roboaret vniuersa.] Obsecro, si tanta est vnius miscelli
homuncionis precù vis, & tanti fructus ab ipso sum-
mo Pontifice habitæ est suffragatio vnius solius mè-
dici, quantam fateri necesse est esse vim precum vni-
uersæ sanctæ Dei Ecclesiæ, in qua tot iusti, tot vtriuf-
que sexus præstantissimæ & Deo acceptissimæ ani-
mæ? Imo Petrus Soto lect. 2. de excom. inde quoque
pendi vult efficaciam publicarum Ecclesiæ precum,
quod iis non viatorum duntaxat sed cœlitum quoque
orationes contineantur. Nam sanctorum iam cœlo il-
latorum preces, apud Deum haud dubiè sonant, nec
dissociantur à precibus viatorum, quibuscum pietate

& charitate nectuntur. Ita quidē Soto ibi. Nihilominus non puto Ecclesiæ militanti quicquam iuris esse in cœlitum suffragia, ita ut possit fructu precum à cœlitibus ad nostram miseriam leuandam fusarum, spoliare excommunicarum. Nec illud item satis intelligo, quod ibidem addit Soto : Nimirum publicam illam totius Ecclesiæ intentionem, qua pia mater pro filiorum salute in communibus precibus sollicitam curam gerit, regulā esse & directionem ac medium specialium omnium intentionum, quatenus quicquid singula membra operantur in Ecclesia, dirigunt iuxta eius intentionem & per eam Deo offerunt, si sanè & prudenter sentiunt : nec ullus qui Ecclesiæ vnitus est aliter quicquam agit, etiamsi hoc non cogitet. Hæc dico à me nō satis intelligi, & respuenda videri. Nam de omnium Doctorum sententia, fas est cuius fidelis orare priuatim pro excommunicato, quod tamē iuxta Sotum esset illicitum; imo nunquam fieret, cum dicat fideles per publicam Ecclesiæ intentionem dirigere orationes suas, nec aliter orare, quā ferat illa Ecclesiæ intentio, etiamsi non cogitent. Quare satis est, grauitatem damni consequentis priuationem suffragiorum communium, metiri ex ademptione precum nomine totius Ecclesiæ militantis fusarum.

Obiter de damno exclusionis ab Indulgentiis.

40. Indulgentiarum vsus quo excommunicatus præterea priuatur, est planè magnus : ideoque damnum ea priuatione irrogatum, non potest leue videri. Quā enim optandum est, reatum ex peccatis condonatis superstitem, aliena impensa abolere, & contractorum

tractorum nominum fideiussores, imo dissolutores, nancisci locupletes & copiosos; Ipsum inquam Christum Dominum, & Sanctos, è quorum residuis satisfactionibus inexhaustus ille thesaurus conflatur, quæ Ecclesiæ Rectores per indulgentias erogant fidelibus? Notum est iuxta antiquos Canones & priscam Ecclesiæ disciplinam, quantæ quàmque asperæ pœnæ, vni vel paucis lethalibus culpis imponerentur. De acerbitate quoque suppliciorum in emendatoriis ignibus inferendorum, nisi sordes peccatorum, hîc dum vita superest, eluantur pœnitentiæ lixiuio, vt loquitur autor sermonum ad fratres in eremo serm. 11. dubitare non licet Catholico, in tam aperta SS. Patrum contestatione, de illorum suppliciorum grauitate. Quod ergo dignis pœnitentiæ propriæ fructibus eluere, esset permolestum; in igne autem Purgatorio expiare, multo durius foret, summa facilitate abstergitur à peccatore, si indulgentias consequatur. Vt mihi stuporem non rarò iniiciat, stupor vulgi Catholicorum; qui huiusmodi veritatem fide sanctam habentes, adeò tamen torpent in abradendis peccatorum suorum reliquiis; reatu inquam è peccatis dimissis superstite per indulgentias abolendo; quam esse eius tollendi rationem omnium expeditissimam diximus. De damno ergo excommunicati ex hoc capite, liquere puto.

Immensum damnum negata excommunicato specialis protectionis, perstrictum.

41. Coronis malorum penes quam excommunicationis horror concipiendus meritò sit, proponetur
EE 5 batur

batur carentia specialis protectionis diuinæ, & Angelici præsidij peculiaris. Hunc damnorum excommunicationis (vt ita dicam) apicem, nemo rectè æstimabit; cui nostræ diuinæ illius specialis protectionis necessitas, & vbertas fructuum ex peculiari illo Angelico præsidio obueniens, non sit explorata. Versamur hîc in perpetuis discriminibus, vallati, & obsepti, vel etiam oppressi, hostium in nostram perniciem iuratorum examinibus populosissimis, cum internis tum externis, vt non dubiter S. Cyprianus sub initium libri de mortalitate præ tot tamque densis certaminibus, & hostium insultibus, mortem ipsam ducere optabiliorum. [Quid aliud (inquit) in mundo quàm pugna aduersus diabolum quotidie geritur? Quàm aduersus iacula eius, & tela conflictationibus assiduus dimicatur? Cum avaritia nobis, cum impudicitia, cum ira, cum ambitione, congressio est. Cum carnalibus vitiis, cum illecebris secularibus, assidua, & molesta luctatio est. Obsessa mens hominis, & vndique diaboli infestatione vallata, vix occurrit singulis, vix resistit. Si avaritia prostrata est, exsurgit libido; si libido compressa est, succedit ambitio; si ambitio contempta est, ira exasperat, inflat superbia, vinolentia inuitat, inuidia concordiam rumpit, avaritiam zelus abscindit. Cogeris maledicere quod diuina lex prohibet, compelleris iurare quod non licet. Tot persecutiones animus quotidie patitur, tot periculis pectus vrgetur & delectat hic inter diaboli gladios diu stare, cum magis concupiscendum sit & optandum ad Christum subueniente velocius morte properare.]

Ago in hanc rem copiosè, tractans titulum illum quo Christus dicitur Rex virtutum, siue Princeps exerci

Damna viuorum ab excom. 443

exercituum Domini. Tot ergo tamque malignorum hostium nequitiam sollicita auertere diuina prouidentia, mille iuuandi artibus ac modis, quâ præcauendo, quâ retundendo, quâ vertendo in bonum malè intentata, prospicit per se ac suos administratos, salutem ac tutelam fidelium, communione Catholica potientium. Excommunicatus verò, tametsi non est diuinæ protectionis & Angelici præsidij prorsus expers, iis tamen specialibus bonis ac fauoribus ad eam specialem protectionem pertinentibus priuatur, quorum diuina promissio exhibita Ecclesiæ, securos facit fideles non præcisos. Idque voluerunt Glossa ad cap. *audi.* 11. q. 3. & Panormit. rubric. de sent. excom. num. 4. cum dixerunt Angelum custodem minus operari erga excommunicatum quàm ante excommunicationem. Hæc quanta sit destitutio, & quàm certa moraliter in peius progressio, ac in extremum exitium præcipitatio, citra omnem expensionem res ipsa prodit.

*Quàm iustus excommunicationis horror, è tot
eius malis in viuos.*

42. Ob signo hoc caput, & expensionem grauissimorum damnorum quæ excommunicatio viuis infert, ea apostrophe qua Laurent. Iustinianus serm. in Domin. Palmarum, affatur religiosum proprietarium, eo nomine excommunicatum. Quòd enim in huiusmodi specialem excommunicatum dixit, æquè in alios quosuis cadit. [Pertimesce (inquit) quisquis per excommunicationis censuram ab Ecclesiæ vnitatem alienus efficeris, ne in eadem sententia corporis & animæ patiaris interitum. Paucæ sæuientium bestiarum incurtus, quæ foris errantes diripere consueuerunt. Scito te toties


444 Pars II. Caput V.

ties esse alienum à Christo, quoties per religionis tuæ statuta excommunicaris à Præfule. Noli (quæso) pro paruis, atque pro terrenis commutare cœlestia. Noli inquam pro peritura substantia, participatione carere fidelium. Omnium bonorum quæ in Ecclesia fiunt, communicatione te priuas, si excommunicatus in cordis obduratione persistas. Nam quemadmodum abscissum membrum nullo modo vegetatur in corpore; ita inhærens viuificans spiritus nutrire nos definit. Hoc Propheta insinuans inquit: Particeps ego sum omnium timentium te, & custodientium mandata tua.]

Profecit Iustinianus ex D. Augustino, cuius illa sunt sanè aurea & ad hunc locum aptissima tract. 27. in Ioann. ad illud, *verba quæ ego loquor vobis, spiritus & vita sunt.* Præfatus namque, vnionem fuisse commendatam communionem Eucharistiæ, vt in Christo maneamus, & Christus in nobis, subdit. [Manemus enim in illo, cum sumus membra eius, manet autem ipse in nobis, cum sumus templum eius. Vt autem simus membra eius, vnitas nos compaginat; vt compaginet vnitas, quid facit nisi charitas? Et charitas Dei vnde? Apostolum interroga. *Charitas (inquit) Dei diffusa est in cordibus nostris per Spiritum sanctum qui datus est nobis.* Ergo Spiritus est qui viuificat, Spiritus enim facit viuia membra, nec viuia membra spiritus facit, nisi quæ in corpore quod vegetat, ipse Spiritus inuenerit: nam spiritus qui est in te ô homo, quo constas vt homo sis, nunquid viuificat membrum quod separatum inuenerit à carne tua? Spiritum tuum dico, animam tuam. Anima tua non viuificat nisi membra quæ sunt in carne tua. Vnum si tollas, iam non viuificatur

catur

catur ex anima tua , quia vnitati corporis tui non copulatur. Hæc dicuntur , vt amemus vnitatem , & timeamus separationem. Nihil sic enim debet formidare Christianus,quàm separari à corpore Christi. Si enim separatur à corpore Christi, non est membrum eius: si non est membrum eius,non vegetatur spiritu eius.*Quisquis autem*(inquit Apostolus)*Spiritum Christi non habet, hic non est eius.*] Non est quod timorem vltra facere , & horrorem incutere possit , si hoc non facit. Qui ad hoc tonitru non excitatur, non surdus aut sopitus, sed exanimis & mortuus audire debet.



C A P V T V I.

Virulentia excommunicationis,ex damnis quæ mortui fideles ob eam in vita contraxerant , nec ablatam,subeunt,aperitur.

1. **Q**UÆ superiori capite exposuimus,ingentem omnino excommunicationis malignitatem ex tam terribilibus eius effectibus , patefactam dederunt.Non exiguum tamen illius malignitatis superpondium esse,æquus arbiter statuet,quòd homini, post mortem quoque sit infesta , cum arceat eum à magna parte subsidiorum,quibus datur nobis iuuare mortuos. Enumerat in hunc modum,præcipua ex illis subsidiis S. August. serm. 32. de verb. Apost. [Pompa funeris,agmina exequiarum, sumptuosa diligentia sepultura, monumentorum opulenta constructio, viuorum sunt qualiacumque solatia , non adiutoria mortuorum.]

mortuorum. Orationibus verò sanctæ Ecclesiæ, & sacrificio salutari, & eleemosynis quæ pro eorum spiritibus erogantur, non est dubitandum mortuos adiuuari, ut cū eis misericordiū agatur à Domino, quàm eorum peccata meruerunt. Hoc enim à Patribus traditum, vniuersa obseruat Ecclesia, ut pro eis qui in corporis & sanguinis Christi communione defuncti sunt, cum ad ipsum sacrificium loco suo commemorantur, oritur; ac pro illis quoque id offerri commemoretur.] Dixi, S. Augustinum ibi, præcipua tantum subsidia iuuandi vita functos attingere, quia iisdem, S. Gregorius aut quibus alius cuius est cap. *anima defunctorum*. 13. q. 2. adiungit ieiunium. Et certum est omnia æquè opera pœnalia fidelium, cum sint satisfactoria, posse æquè eodem conferri. Agitur de his mortuorum subsidiis, ab his qui de Purgatorio vel de satisfactione disserunt, & benè à Thyrao l. de locis infestis à c. 74. ad 82. Omnino ergo ingens est dispendium excommunicati, quod tametsi Deo per contritionem reconciliatus, tamen si ante exsolutionem ab excommunicatione mortem obeat, arceatur à magna parte subsidiorum, quibus fas nobis est iuuare defunctos. Arcetur enim à sepultura in loco sacro, & à suffragiis communibus: hoc est à fructu sacrificij, quatenus nomine Ecclesiæ exhibiti, itémque orationum nomine Ecclesiæ fusarum. Remouetur denique à participatione indulgentiarum è communi thesauro depromptarum, & mortuis per modum suffragij applicabilium. Hęc dispendia quàm magna sint, atque adeo quantoperè ex hoc capite sit extimescenda excommunicatio, breuiter est attingendum.

Negatio

*Negatio sepultura Christiana,quàm damnosa
excommunicato.*

2. De damno excommunicati ob negatam sepulturam in loco sacro, nemo rectè pronunciarit, nisi qui commoda sepulture in loco sacro concessa, benè perspexerit. Agit de commodis illis S. Augustinus l. de cura pro mortuis, cap. 4. & 5. quem allegat qui idem quoque argumentum versavit Iulianus Toletanus l. 1. prognost. cap. 20. Summa doctrinæ quam tradunt, eo breuiter reducit, quod non possit quidem locus aliquid per se conferre mortuo ; Inde tamen non parum commodi ad mortuum deriuetur, quod occasione loci sancti in quo iacet, commeantium illuc fidelium orationibus adiuuetur. Quæ est etiam S. Gregorij ratio l. 4. Dialog. c. 50. Accedit quòd Ecclesia, loco sacro suas preces ac suffrágia veluti conseruit, quod est potentissimum medium ad leuamen à Deo fidelibus illic iacentibus exorandum. Has ob causas, pij quique iam olim magna sollicitudine curarunt dum adiuuerent, vt post mortem tumularentur in locis sacris, & benedictione Ecclesiastica ad sepulturam fidelium addictis ; notisque ac cognatis mortuorum magna religio fuit, id beneficium illis curare. S. Ambrosius in Satyri fratris epitaphio his versibus concinnato, hanc sibi fuisse mentem monstrauit.

*Vranio Satyro, supremum frater honorem,
Martyris ad lauam detulit Ambrosius.
Hæc meriti merces, vt sacri sanguinis humor,
Finitimas penetrans abluit exuias.*

Protuli in eam rem non pauca in Opere de Martyr.

p.4.c.6.num.7.E contrario autem apud S.Cyprianum epist.68.num.25.magno probro datur Martiali Pseudoepiscopo Hispano , [quod filios in eodem Collegio exterarum gentium more,apud profana sepulchra deposuisset,& alienis consepeliuisset.] Nunc quoque hominibus execrandis quibus pro sceleribus vita eripitur, complementum supplicij decerni solet,vt sepe-
liantur sepultura asini, careantque Ecclesiastica tumulatione. Ex amaritudine igitur huius effectus , pronunciare fas erit de acerbitate excommunicationis cum inferentis , & quantum sit extimescenda colligere.

Quàm item negatio sacrificij nomine Ecclesie.

3. Sacrificium quoque incruentum defunctis prodesse, certa est Ecclesiæ Catholicæ fides, nec vllum esse defunctorum subsidium cum ipso conferendum, affirmat Gabriel lect. 57. in Canon. Ardens studium curandi animæ suæ huius subsidij , exhibuit sub vitæ metam S.Monica, adiurans tam studiosè Augustinum filium moribundæ astantem, vt ad altare sanctum memor esset parētis, postquàm excessisset è viuis. Narrat hoc ipse D.August.l.9.Confess.qui etiam serm.32.de verbis Apost.ait à Patribus traditum, ab vniuersa Ecclesia obseruari morem illum animas defunctorum subleuandi per incruentum sacrificium. Videndus præterea in Enchir.cap.110.& l.20.Ciuit.c.9. Quanta affectus teneritudine S. Ambrosius, cum Valentinianum Imperatorem , tum fratrem Satyrum , oblato pro eis sacrificio Missæ , commendarit Deo , videre apud eum licet in vtriusque monodia. Quia non hoc
ago,

ago, vt fidelium mortuorum leuamen per Missæ sacrificium stabiliam, quod Ioannes Garetius & Iodocus Coccius, prolatis ex omni Christiano seculo Doctorum classibus, alique innumeri omni genere probationis astruxerunt, tempero pluribus. Tantumque dico, quod nossent antiqui Christiani quantopere sacrificium Missæ prodesset defunctis, non illis sat fuisse curare mortuis sacrificium quo die excessissent è viuis, sed die insuper tertia, item septima, nona, trigesima, quadragesima, & anniuersaria: quod ex antiquissimis Patribus diligenter de more confirmant Durantus l. 2. de ritibus c. 43. num. 5. & 6. Turrianus l. 4. pro epist. Pontif. c. 12. 13. & 14. & Pamelius ad epist. 66. S. Cypriani num. 13. & Tomo 1. Liturg. seculo 1. pag. 77. Nimirum agnoscebant columnæ illæ Christianitatis, quantum in Missæ sacrificio subsidium esset fidelibus defunctis repositum. [Non frustra, hæc (inquit præter cæteros Chrysostomus homil. 3. in ad Philipp.) ab Apostolis sunt legibus constituta, vt in venerandis atque horrificis mysteriis memoria eorum fiat; qui decesserunt, nouerunt hinc multum ad illos lucri accedere, multum vtilitatis. Eo enim tempore quo vniuersus populus stat manibus passis, ac cætus Sacerdotalis & illud horrorem venerationis plenû incutiens sacrificiû, quomodo Deum non placabimus, pro istis orantes? Atque id quidẽ de iis, qui in fide decesserunt.] Addit, nequaquam id pertinere ad Catechumenos, quia non excesserunt initiati. Quod quomodo accipiendum sit, suo loco discussum est.

Sine controuersia tamen statuendum est, quod de Catechumenis vita functis affirmat ibi S. Chrysostomus, nempe eos ex intentione Ecclesiæ non iuari

per incruentum sacrificiū quatenus nomine Ecclesiæ offertur, valere quoad excommunicatos : atque adeò eripi illis potentissimum illud subsidium, quo subleuari potuissent, siue per sacra specialiter illis applicata curantibus cognatis & amicis, siue per generalem in omnibus vbilibet terrarum sacrificiis commemorationem mortuorum prout factam nomine Ecclesiæ, sponsæ apud Deum gratiosissimæ. Eodem enim modo quo excommunicati viuentes fraudantur fructibus sacrificij, vt in superioribus est expositum, eodem proportionem seruata, mortui quoque, excluduntur eorundem fructuum participatione. Itaque hoc dispensium in tanta animarum calamitate quantam mox attingam, est sanè maximum, & dignum ratione cuius excommunicatio illud inferens, omnibus benè sibi prospicientibus, sit horrori.

Ac etiam precum communium.

4. Est & alia victima, quam pro defunctis fidelibus exhibere Deo solet Ecclesia; preces nimirum communes. Has quippe nomine alterius sacrificij pro defunctis, donat S. Chrysostomus perillustri loco ex homil. 41. in 1. ad Cor. quem de proprio proximè memorato, & de hoc improprio per preces sacrificio, splendide agentem, iuuat adscribere. [Non est temerè hoc excogitatum, nec frustra eorum qui excesserunt in diuinis mysteriis meminimus, & pro ipsis accedimus roganres agnum propositum, qui mundi peccatum tulit; sed vt inde eis sit aliqua consolatio. Neque abs re is qui adstat altari dum veneranda peraguntur mysteria, clamat : Pro omnibus qui in Christo dormierunt, & iis qui pro ipsis celebrant memorias. Nam
si pro

si pro ipsis non fierent commemorationes; ne hæc quidem dicta essent. Non sunt enim res nostræ ludi scenici, absit. Hæc enim fiunt ordinatione spiritus. Eis ergo opem feramus, & commemorationem eorum peragamus. Si enim Iobi filios expiabat patris sacrificium, quid dubitas an nobis pro eis qui excesserunt offerentibus, eis existat aliqua consolatio? Solet enim Deus etiam aliis pro aliis gratificari. Et hoc ostendebat Paulus dicens: *Vt ex multis personis eius qua in nobis est donationis, per multos gratia agantur pro nobis.* Ne nos pigeat opem ferre iis qui excesserunt, & pro eis offerre preces. Est enim propositum, orbi terræ commune piaculum. Propterea fidenter pro orbe terræ tunc rogamus, & cum martyribus eos vocamus, cum Confessoribus, cum Sacerdotibus; etenim vnum corpus omnes sumus, etiamsi sint membra membris splendidiora, & fieri potest, vt veniam eis omni ex parte conciliemus à precibus, à donis, quæ pro eis offeruntur.] Petrus Damiani Opusc. 33. c. 5. hæc esse defunctorum alimenta, eleganter dixit. Pius æquè ac fortis Iudas Machabæus, sanctam hanc & salubrem cogitationem appellavit pro defunctis orare, vt à peccatis solvantur. Sanctam quidem ex parte ipsorum orantium, quos charitas ad hanc misericordiam afflictissimis animabus impendendam impellit. Salubre verò, & orantibus qui alios iuuant, sibi primùm profunt, & præcipuè animabus huius subsidij egentissimis. Quod tamen qua ex parte potest esse efficacissimum, hoc est qua ex parte preces sunt publicæ, & Deo nomine totius Ecclesiæ exhibentur, est excommunicatis inutile, quia ex intentione Ecclesiæ inde excluduntur.

5. Indulgentiarum denique thesaurum ex Christi & Sanctorum superabundantibus satisfactionibus constantem, quo alienis impensis debita pro absterfis peccatis pœnæ redimuntur, Ecclesia diuinitus edocta, ita fidelibus defunctis releuandis applicat per modum suffragij, vt ad excommunicatos, quos viuentes earum opum participatione excluderat, nihil illius cœlestis beneficentiæ deriuari patiatur. Et quidem pia mater, pro fidelibus vita functis (quod Bracharius epist. ad Ianuarium scitè aduertit) non secus sollicita est, quàm Aia filia Respha, olim Saulis concubina, pro filij suspensi cadauere à volucris seruando, donec stillaret super illud ros de cœlo. Tamen pro mortuis excommunicatis, claudit ex hac parte viscera misericordiæ, nec eos communium illorum bonorum participes vlla ex parte esse concedit.


Necessitas subsidiorum prædictorum, ex tanta Purgatorij acerbitate.

6. Verùm vt liquidiùs perspiciatur, quanta sit excommunicationis virulentia penes omnes prædictas priuationes subsidiorum defunctis applicabilium, considerandum est, quanta quàmque aspera sit ignium emendatoriorum sæuitia. Nam elongationem à beato Dei vultu conspiciendo, placet in præsentia non vrgerè, tamen si malum est pœnis ab igne inflictis longè acerbius, iudice S. Chrysostom. l. 1. de compunct. cordis *sub finem*, & priore ad Theodorum paranesi, itémque S. Thoma in 4. d. 21. q. 1. artic. 1. quæstiunc. 3. & Richardo ibid. d. 20. artic. 2. q. 1. Quod tamen plerisque, ex vsu nostro, & tenui in Deum charitate

tate hæc metientibus, ægrè persuaderetur. Flammæ ergo purgantium quanta sit acerbitas, Patres sæpè tradunt. Disertè Augustinus l. de cura pro mortuis c. 18. ignem Purgatorij ait esse [miro modo grauem, excederèque omnes pœnas quas aliquis in hac vita passus est.] quod confirmat Psal. 37. ad vers. 1. vbi S. Gregorius, Psalmum illum qui est tertius inter pœnitentiales, exponens, id ipsum tradit: vt & Beda ad eundem locum, & Cæsarius homil. 8. Item S. Bernardus serm. de obitu Humberti *in ipso fine*, & creditus Anselmus in c. 3. epistolæ 1. ad Corinth. Affectum & sensum Petri Blesensis nolo præterire. Is tract. de transfiguratione ad illa verba, *vestimenta autem eius facta sunt alba sicut nix*, quid de pœnarum Purgatorij acerbitate sentiret, quid de multorum Christianorum, eas nunc pœnas parui facientium cæcitate iudicaret, sic est contestatus. [Quia plerunque peccata in baptismo mortua recidiunt; & renigrescit in nobis, quod fuerat super niuem dealbatum, alia nobis indulgetur ablutio, secunda scilicet post naufragium tabula, id est pœnitentiæ medicina. Sed plerique ablutione hac negligenter vtuntur, expectantes vt quidquid in eis squaloris aut rubiginis confessio non mundauit, igne Purgatorio abluatur. O insèfari & cæci si lauerit Dominus sordes filiarum Sion in spiritu iudicij, & spiritu ardoris. Nõne consultius vobis erat, breui contritione cordis & confessione purgari, quàm illud incendium expectare, licet non sit æternum, quod omnes dolores vitæ præsentis, omnes angustias nostræ sensualitatis excedit?]


7. Diuinum visum in hanc rem planè insigne ex Alberto Magno refert Cantiprat. l. 2. Apum, cap. 51.

num. 11. Affirmat enim animæ in Purgatorio per vnum diem iam detentæ, duriorem visam esse eam detentionem, languore acerbissimo vitæ huius, ad finem vsque mundi prorogando. Dissierunt de hoc argumento plenè ac solidè varij Theologi; nominatim Dionysius Richelius l. de iudicio anim. à cap. 14. & Suarez t. 4. 3. p. d. 46. f. 3. à num. 5. & varij quos annotat Scortia l. 2. de Missa, cap. 2. *in fine*. Hæc quisquis non perfunctoriè, aut fide lusciosa, vel languente, sed viuida & perspicaci contuitus fuerit; nã ille horrebit in eum se statum per excommunicationem coniicere, in quo tam dira tamque acerba patiens, leuamen per prouisa diuinitus subsidia, nullum accipiat.



C A P V T VII.

Horror excommunicationis ex damnis eius per ritum accidentarium quo solemniter intorquetur, expressis.

I.  VÆ hæcenus proposuimus, vt excommunicationem fidelibus valdè pauendam esse ostenderemus, pertinent ad eius quasi essentiam. Nunc prætermittendus non est horror ille, qui iniici potest ex damnis eius, expressis per adiuncta quibus aliquando conuestitur excommunicatio. Verè enim ritus & ceremoniæ religiosi officii ac pœnis adiunctæ, mirum quantum ad permouendas mortaliū mentes conducunt. Vt propterea apud Ethnicos, quod Tertullianus lib. contra Valentin. cap. 1. obseruauit,

obseruauit, magnus apparatus rituum præuorum, turpia sacra efficeret veneranda. E contrario autem, plerisque infidelibus res Christianas viluisse & obsoleuisse, quod illa adiunctorum illustrium pompa carerent, idem Tertullianus l. de baptis. c. 1. sic tradit. [Nihil adeò est quod obduret mentes hominum, quàm simplicitas diuinorum operum quæ in actu videntur, & magnificentia quæ in effectu repromittitur: vt hîc quoque quoniam tanta simplicitate, sine pompa, sine apparatu nouo aliquo, denique sine sumptu homo in aqua demissus, & inter pauca verba tinctus, non multo, vel nihilo mundior resurgit, eo incredibilis æstimetur consecutio æternitatis. Mentior, si non è contrario idolorum solemnia vel arcana, de suggestu, & apparatu, deque sumptu, fidem & auctoritatem sibi extruunt.] Hoc itaque consilio, Ecclesia ne excommunicatio obsolescat, adiungit plerunque vibrationi eius quosdam ritus horribicos, quorum inspectione & consideratione, stuporatae mentes percellantur, & neglectum excommunicationis dedoceantur.

Adiuncta anathematis, supra excommunicationem.

2. Eiusmodi est ritus, illi excommunicationi quam anathéma vocant, adiungi solitus. Fateor anathema, si substantia & veluti essentia eius spectetur, non differre ab excommunicatione maiori, vt liquet ex cap. *Engeltrudam.* 3. q. 4. & rectè docent Toletus l. 1. instruct. cap. 5. num. 1. Auila 2. p. c. 1. disp. 1. Syluester v. *excommunicatio.* 1. q. vltima (malè reiectus à

Castro l. 2. de iusta hæreticor. punit. c. 20. quasi voluisset hanc solam esse anathematis notionem, cum tamen tantum voluerit quod dicimus:) Nauarrus comment. de datis & promissis notab. 4. num. 10. qui tamen præter aliorum quos allegauimus communem sententiam, adductis nonnullis iuribus, & Bullis Pontificiis, contendit anathema idem prorsus esse quod excommunicationem maiorem, etiam absque vlla solemnitate vel apparatu vibratam. Sed passim DD. anathema censent sonare aliquid horribilius, & continere adiuncta quædam ad incutiendum horrorem accommodata. Adiuncta anathematis appello, solemnitates quasdam, quæ in simplici excommunicatione non usurpantur, unde per eas excommunicatio seceratur accidentariò ab anathemate. Sic cap. *cum non ab homine*. de iudic. cum reus est simpliciter contumax, decernitur feriendus simplici excommunicatione: quod si erectus in superbiam, fiat ulterius proteruus & contumax, dicitur feriendus anathemate, id est mādatur repeti excommunicationem, adiunctis horrificis solemnitatibus, vt ibi notat Panormit. & communiter alij, contra Glossam malè secùs interpretatam illum textum. Eas solemnitates, quia in variis Ecclesiis variæ sunt, propono ex cap. *debent*. 11. q. 3. de prompto ex epistola Zachariæ Papæ ad S. Bonifacium, vbi sic præcipitur intorquendam solemnem excommunicationem. [Debent 12. Sacerdotes, Episcopum circumstare, & lucernas ardentes in manibus tenere, quas in conclusione anathematis, vel excommunicationis proiicere debent in terram & conculcare pedibus. Deinde Epistola per parochias mittatur, continens excommunicatorum nomina, & causam
excom

excommunicationis.] Idem modus intorquendi anathema præscribitur in Pontificali Romano p. 3. cap. *de ordine excommunicandi*, nisi quod omittitur conculcatio cerei proiecti. Quòd si Episcopus iaciens anathema, sit ipsemet summus Pontifex, tunc pro 12. Sacerdotibus Episcopo solemniter excommunicanti æstantibus, adsunt Pontifici 12. Episcopi vt refert Sayrus l. 1. de censur. c. 15. n. 4. Sed regustemus singula solemnitis excommunicationis adiuncta iure communi præscripta; sunt enim magnis fœta Sacramentis, ad incutiendum excommunicationis horrorem valdè appositis.

Quid denotet Episcopus, & duodenarius Sacerdotum.

3. Episcopus & 12. Sacerdotes, Christum & duodenarium Apostolorum repræsentant; significaturque, eorum autoritate ac in ipsorum persona, vibrari anathema. Sicut enim olim in Conciliis, codex Evangeliorum in medio conclauis super folio ad id parato constituebatur, vt significaretur Christum adesse, & præesse synodo; ita Episcopi & 12. Sacerdotum persona, designat Christi præsentiam & Apostolorum, inque eorum persona vibrari sententiam. Ex hoc adiuncto Syluest. v. *excommunicatio*, 1. n. 5. *in fine*, post Glossam communiter receptam cap. *cum ab Ecclesiarum praelatis*, de offic. ordinar. intulit ius & potestatem solemnitis anathematis intorquendi, penes solum Episcopum esse. Idem habent Nauar. comm. de datis & acceptis notab. 4. num. 10. & Sayrus lib. 1. de Censur. cap. 15. num. 5. Imo Concilium Meldense

can. 56. permissa Episcopo facultate excommunicandi ex certa & rationabili causa, subdit, anathema tamen non posse intorqueri nisi ex consensu Archiepiscopi, vel Coëpiscoporum: eo quod anathema sit æternæ mortis damnatio: id est, eo quod ferè contingat, hominem diris illis deuotum malè perire, & dampnari. Vides ergo anathema soli Episcopo, ac ne absque assensu quidem aliorum Antistitum, esse vsurpandum. Chassanæus tamen consil. 1. præsupposito §. n. 1. cum Felino in c. 2. de except. existimat, anathema non ab Episcopo tantum, sed etiam à quocunque habente iurisdictionem Episcopalem, vibrari posse. Imo ibid. præsupp. 4. num. § 2. negat esse amplius in vsu, vt solus Episcopus intorqueat solemne anathema. Receptum sanè videmus, vt simplex Sacerdos aduocatis nonnullis è clero, vibret aliquatenus solemnem excommunicationem, eamque (vt passim loquimur,) fulminet. Quia tamen tunc, saltem Episcopus non adest, desideratur plenitudo solemnitatis præscriptæ cap. *debent*: ac proinde adhuc potest asseri, anathema siue excommunicationem solemnem, (vtique si plenè sollemnis sit,) à solo Episcopo intorqueri.

Quid cerei extinctio, proiectio, calcatio.

4. Lucernæ, id est cerei ardentes, (nam etiam Ge-deon ac focij, dicuntur lucernas prætulisse, cum cereos præferrent:) cerei inquam in manibus Episcopi & Sacerdotum, significare primò possunt, horredam maledictionem, qua feriuntur qui percelluntur anathemate. Sic enim in vita S. Bernardi, legimus sanctū virum cum execrari vellet impurissimum dæmonem, à quo

à quo misera mulier turpissimè infestabatur, iussisse omnes astantes præferre manibus cereos accensos, quos mox cum Sathanæ detestatione proiicerent, & extinguerent, quasi in illum flammâ deiicerent. Nam etiam Psal. 57. irrogatio pœnæ grauiissima, significatur verbis illis, *supercecidit ignis, & non viderunt Solem.* Similiter ergo superiectio hæc candelarum incensarum, potest ad intorsionem pœnæ diuinitus homini deuoto inferendæ, pertinere. Iuxta Clementem Alexandrinū in protrept. columna nubis & ignis Hebræis præuia, sicut ratione nubis regentis, gratiæ indicium fuit; ita qua ex parte ignis erat, contestabatur maledictionem contumacibus inferendam. Ea item ex causa, Deus vt se ultorem fore significaret, intelligerentque transgressores rem sibi cum igne fore; descendit legem laturus exhibito igne, vt philosophatur S. Cyrillus t. 6. Conc. Ephes. cap. 5. Et olla succensa, post virgam exhibita est apud Prophetam, vt doceremur, quem monitio non correxerit, pœnæ esse addendum, vt notauit S. Chrysost. orat. de SS. Martyr. t. 1. Græcol. 919: In summa, tam familiare est scripturis, ignem pro atroci supplicio & graui maledictione usurpare, vt Achan quem lapidibus obrutum interiisse constat; igne, id est, durissimo & grauiissimo supplicio, periisse legatur. Eo ergo pertinere potest cerei ardentis proiectio, vt significetur, quàm atrox supplicium maneat excommunicatum, quasque in se aduocet pœnas, & maledictiones. Nam his distinctiōis exprimendis, in quibusdam Ecclesiis, non modò in actu exercito, (quod semper fit,) sed etiam in actu signato, adiunguntur anathemati maledictiones, vt infra dicam in capitis calce. Reducitur ad hanc interpretationem

pretationem proiectionis & extinctionis cerei, quod in Concilio Lemouicensi, vbi hic ritus est adhibitus, vt referam c. 9. dicitur precatos Episcopos, vt sic extingueretur lætitia reorum, quos tunc excommunicabant.

Potest præterea cerei projectio & extinctio, significare mysticam hominis interfectionem, per gratiæ quæ interni hominis lumen ac splendor est, exclusionem ab eo factam in quem anathema intorquetur. Non quod anathema excludat gratiam, sed quod eam supponat exclusam: eius autem exclusionis commemoratio fiat, cum causa reficitur, ob quam quis tam dira castigatione percellitur. Cereum significare hominem, ex vsu prisco latinorum, trado latè cum de Christo per cereum expressio. Quod si homo physicè sumptus, cereo commodè exprimitur, optimè quoque per cereum exhibetur, quatenus supernaturaliter collucens. Nihil vulgatius, quàm vt cereus incensus Christianum hominem Catholicæ cōmunionis participem, & fide viuâ collustratum repræsentare censeatur. Sic enim ad fidei viuæ contestationem & professionem edendam eo facto, mox animam efflaturis cereus ardens in manus datur. Eandemque ob causam, qui baptismum suscipit, ardentem cereum præfert manibus, de quibus omnibus plura in prædicto opere. Fidei ergo viuæ & Ecclesiasticæ communionis extorrem, significat candelarum in anathemate projectio & extinctio.

Potest denique deiectio illa & extinctio cereorum in terram, eo pertinere, vt insinuetur, sicut Satanas quem Scripturæ ac Patres priusquàm statu gratiæ excideret, specie luminis exprimunt, deiectus est deorsum

sum magno impetu, iuxta illud, *videbam Satanam sicut fulgur de cœlo cadentem*; ita cum qui anathemate feritur, de cœlo Ecclesiasticæ communionis deiici, & deinceps partem suam habiturum cum Satana & Angelis eius, qui cum essent secunda lumina, ut loquitur Nazianzenus, deiectione sua è cœlo, tenebrati sunt.

5. Conculcatio cerei deiecti, facta pedibus anathematizantium, designat proditionem & conculcationem excommunicati, per Satanam cui deditur. Ita ex Iafone, Romano, Felino, Neuizano, Saulio, Nauarro, ac Ferrario, Lazarius sect. 1. q. 19. num. 9. Significare præterea potest ea conculcatio, excommunicatum esse ex eorum numero qui sunt probro Ecclesiæ, & leges eius per effrænem audaciam conculcant, sunt-que velut Iebusæi in medio filiorum Israël. Iebusæum enim interpretantur *conculcantem*, ut ait Origenes homil. 21. in Iosué. Vnde subdit. [Videamus qui sunt in Ecclesia conculcantes. Illi sine dubio, de quibus dicit Dominus in Euangeliiis. *Nolite mittere sanctum canibus, neque margaritas vestras ante porcos, ne forte conculcent eas pedibus suis, & conuersi elidant vos.* Iste est ergo Iebusæus conculcatio, qui indigni audiunt verbum Dei: & cum audierint neque ut infideles discedunt, neque permanent ut fideles, sed percepta mysteriorum notitia, fidei nostræ secretioribus scrutatis, conuersi postmodum impugnant nos, & contradictionibus suis corda nostra dirumpunt, conculcantes verbi Dominici margaritas, & ornamenta fidei maculantes.] Vfus porrò fert, ut candelæ sic calcatæ ad nullum postea usum assumantur, ut significetur excōmunicatum esse sal infatuatum, qui ad nihilum valet ultra, nisi ut mittatur foras & conculcetur ab hominibus, ut habetur

habetur cap. *non omnes*, 2. q. 7. & tradit Glossa ad cap. *debent*, v. *conculcare*, 11. q. 3.

Anathematis euulgatio, cuiusmodi.

6. Addit Zacharias, mittendam esse epistolam per parochias, quæ reorum nomina & inflicti anathematis causam contineat: quod pertinet ad disseminationem probri, ut omnibus innotescat hominis dirè deuoti malignitas tanto verbere flagellata. Hac ipsa ex causa, decreto Concilij Aruernensis referente Iuone Carnotensi epist. 76. *sub finem*, constitutum est, ut excommunicatus ab vno Episcopo, à vicinis item Episcopis excōmunicetur. Idem epist. 179. *in fine*, post interpellatā Adclam Comitissā pro Ecclesiæ quiete & indemnitate subdit. [Quòd si hæc omnia contempseritis, sciatis quia Ecclesia corde cōtrito & humiliato, ascitis sibi omnibus Ecclesiis subiectis, quotidie ante corpus & sanguinem Domini, & sanctorum patrocinia, clamorem faciet (id est excommunicationē sonantissimè proferet,) aduersus omnes huius mali patratores, & consentaneos: (Gallismus est, quo designantur consentientes, *les consentans*,) & ad hoc ipsum, ex debito omnes vicinos Episcopos. cum Ecclesiis sibi subiectis inuitabit.] Itaque tamen in decreto Zachariæ vox *parochia* passim accipiat iuxta communem notionem, ita ut non significet Ecclesias extra Diocesim Episcopi excommunicantis, sed eas quæ illi subiacent dūtaxat: Tamen non improbabili-ter etiam dici potest, significatas ea voce Ecclesias quascunque vicinas, tamen alterius Diœcesis quales sunt multæ in finibus Episcopatuū. Quinimo obser-
uatu

uatu facile est quod ex 2. constit. Apostol. c. 58. monuit Franc. Turrianus l. 5. contra Magdeb. c. 2. in antiquis Conciliis, & epistolis Pontificum, vocem *parochia*, ad designandum Episcopatum vsurpari frequenter: Sicut vox *diæcesis* pro Archiepiscopali prouincia, vt ex Hincmaro notat Coluenerius in Onomastico ad Ecclesiæ Remensis historiam à Flodoardo conscriptam. Quare euulgatio anathematis per parochias, accipi potest pro euulgatione eius per quasque non procul distitas Ecclesias, siue eiusdem, siue alterius Episcopatus, vt videmus factum tempore S. Basilij, quod apud eum legere est epistola 47. & seruatum etiam monstrauius tempore Iuonis. Variis item decretis cautum videmus, vt charta damnationis publicè tanquam programma appendatur pro Ecclesiæ foribus, vt in Andronici anathematizatione factum à Synesio legimus. Videsis cap. *cura sit.* 11. q. 3. & cap. *parochianos*, de sent. excommun. & cap. *ad certitudinem*, eodem in extrau. commun. Quæ ad præsentem vsum denunciationis & promulgationis propositæ pertinent; à quo videlicet, & quomodo sit facienda, prosequitur latè Ricciullus l. 4. de iure person. extra Eccles. cap. 62.

Apud Græcos, ad eandem infamiæ euulgationem, anathema publicè in columna proponebatur. Quod aliqui colligunt ex Socrate qui 7. histor. c. 33. mentione facta anathematis in Nestorium vibrati, subdit. [Sic Christiani appellare solemus pronunciatum contra blasphemos decretum, quando id veluti columellæ affixum, manifestum cunctis ostendimus.] Arbitror huc respexisse S. Basilium in c. 1. Esaiæ ad illud, *auferam omnes iniquos abs te*; cum dixit, fuisse signa

signa circum Ecclesiam locata, quibus excommunicati arcebantur ab Ecclesia: quod non videtur posse aliter accipi quàm de nominibus & damnatione excommunicatorum, columnæ circum Ecclesiam constitutæ adscriptis. Sed apud Socratem, particula *veluti*, prouerbialiter dictum videtur innuere, quod de columna adiungit. Sicut apud Nazianzenum orat. 3. *sub initium & in fine*, legimus orationem illam qua Apostatæ scelera particulatim describuntur, statutam illi esse velut columnam, in qua ad perpetuam ignominiam insculpta cernerentur eius crimina. Fauet tamen sententiæ, quæ verè inscripta columnæ nomina diris deuotorum apud Græcos statuit, quod Elias duobus ex Theologo notatis locis habet, de vsu antiquorum, [vt quorum insignis quædam improbitas esset, eorum vituperationes in columnis inscriberentur, vt & ab omnibus legerentur, & omni tempore permanerent.] Sic apud Demosthenem Philipp. 3. *stilitis* dictus est, qui infamia aspergebatur, nomine eius, columnæ infixio. Sic etiam Æmilius Probus in Alcibiade scribit, Alcibiadem migrasse Lacedæmonem, ex quo audiuit se capitis damnatum, bonis publicatis; & Eumolpidas Sacerdotes adactos à populo cum deuouere, & proponere in lapidem pila incisum deuotionis exemplum, quò perennius esset illius memoria. Habet idipsum Isocrates orat. de iugo. Obseruat autem Raderus 3. p. virid. SS. cap. 4. *non multum ab initio*, nomen illius columellæ cum in malam partem accipiebatur, non fuisse *σύλος*, per *υ*, sed *σύλος* per *η*. Vnde infert aliud esse *εν κρίσει η σύλω ισάμενος*, aliud autem esse *σηλιτευόμενος*, quod posterius plerumque respōdet famoso scripto, quo noxij crimina

crimina publicè proponebantur legenda, dicebaturque λόγος σηλιτευτικός. Erat quidem propriè σήλη, cippus sepulchrorum tumulis impositus cum inscriptione, qualis illa Iulij Cæsaris, quam Tullius *execratam columnam* nominat. Tamen vsus, fortassis ob civilem mortem & infamiam nocentium, ad illos quoque eā vocem extendit. Ex hoc vsu profanorum, manasse ut Græci Antistites nomen eius qui anathemate percelleretur, ipsamque anathematis sententiam, sin minus lapideæ columnæ inscriberent, & inciderent; at saltem in ea appenderent conscriptam in charta; argumento esse potest, quod Græcis scriptoribus non insolens locutio est, qua σηλιτεύειν dicūt, pro eo quod est, deuouere, & anathemate percellere publicè, & in omnium oculis. An ad deuotionem & quasi excommunicationem huiusmodi, pertinebat quoque vsus Pythagoræorum, statuentium columnas nominibus eorum prænotatas, qui Philosophiam abieciissent, facti desertores? Refert Clemens Alexandr. l. 5. Strom. & Origenes lib. 2. contra Celsum.

Scriptio sententia, aliquando Christi sanguine.

7. Nolo circa hanc anathematis in charta conscripti euulgationem in qua versamur, prætermittere illud, singulare prorsus, & ad horrorē incutiendū planè aptum, quod aliquoties factum legimus: Nimirum ut sententia anathematis, in ea charta exararetur intincto calamo in Christi sanguinem sacro calice contentum. Factum id esse in Concilio Romano sub Theodoro anno 648. cōtra Pyrrhum Monothelitam
G G . celebrato,

celebrato, scribit his verbis Theophanes, in miscella, anno 20. Heraclij. [Pyrrhus cum Roma discessisset, & Rauennam peruenisset, vt canis ad suum vomitum reuersus est. Quo Papa Theodorus comperto, plenitudine conuocata Ecclesiæ, ad sepulchrum verticis Apostolorum accessit, & diuino calice exoptulato, ex viuifico sanguine in atramentum stillauit, & ira propria manu depositionem Pyrrhi excommunicati fecit.] Id est, & excommunicauit, & deposuit, ytraque damnationis parte comprehensa scripto, sic exarato Christi sanguine. In rebus tamen gestis, Theodori Papæ antiquitus scriptis, quibus Pyrrhi damnatio fuisset describitur, prætermissa est hæc circumstantia: eamque etiam omisit S. Martinus I. Secretario i. siue actione i. Concilij Lateranensis, commemorans damnationem Pyrrhi per Theodorum. Suppetit alterum exemplum exaratae Christi sanguine excommunicationis, ex Niceta Paphlagone in rebus gestis S. Ignatii Constantinopolitani Patriarchæ. Scribit enim Octauam Synodum Constantinopolitanam, duorum supra centum Episcoporum, excommunicasse & deposuisse Phorium, ad eum modum. [Subscribere (inquit) calamis non nudo atramento, sed in quo penitus contremiscas, vt eos qui rem norant asseuerantes audiui, ipso Saluatoris sanguine tinctis.]

Horror excommunicationis, ex dictis inferitur.

Non plura de ritibus iure communi præscriptis in anathematis intorsione & euulgatione. Ex quorum expositione liquere potest, de excommunicationis damnositate. Nam tamen si ritus illi non adhibentur in

Ritus in vibranda excom. 467

in quavis excommunicatione, tamen effectus per eos adumbrati, æquè omni excommunicationi sunt communes. Vnde in omni æquè excommunicatione adhiberi possunt, si noxius obdure scat, vt habetur cap. cum non ab homine, de iudic. vbi Cælestinus Papa mādāt, vt clericus incorrigibilis, si post excommunicationem obfirmetur in nequitia, feriatur mucrone anathematis, id est excommunicatione solemnī, & iis ritibus conuēstita quos proposuimus. Eodem pertinere vult Alphonsus de Castro l. 2. de iusta hæret. punit. c. 20. quod Conciliorum & Pontificum decretis, post intentatam excommunicationem subiicitur semper, numquam autem præponitur comminatio anathematis: vt significetur, post vibratam excommunicationem, si non sequatur emendatio, progrediendum fore ad intorsionem anathematis horrifici, iis quos proposuimus accidentariis ritibus supra excommunicationem simplicem conuēstiti. Potest ergo apparatus ille rituum constituens anathema, adiungi cuius excommunicationi simpliciter dictæ, si obfirmatio noxij & malignitas id ferat.

Speciales alicubi ritus anathematis.

8. In variis Ecclesiis particularibus, præter ritus propositos, alij quidam in anathematis vibratione vsurpantur valdè horrifici, quos recenset Alphonsus de Castro l. 2. de iusta hæret. punit. c. 20. & Henriq. l. 13. cap. 20. num. 3. Ad duo capita eos refert Viguerius in instit. tit. de Ordine vers. 15. Primum quod interdicitur quindecim proximioribus vicinis, ne extra necessitatem quasi extremam, ministrent excommunicato

aquam aut ignem, aliave vlla obsequia illi impendant. Secundum quod in eum intorqueantur imprecationes, & maledictiones. Verum primum caput generale est, & cuius excommunicato denunciato commune. Quoad maledictiones autem & imprecationes, quas Viguerius in secundo capite collocat, varius est variis in locis modus. Adscribo quem audio teneri in Diœcesi Gratianopolitana, cuius nunc finibus teneor. Parochus sacro communi ac publico ritè absoluto nigram stolâ super sacerdotalè castulam indurus, ad Ecclesię valvas progreditur, præeunte cruce pullis velis adoperta. In vicinis quibusdam Ecclesiis, audio ipsam crucem per humum trahi. Sed hic est *deestabilis abusus, horrenda indeuotionis*, vt dixit Gregorius 10. in Concilio Lugdun. referturque tit. de offic. Ordin. c. 3. in 6. Dimissa ergo ea impietate, ignaris haud dubiè Præsulibus vsurpata, pergamus cœpto itinere. Comitantur Parochum Sacerdotes ac Clerici linteati, quanto fieri potest numero. Interim æra campana inconditis & lugubribus modis perstrepūt, ad Tragœdię vsque Catastrophâ. Qui ritus præscribitur quoque à Ioanne XXII. Extrau. *Infidelis*. de fur-
tis, cum mandat directores cuiusdâ thesauri, solemniter excommunicari. Progredientes verò ad Ecclesię valvas Sacerdotes & Clerici, decantant responsorium illud: [Reuelabunt cœli iniquitatem Iudæ, & aduersus eum non surget, & manifestum erit peccatum illius in die furoris Domini. *℟.* Cum eis qui dixerunt Domino Deo, recede à nobis, scientiam viarum tuarum nolumus. *℣.* In die perditionis non saluabitur, & ad diem ultionis adducetur. *℟.* Cum his qui dixerunt Domino Deo, recede à nobis, scientiam viarum
tuarum

ruarum nolumus.] Ad templi limen cum ventum est, cantatur Antiphona. [Media vita in morte sumus, quæ quærimus adiutorem nisi te Domine, qui pro peccatis nostris iuste irasceris. Sancte Deus, Sancte fortis, Sancte & misericors Saluator, amaræ morti ne tradas nos. Ne proiicias nos in tempore senectutis, cum defecerit virtus nostra ne derelinquas nos.] Subiicitur totus Psalmus 108. Tum maledictio intorquetur in singula membra eius qui anathemate percellitur, proiecta in terram ad vniuscuiusque membri maledictionem, ardente candela. Hæc autem sunt concepta maledictionis verba. [Maledictum sit eius caput, crines, supercilia, oculi, nares, labia, dentes, brachia, manus, viscera, venter, pectus, tibia, pedes, & omnia eius membra. A planta pedis vsque ad verticem capitis, non sit in eo sanitas. Inferat Deus super eum & bona eius, maledictionem æternam. Diabolus sit semper à dextris, & à sinistris eius, donec dies eius pauci fiant.] Interim comburuntur spinæ iuxta illud Nahum: *Sicut spina se inuicem complectuntur, sic conuiuium eorum pariter potantium, consumetur velut stipula ariditate plena.* Tandem tres lapides, magno connifu & valido impetu iaciuntur in terram, Deum rogando, vt similiter percussum velit anathematizatum, ac olim Core, Dathanum, & Abironem percussit; sicque eodem quo ventum erat ordine, ab omnibus receditur.

Adiunctæ anathemati imprecationes, absque labe.


9. Non est quod aliquem moueat imprecatio malorum, qua videt in proposita formula tangi excommunicatum solemniter; præsertim verò imprecatio

tiō æternæ maledictionis, qualis etiam vsurpatur in formula quarundam Ecclesiarum, in quibus vt refert Castro l. 2. de iusta hæret. punit. c. 20. cum candela accensa, est extinguenda, superfunditur ei aqua inter proferendum hæc verba: [Sicut hæc cādela extinguitur in hac aqua, ita anima huius excommunicati, pereat in Inferno.] Nec secus factum videtur, per eas maledictiones quas prisce vocabant Scariothicas, quod totidem essent, quot iaciuntur in Iudam Psal. 108. Dixi de illis execrationibus olim per Episcopos adhibitis, nonnulla in Opere de Iuda c. 13. num. 2. post Gretserum l. de maledictionibus c. 6. Hæc inquam non est quod admirationem moueant, cum etiam in plerisque Scripturis, similia vsurpata vel mandata legamus, vt notauit Campegius tract. de excomm. *sub finem*, & Viguerius de Sacram. Ord. versic. 15. Prophetæ namque diuinitus moti, sæpè æterna supplicia, (& multo magis temporalia,) imprecantur impiis. Et quamuis D. Augustinus in Psalmum 5. ad vers. 12. tales imprecationes, à Prophetis in speciem fusas, censet non diras & imprecationes, sed prænuntiationes esse malorum quæ impiis aduenient; Quamuis item Nyssenus orat: 1. in Orat. Domin. existimet, diras illas propheticas, spectare tantum destructionem peccati, non damnum peccatoris: Tamen nihil est necesse, existimare Prophetas semper in sensibus prædictis fuisse imprecationes: sed verè, sin minis semper, at saltem aliquando, apprecati sunt impiis iustum salarium impietatis, etiam æternum, supposita obduratione perpetua, & finali impœnitentia, quæ libera est peccatori. Posito enim quod peccator, illud æternæ maledictionis fundamentum velit ponere, dignū

ac iustum est, ut ei rependatur moles æternarum calamitatum, estque rationi valdè conforme, eam illi in sua pertinacia morienti imprecari, ut diuinæ iustitiæ satisfiat. Doctrina est S. Thomæ 2.2.q.76. artic. 1. & Gabrielis in 4. d. 18. q. 2. art. 1. *in fine*, qui declarant maledictionem posse labe vacare, si vel intorqueatur sub ratione boni utilis, (v. g. cum optatur homini agritudo, ut resipiscat) vel certè feratur sub ratione boni iusti, quia iusta pœna homini desideratur. [Et sic (inquit D. Thomas,) Ecclesia maledicit anathematizando. Indubitatum porrò videtur, huiusmodi Ecclesiasticas execrationes & imprecationes non abire cassas. Nam Deus, sicut precantem Ecclesiam audit, ita & imprecantem. Perspicuum itaque existimo, eas imprecationes multum officere, nec exiguum horrorem anathematis, iniici ea nominatim ex causa oportere. In hac meta obiter moneo, Iulianum Imperatorem post Apostasiam, cum se pro summo Ethnicismi sacrorum Pontifice gereret, & Sacerdotem quendam ab omnibus sacris & Sacerdotis officiis per trimestre arceret; noluisse execrationes adiungere, uti factum antèrius refert: sed contra exempla Deorum. Videtis epistolam eius 62. Videri posset Christiana anathemata momordisse, nisi quod, adhibitas antèrius Deorum execrationes affirmat: quod in Christianos minus aptè cadit.

CAPVT VIII.

Quomodo Excommunicationis pernicies in Scripturis novi Testamenti exprimatur.

1.  T penitus infigamus quæ hæcenus constituta sunt de extimescenda animaduersione Ecclesiastica, operæpretium est percurrere & expendere, quibus loquendi modis Spiritus sanctus in nouo Testamento eam expresse: Eritque hoc confirmationis ab autoritate exordium. Nam Scriptura cum sit verbum Dei, summo & irrefragabili eius testimonio grauidatur. His itaque loquendi modis enunciat in nouo Testamento, hoc quod passim dicimus *excommunicari*. 1. Anathema fieri. 2. tradi Satanæ. 3. tolli de medio, auferrique. 4. abscindi. 5. mitti foras. 6. esse sicut Ethnicum & Publicanum. 7. ligari in terra & in cælo. 8. virgæ subiici. 9. increpari durè. 10. notari. Regustemus singulos.

I. ANATHEMA ESSE. Græcè ἀνάθημα, quod aliud sonare quàm ἀνάθημα, videre est apud Serarium in c. 16. Iudith. Et quanquam D. Hieron. in c. 1. ad Galat. ad illud, *sed licet nos*, &c. dicat vocem ἀνάθημα esse propriè Iudæorum, non negavit tamen S. Hieronymus, hanc vocem esse Græcam: sed significare voluit, Græcam hanc vocem habere subiectam sibi notionem, quæ sit propria Hebræorum, ut rectè vidit Marianus Victorius in Indice Hieron. v. *anathema*. Quæ porro circa eam notionem ineptiuerunt nonnulli.

nulli Scholaſtici & Iuriſperiti, vix adducor vt referam, adeò ſunt inſulſa. Attingo duntaxat vnius & alterius cogitationem. Vorrilongus in 4.d. 19. q. 1. artic. 1. ait anathema idem eſſe quod ſeparationem rectam, id eſt iuſtè factam: ab *ἀνα*, quod eſt *rectum*, & *τόμῳ*, id eſt *diuiſio*. *Ἀνα*, autem ſignificare *rectum*, probat hic autor, adductis verſibus ex opere inſcripto *Graciſmus*. Hæc eſt manifeſta ruditas, & ignoratio Græci idiomatis, tum quoad particulam *ἀνα*, tum quoad vocem *τόμῳ*, quam bonus hic Homerus cum dormitaret, aut cæcutiret, non aduertit carere *θ*, & habere *τ*, contra quàm fit in voce *ἀνάθεμα*. Ferè æquè ineptè Chaffanæus conſil. 1. præſuppoſ. 5. num. 1. poſt Panormitanum cap. *cum non ab homine*. de iudic. num. 23. itémque Sylueſt. v. *excommunicatio*. 1. q. vltima, anathema deriuat ab *ἀνω*, quod eſt *ſurſum*, & *θέτα*, quæ eſt nota confixionis & maledictionis, iuxta illud Perſij Satyra 4.

Et potis es, nigrum vitio præſigere theta.

Itémque illud Martialis l. 7. epigr. ad Caſtricum.

Noſti mortiferum Quaſtoris Caſtrice ſignum:

Eſt operapretium diſcere theta nouum.

Quia ergo *θ*, erat nota damnationis, exiſtimat Chaffanæus cum aliis allegatis, anathema perinde ſonare ac maledictionem, de ſurſum ſiue è cælo vibratam. Et hanc quoque notationem anathematis, ſublannat meritò Nauar. comment. de datis & acceptis, notat. 4. num. 10. Sed de his gerris plus ſatis.

2. Veram anathematis notionem, diſcere licet ex Patribus, nominatimque ex Chryſoſtomo homil. de Anathemate. [Quid eſt (inquit.) hoc ipſum dicere Anathema? Vide quid dicis: cognoſce quid loqueris.

Nosti verbi vim? Quamuis inuenies in sacra Scriptura, quod dicitur contra Hiericho: *anathematizabis totam ciuitatem Domino Deo tuo.* Et inualuit apud nos omnes consuetudo, quæ in hodiernum vsque diem durat, vt anathema dicatur quid certo loco suspensum. An hoc tu dicis anathema? Sed hoc plerunque in bonum sonat, & est interdum oblatum Deo. Quid ergo illud, quod anathema tu dicis eum qui oblatum est diabolo, nec vltra regionem salutis inhabitat, sed alienus est à Christo?] Optimè quoque homil. 16. in ad Rom. *ferè initio*, exponens desiderium Apostoli, vt esset anathema à Christo pro fratribus suis. [Quid igitur est anathema? Audi ipsum ita loquentem: *Si quis nō amat Dominum nostrum IESVM Christum, is anathema sit:* Hoc est, ab omnium commercio segregetur, alienus ab omnibus sit. Nam quemadmodum anathema, donumque id quod Deo oblatum dedicatur, nemo est qui temerè manibus contingere audeat, neque ad id propiùs accedere; sic & eum qui ab Ecclesia separatur, ab omnibus abscindens, ac tanquam longissimè abducens hoc nomine (à contratio scilicet) appellat, magno cum terrore omnibus interminatus, ab eo vt separentur, ac pedem referant. Anathemati enim, honoris gratia appropinquare nemo audebat. Ab eo autem qui ab Ecclesia abscissus erat, ex opposita omnes sententia separabantur. Quapropter separatio quidem, tum hæc, tum illa, ex æquo à vulgo abalienatio erat: separationis verò modus non vnus, sed illi contrarius. Ab illo enim abstinebant, tanquam Deo dicato: ab hoc autem decedebant, tanquam à Deo alienato, & ab Ecclesia abscisso.]

Non dissimiliter de anathematis notione S. August.

q.41.in Numer.& ferè autor q.121.ad Orthod. apud Iustinum:vbi notat, anathematismum in malam semper partè accipi.At anathema,(quod de ei antistropha Hebræa voce *Kerem*,latè prosequitur Seraius in c. 6. Iosue q.33.) nunc rem Deo sacram, nunc è contrario rem omni cū execratione auersandā designare: quòd sicut rem Deo sacram,nemo ausit contingere,ita percussū anathemate, nemo ausit communicationis suæ facere participē.Catathema autem iuxta eundem creditum Iustinum,eos significat,qui se iungunt anathematismū vibranti. Quāquam Oecumenius Actor. 23.arbitratur catathema dicendum esse,quod per abusum dicitur anathema.Nam sursum appendi,ἀνω, minùs aptè vsurpatur ad significandam deiectionē deorsum cum Satana, quàm κάτω, quod verè *deorsum* sonat. Vfus tamen obtinuit, vt notio anathematis esset quam diximus; significeturque ea voce, contritio plena,& clades omnimoda excommunicatio ilata.

3. Facit hunc sensum ea vox apud Apotolum 1.Cor.16. verbis illis. *Si quis non amat Dominum IESVM Christum,anathema sit.* id est malè perbit, & extremæ contritioni subiacebit. Eodem sensu in plerisque aliis scripturis accipi vocem anathematis,docet D.Hieron.q.9.ad Algas.& in c.14. Zachariæ ad illud, *anathema non erit amplius.* Nec aliud significare voluit Tharasius epist.ad Constantinum & Irenem,cum dixit, anathema nihil aliud esse quàm separationem à Deo. Quia enim Deus est omne bonum, separari à Deo,est separari ab omni bono,& omnibus malis inuolui.Eandem summam cladem sonat vox anathematis Malach. vltimo, vbi Deus denunciat se missurum Eliam Prophetam, vt conuertat cor patrum ad filios, & cor

476 *Pars II. Caput VIII.*

& cor filiorum ad patres eorum; *ne fortè* (inquit) *veniam, & percutiam terram anathemate*; id est, ne terram conteram & perdam, cladique æternæ, & exitio immedicabilisubiiciã. Septuaginta verterunt *ἀπὸ νῦν*; quæ vox significare potest *omnino*, vel *subitò*, vt ibi monuit S. Hieronymus. Vox *omnino*, facit sensum quem diximus. Et eodem recidit vox *subitò*. Sensus quippe est. Præmittam aduentuū meo ad iudicium, Eliam Prophetam, ne cogar subitò penitus disperdere orbem, plena ei & extrema clade illata, vt fiebat iis vrbibus quæ iussu Dei perdebantur funditus, & idcirco dicebantur feri anathema, id est penitus deleri.

Quia ergo excommunicatus afficitur suprema clade, inde factum est, vt vox anathematis quæ ex se latius patet, restricta ferè sit ad designandam excommunicationem, præsertim solemnem, & horrificis quibusdam accessionibus conuestitam. Hac ratione, in Conciliis quoties aliquid intentata excommunicatione tenendum decernitur, additur, *anathema sit*. Significari enim ea locutione solam excommunicationem intentatam & ferendam, censet Glossa cap. fin. de fore compet. & Sanchez l. 7. de Matrim. disp. 12. num. 2. & lib. 2. in Decal. cap. 38. num. 91. quamvis Suarez. 5. 3. p. d. 3. l. 3. num. 4. & Sayrus l. 1. de censur. cap. 11 num. 10. contendat, eo modo loquendi denotari hanc sententiæ nec ultra pendentis excommunicationem. Quod nostra parum refert: quia sufficit ad rem præsentem, quod ea locutione designetur excommunicatio, vt docuit Petrus Damiani l. 1. epist. 12. ferrèque videtur sensus omnium, vno quod sciam dempto Ægidio de Coninck, qui disp. 14. de sacram. dub. 1. num. 4. censuit Concilia hæreses damnantia sub

sub ea formula, non intendere eum excommunicare qui talia credit aut docet, *sed tantum intendere, damnare talem doctrinam ut hæreticam, non stituendo, sed definiendo eum qui illam tenet, esse omnino execrabilem, ac à Deo alienum & diris deuotum.* Hoc non probò, quia Concilia non iubent propositionem aliquam esse anathema, sed ut quisquis eam asseruerit, sit anathema. Non possent autem clarius iubere, ut qui eam propositionem asseruerit, irretiatur excommunicatione, si reuera vellent eum irretiri. Igitur eo sensu accipienda est locutio illa. Nec refert quod Apostolus ad Galat. 1. Angelum quoque si iis quæ ipse prædicauerat aduersaretur, iubeat esse anathema, quod certum est non posse de vera excommunicatione accipi, (quicquid censere ibi videatur D. Thomas lect. 2.) cum Apostolus nullam in Angelos iurisdictionem sit nactus, quod præsupponi debet in excommunicante. Ex quo infert Ægidius, anathema in formulis Conciliorum, non sonare excommunicationem. Hoc inquam non refert. Nam quamuis Apostolus verbis prædictis noluerit Angelum excommunicare, idve significare eo loquendi modo; tamen non sequitur, semper & ubiuis eum loquendi modum aliud sonare quàm excommunicationem. Eo quidem loco apud Apostolum, usurpatur anathema ad significandam dissociationem & segregationem omnimodam, quam velit Apostolus fieri etiam ab Angelo, si per impossibile doceret repugnantia fidei. Et quia segregatio nostra ab excommunicato, est omnimoda, ibi quidem voce anathematis ob subiecti incapacitatem, excommunicatio non denotatur plena & adæquata, sed tantum sub generali ratione segregationis omnimodæ.

Quoties

478 *Pars II. Caput VIII.*

Quoties autem circumstantiæ aliud ferent, & suble-
cta materia patetur, vocem anathematis vsurpari pro
excommunicatione propriè dicta; multo autem ma-
gis si contextus id clamet, & astipuletur sensus Do-
ctorum omnium, vt contingit circa decreta Conci-
liorû firmata munimine appositi anathematis; non est
cui gratis tricemur, & aliò detorqueamus talem for-
mulam, quàm ad designandam excommunicationem
veram, siue latam, siue ferendam, de quo variant Do-
ctorum sententiæ, vt paulò superiùs attigimus.

4. Iustius ambigitur, quæ sit notio anathematis
apud S. Chrysostomum homil. de anathemate, cuius
hæc est inscriptio. *Quod nec vini nec mortui, anathemate
plectendi sint.* Hæretici enim contendunt, ibi vocem
anathematis, vsurpari pro excommunicatione, auidò-
que hoc arripiunt, vt negent Ecclesiæ potestatem ex-
communicandi, præcurte S. Chrysostomo. Sed hæc
mera impostura est. Nam vt benè notauit Sixtus Se-
nensis lib. 6. biblioth. annot. 267. perspicuum est, S.
Chrysostomum non abrogare Ecclesiæ eam potesta-
tem; disertè enim eam concedit in c. 18. Matth. & ho-
mil. 15. in 1. ad Cor. & homil. 5. in 1. ad Timoth. &
homil. 4. in ad Hebr. ac sæpè alibi. Quid tamen volue-
rit S. Chrysostomus homilia illa de anathemate, non
nihil obscurum est. Esse quidem eam homiliam ger-
manum S. Chrysostomi certum, dubitare non licet;
nec audiendus vlllo pacto est Soto in 4. d. 22. q. 1. ar-
tic. 1. qui nodum scindere potius quàm soluere
tentauit, negando eam homiliam esse S. Chryso-
stomi, quod putat lique ex stylo. Sed proba-
tiores styli iudices, nihil subodorati sunt in eâ ho-
milia, eiusve stylo, quod Chrysostomum non re-
dolet.

doleat. Quare aliò confugiendum est.

Dimissis yero iis quæ minùs commodè tradit Suarez t. 5. 3. p. d. 1. f. 2. num. 17. dicendum est cum Baronio, anno Christi 382. num. 52. S. Chrysostomum, eam homiliam habuisse Antiochiæ adhuc Diaconum, absente Flauiano Episcopo, Constantinopolim profecto ad Synodum. Eo tempore Antiochena Ecclesia, in duas Catholicorum factiones sub duobus Episcopis distracta erat: & pars vna in qua Chrysostomus, Flauiano adhærebat; altera Paulino, cui tunc Romæ sedes Antiochena fuerat adiudicata. Contigit ergo vt populus partis Flauiani, in partem Paulino subiectam concitaretur, & officij immemor in eam anathema inelamaret. Talem populi licentiam, acriter corripit S. Chrysostomus, reiiciens insanam anathematizationem Catholicorum partis Paulini, per plebeculam partis Flauiani, conflata ex rerum sacrarum imperitiis, furibundis, nugacibus, contentiosis. His quippe coloribus depingit illos anathematum prodigos, aduersus quos stylum stringit ea homilia. Sumit ergo ibi S. D. anathema, pro tumultuosa execratione, quæ non tam est excommunicatio similitudinaria, quàm excommunicatio impudenter arrogata à non habentibus eius inferendæ facultatem. In eo tamen cernebatur aliqualis vmbra veræ excommunicationis in tali facto, quod populus vel potiùs colluices & fax eius, non secùs se haberet erga eos quos sic execrabatur, quàm erga eos se habere soleret, qui verè fuissent à legitimis Præsulibus excommunicati. Toto igitur cælo aberrarunt, qui censuerunt, S. Chrysostomum ea homilia potestatem excommunicandi ab Ecclesia remouisse. Imo disertè ea ipsa homilia, agnoscit

agnoscit excommunicandi potestatem ab Apostolis reuocatam ad vsum, parcè tamen, & valdè prudenter, ita vt obseruet eos non nisi semel aut iterum, nec ferè nisi generatim, & absque certæ personæ determinatione, excommunicasse hæreticos; cum tamen ij cum quibus agebat, auderent nominatim anathema vsurpare in Catholicos, creberrimè ac ferè perpetuò.

§. Placet plagulas nonnullas ex ea homilia decerpere, quibus constet, non esse à nobis gratis conficta quæ diximus. [Cur (inquit) quod nullus eorum, qui potestatem acceperunt, vel facere, vel declarare ausus fuit, tu facere audes, planè aduersarius mortis dominicæ, & præoccupans iudicium Regis?] Addit antiqui cuiusdam Patris suffragium. Creditur fuisse S. Ignatius, quod apud eum epist. ad Smyrnenses tale quid legatur. Subdit porrò, [Vultis discere, qualia de hoc Sanctus quidam dixerit, qui & Apostolorum temporibus martyrium meruit? Monstraturus huius verbi grauitatem, tali utebatur exemplo: Sicut priuatus homo, regiam sibi ipsi purpuram circumponens, vnà cum omnibus qui se iuuant, puniuntur vt tyrannus: ita & qui dominicam sententiam fert, & hominem facit anathema Ecclesiæ, abducit seipsum in extremam perniciem, vsurpando dignitatem filij Dei. Sic ille dicebat.] En hic quoque S. Pater, quem Chrysostomus suffragatorem adhibet, aduersus hominem priuatum & iurisdictione Ecclesiastica destitutum agit. Ita enim planè fatendum est, vt comparatio ex priuato purpuram vsurpante petita, quadret in rem de qua agebat Chrysostomus, qui concludit. [Putat isne hanc parui momenti rem esse, ante iudicem iudicique tempus aliquem eiusmodi sententia condemnare?]

nare ? Anathema enim, omnibus modis à Christo separat.] Vel cæcum, ex his perspecturum puto, non fuisse ibi sermonem S. Chrysostomo, nisi de illa execratione, vtcunque redolente verum anathema, vt exposuimus ; non autem de vero anathemate, quod est substantialiter idem cum excommunicatione simpliciter dicta, addito tantum nonnullo dirarum & accidentariorum rituum horrificorum auctario.

6. Inter ea additamenta, quibus excommunicatio redditur horribilior, transitque in anathema, est vox *maranatha*, quam plerique Hebræam, D. Augustinus epist. 178. Syriacam affirmat. Adhibuit eam adiunctionem Apostolus 1. Cor. 16. cum iussit eum qui Dominum Iesum non amaret, esse *maranatha*. Non intendit quidem ibi Apostolus excommunicare eos qui Christum non amarent, quippe qui maximam partem erant infideles, atque adeò non erant subiecta idonea veræ excommunicationis. Itaque tantum denunciat cladem extremam cuicunque auerso à fide & amore Christi Domini. Tamen quia excommunicatio, infert animæ haud absimilem cladem ei quam subeunt qui penitus vastantur & conteruntur, meritò Ecclesia sicut vsurpauit vocem anathematis ad insinuandam vastitatem quæ excommunicatione inferitur, ita adiunctum illud ab Apostolo appositum adhibet, quando solemnius & terribilius vult plectere contumaces: quia eo adiuncto, vt Baronius rectè obseruauit anno Christi 57. num. 171. exprimitur contestatio diuini iudicij, cuius præsertim comminatio, horrorem incutere est idonea. Sanè D. Augustinus epist. illa 178. *maranatha* interpretatur, *donec Dominus redeat*. Vnde patet eum suffragari interpretationi pro-

HH

posita.

positæ. In Concilio item Toletano, quod adducitur in prisca Synodo Rhemensi, habentur hæc verba, quæ planè ferunt sensum propositum. [Qui contra hanc vestram definitionem præsumpserint, anathema maranatha, hoc est, perditio sint in aduentu Domini, & cum Iuda Iscarioth partem habeant.] Sunt qui notent duas esse voces *maran, ata*, quarum sit sensus; *veniat Dominus*; supple ad extremam cladem in iudicio inferendam percussis anathemate, quod bellè consentit cum allata interpretatione: præter quam non me latet, alias esse, quarum nonnullas refert Felinus in cap. *Rodolphus*. de rescriptis, num. 33. Quibusdã anathema maranatha, nihil est aliud quàm anathema geminatum, ita vt sicut dicimus *Abba pater*, sic dicatur *anathema macharam mota*, & corruptè maranatha. Videturque concinere Theodoricus Abbas S. Trudonis, in prisco carmine quod refert Iuretus ad epistol. 44. Iuonis.

Dic sint maranatha Deus,

Hi dic sint anathema.

Alij verò cum S. Hieronymo epist. 137. *maranatha* interpretantur, *Dominus noster venit*. Vnde in prolato Apostoli loco censent additum esse maranatha, vt reddatur ratio cur denunciatur exitium & anathema infidelibus; nimirum quia Christus venit. Est autem ingratitude supra omnem cumulum exaggeratæ, non amplecti & exosculari tam benignum Dominum qui propter nos in carne venit; quæ est Chrysostomi & Theophylacti ratiocinatio. Sed interpretatio quam proposui, videtur omnium accommodatissima.

7. Annotat Mariana l. 7. histor. Hispan. c. 6. in f. & Baron.

Baron. anno Christi 775. *in fine*, ex hoc, *Maran, ata*, fluxisse, vt Catholici Hispani, Iudæos aliquando Christianis adiunctos, postmodum verò fœdè apostatâtes; & vel ad Mahumetismum transgredientes, vel regredientes ad Iudaïsmum, execrando vocarint *Maranos*, vt significarent eos horribili execrationi subiacerè. Alij tamen aliunde deriuant nomen *Marani*. Sunt qui *Maranos* dictos volunt, quasi *Mauranos*, quod ad *Mauros*, siue *Mahumetanos*, siue *Iudæos* deficerent, nominatimque quod abstinere suilla, quam inde plebs Hispana vocat *Marana*. *Simancas* in Cathol. instit. tit. 27. num. 8. contigisse in Hispania ait, vt Iudæi de venturo Messia gloriantes, vulgo dicerent *Maran*, hoc est, *Dominus noster*. Hos repellentes Christiani reponebant, *Maranatha*, hoc est, *Dominus noster venit*. Existimat ergo *Simancas*, ab ea Iudæis perpetua gloriatione de Deo, (quam Apostolus quoque Rom. 1. non tacuit, cum dixit, *si tu Iudæus cum sis, requiescis in lege, & gloriaris in Deo*) vocatos esse à Christianis *Maranitas*, qui vel Iudæi essent, vel Iudæorum partiarj. Videndus quoque *Godofredus* in rubr. C. de Apostatis. Fauet huic notationi vocis *Marranus*, quod apud *Gulielmum Tyrium* l. 1. de bello sacro c. 17. ex vsu Syrorum apud quos *Tyrius* scribebat, *Barones & Comites cruce signati*, leguntur nominati *Marrani*, id est *Domini*, voce deducta à Syriaco nomine *Marrim*, quod Dominum designat: Sectarij verò *Reineccij* ignorantiam, qui sordens nunc ac tetrum *Marrani* nomen ex vsu præsentis consideratum, magnatibus à *Tyrio* tributum expostulat, castigatam habes apud *Gretserum* in *Apologia* pro cruciatis expeditionibus c. 4. Tandem *Reuclinus* lib. 1.

artis Cabalisticæ, ipso ferè initio aliam profert notationem & notionem vocis *Marranus*, sic inducens loquentem, rogatum de suo nomine *Marranum*. [*Marranum* me vocant, nomen à *Cerintho* & *Ebio*ne Scholasticis. Notum quod & aqua tinctus, & recutitus apella. Vtrinque alioqui, tã *Moyfi* legibus, quàm Christianorum doctrina sum initiatus.] *Maranos* & *Maranitas*, Arabum & Saracenorum gentem de qua *Strabo* lib. 16. & *Diodorus Siculus* l. 4. c. 3. huic *Maranitarum* & *Maranorum*, appellationi præbuisse causam, non habeo vnde confirmem.

8. II. *TRADI SATANÆ*. Hic de excommunicatione loquendi modus, peridoneus est ad incutiendum excommunicationis horrorem. Apostolus eum vsurpauit, 1. Cor. 5. vbi sic affatur maiores natu Ecclesiæ, & cœtum vniuersum illis subiectum, agens de spurco illo Corinthio quĩ fœdarat se fornicatione tali, qualis nec inter gentes, *impius patris de matrimonio heres*, vt est apud *Tertullianum* l. de pudic. cap. 13. Eum fuisse Sacerdotem, refert ex nonnullis nec improbat *S. Chrysostomus* priore ad *Theodorum* parænese. *Ego quidem absens corpore, præsens autem spiritu, iam iudicavi vt præsens, cum qui sic operatus est, in nomine Domini nostri IESV Christi, congregatis vobis & meo spiritu, cum virtute Domini nostri IESV Christi, tradere huiusmodi Satana in interitum carnis, vt spiritus saluus sit in die Domini nostri IESV Christi.* Sic Apostolus ea epistola, quam *Tertullianus* lib. de pudic. c. 14. hunc ipsum locum versans, ait non atramento, sed felle esse conscriptam, vocatque tumentem, indignantem, dedignantem, comminantem, inuidiosam. Alibi quoque, *Hymenæum* & *Alexandrum* à se esse

esse Satanæ traditos affirmat, vt discerent non blasphemare. Ita habet 1. Timoth. 1. Quem locum attingens S. Chrysost. hom. 3. de patientia Iobi, ait Apostolum in eo facto, vsum esse Satana vt carnifice. Hæc cum sint ipsis Solis radiis conscripta apud Apostolum, vtroque illo loco agentem de excommunicatione, nihil defuisse Luthero patet quominus ad summum insanix verticem prouheretur, cum negare ausus est peccatorem per excommunicationem tradi Satanæ, vt ex eo refert Roffensis artic. 23. qui hoc fuisse Lutheri argumentum prodit, quod peccator anteriùs ad excommunicationem, vi peccati mortalis, sit traditus Satanæ, ac proinde non possit ei denuò tradi per excommunicationem. At hoc est cornicum oculos configere, imo ipsum Spiritum sanctum loqui docere. An non enim Apostolus, ex Spiritus sancti afflatu, dixit spurcissimum illud Satanæ mancipium, iam tanta labe sordens, à se denuò tradi Satanæ per excommunicationem? An non item Iudas, cum per feralissimam pactiõem, imo per cogitationem de Christo prodendo admisisset in se Satanam, vt affirmat Euangelista, postmodum accepta de Christi manu buccella, denuò dictus est accepisse intra se Satanam? Ipsum nodum directè infra dissoluemus. Nunc ratum esto, excommunicatum per excommunicationem Satanæ tradi. Qua traditione horrificum quid significari, nemo non videt, vt propterea S. Benedictus in regula c. 25. hanc Apostoli sententiam, vocet *terribilem*.

9. Sed quid illud sit horrificum ac tremendum, quod hac traditione infertur, non prorsus liquet, variantibus circa hoc Catholicorum sententiis. Rober-

486 *Pars II. Caput V III.*

tus Episc. Arboric. Tomo 2. de vtroque gladio, Theoremate 7. hanc traditionē excommunicati, videtur accipere de eiectione in eādem cū Satana sortē, vt sicut Saran è cœlo extorris factus est, & Sanctorū communione priuatus: ita etiam excommunicatus, detrudatur è cœlo Ecclesiæ, in eandem cum Satana sentinam. Fauet S. August. serm. 68. de verb. Apost. & habetur c. *omnis Christianus*. 11. q. 3. Verū hęc interpretatio non satisfacit. Tum quia hoc non est Satanæ dedi, eiūsq; tyrannidi subiici: Tum quia iuxta hanc interpretationem traditionis istius, non potest quadrare quod dixit Apostolus, se excommunicatum tradere Satanæ in interitum carnis. In altero extremo esse videtur Tertullianus l. de pudic. cap. 14. Nam insinuat traditum Satanæ fuisse Corinthium, in interitum carnis, quia corporali vita priuatus est. Propositis enim Apostoli verbis, quibus queritur Corinthios non luisse, vt tolleretur de medio eorum qui se incesta copulatione fœdarat, addit; [Pro quo lugerent? vtique pro mortuo. Ad quem lugerent? vtique ad Dominum. At quomodo auferatur de medio eorum? Non vtique vt extra Ecclesiam detur: (hoc enim non à Deo postularetur. quod erat in præsidis officio:) sed vt per mortem hanc quoque communem, & propriam carnis ipsius, quæ iam cadauer, quod captiuum esset immunditia irrecuperabili tabiosum, plenius de Ecclesia deberet auferri. Et ideò, quomodo interim potuit auferri. iudicauit dedendum eiusmodi Satanæ in interitum carnis. Maledici enim eam sequebatur, quæ diabolo proiciebatur, vt sacramento benedictionis exautoraretur, nunquam in castra Ecclesiæ reuersura.] Hoc ex eo errore pronunciat, quo mæchis exclusum volui

voluit regressum ad Ecclesiam in perpetuum. Cæterum constat Corinthium illum non fuisse à Satana occisum corpore, sed superstitem fuisse & resipuisse, móxque ab Apostolo vinculis iniectis fuisse exsolutum. Igitur necesse est, aliud subesse traditioni illi in interitum carnis. Hilarius Diaconus hoc loco, interitum carnis interpretatur resipiscentiam & regressum à culpa, quæ hominem totum fecerat carneum, ad spirituales vitam. Nam iustos esse Ecclesiæ spiritum, peccatores autem transire in carnes, plenè prosequor agens de Christo capite. Astipulatus videtur huic interpretationi S. Ambrosius l. 1. de pœnit. c. 17. *in fine*, verbis illis. [At ne quis fortè eo moueatur, quia scriptum est: *tradidi huiusmodi hominē Satana in interitum carnis*, & dicat; quomodo potuit ad veniam pertinere, cuius omnis interierit caro, cū manifestum sit in utroque redemptum hominem, in utroque saluari, neque animam sine carne, neque carnem sine anima; cū sibi sint gestorum operum consortiis copulatæ, sine consortio vel pœnæ esse vel præmij? Is sibi responsum hoc habeat, quod interitus non consummatam absorptionem carnis significet, sed castigationem. Sicut enim mortuus peccato, Deo uiuit; ita illecebra carnis interit, & cupiditatibus suis moritur caro, ut castitati cæterisque bonis operibus reuiuiscat. Et quod aptius exemplum quàm de matre sumamus? Namque ipsa de qua assumpti sumus terra, intermisso exercitio cultûque, videtur deserta, & aut vinetis quibus consitus est ager, aut oleis moritur, succum tamen proprium velut quandam sui animam non amittit. Denique repetitur à cultore, & creditis seminibus quibus habiliæ æstimatur; feracior assurgit fructibus.

Non ergo alienum, si etiam nostra caro, interire sic dicitur, ut repressa magis quàm assumpta credatur.] Profecit ut aliàs frequenter ex Origene, qui homil. 1. in Psalm. 37. ad illud, *non est sanitas in carne mea à facie iræ tue*, traditionem hanc Satanæ in interitum carnis fusè & pereleganter exponit de mortificatione, concluditque. [Tradi ergo in interitum carnis, tale est ut emoriatur sensus carnalis in nobis, & non viuat carnis cupiditas in ea. Ex eo enim quod moritur sensus carnis ut non secundùm carnem sapiamus, spiritus saluus efficitur. Alioqui dum viuit sensus in nobis carnis, & caro viuit, non possumus de spiritualibus sapere. Hoc ergo modo Apostolus, tradidit in interitum carnis eum qui secundùm carnem vixerat, ut sensu carnis emortuo, spiritus saluaretur.] Eadem habet S. Augustinus l. 3. contra Parmen. cap. 1. Verùm neque hæc expositio satis coherere videtur cum simplicitate literæ. Præterquam quod manet semper enodandum quod præcipuè quæritur; quomodò scilicet excommunicatus tradatur Satanæ.

10. Sic discussis minùs commodis traditionis illius interpretationibus, duæ supersunt verisimiliores. Prior, *tradi hominem Satana*, idem esse censet, quod priuari Ecclesiastica communione, siue eiici de Ecclesia. Inde enim consequitur, ut homo Satanæ libidini eiusque tyrannidi veluti dedatur, quia per exclusionem à Sacramentis & sacrificio, suffragiisque communibus, necnon à diuina speciali protectione, homo in eum statum transit, in quo à Satana circumagatur pro libito, nec aliter quàm mancipium tractetur. Ita S. Bonauent. in 4. d. 18. p. 2. q. 1. artic. 1. *ad ultimum*. In Concilio item Rhemeni cap. 1. ut per se notum assumitur

mitur excommunicatum tradi Satanæ, quia ab Ecclesiastica communione remouetur. Apertè S. Ambros. l. 1. de pœnit. cap. 14. [Benè dicitur tradi Satanæ, qui separatur à Christi corpore.] Præclarè Theophylactus 1. Tim. 1. *in fine*, verbis illis. [Quomodò verò tradebatur Satanæ? Eiiciebatur ex Ecclesia, abiiciebatur à charitate, tradebaturque nudus lupo. Vt enim olim tabernaculum protexit nubes, sic & Christi Ecclesiam Spiritus paraclerus. Si quis igitur, extra hanc & spiritum fuerit, citra laborem ab aliis deinceps capi potest. Talis igitur excommunicationis multa est.]

Idem voluit S. Hilarius in Psal. 118. *Litera Ain*, ad illud, *feci iudicium & iustitiam*, exponens quid sit, quod Dauid postulat, ne sibi nocentibus dedatur. [Omnis in quo peccati voluntas est, Deo vacuus est: & vbi Deus non erit, illic Diaboli locus est, qui insidians atque obsidens, vbi abeundi opportunitatem habuerit, tanquam vacuam domum occupet, quæ ei Deo eam deferente sit tradita.] Subiungit id fieri per excommunicationem, profertque in hanc rem locum Apostoli ex 1. Cor. 5. & 1. Tim. 1. Tum quorsum excommunicati dicantur Satanæ dedi, & cur Satanæ à Psalte dicatur *nocens*, sic denuò exponit. [Qui enim ab Ecclesiæ corpore respuuntur, quæ Christi est corpus, tanquam peregrini & alieni à Dei corpore, dominatui Diaboli traduntur. Sed Propheta, ne nocentibus se tradatur orat. Adsunt enim inimicæ infestæque virtutes, quæ fidei propositum conturbent, quæ timorem Dei obliterent, quæ in terrenas cupiditates & desideria sollicitent, quæ infirmam corporis naturam quibusdam blandimentorum aculeis in vitia commoueant. Nouit & Apostolus hanc multitudinem do-

minantium virtutum dicens, *in quibus & vos aliquando ambulastis, secundum principem potestatis aeris, Spiritus qui nunc operatur in filiis diffidentia.* Fecit ergo Propheta iudicium & iustitiam, & ne tradatur se nocentibus, rogat: & hoc modo nocentibus, cum in peccatum impellunt, cum in gloriam inflant, cum in iram accendunt, cum in odium exacerbant, cum ad lasciviam illiciunt, cum ad avaritiam prouocant: Sed cum per hæc nocere properent, obtinere tamen eos qui innocentes sunt, nisi sibi per secessionem Dei traditi fuerint, non valebunt.]

Profecit manifestè S. Hilarius ex Origene homil. 2. in Iudices, qui præclare omnino profequitur, quomodo excōmunicatus tradatur Satane, quâ per Ecclesiæ præsides vibrantes exterius excōmunicatione, quâ interius & absque externo signo, per ipsum Deum excommunicantem scelestos, etiam priusquam Ecclesiæ pastores, ad deiectionem morbidæ ouis processerint. [Scire debemus, (inquit) quia si peccauerimus Domino, & animi nostri voluptates, ac desideria carnis velut Deum colamus, tradimur etiâ nos, & Apostolica autoritate in manus Zabuli concedimur. Audi denique ipsum dicentem de eo qui peccauerat, *tradidi, inquit, huiusmodi hominem Satanae in interitum carnis, ut spiritus saluus fiat.* Vides ergo quia non solum per Apostolos suos Deus tradidit delinquentes in manus inimicorum, sed & per eos qui Ecclesiæ præsident, & potestatem habent, non solum soluendi, sed & ligandi, traduntur peccatores in interitum carnis, cum pro delictis suis à Christi corpore separantur. Et (ut mihi videtur,) dupliciter etiam nunc traduntur homines

homines de Ecclesia in potestatem Zabuli. Vno modo quo superius diximus, cum delictū eius manifestum fit Ecclesiæ, & per Sacerdotes de Ecclesia pellitur, vt notatus ab omnibus erubescat, & conuerso eueniat illi quod sequitur, *vt spiritus saluus fiat in die Domini nostri Iesu Christi.* Alio autem modo quis traditur Zabulo, cum peccatum eius manifestum non fit hominibus: Deus autem qui videt in occulto, perspicuens eius mētem & animam, vitiis ac passionibus seruientem, & in corde eius non solum amorem seculi, sed aut avaritiam, aut libidinem, aut iactantiam, vel alia hui usmodi; istum talem ipse Dominus tradit Satanæ. Quomodo eum tradit Satanæ? Discedit à mente eius; & auertit se, & refugit à cogitationibus eius malis, & desideriis indignis, & derelinquit domum cordis eius vacuam, & tunc complebitur in illo homine, quod scriptum est, *cum autem immundus spiritus exierit ab homine, circuit loca arida, & si non inuenerit requiem, redit ad domum suam, & inueniens eam vacantem & mundatam, assumit secum septem alios spiritus nequiores se, & intrans habitat in domo, & tunc fient hominis illius nouissima peiora prioribus.* Hoc ergo modo intelligendum est, Deum tradere quos tradit; non quia ipse tradat aliquem, sed ex eo quod derelinquit, indignos eos scilicet iudicans, qui se non ita excolunt, & à vitiis purgant, vt libenter in eis habitet Deus. Ipso refugiente, atque auertente se ab anima, quæ in immunditia, ac vitiis posita est, tradita dicitur ex eo quod Deo vacua inuenitur, & inuaditur ab spiritu nequā.] Itaque hæc traditio, simillima est planēque germana eius qua quis dicitur tradi in sensū reprobū. [Haud aliter (inquit Isid. Pelus. l. 4. epist. 101.) ac si quis pastor bonus

bonus oues pestilentiali lue correptas, extra gregem abire, & quodammodo lupis tradere consuevit: non quod eas in fauces luporum proiciat; sed quod sua cura ac præsidio eas denudet ac destituat.]

11. Aliis verbis, sed idem reuera sonantibus, hæc excommunicati traditionem sic expositam, expressit S. Hieronymus cū dixit, excommunicatum dari escā populis Æthiopum, & Satanæ cibum fieri. In caput enim 18. Esaïæ, tractans illud, *quia hæc dicit Dominus quiescam, & considerabo in loco meo*, aperit in primis bonum eorum qui perstant in Ecclesia, verè Dei loco, in quo Deus illos considerat & contemplatur, & velut nubes roris in die messis, amœnissimè refrigerat. Tum subiicit damna præcisorum ab Ecclesia, quos Propheta ait relinquendos auibus montium & bestiis terræ, quæ æstate & hyeme illis incubabūt. Hoc quid sit, ita exponit S. Hieronym. [Ramusculi qui inutiles sunt, falcibus præcidentur, dicente in Euangelio Salvatore: *Ego sum vitis vera, & pater meus agricola est: omnem palmitem in me non ferentem fructum tollet eum: & omnem qui fert fructum, purgabit eū, ut fructum plus afferat*. Et quæ præcisa fuerint, relinquentur auibus montium, & bestiis terræ. Auibus, quæ iuxta viam seminata populantur: & bestiis quibus traditur anima non confitens Deum. Ita ut qui à Domino præcisus fuerit, & abiectus, & de corpore illius quod est Ecclesia separatus, tã in æstate quàm in hyeme, hoc est, in prosperis & in aduersis, volucrum & bestiarum mansio sit. Sicut autem hi qui inutiles sunt & infructuosi in Ecclesia; amputantur & proiciuntur, ne modicum fermentum totam massam corrumpat, sic è contrario fieri potest.] & cætera, quibus demonstrat
posse

posse esse ab illa per Satanam vexatione regressum. Rursus in c. 19. ad illa verba: *tradam Egyptum in manus dominorum crudelium & Rex fortis dominabitur eorum*, post descriptam impiorum malignitatem, meritò excommunicatione feriendam, subdit. [Cùmque illi hoc fecerint, Dominus tradit eos in manu dominorum crudelium: iuxta illud Apostolicum: *Quos tradidi Satana ut discant non blasphemare*: quo seruitute durissima oppressi, ad clementissimū Dominum reuertantur. Pulchrèque dæmones, crudeles dominos vocat, quibus nihil crudelius est. Rex quoque fortis qui dominus est eorum, perspicuè Diabolus intelligitur: quem & in Euangelio Dominus fortem vocat, quo victo, & oppresso, vasa domus eius, & præda diripitur.]

12. Posterior, eaque omnium commodissima traditionis de qua agimus interpretatio, esse videtur, quæ excommunicatos traditos Satanae affirmat, vt ab eo corporaliter vexarentur, citra occisionem, siue vexarentur per energumenismum, siue immissione aliquius corporeæ infirmitatis. Quæ ratione Iob traditus est Satanae, seruata anima, id est salua vita. Et olim quidem omnes qui excommunicabantur, fuisse à Satana corporaliter correptos atque vexatos, tanquam certam maiorum traditionem proponit Hilar. Diac. 1. Tim. 1. & idem agnoscit Theodoretus ibi, & 1. Corinth. 5. & ibid. creditus Anselmus, necnon S. Thomas in 4. d. 18. q. 2. artic. 1. quæstiunc. 2. ad 3. Abulens. in cap. 12. Exodi q. 48. Lindanus l. 4. Panopl. cap. 58. Henriq. l. 13. cap. 3. num. 3. Et quanquam hoc tempore infrequentius sit, vt excommunicati corripiantur corporaliter à Satana, fiantque exterius energumeni, tamen

men interdum quoque concedi Satanæ hanc ultionem contingit. Scribit enim Petrus Lelohyer lib. 4. de spectris, c. 10. comperisse se, nostra ætate nonnullos excommunicatione percussos, adeò fuisse vexatos à Satana, ut sanitate mentis exciderent, quam postea ab Episcopo exsoluti recuperassent. Eam tamen vexationem corpoream, qua olim maximè, & interdum nunc quoque, ad interitum carnis, id est ferocientis corporis, & carnis affectuum subactionem, Deus malè haberi voluit excommunicatos, non esse de solo energuménismo accipiendam, sed posse quoque eo nomine venire omnem aliam grauem corporis vexationem, ut febrem vehementem, notauit Lindanus l. illo 4. adducens in eam sententiam S. Chrysostomum 1. Tim. 2. & epistolam ad Tolosanòs cap. 23. Melius allegasset Theodoretum 1. Tim. 1. ubi sic habet de Hymenæo & Alexandro. [Eos tradidit Diabolo, non ut bonorum magistro, sed ut sauo carnifici. Et ideò non dixit, ut eos doceret, sed ut doceantur non blasphemare. Ab Ecclesiastico enim corpore separati, & diuina gratia nudati, ab aduersario crudeliter flagellabantur, incidentes in morbos & difficiles affectiones, & alias calamitates. Hæc enim consuevit inferre hominibus, quoniam est & inimicus, & ultor, ut dicit Propheta.] Vides immissiones per Angelos malos, tanquàm per carnifices Christianæ Reipublicæ. Sic enim nominare Satanam, grauissimos Patres memini; Chrysologum serm. 17. Origenem 7. contra Celsum *in fine*, & rursus lib. 8. S. Hieronymum in c. 2. Ioëlis; Basilium, Synesium, & Augustinum, ad idem produco in Natur. Theol. dist. 3. num. 143. Eadem ratione, interitum carnis in quem incestuosus est ab Apostolo traditus Satanæ,

Satanæ, de carnis angustiiis & detrimento membrorum, id est de corporea ægritudine membra malè afficiente, interpretatus est Pacianus epist. 3. ad Sympronianum.

13. Ex illo igitur antiquo vsu, quo excommunicari corripiebantur & corporaliter vexabantur à Satanâ, ortum est, vt excommunicatus dictus sit tradi Satanæ: quod nomen à primo vsu tamen antiquato ductum æquè retentum est, vt plurima alia nomina, v.g. *Eunuchi & martyrology*, mutato licet vsu primæuo ex quo indita fuerant; sunt nihilominus deinceps vsurpata, vt notaui in Opere de martyr. p. 3. c. 6. num. 8. & benè S. Chrysost. t. 2. Græcol. hom. 7. addititia in Genes. Non me latet, Genebrardum in expositione liturgiæ cap. 28. contendere, nunc quoque excommunicatos fieri energumenos, non quidem vt olim agitato corpore, sed quod miserabilius planè est, agitato animo, vnde censet tantam excommunicatorum vi-tiationem existere. Fauet Glossa cap. *audi.* 11. q. 3. & Panormit. rubr. de sent. excomm. num. 4. quatenus aiunt, Satanam vt animo excommunicati, sicut rusticus vititur iumento suo; nec secus excommunicati animum quaqua versum circumagere, quàm agasofellum suum verset, & agat quo lubet. An hic dicendus sit energumenismus interior, viderint alij.

Vtravis porò interpretationum propositarum ineatur, facile erit intelligere, quomodo excommunicatus qui per mortale peccatum iam erat Satanæ mancipium, possit iteratò ei dedi per excommunicationem, quod erat Lutheri argumentum, ad probandum perperam dici excommunicatum tradi Satanæ, vt ex Roffensi initio retulimus, ad artic. 23. Lutheri.

Nam

496 Pars II. Caput VIII.

Nam iuxta priorem interpretationem, commodè dicitur, excommunicatum iteratò tradi Satanæ, quia fit multo magis obnoxius eius ludibriis ob ademptum præsidium Sacramentorum & communium suffragiorum. Ita eum nodum extricat ibi Roffensis. Nec minùs commodè expeditur iuxta posteriorem interpretationem, dicendo, peccatorem qui priùs mysticè tantùm occupabatur à Satana ratione peccati mortalis, postea realiter & corporaliter tradi Satanæ per excommunicationem.

14. III. TOLLI DE MEDIO, AVFERRIQUE. Eodem cap. 5. epistolæ 1. ad Cor. Apostolus excommunicationem expressit hac loquendi formula. *Non magis luctum habuistis, ut tollatur de medio vestrum qui hoc opus fecit? Et inferiùs. Auferte malum ex vobis ipsis.* Multa circa hæc Apostoli verba perpendit Pacianus epist. 3. ad Simpron. quæ quia ad rem præsentem non faciunt, dimittens aduerto, his vocibus apud Apostolum æquè ac in communi vsu Latinorum, significari interfectionem, quæ fit per excommunicationem. Docuit id in hunc modum S. August. q. 39. in Deuteron. tractans illud Deuter. 24. *interficietur, & auferes malum de medio tui*, quod de fure hominis ibi fancitur. [Assiduè hoc dicit Scriptura, cum iubet occidi malos. Qua locutione vsus est etiam Apostolus cum diceret, *quidem mihi de iis qui foris sunt indicare? Nonne de iis qui intus sunt vos indicatis? Auferte malum ex vobis ipsis.* Nam Græcus habet τὸν πονηρὸν, quod etiam hîc scriptum est. Hoc autem potius *malignum* solet interpretari, quàm *malum*. Nec ait τὸ πονηρὸν: id est, *hoc malignum*, sed τὸν πονηρὸν, quod est *hunc malignum*. Ex quo apparet cum voluisse intelligi, qui

qui aliquid tale commisit, vt excommunicatione sit dignus. Hoc enim nunc agit in Ecclesia excommunicatio, quod agebat tunc interfectio.] Sic ibi Augustinus, quem tacito de more nomine, exscripsit Rabanus l. 3 in Deuter. cap. 15. Fuerunt qui extrema illa Apostoli verba, *auferre malum ex vobis ipsis*, negarent ad excommunicationem pertinere, velléntque eorum sensum esse, mandari vnicuique vt bonus esset; non autem vt mali per excommunicationem auferrentur. Hunc sensum S. Augustinus loco notato iudicat non improbabilem, confirmátque l. 3. contra Parmen. c. 1. nec improbat l. de fide & oper. c. 2. Meritò tamen q. illa 39. censet his verbis denotari effectum excommunicationis. Id enim apertè fert textura capituli. Nec sanè vox Græca *πυνέειν*, quam Latinus interpret vertit, *malum*, potest substantiuè accipi, sed adiectiuè tantum: atque ita non significat vitium, vt supponitur in alia interpretatione, sed hominem excommunicatum qui tollitur è medio, & auferitur à fidelibus per excommunicationem, tanquam per interfectionem spiritualement. [Neque enim, (vt pergam cum eodem D. Augustino epist. 75.) hæc corporalis est pœna, qua legimus quosdam contemptores Dei cum suis omnibus qui eiusdem impietatis participes non fuerunt pariter infectos. Tunc quidem ad terrorem viuentium mortalia corpora perimebantur, quandoque utique moritura. Spiritalis autem pœna, qua fit quod scriptum est, *qua ligaueris in terra, erunt ligata & in cælo*, animas obligat, de quibus dictum est, *anima patris mea est, & anima filij mea est: anima que peccauerit, ipsa morietur.*] Addit paulo post, si per seueritatem Ecclesiasticam qua domus Claſſiciani ab Auxilio iu-

uene & præferuido Episcopo fuerat anathemati subiecta, vel vna anima excessisset inexplata, immensum inde damnum fuisse exoriturum. Nam [innumerabilium mors corporum, si de Ecclesia homines innocentes violenter abstrahantur & interficiantur, huiusdamno non potest comparari.]

15. Qui sic interfecti sunt, dormiunt cum incircuncisis, iuxta illud Ezechielis 32. *quo pulchrior es, descende, & dormi cum incircuncisis*, quod S. Hieronymus ibi, ad excommunicatum accommodat, verbis illis. [Hoc specialiter ad eum pertinet, qui baptismo Christi renatus, & audiens cum Ecclesia, *qua est ista qua ascendit dealbata, innitens super fratruelem suum*? postea vel fornicatione, vel aliis vitiis sordidatus, eiicitur de Ecclesia, & dicitur ad eum: *de aqua pulcherrima descende, & dormi cum incircumcisis, cum immundis*: iuxta illum sepsim quem ponit Apostolus: *nos sumus circumcisi, qui in spiritu Deo seruientes, & gloriantes in Domino, & non in carne confidentes*. Hi omnes in medio vulneratorum, siue interfectorum cadent, cum Pharaone, illo gladio quem venit mittere Dominus super terram.] Hanc excommunicationis comparationem cum interfectione, legere licet sub finem capituli *peruenerabilem*, qui filij sint legitimi. Et hac quoque ratione, de ipsius Christi sententia, tolli omnem palmitem non ferentem fructum, asserit idem S. August. l. 22. contra Faust. o. 20.

16. IV. **ABSCINDI.** Apostolus ad Gal. 5. iis qui Galatas dimouebant e statu libertatis & gratiæ Euangelicæ, optat abscissionem, id est vt ibi exponit Cornelius, excommunicationem. Confirmo hanc expositionem Apostoli, ex S. Innocentio 1. epistol. ad Conc.

Conc. Mileuit. vbi excommunicat Pelagium & Cœlestium. Est 93. inter epistolas D. Augustini. [Pelagium (inquit) Cœlestiumque, id est, inuentores vocum nouarum, quæ sicut dixit Apostolus, ædificationis nihilum, sed magis vanissimas consueuerunt parere quæstiones, Ecclesiastica communione priuari, Apostolici vigoris autoritate censemus, donec resipiscant de diaboli laqueis, à quo captiui tenentur secundum ipsius voluntatem, eosque interim dominico ouili non recipi, quod ipsi peruersæ viæ securi tramitem deferere noluerunt. Abscindendi sunt enim qui nos conturbant, & nolunt conuertere Euangelium Christi. Simul autem præcipimus, vt quicumque id pertinacia simili defendere nituantur, par eos vindicta constringat. Non solum enim qui faciunt, sed etiam qui consentiunt facientibus, quia non multum interesse arbitror, inter committentis animum, & consentientis fauorem. Addo amplius, plerumque dediscit errare, cui nemo consentit. Hæc igitur fratres charissimi, in supradictos maneat fixa sententia, absint atriis Domini, careant custodia pastoralis.] Vides, apertè S. Innocentium accipere memoratam ab Apostolo abscissionem, de excommunicatione.

In Romano item Pontificali p. 3. cap. de ordine excommunicandi, hæc abscissio præter cætera fundatur in illis Christi verbis, *Si manus tua vel pes tuus scandalizat te, abscinde eum, & proiice abs te.* Et quamuis ibi Christus non agat specialiter de excommunicatione, eatenus tamen locus ille potest ad hoc institutum accommodari, quatenus in ea mandatur segregatio ab iis qui nos ad malum possunt inducere, quæ segregatio in excommunicatione perculsos cadit bellissimè.

Et ita eum locum accepit Origenes homil. 7. in Iosue *sub finem*, cum dixit; [Hæc non idè dicimus, vt pro leui culpa aliquis abscindatur: sed si fortè commonitus quis & correptus pro delicto semel, & iterum, ac tertio, nihil emendationis ostenderit, vtamur medici disciplina. Si oleo perunximus, si emplastris mitigauimus, si malagmate molliuimus, nec tamè cedit medicamentis tumoris duritia, solum superest remedium defecandi. Sic enim Dominus dicit, *Si dextra manus scandalizauerit te, abscinde eam, & proiice abs te*. Nunquidnam manus corporis nostri, aliquando scandalizat nos? An de hac manu corporis Euangelium dicit, *abscinde eam, & proiice abs te*? Hoc est quod dicit, vt ego qui videor tibi manus esse dextra, & Presbyter nominor, & verbum Dei videor prædicare, si aliquid contra ecclesiasticam disciplinam, & Euangelij regulam gesserò, ita vt scandalum tibi Ecclesiæ faciam, in vno consensu Ecclesia vniuersa conspirans, excidat me dextram suam, & proiciat à se. Expedi enim tibi Ecclesiæ, absque me manu tua, quæ malè agèdo scandalum fecit, introire in regnum cælorum, quàm mecum ire in gehennam. Hæc idcirco diximus, quia videmus in Scripturis sanctis referri, quod propter vnū peccantem, anathema facti sunt filij Israël, ita vt vincerentur ab hostibus.] Manifestè Origenes defectionis & abscissionis nomine donat excommunicationem, vnde roboratur tradita Apostoli expositio quoad locū ad Gal. 5. quem alij aliter accipiunt. Nonnulli enim cēsēt Apostolum illis Iudaizantibus pro concisione qua Christianos è Gentilismo conuersos inurere volebant, optasse exsectionem; id est plenam genitalis membri truncationem zelo vindictæ iustæ adductum.

adductum. Congruētius quoque Augustinus & Anselmus, abscissionem illam accipiunt de castratione Christiana per castitatem & consilia Euangelica. Tamen simplicissimus & planissimus sensus esse videtur quem proposui, & illis quoque aliis ex Euangelio adductis verbis subiectum ab Origene docui, nempe quod excommunicatus abscindatur, quia gladio spirituali refecatur, & abscinditur vt putre membrum.

17. Sanè excommunicationem vocari gladium abscindentem, vel mucronem, frequens est apud Patres, & in iure etiam receptum. 16. q. 2. cap. *visis*. Et cap. *quoniam in plerisque*. de Offic. Ordinar. Videntur Vgolinus tab. 2. cap. ult. num. 6. & 7. Fateor D. Augustinum l. 1. contra Epist. Parmen. c. 7. imperitissimos vocare quosdam Donatistas, qui illud Apostoli Rom. 13. *non sine causa gladium portat*, accipiebant de gladio excommunicationis. Tamen mens D. Augustini non tulit, inficiari quod rectè excommunicatio dicatur gladius: Voluit ergo tantum asserere, eam denominationem non debere fundari in eo Apostoli loco qui apertè respicit Magistratū secularem, vt monstrat tributorum collatio de qua mox ibidem agit Apostolus. Quare meritò excommunicatio dicitur gladius abscindens, cuius impactionem grauius nocere quàm iniectionem gladij materialis, docet Christus ipse apud S. Brigittam l. 4. reuel. c. 99.

Iuuat hanc noxiorum spiritualem abscissionem per gladium excommunicationis, illustrare ex nonnullis Patribus. S. Cyprianus epist. 62. num. 15. agens de incestis copulationibus sacrarum quarundam personarum, eisque si in scelere perstarent, intentans excommunicationem, sic eam describit. [Interfici Deus

iussit, Sacerdotibus suis non obtemperantes, iudici-
bus à se ad tempus constitutis non obedientes. Et
tunc quidem gladio occidebantur, quando adhuc &
circuncisio carnalis manebat. Nunc autem quia cir-
cuncisio spiritalis esse ad fideles seruos Dei cœpit,
spiritali gladio superbi & contumaces necantur, dum
de Ecclesia eiiciuntur. Neque enim viuere foris pos-
sunt, cum domus Dei vna sit, & nemini salus esse, nisi
in Ecclesia possit. Indisciplinatos autem perire, dum
non audiunt nec obtemperant salubribus præceptis,
testatur Scriptura diuina quæ dicit; *non diligit indisci-
plinatus castigantem se. Qui oderunt correptiones, con-
sumuntur turpiter.*]

Cyprianum eo loco, expressit vt alibi sæpè S. Hie-
ronymus epist. 1. quæ est ad Heliodorum. Agens enim
de reuerentia Sacerdoti debita, ait: [Mihi ante Pres-
byterum sedere non licet. Illi, si peccauero, licet tra-
dere me Satanæ in interitum carnis, vt spiritus saluus
sit in die Domini Iesu. Et in veteri quidem lege, qui-
cunque Sacerdotibus non obtemperasset, aut, extra
castra positus, lapidabatur à populo, aut gladio cerui-
ce subiecta, contemptum expiabat cruore. Nunc ve-
rò inobediens, spiritali mucrone truncatur; aut eie-
ctus de Ecclesia, rabido Dæmonum ore discerpitur.]
Hæc postrema verba leguntur quoque in epistola
Anteri Papæ ad Episcopos Hispaniæ.

Prosper scire l. 2. de vita contempl. c. 7. [Qui diu
portati, & salubriter obiurgati corrigi noluerint, tan-
quam putres corporis partes debent ferro excom-
municationis abscindi: ne sicut caro morbis emor-
tua, si abscissa non fuerit, salutem reliquæ carnis, pu-
tredinis suæ contagione corrumpit: ita isti, qui emen-
dari

dari despiciunt, & in suo morbo persistunt, si moribus deprauatis in Sanctorum societate permanserint, eos exemplo suæ perditionis inficiant.]

Tandem S. Ambrosius lib. de Elia cap. 22. cum præmisisset eadem à Leuitis iussu Moïsi patrata[m], [Apostolus (inquit) docet, vt separemus nos ab omni fratre inquietè agente: percutiamus eum gladio spiritali, qui est verbum Dei. Non fratris, non propinqui accipiamus personam, sed omnem immundum à Christi secernamus altaribus, vt emundet & corrigat lapsus suos quo ad sacramenta Christi redire mereatur.] Porro hæc excommunicati abscissio spiritali gladio facta, videri potest continere allusionem ad scissionem illam, quam Daniel impudico seni ab Angelo Dei est comminatus. Tamen si non me latet, excidium quodcunque in scriptura, diuisionis atque aded scissionis nomine donari, vt cum de malo seruo dicitur quod dominus diuidet eum, & cum Ozias ob attretaram arcam dicitur diuisus.

18. V. MITTIFORAS. Christus ipse Matth. 5. cum Apostolos, & in eis quoscumque fideles ex fidei scitis viuentes, vocasset *sal terra*, addit; *quod si sal euauerit, in quo salietur? Ad nihilum valet ultra, nisi vt mittatur foras, & conculcetur ab hominibus.* Et Lucæ 14. *Bonum est sal, si autem sal euauerit, in quo condietur? Neque in terram, neque in sterquilinum utile est, sed foras mittetur.* Conculcatio cuius est hic mentio, referri potest ad illam olim eiaculationem execrationum, & probrorum in excommunicatum communiter ab omnibus factam, vt est apud Clementem l. 2. constit. cap. 20. & ab Apostolo quoque expressam 2. Cor. 2. cum agens de incestuoso iam pœnitente eique

confirmandam charitatem statuens, ait: *sufficit illi qui eiusmodi est, obiurgatio hac qua fit a pluribus.* Hanc sibi conculcationem & contemptionem optabat, ut spiritus saluus fieret, & regressum exoraret Ecebolius Sophista post Iuliani Apostatæ mortem, sub cuius imperio rebus Ethnicorum prospero cursu fluentibus à fide defecerat, ut referunt Socrates l. 3. cap. 13. & Nicephor. lib. 10. c. 23. Vocabat enim se salem infatuatum & euanidum, ideoque foras proiiciendum, & calcandum omnium pedibus. Quod verò iisdem locis ait Christus, salem infatuatum esse foras proiiciendum, Palacius Matth. 5. accipit de proiectione extra Ecclesiam per excommunicationem. Id quod etiam ad eundem Matthæi locum, benè præter cæteros versat Chromatius in exemplo Apostatarum, aut ad hæresim transgredientium, ideoque excommunicatorum. Sic enim scribit. [Infatuari eos ostendit, qui cum semel per fidem & sapientiam cœlestem eruditi, fideles ac stabiles debeant permanere, relicta fide & sapientia diuina, aut in hæresim ruunt, aut ad stultitiâ Gentilium redeunt. Et idcirco ait: *Si autem sal infatuatum fuerit, in quo condietur?* Quia infatuati fraude Diaboli huiusmodi homines, amissa fidei gratia, euanescunt. Qui cum potuissent etiam alios non credentes, adhuc à fide alienos, diuinæ prædicationis verbo condire, etiam sibi inutiles extiterunt. Denique Iudas Iscariotes, de huiusmodi salibus fuerat, sed posteaquam diuinam sapientiam reprobauit, & de Apostolo apostata factus est, non solum aliis prodesse non potuit, sed & sibi miser & inutilis factus est. Et ideo addidit Dominus, dicens: *ad nihilum valet, nisi ut proiciatur foras, & concalcetur ab hominibus.* Quia huiusmodi

modi iam non fideles, ac domestici, sed proiecti ab Ecclesia, vt extranei, & fidei hostes habendi sunt. Vnde & Iudas, de domestico fidei, inimicus factus est veritatis. Proiecti itaque huiusmodi extra Ecclesiam, necesse est vt diuersis vitiis carnis & variis voluptatibus sæculi cōculcentur. Et hoc est quod ait, *ad nihilū valet, nisi vt proiciatur foras, & conculetur ab hominibus.* Quid sit autem conculari ab hominibus, etiam Salomon in libro suo retulit, cum de muliere meretrice loqueretur: *Mulier, inquit, fornicaria, quasi ster-cus in via, ab hominibus pratercantibus conculeatur.*]

19. Sub alia metaphora, exclusionem hanc excommunicatorum ab Ecclesia, expressam in scripturis esse censent nonnulli: nempe sub metaphora clauium, quibus ianua obseratur ne quis domum possit subire. Iuxta quos is cui fores domus Dei sunt occlusæ per excommunicationem, dicendus esset foras missus per clauēs. Sed cum loquendi modum vsus non recipit, quamuis enim dicatur quis clauium interuentu foris retineri, non dicitur tamen primò excludi per clauēs. Aprius est quod Molanus l. 3. de imagin. c. 21. ipsam excommunicandi potestatem nomine clauis expressam censuit; eo pertinere arbitratus, quod è duabus clauibus quæ solent S. Petro appingi, vna est aurea, alia argentea. Tales enim exhibentur clauēs illæ, & in Pontificum insignibus, & in aliquibus vrbium quarundam Italiae portis. Auream ergo clauem, Molanus refert ad potestatem absoluendi; argenteam verò refert ad potestatem excommunicandi. Quod Cōstantinus Caëtanus ad opusc. 4. Petri Damiani *sub finem*, asserit in vetustissimis vrbis monumentis appingi S. Petro tres clauēs quas manu teneat, commo-

dare potest ad monstrandum, quomodo habeat quoque Ecclesia clauem scientiæ, quam alioqui fatendum esset altera binarum duntaxat clauium expressam esse; cum certum sit, clauem scientiæ (vt Scriptura ipsa loquitur) Ecclesiæ à Christo esse attributam, seorsim à clauē iurisdictionis. Per hanc ipsam tamen, absque alia clauē distincta, rectè intelligitur fieri noxiorum extramissionem & projectionem extra Ecclesiam. Est enim ea dimissio & projectio, actus iurisdictionis lucculentus ac nobilis.

20. Cæterum, cuiusmodi sit hæc excommunicati dimissio & projectio extra Ecclesiam, nonnihil ambiguum est apud Doctores. Nonnulli existimant, excommunicatum mitti extra corpus mysticum Christi & Catholicam Ecclesiam. Ita Catechismus Romanus in Symboli explicatione, Valdens. l. 2. doctr. c. 9. Turrecr. in summa de Eccles. l. 8. c. 3. Bellarm. l. 3. de Eccles. c. 6. Bayus l. 1. instit. Christ. relig. c. 300. Ricciullus l. 4. de iure person. extra Eccles. c. 1. aliique ex iurisperitis permulti, quos adducit Sanctarellus tract. de hæresi cap. 43. dub. 2. num. 19. Fauent planè multa iura. Sic enim cap. *Canonica*. 11. q. 3. vbi Ecclesiæ violatores excommunicantur, & à gremio *S. Matris Ecclesiæ*, & à consortio totius Christianitatis eliminantur. Similia habentur cap. *Omnis Christianus*, & cap. *cum aliquis*, itémque cap. *quicumque*. & cap. *videas*. 11. q. 3. Rursus cap. *de communionē*. & cap. *Sacerdotes*. & cap. *Apostolica*. 24. q. 2. & cap. *per tuas*. de sent. excommun. Suffragantur varij Patres, præter eos è quibus Gratianus prædicta capita collegit. Non obscurè Clem. Rom. l. 2. constit. c. 43. Item Hieron. in c. 3. ad Titum, vbi ait, idcirco hæreticum hominem dici ab Apostolo, iudicio

cio proprio damnatum: quia quò peccator fidelis abit Episcoporum iudicio per excommunicationem, eò hæreticus sponte sua abit, id quod S. Maximus hom. 2. de Christi accusat. & iudicio, *in fine*, pulchrè confirmat. Sicut ergo hæreticus vltro exit ex Ecclesia, ita peccator fidelis foras extra Ecclesiam mittitur, trudente Antistite ac expellente. Apud S. Augustinum c. 65. Enchir. excommunicatus, pronunciatur separatus à Christi corpore. Ex eiusdem S. Augustini auctoritate S. Gregorius in Psalm. 4. pœnit. ad vers. 1. cum dixisset, Christum esse Ecclesiæ caput, animam verò esse Spiritum sanctum addit; [Vnde dicit B. Augustinus: Si vis viuere de spiritu Christi, esto in corpore Christi. De hoc spiritu non viuit hæreticus, non viuit schismaticus, non viuit excommunicatus: non enim sunt de corpore.] Denique Marcionem priusquàm hæreticus fieret, à patre suo ob turpitudines, eiectum fuisse ab Ecclesia cui præerat pater, affirmat S. Epiphan. hær. 42. Agnoscit ergo eum qui excommunicatur, fieri extra Ecclesiam.

21. E contrario tamen graues DD. negant, excommunicatum præcisè vi excommunicationis, desinere esse de Ecclesia. Ita Azor t. 2. l. 5. c. 20. q. 6. Suarez disp. 9. de fide s. 1 à num. 14. Turrianus ibid. disp. 14. dub. 1 difficult. 4 Videtur fauere D. Augustinus l. contra Donatistas, post collationem cap. 20. cum ait [neque enim à populo Dei separamus qui excommunicatur, & ad humiliorem gradum rediguntur.] Verùm hic locus meritò suspectus est. Videtur enim librarij flagitio excidisse ex eo particula negans, cuius adhibitione existet sensus planè contrarius quem textura capitis planè exigit. Planè siquidem D. Augustinus ibi
vult

vult asserere criminosos cum per tempora & circumstantias licet, eiici ex Ecclesia. Itaque legendum est. *Neque enim à populo Dei non separamus, &c.* Quare ille locus malè allegatur pro hac sententia. Firmat verò eam optima ratio; nimirum quod excommunicatus possit Christo coniungi per fidem & charitatem. At hoc ipsum est, esse membrum Ecclesiæ, & coniungi cum cæteris membris Christo capiti subiacentibus. Imò si agatur de essentiali & veluti constitutiva forma membri Ecclesiæ, sufficit fides, quam certum est posse in plerisque excommunicatis superstitem manere. Sunt quidem aliqui excommunicati qui fide destituuntur: illi nimirum qui propter hæresim vel apostasiam excommunicantur: de quibus DD. huius secundæ sententiæ exponunt Patres, cum interdum dicunt, excommunicatos non esse membra Ecclesiæ, sed ab ea eiectos vel seclusos esse. Sed hos excommunicatio non tam præscindit ab Ecclesia, quàm re ipsa iam præcisos, fecit manifestè agnosci quod erant, ut monuit D. Augustinus l. de vnit. Eccles. cap. ultimo.

22. Momenta rationum huius posterioris sententiæ, videntur potiora. Potest tamen adhiberi vtriusque sententiæ conciliatio, dicendo, excommunicatum ut sic, manere quidem membrum Ecclesiæ quæ est mysticum Christi corpus, ut posterior sententia contendit: dici tamen eiectum ab Ecclesia, quia relegatur ab omni cum cæteris fidelibus commercio, & à templo ferè excluditur. Ecclesia autem, ut Isidor. Pelus. notauit l. 2. epistol. 246. quandoque cætum fidelium, quandoque templum designat. Ad hunc modum non incommodè exponitur, quomodo excommunicatus etiamsi perseveret esse verum & substantiale

tiale membrum Ecclesiæ quæ est corpus Christi mysticum, dicatur tamen eici ab Ecclesia, & extra eam mitti. Et ita notauit Couar. in cap. *alma mater*. p. 1. in initio, num. 6. Driedo l. 4. de dogmat. Eccles. c. 2. p. 2. ac ferè Valentia in *Analyfi* lib. 6. cap. 3. *sub finem*. Faciliùs etiam exponitur, quomodo excommunicatus dicatur remoueri, aut repelli, vel separari à corpore Christi, etiamsi in Ecclesia pergat esse tanquam membrum. Ea enim remotio, & repulsa, vel separatio, accipienda est de prohibitione accipiendi Eucharistiam, quæ est reale corpus Christi, non autem de præcisione à corpore Christi mystico, siue de plena excisione ab Ecclesia & congregatione fidelium. Laborarunt ergo homonymia vocis, quotquot præcisionem à reali corpore Christi, id est ab Eucharistia, transtulerunt ad præcisionem simpliciter dictam à mystico Christi corpore, quod est Ecclesia. Sanè S. Cyprianus lib. de orat. Dom. excommunicationem vocat, *separationem absentem à corpore Christi*. Manifestè autem & citra omne dubium agit de separatione à participatione Eucharistiæ, non autem de abscissione à mystico Christi corpore, siue ab Ecclesia.

Qualiscunque autem statuatur esse separatio excommunicati à Christi corpore, iuxta vtramuis sententiam proximè tractatam; hoc est, siue sit separatio ab Eucharistia & cæteris Ecclesiæ opibus tantum, iuxta posteriorem sententiã; siue sit exclusio ab ipsa Ecclesia viua, vt volebat prior sententia, fatendum est, talem separationem & proiectionem, esse planè horrendam, quod bellè aperit luculenta disputatione Chrysolog. serm. 132, Attexo partem. [Homo quid aliud te docuit in tuo corpore, aut sic diuisa coniunctio

iunctio, aut tam coniuncta diuisio, nisi vt ex multis vnus, & vnus in multis viueres? Est membrorum commercio salutaris, pretiosus oculus, sed si perseuerat in corpore: alioqui vbi corpori defuerit, sibi non aderit: debent illi mēbra omnia suæ lucis obsequium: sed & ipse oculus sentit corpori se debere quod lux est, qui vtrique cum omnibus membris ministratum membrorum prouideat, euulsus à corpore nec sibi videt. Quisquis ille est qui se putat esse aliquid, tali institutus exemplo, maneat in Ecclesia, vt sit aliquid: alioqui vbi defuerit illi, sibi esse mox desinit. Quod qui plenius nosse desiderat, Apostoli de corpore Christi loquentis perlegat instituta: quia nos illa percurrere sermonis breuitas amica non patitur. Lex est data non vni, sed omnibus; Christus non pro vno, nec ad vnum, sed ad omnes & pro omnibus venit: vt redintegraret omnes in vnum solum bonum, solum iucundum. Propheta futuri præscius, sic proclamat, *ecce quàm bonū & quàm iucundum habitare fratres in vnum.* Quia Deo non singularitas est accepta, sed vnitas. Spiritus sanctus, Apostolis in vnum cōgregatis vberitate tota sui fontis illabitur: cuius vt simul discipuli operirentur aduentum, Dominica sunt præceptione commoniti. Fratres, amittit diuina munera, perdit gratiæ largitatem, charitatis fraudatur bonis, vnitatis illum benedictio non manebit, qui in se malefidus, & ex defectu suo stultè sibi sufficiens, sic præter Ecclesiam vitam quærit, quam in ipsa tantum esse Prophetæ testatur, dicendo; *Ecce quàm bonum & quàm iucundum habitare fratres in vnum; quia illic mandauit Dominus benedictionem, & vitam vsque in sæculum.*

23. VI. ESSE SICVT ETHNICVM ET PVB-
BLICANVM

BLICANVM. Perfictæ frontis Christianum qui Ecclesiam non audierit, eique autoritati quam in Ecclesiæ capiribus Deus ad sui populi regimen inesse voluit, fuerit pertinaciter aduersatus, iubet Christus Matth. 18. haberi sicut Ethnicum & Publicanum, id est vt omnes æquè ibi agnoscunt, excommunicari. Cur autem excōmunicatus, dicatur fieri sicut Ethnicus, ridiculè exponunt nonnulli Iurisperiti, affirmantes perinde id esse, ac si diceretur, eum deuouerit & addici ignibus infernalibus Montis Ætnæ in Sicilia, quod passim creditur vnū esse ex inferni suffumibulis. Ita Ioan. Andr. & Abbas ad cap. *nonit.* de Iudic. Hæc insulitas, condiendis fatuis hisce betis quas hîc iampridem esitamus, opportuna visa est. Nam genuinus illorum Christi verborum sensus, non est obscurus. Nimirum sancire voluit Christus, vt fideles non plus commercij haberent cum excommunicatis, quàm haberent olim Iudæi cum Ethnicis & Publicanis. Constat enim, Iudæos studiosissimè auersatos esse consortium Ethnicorum, & quoscunque alterius religionis, etiamsi non idololatrias, sed cultores veri Dei, eo ipso tamen quod Gentiles & Ethnici erant, fuisse Iudæis horrore. Nam illud Ioan. 4. *non cōtuntur Iudæi Samaritanis*, hîc non vrgeo, quia pōtest referri ad schisma, quo à Iudæis diuellebantur Samaritani. Hoc flagrantissimum Iudæorum studium in vitandis quibuscunque externis, ne eorum veluti contagio polluerentur, conceperant Iudæi ex diuino decreto Deuter. 7.

24. Publicanos verò Iudæi, cane peius & angue auersabantur: tum quia odiosi erant populo, qui se tributorum pensitatione liberum obtendens, à publicanis tamen austerissimis exactoribus exugebatur:

Tum

512 *Pars II. Caput VIII.*

Tum etiam quia publicani, genus hominum fere erat flagitiosissimum & probris omnibus coopertum, unde apud Iudæos erant infames, ut pluribus prosequitur Angelus Caninius in locis Hebr. noui Testamenti. cap. de publicanis. Locum eximium Chrysostomi de hac Publicanorum nequitia, & exaggerata improbitate, protuli in tractatione de S. Latrone cap. 4. num. 11. ex eius serm. de Chananæa t. 6. Græcol. Habet verò planè affinia idem Chrysostomus t. serm. Græcol. ser. 56, ubi Publicanum definit, limitem vltimum improbitatis, liberam violentiam rapinam absque reprehensione. Leges præterea ibid. ser. 68. & Asterium hom. de Zachæo inter Photij breuiculos c. 271. & in Caterna Corderij Lucæ 19. ubi sic habet. [Omnis quidem iniuria, mala est, odioque digna: sed Publicanus omnes excedit. Non enim vllum legitimum peccandi prætextum habet. In aliis quidem inuenitur mali quædam necessitas, & origo, unde iniquitas procedit. Publicanus fera est, & pestis, quæ prætextum non habet, viis Regiis incumbens. Violenta est, & publica auctoritate ac vi armata. Publicani enim munus, furri quoddam genus est, quod punitioni non subiaceret, inuerecundus auaritiæ modus, negotiatio ratione ac titulo carens, impudens mercatura, terminus denique ac finis iniquitatis. Quod Christus declarare volens, ubique meretrices & publicanos, tanquam maximorum exempla malorum inducit.] Exempla scelerum & rapinarum, huic hominum colluiei familiarium, non accumulo. Instar omnium esse poterit splendidissimum exemplum atrocitatum malignissimarum vnus Publicani, descriptum à Philone l. de special. legibus, quod qui considerauerit, perspicuè deprehendet, quanto

quanto Iudæorum odio flagraret non abs re, genus publicanorum; nec aliud requireret simulachrum illius feralissimæ expressionis Publicani quæ habetur apud Basilium Seleuciæ orat. 35.

Vt ergo significaretur perfecta alienatio fidelium ab excommunicatis, Christus inter Iudæos agens, eorum vñ locutus, summam illam qua ab Ethnicis & Publicanis auerrebantur offensionem animorum, & à quocunque commercio elongationem, proposuit in exemplum; significans non secùs fidelibus esse cōtendū excommunicato, quàm Iudæi Ethnicis ac publicanis cōtererentur, quæ erat summa tunc & perfecta cōmercij inter aliquos interclusio. Quid verò visum est Caietano Matth. 18. vt diceret, rigore Christi edictum transcendēte, excommunicatos nunc esse nobis plusquàm Ethnicos & publicanos; cum etiam qui illis communicant, fiant abominabiles, quod olim non contingebat iis Iudæis, qui cū Ethnicis & publicanis essent versati? Non puto sugillationem aliquam iustissimi Ecclesiæ edicti de contagio communicantium excommunicatis, latere in ea Caietani obseruatione. Itaque molliter repono, locum meritò apud nos esse illi rigori, quia de maiore dispendio periclitamur communicantes cum excommunicatis, quàm olim Iudæi cum Ethnicis & publicanis versantes, quos tamen ex eo commercio habitos pollutos, neminem later.

25. VII. LIGARI IN TERRA, ET IN COELO. Eodem cap. 18. Matthæi, Christus Dominus, postquā mādauit contemptorem Ecclesiæ, haberi sicut Ethnicum & Publicanum, id est excommunicari, cauens ne quis id leue esse arbitraretur, subdidit; quæcunque ab

KK

Apo

Apostolis & eorum successoribus ligata essent, itidem in cælo ligata fore: quod S. Chrysostomus ibi, retulit ad pœnam alterius vitæ, supra pœnam excommunicationis iam expressæ comparatione excommunicati cum Ethnicis ac publicanis. Sed meliùs Urbanus & Gelasius Pontifices, adducti à Castro l. 2. de iusta hæret. punit. c. 19. & ad eum locum S. Hieronymus, ac S. Hilarius ibidem, passimque cæteri, cum ad alia Ecclesiastica vincula, tum nominatim ad excommunicationem, tam comparationem cum Ethnico & publicano, quàm ligamina ista retulerunt, vt textura capitis planè exigit. Inde verò terrorem maximum iniici, quo omnes in præsentì continerentur, statuit S. Hilarius. [*Quia dixerat (inquit S. Hier.) si autem Ecclesiam non audierit, sit tibi sicut Ethnicus & Publicanus, & poterat contèptoris fratris hæc occulta esse respõsio, vel tacita cogitatio: Si me despicias, & ego te despicio: si tu me condénas, & mea sententia condemnaberis: potestatem tribuit Apostolis, vt sciant qui à talibus condemnantur, humanam sententiam diuina sententia roborari, & quodcunque ligatum fuerit in terra, ligari pariter & in cælo.*]

Quæ porro vincula isti sunt comparabilia, quibus non exterius membra corporis, sed interius anima præpeditur? Quem vincula materialia nexuerint, eum libera hominum consuetudine constat prohiberi. At hæc vincula non modò omnem liberam cum fidelibus versandi facultatem eripiunt, sed etiam internam suffragationum communium participationem adimunt, aliásque obligationes & nexus inducunt, quibus anima arctè illigatur & præpeditur, vt monet D. Augustinus epist. 75. qui tract. 50. in Ioann. addit,
hæc

hæc vincula ita per Ecclesiam iniici, vt simul homo iis innectatur in cælo, ne quis ea faciliè dirumpenda arbitretur. De hoc nemini esse ambigendum, indèque magnum excommunicationis horrorem concipiendum meritò esse, præclare tradit Gregor. Nyss. orat. in ægrè ferentes reprehens. *sub medium*, adducendus infra cap. 14. Diuus verò Chrysostomus, ex eodem fundamento eruit insignem planè esse Christiani sacerdotij dignitatem, & quacunque terrena potestate infinities sublimiorè. Sic enim habet præter cætera lib. 3. de sacerdot. c. 5. [Etenim qui terram incolunt atque in ea versantur, iis commissum est vt ea quæ in cælis sunt, dispensent: iis datum est, vt potestatem habeant, quam Deus optimus neque Angelis, neque Archangelis datam esse voluit: neque enim ad illos dictum est, *quacunque alligaueris in terra, erunt alligata & in cælo: & quacunque solueris in terra, erunt soluta & in cælo*. Habent quidem & terrestres principes, vinculi potestatem; verùm corporum solum. Id autem quod dico Sacerdotum vinculum, ipsam etiam animam contingit, atque ad cælos vsque peruat: vsque adeò vt quæcunque infernè Sacerdotes conferant, illa eadem Deus iupernè rata habeat, ac seruatorum sententiam Dominus confirmet.] Non dissimilem sensum suum prodidit his verbis S. Gregor. hom. 26. in Euang. [Ecce qui districtum Dei iudicium metuunt, animarum iudices fiunt: & alios damnant, vel liberant, qui semetipsos damnari metuebant. Horum profectò nunc in Ecclesia Episcopi locum tenent. Ligandi atque soluendi authoritatem suscipiunt, qui gradum regiminis sortiuntur.] Ligationem & solutionem quam Episcoporum propriam facit, apertè refert

516 Pars II. Caput VIII.

ad censuras, præsertimque excommunicationem. Insignem D. Augustini in hanc rem locum ex l. 1. contra aduers. leg. & prophet. cap. 17. appendam infra cap. 14.

26. VIII. VIRGÆ SVBICI. Apostoli verba sunt, 1. Corinth. 4. *Quid vultis, in virga veniam ad vos?* Hoc ad potestatem coercitiuâ, præsertim per excommunicationem pertinere, agnoscunt passim DD. Pulchrè S. Ambros. l. 1. de pœnit. c. 14. [Venit (Apostolus) in virga, quia à communione sacra conuictum remouit. Et benè dicitur tradi Satanæ, qui separatur à Christi corpore. Venit etiam in charitate, spiritûque mansuetudinis: vel quia sic tradidit, vt spiritum eius saluum faceret: vel quia eum quem ante sequestrauerat, postea Sacramentis reddidit. Nam & sequestrari oportet grauiter lapsum, ne modicum fermentum totam massam corrumpat: expurgandum est vetus fermentum, vel in singulis vetus homo, hoc est, exterior homo cû actibus suis, vel in populo inueteratus peccatis, vitiisque concretus. Benè dixit, *expurgandum*, non *proiiciendum*. Quod enim expurgatur, non totum indicatur inutile. Ideò enim purgatur, vt vtile ab inuili separetur.] En virgam pro excommunicatione. Nihil vulgatius, quàm virgam, cum in sacris literis, tum etiam apud Ethnicos, symbolum esse facultatis coercendi improbos, & malè mulctandi criminosos. Id enim prælati Consulibus Romæ fasces virgarum denotabant. Vnde quia tametsi bini erant Consules, tamen per vices summa potestate potiebantur, quilibet ad vnum mensem, vt habetur ex Suetonio in Cæsare cap. 20. & ex Liuiio decad. 1. lib. 2. idcirco per eum mensem, fasces virgarum ei soli præferebantur,

pœnes

penes quem erat summa potestas. Ex quo (vt id obiter attingam) intelligi potest qua ratione 1. Machab. c.8. dicatur de Romanis, eos obedisse vni, quod constat scriptum esse de tempore quo Respublica Romana per Cōsules administrabatur. Quare virga signum est potestatis coërcitiuæ; ac proinde Apostolus virgam intentans, comminatus est correptionem Ecclesiasticam, quæ præsertim exercetur inflicta excommunicatione.

27. Hanc esse dixerim virgam *funiculum*, siue flagellum, qua simul cum altera cui nomen *decor*, probi pastores Ecclesiam regunt, vt prænunciatum est Zachar. 11. Hæc item est virga illa vigilans, per quam qui non resipiscunt, incidunt in ollam ignis æterni, vt præclare circa Ieremiæ visum differit Clemens Alexand. l. 1. pædag. c. 7. Esse quoque hanc virgam, illam ipsam ferream, cuius mentio est Psalmo 2. tradit S. Hieron. epist. 53. verbis illis. [Miror sanctum Episcopū in cuius parochia esse Presbyter dicitur, acquiescere furori eius, & non virga Apostolica, virgæque ferrea, confringere vas inutile, & tradere in interitum carnis, vt spiritus saluus fiat.] Fateor hunc sensum verborum Psaltis non esse apud omnes ratum, longèque aliter plerosque Patres quos adduco agens de Christo pacis principe, interpretari virgam ferream, & vasorum figuli confractionem per eam. Non caret tamen hæc quoque expositio probabilitate sua, vel si aliud proferre pro ea non liceret, quàm quod sit à D. Hieronymo expressè tradita.

28. IX. INCREPARI DVRE. Apostolus ad Titum 1. arguens quosdam vaniloquos & seductores, docentes quæ non oportet turpis lucri gratia, aut

Tito : *quam ob causam, increpa illos durè, ut sani sint in fide.* Græcè est, ἐλεγε ἀποτόμως: qua locutione indicati excommunicationem, inde colligit Turrianus l. 1. pro epist. Pontif. c. 5. quod Clem. Rom. l. 2. constit. c. 42. his ipsis Apostoli verbis adhibitis, atque adeò ad hunc locum alludēs, describat excommunicationem. Ait enim Clemens. κρίνε ἀποτόμως καὶ τῇ μαχαίρᾳ τοῦ πυρὸς παροξύνσεις. id est, *indica abscindendo, & trades gladio ignis.* Et paulò post, ἐκκοψόν τὸ διασαπὲν μέρϑ, id est, *amputa membrum putrescens.* Clarum est, S. Clementem, his loquendi modis excommunicationem signasse. Par igitur est arbitrari, iisdem verbis apud Apostolum eandem subiici notionem, & apud eum, *increpare durè*, vel ut cortex Græcæ vocis potius fert, *abscindere usque ad vivum*, perinde sonare, ac infligere excommunicationem. Et sanè esse excommunicationem, increpationem duram, nemo non videt. Rectè Stephanus Brulefer in 4. d. 18. quæsito 6. ait, excommunicationem esse increpationem duram & asperam, quia se habet velut medicamentum acerbum, quod ab Ecclesia ei adhibetur, cui emplastra lenientia & suavia malagmata non profuerunt. Et hunc ipsum esse excommunicationis usum ac scopum, ex ipso Apostolo alibi discimus. Idem Apostolus 2. Cor. 13. *agere durius, ἀποτόμως*, usurpavit pro eo quod est *plētere excommunicatione*, iuxta Turrianum l. 3. de dogm. charact.

29. X. NOTARI. 2. Thessalon. 3. sic loquitur Apostolus. *Si quis non obedit verbo nostro per epistolam, huic notate, & non commisceamini cum illo, ut confundatur* Ea notatio aliud esse non potest, quàm excommunicatio. Neque enim sensus Apostoli is est quem
ibi

ibi affert D. Thomas, & quem ibid. Theophylactus Diuo Chrysostomo affingit, cum apud eum non compareat; nimirum *si quis est inobediens, hunc ad nos deferre per literas, ut à nobis puniatur, & interim deuote illum.* Nō est, inquam, hic sensus Apostoli, nec illud *per epistolam*, iungendum est cum verbo *notate*, ut sensus sit, *deferre eum ad me per literas*; sed illud *per epistolam*, referendum est ad verbum Apostoli per epistolam traditum, cui qui inobedientes forent, eos ab Ecclesiasticis Thessalonicensium præfectis, excommunicatione percelli mandat Apostolus. Nam si Apostolo denunciandi fuissent per epistolam ut ab eo plecterentur, & interim iam vitari debuissent, ut habet expositio adducta, pœna antecessisset sententiam. Sensus ergo Apostoli communiter à Patribus & Doctoribus receptus, est huiusmodi. *Si quis fidelis est dyscolus, & inobediens verbo quod per epistolam ad vos transmissimus, vos Antistites hunc notate*; id est, excommunicate, *inurite illi notam qua vitandus ab omnibus agnoscatur.* Verbum enim Græcum *σημαίνω*, quod ibi Apostolus adhibet, significat appositionem notæ qualis bobus cornupetis apponitur, ut declinentur. Qui igitur inter fideles petulci sunt, & digni qui euitentur ne noceant, notantur per excommunicationem. An allusum ad notam, Caino, excommunicatorum illustrissimo exemplari impressam diuinitus? An etiam allusum ad stigmatas seruos, quos in facie ubi grauius deliquissent, notare moris erat, ut est apud Plinium l. 18. cap. 3. pleniùsque explicant Connanus l. 2. Comment. c. 6. num. 4. Brodæus 4. miscell. c. 24. & Hermannus Hugo in opere de scriptura? Non absimilis sanè videri potest malorum Dei seruorum notatio per

Typi Christianæ excommun. 521

nullum esse illustrius diuinæ seueritatis facinus, in confesso est. Proponit hanc nostræ excommunicationis imaginem Robertus Arboricensis Tomo 2. de vtroque gladio theorem. 7. insinuâtque eandem Synesius epist. 58. in deuotione Andronici. Concinnè verò Petrus Blesensis serm. 29. Satanam ex hac excommunicatione dictum esse *anathema*, Christianos verò cum per Baptismum à Satana abiunguntur, fieri *anathema anathematis*, his verbis exponit. [Hermon interpretatur, *anathema eius*. Cuius *eius*, nisi ipseus anathematis? Primùm ergo quærendum est, quid sit anathema: deinde, quid sit anathema anathematis, adiungendum. Anathema, hoc est, separatio. Anathema anathematis, separatio separationis. Et fortassè, si separatum esse, malum sit; tamen separatum esse à separato, bonum erit. Quis autem melius potest dici anathema, quàm apostata Angelus, qui se primùm per superbiam à societate illius supernæ ciuitatis separauit, & ex merito præuaricationis suæ, dum capitis membrum esse noluit, ab vnitate corporis illius præcisus, caput iniquorum omnium factus est? Constat autem, quod omnis homo, secundùm primam generationem, qua in peccato concipitur, & cum peccato nascitur, huius corporis membrum est, & ad illius societatem pertinet. Sed quisquis per Sacramenta fidei regeneratus, membrum Christi efficitur, ab vnitate huius corporis separatur. Quis est ergo anathema, nisi Diabolus, & membra eius, & qui sunt anathema anathematis, nisi hi, qui separati à corpore Diaboli, facti sunt membrum Christi?] Denique Honorius in Gemma animæ lib. 3. cap. 78. Diabolum superbientem & rebellem, de cœlesti Ecclesia eiectum & excommuni-

KK § catum

catum à Deo asserit ; Domino (vt ait) formam præbente Christianæ excommunicationis , quæ in solos rebelles ac contumaces est exserenda.

Nihilominus, consultò abstinere recensere inter excommunicationis nostræ typos, hanc Satanæ excommunicationē, omnium licet asperrimā & calamitosissimam. Et ratio eam dimittendi est, quia clades Satanæ irrogata, ex certo Dei consilio & voluntate fuit immedicabilis atque perpetua, ita vt in Satanæ potestate non sit aut fuerit, statu illo miserrimo & ærumnosissimo liberari, cōtra delirium Origenis, existimātis abyssum velut senescentem, vt S. Gregorius contra eum differit 34. moral. c. 11. & S. August. 12. ciuit. c. 20. & l. 21. à c. 17. At contra rationem Christianæ excommunicationis est, vt ex se vel ex inferentis mente sit perpetua, nec possit dissolui ad nutum excommunicati resipiscentis. Id quod de omni æquē censura valere, significatur cap. *ex literis*. de constitut. Vbi Felinus num. 34. & Panorm. num. 10. alios in eam rem textus adducunt. Ad alios ergo accommodatiores excommunicationis nostræ typos, accedamus.

Aptior typus, eiectio Adami è paradiso.

2. Antiquissimam in primis ac appositissimam excommunicationis nostræ adumbrationem, suppledit Adami è paradiso voluptatis eiectio in terram sentes ac tribulos germinaturam. Idque Adamiani hæreticorum spurcissimi ac cœnosissimi, apud S. Epiphanium hæc. § 3. agnouerunt, adiuncto pro more, inquinamento. Sic enim ait de eis S. Epiphanius. [Si vi-

sus

Typi Christiana excommun. 523

sus fuerit quis (nam & hoc dicunt) in delicto esse, eū non amplius in congregationem admittunt. Dicunt enim ipsum esse Adam, qui comedit de ligno, & incidit ut expellatur à paradiso, hoc est, ex ipsorum Ecclesia. Putant enim, suam Ecclesiam esse paradysum, & seipso esse Adam & Euam.] Dubitari potest, an hi spurciloqui censuerint expulsionem Adami à paradiso, nunquam accidisse ad literam, sed quod de ea scriptum extat, dictum ænigmaticè fuisse de abiectione à suis spelæis. Ut ut sit, expulsio Adami, ex errorum illorum mente, fuit adumbratio excommunicationis inter Christianos receptæ: quod dimissa lufulenta hac scrobe, placet aliunde haurire. Ita habet Franc. Arrias repetit. in cap. *porrò*. de sent. excom. num. 4. Ioan. à S. Geminiano l. 8. de similitud. c. 22. Reuclinus l. 1. de arte Cabalistica, ubi iussum Dei ad Adamum, ait fuisse monitorium, & passim iuniores. Sed Patres potiùs audiamus.

S. Hieronymus in cap. 6. Osee, ad illud, *ipsi autem sicut Adam, transgressi sunt pactum*, hoc dictum interpretatur de peccantibus in paradiso Ecclesiæ, vnde postea eiiciuntur per excommunicationem. Sic enim cum locum edisserit. [Ipsi autem imitati sunt Adam, ut quod ille in paradiso fecerat, pactum meū legēque præteriens, isti in terra facerent. Et ibi, hoc est in paradiso, omnes præuaricati sunt in me, in similitudinem præuaricationis Adam. Non enim mirū, si quod in parente præcessit, etiam in filiis cōdemnetur. Quotidie Deus & eos qui extra Ecclesiam sunt, & qui per eunt in Ecclesia commorantes, prouocat ad pœnitentiam, & dicit eis: *misericordiam volo, & non sacrificium, & scientiam Dei, pliusquàm holocausta*. Illi verò offerunt panem

524 Pars II. Caput IX.

panem sacrilegum, & dant eleemosynas, & sectari videntur humilitatem. Quæ ego si verè fiant, holocausta interpretor: cum autem scientiam Dei reliquerint, frustra truncato capite fidei, cætera membra habere se iactant. Præuaricati sunt enim pactum Dei in Ecclesia, sicut Adam præuaricatus est in paradiso: & imitatores se antiqui parentis ostendunt, ut quomodo ille de paradiso, sic isti eiiciantur de Ecclesia.]

S. Augustinus l. 11. de Genesi ad lit. c. 40. adducens varias causas abducti à ligno vitæ, & pulsi è paradiso Adami, hanc profert præter cæteras, [quod in eo esset Sacramentum visibile inuisibilis sapientiæ: alienandus inde utique fuerat, vel iam moriturus, vel etiam tanquam excommunicatus, sicut etiam in hoc paradiso, id est, Ecclesia, solent à Sacramentis altaris visibilibus, homines disciplina ecclesiastica remoueri.] Videnturque etiã D. Augustinus huc respexisse paulo post, tractãs illud, *& ordinavit Cherubim, & flammeam rompheam quæ vertitur, custodire viam ligni vitæ.* Ait enim, [Hoc per cœlestes utique potestates etiam in paradiso visibili factum esse credendum est, ut per Angelicum ministerium esset illic ignea quædam custodia. Non tamen frustra factum esse, nisi quia significat aliquid etiam de paradiso spiritali, non est utique dubitandum.]

Eodem ævo, Bracharius epist. ad Ianuar. *ferè initio.* [Ecce in ipsius introitu scholæ, occurrunt illic duo authores seminis carnalis, Adam & Eua, qui venenato serpentis dente percussi, non statim pœnæ mortis addicti sunt, sed deiecti de paradisi deliciis, id est, de Ecclesiæ libertate, & sacri communionis mysterij. Ideo temporariè, sub typo mœroris tribulationisque damnati

nati sunt, vt malagmate pœnitentiæ sanarentur, & eò vique de ligno vitæ, id est Christi participio exules fierent, donec ad eum per romphæam flammeam, id est ignitam martyrij passionem, aut per Cherubim Domini, qui interpretatur *multitudo scientia*, remearent.]

4. Paschasius Rathbertus l. de corp. & sang. dom. c. 9. *sub initium*. [Sicut fuit arbor vitæ in paradiso, ita sancta Dei Ecclesia, quæ paradisos deliciarum in canonicis appellatur, habet in se mysterium vitæ, quod in eodem ligno figurabatur; ex quo qui edunt seruantes mandata vitæ, nequaquam possunt mori in æternum. Quod si veluti Adam inobedientes, à Diabolo rursus peccato mortis perempti fuerint, sicut ille de paradiso, remouentur à sanctis altaribus, & à ligno vitæ, scilicet à corpore & à Sanguine Christi, qui est verum paradisi lignum, cuius folium non defluet, & omnia quæcunque faciet, prosperabuntur. Remouentur autem, ne sumant de ligno vitæ, & malè viuant, vt moriantur: imo, vt resipiscant à malis suis, & per pœnitentiam reconciliati, Christi per hunc cibum rursus reinferantur visceribus, & fœliciter deinceps viuant in æternum. Hoc quippe agunt Sacerdotes Christi in Ecclesia, & monstrant quod futurum est in illo vltimo examine, quando separabuntur iusti ab iniustis. Sed hîc sicuti Adam expulso, spes mansit redeundi ad vitam per pœnitentiam, ita præcis à ligno vitæ, patet facultas, si velint redire ad veniam.] Honorius in Gemma animæ lib. 3. cap. 78. [Quod Ecclesia (inquit) peccantes de Ecclesia eiicit, pœnitentes recipit, superbos autem & rebelles excommunicat, & non pœnitentes, indignos sepultura iudicat; à Domino formam

526 Pars II. Caput IX.

mam accepit, qui peccatorem hominem de Paradiso expulit, sed pœnitenti cœlum aperuit.

Omnibus antedictis antiquior Clemens Rom. 2. Constit. c. 42. manifestè agnoscit, Adami expulsionem fuisse imaginem Christianæ excommunicationis. Agens enim de fidei peruerso, mandat Antistiti, vt eum iudicet durè, & tradat gladio ignis. Hoc Turrianus ibi, rectè ad excommunicationem retulit. Et rationem reddit l. 1. pro epist. Pontif. c. 29. quia gladius ignis per Cherub vibratus, & arcens primos parentes è paradiso, rectè exhibet excommunicationem, qua peccatores remouentur ab Ecclesiæ paradiso, per plenitudinem scientiæ Prælati; hoc est per peritum ac muneris sui scientem Antistitem, quem Cherub plenitudinem scientiæ nomine ipso præferens, aptè adumbravit.

Analogia, Adamum inter & excommunicatum.

5. Ex prolatis SS. Patrum testimoniis, ferè liquet, in quo sita sit proportio excommunicationis cum eiectione Adami è paradiso. Ac primùm analogia cōmorationis Adami in paradiso, cum Christiani conuersatione in ecclesia, est per se manifesta: cum ecclesia sit verè paradus deliciarum Edeni persimilis, de quo plura, tractando quomodo Christus sit Rex gloriæ. Habuit præterea Adamus priusquàm è Paradiso exturbaretur, iugem ac suauissimam Săctorum communionem & societatem, qua per peccatum excidit. Diuinum præsidium speciale, & tutela Angelorum præcipua, aderat. In promptu erat lignum vitæ. Affluebat bonis omnibus, & quantum citra Dei contumtionem obtingere

obtingere homini potest, potiebatur beatitate. Exturbatus è paradiso, excidit felici illo statu, & interposita ignea romphæa per Cherubinum vibrata, prohibitus est regredi in paradisu; tamen si significaretur plagam eius non esse immedicabilem, & posse illi patere aditum ad puriores ac pleniores delicias si resipisceret, gladius flammeus exhibitus est versatilis, ut Greg. Nyssenus ad finem orationis secundæ de 40. martyribus, scitè annotauit. Recogitare quisque per se potest, quis sensus fuerit Adami, cum primum è tot tantisque amœnitatibus, de Angelorum societate, de cœli (ut sic dicam) suburbiis, in vepretum ac spinetum, hoc est in terram incultam, tribulis ac spinis proferendis damnatam, planè inamœnam, procellarum, ac variorum aëris turbinum, & incommodorum ludibrium, abactus est, & ut scriptura obseruat, è regione pristinæ deliciarum, ut magis pungeretur collocatus. Considerauit hoc egregiè S. Chrysostom. homil. 18. in Genes. [Vriugem (inquit,) dolorem haberet, quotidie cogitans vnde exciderit, & in quem statum se coniecerit. Et quanuis grauissimi doloris spectaculum erat, est tamen magnæ utilitatis occasio, ut dolens continuo aspectu, munitior & cautior esset in aliis, ne iterum in eadem peccata incideret, qui hominis (ut plurimum) mos est. Nam quoniam cum bonis frueremur, nesciuimus ipsis ut oportet uti, illorum priuatione emendati sumus, & tunc experientia docti, sentire cœpimus nostram desidiam. Itaque tanta reru mutatione, docemur, & à quibus excidimus, & quibus nos ipsos malis iniecimus. Itaque quod propè, & è regione paradisi, eum qui illinc exciderat habitare iussit, maximæ prouidentia, & curæ signum fuit, ut & spectando

spectando memor esset, & inde lucrum faceret.]

6. Hæc cum quis apud se perspexerit, conuertat mentis oculos ad Christianum ex Ecclesia eiectum, nec minùs miserandum deprehendet eius statum. Agnoscat quippe cum submotum ab vsu ligni vitæ, id est ab vsurpatione Sacramentorum, in solo spinarum ac tribulorum feracissimo : eiusmodi enim est, hominis eo deducti conditio. Videbit eum extra speciale Dei præsidium, & peculiarem SS. Angelorum protectionem collocatum. Et cum cæteri in domo Dei abundant panibus, tótque ac tantis fruantur spiritualibus bonis, præ quibus sensibilia paradisi terrestri bona fastidire possint, comperiet excommunicatum è regione constitutum, videre & tabescere, considerantem quantis se bonis priuum vltro fecerit, quibus vberimè poriantur fideles reliqui.

Cain, typus excommunicati.

Alterum Christiani excommunicati specimen, est Cain. In quam rem cum pleraque proferat Robertus Arboricensis tomo 2. de vtroque gladio, theorem. 7. ego analogiam illam sic aperio. Caini atrox delictù, in quo Deum se latere posse, impiè censuit, Victor Cartennensis l. de pœnit. cap. 4. egregiè expendit, additque c. 7. Caini crimen, non simplex, sed septemplex fuisse, cui meritò repēsū sit supplicium septemplex: quæ ille & crimina & supplicia, concidit minutius. Septem item Caini scelera in vno illo fratricidio inuoluta, secernit diligenter S. Chrysoft. hom. 19. in Genes. Tam locupleti substantiæ criminis, pœna illa reponitur Genes. 4. *Maledictus eris super terram, cum operatus*

Typi Christiana excommun. 529

operatus fueris eam, non dabit tibi fructus suos. Vagus & profugus eris super terram. Ipse Cain vers. 13. de se ait, agens cum Deo. *Ecce eiecis me hodie à facie terra, & à facie tua abscondar, & ero vagus & profugus in terra.* Rursusque vers. 16. ita habetur. *Egressusque Cain à facie Domini habitauit profugus in terra, ad Orientalem plagam Eden.* Egredi à facie Dei Cainum, interprete Chrysostomo aliud non fuit, quàm nudari diuino præsidio & protectione speciali: quod esse inter excommunicati damna maximè horrendum vidimus superiùs. Sed & illud Caini supplicium, est excommunicato commune, quod vterque semotus à notorum consortio, siue profugus; vterque semper pavidus, semper saua præsumens; è regione Edenis, id est non procul quidem à paradiso, extra paradisum tamè oberrat. Vterque tremens, & diuinam manum semper impendentem in momenta singula, fulmen & horrenda supplicia stricturam operiens. Vel si tremorem Caini, de paraly si placeat accipere cum Chrysostomo, nihil faciliùs quàm mysticè accommodare ad rem præsentem, quæ ille de ea Caini pœna egregiè his verbis tradit homil. 4. de verbis Esaia, *Vidi Dominum.* [Semper Deus, vbi peccauit anima, punit corpus. Itidem fecit & in Cain. Anima peccauerat admissio paricidio, & corpus illius, paraly si tactum est, idque iure optimo. Quam ob rem, gemens ac tremens eris super terram. Et circuibat Cain, omnibus loquens, silentio vocem edens, silentioque erudiens. Lingua tacebat, & cætera membra clamabant, cunctisque exponebant cur gemeret, cur tremeret. Fratrem occidi, paricidium admisi. Quod postea Moyses scripto narravit, ille rebus ipsis omnibus loquens obambulabat;

non occides. Vidisti os silens, & rem vociferantem? vidisti legem viuam ferri? vidisti columnam eminentem? vidisti vindictam vindicta tolli? vidisti supplicium verum in eruditionis materiam? vidisti peccantem animam, & carnem dantem pœnas, idque admodum congruenter?]

Et coruus Noëticus.

7. Coruus ex arca à Noëmo exclusus, excommunicatum ex Ecclesia eiectum præsignauit, iuxta S. Brunoné l. de laud. Eccles. c. 2. *sub finem*; sic enim scribit. [Coruus de arca egressus restat nunc de coruo dicere, qui de arca egressus ad eam vltcrius redire neglexit. Per hunc nimirum illi figurantur, qui pro suis offensis ab Ecclesia separati ad eam vltcrius redire despiciunt. Talis fuit Arrius & Sabellius, tales & Donatistæ, qui pro suis iniquitatibus ab Ecclesia diuisi ad eam redire & reconciliari noluerunt; vnde non immerito omne coruinum genus immundum esse dicitur. Quid vero per columbam, quæ cum ramo oliuæ virentis ad arcam rediit, nisi illi significantur qui mites sunt, sapientes & humiles: hi enim quia pacem & concordiam diligunt, si Ecclesiam Dei & fratrum congregationem quolibet modo contra se commotam intelligunt, mox humiliati, & per omnia satisfacere parati, ad eam redeunt, pacem offerunt, & misericordiam suppliciter deprecantur. Qui ergo perire timet, & saluari desiderat, ab ynitatē Ecclesiæ non recedat. Audiant Dominum dicentem. Manete in ciuitate donec induamini virtute ex alto, qui cum patre & filio, &c.]

Ac qui per Mosem trucidati.

Mosem trucidantem impios, fuisse adumbrationem Ecclesiastici Præfulis, stringentis sacrum gladium, docet S. Augustinus l. de fide & operibus c. 2. verbis illis. [Hoc primū dico, ne quis ea testimonia Scripturarum quæ commixtionem bonorum & malorum in Ecclesia, vel præsentem indicant, vel futuram prænunciant, sic accipiat, vt disciplinæ seueritatem siue diligentiam, soluendam omnino atque amittendam, non illis edoctus literis, sed sua opinatione deceptus existimet. Neque enim quia illam primi populi commixtionem, Moyse Dei famulus patientissimè perfererat, ideò non in multos etiam gladio vindicauit. Et Phinees Sacerdos, adulteros simul inuentos ferro ultore confixit: quod vtique degradationibus & excommunicationibus, significatum est esse faciendum in hoc tempore, cum in Ecclesiæ disciplina, visibilis fuerat gladius cessaturus.]

Maria quoque & leprosi vrbe eiecti.

8. Maria vxor Aaronis, Mosi ex fratris coniugio soror, non germana vt plurimi perperam putant, sed cognata, vt rectè Isid. Pelus. l. 3. epist. 152. ob grauem noxam multata diuinitus, & iussa aliorum commercium declinare Num. 12. imago ac typus fuit eorum quos Ecclesia ob graues culpas arcet à cæteris, ne ad eos contagium deriuent. Audi Clementem Romanum 2. constit. c. 16. aliàs 19. [Cum deliquisse videris, iube eiici foras, acerbè ferens, de quo eiecto doleant

LL 2

item

non occides. Vidisti os silens, & rem vociferantem? vidisti legem viam ferri? vidisti columnam eminentem? vidisti vindictam vindicta tolli? vidisti supplicium versum in eruditionis materiam? vidisti peccantem animam, & carnem dantem pœnas, idque admodum congruenter?]

Et corvus Noëticus.

7. Corvus ex arca à Noëmo exclusus, excommunicatum ex Ecclesia eiectum præsignavit, iuxta S. Brunoné l. de laud. Eccles. c. 2. *sub finem*; sic enim scribit. [Corvus de arca egressus restat nunc de corvo dicere, qui de arca egressus ad eam ulterius redire neglexit. Per hunc nimirum illi figurantur, qui pro suis offensis ab Ecclesia separati ad eam ulterius redire despiciunt. Talis fuit Arrius & Sabellius, tales & Donatistæ, qui pro suis iniquitatibus ab Ecclesia diuisi ad eam redire & reconciliari noluerunt; unde non immerito omne coruinum genus immundum esse dicitur. Quid vero per columbam, quæ cum ramo oliuæ virentis ad arcam rediit, nisi illi significantur qui mires sunt, sapientes & humiles: hi enim quia pacem & concordiam diligunt, si Ecclesiam Dei & fratrum congregationem quolibet modo contra se commotam intelligunt, mox humiliati, & per omnia satisfacere parati, ad eam redeunt, pacem offerunt, & misericordiam suppliciter deposcunt. Qui ergo perire timet, & saluari desiderat, ab unitate Ecclesiæ non recedat. Audiant Dominum dicentem. Manete in ciuitate donec induamini virtute ex alto, qui cum patre & filio, &c.]

Ac qui per Mosem trucidati.

Mosem trucidantem impios, fuisse adumbrationem Ecclesiastici Præfulis, stringentis sacrum gladii, docet S. Augustinus l. de fide & operibus c. 2. verbis illis. [Hoc primū dico, ne quis ea testimonia Scripturarum quæ commixtionem bonorum & malorum in Ecclesia, vel præsentem indicant, vel futuram prænunciant, sic accipiat, vt disciplinæ seueritatem siue diligentiam, soluendam omnino arque amittendam, non illis edoctus literis, sed sua opinione deceptus existimet. Neque enim quia illam primi populi commixtionem, Moyse Dei famulus patientissimè perfererat, ideò non in multos etiam gladio vindicauit. Et Phinees Sacerdos, adulteros simul inuentos ferro ultore confixit: quod vtique degradationibus & excommunicationibus, significatum est esse faciendum in hoc tempore, cum in Ecclesiæ disciplina, visibilis fuerat gladius cessaturus.]

Maria quoque & leprosi vrbe eiecti.

8. Maria vxor Aaronis, Mosi ex fratris coniugio soror, non germana vt plurimi perperam putant, sed cognata, vt rectè Isid. Pelus. l. 3. epist. 152. ob grauem noxam multata diuinitus, & iussa aliorum commercium declinare Num. 12. imago ac typus fuit eorum quos Ecclesia ob graues culpas arcet à cæteris, ne ad eos contagium deriuent. Audi Clementem Romanum 2. constit. c. 16. aliàs 19. [Cum deliquisse videris, iube eiici foras, acerbè ferens, de quo eiecto doleant

LL 2

item

item diaconi, qui eum obseruent, & extra Ecclesiam contineant, iidemque in Ecclesiam postea ingressi, pro eo te rogent. Etenim Saluator noster pro iis, qui peccauerant, Patrem precabatur, vt est in Euangelio scriptum: *Pater, inquit, ignosce eis, non enim sciunt quid faciunt.* Postea iubebis ingredi, & facta examinatione, an pœniteat sitque dignus qui in Ecclesiam ex toto admittatur, castiga illum ieiuniis duarum, aut trium aut quinque, aut septem hebdomadarum, vt delicti genus, & ratio poposcerit, arque ita dimitte eum, ea locutus quæ eum, qui de peccato commissio alium admonendi causa increpat, docere, & monere conuenit; vt apud se maneat Deum deprecans, vt sit sibi propitius, ac beneuolus, illudque dicat; *si iniquitates obseruaueris Domine, Domine quis sustinebit? Quoniam à te est propitiatio.* Tale enim quid innuit, quod in Genesi dictum est Caino, *peccasti, quiesce*; id est, ne pergas peccare. Quod enim eum qui deliquit, pudere delicti sui oporteat, satis docet quod in Scriptura dictum est Moyse, cum Moyses precabatur Deum, vt peccatum sorori condonaret: ait enim Deus illi: *Si pater in faciem eius expuisset, an non erubisset? Septem diebus extra castra amoueatur, & postea ingreditur.* Sic igitur vos facere oportet, eos scilicet, qui se pœnitere aiunt peccasse, eicere ex Ecclesia, tempore proportionem peccatorum definito: postea verò recipere pœnitentes, tanquam patres filios.] Mariæ quoque eiectionem à cœtu populi, & post septiduum reuocationem, præsignasse excommunicationem docet Rabanus in libro de Pœnitentibus c. i. *sub finem* ex S. Isid. Hispal. ad Massionem, additque quod Maria septem diebus iussa esset, manere extra castra, inde factum esse, vt

canonum

canonum censura peccatorem extra collegium S. Ecclesiae septennio excluderet, nec statui pristino redonaret ante illud tempus.

Affine est quod de leprosi cuiusvis abiectioe extra ciuitatem in locum immundum, sancitur *Leuit.* 14. quæ abiectio quid adumbret, accipe ex *Terruliano l. de pudic. cap. 20.* [Si post recuperationem & reformationem, rursus Sacerdos animaduernerit in eadem domo de pristinis causis aliquid, & maculis, immundam eam pronunciauit, & iussit deponi materias, & lapides, & omnem structuram eius, & abiici in locum immundum: hic erit homo caro atque anima, qui post baptismum & introitum Sacerdotum reformatus, denuo resumit scabra & maculas carnis, & abiicitur extra ciuitatem in locum immundum, deditus scilicet Satanæ, in carnis interitum.]

Item Core ac socij absorpti.

9. Core, Dathan & Abiron, seditionis in populo Dei incensores, faces rebellionis, & quod plane insigniter expendit *Facundus l. 12. pro tribus capitulis c. 2.* Deo quidem vero, sed aliter quam ipse sanxisset immolare decernentes, horribili separatione à cæteris submoti sunt, & iuxta S. Cyprianum *l. de vnit. Eccles. num. 60.* adumbrationem excommunicatorum in Christiana Ecclesia, prætulerunt. Præmiserat ibi S. Cyprianus, non pauca in percussos Ecclesiastica animaduersione, hæcque præter cætera. [Virate quæso vos eiusmodi homines, & à latere atque auribus vestris perniciofa colloquia velut contagium mortis arcete, sicut scriptum est, *Sepi aures tuas spinis, & noli*

LL 3 audire

audire linguam nequam. Et iterum, corrumpunt ingenia bona, confabulationes pessima. Docet Dominus, & à talibus admonet recedendum. Gaci sunt, inquit, duces cecorum. Cacus autem cacum ducens simul in foueam cadent. Auerfandus est talis, atque fugiendus qui sanus fuerat ab Ecclesia separatus. Peruerius est huiusmodi, & peccat, & est à semetipso damnatus.] Mox verò subiungit. [Nec dignatur scire, quoniam qui contra ordinationem Dei nititur, ob temeritatis audaciam diuina animaduersione punitur. Sic Chore, & Dathan & Abyron, qui sibi contra Moysen, & Aaron Sacerdotem, sacrificandi licentiam vindicare conati sunt, pœnas statim pro suis conatibus pependerunt. Terra compagibus ruptis in profundum sinum patuit, stantes atque viuentes, recedentis soli hiatus absorbit. Nec tantum eos qui authores fuerant, Dei indignantis ira percussit, sed & cæteros ducentos quinquaginta participes eiusdem furoris, & comites, qui coagulati cum iisdem simul, ad audaciam fuerant, exiens à Domino ignis, properata ultione consumpsit, admonens scilicet & ostendens, contra Deum fieri quidquid improbi fuerint ad destruendam ordinationem Dei humana voluntate conati.]

10. PseudoConcilium Bagaitanum excommunicans Maximinianum, apud S. Augustinum l. 4. contra Crescon. c. 4. eandem de proposito excommunicationis typo, mentem præfert his verbis. [Maximinianum fidei æmulum, veritatis adulterum, Ecclesiæ matris inimicum, Dathan, Chore, & Abyron ministrum de pacis gremio sententiæ fulmen excussit: & quod adhuc eundem dehiscens terra non absorbit, ad maius supplicium superis reseruauit. Raptus enim pœnam

Typi Christianæ excommun. 535

nam suam compendio lucraverat funeris vsuras, nunc grauiores colligit fœnoris, cum mortuus interest viuis.]

In Concilio denique Lemouicensi act. 1. hæc formula excommunicandi rebelles ponitur. [Maledicti ipsi, & adiutores eorum in malum, maledicta arma eorum, & caballi eorum. Erunt cum Cain fratricida & cum Iuda traditore, & cum Dathan, & Abyron, qui viui introierunt in infernum. Et sicut hæ lucernæ extinguntur oculis vestris; ita gaudium eorum extinguatur in conspectu sanctorum Angelorum; nisi ante mortem ad satisfactionem, & emendationem, siue pœnitentiam dignam venerint, in iudicium Episcopi sui. Omnes Episcopi, & Presbyteri candelas ardentes in manibus tenentes, mox eas in terram proiicientes extinxerunt. Ad quod verbum cor populi valdè expauit, & omnes clamauerunt, dicentes: sic extinguat Deus lætitiæ eorum, qui pacem, & iustitiam suscipere nolunt.]

Necnon Achan, & Zambri.

II. Achanem fuisse Christianorum excommunicatorum imaginem, eiusque horribili supplicio descendum esse transgressoribus rectè sapere, illud ostendit, quod Achane post scelus superstitè, denunciauit Deus pollucendos fore ex eius consortio Hebræos omnes, quousque ipse, utpote anathematizatus, contereretur. Analogiam anathematis Achanis, cum anathemate Christiano, agnoscit apertè Origenes homil. 7. in Iosue, necnon Catholici Orientales epist. ad Agaperum Papam, quam recitat Baron. anno Christi

536. qui etiam Epistola ad Imperatores, ibidem adducta, eodem exemplo vtuntur ad demonstrandam excommunicationis virulentiam.

Phinees Sacerdos, ultore gladio vindicans diuinam iniuriam in scortatoribus, adumbravit Ecclesiasticum Antistitem, plectentem excommunicatione spirituales adulteros. Ita docet S. August. l. de fide & operibus cap. 11. verbis illis. [Phinees Sacerdos adulteros, simul inuentos ferro ultore confixit. Quod utique degradationibus, & excommunicationibus significatum est esse faciendum in hoc tempore, cum in Ecclesie disciplina, visibilis fuerat gladius cessaturus. Nec quia beatus Apostolus, inter falsos fratres tolerantissime congemiscit, quosdam etiam Diabolicis inuidentie stimulis agitados, Christum tamen predicare permittit: ideo parcendum censet illi qui uxorem patris sui habuit; quem precepit congregata Ecclesia tradere Satanæ in interitum carnis, ut spiritus saluus fiat in die Domini nostri Iesu Christi. Aut ideo ipse non alios tradidit Satanæ, ut discerent non blasphemare.]

Reges Ozias & Nabuchodonosor.

12. Ozias Rex, ob temeritatem in Sacerdotem & profanam audaciam, successor Core, Dathan, & Abironis, lepra à Deo percussus, & è templo eiectus, adumbravit Christianum excommunicatum, cui ob contumaciam in Dei Sacerdotem, contingit expelli è domo Dei, & arceri communione cum cæteris. De Ozia sic correpto, ita scribit S. Chrysost. homil. 4. de verbis Esaiæ, *Vidi Dominum.* post descriptum scelus eius.

eius. [Continuò effloruit lepra in fronte illius. Vbi-
cunque est impudentia, illic & ultio. Vidisti humani-
tatem ultionis diuinæ? Non fulmen emisit, non ter-
ram concussit, non commouit cælum, sed effloruit le-
pra, non in alio loco quàm in fronte, vt facies præ se
ferret vindictam; vt tâquam in columna litteræ essent
impressæ. Non enim propter illum factum est, sed
propter eos qui sequuntur Dathan. Quum enim pos-
set pro meritis pœnam infligere, non inflixit, sed seu
lex posita est, velut in loco sublimi dicens: Nolite fa-
cere talia, ne patiamini similia: Extrat lex viua, & frons
vocem edidit tuba clariorem: Literæ erant insculptæ
fronti, literæ quæ deleri non poterant. Non enim
erant atramento inscriptæ, vt aliquis posset delere,
sed naturalis erat lepra, eumque reddidit immundum,
vt alios faceret mûdos. Et quemadmodum iure dam-
natos, posteaquàm funem acceperint, educunt funem
ore gestantes; sic & hic adducebatur pro fune lepram
ingestans, eo quod sacerdotium affecisset contume-
lia.] Hanc porrò ultionem, exhibuisse excommunica-
tionem Christianam, distinctiùs ad hunc modum tra-
dit ibid. homil. 5. [Quod Christus adhortatus est, vt
facerent homines, quoties inuicem peccauerint, hoc
Deus fecit erga hominem. *Quoties enim, inquit, pecca-
uerit in te frater tuus, abi, argue eum inter te & ipsum
solum.* Sic & Regem hunc redarguit Deus. Et Christus
quidem dicit; *Si te non audierit, sit tibi velut Ethnicus
& publicanus.* At Deus humanitate proprias supergre-
diens leges, ne sic quidem illum resecuit, nec audire
nolentem, indignantemque deiecit, sed iterum aggre-
ditur, castigatque, modo correctionem habentem po-
tius quàm ultionem. Neque enim fulmen vibrauit è

sublimi, neque exussit impudens caput, sed tantum lepra castigauit.]

13. Nabuchodonosorem, quisquis expressam Christiani excommunicati imaginem dixerit, mea sententia non aberrabit. Homo impius, in scelere obfirmatus, & contumax, excepit à vigili sententiam Daniel. 4. quae eiectus est ex hominibus, & eius habitatio cum bestiis & feris est decreta, donec sciret dominari excelsum in regno hominū, id est, in terra. Vigilem, nemo non videt, vel ipsa nominis notatione suffragante, Episcopum adumbrare. Iusto eius decreto, obduratus in scelere, ac iniquitatis typho turgens peccator, eiicitur ex cœtu hominum, hoc est ex Christiana Ecclesia quam incolunt veri homines, & hominum id est (Tertulliano interprete) Apostolorum filij. E rationali illo cœtu, abigitur infelix inter feras; quo nomine aptissime veniunt infideles, quibuscum duntaxat commercium esse potest excommunicato: cui status ille ferinus, & destitutio à statu societatis humanæ bellè conuenit, donec resipiscat, & Deum in Ecclesiae persona loquentem audiat, mollita obduratione, & peruicta contumacia.

Ionas, & Samaritani.

14. Ionas pertinax & rebellis, ac idcirco deiectus in mare, & à ceto deuoratus, videtur genuina imago fuisse hominis ex Ecclesiae nauicula exturbati, & à Diabolo hausti, qui proinde possit illis Ionæ verbis ex cap. 2. ad se aptatis, Deum affari. *Proiecisti me in profundum in corde maris, & flumen circumdedit me: omnes gurgites tui, & fluctus tui super me transierunt. Et ego dixi:*

xi:

xi: abiectus sum à conspectu oculorum tuorum. Veruntamen rursus videbo templum sanctum tuum. Circumdederunt me aquæ, usque ad animam; abyssus vallauit me, pelagus operuit caput meum. Ad extrema montium descendit; terra vèstes concluderunt me in æternum, & subleuabis de corruptione vitam meam, Domine Deus meus. Cum angustiaretur in me anima mea, Domini recordatus sum, vt veniat ad te oratio mea, ad templum sanctum tuum. Qui custodiunt vanitates frustra, misericordiam suam derelinquunt. Ego autem in voce laudis immolabo tibi: quacunque vovi, reddam pro salute Domino.

Samaritani Iudæis non cõitentes, adumbrarunt nostros excommunicatos, iuxta D. Augustinum l. contra Donatist. post collat. c. 20. verbis illis. [Quod iussus est quidam Propheta nec panem manducare, nec aquam bibere in Samaria, quo missus fuerat, vt corripere eos qui vacas constituerant adorandas more idolorum Ægyptiorum; hoc omnino facere debuit quod præceperat Dominus, cui tunc eo modo illos corripere placuit, vt nihil ibi alimentorum rangeret Propheta, quem miserat. Nūquid eis in Ecclesia non fit quotidie, quando eos quos acrius corripiunt, etiam si in eorum possessione sumus, nihil ibi apud eos contingimus, vt sentiant quantum eorum peccata doceamus?]

An Iudaïca excommunicatio, typus nostra.

15. Hæ sunt præcipuæ adumbrationes Christianæ excommunicationis, quas vetus instrumentum suppeditat. Quia verò sub lege Mosaiica, vsus erat noxios extra Synagogam faciendi, vt vidimus, dicemisque

que rursus infra, tractantes horrorem quo olim Iudæi concutiebātur, cum sic plectebantur; quæri hoc loco potest, an ea quoque extra Synagogam eiection, fuerit adumbratio nostræ excommunicationis, an verò eiusdem cum ea speciei fuerit. Sensit hoc secundum, qui scripsit, Christianam excommunicationem, ita mansisse ex usu illo Iudæorum, ut non fuerit nisi eius continuatio, quod habetur ex Polydoro Virgilio l. 4. de inuentor. rerum, cap. 12. *ad finem*. Et sanè cum esset in antiqua Ecclesia potestas gubernandi populum Dei, eaque vis rectrix absque facultate coactrice inutilis & manca futura esset, non videtur dubium, quin præfules antiquæ legis potuerint multare peccatores pro delictorum grauitate; non modò eos extra Synagogam faciendo, quod notum est, sed etiam arcendo illos à sacrificiis & Sacramentis antiquæ legis. Quidni verò potuerint quoque eos priuare fructu suffragiorum & orationum communium? Hoc autem est, ferire reum maiori excommunicatione.

Respondent Soto in 4. d. 22. q. 1. artic. 1. §. *ad hæc*, Henric. l. 13. c. 2. *in fine*. Mart. Ledesma 24. q. 21. art. 1. Satyr. l. 1. de censur. c. 4. Sacerdotes veteris legis, non potuisse inducere priuationem suffragiorum cõmunium, quia in ea lege nulla erat spiritualis virtus clauium. Sed hoc non satisfacit. Quia quamuis Synagoga clauces non habuerit per ordinem ad remissionem peccatorum & cœli reuerationem; (has enim clauces Christus primùm concessit:) tamen spectando clauces inadæquatè, siue prout duntaxat spectabant gubernationem at commodatam illi statui, & coërcitionem necessariam ad veram gubernationem, fatendum est, Synagogam habuisse clauces: quod haud dubiè voluerunt


runt aliqui adducti in supplemento D. Thomæ 3.p.q. 19. artic. 1. disertè idem concedit Suarez t. 4. 3.p.d. 17. qui etiam l.6. de voto c.9. num. 21. probabile iudicat, claves in ea lege, comprehendisse quoque facultates varias ad dispensanda & relaxanda iuramenta & vota, sine quibus facultatibus, vix ac ne vix quidem rectè posset procedere gubernatio fidelium. Idem ergo est de spiritali facultate coercendi, quæ quandoquidem agnoscitur concessa Antistibus veteris legis quoad submotionem à Sacramentis & sacrificiis, quidni agnosci quoque possit quoad priuationem suffragiorum communium? Atque ita nihil videbitur deesse excommunicationi veteris legis, quominus dicatur eiusdem speciei & rationis fuisse cum nostrâ; proindeque non fuisse adumbrationem & typum eius, sed germanam atque congenerem.

16. Fateor non constare liquidò, an reipsa in veteri Testamento fuerit vsus inducendi priuationem orationum communium. Potuisse tamen induci eam priuationem, nullus dubitat. Et nihilominus rectè dici potest, etiam facta suppositione illius vsus, excommunicationem Christianam spectatam adæquatè, & quoad omnia quæ includit, non fuisse in veteri Testamento, sed nostram excommunicationem successisse potius morti corporali, quam lex vetus in delictorum pœnam infligebat, vt dixit S. Cyprianus epist. 62. Nam saltem priuatio satisfactionum repositarum in communi thesauro, non poterat in veteri lege infligi, quia nullus tunc erat thesaurus communis, cuius clauem acceperant Sacerdotes, vt benè cum Innocentio monuit Nauarrus comment. de Indulgent. notab. 20. num. 15. An propter hanc oblationem & defectum

fectum antiquæ excommunicationis, tantam verò eius cum nostra germanitatem quoad cætera, dicendum sit, antiquam excommunicationem fuisse typum & adumbrationem nostræ excommunicationis, lis est de vocabulo, circa quam non placet diutiùs tricare.

C A P V T X.

Summa excommunicationis calamitas per analogiam ad extremam impiorum à bonis segregationem cuius est typus, iuxta suprema illius segregationis expressionem in utriusque Testamenti Scripturis.

I.  CTVM est de typis & adumbrationibus excommunicationis Christianæ, in veteri Scriptura propositis; eaque ratione, quantus esse debeat excommunicationis horror, est patefactum. Nunc addendum est, qua ratione excommunicatio, sit typus summæ & omnium ærumnosissimæ calamitatis, quæ damnatos inuoluet in altera vita. Quid enim vspiam est tam tetrum & horridum, ut statui damnatorum de calamitatis atrocitate & horrore non concedatur? Quare si Christianam excōmunicationem teterrimo illi statui valdè affinem esse, eique tanquam scitè expressam imaginem respondere demonstrauerimus, eadem opera demonstratum manebit, hominis excommunicati statum in hac vita, deterrimum planè

ac

ac luētuoſiſſimum habendum eſſe. Hoc vt aſſequamur, & hac noua probatione ſtabiliamus, expendendi ſunt modi loquendi Scripturarum de ſumma damnatorum calamitate, & quàm bellè excommunicatis aptari queant, conſiderandum: Adiuncta item vtriuſque ſtatus componenda; atque ita in quo typus iſte cum re expreſſa conſentiat, & in quo etiam diſſentiat, explicatum dabimus.

Patrum ſenſus de analogia vltimæ in mundi meta ſecretionis & excommunicationis.

Nec verò nos primi in eam cogitationem venimus, quod excommunicatio noſtra ſit typus & adumbratio æternæ damnationis. Tradiderat hoc iam pridem Tertullianus cap. 39. Apolog. deſcribens exercitationes Chriſtianorum cœtuum ſuo tempore. [Certè (inquit) fidem ſanctis vocibus paſcimus, ſpem erigimus, fiduciam figimus; diſciplinam, præceptorum nihilominus inculcationibus denſamus. Ibidem etiam exhortationes, caſtigations, & cenſura diuina. Nam & iudicatur magno cum pondere, vt apud certos de Dei conſpectu: ſummumque futuri iudicii præiudicium eſt, ſi quis ita deliquerit, vt à communicatione orationis, & conuentus, & omnis ſancti commercij, relegetur.]

2. S. Baſilius ſubſcribere viſus eſt, tractans illud capitis primi Eſaiæ, *auferam omnes iniquos abſ te*. Propoſito enim inſigni beneficio quo Deus afficit ſubditos, cum iniquum præſidem remouet, ſubdit. [Ob hoc & ſigna quædam circum Eccleſiam ſtatuuntur, quæ deprehenſos in interditiſ peccatis, abarcent ingreſſu, &

su, & segregant à reliquo corpore Ecclesiæ, vt ne vel tantillum fermenti totam conspersionem dolo circunueniat ac vitiet. Itaque ad Dei bonitatem spectat, è medio populi tollere iniquos. Neque enim iniqui, vnà cum sanctis ingredientur sancta, quia ventilabrum est in manu Domini. Sed enim qui nunc vt iniqui segregantur à populo, quæ geruntur cuncta sùsque deque ferunt, non intelligentes, quia istę delineationes separationis, ea subindicant quæ in tremendo fient Dei iudicio.]

Petrus Blesensis epist. 131. *in fine*, idem apertè tradidit, cum dixit. [Qualiter tibi erit, cum ab Ecclesia Sanctorum perpetua excommunicatione præcisus, videbis filium Dei suis militibus donatiua gloriæ largientem, tibi cedere ad miseriæ cumulum alienæ plenitudinem voluptatis? Ô quam lugubre erit videre & perdere Deum, atque ante sui saluatoris perire conspectum.] Verba hæc postrema, deprompsit Blesensis, ex calce homiliæ quartæ ad Monachos apud Eusebium Gallicanum. Priora verò, redolent illa eiusdem autoris homil. 1. num. 3. [Quid post hæc cum se miseranda conditione viderit omni consolatione nudatam, in exteriores tenebras excuti, & ab illa beatorum Ecclesiæ, perpetua excommunicatione seclusam, ab ipsa vitæ radice præcidi?]

In hanc rem, luculentum locum Paschasij Corbeiensis ex lib. de corp. & sang. Dom. iam tradidi superiori capite. Hand obscure id ipsum insinuauit Petrus Damian. Opusc. 12. c. 13. cum agens de vitando consortio excommunicatorum, eo quod sint à Deo diuisi, & membra Satanæ, addit, quibus idem Tartareus ignis est paratus, iuxta Christi in iudicio oraculum,

lum, eandem deberi iam nunc abominationem. Hæc quippe verba germanitatem damnatorum & excommunicatorum, satis apertè præferunt, magnamque esse inter utrosque proportionem, perspicuè significant.

Suffragia Scripturarum ad idem.

3. Habet ea proportio fundamentum in Scripturis sacris, quæ excommunicationem vel explicant, vel adumbrant, per segregationem scabiosarum ouium à sanis, per ligationem & vincula animarum, per traditionem hominis Satanæ factam, & huiusmodi alia, quæ æquè in damnatos & eorum statum cadunt, ut vel tenuiter consideranti poterit esse manifestum, Nam præterquam quod in die iudicii, segregabuntur oves ab hædis, in iudicio item particulari fit omnimoda diremptio ac separatio damnati à fidelibus, iuxta illud Iobi 28. *Lapidem caliginis & umbram mortis, diuidit torrens à populo peregrinante*: quod D. Gregor. 18. moral. c. 17. & 18. egregiè aptat ad reproborum diuisionem à fidelibus per interpositum diuini iudicii torrentem igneum. Quod item de temerario conuiuia, absque nuptiali veste auso in conuiuium irrepere, & ligatis manibus ac pedibus missio in tenebras exteriores, hoc est extra cœnæ locum multo lucernarum lumine splendentem, de excommunicato accipitur à D. Augustino l. de collat. contra Donatist. cap. 20. eo quod excommunicatus, ligatus & innodatus Ecclesiasticis vinculis, proiciatur extra Ecclesiam, in qua sola illucet sol animarum; hoc inquam totum, ad eiectionem impiorum in tenebras inferorum, pri-

mariò spectat. Idem damnati, manifestissimè traduntur Satanæ, cuius deinceps veluti pèculium ac possessio habentur. Id quod æquè de excommunicatis dici, superiùs ostendimus. Tandem vt alia pleraque proportionis & correspondentiæ, damnatos inter ac excommunicatos capita dimittam, S. Gregorius 21. moral. cap. 4. agnoscit improborum à iustis secretionem æternam, in actu signato appellari anathema à Iobo. Sic enim scribit. [Dicit ergo vir sanctus, *nunquid non perditio est iniquo, & alienatio operantibus iniquitatem?* Quod videlicet & alienationis verbum duriùs sonaret, si hoc interpres in suæ linguæ voce tenuisset. Quod enim apud nos alienatio, hoc apud Hebræos anathema dicitur. Tunc ergo alienatio erit reprobis, cum ab hæreditate districti iudicis, se anathema esse conspicient, quia hîc cum peruersis moribus contempserunt.]

Explicatio proportionis prædictæ, quoad causam formalem utriusque segregationis.

4. Iam si excommunicationis causas, cum causis damnationis conferre placeat, perspicuum erit, quanta sit utriusque illius status consensio. Excommunicationem, ob solum mortale peccatum intorqueri in quempiam posse, in confessio est. Hæc item est vnica & sola damnationis æternæ causa formalis extrinseca, siue motiuum. Nam quamuis peccata venialia arceant hominem ad tempus à visione Dei, & cœlestium sacramentorum fruitione, quæ est analogicè quædam excommunicatio minor: tamen perpetuam exclusionem à gloria, nemo subit nisi contaminatus lethali

lethali labe. Ac ne pro quouis quidem mortali peccato incurratur æterna damnatio, sicut neque excommunicatio; sed quemadmodum ad excommunicationem incurrendam exigitur obfirmatio in crimine, & contumacia aduersus Ecclesiam; ita, vt quis in æternæ damnationis barathrum detrudatur, exigitur impœnitentia finalis, cui nulla est par contumacia. Nam si contumax is dicitur, qui aduersus aliquantas monitiones obsurdescit, nemo ad plures externas & internas admonitiones contumax & præfracti animi est, quàm is quem vsque ad mortem obfirmat impœnitentia. Neque enim trina duntaxat adhibetur monitio, vt reuocetur ad bonam frugem, sed quod in scripturis perpetuò traditur, stat Deus ad peccatoris ostium, & opportunè, importunè, vrget, arguit, obsecrat, increpat, admonet ad pœnitentiam & animi emollitionem; nihil ad eum effectum consequendum prætermittens per se ac suos etiam de nocte confurgens, vt Propheta significantissimè dixit. Causa item interna formalis, quæ est ipsa rei simplicis essentia ac quidditas, eadem proportionaliter est in statu damnati & excommunicati. Nam sicut statuitur separatio omnimoda excommunicati à quocunque cæterorum fidelium commercio, ita inter damnatos & cæteros, chaos magnum firmatur. Et sicut excommunicatus priuatur fructu orationum communium, ita damnati arcentur participatione quarumcunque orationum. Quis enim pro damnato oret, non modò communiter, sed ne priuatim quidem?

5. Nec verum est, sed figmenti plenum, quod de oratione à S. Gregorio fusa pro Traiano in infernum pridem detruso, circûfertur ex Damasceno adscripta.

oratione de defunctis. Ea siquidem narratio, quicquid pro ea annitantur Ciaconus iusto opusculo, & Salas 1. 2. tract. 13. d. 15. num. 24. omni prorsus verisimilitudine caret, ut aperte euincunt Bellarm. l. 2. de Purgat. c. 8. & Baron. anno Christi 604. ac Suarez t. 2. 3. p. d. 43. sect. 3. Et ut ita res habuisset in eo exemplo, negandum omnino esset, Traianum cum pro eo orauit S. Gregorius, fuisse detrusum ad sedem æternæ damnationis, sed dicendum esset, fuisse in separato loco detentum, in quo iuari posset sancti viri suffragiis. Id quod æquè ad narrationes de Falconilla, & similibus extendit Durantus l. 2. de ritibus c. 43. num. 12. Adde etiam ad narrationem de Dinocrate, S. Perpetuæ sororis suæ precibus erepto ex inferis, ut refertur apud D. Augustinum l. 3. de anima & eius orig. c. 9. qui tamen nutare narrationis illius fidem, subobscurè insinuat. Non modò autem viatorum preces nihil possunt iuuare damnatos ut eripiantur è Tartaro, sed ne sancti quidem cælo iam illari orationibus suis quicquam ad id conferre poterunt, ut egregiè prosequitur Origen. hom. 4. in Ezech. & satis fusè contra nouum errorem Barthij Sectarij, confirmaui in Opere de martyrio, p. 4. c. 6. à num. 25. Fuerunt, qui saltem leuamen aliquod cruciatuum per orationes nostras posse damnatis contingere, existimarent. Refert non paucos Sixtus Senensis l. 6. Bibl. annot. 47. Sed hæc quoque damnatorum nobiscum communicatio, est penitus rescindenda, ut Suarez fusiùs prosequitur t. 4. 3. p. d. 48. s. 4. à num. 14. & Medina C. de orat. q. de iis pro quibus orandum, & q. de valore orationis pro alio.

Quare ratum esto, nullam suffragiorum & orationum quarumcunque participationem, concedi à nobis

bis posse damnatis : ac proinde esse eos excommunicatorum germanos , tametsi hi duntaxat à suffragiis communibus remouentur. Nulla item excommunicatis, æquè ac damnatis, Indulgentiarum Ecclesiasticarum vsura. Neutri interesse possunt diuinis laudibus, quæ in cœtu sanctorum celebrantur. Nec mensam communem cum sanctis habebunt damnati, sicut excommunicatis negatur mensæ cum fidelibus communio. Nemo excommunicato vitando aue dixerit, vetante Apostolo. Et nemo item potest aue dicere damnato, quem norit addici æterno væ ac immedicabili exitio, & prorsus à salute extorrem factum. Vterque Dei protectione speciali destituitur , damnatus verò etiam generali ; cum planè exciderit è statu in quo diuina benignitas protectionem ab hostibus ac tutelam impendit. Excommunicatos Deus ipse tradit Satanæ , ex præiudicio Ecclesiasticæ sententiæ. Qui verò plenius deduntur Satanæ, quàm damnati? Est quæ ea traditio & donatio, firmissima, & omni prorsus excluso remedio irreuocabilis.

Item quoad causam effectiuam.

6. Iam causa effectiua excommunicationis , eadem proportionaliter est cum causa damnationis. Nimirum vt illius causa est Episcopus , ita hanc efficit Pastor & Episcopus animarum nostrarum. Quod si sunt aliquæ excommunicationes à iure quæ non sunt ab homine, fuerunt quoque multorum damnationes à iure , ex vi scilicet diuinæ solius legis, latæ priusquam Verbum homo fieret. Post Christum verò , vt plenius dico cum de Christo iudice, Pater omne iudi-

cium dedit filio : qui proinde etiam particulare iudicium exequitur, & in eo fert sententiam; atque ita ex tunc, quævis damnatio rectè dicitur excommunicatio ab homine. Quod verò solemnem excommunicationem siue anathema, Episcopus immediatè fert astantibus 12. Sacerdotibus, imago planè esse videtur solemnis sententiæ, à Christo assistentibus 12. Apostolis proferendæ in die iudicij, vbi faculam ardentem deiiciet, verba inquam illa horribilia, *ite maledicti in ignem æternum*. Nec deërit horrificus sonitus, omnium campanarum lugubri & inecondito boatu funestior, siue id accommodare placeat ad ipsius Christi iudicis vocem, cum Sayro l. 1. de censur. c. 15. num. 4. siue potiùs ad tubam mirum spargentem sonum, & ad vocem Archangeli, cuius disertè meminit Apostolus. Interueniet denique conculcatio proiectorum foràs, & ad nihil ultra valentium nisi vt conculcentur & proterantur ab omnibus. Apparet, in formali & effectrice damnationis æternæ & excommunicationis causa, magnam cerni analogiam atque correspondentiam. Materialem verò causam seu subiectiuam, esse vtrobique simillimam, damnatum scilicet ac excommunicatum, est quoque ex antedictis perspicuum.

Differentia quoad finalem.

7. In sola finali causa est dissimilitudo, propter quam initio dixi, statum damnati & excommunicati, discrimine aliquo seiungi. Nimirum excommunicatio, pœna quidem est grauissima, sed medicinalis; quantum est ex mente inferentis. Propterea enim Apo

Apostolus, tradens Satanę Corinthium incestuosum, contestatur se id facere vt spiritus saluus fieret in die Domini. Idem excommunicationis scopus proponitur ex Urbano Papa c.*notandum*. 24 q. 3. & ab Innocentio confirmatur c. 1. de except. in 6. & ibid. c. 1. de sent. excom. Ait enim excommunicationem esse remedium & medelam, & huiusmodi pœnam esse medicinalem, non mortalem; disciplinantem, non eradicantem. Ac pœna damnati, non est medicina: nec enim infertur vt damnatus sanetur, sed vt iustam retributionem contumacię in scelere, nec vnquam mollitię obdurationis accipiat. Verum quia hic finis est planè extra passum, nec aliquid in eo mutat, sed merè sistit in agentis intentione, meritò concludere licet, & damnati & excommunicati statum, quoad ea quę vtrique inferuntur & insunt, magnam omnino affinitatem & proportionem habere. Ac proinde sicut status damnationis est extremitas miseriarum & vertex infelicitatis, ita excommunicatio, quę tam bellè damnationi externę respondet, terribilissima omnino & calamitosissima apud prudentes æstimatores haberi debet.

masi.[Inter ipsa verba Sacerdotalia , eius lingua protenditur , nec valuit eam amplius reuocare intra oris meatum , cò quòd contra modum naturæ extra os penderet , vt boui anhelò. Qui vt vidit se linguæ officium perdidisse , egreditur basilicam : & (res mira ,) foris suum in officium lingua reuocata est. Ac primum quidem intelligit , compleri in eum sententiam martyris & confessoris. Sed hoc ipsum toties passus est , quoties in basilicam diuersis diebus intrare tentauit. Denique ob eam causam tandem cessit Episcopatu , vt pristinum sibi officium linguæ , integrè redderetur.] Idque etiam consecutum esse Zozium repudiato plenè Episcopatu malè inito , docet ibidem Marcellinus affirmans superstitem adhuc fuisse Zozium , cum ista ipse scriberet.

Episcopum nomine Florentinum , refert idem Marcellinus , tametsi nequaquam Arrianum , tamen Arrianorum fautorem & excommunicatum , cum in confessu plenissimo , insideret throno suo , vi diuina subito elisum in terram fuisse , forasque eductum semel & iterum. In tertio regrediendi & thronum occupandi connisus , ora fædè distortentem , infelicem spiritum expulisse.

3. Stiliconis Comitis seruus , in multorum perniciem falsas tribunatus literas confecerat. Interrogatum & flagitij compertum , S. Ambrosius excommunicauit , [cum eodem momento , (inquit Paulinus sub finem vitæ S. Antistitis ,) adhuc sermo esset in ore Sacerdotis , spiritus immundus , arreptum discerpere cœpit. Quo viso , non minimo timore repleti sumus , & admiratione.]

Arcadius Imperator & eius coniux Eudoxia , à S.

Pars II. Caput XI.

354
 S. Ioannem ob malè habitum S. Ioannem
 communionē Christiana priuati sunt.
 Innocentij recitantur à Georgio Patriarcha
 sub finem vitæ S. Chrysostomi, habent-
 etiam apud Nicephorum & Glycam. Quanta
 à Arcadium eiusque vxorem, diuina ultio sit conse-
 cuta, iidem historici produnt. Et Arcadius quidem,
 penitens & modestia ac humilitate & patientia erga
 S. Innocentium vsus planè eximia, demissèque sibi &
 coniugi exsolutionem ab excommunicatione depre-
 catus iis literis quas ad Innocentium ab eo datas reci-
 tat ad longum Georgius, tamen multis exinde pressus
 angustis, non diu superstes fuit. Eudoxia quæ multo
 magis rea erat, quamuis & ipsa literis satisfacere ten-
 tasset Innocentio, vt scribit Georgius, & Arcadij ro-
 gatu Christianæ communioni esset reddita, tamen
 non ita multo post excommunicationem ab Inno-
 centio intortam, cum graui ægritudine conflictata;
 & putrefacto in eiusdem prægnantis utero, miserri-
 mè fœtu, in summis doloribus, & quod notat Geor-
 gius, toto corpore vermibus arroso & putorem ef-
 flante quem nemo ferre posset, non absque prænun-
 ciis cœlestis iræ prodigiis, animam efflauit, etiam post
 mortem diu irrequieta, tumulto quo condebatur iugi
 agitatione commoto, vt scribit Niceph. l. 13. cap. 36.
 & Cosmas Vestiarus orat. de S. Chrysostomi trans-
 latione.

4. Carisius, Ecclesiæ S. Elcutherij martyris cleri-
 cus malæ frugis, frustra diu tentata per Gennadium
 Constantinopolitanum Episcopum eius curatione,
 percussus tandem est anathemate. Quod fulmen cum
 brutum duceret Carisius, exemplo infrequenti qui-
 dem,

dem, at non prorsus inaudito Gennadius Patriarcha ad S. Martyrem Eleutherium literas exarat, expostulatorias de Clerico militante in templo S. Martyris; simul deprecans, vt excommunicatio vibrata in Clericum rata esset; & vt vel perditum illum reuocaret ad mentis sanitatem, vel illum è medio tolleret. Die crastina Carisius inuentus est mortuus. Rem narrat Theodorus lector l. 1. collectan. & plenius Sophron. in Prato c. 145. ac Nicephorus l. 15. c. 23. apud quem tamen corrigendum est, quod absurdè & contra cæterorum fidem ait, minatum Gennadium ipsi S. Eleutherio eiectionem ab Ecclesia, ni Carisium vel sanaret, vel perderet. Hoc quis credat, Sancto Antistiti, de Sancto martyre venisse in mentem? Quare res se habuit, vt ex cæteris retuli. Nec verò placet quod Card. Baron. in notis ad Rom. Martyrol. 20. Febr. existimat interuenisse in hoc negotio, non excommunicationem Carisij, sed execrationem duntaxat. Non subscribo. Cuius enim dicemus eam execrationem fuisse. De sancto Eleutherio quod execratus sit Carisium, non proditur. Gennadius autem, execratus quidem est Carisium, sed excommunicando, & diris inter excommunicandum deuouendo rebellem & impium Clericum. Quo nec sic quidem resipiscente, optimus Patriarcha omnibus aliis iam frustra tentatis, atque adedò excommunicatione, quæ præsentissimum talium malorum remedium est, ritè adhibita, coactus est aduersus anathematis vibrati contemptorem, S. Eleutherium interpellare, qui illata rebelli Clerico nece, vibratum aduersus eum anathema ratum in cælo fuisse patefecit. De literis ad cælitè datis à mortali, exemplum luculentum proferunt Cosmas Veltianus

556 *Pars II. Caput XI.*

rius orat. de translatione S. Chrysostomi, & Nicephorus l. 14. c. 45. Scribunt enim, Theodosium iuniorem ex Procli Constantinopolitani, aliorumque sanctissimorum virorum consilio, literas dedisse ad S. Ioannem Chrysostomum pridem defunctum, quibus veniam enixè rogans de iniuria à parentibus ei irrogata, supplex poscebat, regredi Constantinopolim ne graueretur. Adduntque iidem autores, Theodosij literis super pectus sacri corporis collocatis, factum esse, ut corpus efferre licuerit, quod antea dimoueri de sede sua nunquam valuerat. Legeſis quæ habet Turrianus l. 2. pro epist. Pontif. c. 13. propugnans epistolam Clementis ad S. Iacobum iam cœlo illatum.

5. Anastasius Imperator ob communicationem cum Acacio, & pleraque aduersus Ecclesiam impie gesta, necnon ob hæresim Acephalorum qua laborabat, & Manichæorum patrocinium excommunicatus, eaque ex causa Symmacho Romano Pontifici infensus, ut ipse Pontifex in suo Apologetico refert, excommunicationem aliquandiu cōtempſit. In ea contemptione perseuerantem, & in dies audentem maiora ac terriora, sic affatus est Symmachus, sub finem apologetici prædicti. [Nos humani generis conscientiam, contestari, qua possumus voce nullatenus cessamus, omnipotentem Deum suis causis minimè defuturum; & quantacunque sit humana præsumptio, quantacunque potentia, sub diuino nutu, huius atrocitatis censuram sine dubitatione vindicandam. Nam talem ausum, neque hîc confidimus euasurum, & in illo magno Dei iudicio recepturum, quod iis temeritatibus diuina retributione debetur. Hæc nos nequaquam tacuisse sufficiat: ut cum superna fuerit ultio subsecuta,

subsecuta, & vera nos protulisse consideratio humana cognoscat, & pœnam non inaniter pronuntiasse venturam; & proposuisse præmonitionis formam, qua huiusmodi præcipitiis de cætero temperetur.] Prænunciationem, secutus est non ita multo post euentus funestissimus. Nam vigil de cælo, breuiatos dies Anastasij, recisis quatuordecim vitæ eius annis significauit: & excussura de cælo fulmen, infelicem latebras intus & perfugia malè fida captantem, corpore & anima perdidit, vt quem Ecclesiasticum fulmen non contriuerat ad salutem, cœlestes manubiz æterno exitio & irreparabili calamitate multarent.

6. Britannij Armorici, S. Machutem siue Maclouium, Episcopum suum, multis & atrocibus affecerant iniuriis. Sanctus Antistes, filios Belial excommunicatione percussit, abiitque Santonas. Excommunicationem, consecuta est eluuiò malorum. Plerique contracti sunt effecti, leprosi complures, non pauci excæcati, benè multi diuturnis languoribus contabuerunt. Terra ipsa, à malitia inhabitantium in ea, posita est in falsuginem, & damnata sterilitatis; donec pertæsi tot ærumnarum Britanni, vexatione intellectum dante, missa legatione perhonorifica, sanctum Episcopum reuocarunt. Soluti anathemate per eius regressum, omnia pariter cum eo bona recuperarunt. Clades hominum cessauit, & terræ sua feracitas reuenit, & quanti apud Deum esset Antistitis cum maledictio, tum benedictio, patefactum est.

Nantinus Engolismensium Comes, ab Heraclio Episcopo excommunicatus, obiit, inclamans amburise ab Heraclio, vt scribit Gregor. Turon. l. 5. histor. cap. 36.

Leodastus

558 *Pars II. Caput XI.*

Leodastus Turonensium Comes, quàm miserando exitu vitam concluderet, narrat Aimonius l. 3. histor. Franc. cap. 43. causam referens in excommunicationem, qua perculsus fuerat ob vexatum calumniis S. Gregorium Episcopum. A qua quidem excommunicatione, agente Rege solutus est, per illos ipsos Episcopos qui eam intulerant. Verùm triumphator in Israël non pepercit, nec flexus est, sed etiam ab exsoluto, pœnas contractorum quandoque nexuum repetiit, quales Aimonius describit, acerbissimas & grauissimas.

7. Excommunicauerat grauissimis de causis vnũ aliquem è suis, S. Albinus Andegauenſium Episcopus. Vrgentibus coëpiscopis, vt eulogias ad illum excommunicatum transmittendas benediceret, cum resistere vltra non posset, satis (inquit) potens est Deus, tametsi hac à me benedictione extorta, vlcisci inobedientiam. Transmissæ sunt eulogiæ, sed priusquàm eas degustaret excommunicatus, imo priusquam ad eum peruenirent, infelicitè excessit è vita, vt scribit Fortunatus, ex quo sancti viri Acta exhibet Surius 1. Martij.

S. Eligij miram in hoc genere efficacitatem, legere licet apud S. Audoënum, vitæ eius scriptorem lib. 2. cap. 25.

8. Sigebertus Anglorum Rex, admodum pius, (nam postea martyr obiit,) ad nuptias incestuosi Comitæ ex regio sanguine accedere non timuit, neglecta excommunicatione, qua interposita veritus fuerat ab Episcopo, is accessus. Episcopus Regi post factum supplici, & veniam precanti, contestatus est fore, vt in pœnam contempti gladij Ecclesiastici, in ea
ipsa

ipsa domo necaretur, ad quam neglecta excommunicatione ingressus fuerat. Nec vana fuit prænuntiation. Rem describit Beda l. 3. histor. Angl. c. 22.

Lotharius Imperator, à Nicolao I. ob abiectam coniugem legitimam, & subinductam pellicem Valdradam excommunicatus, tamen sub Adriano Nicolai successore, interpositis mendaciis & commentis, aliquam absolutionis speciem est emeratus, tamen contestante Adriano Dei iudicia & seueritatem, si mendaciter ageret, intra breue tempus post angustias quàm plurimas cum magna suorum parte infelicissimè obiit, vt scribit Regino anno 869. & Aimon. l. 5. histor. cap. 21. ac Baron. anno 868.

9. Interfecerat Fulconem Remensem Episcopum quidam sicarius, à Balduino Attrebatensium Comite submissus. Vvinemarus nomine: qui ob eam immanitatem sacrilegam, excommunicatus est. Sed quæ cum diuina ultio exceperit, audiendus est Flodoardus l. 4. histor. Remensis cap. 10. [Vvinemarus Fulconis interemptor, ab Episcopis regni Francorum cum suis complicibus excommunicatus, & anathematizatus, insuper insanabili à Deo percussus est ulcere, ita vt computrescentibus carnibus, & exundante sanie, viuus deuoraretur à vermibus, & dum propter immanitatem fœtoris, nullus ad eum accedere posset, miserissimam vitam miserabili decessu finiuit.] Videndus Molanus in indiculo SS. Belgij 17. Iunij.

Orthonem primum, Regem Theutonicorum, mox Romanorum Imperatorem, Vvillelmus ex priori cōiuge filius, Antistes Moguntinus, ob incestas nuptias increpabat. Quam animi generositatem in eo scelere arguendo, pater longo carcere & multis irrogatis incommodis

commodis frangere nŕsus eŕt , nec aliud euicit, quàm vt filius ab ipŕo ducens opes animúmque , ferro gladium excommunicationis intorqueret in Patrem; cui vincula Eccleŕſiaſtica non multùm curanti filius ad diuinum tribunal diem dixit , præfixo tempore , quo vterque, iuŕto iudici irretractabilem excepturus ſententiam , ſiŕteretur. Quieuit feliciter Epiſcopus. At pater ipŕo ſacro Pentecoſtes die, quo illi filius ad Dei iudicium condixerat, in Præſulum ac Principum mediis agminibus , in ipŕo templo, ſub ſacrum ſolemne, repentina morte vitam finiuit. Ita refert Petrus Dam. opuſc. 34. cap. 7. Quæ tamen aduerſus hanc narrationem à Cardinali Baronio obiiciuntur anno 973. nolum verifimilia diffiteri.

10. Subminiſtrat contemptæ excommunicationis diuinam ultionem , idem Petrus Damiani Opuſc. 20. cap. 3. cuius verbis eam exhibeo. [Hæc venerabilis ille vir expertus fuerat, Petrus videlicet Apſarenſis Epiſcopus, qui Epiſcopatum dimiſit, & de Sclaunico regno Italiam nauigans , littoribus Anconitanæ vrbiſ applicuit. Hic mihi, dum totius circa ſe regni reuerentiam conqueſtus exponeret, ac moleſtæ inquietudinis tædia numeraret , inter cætera vnum intulit, quod vos latere non patior. Quidam, (inquit,) degener quidem moribus , ſed maiorum titulis inſignitus, ſui generis conſanguineam , nuptiali ſibi fœdere copulauit. Quid plura ? prohibitus perſtitit , excommunicatus adhæſit, totúmque Eccleſiaſticæ cenſuræ vigorem, nugarum puerilium fabulas deputauit. Cui certè hoc ad diuinæ indignationis iudicium contigit, vt panes de nuptialibus menſis in plateas ante canum ora proiecti, minimè tangerentur. Inſuper , ô diuinæ animaduerſionis

Ira Dei in excommunic. 561

animaduersionis pauenda seueritas! dum rigidus stat, dum præceptis se sacerdotalibus non humiliat, qui vigilare sibiimet ad salutem noluit, in cubiculo dormientem repente de cœlestibus irruens fulgur extinxit. Sic sic diuini furoris expertus est moriendo sententiam, qui vulnere suo, dum viueret, adhibere contempserat medicinam.]

Nec illud ex eodem Petro Damiani prætereundû, quod recitat Opusc. 34. cap. 6. [Robertus Gallorum Rex, auus istius Philippi, qui in paterni iuris sceptrâ successit propinquam sibi copulauit vxorem, ex qua suscepit filium, anserinum per omnia collum, & caput habentem. Quos etiam virum scilicet, & vxorem, omnes ferè Galliarum Episcopi, communi simul excommunicauere sententia. Cuius sacerdotalis edicti, tantus omnem vndique populum terror inuasit, vt ab eius vniuersi societate recederet, nec præter duos sibi seruos, ad necessarij victus obsequium remanerent: qui tamen & ipsi, omnia vasa, in quibus Rex edebat, vel bibebat, percepto cibo, abominabilia iudicantes, pabulum ignibus exhibebant. His tandem Rex coactus angustius, ad sanum consilium rediens; diuortit incestum, inuitque legale connubium.

11. Henricus III. Romanorum Imperator à Gregorio VII. excommunicatione percussus, quâ arum-
nosam ab eo tempore vitam duxerit; eius verò exitus
è vita, quàm infelix, & mendico quàm summo Mo-
narchæ propior fuerit, scriptores illius, qui complu-
res, literarum monumentis prodiderunt. Ex recentio-
ribus latè in eam rem disserit Albertus Pighius l. 5.
hierarch. Eccles. c. 2. vbi etiam addit, quæ diuina vl-
tio ceciderit in Vvilelmum Episcopum Traiecten-

NN sem,

sem, qui Henrico impietatis administer & exitij auctor fuerat; nec contentus ipse excommunicationem contemnere, docebat alios idē præstare. Subitò enim grauißima correptus ægritudine, sortem suam damnans, frendensque & eiulans, impcœnitens in peccatis suis mortuus est, omnibus tam tristi exitu absterritis, & excommunicationis horrore perculsis.

12. Boleslaus Poloniæ Rex, à Gregorio VII. summo Pontifice, ob trucidatum S. Stanislaum Cracouiensem Episcopum excommunicatus, diuinam vltionem persensit. Factus enim omnibus horrore, fugit in Hungariam; & velut alter Cain, factus est profugus extra regnum suum. Post annum verò secundum à recessu ex Polonia, inaudito languore percussus, demumque in insaniam versus, dum errabundus vagatur, morte præuentus à canibus est deuoratus, non solutus Ecclesiasticis vinculis. Longinus rerum Polonicarum scriptor, & acta S. Stanislai, rem pluribus describunt.

Henricus I V. (vt scribit Guigo Prior Cartusiæ in rebus gestis S. Hugonis Gratianopolitani,) in Concilio Viennensi, à Guidone Archiepiscopo, Apostolicæ sedis legato excommunicatus, agente maximè S. Hugone qui Concilio intererat, excidit propè momento è prosperrimo rerum statu, & in calamitates graues incidit, nulla relicta prole mascula quæ in regnum Germanicum succederet. Quam malorum molem, effectum fuisse contractæ ab Henrico excommunicationis, statuit Guigo.

13. S. Hugo Lincolniensis in Anglia Episcopus, magnæ in hoc genere efficacitatis fuisse proditur, ita vt quoscunque ille excommunicatione perculisset, ægrè

ægrè indemnes abirent. Exempla suppeditat autor vitæ eius c. 23. Habetur apud Surium t. 6. Nouemb. 17. [Spiritus sanctus (inquit) qui hoc ei contulerat donum, sermonem illius atque sententias cōfirmabat sequentibus signis. Nam cum rebelles quosdam & contumaces, Satanæ tradidisset in interitum carnis, subitò non comparuerunt. Miles quidam, propter quoddam mendacium ab Episcopo sancto reprehensus, cum admonitionem eius parui penderet, nec se emendare veller, mox ab illo excommunicatus est. Vsurpabat namque sibi bona quædam, quæ incitante eum vxore, quod prolem legitimam non haberet, à veris heredibus per simulationem alienare confenserat. Tremenda res. Inuasit eum Diabolus nocte sequenti, extorquens subitò animam mendacem. Alius quidam in eodem scelere ei succedens, cum lætus & temulentus lecto exciperetur, sopori mortem socians, etiam miserè extinctus est. Forestarius quidam, propter facinus plexus anathemate, viri Dei sententiam non metuens, intra paucos dies horribili morte decessit è vita. Quidam Diaconus liuore impellente, militem quendam nequiter accusans de crimine regie prodicionis, Hugonis sententia ob spem emendationis percussus, cum peccatum suum non modò non veller agnoscere, sed etiam ab Archiepiscopo absolutionem impetraret, rediēsq̃ue ad virum sanctū purificationis, vt putabat, suæ chirographum secum afferret, rursus non obstante mandato, ab illo excommunicatus est. Vt autem Dominus ostēderet, vtrius sententiam approbasset, Diaconum horrendum in modū percussit, nec eum diutiùs viuere passus est. Adolescentula quædam, cum impudenter spueret in fa-

riem sponsi sui, præsente S. Episcopo, nec veniâ petere vellet, à diabolo præfocata expiravit. Clericus quidam propter tyrannidem quorundam potentum, ius suum, quod ei erat in quadam Ecclesia, obtinere non potuit. Pecuniis quoque, ac aliis rebus penè omnibus in Curia Romana consumptis, iam summa egestate crepit urgeri. Audiens verò, sanctum Hugonem, oppressorum consolatorem piissimum esse, ad illum tandem venit, etiam longè extra fines diœcesis suæ; & cum lachrymis eius auxilium imploravit. Motus ergo vir Dei, omnes excommunicavit, licet eius iurisdictione non tenerentur. Quid plura? Alij in ameniam versi, alij repentina morte extincti sunt. Quorundam oculi cum ingenti cruciatu exciderunt, donec legitimo possessori restituta est Ecclesia. Alios etiam viros septem, quandoque excommunicavit vir sanctus, quod furem à cœmeterio dolo abstraxissent, & mox sine dilatione suspendissent. Timentes verò illi ne accideret ipsis, quod iam multis evenisse constabat, ad pedes Episcopi patiter venerunt. Sex satisfactione, dura illa quidem, sed brevi expurgati sunt. Septimus, quia noluit satisfacere, absolutionis gratiâ non impetravit. Tam verò dura fuit ea satisfactio, ut etiam brumali tempore penè nudi furem à patibulo depositum, per longum iter humeris portare, atque in eo, quod diximus, cœmeterio, vnde illum extraxerant, tumulare compulsi sint. Res prorsus stupenda. Iam septem anni transierant, & ecce redit miserabilis ille, cum lachrymis petens absolutionem. Domine, (inquit,) postquam sententia tua me perculit, acciderunt mihi mala multa. Gratiâ Regis continuo perdidisti; exulare coactus, ad inopiam reductus sum: corporis

Ira Dei in excommunic. 565

poris inolestia contabui, plurimisque aduersis casibus subiacui. Sed ne peiora his succedant, dignare, obsecro, vel serò pœnitentem releuare. Misertus ergo vi-
pius tantæ calamitatis, quod de fortunato, & diuite,
ærumnosus & morbidus factus esset, clementer eum
absoluit, & ne dolorem dolori adderet, mulctam ei
mitiorem irrogauit.]

14. Petrus Blesensis, scribens ad Radulphum
Andegauensem Episcopum de Archiepiscopo quo-
dam Cantuariensi, qui tunc viuebat, scribit in hæc
verba. [Illud ceterissimè teneatis, ipsum nunquam ali-
quem excommunicasse, qui aut non moreretur in
proximo, aut cuius non operiret faciem subita & ig-
nominiosa confusio.] Est apud Blesensem epistola 69.
Ille verò Archiepiscopus, dictus est Richardus, ex
Priore Douuerensi euectus ad eas insulas, vt habet
Rogerius anno 1173.

Leopoldus Austrius à Cælestino III. excōmunica-
tus, diuinam ultionem excepit longè seuerissimam,
vt scribunt Neubrig. lib. 5. c. 6. & Rogerius in Angliæ
annalibus, ex quo ista anno 1194. iuuat adscribere.
[Eodem anno, cum Leopoldus Dux Austriæ adhuc
permaneret in sententia excommunicationis, quam
Dominus Papa in eum tulerat, propter captionem Ri-
chardi Regis Angliæ, nec pœniteret; flagellauit Do-
minus terrâ suam in hunc modum. In primis quidem,
incensæ sunt omnes ciuitates terræ sue, nec alicui no-
ra fuit causa incēdij. Secundò, ex inundatione Danu-
bij fluminis, submersa est quædam terra adiacens, in
qua decem millia hominum, vel eo amplius perierūt.
Tertiò, cum in media æstate soleat & debeat omnis
terra virere, tota terra eius, tunc temporis, contra so-

566 *Pars II. Caput XI.*

litum & debitum cursum exaruit. Quartò, cum semina frugum, deberent in herbam processisse, in vermes conuersa sunt. Quintò, nobiliores terræ suæ mortalitate percussi sunt.

Adde illa ex Matthæo Paris anno 1195. post narrata ea de quibus iam diximus. [Sed cum in his omnibus non sit auersus furor Ducis, animo in deterius aggrauatus; ipse diuinò iudicio terribiliter percussus est. Die siquidem sancti Stephani cum equitando lulum pergeret, sociis comitantibus, equus, cui Dux infidebat, violenter pedem offendens, tibiam sedentis cum pede insanabiliter contriuit. Nam tibia cum pede protinus comminuta, nigredine quadam intumescens, nullo medicorum potuit cataplasmate sedari, quin igne quem infernalem vocant, tumori admixto, intolerabiliter cruciaretur. Quem Dux cruciatu ferre non valens, pedem à crure fecit detruncari, ipso interim dolabram tenente, cæteris omnibus præ nimio horrore hoc facere renuentibus. Sed non sic doloris cruciatus euasit: Nam illico femur cum corpore reliquo, igne illo execrabiliter depascebatur. Tandem verò culpam recognoscens iniquam, quam in Regem & suos malitiosè exercuerat, suadentibus Episcopis, qui aderant, obsides absoluit, & residuum pecuniæ de redemptione Regis, & quod receperat, se redditurum sponpondit, atque Ecclesiasticæ censuræ se deinceps pariturum, promisit. Tunc Episcopi, qui aderant, videntes eum in tanta miseria & calamitate constitutum, à sententia excommunicationis absoluentes, ad communionem fidelium admiserunt, & sic cum intolerabili cruciatu spiritum exhalauit, cuius corpus diutius iacuit inhumatum, donec horribilibus scateret

scateret vermibus : eo quod filius leius mandatum exequi nolleret: sed tandem ab amicis compulsus, obsequies absoluit, & repatriandi licentiam concessit.]

15. Impij parricidæ qui S. Thomam Cantuariensem neci dederant, ab Alexandro III. excommunicati, illustre diuinæ vindictæ exemplum subministrant. Nam & animalia eos habuere execrationi. Siquidem canes, quantumlibet famelici, panem ab eis porrectum tanquam veneno anathematis intinctum, horruere. Eorum vnus cui nomen Vvillelmo Traci, primarius viri Dei percussor, in itinere Hierosolymitano ad eluendum tantum scelus iussu Alexandri Papæ suscepto, Cosentia in Calabria in morbum incidit, ex quo putrescentibus carnibus, apparentibus neruis, & ossibus, totum ei corpus diffudit, incredibili cum angore ægrotantis, qui tandem in summis corporis & animi angustiiis, ibidem efflauit animam. Cæteri post ærumnas permultas, intra breue tempus omnes vita functi, vlticem Dei manum senserunt, vt narrant Acta S. Thomæ, & ex eis Baron. anno 1172, *in fine.*

16. Quod coram Mahumete II. Turcarum Imperatore, Constantinopolitani Imperij euerfore gestum proditur à Maximo Constantinopolitano Patriarcha ad vim Ecclesiastici anathematis manifestandam, videtur adscriptu dignum, vsurpatis ipsiusmet verbis autoris Ecclesiasticæ historiæ Turcogræcæ, Inter cætera quæ Mahomeri indicarunt, (Græci) etiã hoc dixerunt quosunque Christiani Pontifices & Sacerdotes, legitimè, ob peccatum aliquod admissum, sacro cœtu eiiciant, nec occupent eos dum in viuis sunt, emendare, vt expientur ab illo lapsu, propter

quem ciecti fuerunt, eorum cadauera, ita in exilio spiritali mortuorum non dissolui à terra, sed remanere tympanorum instar inflata, nec si mille etiam transierint anni, omnino à terra consumi, sed remanere integra, sicut fuerint humata. Interrogauit amplius: num uidem possent data absolutione rursus dissolubilia facere ea corpora? Responderunt illi, posse. Ipse miraculo hoc audito, admiratus cohorrui, nec aliud præter ea quicquam interrogauit, sed confestim Patriarchæ nunciari iussit, quæreret hominem communionem Ecclesiæ exterminatum ante longum tempus vita defunctum. Patriarcha accepto eo nuncio, exterritus est: ac statim accitis clericis, Sultani madata exposuit, qui mirati sunt. Incidit Patriarcha cū ipsis in grauem curam huic illuc cogitationem voluentes; vbinam tæbe iamdudum excommunicationi immortui hominis cadauer reperiri possit. Cūque nihil ipsis quid facerent, in præsentia in mentem veniret, aliquot dierum spatium ad disponendum à Rege petierunt. Quo accepto, animum per omnia versantes, de tali cadauere cogitant. Tandem recordantur seniores quidam de clero, fuisse tempore superioris Patriarchæ Gennadij Scholarij, viduam quandam à Sacerdote relictam, pulchritudine conspicuam, quæ domum extra Patriarcheum habens, quæstum corpore haud obscurè vulgato fecerit. Patriarcham re cognita, increpuisse ipsam diligentissimè monendo, finem faceret peccandi; quo pœnitentia acta, veniam sequeretur. Sed id frustra fuisse, muliere laxioribus habentis se ad libidines excitante. Patriarcham interim non cessasse à redarguendo, & obiurgando; nec id seorsim solum, sed etiam apertè coram proceribus sacris

cris & clericis: at illa misera, diaboli instinctu Patriarcham accusat; eum, quando ipsum ad secretam collo-
cationem accersierit, conatum esse, ad nefarium faci-
nus vi pertrahere. Ipse, atrocis criminis indigna accu-
satione audita, totus obstupuit. Ea criminatio per to-
tam Constantinopolim percrebuit, & in vicinia tota:
quibusdam veram credentibus; aliis fidem deroganti-
bus Patriarcha quid faceret nisi hoc? Quodam Domi-
nico festo accersitis Pontificibus, & Clero, Liturgiam
facit, eaque finita clarissima voce dicit, si illa verba
quæ sacerdotis vidua in ipsum dixit vera sint, se ei
ignosci à Deo & fœlicitatem dari, eiusque mortuæ
dissolui corpus precari. Sin autem conficto crimine
indignissimè ipsum calumniata sit, se tenere ipsam è
sacro piorum grege eliminatam veniæ exortem, & in-
dissolubilem, voluntate, & iudicio Dei omnipotentis.
Hæc ille, nec diu gladius diuinæ vltionis eman-
sit; sed (ô rem mirâ!) die inde quadagesimo dysenteria eam
abscidit, ac pessimè mortuam, & humatam, terra cor-
pus eius non dissoluit; verum tam inconsumpta, inte-
graque remansit, quam erat quando sepeliebatur. Sed
ne crines quidem capitis eius vllatenus defluxerant.
Verum perinde ipsa se habebat, ac mulier aliqua viua:
nisi quod non loquebatur. Et tamen multi anni à
condemnatione excommunicationis eius abierant:
huius inquam mulieris recordati sunt clerici; eam ad-
huc eiectionis vinculo constrictam teneri; quam be-
ne sciebant, improbissimam illi beato Patriarchæ Gen-
nadio calumniam intulisse. Conuentu igitur coacto
palam dicunt se scire mulierem iusta sententia Pa-
triarchæ Gennadij à sacris exclusam. Patriarcha Ma-
ximus audito, cadauer excommunicatum inuentum

esse, iussit locum quæri in quo sepultum iacebat: ut sepulchro aperto inspicerent, & de re certiores fierent. Missi sunt qui quærerent. Sepulchro inuento, gaudere Patriarcha, exemplo cum Clero, comitatus magno Regis Tzanscho eo currere. Tunc aperientes eius monumentum, cadauer saluum & integrum reppererunt. Erat id nigrum, & tympani modo tumefactum: quod quicumque viderunt, valde miseriam illius deslerent, horrendo Dei in ipsam iudicio & condemnatione perterriti.] Hæc Petrus Lelohyer l. 4. de spectr. cap. 10. ferè annumerat fabulamentis Græcanicis. Non video tamen, quid cogat arbitrari rem esse fabulosam, etiam si ubiuis alibi nihil tale deprehendatur. Affine verò est quod Matthæus Paris in vita Henrici tertij Regis Anglorum scriptum reliquit, de quodam Gulielmo, qui ob Ecclesiæ bona vsurpata, innodatus Ecclesiasticis vinculis, excesserat è vita. Eius enim cadauer, longo post tempore extumulatum, bovino corio insutum, integrum planè, perinde ac si recens conditum fuisset, tumens tamen ac liuens, & horrendum in modum deforme, repertum est.

17. Malacensem Præfectum, quod Euangelio Sinis inferendo per insignem nequitiam obstitisset, S. Francisc. Xaver. cum frustra tètatis omnibus, nulla ratione flectere potuisset, exserto quem ad eam reconditum tenuerat Ecclesiastico gladio, pro potestate Legati Apostolici qua in illis orisungebatur, excommunicavit. Excommunicationem contemptam, secuta mox est diuina ultio, & quidem acerbissima. Miser contumacem malignitatem ex Xaverij vaticinio, pecuniis, honore, corpore, utinam non etiam anima luit. Nam haud ita multo post vibratam in eum excommunicationem,

tionem, iussu Proregis, quasi defectionem à Lusitano Rege meditareretur, datus est in vincula, quasi Deus vincula Ecclesiastica quæ ille nequiter contempserat, vinculis Ecclesiasticis cumulata vellet. Mox ita ut erat vinctus, Goam ad Proregē, inde in Lusitaniam abductus, fortunis omnibus spoliatus, ignominia notatus, catceri perpetuo addictus, lepra terribilissima coopertus interiit. Describit rem gestam Turfellinus lib. 5. vitæ Xaverij cap 6.

Cumulum diuinorum operum aduersus excommunicatos, his verbis aceruauit Petrus Lenauderus tract. de Doctoribus p. 1. q. 18. [Videmus singulis diebus, permultos viros suæ salutis immemores, quos constat excommunicationis sententia esse innodatos, citò paraly sin incurrere, eorum membra tabescere, aut diuitias graui quadam iactura, ut igne, fulmine, aqua, incendio, vel turbine consumi: aut morbo saeuiente, valetudinarios & languidos deficere. Et quod longe deterius est, sine peccatorum suorum detectione, & Sacramentorum Ecclesiasticorum susceptione, sæpenumero (proh dolor!) naturæ debitum persolvere.] Hæc ille, quæ obsignat hac clausula, quæ quod verissimè & optimè ex suis antecedentibus deducatur, mea quoque esto. [Concludo igitur, sententiam excommunicationis valdè esse timendam.]

18. Vnum duntaxat est, ex quo video aculeum timoris per ea quæ adduximus infixum, hebescere apud aliquos posse. Nimirum quod tam multos quotidie videamus, impune contemnere excommunicationem. Hæretici sanè omnes, sunt excommunicari, sin minus iure diuino, ut multorum olim tulit sententia, quam meritò improbant Sanchez l. 2. in decalog. c. 9. num.

num. 2. & Suarez disp. 21. de fide sect. 1. num. 4. at saltem iure humano, infinities repetito. Et tamen cum tam multi sint plerisque in oris hæretici, ut ferè hæc zizania triticum suffocent, nullæ videntur extare in eos diuinæ animaduersiones. Quam multi verò ex Catholicis, ad intentatæ excommunicationis tonitru obsurdescunt; & ad vibratam, non plus mouentur, quàm si falso aliquo verbo, aut faceto scommate, essent appetiti: ita ut liceat absque scrupulo illud Theophylacti 2. Thessalon. 3. ad nostra tempora transferre. [Magna quondam pœna erat segregatio, atque adeò excommunicatio. Sed hodie minus habet ponderis, neque in usu est.] Id est, non est utilis, neque vsum suum & fructum habet, quia contemnitur. Et tamen quis è tam multis contemptoribus excommunicationis, non dico tactus de cœlo, aut discedente tellure absorptus, sed vel tenuiter violatus est nostra memoria? Vel si sunt aliqui, ut interdum esse nonnulli referuntur, at quàm rari, aut pauci præ cæteris?

19. Respondere in primis liceret, permultos hodièque grauissimis affici malis ob contemptum excommunicationis. Verùm ne cogar exempla adhuc calientia proferre cum aliquorum fortassis stomacho, placet gratis concedere quod in obiectione assumitur, eamque alia ratione elidere. Igitur hæc obiectio, æquè impetit omne genus diuinæ animaduersionis pro quocunque scelere. Interdum enim impiis, & minus attentis prouidentia diuinæ res nostras moderantis æstimatoribus, videtur dormire diuinus oculus; cum tamen non dormitet neque dormiat vnquam iustus & sanctus: sed interdum quidem dissimulet, & sustineat vasa iræ in multa patientia; aliquando etiam,

iustam

iustam iram in nonnullos expromat ad cæterorum terrorem. [Multis facit Deus ista in isto tempore, sed non omnibus (ait D. August. conc. 3. in Psal. 30. *in fine*, agens de potentium seculi deiectione, idémque nos in re præsentí dicere possumus:) si enim nemini faceret, quasi nō videretur vigilare diuina prouidentia: si omnibus faceret, non seruaretur diuina patientia.] Est quoque ea doctrina S. Gregorij 5. moral. c. 14. & D. Chrysostomi orat. de secundo Domini aduentu, & pulchrè l. 3. contra vituper. vitæ monast. *non multum à principio*. Ibi enim agens de vltionibus diuinis in eos qui iusto sunt indulgentiores in liberos, ait; [Plurimi, eiusmodi multa perpessi sunt. Sin verò aliqui, effugere fortasse visi sunt, isti non in finē penitus, sed in capitis sui, malum effugerūt: Acerbiores enim ac longè diriores cum excesserint è vita pœnas luent. Cur autem (inquires) nō hîc potissimùm omnes qui sunt eiusmodi, suppliciis afficiuntur? Quia profectò Deus diem statuit in qua iudicaturus est orbem vniuersum: hæc autem dies nondum adest. Præterea si istud fieret, iam diu absumptum defecisset, ac præreptum fuisset omne mortale genus. Cæterum vt ne istud contingat, neu plurimi ex dilatione, ac tarditate iudicij pigriores fiant, assumit quosdam interim Deus peccatis obnoxios, eosque hîc pœnis excrucians, per illos admonet reliquos, quænam ipsos quantaque supplicia maneant: vtque addiscant, quod etsi hac in vita nulla animaduersione plectantur, post tamen eius excessum, punientur; & quidem longè grauius ac durius.]


Quod S. Chrysostomus, de vno illo peccato, & iustis in illud animaduersionibus pronunciat, æquè de aliis omnibus peccatis, præsertim grauioribus, statui potest.

574 *Pars II. Caput XII.*

potest. Quod si qui videntur impune abire, cum iis agitur omnium pessimè, ut idem S. Chrysostomus affirmat, praeiueratque Origenes homil. 2. in Ierem. Ut igitur ex S. Cypriano initio aiebam, [exempla sunt omnium, tormenta paucorum,] quod aliter extulit autor libri de singularit. Clericorum. [Præbentur cunctis exempla, cum fuerint quibusdam irrogata supplicia.] Quod in vniuersa diuinæ prouidentiae vlticis negotiatione, & nominatim in re nostra, haberi debet indubitatum.

CAPVT XII.

Alterum diuinum suffragium pro excommunicationis malignitate, ex miris effectibus similitudinaria excommunicationis in res irrationabiles intorta.

1.  VÆ hætenùs protulimus diuinæ iræ in excommunicatos specimina, continent diuinum suffragium ad excommunicationis malignitatem expressè confirmandam. Sunt verò alia quædam diuinorum operum exempla, quibus idem declarari & roborari potest, tametsi non fuerint adiuncta excommunicationibus verè ac propriè dictis. Veruntamen quia rude vulgus interuenisse excommunicationem imaginabatur, aut quia viri sancti ad persuadendam veræ excommunicationis malignitatem, talia opera patrabant exorato numine, diuina bonitas, vulgi simplicitati, aut sanctorum petitionibus

Mira similitudinaria excom. 575

bus se accommodans , vt mortales in vera & propriè dicta excommunicatione, debitam Ecclesiæ reuerentiam multo magis exhibere alluescerent, manum robustam plerunque adiunxit , & rem similitudinariæ excommunicationi subiectam, perdidit non sine miraculo. Nam etiam aliquando expilationes idolorum, quia ex errore operantium sacrilegæ erant, interposito miraculo coercuit, vt ex Eusebio l.8. præpar. c. 5. notare memini l.4. de virtut. num. 345. Quod si nudum excommunicationis nomen , licet vacuum & subiectæ veræ notionis inane , tantum apud Deum valuit, quid non erit à vera & propriè dicta excommunicatione timendum?

Vsus antiquus excommunicandi bestiolas frugiperdas.

2. Hic occurrit vsus olim frequentissimus , nec nunc prorsus abolitus , intorquendi excommunicationem (sic enim nominant) in bestiolas frugiperdas, aliterve hominibus incommodantes ac noxias: cuiusmodi sunt locustæ, muscæ ac similes; quas alicubi constat plerunque interpellatas mota lite, datisque ex vna parte, Aduocato, & Procuratore, ex altera autem constitutis accusatoribus , urgentibus sententiam condemnatoriam & excommunicationem , quæ tandem post vtrinque factam causæ velitationem, intorqueatur. Rem plenissimè describit , & prolatis multis aduersus bestiolas illas processibus atque sententiis, benè ac ritè factam confirmat Chassanæus consilio 1. Aliæ quoque huiusmodi iudiciales sententiæ referuntur tomo 2. mallei malefic. Ego vnâ quandam formulam, quæ aliunde

576. *Pars II. Caput XII.*

aliundeam in nus meas incidit, & seriem antiquæ in hoc negotio praxeos perbellè aperit, existimo operæpretium adscribere. Sententia est lata ab Officiali Trecensi Ioanne Milone anno 1516. quæ sic habet. [In nomine Domini Amen. Visa supplicatione seu requesta pro parte habitantium loci de Villanoxa Trec. Diœcesis nobis Officiali Trec. in iudicio facta, aduersus bruchos seu erucas, vel alia nō dissimilia animalia, Gallicè *Hurebets*, nuncupata, fructus vinearum eiusdem loci à certis annis & adhuc hoc præsentī anno, vt fide dignorum testimonio, & quasi publico rumore asseritur, cum maximo incolarum loci & vicinorum locorum incommodo depopulantia, vt prædicta animalia per nos moneantur, & remediis Ecclesiasticis mediantibus compellantur, à territorio dicti loci abire; visisque & diligenter inspectis causis prædictæ supplicationis seu requestæ, necnon pro parte dictarum erucarum seu animalium, per certos Consiliarios eosdem per nos deputatos, propositis & allegatis; audito etiam super præmissis Promotore, ac visa cetera informatione, & ordinatione nostra per certum dictæ Curie Trecensis Notarium de damno in vineis iam dicti loci de Villanoxa per dicta animalia illato, quoniam huiusmodi damno, nisi diuina ope succurri posse existimatur, attenta prædictorum habitantium humilī ac frequenti & importuna requisitione, præsertim magna pristinæ vitæ errata emendandi, per eosdem habitantes, edito spectaculo solemniter supplicationum nuper ex nostra ordinatione factarum, prompta exhibitione; & sicut misericordia Dei peccatores ad se cum humilitate reuertentes, non respuit, ita ipsius Ecclesia eisdem recurrentibus

Mira similitudinaria excom. 577.

bus auxilium, seu etiam solatium qualecumque dene-
gare non debet: Nos Officialis prædictus, in re quan-
quam noua, tam fortiter tamen efflagitata, maiorum
vestigiiis inhærendo, pro tribunali sedentes, ac Deum
præ oculis habentes, in eius misericordia & pietate
confidentes, de peritorum consilio nostram senten-
tiam modo qui sequitur in his scriptis ferimus, in no-
mine & virtute Dei Omnipotentis, Patris, & Filij, &
Spiritus sancti, Beatissimæ Domini nostri IESU CHRISTI
genitricis Mariæ, autoritatēque Beatorum Apostol.
Petri & Pauli, necnon ea qua fungimur in hac parte;
prædictos bruchos, & crucas, & animalia prædicta,
quocunque nomine censeantur, monemus in his scrip-
tis, sub pœnis maledictionis & anathematisationis,
vt infra sex dies à monitione, in vim sententiæ huius,
à vineis & territoriis dicti loci de Villanoxa disce-
dant, nullum vlteriùs ibidem, nec alibi in hac Diœcesi
Trec. nocumentum præstitura. Quod si infra prædi-
ctos dies, iā dicta animalia huic nostræ admonitioni
non paruerint cum effectu, ipsis 6. diebus elapsis, vir-
tute & autoritate præfatis, illa in his scriptis anathē-
matifamus, & eisdem maledicimus. Ordinantes ta-
men & districtè præcipientes prædictis habitantibus
de Villanoxa, cuiusque gradus, ordinis, aut cōditionis
existant, vt faciliùs ab omnipotente Deo omnium
bonorum largitore, & malorum depulfore, tanti in-
commodi liberationem valeant promereri, quatenus
bonis opèribus ac deuotis supplicationibus iugiter at-
tendentes, de cætero suas decimas sine fraude secu-
dum loci approbatam consuetudinem persoluant,
blasphemis & aliis peccatis præsertim publicis, sedulo
abstineant.]

3. Hactenus Trecentis sententia contra bestio-
 las. In qua quod audisti, talem excommunicationem
 rem nouam visam, ab impetito Notario ex veteri for-
 mula malè appositum est. Alioqui quomodo cohære-
 rent duo illa, *nos in re quanquam noua, & maiorum ve-*
stigiis inherendo ? Certè nota temporis in sententiis à
 Chassanæo prolatis, demonstrat nō fuisse anno 1516.
 rem nouam, sic se gerere erga noxia animalcula. Nam
 in vna signatur annus 1481. in altera annus 1487. Nisi
 si quis malit fateri, verè in Diœcesi Trecenti fuisse tūc
 rem nouam sic agere aduersus hæc animalcula : illud
 autem, *maiorum vestigiis inherendo*, referat ad ea quæ
 sequuntur ; scilicet ad ea quæ Officialis in negotij
 cōfectione se adhibuisse testatur, pro more iam olim
 recepto quoties occurrunt causæ graues, etiamsi no-
 uæ, nec prius agitatæ. Quicquid verò sit de Trecenti
 Diœcesi, testatur Chassanæus initio Consilij prædicti,
 in Diœcesi Hedueni, antequàm ipse scriberet, (hoc est
 ante annū circiter abhinc 120.) nullā vnquam fuisse
 dubitationem, quin licitè & validè vsuiparetur ex-
 communicatio huiusmodi bestiolarum. Et in variis
 sententiis quas refert latas à Lugdunensi, Matisco-
 nensi & Hedueni Officialibus, disertè asseritur,
 hunc fuisse vsum perantiquum.

Est abusus explodendus.

4. Abusum conuenientiùs dixissem. Est enim ad
 minimum anilis nugacitas, litem intendere bestiolis
 easque admonere, & institutis Aduocatis & Procu-
 ratoribus qui vltro citroque rem agitent, iudicium
 yrgerè. Nec procliuius quicquam est, quàm vt cum

Mira similitudinaria excom. 579

ea anilitate superstitiosus & damnabilis ritus adiungatur. Arbitrari verò, excommunicationem posse in huiusmodi irrationalia intorqueri, mera inscitia est, quod benè monuerunt Ioannes de Lignano tract. de excommun. §. 9. num. 1. Sorus. l. 8. de iust. q. 3. artic. 3. & l. 5. q. 12. artic. 2. Nauar. consil. 52. de sent. excommun. & in summa cap. 27. num. 13. Henric. l. 13. c. 25. num. 1. Sanchez l. 2. in decalog. c. 42. num. 39. qui alios præterea adducunt. Rationem cur id sit omnino explodendum, tetigi cap. 1. huius lucubrationis; quia & subiectum de quo agitur, est incapax priuationum in quibus sita est excommunicatio, & deest essentielle eius motiuum, nempe culpa; nec adest finis intrinsecus ex quo necesse est ferri excommunicationem; nimirum spes emendationis. In ea sententia Officialis Heduenfis Ioannis Bobillerij quam Chassanæus refert, insinuari videtur responsio ad hoc argumentum. Ibi enim dicitur, hæc quidem animalcula secundum se non esse capacia peccati vel virtutis, atque adeò neque excommunicationis & anathematizationis: tamen in ordine ad hominem propter quem facta sunt, capacia esse excommunicationis & anathematizationis. Hinc tamen non enervatur argumentum propositum. Neque enim hæc frugiperdæ bestiolæ, quia propter hominem sunt conditæ, pollent ratione, aut sunt capaces priuationum rationis vsum ac libertatem supponentium, siuntve capaces culpæ aut emendationis: quæ omnia sunt intrinseca veræ & propriæ excommunicationi. Quare extra dubium esto, abusum esse vocabuli, quum hæc bestiolæ dicuntur excommunicari.

Quod autem Ecclesiastici rectores prouidi & be-

nè consulti, aduersus huiusmodi bestiolas homini noxias præstant, est tantum execratio Satanae, plerunque rebus illis abutentis in damnum hominum. Vnde Minister Ecclesiae pro potestate sibi in Satanam concessa, execratus eius malignitatem, urget illum in nomine Domini, ut recedat, desinatque illa animalia mouere in damnum mortalium. Et quia plerunque annuente Deo, non dispar exitij aut secessionis talium animalium effectus sequitur, quam cum homo excommunicatus abscedit, deseritque aliorum hominum commercium; ac etiam quia solemnitas adiurationis, aliquatenus respondet solemnitati quæ inter excommunicandum seruatur: propterea vulgus eo deuenit, ut talem Satanae bruta illa mouentis execrationem & adiurationem, arbitretur esse excommunicationem, eoque nomine illam donet. Passimque eodem etiam nomine insignitur execratio rei inanimæ, seu potius adiuratio Dei, ut dignetur in re inanimata exhibere proportionaliter similem effectum, ei quem excommunicatio propriè dicta efficit in hominem succensente Deo; exitij nimirum & cladis, quod aliquoties fecisse sanctos Dei homines, circa res quoque insensibiles, mox docebo subiectis exemplis. Habetque etiam locum hæc Dei adiuratio, quoad bestiolas quæ excommunicari vulgo dicuntur. Tamen nihil horum est verè excommunicatio; & quod Nauarrus consilio citato rectè ostendit, expungendum plane est nomen *excommunicationis* & *anathematizationis*, ex eo toto negotio; nec usurpandum nisi nomen *adiurationis*, aut *maledictionis* & *execrationis* Satanae abutentis rebus propter nos conditis, in damnum nostrum cum diuina iniuria.

Deus

Deus interdum astipulatus, ut vera excommunicatio timeatur.

§. Quamvis autem hæc ita se habeant, tamen ut dixi initio huius capituli, si tanti vitreum, quanti verum margaritum? Si inquam excommunicatio quæ tantum nomine tenus est excommunicatio, tales ac tantos effectus præstat in damnum rerum in quas vibratur, ut nunc referam, quantos proportionaliter edet vera & propriè dicta excommunicatio? Hos igitur effectus subiectis exemplis illustrare, & inde veræ excommunicationis virulentiam detegere, operæpretium est. Eo quippe referri à Deo videntur, ut dixi initio capituli. Et Nauarrus quidem, consilio illo § 2. n. 12. effectum mirabilem, v. g. subitam secessionem, aut exitium locustarum, ad has execrationes aut adiurationes consequentem, refert ad Satanam tãquam ad causam, id intendentem ut per eos effectus, superstitiosus usus infigatur in dies magis. Et ita fatendum est, cum admiscetur huic negotio superstitio, & offensa numinis. Sed cum ob personarum adiurantium conditionem, nimirum quia sunt sanctæ ac peritæ, cessat superstitionis intermixtæ suspicio, nihilque nisi purum ac nitens intercedit, necesse est fateri, effectum esse diuinum, ad magis & magis suadendum terrorem iustum, verè ac propriè dictæ excommunicationis, ut præmissum est initio capituli. Et in hunc finem ad aliquos tales effectus enumerandos accingimur.

Exempla varia quoad bestiolas.

6. Eiusmodi in primis est, quod Gulielmus Abbas S. Theodorici l. 1. vitæ S. Bernardi c. 12. scribit de Sancto illo viro his verbis. [Venerat aliquando Fufniacum , quæ est Abbatia vna de primis quam ipse ædificauit, in Laudunensi territorio sita. Cùmque noui ibidem Oratorii dedicatio pararetur ; ita illud occupauerat muscarum incredibilis multitudo , ut earum sonitus , improbûsque discursus , grauem nimis introeuntibus molestiam generaret. Nullo igitur occurrente remedio, dixit Sanctus, *excommunico eas*; & mane omnes pariter mortuas inuenerunt. Cùmque pauimentum omne operuissent palis eiicientes eas, ita demum basilicam mundauerunt. Hoc autem tam notum, & tam celebre fuit , ut inter vicinos quoque quorum ad dedicationem maxima multitudo conuenit, muscarum Fufniacarum maledictio, in parabolam verteretur.]

Aquis in Sabaudia , ut certum ex antiqua traditione proditur, S. Hugonem Gratianopolitanum Antistitem . in cuius Diœcesi is locus est , miseratum sortem indigenarum, quos ingens serpentum copia subito enata valdè vexabat; serpentes excommunicasse; & exinde nullum inibi serpentem , quantumuis mordeat, esse veneniferum. Et ut virtus sancti Antistitis esset exploratior, voluit Deus, ut idemmet serpens si extra Aquisensis parœciæ territorium efferatur , & morsum alicui infigat, affundat venenum.

Vastabant anguillæ lacum Lemanicum piscosissimum. Ciuitas Gebennensis, tunc Catholica, interpellauit

lauit. Episcopi auctoritatem, & infestum lacui suo anguillarum genus, percelli excommunicatione curauit. Ab eo tempore, exularunt planè ex eo lacu anguillæ prædictæ. Ita testatur Officialis Lugdunensis in formula sententiæ quam refert Chassanæus, qui etiam genus anguillæ sic ex eo lacu exterminatum, nominat *torquens*. Idem retulerat Chassanæus in argumentis pro parte affirmatiua num. 110. Incidi quoque non ita pridem in tractatum de solubilitate animarum Purgatorij per Pontificem, à F. Ioanne de Marchepallus Ord. Minorum, Geneuæ superiore seculo ubi tunc ipse vrbe adhuc Catholica morabatur, conscriptum & typis editum, in cuius tractatus capite primo, *ad finem*, testatur communissimum tunc fuisse totius Geneuensis ciuitatis consensum, quod intorta per quendam Episcopum, rogatu ciuium excommunicatione in anguillas lacus vastatrices, omnes inde fuissent depulsæ.

7. Prædiues Abbas idemque Dynasta in Saxonia, (vt scribit ex Henr. German. Lazarius s. 1. q. 19. num. 11.) insignem habebat annulum, quem cum ad abluendas manus seposuisset, coruus cicur abripuit, nemine conscio, & in nidum suum asportauit. Abbas de annuli qui pretiosus illi erat iactura sollicitus, post diligentem eius conquisitionem, iubet intorqueri excommunicationem in furem, nisi annulum ablatum intra diem sextum restituat. Eo exacto termino, coruus annuli raptor languore & cibi fastidio correptus, notatus est sensim tabescere. Subueritis ergo quibusdam ne ipse annulum rapuisset, indeque lenta tabe corripereetur, itum est ad nidum eius, ibi repertus est annulus. Confestim autem iussu Abbatis laxata ex-

communicatione, coruus magno cum stupore omnium, veluti reuixit, & ad pristinam incolumitatem reuenit. Hanc narrationem non de quodam Germania Abbate, sed de ipso S. Benedicto refert Iacobus de Grassis illius familiæ alumnus, in decisionibus aureis, tractans subiectum excommunicationis.

Similem planè narrationem, de monedula Archiepiscopi Bisuntini, qui simul erat Episcopus Baiocensis, recitat Petrus de Lenaudiere tract. de Doctoribus 1. p. q. 18. aitque id suo tēpore accidisse in oppido Millerio. Scribebat verò Lenauderus Cadomi, anno 1525. Additque eodem loco narrationem aliam, de excommunicatione à Iudice Ecclesiastico lata in testudines, bruchos, locustas, toti regioni maximè nocentes. Vibrata enim excommunicatione, affirmat subito omnia illa animalia in alias oras migrasse, ibique primum impensè nigrefacta fuisse, postmodum verò computruisse. Vnde exortam dicit teterrimam luem, quæ innumeros mortales fœdè consumpsit.

8. Hispanum quendam Episcopum, scribit Nauar. consil. 52. de sent. excom. num. 7. ex quodam promontorio, interposita excommunicatione mandasse muribus, vt ex ora quadam cui vastitatem inferebant abscedentes, in designatam abs se insulam Oceani desertam & sterilem intra tres horas emigrarent. Moxque immensum murium exercitum, enatando ad illam insulam secessisse. Nauarrus hoc factum damnat superstitionis, censetque Episcopum illum verè intendisse murium excommunicationem. Verùm de Episcopo, quem eo munere dignum pat est credere, omnia alia præsumenda videntur. Itaque non puto illū aliud intendisse, quàm quod voluisse S. Bernardum paulo

paulo ante adductum, par est existimare: nimirum voluit adhibere adiurationem, quam vulgus excommunicationem per abusum nominat, indeque absque vlla superstitione aut labe, manavit effectus propositus.

Similis usus quoad plantas, exemplis illustratus.

Etiā arbores & plantas, huius non nisi nomine tenus excommunicationis, damnum sensisse, produnt historiæ. Exemplum vnum in hanc rem, habetur in S. Volstani Actis apud Surium 19. Ianuar. Sunt etiam qui scribant, furem Vallisoleti, vas argenteum quod surripuerat, in trunco excavato populi proceræ & annosæ abdidisse. Cum autem fur ea ex causa perculsus esset excommunicatione, arbor quoque furti asseruatrix illico exaruit, quasi fulmine icta fuisset. Post aliquod verò tempus vase reperto, & dissolutis excommunicationis nexibus, quibus fur ligatus fuerat, arbor quoque omnibus stupore defixis virori pristino confestim est restituta.

9. Addo & illud ex Chassanæo consilio illo 1. num; 120. de viridario, quod mater Ducis Burgundiæ in cornu filio olei coëmerat. Cum enim à certo tempore quod incolæ notabant omnes viridarij arbores euasissent infrugifera, compertum est, Sacerdotem infensum iuuenibus viridarij fructuum expilatoribus, quod præter iniustum dampnum, rei diuinæ per eam causam decissent, excommunicasse arbores illas, & ut fructibus deinceps carerent, edixisse. Sed mox solutione anathematis, rogatu Ducissæ, adhibita ab eodem Sacerdote, datoque arboribus præcepto, ut

OO § feracitatem

feracitatem pristinam resumerent, ait Chassanæus qui in ea regione scripsit, fertilitatem priorem reuenisse. Hæc ipsa videtur esse narratio, quæ in sententia Officialis Lugdunensis ab eodem Chassanæo recitata refertur, mutatis circumstantiis nonnullis, & suppressio nomine Dominæ, quam viridarium non comparasse pecunia, sed vi abstulisse dicit, indeque factum, ut exacerbatus Sacerdos iniuriam passus, arbores viridarij excommunicaret, & steriles redderet: mox autem restituto ob sterilitatem viridario, redonatas ab eo fuisse fertilitate, interposita arborum absolutione. Hæc viridarij excommunicatio & absolutio, accipienda est in sensu sæpe exposito: nimirum ut excommunicatio tantum fuerit oratio ad Deum pro sterilitate arborum, in pœnam iniuriæ, vel irreligiositatis, cui arborum feracitas occasionem præstiterat. Sicut etiam apud S. Ambrosium l. 3. de virginibus, ranæ in palude, ad iussu Sacerdotis cui sacrificanti obstrepabant, elingues sunt redditæ: Absolutio autem aliud non fuerit, quàm oratio ad Deum, ut sanaret arbores, & pristinæ feracitati restitueret.

10. Rosacea fersa à Ioanne Vicentino Ord. Prædicatorum, insigni salutis animarum curatore, & eximio Thaumaturgo, fuisse excommunicata, Deumque miraculo astipulatum esse voluntati viri Sancti, scribit his verbis Cantiprat. l. 2. Apum. c. 1. num. 8. [Stetit frater Ioannes, & concurrenti ciuitatis populo prædicabat. Vidit autem, & doluit, & vidit quod ferts ex rosis, totus fere circumfidebat populus coronatus. Finito ergo sermone, dixit omnibus: Pudeat membra fidelis populi, rosis aut floribus sub spinato Christi capite coronari, & addidit: *excommunico fersa rosarum.*

Mira similitudinaria excom. 587

rum. Non populum, sed fersa, quibus ille utitur in peccatum. Destitit ergo populus à maiore vsque ad minimum portare fersa : nec fuit aliquis qui ausus fuerit transgredi verba Sancti. Post nonnullos verò dies, nuptiæ celebrabantur in vrbe. Aderat & puer iunior, qui ferrum ex rosis tantùm portabat in manu. Quod vt vidit adolescens quidam superbus & accuratus, rapuit ferrum ex manibus pueri, & contumax posuit super caput. Nec mora, flamma edax ferrum inuasit: & antequam illud adolescens deponere posset, omnes eius capitis crines exussit. Conuersus ergo populus in stuporem, sancti viri verba timere didicit, & in factis eius, Dominum per omnia benedixit.]

Obiter de simili usu quoad inanimata.


Infertur intentum.

11. Iam de rebus inanimatis similitudinaria excommunicatione percussis, & monstrata per eas veræ excommunicationis malignitate, horrendum profectò est, quod in S. Antonini rebus gestis c. 29. proditur. Sed quod ea narratio commodiorem locum habitura sit inferiùs, agendo de causis neglectæ excommunicationis, illuc differatur. Est verò omnino geminum, quod Ferdinandus à Castello 1. p. Dominicanæ histor. l. 2. c. 62. scriptis prodidit, de Consaluo Amarantio eiusdem instituti. Nam panem candidissimum, quoniam carbone terriorem reddidit, intortis in illum deuotionibus; moxque pristino candori restituit, affusione aquæ benedictæ, & interpositu similitudinariæ exsolutionis. Quibus omnibus, vir sanctus, rudein plebem cum qua agebat, ad concipiendum

588 *Pars II. Caput XIII.*


dum veræ excommunicationis horrorem , adducere voluit. Simile quoque est, exemplum in eandem rem à quodam sancto Abbate editum, in pane, coram Comite Tolosano hæretico , vt scribit Chassanæus consilio illo 1. in argumentis pro parte affirmatiua num. 122.

Quod de arbore ad Christi vocem arefacta , obseruauit S. Paulinus epist. ad Desiderium ; nimirum illatum esse innoxie damnum, vt noxius homo sapere disceret , hoc de omnibus proximè recensitis siue brutis, siue plantis, siue rebus inanimatis, æquè dixerim. Voluit enim Deus, in subiecto veræ excommunicationis incapaci , per similitudinariam excommunicationem , cui per merum abusum nomen excommunicationis tributum est, demonstrare, quid in subiecto veræ excommunicationis capaci operetur proportionaliter vera & propriè dicta excommunicatio.



C A P V T XIII.

Sensus Ecclesie de excommunicationis malignitate.

I.  CCLESIA , cuius secundum Deum summa est Christiano auctoritas, tam horrificam, tamque expauescendam pronunciat excommunicationem, vt non possit horribiliorem exhibere. Et præter ea quæ supra sunt adducta cap. 7. de ritibus, in vibranda , & vt loquuntur fulminanda solemni excommunicatione adhiberi solitis , quibus Ecclesia in actu exercito

exercito attestatur malignitati excommunicationis, suppetunt alia, quibus Ecclesia in actu signato docet, quantopere sit extimescenda excommunicatio, quantumque sit eius venenum. Talia multa, prostant in Ecclesiastica vt sic dicam Bibliotheca; hoc est in iure sacro, quod Gratiani decreto, ac summorum religionis Antistitum decretalibus, & rescriptis; Conciliorumve rite comprobatorum oraculis, continetur. Non vendito decretum Gratiani, tanquam ius Ecclesiæ, & ab ea donatum summa autoritate, quod carpere memini in Barnesio tract. de æquiucac. cap. 23. num. 8. fusiúsque redarguunt Naldus in summa v. *liber*, num. 1. & Sanchez l. 9. de Matr. disp. 12. num. 5. meritóque id redarguunt, quia Ecclesia non plus tribuit ponderis locis quæ apud Gratianum leguntur, quàm ferat meritum eius à quo illa deprompsit Gratianus. Tamen quod Ecclesia, decretum à Gratiano compilatum corrigi, & emendatum edi curauerit, ac cum Pontificum rescriptis & decretalibus iungi voluerit, tãquam penum Ecclesiasticis plerisque edictis, & conciliorum ac Pontificum definitionibus probè instructam, passim fideles, Decretum quoque, tanquam iuris Ecclesiastici partem habent. Reuera autem ius sacrum, quod quidem ex se vim iuris habeat, solis Pontificum decretalibus, & Conciliorum oraculis continetur. At vsus receptus eum rigorem molliuit.

*De excommunicationis atrocitate, Ecclesiastica
oracula per Satyram.*

1. In iurē igitur Ecclesiastico ita latè sumpto, ac prout Decretum ac Decretales à Gregorio IX. & Bonifacio

facio VIII. cōgestas, posteriorūque Pōtificū rescripta, Clementinis & extrauagantibus cōprehensa cōplectitur, multa sæpè occurrunt de grauitate excommunicationis, quāque sit Christiano formidandus eius incurfus. Videatur Gratianus 11. q. 3. *per totam*, & 24. q. 1. 2. 3. sparsim. Item titulus de sententia excommunicationis in 5. & 6. Decretalium, ac in Clementinis. Quæ & alia colligere, & huc conferre, superuacaneæ sit operæ. Vermagni tamen refert attendere, quibus nominibus interdum ibi designetur excommunicatio. Interdum ergo dicitur *muero Episcopalis*, cap. *visis*. 16. q. 2. & cap. *quoniam in plerisque*. de offic. ordinar. & cap. *dilecto*. de sent. excommun. in 6. Aliàs vocatur *mors*, vt cap. *per venerabilem*. qui filij sint legitimi. & cap. *Si quis venerit*. de maiorit. & obediē. Aliquando dicitur *pœna grauissima*. Sic cap. *sacro*. de sent. excommun. Nam ibi, ex eo quod tanta pœna infanti inferatur, colligitur grauem omnino culpam admitti à sic inferente. Alibi vocatur *pœna qua non sit maior in Ecclesia*. Ita habetur cap. *corripiantur*. 24. q. 3. ibidēque additur *nihil esse tam formidandum, quam excommunicationem*.

Non habere se ultra quid faciat, agnoscit Ecclesia.

3. Non placet, his & aliis quæ passim in citatis titulis & alibi in iure occurrunt, insistere. Vnum tamen Cælestini tertij pronunciatum præterire non possum, quod in eo sensus Ecclesiæ de excommunicationis malignitate, ipsis Solis radiis scriptus videatur. Rogatus ergo Cælestinus, qua ratione plectendus esset Clericus criminosus, respondet cap. *cum non*

ab


ab homine, de iudic. primùm Clericum criminofum ri-
tè conuictum, deponendum eſſe à Iudice Eccleſia-
ſtico. Quod ſi depositus fiat incorrigibilis, vult eum
excommunicatione & anathemate percelli. Quod ſi
in profundum malorum veniens, Eccleſiaſtica vincu-
la contempſerit, & de intorta excommunicatione nō
curauerit, ait Cæleſtinus, *tunc Eccleſiam non habere vl-
tra quid faciat.* Id eſt nihil in eū durius ſtatuerè poteſt
Eccleſia, quantumvis ei ob ſcelus & contumaciam
ſuccenſeat; ſed exhausta pharetra non habet alia ſpi-
cula acutiora quibus iram ſuam in noxium, & eius
impietatem, teſtetur. Hoc verbum, me admiratione &
propè ſtupore defixum tenet. An non enim ſuperſunt
Eccleſiæ ſupplicia acerbiffima, quæ irrogare iuſtè poſ-
ſit, iis qui contumaciter hærent in atrocibus crimini-
bus? Nonne ad temporarium aut perpetuum carce-
rem aliquos addicit? Ita planè habet cap. *excommuni-
camus.* 1. de hæret. & c. *quamvis.* de pœnitentia in 6.
Nonne infligi verbera & plagas poteſt decernere, vt
factum videmus cap. fin. diſt. 35. & cap. 1. *de calum.*
Nunquid interdum ſeruituti mancipat impios? Patet
ex cap. *cum multa.* 15. q. 8. & cap. *eos.* diſt. 32. Nonne S.
Auguſtinus epiſt. 48. & 50. & 2. retract. c. 5. aliifque lo-
cis quæ ſignat Torrenſis in Confefſ. Aug. l. 1. c. 13.
agnofcit in Eccleſia poteſtatem hæreticos mulctandi
ſupremo ſupplicio; id quod latè confirmant Roſſenſ.
artic. 33. Conradus Brunus l. 3. de hæret. cap. 3. Caſtro
l. 2. de iuſta hæret. punit c. 3. & 4. ac 12. & 13. Couart.
2. var. c. 10. Bellarm. l. de laicis c. 21. & 22. Coccius t. 1.
lib. 7. artic. 23. Maucler de Monarchia p. 3. l. 3. c. 9. 10.
& 11. Panellius l. de diuerſis religionibus non admit-
tendis, præfertim à c. 16. Malderus 2. 2. q. 11. artic. 3.
membro

membro 1. Maldon. Matth. 13. n. 26. ad illud, & *fructum fecisset*. Rosued. dissert. de fide hæreticis seruanda c. 10. pag. 101. vbi plenè de constituto iam olim contumacibus hæreticis viuicomburio. Hæc si ita se habent, quomodo potuit affirmare Cælestinus, nihil durius Ecclesiæ superesse, quod decernere possit in eum quem excommunicatione perculerit? Neque hoc Cælestinus ex suo priuato sensu protulit; sed vt publicus & authenticus interpret sensus Ecclesiæ. Nimirum agnoscebat Cælestinus, excommunicationis nexus ad animam ipsam peruadere; nec vllas esse pœnas nostrates, quæ cum excommunicatione, de acerbitate & damno possint contendere.

*Vult excommunicationem esse remedium
extremum.*


4. Non est etiam tenue argumentum sensus Ecclesiæ de excommunicationis malignitate, quod vt inferiùs demonstrabitur, multoties edixerit, ne ad excommunicationem veniatur, nisi in extrema veluti necessitate, cum cætera remedia visa fuerint desperanda. Item quod præcipientes Præsules, & iniuste hunc gladium exserentes, velit mulctari à superioribus; vt pœna decente, discant Iudices, quàm graue sit, excommunicationum sententias sine maturitate debita fulminare. Verba sunt Innocentij I V. in Cõcilio Lugdunensi, & refertur cap. *cum medicinalis*. de sent. excommun. in 6. Nimirum cum excommunicatio sit penetrabilior omni gladio ancipiti, & ad animæ quoque compages permeet, meritò indicitur, vt lentè, & cum debita attentione exeratur. Ad hæc, inde colligi potest Eccle-
siam

nam habere excommunicationem pro pœna grauissima, quod vt obseruant graues DD. mentis Ecclesiæ non est, vt quisquam habeatur excommunicatus, nisi in iure sit sufficienter expressum; vel per sententiam clarè intimatum, vt qui hoc illudve admisit, feriat excommunicatione; aded vt certò & perspicuè constet, personam qua de agitur, esse excommunicatione irretitam. Alioqui enim non est mens Ecclesiæ, vt ea persona censeatur incurrisse tam grauem pœnam, quod rectè notauit Molina tract. 3. de iust. disp. 67. n. 7. qui addit, (id quod etiam latissimè versat & minutissimè concidit Sanchez l. 1. in decal. c. 10. à n. 50.) in dubio an actio quam quis elicit, sit illa ipsa quam Ecclesia interposito excommunicationis decreto vetuit, quamuis vt consulatur saluti animæ, eligenda sit pars tutior, debeátque qui sic operatus est, se gerere pro excommunicato, tamen re ipsa in foro externo, non posse verè pronuciari excommunicatum; vel ei pœnæ subiici aut inhabilitati, (v.g. irregularitatis) cui subiiciuntur qui contracta excommunicatione aliud aliquid operantur. Quæ omnia produnt sensum Ecclesiæ, de summa excommunicationis atrocitate, cui neminem vult subiicere, nisi de edicto tantam pœnam inferente, & in factum aliquod verè cadente, planè constet.



CAPVT XIV.

SS. Patrum de extimescenda excommunicatione testimonia.

I.  VOD à Leontio Byzantino l.r. contra Nestorium & Eutychetè, in præmio allegationis SS. Patrum, egregiè dictum est, nimirum SS. Patres esse *admirabiles Spiritus sancti Consiliarios*, & idcirco secundùm scripturas Canonicas permagni esse facienda eorum iudicia, habet hîc appositissimè locum. Nec minus commodè aptare huc liceat, illud Petri Damiani Opusc. 16. c. 3. [Non mihi (excommunicationis horrorem incutere tentanti) Dialectica syllogismorum suorum circulos offerat; non Rhetorica lepidos delinificæ suadelæ colores infundat; non aliqua sæcularis sapientia, phalerata mihi suæ vrbauitatis lenocinia suggerat. Sola se, & nuda proferat auctoritas Patrum, in quorum pectore omnipotens Deus velut in tribunali solio præsidens, sanctionis suæ voluit promulgare decretum; quatenus qui configerentitur, non iam cauillantium verborum commentis, sed ipso potiùs veritatis oraculo superari videatur, & vt omne tergiuersationis vndique occludatur aufugium, ipsos contra se in mouendi lite sentiat oratores, quos vniuersus orbis habet & iudices.] Quare post diuina testimonia in rem nostram, & suffragium Ecclesiæ quæ Dei ipsius cortyna est, de quibus hactenus; ad ea progredimur, quæ
inspirante

inspirante Spiritu sancto locuti sunt sancti Dei homines.

2. Clemens Romanus 2. Constit. c. 47. [Qui iuste à vobis punitus est, & excommunicatus, idem à vita immortalis & gloria reiectus est, & apud iustos & pios homines inhonoratus, & inglorius, & apud eundem Deum damnatus.] Frequentissime in eodem Opere, quantus esse fidei homini debeat, excommunicationis horror, vel insinuat, vel traditur.

S. Irenæus quantopere excommunicationem horruerit, quàm tardè ac lentè ad eam veniendum censuerit, testatum fecit ea postulatione, quam exhibuit Victori Papæ, excommunicationem Asianis intentanti, quod causati vsum contrarium maiorum suorum, ipsiusque etiam B. Ioannis Apostoli, obfirmarentur in sententia de festo Paschatis celebrando Luna 14. in quemcumque tandem incideret diem: cum Victor Papa, & celeberrimi quique eo ævo Præsules, contrarium traderent, & dici Dominicæ, festum Paschatis alligatum vellent. S. enim Irenæus, & permulti ea ætate Præsules, quamvis Victoris decretum per omnia probabant, tamen supplices illi facti sunt, ad exorandam excommunicationis vel omissionem, vel comperendinationem; & ut Victorem flecterët, omni humilitate ac sollicitudine sunt connisi. Nominatimque S. Irenæum id magnoperè ab eo flagitasse, tradit Eusebius 5. histor. c. 24. *ad finem*. Imo Rufini versio, seu veriùs Eusebianæ historiæ interpolatio, habet S. Irenæum ea ex causa obiurgasse Victorē. Quod abhorrere à mente Eusebij, demonstraui-
mus in SS. Lugdunensium Indiculo, cum de S. Irenæo. Si tamen eam mentis ac textus Eusebij interpola-

lationem admitteremus, quam Nouatores, & nonnulli personati Catholici Pontificiæ maiestatis hostes, summopere adamant, nihilominus haberemus quod hîc intendimus: nempe S. Irenæum summopere exhorruisse excommunicationem, cùm etiam metu eius, genti suæ à Victore impendentis, referatur in ipsum Victorem excãduisse, iuxta eam Eusebij interpretationem. Non enim ob leue damnum genti suæ intentatum, Episcopus inter Celtas agens, Episcopo Episcoporum obstrepere, vel etiam capitiluium adhibere, ausus fuisset.

3. Urbanus I. in decretali Epistola num. 4. sic loquitur. [Sedes in Episcoporum Ecclesiis excelsæ constitutæ & præparatæ inueniuntur, vt thronus speculationem, & potestatem iudicandi, & soluendi, atque ligandi, à Domino sibi datam materiam doceat. Vnde ipse Saluator in Euangelio ait, *quacumque ligaueritis super terram, erunt ligata & in cælo*. Et alibi. *Accipite Spiritum sanctum. Quorum remiseritis peccata, remittuntur eis, & quorum retinueritis, retenta sunt*. Ideò ista prætulimus carissimi, vt intelligatis potestatem Episcoporum vestrorum, in eisque Deum venerimini, & eos vt animas vestras diligatis, & quibus illi nõ communicant, non communicetis; & quod eiecerint, non recipiatis. Valde enim timenda est sententia Episcopi, licet iniuste liger aliquem. Quod tamen summopere providere debet.]

Eusebius apud Damascenum 3. Parall. c. 45. [Ei qui Christi gregem in fidem suscepit, danda opera est, vt lenem se præbeat, ac diligenter & studiosè primùm inquirat: ac si quem peccasse compererit, non confestim eum ab Ecclesia expellat: ne arreptum eum Diabolus

bolus sibi asciscat. Nam cum quispiam ab Ecclesia eiicitur, statim eum Satanas assumit, nec prius ab eo abscedit, quam presbyter eum susceperit. Cum enim à Christianorum finibus homo proscriptus & exterminatus est, quamdiu seiunctus manet, tamdiu in Gentilium albo censetur. Quocirca priuatim eum nactus, increpa, obsecra, admone, non semel dum taxat, sed iterum ac tertio.]

4. *Os Christi Ecclesie columna, Magnus Pater,* (ita S. Basilium nominat Hefychius centur. 1. cap. 65.) agens de Lysie Præsides ob impietatem excommunicato, sic habet epist. 47. [Illum quidem flagella manet apud iustum iudicem, ad eandem mensuram commensurata, iuxta quam ipse iam antea sanctos ipsius adfligere præsumpsit. Innotuit autem & Ecclesie nostræ ex literis pietatis tuæ, atque auersandum & execrabilem illum arbitrabuntur omnes, ita ut nec ignis, nec aqua, nec recti communionem cum illo sint habituri.] Et mox. [Quod si verò non statim illum istæ reprehensiones, quemadmodum & Pharaonem permouebunt, attamen postremum, aliquando & grauem illi ac tristem retributionem afferet.] Hoc est sententia excommunicationis quam euulgandam variis locis, dixerat postremo loco.

5. Gregorius Nyssenus, Basilij sanctitate ac eruditione, æquè ac carne germanus, orat. in ægrè ferentes reprehensiones *sub medium*, egregiè planè in hanc rem differit, his præter cætera. [Nihil falsi, aut mendacij scriptum est in Euangelis: neque Christi prædictio, aberrantem & incertum habet euentum. Per Petrum dedit Episcopis clauis bonorum cœlestium. Agnosce quod si solutus fueris, es solutus: & ligatus,

constringeris vinculis, quæ non cadunt sub aspectum. Si haberes oculos apud animæ essentiam, ostendissem tibi segregato figuram & habitum condemnati, cuius collum premitur grauissimis vinculis, & nullum habet membrum liberum, aut solutum. Et vtinam intra huius vitæ terminos, circumscriberetur supplicium. Nunc autem si quid humanitùs contigerit, & mors repente, tanquam fur nocte, aduenerit, scias tibi esse clausa quæ illic sunt. Sunt diligentes & non ludentes ianitores regni. Vident animam ferentem signa segregationis, non secus atque quempiam qui sordida & implexa coma, arguit carcerem. Eam itaque eiciunt à via quæ tendit ad ea quæ sunt bona & pulchra: nec concedent vt videat ordines iustorum, & Angelicam lætitiā. Misera autem tunc sæpè conquerens de suo malo consilio, flensque, lugens, & eiulans, perpetuò erit in tetro aliquo & inæsto loco abiecta, tanquam in angulo, qui nunquam desinet, & nullam admittet consolationem, luctam extendens in æternum. *Nolite, inquit, esse sicut equus & mulus quibus non est intellectus. In camino & fræno maxillas eorum constringes.*] Non est sensus Nysseni, notas excommunicationis inuitas physicè hære in anima, esseque veluti characterem in baptismo & aliis quibusdam Sacramentis impressum, per quem dignoscatur qui excommunicatione ictus fuit. Id enim falsum esse, per se liquet. *Signa ergo segregationis* animam non exsolutam afficientia, intelligit effectus excommunicationis, eamque nuditatem spiritualem quam inferunt tot priuationes, è quibus excommunicatio integratur.

S. Ambrosius in Psal. 40. tractans locum ex Lucæ

Suffragium SS. Patrum. 599

10. [*Omnis* (inquit) *qui super hunc lapidem ceciderit, conquassabitur: supra quem ceciderit autem, emundabit eum. Alij habent, ventilabit eum. Alij, comminuet. Qui enim ventilat frugem, mundat à paleis: qui comminuit aliquid, in pulverem redigit, ut mollitia pulveris, vel poculo salubri, vel reliquo medicinæ vsui, sine vlla perturbatione proficiat. Vnde colligimus, cauendum, ne quis semel per baptismum susceptus à Christo, ex eius decadat corpore, hoc est excutiat ab Ecclesia ipsa. Est enim mortis ruina perpetuæ.]*

6. S. Ioannes Chrysostomus homil. 4. in ad Hebræos, agens contra præficas, & eas in mortuorum funere adhibentibus excommunicationem intentans, sic confirmat excommunicationem esse admodum pauendam prolatis Christi verbis Matth. 10. & 18. [Ignoscite & nemo vincula contemnat Ecclesiastica. Non est enim homo qui ligat, sed Christus, qui nobis dedit hanc ligandi potestatem, & efficit ut homines in sua potestate habeant tantum honorem. Nam nos quidem uti volumus potestate ad soluendum. Imò verò vellemus, nec hoc quidem nobis esse necesse. Nullum enim volumus esse apud nos vinctum. Non adeò sumus infelices & miseri, etiam si sumus planè nihili; sed si necesse habuerimus, ignoscite. Non enim lubentes nec volentes, sed magis quàm vos vincti dolentes, vincula iniicimus. Si quis autem ea contemnat, adueniet tēpus iudicii quod ipsum doceat. Quod restat, nolo dicere, ne vestram mentem feriam. Nam nos quidem primùm non optamus, ut necesse habeamus: sed si necesse fuerit, nostrum munus implemus, vincula iniicimus. Si quis autem ea perfregerit, ego quod meum est feci, & sum de cætero nulli cul-

600 Pars II. Caput XIV.

pæ affinis. De eo autem erit tibi disceptandum, cum eo qui mihi iussit ligare. Namque si Rege præsidente, ex adstantibus satellitibus iussus sit quispiam vincere aliquem ex cohorte, & ei vincula iniicere, ille autem non solum cum repulerit, sed etiam vincula contriuerit, estne satelles qui affectus est contumelia, non autem multo magis Rex qui iussit?]

Idem homil. 4. in epistol. ad Rom. excommunicationem ait esse inter Christianos loco lapidationis, vstionis, truncationis membrorum, quæ usurpabantur in lege veteri. Rursus homil. 5. in 2. ad Thessalon. in morali, præfatus quanta gratia sit frui protectione diuina in Ecclesia, subdit. [Ne ergo gratiam abigamus, *Subducite vos* (inquit) *ab omni fratre inordinate ambulante.* Hoc tunc magnum erat, à pleno cœtu fratrum esse auulsos. Hoc quidem certè, pœnas sumit de omnibus. Sicut etiam alibi ad Corinthios scribens dicebat, *Cum huiusmodi, ne conuesci quidem iubet.* Sed non hoc magnum nunc plerique existimant: sed sunt omnia confusa & corrupta, cum adulteris, cum scortatoribus, cum auaris temerè & sine discrimine commiscemur. Si ab eo qui otiosè alebatur se subducere oportebat, quanto magis ab aliis? Et ut discas quàm sit terribile, separari à conuentu fratrum, & quantùm lucrum afferat iis qui benignè & beneuolè suscipiunt reprehensionem, audi quomodo ille qui peccato erat inflatus, qui ad extremum vitiū erat prouectus, qui talē admisit fornicationem, qualis nec inter gentes nominatur, qui vulnus suum non sentiebat, hæc enim est summa peruersitas; iste, inquam, qui talis erat, ita fuit inflexus, reductus, & compositus, ut diceret Paulus, *Sufficit illi qui est eiusmodi, increpatio hac qua fit à pluribus: quamob-*
rem

rem confirmate in ipsum, charitatem. Tunc enim ita erat, ut membrum à reliquo corpore auulsum. Causa autem, & vndenam erat hoc tunc terribile? Quoniam esse cum eis tunc magnum bonum existimabatur. Quomodo enim qui vnam domum habitant, & sunt in vnius patris potestate, & vnius mensæ sunt participes, ita tunc habitabant in vnaquaque Ecclesia. A tanta ergo excidisse charitate, quantum erat malum? Nunc autem nihil videtur esse magnum, propterea quod nec magnum quidpiam esse existimatur, quando simul inter nos fuerimus coniuncti, sicut tunc erat instar supplicij: hoc autè vsuuenit, propterea quod valde refrixerit charitas: & hoc nunc fit absque supplicio, & temerè alter ab altero separatur, idque præ algore charitatis. Malorù enim omniù causa est, quod non sit charitas. Hoc omnia Ecclesiæ bona, honesta ac præclara, propter quæ exultare oporteret, destruxit & deleuit.

7. Tandem l. de S. Babyla, post fusè descriptam Imperatoris excommunicationem per S. Babylam, sic concludit. [Babylas iniurium Imperatorem, quatenus Sacerdoti fas est, puniuit; principum altos spiritus compressit, diuinis legibus dum violarentur, opem tulit; supplicium pro iniuste occiso exegit, suppliciorum omnium grauissimum, iis quidem certè qui mente sana sunt. Meministis quidem omnino, quum de cæde ipsa verba facerem, quemadmodum vestrum qui audiebatis vnusquisque, intra se afficeretur, atque inflammaretur, percussorémque ipsum in manum capere desideraret, neque non precaretur alicunde apparere, qui eadem vlcisceretur. Hoc ipsum igitur Beatus ille præstitit; pœnam enim sumpsit, tunc se dignam, tum idoneam quæ illū conuerteret, si modò stupidus

admodum non fuisset: nequaquam, postulando, ne sibi ad solis radios calefcenti abscederet Rex, neu à sole obstaret, quin potius impudenter in templi septa ingredientem, atque omnia confundentem, quasi canem quendam, aut seruum improbum, à Domini sui aula excludendo.] En quomodo omnium grauissimum supplicium pronunciat excommunicacionem.

7. S. Hieronymus epistol. 1. quæ est ad Heliodorum num. 30. [Absit vt de his quidquam sinistrum loquat, qui Apostolico gradui succedentes, Christi corpus sacro ore conficiunt. Per quos & nos Christiani sumus; qui clauces regni cælorum habentes, quodammodo ante iudicij diem iudicant; qui sponsam Domini sobria castitate conseruant] &c. [Mihi ante Presbyterum, sedere non licet: illi, si peccauero, licet tradere me Satanæ in interitû carnis, vt spiritus saluus sit in die Domini I E S V. Et in veteri quidem lege, quicumque Sacerdotibus non obtemperasset, aut extra castra positus, lapidabatur à populo, aut gladio ceruice subiecta, contemptum expiabat cruore. Nunc verò inobediens spiritali mucrone truncatur; aut eiectus de Ecclesia, rabido dæmonum ore discerpitur.] Presbyterum pro frequenti apud Hieronymum vsu, intelligere hoc loco oportet Episcopum, quod multis è Hieronymo aduocatis locis confirmat Franciscus à Messana in explicatione difficilium Hieronymi locorum, v. *Episcopus*, pericope 2. post D. Thomam opusc. 18. c. 23. Penes Episcopos enim est ius gladij Ecclesiastici exserendi, nec id aliis nisi ex Episcoporum concessione tribuitur. Euincitur autem ex proposito S. Hieronymi loco quàm hallucinentur, qui censent de S. Hiero

Hieronimi sententia, excommunicationem non esse sententiam pro potestate latam, sed meram declarationem status in quo peccator versatur post patratum scelus, quod abesse à Hieronimi mente hic locus docet, & fusè prosequuntur idem à Messana v. *Sacerdos*, & Velosillus in aduertentiis ad Tomum 6. quæsito 4. Cæterum in Epistola Anteri Papæ, verbatim leguntur, quæ de excommunicationis malignitate, ex Hieronymo retulimus postremo loco.

8. S. Augustinus l. 1. contra aduers. legis & Prophet. c. 17. [Ignoscendi misericors mansuetudo, propter quam dictum est nō solum septies, verum etiam septuagies septies fratri remittenda esse peccata, non ad hoc valet, vt sit iniquitas impunita, aut torpens, & dormiens disciplina, quod potius obsit, quam diligēs, vigilāsq; vindicta. Clauēs quippe regni cælorum, sic dedit Christus Ecclesiæ, vt nō solum diceret, *Quæ solueritis super terram, erunt soluta & in cælis*. Vbi apertissimè bonum, non malum pro malo reddit Ecclesia: verum, & adiungeret, *Quæ ligaueritis in terra, erunt ligata & in cælo*, quia bona est & vindicandi iustitia: illud enim quod ait, *si hæc Ecclesiam audierit, sit tibi tanquam Ethnicus & publicanus*: grauius est, quam si gladio feriretur, si flammis absumeretur, si feris subriggeretur. Nam ibi quoque subiunxit: *Amen dico vobis, quæ ligaueritis super terram, erunt ligata & in cælis*, vt intelligeretur quanto grauius sit punitus, qui velut relictus est impunitus.]

Et sermone 20. ex 40. nouis. [Quod est spiritus noster, id est anima nostra ad membra nostra; hoc est Spiritus sanctus ad membra Christi, ad corpus Christi quod est Ecclesia. Ideò Apostolus cum corpus vnum nomi

604 *Pars II. Caput XIV.*

nominasset, ne intelligeremus mortuum corpus. Vnum inquit corpus. Sed rogo te, viuit hoc corpus? Viuit. Vnde? De vno spiritu. Attendite ergo fratres in nostro corpore, & dolete eos qui de Ecclesia præcidentur in membris nostris. Quâdiu viuimus, cum sani sumus, implēt omnia membra officia sua. Si vnum membrum dolet alicūde, compatiuntur omnia membra. Tamen quia in corpore est, dolere potest, expirare non potest. Quid est enim expirare, nisi spiritum amittere? Iam verò si membrum præcidatur de corpore, nunquid sequitur spiritus? & tamen membrum agnoscitur. Quid est? digitus est, manus est, brachium est, auris est. Præter corpus, habet formam, sed non habet vitam. Sic & homo ab Ecclesia separatus. Queris ab illo sacramentum, inuenis; quæris baptismum, inuenis; quæris symbolum, inuenis. Forma es, quisquis es; nisi intus spiritu vegeteris, frustra foris de forma gloriaris.] Hunc & similia S. Augustini loca, ad excommunicatos pertinere, agnoscit S. Gregorius ad Psalmum 4. pœnitentialem, circa versum 1.

9. Leo Magnus epistol. 89. c. 7. *ad finem*, castigans eos, qui pro rebus nihili, præcipientes infligebāt excommunicationem, expostulat, [animam pro qua Christus mortuus est, irrogatione tam sæui supplicij sauciātam, & inermem quodammodò exutāque omnimunimine, diabolicis incurfibus, vt faciliè caperetur, obiectam.]

S. Faustus ex Lerinensi Abbate Episcopus Rhegiensis, ea homilia quam adhuc Abbas ad Monachos habuit, (est tertia inter homilias Eusebij Gallicani, siue Eucherij ad Monachos,) sic pronunciat de atrocitate excommunicationis. [Illis ipsis qui grauius apud
nos

nos delinquant, nullam tristiore, nullam acerbiorē possumus inuenire sententiam, quā ut à corpore congregationis abscissi, sine pace discedant.]

10. S. Ioannes Eleemosynarius Patriarcha Alexandrinus, ut eius Acta habent, duos Clericos qui se inuicem percusserant, excommunicauit. Eorum vnus, munere Lector, non illibenter occasione vsus, ne cogeretur Ecclesiæ ministrare, perstitit in excommunicatione. Miseratus infælicissimam miseri sortem S. Antistes, inflexit animum suum: & ex altari ad quod solemniter sacro operaturus peruenerat, specie necessitatis corporeæ digrediens, reum illum per viginti hebdomadarios conquisitum, ubi ad eum est adductus, insigni humilitate flexit, & ad agnoscendam statum sui miseriam, ac excommunicationis exsolutionem accipiendam, disposuit. Ille veritus si perstaret in sententia, demittendum è cælo fulmen in caput suum, acquieuit, & ab excommunicatione solutus, sanctè vitam deinceps egit, promotus postea in Presbyterum.

Ex Antiocho homil. 122. insignem in hanc rem locum, dabo inferiùs, agens de lenta & non præcipiti excommunicationis vibratione.

11. Nicolaus I. Epistola ad Michaëlem Imperatorem anathemata Romana despuentem, (est nonā inter eius epistolas) sic scribit allegato S. Gregorio. [Anathematis obligamēta quibus persecutores Ignatii comministri nostri, (Phorium videlicet) qui post depositionem minùs multa de ministerio sacro contingere iuxta præcedentem consuetudinem ausus est, & fautores eius regulariter irretiuit contemnis, & quasi minùs Christianus temerè paruipendis, Quod quantum

quantum sit à pio intellectu remouendum, & à fidelium cordibus execrandum, eximius Præsul nostræ sedis moribus, & nomine Gregorius ostendit, cum de hoc scriberet dicens. Si sunt qui certissimè talia sentiunt, vel tenent, quia Christiani non sunt, dubium non est, eosque & ego, & omnes Catholici Episcopi, atque vniuersa Ecclesia anathematizamus, quia veritati contraria sentiunt, cōtraria loquuntur.] Et rursus: [Ipsi (inquit) sibi testes sunt, quia Christiani non sunt, quia ligamenta sanctæ Ecclesiæ vanissimè æstimant conatibus soluere, & per hoc nec absolutionem sanctæ Ecclesiæ quam præstat fidelibus, veram putant, si ligaturas eius valere non æstimant. Contra quos diutius disputandum non est, quia despiciendi per omnia, & anathematizandi sunt, vt vnde veritatem fallere se credunt, inde in peccatis suis veraciter ligentur.] Locus S. Gregorij quem adducit, petitus est ex l. 9. registri epistol. 49.

12. S. Bernardus tract. de gradibus humilitatis *in fine*. [Absit à nobis (inquit agens de huiusmodi hominibus) vt etiam pro talibus etsi palam non præsumimus, vel in cordibus nostris orare cessemus, cum Paulus eos quoque lugeret, quos sine pœnitentia mortuos sciret. Etsi enim à communibus orationibus ipsi se excludunt, sed ab affectibus omnino non possunt. Viderint tamen in quanto periculo sunt, pro quibus Ecclesia palam orare non audet, quæ fidenter etiam pro Iudæis, pro hæreticis, pro Gentilibus, orat. Cum enim in parasceue nominatim oretur pro quibuslibet malis, nulla tamen fit mentio de excommunicatis.]

Hæc in rem nostram, (vt Cæsarij verba dialog. 1. vsurpem)

vſurpem) [clarorum beatorumque Patrum prata peragrans, de illorum roſeto collegi. Quorum roſæ, aqua è latere Dei ac Verbi qui carnem aſſumpſit manante, rigantur; & à iugi ſanguinis indidem orti riuo, rubro colore tinguntur, totumque mundum ſuaui odoris fragrantia replent. Qui & ſplendore ſuo firmamenti luminaria vincunt, & vitæ ſermonem continent. Quorum ellychnium nunquam decedit, & lucerna non comminuitur, & oleum non abſumitur, & lampas non quaſſatur, & flamma non extinguitur. Nam crucem geſtant pro virga, Euangelia pro pera, charitatem pro pede ac fiſtula, quibus omnibus Chriſti gregem rationis participem paſcunt.]

C A P V T X V.

De Excommunicationis virulentia, Iuriſperitorum & Theologorum iudicium.

I. **S**ECUNDVM SS. Patres, magnæ apud fideles autoritatis eſt ſenſus Doctorum, ad quem proinde veniendum eſt. Non ſunt autem alij in hoc negotio Doctores exquirendi, quàm qui tractant ſacros Canones, aut Theologiam: quod vtrique, ex diuerſis licet principiis, de excommunicatione diſſerant, ceteri non item. Nam quæ interdum Iuris Ciuilis Doctores de excommunicatione tradunt, non quatenus Iuris Ciuilis profeſſores proponunt, ſed quatenus iidem iuris vtriuſque peritiâ profitentes, in argumento Iuris Ciuilis proprio verſantes, excu-
runt.

608 *Pars II. Caput XV.*

runt per occasionem ad materiam alterius subsellij. Et si verò parum refert, Theologine, an Iurisperiti referantur priore loco : nec in controuersia de præcellentia Doctorum Iuris Pontificij ac Theologorum, velim alterutri parti præiudicare ; tamen Iurisperitos referam priore loco, saluis semper Theologorum iuribus, quibus nihil idcirco decessurum per hanc collocationem, inde monstrari potest cum Philone in Cosmopœia, quod aurigarû sedes sit postrema ; & rector naus qui in posterioribus ac extremis partibus locatur ; anteriora occupantibus, non concedat de præstantia: quippe cuius in manu, (inquit Philo) naus ipsius sarcinarumque salus sit posita.

Excuitur dictum quorundam Iurisp. quod excommunicatio non sit pœna.

2. Facto igitur à Iurisperitis initio, fuerunt inter eos nonnulli, qui minùs feruisse videantur ingenerando excommunicationis horrore, cum negent excommunicationem pœnam esse, eo quod sit medicina. Ita refert Gerſo lect. 4. de vita spirit. corol. 12. *initio*, qui addit. [At verò si excommunicatio non est pœna, quid aliud pœnam appellabimus? Nescio verè. Non solum pœna est, sed damnosissima pœna.] Subdit quàm inanis sit ratio, qua Iuristæ ad id affirmandum sunt adducti. Non enim vis medica tollit excommunicationi rationem pœnæ. Omnis quippe pœna, saltem quæ non exterminat noxium, habet rationem medicinæ, vt Gerſo ibi benè admonet, & Simancas in Cathol. instit. titulo 27. num. 3. Platonem & S. Chrysostomum in eam rem iam protulimus cap. 5.

Quare

Quare meritò Panormit. cum aliàs, ob rationem prædictam, negasset excommunicationem esse pœnam, contrarium postea docuit, nec vno in loco, vt obseruat Sayrus l. 4. thesau. c. 17. num. 16. Alij Iuristæ ideirco negarunt excommunicationem esse pœnam, quod liberum sit homini, resipiscendo & satisfaciendo, curare vt expediatur ab eius nexibus. Ita additio ad singul. 130. Mathesilani num. 16. Sed neque hæc ratio est idonea. Non enim si quis trudatur in carcerem, ob moram culpabilem in dissoluendo debito quod potuit potestque dissoluere, negare reuera licebit, carcerem illi pœnâ esse. Quare ratum esto, excommunicationem verè esse pœnam, & quidè damnosissimam, quod passim agnoscunt Iurisperiti, demptis illis perpaucis, fortassis non nisi de vocabulo litigantibus, quos memoravi. Optimè id tradit Guliel. Benedictus repet. ad cap. *Raynutius*. de Testam. §. *mortuo testatore*, num. 281. & seqq. Multi in hanc rem fusi sunt, ad titulum de sent. excommun. & variis locis quæ signavit Chassanæus consil. 1. argumèto 2. pro parte negativa num. 17. Videndus item Couarr. in cap. *alma mater*. p. 1. in initio, num. 9. Ac ne infiniti esse cogamur, pauca quæ nonnulli ex Iuris Doctoribus, luculentius ferèque extra locum dixerint, libaliter contenti, plura coaceruare consulto abstinēbimus. Constipauit varia in hoc genere ex variis, Petrus Lenauderius tract. de Doctoribus, p. 1. q. 18. cum quærit, an Doctoratus titulus, possit excommunicato conferri. Respondet enim cum Bartolo in 1. Const. Cod. non posse, idque negat debere mirum videri, cum apud Doctores Iuris, tantopere sordeat ac fœteat excommunicatio.

Contrarium ex pluribus Iuris DD. astringitur.

3. In primis ergo, excommunicatus apud Iurisperitos habetur infamis, vt videre licet in Glossa ad cap. *infam.* 6. q. 1. & ad l. 1. quo temp. mil. inuest. per. deb. Idem disertè habet Baldus, què allegat & sequitur Ludou. Rom. singul. 682. Nec vacillat, aut se ex parte retrahat singul. 689. cum ait excommunicatum ex causa famosa, infamem esse, id quod etiam habent Innocentius & Archidiaconus, quos ibi adducit Romanus. Verùm ipsemet ibidem, explicat se nomine *causæ famosæ*, intelligere omnem iustam causam veræ excommunicationis. Atque adeò hoc dictum in speciem restrictum, non aliud fert, quàm quod priùs illimitatè & vniuersaliter dixerat.

Adhæc, excommunicatus apud Iuristas, confertur hæretico. Ita Glossa ad c. fin. de pœn. & Panorm. in c. 2. de iudic. Equiparatur etiam infideli, iuxta Baldum addit. ad speculat. tit. de spons. Interdum vocatur membrum Diaboli. Sic Glossa cap. *dilectis*. de appell. & in cap. *audi denique*. 11. q. 3. Eodem pertinet, quod Glossa, Hostiens. ac Panorm. in cap. *ita quorundam*. de Iudæis, aiunt diabolum esse sicut agasonem excommunicati: nec aliter eum circumagere, quàm rusticus circumagat iumentum suum. Idem Panorm. in rubr. de sent. excommun. num. 4. pro comperto statuit, Diabolum post excommunicationem longè plus posse in excommunicatum, quàm posset ante excommunicationem: citatque textum cum glossa cap. *audi*. 11. q. 3. Ibi enim glossa, adhibet eam comparisonem de pecore aut iumento Satanz. Iuuatque etiam ad eam mentem

mentem cap. *miramur*. §. his autoritatibus. *in fine*. 24. q. 1. Existimarim eodem pertinere, quod dixerunt Paulus de Castro & Iason ad l. *si quis id quod*. ff. de iurif. om. iud. nimirum excommunicatum ritè conferri cum aue, quæ fœdè lacerata sit vnguibus accipitris, aut etiam quæ à valentiore hoste peius sit deformata. Hæc enim non possunt accipi secundum corticem verborum, ac proinde accipienda sunt de accipitre Tartareo, & mala bestia mystica.

4. Vulgatissima est in Iuristarum scriptis, comparatio excommunicati cum mortuo. Adhibuit eam Innoc. in c. *grauē*. de sent. excommun. & subscribunt communiter DD. ad cap. *per venerabilem*. qui filij sint legitimi, quo capite excommunicatio dicitur *mors*. Inde verò infert Simon Maiolus l. 3. de irregul. cap. 2. l. num. 23. si canones pro aliquo delicto intentent excommunicationem, principem pro eadem iniquitate posse intentare mortem corporis. Quod iis quidem non probabitur, qui pro exigua summa excommunicationem decernunt. Accommodandum verò est eo modo quo fecit Chassanæus consilio 1. argumento 2. pro parte negat. num. 17. nimirum quod (vt ille ait,) vbi de Iure Ciuili pro delicto quopiam imponitur pœna mortis, de Iure Canonico inponatur excommunicatio & anathematizatio. Ita Abbas cap. *per venerabilem*. quod filij sint legit. notab. vlt. & in cap. 2. de maiorit. & obedient. & in cap. 1. de furtis, *in fine*, rursusque in cap. 1. de homicid. item *in fine*. Hanc excommunicati & mortui comparisonem, ex Iurisperitorum præcipuis illustrat Guliel. Benedictus repetit. ad cap. *Raynuntius*, de Testam. §. *mortuo itaque Testatore*, num. 277. & 278.

§. A collatione excommunicati cum naturaliter mortuo, venio ad aliam collationem excommunicati cum mortuo ciuilitè, quàm ineunt nonnulli Iurisperi-
 riti. Sic enim nonnulli excommunicatum componunt cum deportato, quod erat genus exilij funestissimum, eique pœnæ suffectum, qua olim criminosis in-
 terdicebatur aqua & igni, vt habetur ex Vlpiano l. 1. ff. de pœnis, & l. 3. ff. ad l. Iuliam peculat. & ex Nouella de nupt. §. deportatio tamen. Cum deportato igitur, excommunicatum confert Glossa §. 1. verb. *interdictum*. Iustit. quibus modis ius pat. pot. solu. Idemque voluisse videntur, quotquot excommunicationem contulerunt cum eo cui sit aqua & igni interdictum, quos infra allegabimus tractantes Ethnicas adumbrationes excommunicationis Christianæ. Nonnullos ea collatione vsos refert Ripa ad l. *scilicet constante*. ff. soluto matrim. num. 44. & Chassanæus consilio 1. argumento 2. pro parte negat. num. 17. Et quanquam huic comparationi obiciuntur aliqua, nobis tamen in præsentia sufficit, quod ob nonnullam inter deportatos & excommunicatos proportionem, visum sit grauibz autoribus, non malè vtrosque componi. Aptiorem esse excommunicati comparationem cum relegato, docet ibid. Chassanæus post Glossam in cap. *pastoralis*, de appellat. & aliam glossam ad l. *eius qui*. §. 1. ff. de test. vbi tamen deprauati quidam Glossæ Codices, legunt, *exhereditatio pro excommunicatio*.

Nolo vterius in iurisperitorum sensu quoad hoc negotium proponendo, hærerè. Videntur enim quæ dixi ad horrificam excommunicationis faciem exhibendam sufficere. Qui plura volet, adeat Cardinalem cap. *nihil*. 11. q. 3. vbi ex mente Iurisperitorum 14. malignitates


lignitates excommunicationis enumerat, quas Bernardinus de Bustis, & ipse pro Ecclesiaste Iurisperitus non contemnendus, p. 2. Rosarii serm. 37. diffudit in sex supra viginti. At Rebuffus ad Concordata Galliarum tit. de excommunic. duas supra sexaginta numeravit.

Similis sensus Theologorum.

6. Iam apud Theologos, quanta sit excommunicationis virulentia, legere licet in 4. d. 18. aut aliquot sequentibus, vel iustis tractationibus de excommunicatione. Immensum profectò fuerit, quæ ab eis in hanc rem sunt conscripta, colligere, & hîc adscribere. Nemine quippe; planè inquam nemine dissentiente, deterrimum statum in quem excommunicatio hominem coniicit, passim celebrât. Et sicut exactiùs quàm Iurisperiti res excutiant, ita vix est inuentus inter eos, qui errore illo implicaretur, quo nonnulli Iurisperiti laborauerunt: nimirum quod excommunicatio sit externa duntaxat pœna. Omnes enim Theologi, excommunicationem pœnam esse non merè externam, sed ad animam usque pertingere confirmarunt. Quia verò munus Theologorum est, fidei dogmata aduersus hæreticos propugnare, & offucias ab eis immixtas dispellere; idcirco cùm Lutherus, deque eius popina nonnulli, excommunicatione Christianam ad inane terculamentum, & minarum ostentationem damnis vacuum reuocare tentarent, insurrexerunt magnis animis Theologi, vindices huius Ecclesiastici gladij, & quàm formidanda & expauescenda essent vulnera quæ inferret, solidè & eruditè demonstrarunt.

Itaque inferendam Soli ipsi lucem suscipit, quisquis quod per se est eidentissimū, collustrare in animum inducit, nempe quod de Theologorum sententia, excommunicatio malignum quid sit ac virulentum. Adscriptione verò singularium testimoniorum è Theologis petitorum, consulto abstineo, quod eorum vel delibatio, in inmensum esset excretura.

7. Communiter porrò & Iurisperitorum & Theologorum vnanimem sensum de excommunicationis iusto horrore & malignitate, illud aperit, quod vtrique magno consensu affirmant, excommunicationem iniustam cum faciliè depelli non potest, si intenterur, censeri incutere grauē metum, cadentem in constantem virum, vt post agitatam vtrinque difficultatem, concludit Ludou. Rom. consilio 369. num. 10. & Gigas quæst. 36. de pēnsion. suffraganturque permulti, quos appendit & sequitur Sanchez l. 4. de Matrimon. disp. 5. à n. 17. & alij quos item adducit ac sequitur Castro Palaii Operis moralis tract. 2. disp. 1. p. 7. num. 4.



C A P V T X V I.

Exempla Summatum, quibus excommunicatio, horribilis & valde extimescenda visa est.

I. **S**VFFRAGIO sapientum hactenus enumeratorum, adiungo sensum alterius generis sapientum, hoc est Summatum seculi, quod eorum autoritas in omnem partem momenti plurimum

Exempla Summatum. 615

plurimum habeat : & existimandum sit , cum & ipsi copioso cœlesti lumine perfundantur, & eorum consilio abundant qui sapientia valent plurimum , nihil illis tantoperè formidandum videri potuisse , nisi quod reuera iustè timorem faceret, essetque sine dubitatione, metus ac horroris idonea materia.

Philippus , inter Christianos primus Romanorum Imperator , ob vitam ea fide quam profitebatur indignam, à S. Fabiano Papa excommunicatus, & humilitatis Christianæ specimen insigne præbuit, & quantoperè excommunicationem extimesceret , demonstravit : factus per omnia dicto audiens, vt relaxationem iniectorum vinculorum exoraret. Rem gestam, præter cæteros posteriores, describit in hunc modum Eusebius l. 6. histor. c. 27. [Vbi Gordianus sex annos Romanum gubernasset Imperium , Philippus vnà cum Philippo filio succedit. De hoc traditum nobis est, quod Christianus fuerit; & in die Paschæ, id est in ipsis vigiliis, cum interesse voluisset, & communicare mysteriis, ab Episcopo loci non priùs esse permissum, nisi confiteretur peccata sua, & inter pœnitentes staret ; nec vllò modo copiam sibi mysteriorum futuram, nisi priùs per pœnitentiam culpas, quæ de eo ferebantur plurimæ , diluisset. Ferunt igitur libenter eum quod à Sacerdote imperatum fuerat suscepisse, diuinum sibi inesse metum , & fidem religionis plenissimam, rebus atque operibus comprobâdo.] Hunc Pontificem, fuisse S. Fabianum, omnium vna propè est sententia, vt notat Baron. anno Christi 246. num. 9. Et quanquam ex verbis Eusebij videatur tantum haberi , Philippum fuisse duntaxat prohibitum ingressu Ecclesiæ , tamen ea locutione passim apud ve-

616 *Pars II. Caput XVI.*

teres designatur exclusio quoque à Sacramētis, & diuinis Officiis, reliquaque cum fidelibus communicatione, quæ maximè in templis & sacris Conuentibus inibi indictis, locum habet. Præterquàm quod si fuit Philippus sollicitus de exsolutione ab ea excōmunionis portiuncula, quæ aditu Ecclesiæ prohibet, quis non agnoscit, quanta iustius exigatur sollicitudo, pro exsolutione à plena & integra excommunicatione, qualem cap. 2. expressimus?

2. Longè aliter erga S. Babylam Episcopum Antiochenum, se gesserat idem Philippus, si vera sunt quæ habet Chronicon Alexandrinum anno 1. Decij. In re inter Historicos sacros obscurissima & implexissima, aliquid quod subluce attingere, non erit vt spero Lectori graue. Tametsi enim sensum Philippi de iusto excommunicationis timore, non licebit hinc colligere, sed potiùs exacerbationem horrendum in modum efferatam, tamen iuuerit id attigisse, vt constet quæ esse potuerit præter cæteras, idonea causa molis malorum, quæ postea Philippum cum suis miserè oppressit. Sic igitur habet Chronicon. [Ex maiorum relatione! & hoc de Sancto Babyla, (vti B. Leontius Antiochiæ præsul ante hæc tēpora narrauit) didicimus. Decius hic, S. Babylam, non solum ob Christi religionem interfecit, sed quod ausus esset Philippi Imperatoris coniugem, & ipsum Philippum vt Christianos, (Philippum reum cædis) ab aditu templi arcere. Crimen autem Philippi, hoc erat: Philippus ille iunior, cum imperante Gordiano, de quo diximus, prouinciæ Præsidem ageret, Gordianus illi filij tutelam commisit. Gordiano Imperatore postea fatis extincto, Philippus interfecto filio Imperium arripuit.]

arripuit.] Inferiùs autem sub Carini & Numeriani imperio, anno Christi 255. idem Chronicon alium S. Babylam æquè pro Christo occisum recenset: quibus astipulatur eorum sententiæ, qui duplicem S. Babylam agnouerunt, inter quos Nicephorus reclamante licet Baronio in notis ad Rom. Martyrol. die 24. Ianuar. Indidem etiam deprehenditur, vnde S. Aldelmus l. de laude virginit. cap. 17. & alij, quæ de vno Babyla alicubi scripta inueniebant, referentes ad alterû, adducti sint, vt dicerent, S. Babylam Antiochenum, passum esse sub Numeriano eo quod illum ab Ecclesia expulisset: quod in Numerianum nulla ratione quadrare posse, videtur per se manifestum. Quid enim Numeriano Imperatori Gentilissimo, cum æde sacra, vt dici possit, ne eam subiret, prohibitus fuisse à S. Antistite, obiiciente eadem innoxij ab eo patratam; quod obiecisse S. Babylam ei Imperatori quem arcuit ab ingressu Ecclesiæ, testificatione S. Chrysostomi est exploratum.

3. Tamen si autem video, fidem Chronici Alexandrini in narratione martyrij S. Babylæ aliquoties mutare, eo quod cum narratione quæ apud S. Chrysostomû l. de S. Babyla cōtra Gentiles legitur, non semper consentiat: in eo tamen maximè arridet, quod Imperatorem illum Romanum, ob quem ab Ecclesia expulsus, in carcerem contrusus est S. Babylas, ait esse Philippum. Id enim planè necessarium videtur affirmare. Nam S. Chrysostomus manifestè agnoscit, illum Imperatorem fuisse Christianum, quod de solo Philippo valere posse, non est dubium. Iuuerit aliquot S. Chrysostomi plagulas decerpere, ex quibus manifestum euadat, quod dico illum Imperatorem

fuiffe Christianum. [Eundem (inquit) quoquo te ver-
tas, tum ab imperij amplitudine, tum armorum fero-
citate terribilem, quasi vile quoddam ac nullius pre-
tij mancipium, sic à Dei templo exegit. Tanta adeò
cum constantia atque animi præsentia, cum quanta
pastor scabiosam, ac morbidam ouem ab ouili exclu-
dit, dum prohibet ne laborantis ouis morbus, ad re-
liquum quoque gregem contagione serpat.] Et mox.
[Ergo ipsum Imperatorem, statim is qui illius impe-
rio parebat, rexit: & ei qui omnium dominator erat,
subditus iura dedit, atque adeò aduersus eum damna-
tionis calculum tulit.] Rursus infra. [Propterea certè,
se ipse totum à terra in cœlum transferens, quasi iudi-
ci ipsi adisteret, ipsumque audiret iubentem, vt sce-
lestum, atque inquinatum illum à sacrosancto grege
expelleret, sic eiecit & à reliquo armento separauit,
nihil prorsus respiciens eorum omnium, quæ videbat,
quæque terribilia aliis videntur: quin potius illos viri-
liter, atque admodum generose expellendo, diuinis
legibus vim ac tyrannidem patientibus opem tulit.]
Paulo post addit, S. Babylam Imperatori ingressum
tentanti, dextram in pectus impressisse; & ingressu
aruisse, seruata omni moderatione quoad verba. [Sic
(inquit) miserum illum à sacrosanctis claustris arcuit.]
Subdit continenter, quantum gloriæ ex ea Imperato-
ris submotione accesserit Christiano Episcopo, etiam
apud Ethnicos satellites, præ Ethnicæ superstitionis
Antistitibus, qui aduersus Imperatorem, ne hiscere
quidem fuissent ausi, cum tamen S. Babylas intrepidè,
cum sibi subesse ea in re debere, quippe Christianum,
& agnouerit & facto prodiderit. [Ergo Babylas (in-
quit) vt dictum est, tum eos qui nondum Christi fi-
dem

dem receperant compescuit: tum eos, qui iam receperant, religiosiores etiamnum reddidit, ut non priuatos homines modò, sed & milites, & militum duces, & præfectos: planum faciens, ipsum etiam Regem, eumque qui summus fuerit, apud Christianos, nuda tantummodò esse nomina: ac dum vel pœna irroganda, vel honos deferendus fuerit, quisquis etiam diadema gesserit, hunc vel infimis quibusque adæquari.] Inferius addit, Babylam patrem, filij huius amore flagrantem, & ob eius exitium valdè mœrentem, sic se gessisse. Eundem Imperatorem, vocat familiarem, & discipulum, ac domesticum; & in spiritu, Babylæ filium.

4. Ex his D. Chrysostomi plagulis, & ex ipsa exclusione ab Ecclesia, luce clarius videtur, Imperatorem à S. Babyla correptum, fuisse Christianum. Ex quo apertè sequitur, non alium esse potuisse, quàm Philippum, ut affirmat Chronicon Alexandrinum. Cui tamen quoad alia nonnulla, non còuenit cum S. Chrysostomo, atque adedò quoad illa deferendum est. Ut cum ait, S. Babylam cæsum à Decio, quem S. Chrysostomus contrusum in carcerem ab illo ipso quem excommunicarat, disertè tradit: móxque è carcere, eductum ad supplicium. Item quod causam excommunicationis, ait fuisse, eadè Gordiani iunioris: quam S. Chrysostomus profert longè aliam; nimirum eadè pueri regij ex alia gente quàm Romana, perfidè & contra fœdus ictum, patratam. Præterea quod vult, imperium à Philippo arreptum, extincto puero post Gordiani mortem ex morbo. Cum tamen certū sit, Philippum insurrexisse in Gordianum patrem, & eo occiso arripuisse imperium. Sed hos & alios Chronici de S. Babyla nodos, non recipio extrican-

dos,

dos, contentus ex eo assumere, Imperatorem à S. Babyla sacris prohibitum, fuisse Christianum, atque adeò non alium fuisse quam Philippum, cui melior mens fuerit erga S. Fabianum, quam erga S. Babylam. Sed ab hoc breui diuerticulo ad quod nos argumenti affinitas traxit, regrediamur in viam.

5. Theodosium Magnum Imperatorem, ob eandem Thessalonicensium præcipitanter, & iracundè patratam, excommunicavit S. Ambrosius, celsitudine animi, quæ tantum Pastorem deceret. Extollit eà Gelasius Papa epist. 13. quæ est ad Episcopos Dardaniæ. Theodosius Imperatorum Romanorum fortitudine, ac potètia & sapientia clarissimus, imperij autè amplitudine nulli secundus, ea fecit ac pertulit ad exorandam exsolutionem ab excommunicatione, quibus satis superque testatum fecit, quanto excommunicationis horrore tangeretur. Narrat diffusè historiam Theodoretus l. 5. histor. Eccles. c. 17. attingitque ipse S. Ambrosius in monodia *sub finem*, cum de eo ait: [Dilexi virum qui magis arguentem, quam adulantem probaret, strauit omne quo utebatur insigne regium, defleuit in Ecclesia publicè peccatum suum, quod ei aliorum fraude obrepserat. Gemitu & lachrymis orauit veniam. Quod priuati erubescunt, non erubuit Imperator publicè agere pœnitentiam, neque ullus postea dies fuit, quo non illum doleret errorem.] Hinc quanta laus Theodosio accesserit, discite ex Facundo Hermianensi l. 12. pro tribus capitulis, c. ultimo. [Beatæ (inquit) recordationis, maior Theodosius Imperator, cuius semper memorabilis erit in Ecclesia Christi memoria, quamquam sæpè de magnorum barbarorum præliis, & de maximorum tyrannorum triumphauerit:

triumphauerit: non tamen ex huiuscemodi victoriarum frequentia, in quibus Traiano filio gehennæ comparari non potest, veram meruit gloriam; sed de supplici & publica peccati sui pœnitentia, quam expugnato regali fastigio placidè atque humiliter Antistite Ambrosio castigante suscepit, & indictum sibi debitæ satisfactionis tempus, ab Ecclesiæ communione remotus, impleuit. Piè admodum credens, & sapienter intelligens, quòd non ex temporali potestate, qua fuerat etiam Sacerdotibus Dei præpositus, sed ex eo peruenire posset ad vitam, quòd illis erat ipse subiectus.]

6. Ex hoc regio & Imperiali Imperatoris per omnia maximi exemplo, sic disputat S. Augustinus hom. 49. ex 50. vt suadeat exhorrescendam esse excommunicationem, & Antistiti eam intentanti, humiliter deferendum. [Agite pœnitentiam, qualis agitur in Ecclesia, vt oret pro vobis Ecclesia. Nemo sibi dicat, occultè ago, apud Deū ago, nouit Deus qui mihi ignoscit; quia in corde ago. Ergo sine causa dictum est, *quæ solueritis in terra, soluta erunt in cælo*? Ergo sine causa, sunt clauæ datæ Ecclesiæ Dei? Frustramus Euangelium Dei, frustramus verba Christi? Promittimus vobis quod ille negat? Nonne vos decipimus? Iob dicit, *si erubui in conspectu populi confiteri peccata mea*. Talis iustus Thesauri diuini obrizi, tali camino probatus, ista dicit: & resistit mihi filius pestilentix, & erubescit genu figere sub benedictione Dei. Quod non erubuit Imperator, erubescit nec Senator, sed tantum curialis superba ceruix, mens tortuosa fortassis (imò quod nō dubitatur,) propterea Deus voluit vt Theodosius Imperator agens pœnitentiam publicam in conspectu

622 *Pars II. Caput XVI.*

conspetu populi, maximè quia peccatum eius celari non potuit; & erubescit Senator, quod non erubuit Imperator? Erubescit nec Senator, sed tantum curialis, quod non erubuit Imperator? Erubescit plebeius, siue negotiator, quod non erubuit Imperator? Quæ ista superbia est?] Et l. 5. de Ciuit. Dei c. 26. [Quid autem fuit eius (Theodosij,) religiôsa humilitate mirabilius, quando in Thessalonicensium grauissimum scelus, cui iam Episcopis intercedentibus promiserat indulgentiam, tumultu quorundam, qui ei cohærebant, vindicare compulsus est: & ecclesiastica coercitus disciplina, sic egit pœnitentiam, vt Imperatoriam celsitudinem pro illo populus orans, magis fletet videndo prostratam, quàm peccando timeret iratam? Hæc ille secum, & si qua similia quæ commemorare longum est, bona operatulus, ex isto temporali vapore cuiuslibet culminis & sublimitatis humanæ.]

7. Arcadius Theodosij filius Imperator, ab Innocentio I. percussus excommunicatione, ob vexatum S. Chrysostomum & malè habitos legatos Sedis Apostolicæ, vt ex Gennadio, Glycæ, Nicephoro, refert Baron. anno 407. demississimè se gessit, & absolutionem ab excommunicatione humillimè poposcit. Iuuat ipsam eius epistolam ad Innocentium, à Georgio Patriarcha Alexandrino in S. Chrysostomi vita descriptam, hîc referre, vt tanti Imperatoris erga Christi Vicarium reuerentia, & desiderium exsolutionis ab excommunicatione, patefiat. Sic habet. [Homines quicunque rectè sapiunt, vtrique norunt, quod ea quæ ignorance fiunt, non ipse Deus, non etiam leges plectunt supplicio: sed & nemo pro alterius culpa iudicio sistitur. Hac ratione motus, scripsi cupiens ve-

stra

Exempla Summatum. 623

stræ paternitati plenius satisfacere. Nam Deo teste, eorum quę contigerunt Episcopis & Clericis vestris, nihil rescivi, quin ipse innocens sum sententiæ eorum. Mox enim ut ea intellexi, omnimodam expetitui ultionem de authoribus gestorum, quæ alioqui Deum minimè latebant. Nam si tanti per eos admissi flagitij particeps ipse fuisset aut complex, utique eos non tot diuexassem aut affecissem incommodis. De Beato autem Ioanne Constantinopolitanæ Ecclesię Episcopo, cuius memoria sacrosancta est, quod aduersus ipsum gestum, non id mea vnus-culpa contigit fieri, sed Episcopis ipsis adscribendum venit, qui asseuerabant ipsum quiddam absurdum aduersus Canones sanctæ Nicenæ Synodi admisisse, quare dignus est habitus deiectione. Isti si quidem in capita sua receperunt eam sententiam. Ipse igitur eorum verbis persuasus, ut qui essent Episcopi, simul etiam providens, ne quod schisma in Ecclesia propter hominem vnum oboriretur, neu eius membra in partes distraherentur, tametsi segregari debuerant à communione Sacramentorum. Et quidem illi planè peracri increpatione sunt digni, ut qui illegitimè ac præter Canones aduersus eum tale quid ausu temerario gesserunt. Porro nos qua in re peccauimus, siquidem Sacerdotes veritatem aduersati, nobis imposuerunt suo mendacio? Attamen ex his qui hîc aderant peregrinis nisi ad vestram sanctitatem: qui utique debuerant vobis renunciare, quæ hæc consecrata fuerint omnia, si qua in re ipse fuerim author istius rei gestæ: si me huic dramaticæ, aut commentitiæ scenæ permiscuerim, quasi confors fuerim arcana istius conspirationis. Animaduerrat in eos prout vult sanctitas tua. Hoc

&

624 *Pars II. Caput XVI.*

& ipsi consulimus, & fieri volumus ad aliorum correctionem. Deinceps paterna tua sanctitas, nos adhortetur, & moneat, non item condemnet segregans, quasi expertes nec ulli acquiescentes ordini, à Christi grege, & intaminata communione pretiosi Corporis & Sanguinis ipsius, quando reliqui omnes horum perceptione censentur digni. Id enim ut fieret ab istis aduersus B. Ioannem, ægrè nec maleuolo animo permisimus. Sed enim ipsi efflagitamus à vobis condonari veniam, pro eo quod iniquè gessimus. Quod si nos adoriente rursus morbo altero, verberare opus fuerit, pro modo delictorum moderata castigatione vritor, non item eam ipsi deprecabimur aut excusabimus: Immo eam correptionem Domini, expromptè & alacriter sustinebimus, non subtrahemus, aut deflectemus ab ea. *Quem enim diligit Dominus, castigat*, iuxta Apostolum. Tantum est, ut ne priuemur salutaribus symbolis. De filia autem tua Eudoxia, noueris Pater, pro modo suæ offensæ vicem pœnæ haud mediocrem ei reperiisse. Quo facto contigit, ut per eam afflictionem, & mœrorem animi, deliquio, & languore tabescens in lectulo decumbat. Itaque & eam reddito dignam, ne hinc emigraret, exors sanctorum mysteriorum Saluatoris nostri Dei. Ne illi multiuariam irroges vlttricem pœnam. Non enim percutit Deus bis in idipsum.]

8. Arcadij filius, Theodosij magni nepos, iunior Theodosius, & ipse Imperator, quanto excommunicationis horrore tangeretur, argumento est, quod ad nomen euandidum excommunicationis, à Monacho nullam ob causam idoneam, ac ex nulla potestate vibratæ, adeo perculsus est, ut quiescere nequiverit donec

donec solueretur. Rem describit Niceph. l. 14. c. 4. & his verbis Theodoretus l. 5. histor. c. 36. [Vir quidam vitam excolens monasticam animo paulò audaciore præditus, ad Imperatorem rei cuiusdam petendæ gratia accedit. Quod cum sæpiùs frustra fecisset, Imperatori Ecclesiastica interdicit communione, vinculoque Ecclesiæ ei iniecto, discedit. Imperator autem fide cum primis excellens, accedens ad palatium, cum tempus instaret conuiuij, & omnes conuiuæ adessent, dixit se non priùs capturum cibum, quàm Ecclesiæ vinculo solueretur. Proinde vnum ex familiarissimis ad Episcopum mittit, oratum, vt potestatem faciat ei, qui ipsum ligauerat, vinculo soluendi. Cum autem Episcopus respondisset, non debere cuiusque vinculum admittere, significassetque eum solum esse, non tamen solutione illa contentus est, donec ille qui eum ligauerat, magno cum labore conquisitus, communioni illum restituisset. Eiusmodi namque erat Imperatoris erga leges diuinas fides.]

Exemplum tantæ in Theodosio teneritudinis conscientiæ, æmulatus est Theodosius Abbas apud Surrum t. 1. Nam ab vno quodam suorum Monachorum quem excommunicarat, vicissim percussus excommunicatione, noluit ad altare accedere, quin priùs exolueretur.

9. Desiderius Rex Longobardorum, homo cordatus, & in rebus gerendis acer ac solers, sed perfidus ac impius, & ad regni fines proferendos omnia diuina & humana iura calcare paratus, cum in progressione ad Romanam urbem vastandam, Adriani Papæ nuncios & exemplar intorti in eum anathematis, nisi regrederetur, accepisset; perinde ac si de cælo ictus

R R fulmine

fulmine esset, ingenti horrore correptus, cum esset in manibus certa victoria, præcis moris omnibus confestim repedauit. Rem gestam miraculo vix ab similem, narrat Anastasius in Adriano I. & Baron. anno 773. num. 4.


Henricum III. Imperatorem, quantus inuasit excommunicationis timor, quanta fecerit & sustinuerit, ut gladium Ecclesiasticum defugeret, fusissimè persequitur Albertus Pighius l. 5. Eccles. hierar. cap. 2. Quòdque magè mirum est, fuit Henricus, perditissimè deprauatis & homine potiùs Paganissimo quàm Christiano Imperatore dignis moribus: insipientiæ verò consummata, & ad summum prouecta fastigium. Probra eius, ex multis illius æui historicis delibauit Bellarminus l. 4. de Rom. Pont. c. 13. & diligenter Baronius ab anno Christi præsertim 1073. In excommunicationis tamen timore & horrore sapuit, etiam si fructus dignos timoris illius non ediderit. Sunt qui cum timorem, merè seruiliter seruilem, semper fuisse velint, nec ex fuga spiritualis exitij profectum. Sed cum Dei solius sit scrutari corda, lubens illis hoc iudicium permitto, mihi non arگو.

10. Otho Imperator Henrici aucupis filius, Princeps alioqui circumspectissimus, ausus falcem in alienam messem immittere, & Episcopatum è loco humiliori transferre Magdeburgum; Bernardum virum sanctum Halberstadiensem Episcopum, qui suæ Diœcesi eripi Magdeburgensem parochiam ægrè ferebat, obloquentem expertus, eum dedit in vincula. Sed ab illo paulò post excommunicatione percussus, rediit ad cor, & impacti Ecclesiastici gladij vim extirpescens, quæcunque contra ius fasque susceperat, reuocauit;

reuocauit ; & Pontifici vinculis liberato , per omnia submissus , eum perhonorificè habuit , quanti apud se esset excommunicatio , & verbis & factis testatus. Describit fusè rem gestam Albertus Krantzius l. 4. Saxon. cap. 7. & Brendebach. l. 5. collation. sacrar. cap. 25.

11. Petrus Rex Aragonum , à Martino I V. & Honorio item I V. excommunicatione percussus , ad extrema veniens , quanto contractæ excommunicationis horrore sit correptus , quanta sponderit , & ad quàm multa iuratus se deiecerit , vt illis nexibus expediretur , legere licet apud Hieronymum Curitam l. 4. annal. cap. 71.

Andronicus , Pentapoleos Ægypti Prouinciæ præfectus , tametsi minoris quàm superiores dignitatis , tamen iisdem accenseri ratione muneris potest. Homo ferus & immanibus crudelitatibus nobilis , vt apud Synesium legere licet , ab ipso Synesio excommunicatus , & in scelerum pœnitentiam munere deiectus , excommunicationem adeò extimuit , vt Synesio paruerit per omnia ; laudarique postmodùm , eiusdem Synesij quem scelerum ultorem expertus erat , commendatione meruerit.



CAPVT XVII.

*Iudeis quoque, excommunicationem horrore fuisse;
Obiter item quantopere Ethnici, suam qualem-
cunque Christiana excommunicationis adum-
brationem, resugerint.*

I. **S**ENSVI Christianorum ad excommunica-
tionis nomen horrescentium, adiungo sen-
sum Iudeorum. Et addédus quoque obiter erit sensus
Ethnicorū, qui tametsi nō nisi quālcūque excōmu-
nicationis nostræ imaginē habuerunt, eam tamē sum-
mopere sunt auersati. Vtrunque breuiter exequamur.

Excommunicatio, Iudeis in vsu.

Apud Iudæos vsu receptam fuisse excommunica-
tionem, quod nunc assumo, docuit verbis illis Grego-
rius Nyssenus, sub finem orationis de moderatè fe-
rendis reprehensionibus, agens cum sauciato ob in-
tortam excommunicationem. [Ne segregationem ar-
bitreris esse ab Episcoporum audacia profectam. Pa-
terna lex est, antiqua Ecclesiæ regula, quæ à lege tra-
xit originem, & in gratia obtinuit.] Obseruauit rectè
Robertus Arboricensis tomo 2. de vtroque gladio,
theorem. 7. pœnam excommunicationis, iis qui non
venirent iuxta principum consilium intra triduum,
fuisse iam olim inter Iudæos statutam. 1. Esdræ c. 10.
De Christi ætate, idem constat ex Ioan. 16. verbis il-
lis. *Absque Synagogis facient vos.* Item ex illis aliis ver-
bis

bis cap. 12. *Ex principibus multi crediderunt in eum, sed propter Phariseos non confitebantur, ut è Synagoga non eicerentur.* Capite item 9. parentes cæci nati, non sunt ausi Christum glorificare. *Iam enim conspirauerant Iudæi, ut si quis eum confiteretur esse Christum, extra Synagogam fieret.* In his locis, *fieri extra Synagogam,* aliud non est quàm excommunicari. Quia cum Synagoga apud Iudæos, interdum significaret locum sacrum, quo conueniebant ad orandum & audiendum verbum Dei: aliàs verò significaret congregationem fidelium legem Moïsis profitentium, ut multis Scripturæ locis demonstrat Toletus in c. 16. Ioann. annot. 2. (similem homonymiam apud nos habet vox *Ecclesiæ*;) utramvis notionem subiicere placeat voci *Synagoga*, æquè significabitur ea exclusio quam formaliter infert excommunicatio. Sanè in Concilio 1. Nicæno, ἀποσυνοχῶν γίνεσθαι sumitur pro eo quod nunc dicimus *excommunicari*, & pelli ab Ecclesia. Maluerunt enim maiores nostri, potiùs vsurpare nomen *Ecclesiæ*, pro voce *Synagoga*; quod hoc nomen pecunium ac brutum genium, potiùs quàm rationalem legi gratiæ & libertatis consentaneum præferat, ut obseruauit S. Augustinus sub initium Psalmi 77. Apud Lucam c. 6. Christus Dominus eundem sensum quem eiectioni è Synagoga subiecimus, substrauit verbo *separandi*, dicens, *beati eritis, cum vos oderint homines, & cum separauerint vos.* Hæc enim separatio est illa ipsa eiectio è Synagoga, de qua illis aliis locis est sermo. Vnde apud veteres Christianos, ἀπορίσθαι id est, *separari*, non aliud sonat, quàm excommunicari, ut liquet ex canon. 31. & 64. & 84. Apostolorum, & ex plerisque Canonibus Trullanis. Et videtur

etiam posse eodem sensu accipi separatim illa & eiectionio cæci nati apud Ioannem, cum ait cap. 9. *& eiecerunt eum foras.* Quod enim constitutum esset apud Iudæos, ut quisquis IESVM fateretur esse Christum, extra Synagogam fieret, id est à cœtu fidelium eiiceretur, & excommunicaretur; cæcus autem ad miraculū acer & constans esset in prædicanda illa veritate Iudæorum primoribus tantoperè exosa, & fidei gutta aduersus nubem incredulorum intrepidè consisteret, ut scitè homilia de eo dixit S. Chrysostomus, non malè Lyranus, & Franciscus Lucas, ac Toletus ibi, eam eiectionem de excommunicatione accipiunt. Quamquam facillè etiam posset ea eiectionio intelligi de sola expulsionem cæci à concilio ad quod fuerat aduocatus: non ferentibus magnatibus illis superbiæ typho tumentibus, infimæ sortis hominem, & totum (ut aiebant) in peccatis natum sibi obestrepere tanta libertate, & IESVM contra ipsorum decreta, asserere Christum. Ut ut verò accipiatur ea cæci eiectionio, satis superque constat, viguisse apud Hebræos ante legem gratiæ, vsum excommunicationis.

2. Iam superiùs aliquoties monui, nō fuisse quidē apud Iudæos excommunicationem adæquatè ac plēnè similem excommunicationi Christianæ, cuius pars & quidem non exigua, est exclusio à participatione thesauri Ecclesiastici per indulgentias, & ab usu Sacramentalium communibus illis diuitiis refertorum; quo thesauro & opibus intra sacramentalia veluti abditis, fas nunc est Christianis potiri. Olim autem non sic. Nam ante Christum, quamuis esset in Ecclesia thesaurus satisfactionum sanctis superabundantium, ut planè habetur ex Clemente VI. in extrau. *unigenitus*,

Sensus Iudæorum, & Ethnic. 631

nitus, rectèque agnoscit Suarez t. 4. 3. p. d. 51. f. 2. num. 18. tamen supernaturalis potestas dispensandi thesaurum illum, deërat Synagogæ rectoribus: quia Deus statuerat, ut communium illorum bonorum inchoata accumulatio perstaret intacta, & in nullius bonum cederet, quousque per Christum consummaretur; cuius meritis & satisfactionibus actu appensis, immensa accessio thesauro illi facta est, & inexhaustibili eius opulentia prouisum. Cum ergo thesaurus tunc inchoatus, esset thesaurus inuisus, & in sola Dei acceptione manens; perstaret illibatus, claue ad eius reclusionem & distributionem negata Iudaïcis Pontificibus; manifestè sequitur, excommunicationem Iudaïcam non priuasse participatione illorum bonorum, sicut facit Christiana. Cæteris bonis fidelium Iudæorum, putà sacramentorum legalium vsurpatione, precum communium & sacrificiorum fructu, consuetudine fidelium, aliisque circa Christianos recensitis, quatenus priuauerit Iudaïca excommunicatio; iam supra est declaratum.

Qualis olim, & nunc quoque.

3. Rectè igitur assumebati, fuisse apud Iudæos vsus excommunicationis, & ante Christum, & ipsius Christi æuo. Obseruant autem Delrio in c. 1. Thren. v. 17. ac Drusius lib. 1. qq. Hebraic. in 9. multiplicem Hebræis priscis fuisse excommunicationem. Delrio Eliam Leuitem in Tisbi, & alios profert, qui Iudaïcam excommunicationem statuerunt fuisse triplicem; nempe *Niddon*, *Cherem* & *Schamatha*. Prima; omnium leuissima, continebatur remotione sola à

R R 4 cæteris;

632 Pars II. Caput XVII.

cæteris, propter immunditiam aliquam. Secunda, quæ deuotionem & diras inferebat, grauiori culpæ rependebatur, cum reus noxam expiare per pœnitentiam neglexerat. Tertia, erat plena & integra hominis tanquam spiritualiter planè mortui, exclusio à quacunque prorsus communicatione ciuili & sacra, propter peruiaciam & obfirmationē in scelere. Quod denotat notatio vocis, & notio. Idem enim sonat *schamatha*, ac, *tu rebellis*. Alij tamen deriuantes vocem illam ex *sam* & *mitta*, idem significare volunt, ac *ibi mors*. Denique alij, vnico, m, efferunt *samatha*: voluntque sensum esse, *Dominus venit*. quod iuxta ea quæ superius dicta sunt de voce *maranatha*, horribilis iudicij denunciationem insinuat. Totidem ergo fuerunt olim apud Iudæos, species aut modi excommunicationis. Sed & iam orto Christianismi Sole, vsurpasse Iudæos excommunicationem, constat ex Nouella 146. vbi Imperator grauitè vetans secundas Iudæorum deuterofes, (illas ipsas quas S. Hieronymus q. i o. ad Algasiam, adeò fœdas & spurcas fuisse refert,) addit; [neque licentiam habebunt ij, qui ab eis maiores omnibus Archipherecitæ aut Presbyteri, forsitan vel Magistri appellantur; perinœis aliquibus aut anathematismis, hoc prohibere.] *Perinæas* Græca voce dixit, quas Latine dicimus censuras, & præsertim excommunicationes.

4. Apud colluuiem hodiernorum Hebræorum, vsus quoque est excommunicationis, eamque plerunque Christiani in Hebræum intorqueri curant, si contingat non posse ab eo extorqueri debita. Ritus, hunc esse accepi. Poppa vestibus inter eos sacris amictus, educto ex armario volumine Mosaicæ legis, am-

bonem

Sensus Iudaorum, & Ethnic. 633

bonem conscendit, & sinu complexum tenens volumen, contestatus Deum viuentem Regem mundi, Angelos eius, Sanctosque omnes, adhibita per eosdē & per commune bonum adiuratione, obtestatur eum de quo excommunicando agitur, vt fideliter exequatur quod mandabitur nomine eius qui excommunicationem impetrauit. Id ni præstare sit paratus, verba horribili carminis occipiens, vibrat in eum maledicta, quæcunque in Scripturis extant atrocissima. Imprecatur inquam illi, anathema Iericunthinum, & maledictum quo Elisæus percussit petulantes pueros, & quod Saül strinxit in eos qui iussis à se propositis non obtemperarent. Denique in eum torquet omnia maledicta quæ scripta sunt in libro legis, & quæ propheticè vibrata sunt Psal. 108. quæ singulatim & verbatim pronunciantur à versu 5. ad 18. addita obsecratione, vt Deus nomen eius de terra viuentium eradat, quæ obsignatur particula optandi *Amen*. Subsequitur bombus ænei tormenti, vnus, vel etiam plurium, qui identidem repetita displosione renouatur, in proluxa iteratione earundem maledictionum, verbis nonnihil discrepantibus, eadem tamen semper sententia.

Quantus eius horror, apud eosdem.

5. Iam quanto horrore esset Iudæis antiquis excommunicatio, quod erat alterum supra propositum & hic præcipuè quæsitum, coniectura duci potest, ex iis quæ de Iudæorum recessu à Christo ne extra synagogam fierent, supra adduximus. [Magnum reuera (ait S. Cyrillus l. 6. in Ioan. c. 20.) apud Iudæos oppro-

R R 5 brium

634 *Pars II. Caput XVII.*

brium ducebatur, si quem de synagoga eiecissent. Sicut enim nunc, homicidæ, vel adulteri, vel cæteri capitalibus criminibus rei, ab Ecclesia pelluntur, ita tunc Confessores Christi è synagoga Iudæorum eliminabantur.] Sed nihil ad excommunicationis horrorem tunc vigentem intelligendum, accommodatius esse potest, iis quæ habet his verbis Iosephus l. 2. de bello Iudaic. c. 7. agēs de Essenis, qui inter Iudæos religiosi admodum habebantur. [Deprehensos verò in peccatis, à sua congregatione depellunt, & qui taliter fuerit condemnatus, miserabili plerumque morte consumitur. Illis quidem sacramentis & ritibus obligatus, neque capere ab aliis oblatum cibum potest, herbas verò pecudum more decerpens, & fame exosus, per membra corrumpitur. Ob quod etiam, plurimos plerumque miserati extremum spiritum agentes receperunt, sufficientem pro peccatis eorum, quæ vsque ad mortem adduxerit, pœnam luisse censentes.]

De horrore autem, quo nunc fæx Israelitarum inter nos disperforum, corripitur ad eam quam memoravi excommunicationem nunc apud eos vsurpatam, nihil attinet dicere: quandoquidem cõstat, Christianos extremum hoc remedium habere, vt ærumnosissimam gentem ad tentandum quidlibet, ac supra facultatem audendum, compellant. Vt enim hanc, apud eam colluuiem, & probrosissimam, & vt arbitrantur ominosissimam deuotionem declinare liceat, omnibus se exui facultatibus non grauatè ferunt; nihilque est vsque adeò durum & asperum, à quo excipiendo abhorreant, dummodò ferale earmen possint defugere.

Vfus

Vsus, & horror excommunicationis apud Ethnicos.

6. Pergo ad Ethnicam adumbrationem nostræ & Iudaicæ excommunicationis. Vsurpasse enim Ethnicos talem aliquam excommunicationis imaginem, adeò liquet, vt non dubitauerit Philippus Melanctho ad articulum 19. Bauaricum, fabulari excommunicationem Christianam ab Ethnico vsu dimanasse. Inter Catholicos idem dixit Leander Galgancetus l. 1. de iure publico, titulo 15. num. 1. Nicolaus Grauius ad l. 2. Vestrij cap. 4. num. 11. Erasmus quoque mox referendus, idem insinuat. Sed apertè Tiraquellus de re tractu Gentilicio §. 1. Glossa 9. num. 276. ait enim; [excommunicationem, ab antiquorum Græcorum & aliorum ritibus legibusque, ortum habuisse, non à D. Paulo, vt Canonistæ & Theologi opinantur.] Profertque in eam rem quæ Cæsar de Druidum moribus ac ritibus agens tradit, de pœna apud eos atrocissima, qua sacrificiis cuiquam interdicebatur ob contumaciam. Sic damnatum atque deuotum, ait Cæsar, apud omnes impiū ac scelestum habitum, ei omnes decessisse; illius occursum, aditum, sermonem, omnes vitasse quàm studiosissimè: ius petenti non fuisse redditum, nec vllum planè communicatum honoris gradum. Hæc in Druidum excommunicatione à Cæsare notata, ad vnguem cadere in nostram, monstrat Tiraquellus prolaris in eam rem multis iuribus. Ex quo colligit, excommunicationem non esse iuris Canonici inuentum. Hoc vel prorsus respuendum, vel ita accipiendum est, vt aliqualis quidem adumbratio excommunicationis illius, cuius D. Paulus primum exemplum

636 *Pars II. Caput XV II.*

exemplum scripto apertè consignatum in Christiana Ecclesia statuit, præcesserit in Ethnicismo: non tamen ita ut idem sit nostra excommunicatio, quod fuit illa apud Ethnicos criminoforum insignium segregatio. Diuersissima enim vtriusque ratio est, quamuis nonnulla adiuncta sint vtrobiue similia, & analogia inter vtramque nonnulla cernatur, ut patet ex illis quæ in hanc rem habent Hieronymus Magius in notis ad Æmilij Probi Alcibiadem, Budæus annotat. poster. in Pandectas, Anastas. Germonius l. 1. de immunit. c. 12. Düarenius l. 1. de sacris Ecclef. minist. c. 3. Ribade-neira l. 1. de Principe c. 33. Viçtorellus ad l. 1. instit. Toleti c. 4. Magalia. in c. 6. Iosue v. 17. annot. 1. & 2. & alij, ex quibus varia in hanc rem delibauì l. 4. de virtut. num. 302.

7. Nunc ad ea breuiter addo nonnulla, cū quoad Græcos & Romanos, tum quoad alias gentes. Et quoad Græcos quidem, scribit Tullius 3. de Offic. Athenis decretum fuisse, ne deuotis, siue similitudinaria illa quam vsurpabant excommunicatione percussis, via cum errabant monstraretur. Idem omnibus execrationibus onerabantur, per ministros ministrasque sacrorum, autore Plutarcho in Alcibiade, & in qq. Rom. c. 43. Post solemnes verò imprecationes, quod habet in Aristidis vita idem Plutarchus, mittebantur in mare candentes massæ ferreæ. Eras-mus chiliad. 1. cent. 2. c. 84. in adagio, ἀπαρὶς ἰσποῖ, huic excommunicationi, subrogatam Christianam est arbitratus. Est apud Platonem 9. de legibus, alia Christianæ excommunicationis prædelineatio, quam Ficinus ad l. 10. eiusdem Operis, admodum exactè nostram excommunicationem adumbrare pronuntiauit.

uit. Insignes criminosi, primùm exilio perpetuo multandi decernuntur: Deinde accendi sacris omnibus, ea adhibita cautione, vt si in sacra se ingererent, verberibus addicerentur: redeuntes autem ab exilio irrogato, dederentur neci. Quilibet liberorum hominum, cum eis comedere aut bibere, aliave vlla in re commune quippiam cum eis habere vetabatur. Si quis talem quempiam obuium factum tangeret sponte ac vltro, templis & foro arcebatur, nec priùs vrbem ingredi, quàm purgaretur, potestatem accipiebat. Non est absimilis lex Argiua de maximis criminosis, igne, tecto, & colloctione prohibendis, vt Euripides in Oreste meminit. Hercules contingi se vult à Theseo, interfectis filiis. Orestes post facinus, queritur se ad aliorum mensas non admissum. Lex Draconis, qua homicidis omni humano conuictu interdicebatur, extat apud Demosthenem in Leptinem.

8. Romanæ diræ, eæque deuotiones quæ aliqualem cum solemni nostra excommunicatione affinitatem habere visæ sunt, neminem latent. Qui sic publicè deuotus fuerat, impunè ab omnibus occidi poterat, vt scribit Dionys. Halicar. l. 2. rerum Roman. Idem ab omnibus sacris remouebatur, ex Plinio lib. 10. epist. 59. Feriebatur grauissimis execrationibus, quod liquet ex Crasso apud Minutium in Octauio. Denique eidem interdicebatur aqua & igni, hoc est omni propè ad vitam necessario adiumento. Vix enim quicquam humanæ vitæ necessarium, absque igne & aqua parari potest. Itaque vt Lactant. 2. instit. c. 10. rectè vidit, prohibitos vsu tam necessariorum clementorù, redigebant ad statum ærumnosissimum, qui meritò horro-

638 *Pars II. Caput XVII.*

horrori omnibus, ac detestationi esset. Hanc fuisse expressam nostræ excommunicationis imaginem, ait Ripa l. fin. ff. *solutum matrim.* ex Glossa §. *minor*, instit. de *cap. dim.* quam Glossam, Baldus ad cap. *licet undique. de offic. deleg.* singularem appellat. Idem habet Iason ad l. *Gallus*. ff. de lib. & posthum. & l. fin. C. *qui admitti.* &c. Geminianus ad cap. *deterrimus*. de sent. excom. in 6. ac Oldendorpius, & Prateius v. *interdicti*. [Qui vitus acie excessisset, (ait Liuius dec. 3. lib. 6.) eum ne quis vrbe, tecto, mensa, lare reciperet, diram execrationem in populares detestationemque quam sanctissimam potuerunt aduersus hospites composuerunt.] Excessus ille culpam continebat ex iis vnam, ob quas aqua & igni cuiuspiam interdicebatur.

En igitur in quàm calamitosum statum deducebantur, qui eiusmodi erant, quàmque accedebant ad eos, qui in Christiana Ecclesia excommunicantur, si in eo tantùm statuatur vtrorumque proportio, quod vtrique à communi consortio corporaliter arcebantur: spiritualiter autem illa ipsa damna excommunicationis Christianis inferuntur, quæ præterea corporaliter inferebantur iis quibus aqua & igne fuerat interdictum. Doctrina est Panormitani ad cap. *pastoralis*. §. *verum*. num. 19. Si autem ad viuum res ista refecaretur, & omnimoda correspondentia inter Christianos excommunicatos, & eos quibus apud Romanos aqua & igni interdictum fuerat, quæreretur, fatendum esset, magnum inter vtrosque intercedere discrimen. Nam excommunicatis Christianis fas est opitulari in necessitate, vt docet Glossa ad cap. *cum desideres*. de sent. excom. & constat etiam ex cap. *quoniam multos*. l. 1. q. 3. At interdictis aqua & igni, nullo modo subuenire

uenire fas erat. Item deportatus, siue is cui aqua & igni interdictum fuerat, neque testari poterat, neque ab intestato succedere, quorum vtrumque excommunicato conceditur. Iraque longè aliud fuit, in omni rigore loquendo, interdici alicui aqua & igni, quàm nunc sit aliquem excommunicari, vt rectè statuit Stephanus Costa repetit. in rubricam de sent. excom. num. 21. Chassan. Consilio 1. Ioannes Faber, Nicolaus de Neapoli, Angelus de Arctio refellentes Glossam, quæ simpliciter contrarium tradit §. 1. verbo *interdictum*. Instit. quibus modis ius patriæ pot. solu. Latè quoque hanc excommunicationis & deportationis, necnon relegationis & exilij comparisonem excutit Guliel. Maynerius ad l. *ea sola*. ff. de regul. iuris à num. 25.

9. Apud alias gentes, haud absimilem vsum olim viguisse, compertissimum est. De Gallis, & Druidum apud eos excommunicatione, iam diximus ex Cæsare. De Germanis, testatur Tacitus l. de moribus Germanorum. Scribit enim, qui scutum in prælio reliquisset, segregem apud eos factum, omnibûsque sacris & conciliis prohibitum, ritu & vso adeò inter eos probroso, vt multi bello superstitibus, ne ea ignominia notarentur, vitam laqueo abrumpere præligeret. Apud Arabes item, viguit excommunicandi vsum, qui adeò accuratè seruabatur, vt ne ipsi quidem principi suo, si grauius & eo probro digna peccasset, parcitum velent, sed planè atroci quasi excommunicatione eum multarent, vt videre est apud Plinium lib. 16. c. 44. Sunt alia de aliis gentibus in hanc rem exempla. Verum hæc ad institutum, sunt satis.

Concluditur


*Concluditur, quàm iustior Christianis horror veræ
excommunicationis.*

10. Quod si apud gentes quæ ignorabant Deum, tantus erat horror bruti fulminis; si inquam Ethnici quibus Sol iustitiæ non illucebat, sed procella tenebrarum inuoluebantur, tantoperè extimescebant illam aliqualem nostræ excommunicationis umbram, qua ob scelera multarentur; quàm iustum timorem par est prodere Christianum, cum tangendum se vibrato cœlitus fulmine, veræ, hoc est Christianæ excommunicationis agnoscit? Eiusmodi fulguritum, quis non deceat horror? Quæ sollicitudo & diligentia, ut procuret (quod semper in hoc genere licet,) malum impendens, retorqueatque vibratam in se dexteram, eius ad quem attinet sic tangere? Arceri ab impurissimis Gentilium sacris, inter magna bona habendum potius fuit, quàm numerandum in suppliciis ac pœnis. At prohiberi sacris Christianis, & adiunctâ ei prohibitioni conflugem malorum in se deriuare, eo maius est damnum, eoque maiorem horrorem debet incutere, quo est rerum nostrarum sanctitas, non auctior modò, sed etiam sola vera, sola probanda. Ita rectè intulit Nicolaus Grauatius in notis ad l. 2. Octaviani Vestrij c. 4. *in fine*. ruborem Christianis excommunicationem minùs verentibus iniiciens, exemplo Ethnicorum, suam qualemcunque excommunicationem adeò extimescentium. Specialiter verò Gallos ex tanto Ethnicorum Gallorum horrore ad umbram excommunicationis, debere in hac parte excitari, dicit Gul. Benedictus ad cap. *Raynuntius*. de Test. §. *mortuo testatore*. num. 284.

C A P V T

C A P V T X V I I I.

*Quare excommunicationis horror inter Christianos
obsoleuerit, causa ex parte plebis fidelium.*

1.  M tanta tamque atrocia sint excommuni-
cationis Christianæ damna, quanta hactenus
enumeratione & expensione eorum euicimus, prola-
tisque sacris testimoniis, & prudentum exemplis re-
statum dedimus, non mediocris suboritur admiratio-
nis materia, vnde apud plerosque Christianorum, tan-
tus nunc neglectus excommunicationis existat, quan-
tum passim experimur. Non pauci enim, non secus
commouentur ad intentionem excommunicationis,
ac si vanum id esset terribilamentum, ac fulmen
brutum. Neque id recens malum est, aut natum nunc
primum. Iam olim ita questus est de æuo suo Theo-
phylactus 2. Thessalon. 3. Item Hostiensis in summa
tit. de malef. hæc verba habet. [Nostris temporibus,
plus timetur pœna quinque solidorum, quam excom-
municatio.] Quod ipsum habet Ioan. de Anania ad c.
statuimus, eodem tit. Tantæ abusionis causas aliquas
dum exquiro, quædam occurrunt tenentes se ex par-
te fidelium, quædam ex parte Præfulum per quos ex-
communicatio vibratur. De vtrisque, seorsim agen-
dum est.

*Neglectus excommunicationis, cause varia ex parte
plebis fidelium.*

2. In priori serie quam hoc capite exequar, ea in primis causa occurrit, quod deficiat fides in terra, iuxta illam Christi prænunciationem, *Filius hominis veniens, putas inueniet fidem in terra?* Sicut ergo fidei veræ, magna parcitas futura est in secundo Christi aduentu, ita anterioribus quoque temporibus, quo magis orbis vergit in senium, & ad Christi aduentum in mundi clausula secuturum propiores finis, sensim in plerisque fides minuitur ac deficit. Porro fidei defectum, ex quo & ista contemptio super Ecclesiasticos principes ac eorum gladium effunditur, & innumera alia mala consequuntur, triplicem statui posse animaduerto.

I. Fides deficiens, aut mortua.

Primus defectus fidei is est, vel quo fides præhabita abcessit, ut contingit in hæreticis & Apostatis, vel quo fides deest per meram priuationem absque connotatione anterioris fidei, qui defectus locum habet in aliis infidelibus. Sæpissimè ad hunc fidei defectum deducit impietas, & vita à fidei veræ professione dissentiens, ut mox dicam. Ad primum hunc defectum, unde contemptus rerum Ecclesiæ, & nominatim animaduersionum eius existit, reducenda est diuturna cum personis vera fide destitutis, præsertimque hæreticis conuersatio, quæ sensim sine sensu, persimilem ei quæ illos occupat rerum omnium sacrarum
contem

Causæ priores, neglectus exc. 643

contemptionem ingenerat, id quod in regionibus hæresi fermentaris, palpabiliter deprehenditur. Et iam olim S. Bernardus scribens ad Principem Tolosanum, idem obseruabat de oris ei Principi subiectis, ut refertur in sancti viri rebus gestis lib. 3. c. 5. Affirmat enim regiones illas ex consuetudine cum Henrico hæretico excucullato, didicisse nihili pendere sacra omnia, & nominatim Ecclesiasticam excommunicationem.

3. Secundus fidei defectus, ex quo item ingeneratur neglectus excommunicationis, consistit in morte fidei. Est enim quædam fides mortua, quæ vera quidem fides est, sed frigens & exanimis ob exclusam charitatem, quæ est fidei veluti anima, qua abscedente, tamen si perstat fides substantialiter vera, tamen non viuit, sed mortuâ iacet, quippe destituta charitate, per quam animatur atque formatur. Et ita accidit, quoties quis fide præditus peccat mortaliter, alio peccato quàm infidelitatis. Propterea quæ S. Iudas, vocauit hæreticos, arbores bis mortuas. Nimirum quia & mortui sunt per exclusionem primæ vitæ supernaturalis, hoc est fidei; & mortui insuper sunt, quia carent vita charitatis, quo posteriore mortis genere, mortui item sunt fideles qui mortaliter peccarunt, & fidei suæ exanime cadauer circumferunt. At quia fidem retinent, non sunt bis mortui, sicut hæretici, sed semel duntaxat. Varij enim sunt supernaturalis vitæ gradus, in eodem subiecto separabiles, ita ut quis nunc infimum duntaxat vitæ gradum, nunc & illum & superiores, possit habere; quod in vita naturali non contingit. Non enim potest quis retinere solum gradum vitæ vegetantis, abiecta sensitiua & rationali, quia

644 *Pars II. Caput XVIII.*

vna & eadem physica entitas animæ rationalis, confert homini omnes illos substantialis vitæ gradus; confert inquam formaliter, & suæmet entitatis communicatione: Vnde impossibile est, vnum absque alio conferri. At gradus prædicti vitæ spiritualis, per diuersas physicè formas, charitatem inquam ac fidem conferuntur; ac proinde sicut fides potest seorsim à charitate consistere, ita & vita per fidem collata, potest reperiri absque gradu vitæ supernaturalis, collato per charitatem: quamuis non viceversa, ob necessariam fidei tanquam fundamenti præsuppositionem, ad reliquam omnem supernaturalem vitam. Accommodatum in hanc rem exemplum, peti potest ex falsa illa sententia, quæ tres realiter distinctas animas homini assignat, quarum quæ superiores sunt, inferiorem essentialiter præsupponant, non è contrario. Cum igitur sola charitas abscedit, anima semel tantum moritur ab amissam vitam supernaturalem primariam & perfectissimam. Cum verò fides quoque perit, anima fit bis mortua; abscessu illius inferioris vitæ, cuius abscessus intentari videtur ei cui dicitur, *Confirma cætera quæ moritura erant*. Iam quippe mortua erat in illo charitas, & periculum impendebat, ne veniretur quoque ad mortem fidei. Nam fides viuifico charitatis calore destituta, sæpè non friget modò, sed etiam riget, ac perit: atque ita homo fit bis mortuus, & quæ moritura erant, quia non confirmantur, emoriuntur. Non abhorret ab ea expositione S. Gregor. 3. p. pastor. admonit. 35. disputans contra segnitiam, inducentem alium quendam fidei defectum, de quo mox. Insigniter verò idem S. Gregor. 25. moral. c. 13. tractans illud, *quasi impios percussit eos in loco videntium*, rem hanc

hanc vniuersam exposuit. *Impios* enim interpretatus, non quoslibet peccantes, sed infideles qui à pietatis regione separantur, & in iudicio non resurgunt, quia qui non credit, iam iudicatus est; addit, locum videntium esse Ecclesiam, de qua Exodi 33. ad Mosem dicitur, *est locus penes me, & stabis supra petram; cum irasset maiestas mea, auferam manum meam, & videbis posteriora mea.* Nimirum quia in Ecclesia, post Christi ad cælos magnificentissimum transitum, ablata Dei manu obtegente Iudæorum oculos, potuit Christus, iam transgressus agnosci à Iudæis. In hoc igitur loco videntium, aliqui percutiuntur quasi impij, quia inter fideles numerus sunt, reuera autem perinde se habent ac bis mortui. [Ibi quippe stabat, (inquit S. Gregorius supra cap. 14.) vbi videre Deum videbantur. Ibi tenebras dilexerunt, vbi lumen veritatis aspicitur. Et quâuis apertos habuerunt oculos in fide, tenuerunt tamen eos clausos in opere. Vnde benè & de Iudæa dicitur: *speculatores eius caci*, quia videlicet non videbant opere, quod professione cernebant. Vnde etiam de Balaam scriptum est, *qui cadens, apertos habet oculos.* Cadens quippe in opere, apertos tenuit oculos in contemplatione. Ita ergo hi etiam oculos aperientes in fide, & non videntes in opere, intra Ecclesiam positi pia specie, extra Ecclesiam inuenti sunt impia conuersatione. De quibus aliàs benè scriptum est; *vidi impios sepultos, qui cum adhuc viuerent, in loco sancta erant, & laudabantur in ciuitate, quasi iustorum operum.* Multos enim peste propriæ prauitatis obsessos, sub Christiano nomine, ipsa tranquillitas Ecclesiasticæ pacis abscondit: quos tamen si leuis persecutionis aura pulsaerit, mox extra aream, velut paleas tollit.]

646 Pars II. Caput XVIII.

4. Neque metaphoricè tantùm, aut per proportionem aliquam, sed reipsa eo non rarò deuenitur per vitam exlegem & fidei moribus contradicentem, vt tandem fides ipsa abiiciatur, deriuata facilè à voluntatis vitio, corruptela ad intellectum. Quod egregiè ibidem c. 15. prosequitur S. Gregorius, ex quo medullatissimæ disputationis partem iuuat apponere. Sic igitur scribit. [Nonnulli fidem medullitùs tenent, sed viuere fideliter nullatenus curant. Insequuntur enim moribus, quod credulitate venerantur. Quibus diuino iudicio sæpè contingit, vt per hoc quod nequiter viuunt, & illud perdant quod salubriter credunt. Incessanter namque se prauis actionibus polluant, & super hoc vindictam iusti iudicij retribui posse diffidunt: Et sæpè cum benè viuere negligunt, etiam persequente nullo, vsque ad perfidiam dilabuntur. Nam qui imminere districtum iudicium non credunt, qui inultè se peccare suspicantur, quo pacto vel esse, vel dici fideles possunt? fidem quippe perdidisse, est incorrectis malis operibus, digna supplicia reddi posse non credere? Quia ergo digna fidei opera seruare contemnunt, etiam fidem perdunt, quam tenere videbantur. Super quos benè per Prophetam sub Hierusalem specie inimicorum destruendum verba memorantur, à quibus scilicet dicitur; *exinanite, exinanite vsque ad fundamentum in ea*. Paulus quippe ait; *fundamentum aliud, nemo potest ponere prater id quod positum est, quod est Christus IESVS*. Inimici ergo destruunt, vsque ad fundamentum Hierusalem exinaniunt, quando peruersi spiritus à corde fidelium, destructo priùs ædificio boni operis, soliditatem quoque exhaustiunt religionis. Sicut enim supra fundamentum

mentum fabrica, sic super fidem opera construuntur. Vsq̃ue ad fundamentum ergo exinaniuisse, est euerſo benè viuendi opere, etiam robur fidei diſſipasse. Hinc etiam ad Iudæam per Hieremiam dicitur: *Filij quoque Memphæos, & Taphneos, constuprauerunt te vsque ad verticem.* Vsq̃ue ad verticem quippe constuprari, est post malæ operationis vsum, etiam in ipsa fidei sublimitate corrumpi. Cum enim nequissimi spiritus, vniuscuiusque animam in prauis operibus inuoluunt, sed integritatem fidei vitare non possunt, quasi adhuc interiora membra polluunt, sed ad verticem non pertingunt. Quisquis autem in fide corrumpitur, iam vsque ad verticem constupratur. Malignus enim spiritus, quasi ab inferioribus membris vsque ad summa pertingit, quando actiuam vitam polluens, castam celsitudinem fidei, diffidentia morbo corrumpit. Quia igitur cuncta ex humanis oculis absconſa sunt, sed diuinis obtutibus patent, & multi in hac domo fidei sine fide moriuntur, dicatur rectè, *Quasi impios percussit eos in loco videntium.* Pios enim se in Ecclesia hominibus ostendunt, sed quia diuina iudicialatere non possunt, quasi impij feriuntur.] En qua ratione, à fide mortua, ad fidei exclusionem omnimodam fit progressio, quantũque sit nexus inter duos primos fidei defectus hactenus propositos.

Vel etiam, dormiens.

5. Est tertius quidam fidei defectus, minũs quidem in speciem horridus, reuera tamen admodum periculofus. Is nimirum, quo enerues nonnulli, etiam si interdum fidem charitate animatam atque ad eò vi-

648 *Pars II. Caput XV III.*

uam ad tempus retinent, tamen præ incogitantia & inconsideratione, non secus reputant fidei mysteria; ac si iis non assentirentur. Perinde enim cum iis circa fidei dogmata agitur, ac cum incontinentibus circa naturalia lumina de amplexanda virtute, & vitio declinando; quæ Aristoteles 1. Ethic. tametsi splendentia & perspectu facilia, ab incontinentibus tamen non secus perspicui ait, quàm ab ebrio carmina Empedoclis. Quisquis enim prauè agit, si motiua à peccato retrahentia, quæ illi vtcunque in mentem veniunt introspiceret, haud dubium quin peccato abiecto honestati adhæreret. Sed quemadmodum ebrius, insignem Empedoclis poësim, præ ebrietate ita effudit, vt ad eius concinnitatem non aduertat, nisi perfunctoriè & oscitanter, ita quisquis à recto exorbitat; incentiua virtutis & amuleta peccati; cogitationes inquam salubres quibus de honesti amore & turpitudinis odio docetur, tam tenuiter attingit, vt non retrahatur ab improbitate, nec impellatur ad bonum. Quod ergo de signato super nos lumine vultus Dei, id est de naturalibus principiis practicis mores conformantibus aiebat Philosophus, locum item habet circa fidei mysteria & veritates supernaturales à Christo reuelatas, quas multi per incogitantiam veluti tenebrescere sinunt. Et valet quidem id maximè in peccatoribus: habet tamen etiam locum in iustis remissioribus iusto, nec videntibus vt par esset, largitate diuina quam sunt experti.

6. Status iste, non abs re, conformiter ad pleraquæ Scripturas, vocari potest, *fidei dormientis*: non dormitione mortis, (quanquam & hoc habita ratione periculi pronunciat S. Bernardus serm. 2. de resurr. Dom.

Dom. *initio*,) sed dormitione somni. Disertè id tradit S. Cyprianus l. de lapsis num. 16. tractans causam permissæ à Deo vexationis Ecclesiæ per Ethnicos. [Dominus (inquit) probari familiam suam voluit, & quia traditam nobis disciplinam pax longa corruperat, iacentem fidem, ac penè dixerim dormientem, censura cœlestis erexit.] Aperit cōtinenter longa oratione, qualis sit ea fidei dormitio, exposito deterrimo statu in quem prolapsi præfocordia erant Christiani, dum fidem velut in theca reconditam seruantes, non exercebantur ad operandum ex eius præscripto. Idem lib. de mortal. num. 8. hanc fidei separationem, infidelitatis cuiusdam ac perfidiæ insimulat. Questus enim quod Christiani agrè hinc excederent grassante peste, docensque eam affixionem ad terrena, magnam continere cæcitatem, subdit; [Hoc autem fit, fratres dilectissimi, quia fides deest; quia nemo credit vera esse, quæ promittit Deus, qui verax est: cuius sermo, credentibus æternus & firmus est. Si tibi vir grauis ac laudabilis, aliquid polliceretur, haberes utique pollicenti fidem, nec te falli aut decipi ab eo crederes, quem stare in sermonibus atque in actibus suis, scires: Nunc Deus tecum loquitur: & tu mente incredula perfidus fluctuas? Deus de hoc mundo recedenti tibi, immortalitatem atque æternitatem pollicetur, & tu dubitas? Hoc est Deum omnino non nosse: hoc est Christum, credentium Dominum & Magistrum, peccato incredulitatis offendere. Hoc est, in Ecclesia constitutum, fidem in domo fidei non habere.] Idem Cyprianus l. de vnitare Ecclesiæ num. 76. imitatus, vt solet, Terrullianum l. de habitu muliebri cap. 1. eodem modo, originem malorum Ecclesiam prementium, re-

SS 5 fert:

650 *Pars II. Caput XV III.*

fert in hunc fidei somnum. [Sic in nobis (inquit) emarcuit vigor fidei , sic credentium robur elanguit ; & idcirco Dominus tempora nostra respiciens , in Euangelio suo dicit : *Filius hominis cum venerit , putas inueniet fidem in terra ?* Videmus fieri , quod ille prædixit. In Dei timore , in lege iustitiæ , in dilectione , in opere , fides nulla. Nemo futurorum metu cogitat diem Domini , & iram Dei , & incredulis ventura supplicia & statuta perfidiæ æterna tormenta nemo considerat. Quod metueret cōscientia nostra , si crederet , quia non credit omnino , nec metuit. Si autem crederet , & caueret : Si caueret , euaderet. Excitemus nos quantum possumus dilectissimi fratres , & somno inertię veteris abrupto , ad obseruanda , & gerenda Domini præcepta vigilemus.]

7. Saluianus frequentissimè idem iterat , sed tam sæpè , & tam prolixè , vt loca aliqua signasse nullo recitato debeat sat esse. Lib. 3. de prouid. *non multum ab initio* , fusè confirmat magnam Christianorum partem defectu custodiæ mandatorum Dei , esse infidelem. Egregiè idem tradit initio libri quarti. Ac denuo lib. 2. ad Eccles. *sub medium* , vbi infidelitatem omnium penè Christianorum , colligit ex tam flaccida , tamque imbecilla spe eorum in Deum. Ibidem , *sub finem libri tertij* , hoc ipsum præclare prosequitur , rursusque ibidem lib. 4. *sub finem*.

S. Augustinus , non esse fidem quæ ita torpet , pulchrè in hunc modum tradit serm. 237. de temp. [Difficile est , vt malè viuat qui benè credit. Credite ex toto corde , credite non claudicantes , non hæsitantes , non contra ipsam fidem humanis suspitionibus argumentantes. Fides appellata est , ab eo quia fit quod dicitur.

Causæ priores, neglectus exc. 651

dicitur. Duæ syllabæ sonant cum dicitur *fides*. Prima syllaba, est à factō. Secunda, à dictō. Interrogo ergo te, vtrum credas : dicis, *Credo*. fac quod dicis, & fides est.]

8. Sed insigniter Petrus Damiani, ad finem sermonis de S. Anthimo, qui tamerſi paulo diffuſius in hanc rem diſſerit, tamen ſenſorum grauitate damnum prolixitatis penſat. [Quorundam planè (inquit) fides eſt vana, flaccida, præcedens quidem in ſuperficie ſimilitudinem, non autem habens intrinſecus veritatem. Horum porro tenuère figuram, qui olim de populo Ephraim venientes ad vada Iordanis, dum neſcirent exprimere *Scibboleth*, ſed *Sibboleth* potiùs tanquam peregrina lingua proferrent, Galaaditarum gladiis caſi ſunt. Quid enim per Iordanem in quo Saluator noſter baptizari dignatus eſt, niſi baptiſmus? quid verò per *Scibboleth* quod interpretatur *ſpica*, niſi fides, eſt intelligenda? ſicut enim ſpica victum præbet hominibus, ita & de fide dicitur, *quia iuſtus ex fide viuit*. Et ſicut ſpica, multa in ſuis ariſtis grana recondit, ita & ſymbolum noſtræ confeſſionis, plurima in ſe fidei ſemina colligit. Venientes itaque ad Iordanem Ephratæi, conſuluntur à Galaaditis quomodo ſpicam exprimant. Venientes etiam ad baptiſmi lauacrum, Catechumeni, inquiruntur à Sacerdotibus qualiter credant. Et quoniam Galaad interpretatur *aceruus teſtimonij*, rectè per Galaaditas, Sacerdotes Eccleſiæ intelliguntur: quia prædicationibus ſuis, opera diuina reſtantur. Per Ephraim verò, qui *ſæcunditatem* ſonat, illi designantur, qui idcirco ad fidei perueniunt ſpicam, vt prouentum ſæcunditatis per boni operis ſemetem proferant. Sicut ergo ij qui ad Iordanem veniunt,

niunt, spicam quidem intelligunt, sed quia exprimere nesciunt moriuntur; ita & qui fontem baptismatis excutiunt, à vita funditus decidunt, nisi fidem ipsam quam edocti sunt, credere studuerint, etià bonorum operum enunciatione proferre, ita nimirum alterum pendet ex altero, vt semen fidei exurgere debeat in spicam operationis. Quod & Saluator noster euidenter ostendit: nam cum præciperet discipulis suis dicens. *Ite, docete omnes gentes, baptizantes eos in nomine Patris, & Filij, & Spiritus sancti*, protinus addit, *docentes eos, seruare omnia quacunque mandauì vobis*. Ac si apertè dicat: semen fidei in cordibus hominum ferite, & mox mandatorum germinantium spicam qualiter operationis lingua exprimere debeant, edocete, ne solœcismum faciant in spica operis, qui se de monte Ephraim, hoc est de celsitudine esse testantur Ecclesiasticæ fœcunditatis. Quapropter dilectissimi, caueamus, ne fides nostra superducto nos solius professionis colore decipiat; & tanquam inanis spica, vacatibus culmis, absque dilectionis medulla follescat.] Mox hortatus ad fidem veram, solidam, ac robustam, supponit hanc fidem infirmam, non esse fidem absolutè veram. Similitérque Origenes homil. 9. in Ezech. ad illud, *mater tua Cethea*, disertè tradit omnem peccatorem, fieri procul à fide & euadere in fratrem hæreticorum atque Gentilium, illud inter cætera vel vt effatû adhibens, [malè credit, quicumque peccat.] id est, iuxta Origenis mentem; non credit, qui peccat.

Quem fidei defectum, exprobrent passim PP.

9. Non est tamen sensus horum Patrum, Christianos

Cause priores, neglectus exc. 653

rianos quos increpant, à fide excidisse: sed tantum significare voluerunt, socordiam illam & dormitionem fidei, quam expressimus. Is quippe veluti sopor fidei, cum sit mortis germanus, ut de corporeo somno ait Poëta, habet aliquam mortis speciem respectu fidei & gratiæ. Ut propterea Apostolus 2. Timot. 1. ad fidei excitationem adhortas Timotheum, dicat, *admoneo, ut resuscites gratiam Dei qua est in te.* En resuscites, quod Græcè est ἀναζωπυρεῖν: & propriè denotat, ignis inter cineres sopiti ac veluti emortui redaccensionem per folles & flabella, ut ibi S. Chrysost. & Theodoret. obseruarunt. Equè S. Petrus 2. epist. c. 1. laborat in suscitanda per commonitionem sincera mente Christianorum, quæ *suscitandi* vox, & mortuo cum ad vitam, & dormienti cum ad vigiliam reuocatur, communis est, bellèque exprimit statum fidei, siue in peccatore mortuæ, siue in iusto dormitantis. Peccator fidelis, est eorum numero quos David Psal. 87. vocat *vulneratos dormientes in sepulchris, quorum Deus non est memor amplius, & ipsi de manu eius repulsi sunt.* Sic enim D. Augustinus in Psal. 67. ad illud, *qui exasperant, qui habitant in sepulchris,* interpretatur eam in sepulchris dormitionem. Est status ille planè infelicissimus, quippe quo homo disponitur, ut à mandatis Dei repellatur. In quam rem egregiè planè differit S. Ambros. in Psal. 118. ad illud, *ne repellas me à mandatis tuis.* Isaias c. 51. eam repulsam, siue projectionem procul à Deo, coniungit cum dormitione: dicens, *filij tui proiecti sunt, dormierunt in capite omnium viarum, sicut oryx illaqueatus, pleni indignatione Domini.* 70. voces primigenias non per orycem illaqueatum expresserunt, sed per betam semicoctam. Quam interpretationem raram

654 Pars II. Caput XV III.

tam ibi habens S. Hieronymus, malos ait esse betas crudas: fideles verò dormitantes, ait esse betas semicoctas, quæ proiiciuntur & euomuntur: additque eos qui huiusmodi sunt, repleti indignatione Domini, ob illam Deo exosam somnolentiam. Chaldaeus, pro oryce illaqueato, & beta semicocta, vertit *lagenam fractam*. Quæ interpretatio, æquè fert quantum sit in spiritali dormitatione vel dispendium, vel periculum. Effluit enim ex dormitante, quicquid infuderis spiritalis laticis. Proptereaque Apostolus Hebr. 2. sic hortabatur fideles. *Abundantiùs oportet observare nos, ea quæ audiuimus, ne fortè pereffluamus*. Id est ne euadamus vasa rimosa, per quæ liquor immissus effluit & elabitur. Idque dormitantibus contingere, deprehendere inde licet, quod Psal. 118. vbi nos legimus, *dormitavit anima mea præ tadio*, S. Ambros. ibi serm. 4. vers. 4. legit cum Origene, *Stillavit anima mea*, quod de vase pertuso ac rimoso, propriè dicitur.

Contemptio excommunicationis ex fidei oblatione, concluditur.

10. Proposui sigillatim omnes hos fidei defectus, & vniuersè attigi quàm sint damnosi & exitiales, vt sigillatim hîc delaberer ad primam, & quantum arbitror, primariam causam contemptus excommunicationis. Verè enim præcipua & frequentissima ratio, cur in plerisque fidelibus is contemptus cernatur, aut cur insensibiles propè videantur cum se vel alios excommunicatione percelli audiunt, inde peti debet, quod fides illos aliquo ex prædictis modis deficiat. Et olim quidem, cum ij qui excommunicabantur, debebantur

debantur Satanae corporaliter, & ab eo immaniter vexabantur, non erat operosum fidem circa hoc negotium suscitare, & prohibere dormitatione. At nunc, quia ea exterior noxiorum cruciatio ferè cessauit, spiritualia verò dispendia, (tametsi longè grauiora,) quæ per excommunicationem inferuntur, non incurrunt in sensus, faciliùs obrepat languor ille, ac veluti marcor diuinæ fidei, qua docemur exsertionem gladij Ecclesiastici per excommunicationem, ei qui sapiat, supra omnia corporea mala formidandam & extimescendam esse. Itaque magna hinc necessitas excusciandæ fidei.

II. Defectus charitatis.

II. Aliam causam cur obsolescat inter Christianos horror excommunicationis, ducere licet ex proportionali defectu charitatis. Affert hanc causam S. Chrysostomus homil. 5. in 2. ad Thessal. ad illud, *Gratia D. N. IESV CHRISTI cum omnibus vobis.* Præfatus enim, tempore Apostoli valdè horrendum fuisse excommunicari, plerosque tamen posteriorum Christianorum non magnum existimare quod communione Christiana priuentur, subdit. [Causa autem & vnde nam erat hoc tunc terribile? Quoniam esse cum eis magnum bonum existimabatur. Quomodo enim qui vnam domum habitant, & sunt in vnius Patris potestate, & vnius mensæ sunt participes, ita tunc habitabant in vnaquaque Ecclesia. A tanta ergo excidisse charitate, quantum erat malum? Nunc autem nihil videtur esse magnum, propterea quod nec magnum quidpiam esse existimatur, quando simul inter nos fuerimus

656 Pars II. Caput XVIII.

fuimus coniuncti. Sicut tunc erat instar supplicij: hoc autem usu venit, propterea quod valde refrigerit charitas, & hoc nunc fit absque supplicio, & temerè alter ab altero separatur, idque præ algore charitatis. Malorum enim omnium causa est, quòd non sit charitas. Hæc omnia Ecclesiæ bona honesta ac præclara, propter quæ exultare oporteret, destruxit ac deleuit.] Planè si fideles agnoscerent, & prout debent, magni facerent, & diligerent insignia bona unitatis Christianæ, de quibus actum supra est quantum satis, horrerent separari à communitate: nec ferrent esse filij subtractionis, vt Apostolus ad Hebr. 10. loquitur. Amor autem ille bonorum Christianam unitatem affectantium, ad charitatem reducitur. Itaque rectè S. Chrysostomus, neglectæ à plerisque excommunicationis causam, refert ad defectum Christianæ charitatis, quæ si adesset plena ac feruens, vrgeret ad amorem unitatis; & horrorem abiunctionis ac separationis à communi cœtu, ingeneraret.

III. *Vsus assiduus cum excommunicatis.*

12. Occurrit tertia eiusdem contemptus causa ad hanc seriem pertinens, hoc est ex parte plebis fidelium se tenens. Hanc causam censeo esse frequentissimam. Existimo igitur usum quotidianum cum excommunicatis, & cum iisdem familiaritatem, præsertim post Concilium Constantiense inductam, plurimum remisisse de horrore, quo olim fideles, audito excommunicationis nomine percellerantur. Non fugillo aut vellico indulgentiam ad vitanda animarum pericula ab Ecclesia concessam, vt liceret cum excommunicatis

excommunicatis communicare, nisi vel denunciati essent, vel notorij percussores Clericorum. Grauiissimæ enim causæ, eam benignitatem ab Ecclesia extorserunt. Itaque tantum abest ut Ecclesia reprehendi possit, ut potius summè collaudanda sit ob eam concessionem. Tamen quia per rem bonam, plerunque adduci ad malum contingit, ut Apostolus etiam deplorat, dicere similiter licet, vitio nostro concessionem Ecclesiæ de licita cum excommunicatis propè omnibus communicatione, & relaxationem antiqui ea in parte rigoris, præbere nobis occasionem minus horrendi ad nomen excommunicationis. Quotidie enim occurrunt qui sint excommunicati non vitandi, cum quibus assidue versantur cæteri. Et cum aliunde sæpè non appareant adeò peruersi, ac plerique non excommunicati; imo videantur quibusdam naturalibus dotibus, aut etiam virtutibus purè moralibus, supra cæteros antecellere, minuitur in cæteris horror excommunicationis; qua implicitos homines, sic vivere, & agere non illaudabiliter, deprehendunt. Simile est quod in hæresi cernimus: Esse enim hæresim verticem quendam criminum, confirmant optimè, S. Thomas 2. 2. q. 10. artic. 3. Conradus Brunus l. 2. de hæreticis, Castro l. 1. de iusta hæretic. punit. c. 2. Lensæus lib. 13. de Christ. libert. cap. 11. Romæus in Caluini effigie, monitione ad lectorem, & fortissimè ac plenissimè Stapletonius, oratione de grauitate peccati hæreseos quæ habetur ad calcem Operis de principiis, vbi hæresim idololatriam quandam esse, & in Atheismum desinere, multorum Patrum luculentis testimoniis docet. Inde illa hæreticorum apud veteres abominatio, tantusque cum eis vel colloquendi


TT

horror.

658 *Pars II. Caput XIX.*

horror. Eum nunc horrorem in his temporum faci-
bus, planè exterminauit in magna Europæ parte, vsus
assiduus cum hæreticis; quos fideles, dum quibusdam
personatarum virtutum veluti laruis obductos vi-
dent, horrere dediscunt. Idem igitur proportionè ser-
uata contingit, quoad horrorem excommunicationis.

Omittendam censeo causam aliam contemptus ex-
communicationis, quam profert & refellit S. Odo l.
1. collat. cap. 19. nempe scandalum malè conceptum à
populis ex informi vita Pastorum. Hanc inquam cau-
sam volo prætermittam: Tum quia nunc per Dei be-
nignitatem, Ecclesia non idolis, sed Pastoribus abun-
dat: Tum etiam quia neminem latet oraculum Chri-
sti de non attendenda vita, sed munere mali Pastoris.
Dissero ea de re plenè in calce Commonitorij de
rektionè humana ad diuinam conformanda.



C A P V T X I X.

*Causa, neglecta excommunicationis, tenentes se ex
parte Prasulum per quos vibratur.*

I. **S**ERIES altera causarum è quibus neglectus
excommunicationis promanat, continet
causas se tenentes ex parte Prælatorum ex-
communicationem ferentium.

Neglectus

*Neglectus excommunicationis, causa ex parte
Pralatorum.*

1. Vibratio eius pro minimis.

Vna in hoc genere est propè quotidiana, quod pro rebus exigui omnino momenti vibrant excommunicationem, vnde eius apud populum depreciatio consequitur. Notauit hoc iam pridem Petrus Blesensis epist. 73. [Culpis (inquit) nostris exigentibus, gladius Petri, rubigine obductus est: & quia non potest incidere, datus est in contemptum. Si capra, si ouicula furto sublata sit, vel occisa, in huius rei autorem, si lateat, sententia excommunicationis emittitur.] Non dissimiliter Gerſo p. 2. in quodam sermone habito in Concilio Rhemenſi partitione 2. generali considerat. 2. prouisione 2. deplorat, quod contra Christi mentem, excommunicationes pro rebus nihili intorqueantur. Et subiungit. [Nunc apud quosdam talis regnat stoliditas, qualis apud illum, qui vt muscam abigeret à fronte proximi, ictu securis excerebrauit eum. Itaque temporalis incommoditas, vix reputari debet musca pungens, per respectum ad æternam salutem, quam auferunt aliquando percussiones istæ per excommunicationes grauissimas; quæ vt in aliquem ceciderint, vix abiici possunt; trahentibus de vna in aliam lupis curiæ rapacibus.] Eadem similitudine in hanc rem vsus est Maior in 4. d. 18. q. 2. conclus. 2. Præterea eandem excommunicationis vsurpationem pro rebus nullius momenti, damnant admodum acriter, Gabriel lect. 26. in Canon. *litera O.* & Dominicus

660 *Pars II. Caput XIX.*

Soto in 4. d. 22. q. 1. artic. 2. Videóque passim graues DD. agnoscere peccatum mortale in hac excommunicationis vibratione pro rebus parui momenti. Ita Ledesma 2. 4. q. 23. Salon. & Bañes 2. 1. q. 66. artic. 6. Iacobus de Grassis p. 1. decis. l. 4. c. 7. num. 9. Sayrus l. 1. de censur. cap. 9. num. 8. Lazarius sect. 1. q. 12. num. 5. & passim alij. Quod iudicium non potest videri aut nimis rigidum, aut scrupulosum. Reuera enim, materia de qua agitur, est valde grauis, & ex ea existunt cum alia magna dána, tñ nominatim depreciatio excómunicationis. Itaque non est dubium, quin hæc prolapsio possit sufficere ad constituendum mortale peccatum, quantum est ex parte obiecti, & circumstantiarum.

2. Apertè fuit hæc mēs S. Leonis Magni epist. 89. c. 7. cū dixit. [Nulli Christianorū facile cōmunio denegetur, nec ad indignantis fiat hoc arbitriū Sacerdotis, quod in magni reatus ultionē inuitus & dolēs quodāmodo, debet inferre animus vindicātis. Cognouimus enim, pro cōmissis & leuibus verbis, quosdam à gratia communionis exclusos, & animā, pro qua sanguis Christi effusus est, irrogatione tā sæui supplicij sauciata, & inermē quodāmodo, exutāque omni munimine, Diabolicis incursum, vt facilē caperetur obiectā.]

3. Insigni miraculo id ipsum cōfirmasse S. Antoninū Archiepiscopum Florétinum, docet Vincentius Maynardus in sancti viri rebus gestis c. 29. sic enim scribit. [Vt anathematis gladium, in rebus maximè arduis, & quibus non aliter occurri poterat, distinxit, sic ad leuissimos casus, cū sit excómmunicatio pœnarū maxima, condebat. Ad ea enim iā tépora deuenimus, vt si quis rastros, marrā, vel bidentē amiserit, putet se non posse cōmodiūs, quàm à sacris exclusionē reperiurū. Quibusdam

Alia caus. neglectus excom. 661

buldâ fortè iacturâ, nescio quam, omninò leuè passis, atque in autores damni anathematis arma flagitantibus, constanti pectore, Præsul facturum se negauit. Tum instantibus ac maximè commotis, quòd despici se putarent, quantum à recto itinere deuiarent, qui ad minima censuris vterentur, huiusmodi voluit exemplo declarare. Candidus panis in medium allatus, cum anathematis verba in eum maiestate illa sua protulisset, statim, spectantibus illis, in carbonis atredinem est conuersus. Ecquis est (inquit) quantumlibet famelicus, qui panem hunc, non dicam deglutire, sed vel dentibus audeat tentare? Quis statim vel inspectum, non proiciat? Quanto peiore conditione, aduersus animas; censuræ laqueo derentas, Deus, cœlites, atque homines stomachantur? Abite iam, ac nolite candorem animarum, pro tenui lucello, in tantas sordes ac nigredinem transformare. Mox nondum profectis, conuersus ad panem, Heus ait; isthoc nexu anathematis te libero. Ac statim, quasi excussisset atredinem, candore viderunt pristino renidere.] Vt admiranda fuit S. Præsulis apud Deum gratia, in liberando illo pane ab anathemate similitudinario, cuius tantùm erat capax, hoc est ab execratione; ita illa panis per execrationem horrenda deformatio, in eum finem à Deo per sanctum virum exorata, vt monstraretur non esse excommunicationem in minutias impendendam, appositissima est ad persuadendum quod hîc intendimus: nimirum, excommunicationem non nisi ex grauib; omnino causis esse in torquendam, & Præsules qui aliter faciunt, ex eo nominatim capite in ea re delinquere, quod occasionem rudibus præbeant contemnendæ excommunicationis.

Solum mortale peccatum, idonea excommunicationis materia.

4. Verùm quia hac in parte nonnulli iusto arctiores fuerunt, dum huic licentiæ, excommunicationem quacunque ex causa iaciendi, franos tentant iniicere, videndum est quæsit illa gravis materia, ob quam intorqueri potest excommunicatio, ita ut non sit futurum periculum, ne vibrata ob eam materiam obsolescat. Et vniuersim quidem, certum ac ratum apud omnes est, excommunicationem non debere intorqueri nisi ex causa graui. Quo nomine non est intelligenda ea duntaxat materia, quæ ex obiecto & suapte natura gravis est. Quod enim rectè præter cæteros notauit Petrus Soto lect. 3. de excommun. id non est necessarium, quin potius aliquando Ecclesia iustè prohibet quædam, quæ suapte natura essent innoxia. V.g. ne Clerici barbam nutriant, vel capillitium promittant, aut ne tabernas adeant, vel ne intersint quibusdam spectaculis. Et ex quo Ecclesia grauiter interdicit istiusmodi rebus, eo ipso induunt grauitatem sufficientem ad mortale peccatum, cuius ea poterit esse deformitas, ut congruè sub excommunicatione veteretur. Sanè in speciem nihil erat leuius quàm comedere de fructu ligni quod erat in medio Paradisi, verèque ex se ea materia fuisset leuis. Tamen interposito diuino interdicto, facta est gravis, & sufficiens ad mortalem culpam. Imo digna, quæ illa umbratili excommunicatione cui Adamus subiacuit, plecteretur. Debet ergo materia esse gravis, vel suapte natura; vel prout superioris verantis interdicto subest, ita ut alte-

ro saltem ex capite sufficiat ad fundandum mortale peccatum: nam nisi eo usque pertingat eius gravitas, inepta planè erit, ut ob eam intorqueatur excommunication, alioqui pœna excederet culpam. Excommunication quippe maior, siue simpliciter dicta, de qua agimus, est pœna grauissima. Debet ergo irrogari pro culpa graui, qualem certè constat non esse culpam mortali inferiorem, cum tam atroci pœna comparatam.

§. Nec reclamant qui excommunicationem quantum est ferenda, putant non esse sufficiens indicium mortalis obligationis. Ita Valentia, Petrus Soto, Driedo, Castro Palaii, quos profert Diana p. 3. tract. ultimo, resol. 76. Hi inquam DD. non idcirco sentiunt excommunicationem posse esse de re leui. Sed tantum affirmant, quoties excommunication ferenda est eiusmodi, ut ex mente superioris qui præceptum tulit sub pœna excommunicationis ferendæ, priusquam reipsa infligatur, necessaria sit monitio præuia, tunc non esse idoneum argumentum ad probandum quod præceptum superioris obliget sub mortali, quia latum est cum excommunicationis comminatione. Ita rectè autores illos exposuit Sanchez l. 6. in decalog. c. 4. num. 51. addens num. 52. quamuis interdum Superior eam monitionis ad vibrationem præmittendæ necessitatem non expresserit, tamen cum materia præcepti est valdè leuis, usum sapientum sic interpretari præceptum de ea sub excommunicatione latum, ut ad excommunicationem reipsa infligendam, præexigatur monitio: ante quam adhibitam, appositio illius pœnæ tanquam ferendæ, non habeatur ut certa nota obligationis mortalis ex præcepto illo consequentis.

quentis. Hæc autem, nemo non videt rectè cohærere cum eo quod constituimus, materiam pro qua excommunication infligitur, debere esse grauem, & idoneam ad fundandum mortale peccatum. Nam in euentu quoque de quo agunt prædicti DD. materia prout excommunicationem actu emissam terminans, grauis erit, quia ob præmissam monitionem, interueniet rebellio, & obfirmatio subditi, quæ materiæ ex se leuitatem supplebit, & efficiet materiam grauem, ac sufficientem ad culpam mortalem, supposita aliunde præcepti rationabilitate & æquitate, qua de re alibi.

Ratum igitur esto, excommunicationem non posse infligi nisi ob materiam grauem, qualis non est, quæ non est idonea fundare mortalem culpam. Et hæc est indubitata omnium autorum sententia, quam nonnulli Theologi his verbis expresserunt, non posse quenquam ab Ecclesia excommunicari, nisi prius ipse seipsum excommunicasset minori excommunicatione. Ita Maior in 4. d. 18. q. 2. in illationibus ex conclus. 3. & Gabriel ibid. q. 2. post Glossam ad cap. *siquidem*, de sent. excom. Quod pronunciatum iam discussi cap. 1. & monstraui non rectè habere quoad aliqua.

At non quodcunque mortale.

6. Neque tamen existimandum est, quodcunque peccatum mortale esse conuenientem excommunicationis materiam. Id enim meritò diffidentur Soto in 4. d. 22. q. 1. artic. 2. & Gabr. in 4. d. 18. q. 2. art. 1. coroll. 1. sed necesse est, culpam esse omnino grauem, & enormem. Licet enim verum sit, quamcunque mortalem

Alia caus. neglectus excom. 665

Iam culpam cui adiungatur inobedientia & contumacia, sufficere posse ut excommunicatio validè infligatur: tamen perperam & imprudenter, ac dissimulata neè ad subditorum fragilitatem, iniretur ea ratio vibrandi excommunicationem. Quare non nisi pro mortali peccato graui, infligenda est, si accommodata & conueniens eius materia quærat. Quidam apud S. Augustinum l. de fide & oper. c. 19. tria tantum agnouerunt crimina, in quæ conuenienter stringeretur excommunicatio, impudicitiam, idololatriam, & homicidium, de qua sententia D. Augustinus nihil statuit: estque haud dubiè falsa, cum sint præterea aliæ graues culpæ, valdè accommodatæ, ut puniatur inflicta excommunicatione, si homo in eis obfirmetur. Fuerunt qui sola peccata contra legem diuinam, censerent esse idoneam excommunicationis materiam: quos meritò reiicit Ayala in Opere de traditionibus p. 3. tit. de excommun. §. *causa excommunicationis*, prolato exemplo S. Clémentis, qui epist. 2. excommunicat Clericos nimium frequentes in visitatione mulierum; quamuis ea crebra visitatio, sola lege humana veteretur. Nonnulli peccata circa materiam temporalem, v. g. iniuriam furto admissam, negarunt posse esse materiam excommunicationis. Qua ex causa, plerique sectarij concitantur aduersus Romanam Ecclesiam, decernentem excommunicationes pro restitutione ablatorum. Sed eam esse indignissimam expostulationem, ipsi S. Augustino expressè aduersantem, monstratum est p. 1. huius Opusculi, agendo de monitorij materia. Nec sanè dubitare licet, quin possit in eo genere grauis & enormis culpa admitti, quæ dignè & conuenienter arceatur per excommunicationem.

666 *Par. II. Caput XIX.*

tionem S. Gregorius l. 2. regist. indict. 10. epist. 34. visus est tradere Ianuario Caralitano Episcopo, illam iniuriam qua ille ipse qui excommunicationem vibrare potest, violatus sit, non esse conuenientem materiam excommunicationis. Sed mens S. Gregorij dūtaxat fuit, frænare animum ad ultionē sui valdè procliuem; vt seigniùs & parciùs exurgat ad ultionem propriæ iniuriæ, quàm eius quæ sit alteri illata. Cæteroqui iustè ac rectè posse Antistites, sibi & suis Ecclesiis irrogatas iniurias excommunicatione plectere, non est dubium: & ita rectè Suarez t. 5. 3. p. d. 2. l. 4. n. 8. & latè ac plenè Ricciullus lib. 4. de iure person. extra gremium Ecclesiæ existentium cap. 61.

7. Concludo igitur, quodcunque mortale peccatum graue, posse esse conuenientem materiam pro qua feratur excommunicatio, quantum est ex parte grauitatis materiæ, quam nunc consideramus. Alia enim insuper requiri ex aliis capitibus, postea attingam. Qui verò neglecta hac conditione notabilis grauitatis materiæ, ferunt excommunicationem pro rebus exigui momenti; & ipsi grauiter peccant, vt præmissi, & excommunicationem vilem faciunt magno Ecclesiæ incommodo; quæ erat prima causa neglectus excommunicationis, tenens se ex parte Antistitum eam vibrantium.

II. Frequentia excommunicandi.

8. Huic causæ, in hac item serie continens est alia, quam notauit Conc. Senonense in decretis morum cap. 31. & benè exagitat Thomas Illyricus tract. de potest. Papæ pag. mihi 103. nimirum quod excommunicationes

Alia caus. neglectus excom. 667

municationes nimis crebrò ac frequenter vibrentur. Quam causam neglectus excommunicationum, aio esse continentem priori; quia si excommunicationes ferrentur tantùm pro rebus planè grauibus, manifestum est quod perrarò & infrequenter ferrentur. Optimum ergo frænum hac in parte esse debet, quod materia accommodata excommunicationis, non sit nisi peccatum planè graue & enorme, quod certè non est adeò frequens. Deinde quod vltra notabilem peccati grauitatem, & vt Sotus supra adductus, ait, enormitatem, necessariæ sint aliæ quædam conditiones; cum ex parte peccati, tum ex parte peccatoris. Nam peccatum debet esse aliquo modo pendens & medicabile. Item debet habere adiunctam rebellionem & contumaciam. Peccator autem debet agnosci ita affectus, vt meritò sperari possit fructus aliquis ex tam graui coercitione, nisi si quando bonum commune in eam necessitatem coniiciat, quæcunque sit subiecti dispositio. Ordinariè tamen res se habet vt dixi. Hæc igitur si à Prælatis attendantur, non est dubium quin minuenda sit excommunicationum frequentia, & auertendus hinc progerminans earum contemptus. Sed stabiliamus breuiter tres prædictas conditiones, ne gratis eas assumpsisse, ad recidendam excommunicationum vbertatem & frequentiam videamur.

Nemo ob culpam prorsus præteritam excommunicandus.

9. Peccatum ob quod excommunicatio infer-
tur, debere esse aliquo modo pendens in futurum, vi-
detur

668 *Pars II. Caput XIX.*

detur perspicuum. Nam peccatum quod prorsus præterierit, & nulla ratione perstet, saltem quoad obligationem satisfaciendi, non est idonea excommunicationis materia: alioqui facilè contingeret, ut iam emendatus, & paratus Ecclesiam audire, inuicem Ecclesiastici gladij transfoderetur, quod constat abhorrere à mente Ecclesiæ. Vnde cap. *Romana*. de sent. excommun. in 6. vetatur excommunicatio pro præteritis culpis. Et idem habetur ex cap. *Si Episcopus*. 11. q. 3. & ex infinitis iuribus, quibus mandatur præmittenda esse excommunicationi monitionem: quæ certè non adhibetur pro peccato præterito, sed pro futuro tantum, eiusve reparatione. Quare ob peccatum prorsus præteritum, & deinceps nullo modo pendens, non potest ferri excommunicatio: quæ est communissima, cum Theologorum, tum Iurisperitorum doctrina. Ita ex Theologis Soto in 4. d. 22. q. 1. artic. 2. conclus. 4. Michael Salon. 2. 2. q. 69. artic. 2. controu. 7. Suarez t. 5. 3. p. d. 4. l. 5. Sayrus l. 1. de césur. cap. 9. n. 25. Ex Iurisperitis verò Nauarrus cap. *inter verba*. conclus. 6. num. 306. Hugol. tab. 1. de cens. c. 9. num. 5. Couar. in c. *alma mater*. p. 1. §. 9. qui alios proferunt. Refragati tamen sunt Caietanus 2. 2. q. 69. artic. 1. Corduba l. 2. quæstionarij, q. 27. & Philiarcus 1. p. de offic. Sacerd. l. 3. c. 3. admittentes, saltem summum Pontificem, posse excommunicare pro culpa prorsus præterita, & nullo modo ultra pendente, ac ne quidem ratione satisfactionis pro ea debitæ. Sed non sunt audiendi: quia Ecclesia non vult ad hoc extremum remedium deueniri, nisi aduersus planè obduratos, & peruersos: eaque etiam fuit mens Christi concedentis potestatem excommunicandi. At tales non

Alia caus. neglectus excom. 669

non sunt, quorum culpa est prorsus præterita, ita ut ne satisfactio quidem superfit exigenda. Mirum verò est, aduersarios opponere Apostolū, qui incestuosum Corinthium excommunicauit pro culpa præterita. Aio mirum esse id obijci, cū Apostoli verbā apertè ferant, miserum illum quando decreta est in eum excommunicatio, adhuc hæsisse in volutabro fœdissimo, ita ut (inquit Paulus) uxorem patris sui aliquis habeat. Adhuc igitur perseuerabat infame commercium. Et quamuis iam cessasse admitteremus; restabat tamen exhibenda satisfactio pro tam enormi turpitudine. Videsis latè versantem hoc Apostoli factum, Suarem t. 5. 3. p. d. 3. l. 11. num. 9. Necessarium itaque est, culpam pro qua excommunicatio fertur, vel esse futuram, vel aliquo modo in futurum pendere.

Nec si absit contumacia.

10. Sed neque qualiscunque culpa notabiliter grauis, ac pendens in futurum, & cui medela possit adhiberi, est idonea materia excommunicationis: debet enim insuper adiunctam habere contumaciam, siue rebellionem aduersus Ecclesiasticum edictum. Ita Scotus in 4. d. 25. quem citat & sequitur Gerſo lect. 4. de vita spirit. coroll. 14. propos. 1. Multis iuribus prolatis id confirmat Chassanæus consil. 1. præsuppositione 5. num. 10. Ratio autem militat hic planè eadem, quæ superius est adducta. Nimirum quod Christi mens non fuerit, ut hoc supremum remedium adhiberetur, nisi erga peruersos & obduratos: quales non sunt, qui dociles se

670 Pars II. Caput XIX.

se præbēt, nec rebellant aduersus Ecclesiasticum editum. Vnde inferunt graues DD. quantumcunque quis violet legem diuinam vel humanam, non ignorans se in ea violatione pessimè agere; tamen non ligari excommunicatione ob eam violationem statuta, nisi sciat suum illud peccatum cuius est optimè conscius, vetari ab Ecclesia, interposita excommunicatione. Quod si inuincibiliter ignoret, peccatum illud interposita excommunicatione vetari, sicut non erit Ecclesiæ rebellis & aduersus eam contumax, ita non incurret in foro interno excommunicationem adiunctam. Ita Molina tract. 5. de Iustit. disp. 71. n. 9. Nauar. in manu. c. 27. num. 16. & in Miscellaneo subiuncto illi capiti num. 274. Sanchez l. 9. de Matrim. d. 32. n. 9. & 13. Auila 2. p. cap. 5. disp. 5. dub. 7. Philarcus 1. p. de offic. sacerdot. l. 3. c. 4. Sayrus l. 1. de censur. c. 18. à n. 14. & Soto in 4. d. 21. q. 1. art. 2. circa 4. casum, citās Scotum, & nonnullos alios in contrarium, sed multo plures pro sententia cui subscripsimus. Et ex hoc fundamento, laicos rarò incurrere excommunicationem iuris, quippe ferè eis ignotas, notat Valent. 1. 2. d. 6. q. 6. p. 1. corollario 9. & Sayrus lib. 2. clauis regię c. 9. num. 26.

Ferèque, si desit spes profectus.

11. Postremò, attenta excommunicationis malignitate, & considerata eius natura quæ est medicinalis esse, monuerunt iam pridem graues DD. abstinendum esse excommunicatione, cum ob noxij obfirmationem non putatur profutura. Ita S. Thomas in 4. d. 18. q. vlt. art. 2. Couarr. in c. *alma mater*, in principio

pio num. 10. & plurimi Iurisperiti apud Sayrum l. 1. de censur. c. 12. num. 3. qui addit, interdum delicti qualitatem aliud postulare, vt cæteri terreantur, & prohibeantur simili iniquatione. Id quod etiam vniuersè circa pœnas reis inflictas, tradit Aristoteles 2. Ethic. cap. 3. & ex eo S. Thomas 1.2. q. 87. artic. 7. Nisi ergo necessitas communis boni aliud extorqueat, abstinendum erit hac pœna, quæ simul est medicina, si agnoscat reum esse planè obduratum. Excommunicatio enim obfirmatione noxij supposita, vix aliquid conferet ad resipiscentiam eius. Itaque cum præcluserimus periculum contagij cæterorum, nihil est quod vrgeat ad inferendam excommunicationem; quin potius charitas vrget ad benignè condescendendum reo obfirmato, & sustinendū in multa patientia vas iræ, si fortè procedente tempore, det ei Deus pœnitentiam, & resipiscat à Diaboli laqueis. Audiendus creditus Prosper l. 2. de vita contempl. c. 5. [Quia nec obiurgari omnes expedit, nec omnes blandè tractari, sciunt sancti Sacerdotes atque discernunt, quos debeant temperata seueritate corripere, & quos Sacerdotali magnanimitate portare: Et ideo omnium quos per Dei gratiam curant, non voluntati, sed vtilitati prospiciunt. Denique alios honorari deformiter ambientes, quibus non expedire nouerunt, non vitio alicuius inuidiæ, sed altæ prudentiæ consilio prætermittunt: & alios latere cupientes honorant, vt eis aditum ad maiores profectus aperiât. Eos quos probant increpationem posse pati, castigant: & impatientes obiurgationis, vt languidos palpant; non eis adulando quod tales sunt, sed infirmitatibus talium compatiendo, si fortè aliter sanari non possunt. Cæterum

672 Pars II. Caput XIX.

terùm si Ecclesiæ cōmunionē priuentur infirmi, qui curari adhibita increpatione non possunt, aut intolerabilis mole tristitiæ supra modū grauati succumbūt, & sanctorum omnium vultus, per quos possent restitui Deo, refugium, aut certè ad omnem peccandi impudentiam, si fuerint exacerbati prosiliunt; & quidquid mali occultè faciebant, publicè perpetrabunt; in tantam vesaniam reparandæ salutis desperatione prolapsi, vt seria verba cortipientium in iocos exitiabiles impudenti vrbanitate conuertant; ac malè dieaces in se ex ipsa iactatione turpitudinis suæ, turpiter viuentium maleuolas lætitiās pascant. Propter hoc ergo, blanda pietate portandi sunt, qui increpari pro sua infirmitate non possunt.]

Concluditur, meritò recidendam excommunicandi frequentiam.

12. Hæc nisi seruent Antistites, iisq̃ue seruandis multitudinem & frequentiam nimiam excommunicationum recidant, (neque enim adeò frequenter concurrunt omnia quæ hætenus præmisimus;) facilè continger, vt excommunicationes crebrò intortæ vilescant. Quæ enim abundant, contemptui habentur, quæ verò rara & infrequentia sunt, habentur in pretio, vt rectè tradit Aristoteles 1. Rhetor. c. 7. & optimè Theophrastus in calce suæ Metaphysicè. Similitérque S. Hieron. epist. 8. num. 34. docet pretia facilitate decrescere, & in raritate mercium esse maiora. Videndus insuper epist. 85. & in traditionibus, ad librum 1. Reg. c. 3. circa illud, & sermo Domini erat pretiosus. Festiuum est quod Iosephus à Costa in historia Indica

Indica recitat l. 4. c. 13. gemmarium ad pretium paucarum gemmarum explorandum adhibitum, professum esse magni eas pretij esse, magnoque & atidè correptum iri. Eundem, mox exhibita capsella gemmis illis referta, respondisse, merces tam copiosè abundantes, perexigui esse valoris, nec magni æstimandas. Nimirum ut ait Tertull. l. de habitu mulieb. cap. 7. [Semper abundantia, contumeliosa in semetipsam est.] Qui igitur excommunicationem, nimium vulgarem, hoc est nimium frequentem reddunt, efficiunt ut in contemptum veniat, nec eum sui horrorem ingeneret, quem par esset per eam ingenerari. Conclamat in hanc abusione Scotus in 4. q. vnica, num. 17. obseruans, Apostolos perrarò vfos excommunicatione, nec à S. Paulo nisi ter adhibitam. Frequenter etiam de hac abusione expostulat Gerſo, ac nominatim lect. 4. de vita spirit. coroll. 12. ac ibid. coroll. 14. propos. 2. quo loco refert Urbanum V. eo maximè nomine sibi esse gratulatum infulas Summi Pontificatus, quòd per eas à tot excommunicationum pedicis factus esset immunis. Quibus verbis, ut Gerſo notauit, itèmq; Maior in 4. d. 18. q. 4. in fine, tacitè sugillabat, tam numerosas, tamque frequentes excommunicationes.

III. Procliuitas ad excommunicandum.

13. Affinis duabus proximè propositis causis contemptus excommunicationis, est alia, ex parte item prælatorum se tenens: Nimirum animus præceps ac veluti lubens in exserendo gladio Ecclesiastico, quem esse genium *quorundam fatuorum*, ait Scotus loco proximè adducto. Sapientem enim còque nomine

dignum Præsulem, non secus necesse est affici in truncando fratre à cœtu fidelium, quàm afficiatur Medicus, se accingens ad amputandum putre membrum. Ex qua comparatione, S. Chrysostomus, l. de S. Babyla, commendata moderatione sancti illius Antistitis in vibranda excommunicatione, infert sic faciendum quibusvis excommunicatione vibraturis. [Conuenit enim arbitror, (inquit) vt qui alios est reprehensurus, is animum suum quam longissimè ab omni temeritate & contumacia asserat. Quâque vsurpat agendi vehementiam, eam ex verborum atque rerum natura tantum demonstret. Etenim vel Medici dum vel putrida membra secare, vel intumescencia comprimere opus est, non ita prius animum suum complentes, ita demum ad curandum accedunt, sed tum maximè decenti in statu animi cogitationem continere adlaborant; vt ne ipsis turbari animi motus officiat. Quod si corpus curaturo, tâta animi sedatione opus est, quo obsecro animarum medicum loco habebimus? Quantam ab eo sapientiam exigemus? Certè longè maiorem, atque adeò tantam, quantam bonus ille martyr præstitit. Nobis enim quosdam quasi terminos, & regulas præscripsit, per quas videlicet & in reliquis facta proportionem, nobis ipsis modum desumamus. Sic miserum illum, à sacrosanctis Claustris summonit.]

14. Ex ea autem facilitate sæuiendi in Christi membra, per Antistitem genio suo ac iracundiæ seruientem, consequitur despectio excommunicationis, etiamsi alioqui posset iusta esse ex parte obiecti; vicio personæ, in actum sic exercitum malè transfuso, ab iis quorum interest, vel qui eum defectum deprehenderint. Multo magis autem effundetur contemptio super

per Principes, si, quod in excommunicandi prurigne proclive est, contingat excommunicationem vibrari pro causa inidonea. Quis enim non derisisset illas excommunicationes, quas S. Hieron. in c. 1. epistolæ ad Titum, ad illud, *sed hospitalem*, latas refert à nonnullis Episcopis in laicos, eo quod hospitales essent, & bonorum amatores: quasi nō licuisset laicis facere, quod non faciebant Episcopi, omni licet nexu ad id astricti? Hoc ipsum in Diotrephe notauerat S. Ioannes, sic de eo ad Caium scribens. *Ipse non recipit fratres, sed & volentes prohibet, & de Ecclesia eiicit.* Contemptio autem huiusmodi planè ludicrarum excommunicationū, nullo postea negotio trāsfunditur ad eas quoque, quas iidem Antistites iustè vibrant. Et imprudenter quidem ac indebitè fit ea transfusio; fit tamen; vt ex eo patet, quod minores defectus & cum validitate sententiæ coherentes, facilè in causa sunt, vt contemptui habeatur. Quanto ergo magis si is sit defectus ex quo vel sententia apertè fiat nulla, vel de cuius valore dubitetur? Eiusmodi defectus fuisse videtur, quem S. Gregorius l. 12. epist. 26 exprobrat Maximiano Episcopo, qui furore commotus, Eusebium Abbatem, virum optimum excommunicarat. Ingens supplicium talibus excommunicatione abutentibus impendere, docet his verbis S. Hieron. in cap. 34. Ezech. *sub finem*, ad illud, *ecce ego ipse indico inter pecus pingue & macilentum*: [Id est (inquit) inter forte & infirmum. Fortes enim lateribus & humeris suis impingunt, atque collidunt infirma pecora, & cornibus ventilant: neſcientes, in lege taurum cornuperam debere puniri. Impingebant autem lateribus, & cornibus ventilabant, donec dispergerentur, & ejicerent oues foras.

676 *Pars II. Caput XIX.*

Superbia enim maiorum, & præpositorum iniquitate, frequenter pelluntur de Ecclesia, ut dispergantur à Domino quos ipse saluauit. Sed non dimittet eos Dominus ultra in rapinam, & iudicabit inter pecus, & pecus: non inter nomina dignitatum, quibus tument præpositi, sed inter hominem, & hominem, iuxta id quod vterque seruus est Domini.]

Tantæ moli furoris Domini declinandæ, & quod præsertim nunc agimus, auertendæ deprecationi & contempcioni excommunicationis, ob pronitatem Antistitis ad eam ferendam, necesse est, ut qui se cogno aduertit, ad alterum potiùs extremum accedat; coneturque saluis semper officij legibus, abstinere à truncatione membrorum mystici Corporis Christi Domini; & quando necessitate ad eam adigitur, non secus ac bonus Chirurgus quoad corpora, accedat inuitus ad triste ministerium. Iuuaret maximè ad moderationem hac in parte tenendam, sapiens consilium Martini Peresij p. 3. de tradit. titulo de excom. §. *causæ excommunicationis*. Nimirum, quod tametsi Episcopus, solus & absque aliorum consilio, possit excommunicationem infligere, eam tamen nunquam infligat, quin priùs conuocato cœtu proborum ac peritorum, audiat sitne ea causa idonea ob quam infligat excommunicationem. Idque censet Peresius seruatum à S. Paulo 1. Cor. 5. cum iussit incestuosum tradi Satanæ, *congregatis* (inquit) *vobis & meo spiritu*. Addit quoque, Andream à Vega in Concilio Tridentino Theologum, id ipsum fundasse in verbis illis Christi, *dic Ecclesia*: quo nomine negabat Vega, intelligi posse vnicam tametsi publicam personam. Id quod etiam ex illis Christi verbis eruit spurcus hæreticus Marsilius

lius Patauinus in defensorio Pacis, latè contendens ea Christi verba ferre, vt excommunicatio non feratur ab Antistite nisi aduocato concilio, alioqui irritam fore. Sed quamuis ea verborum Christi interpretatio reiicienda sit, verèque S. Cyprianus epist. ad Pupianum dixerit, Episcopum in Ecclesia esse, & Ecclesiam in Episcopo; proindèque dubium non sit, quin Episcopus se solo & absque adhibitis in concilium aliis, possit validè intorquere excommunicationem; tamen si agatur de congruenti exsertione gladij huius Ecclesiastici, præsertim per eum Antistitem qui se ad eius vsum agnoscat procliuem, optandum esset, reuocari ad praxim, quod Peresius admonebat.

*Monita ex Patribus ad Antistites, vt propositas
temnende excommunicationis causas
remoueant.*

16. Hic si per viscera misericordiæ Dei nostri, Rectores gregis Dominici, quorum est excommunicationes intorquere, interpellauero, & quod eorum dignitas, mea verò tenuitas fert, demissè obsecrauerò, & euicero, vt iis quæ de causis contemptionis gladij Ecclesiastici hætenus sunt tradita, rite perpensis, velint in hoc genere, & attenti, & parci, & leni ac morosi existere; rem præstitero & ad animarum bonum, & ad fructus ex hac pœna quæsitæ certitudinem, & ad ipsorum Præsulum dignitatem ac salutem, valdè conducibilem. Quod verò multo maiori cum autoritate id ipsum præstituri sint SS. Patres, placet eorum in hanc rem nonnulla monita repræsentare. Oraculum

678 *Pars II. Caput XIX.*

Tridentinæ Synodi, primum locum meritò tenebit. Ita habet sess. 25. cap. 3. de reform. [Quamuis excommunicationis gladius, neruus sit Ecclesiasticæ disciplinæ, & ad continendos in officio populos valde salutaris, sobriè tamen, magnâque circumspectiōe exercendus est: cum experientia doceat, si temerè, aut leuibus ex rebus incuriatur, magis contemni, quàm formidari; & perniciem potius parere, quàm salutem.]

17. Clemens Romanus 2. Constit. c. 21. grauissimè contestatur Episcopum, ne sit præceps, aut facilis ad exturbandos ex Ecclesia fideles, reddítque rationem. [Siquidem continuò vt aliquis ex Ecclesia eiectus est, accedunt ad eum truculenti lupi, & perinde ac si agnus esset, ita illum prædam esse putant ad vorandum, illius interitum quæstui habentes. Etenim eorum pater Diabolus, homicida est: & qui iniuste per imprudentiam titam eiectus est, & tristitia oppressus, ac pusillo animo effectus, aut ad Gentiles aberrabit, aut hæresibus implicabitur, & penitus ab Ecclesia, & ab spe in Deo posita abalienabitur, atque ab impietate constringetur; fiésque de illius interitu reus. Neque enim æquum est, promptum esse ad eiiciendum eum qui deliquit, tardum verò ad recipiendum eum, qui à peccatò se auertit: præproperum ad amputandum, crudelem autem ad medendum dolenti. De talibus verò ait Scriptura, *pedes eorum ad malum currunt, & celeres sunt ad effundendum sanguinem: calamitas, & afflictio in viis eorum, & viam pacis non cognouerunt.*] Et cap. 41. [Ergo & tu, vt Medicus condolens, adhibe curationem iis qui deliquerunt, vtrens salutaribus ad opitulandum modis: non solum secans,

aut vrens, aut sicca medicamenta adhibens, sed etiam vulnus alligans, & linimentum in illud iniiciens, lenéque medicamentum, quod vim habeat obducendí cicatricem imponés, ac verbis consolatoriis recreans. Si vulnus cauum fuerit, appone suaue emplastrum ad accretionem carnis; vt carne repletum vulnus æquale efficiatur parti sanæ. Si autem vulnus sordescit, tunc repurga nouacula, id est, sermone increpatorio; si turgescit, complana, & deprime acri collyrio, id est, minis iudicij; si serpit cancer, vre, & extrahe saniem, comprimens ieiuniis. Quod si hæc feceris, ac demum intellexeris, quod à pedibus vsque ad caput non est malagma imponere, neque oleum, neque alligationem, imò magis serpit cancer, & omnem curationem anticipat; vniuersas partes corporis, tanquam gangræna tabefaciens; hic tu multa consideratione, aliis item medicis peritis, & exercitatis in consilium adhibitis, seca membrum tabidum, ne vniuersum corpus Ecclesiæ intereat. Ne igitur facilis sis & præproperus ad secandum, neque celeriter ad feram dentatam profilias; quin potius vttere prius scalpello ad secandum apostema, vt causa morbi, quæ intus residet educta, corpus seruetur à dolore incolume. At verò quem à pœnitentia alienum videris, & obduruisse, hunc tu cum mœrore, vt insanabilem eiice ex Ecclesia: *Tolletis (inquit) improbum ex vobisip[s]is, & facietis reuerentes filios Israël.*]

18. Origenes tract. 35. in Matth. tractans increpationem Christi ad Phariseos claudentes regnum cœlorum ante homines, sic scribit. [Est verè videre multos Doctores non permittétes intrare in regnum cœlorum, intrate concupiscentes: maximè quando

680 *Pars II. Caput XIX.*

sine iudicio & sine ratione, non propter peccata quæ faciunt, excommunicant quosdam: sed propter aliquem zelum & contentionem, prohibent intrare, frequenter etiam meliores quàm sunt ipsi. Et ipsi quidem non permittuntur introire, illi autem qui sobrij sunt mente & animo vigilantes, vincentes sua patientia & longanimitate tyrannides eorum, quamvis vetiti tamen intrant, & hæreditant regnum cælorum.] Nihil addi in hanc rem potest, ad ea quæ habet idem Origenes hom. 9. in Ierem. Locum iam defloravi superius, monstrans excommunicationis seueritatem, probè consistere cum Ecclesiæ lenitate.

19. Nazianzenus orat. 26. num. 52. [Illud saltem tibi impera, vt fratrem non condemnes, nec timiditati impietatis nomen imponas, nec temerè ac præcipiti iudicio, eum condemnes, aut salutem eius pro desperata habens discedas, qui animi facilitatem, ac morum suauitatem profiteris. Quin potiùs hîc humilem te præbe, dum licet. Hîc nullo cum tuo detrimento fratrem tibi antepone, vbi condemnare & contemnere, nihil aliud est quàm à Christo ac sola spe eiicere atque exturbare, occultumque triticum, (& quidem triticum fortasse te præstantius,) vna eum zizaniis excindere. Hanc rationem tene, vt partim illum corrigas, idque leuiter & humanè, non vt hostis, nec vt durus & rigidus medicus, nec vt sectionibus tantum, & cauteriis aduersus morbum grassari sciens: partem te ipsum, ac tuam infirmitatem cognoscas. Quid enim si lippientibus oculis, iam alio quopiam morbo laborantibus, obscurum Solem aspicias? Quid si omnia verri, ac sursum deorsumque ferri putes, ipse nausæ correptus, aut vino obrutus, ignorantiamque tuam aliis attribuas?

Alia caus. neglectus excom. 681

attribuas? Multum diùque ante versandus atque contorquendus est animus, multa ferenda, quàm vt alium impietatis damnemus. Non idem est stirpem, aut breuem quendam & caducum florem euellere, atque hominem excindere. Imago Dei es, & imaginem quoque Dei alloqueris. Iudicium quoque subibis, qui iudicas; & quidem alienum seruum iudicas, & quem alius moderatur. Sic fratrem tuum explora, quasi ipse ad eandem mensuram expendendus. Quocirca ne citò ac temerè membrum feces ac proicias, cum incertum sit an hac ratione partes quoque sanæ, perniciem aliquam contracturæ sint.]

S. Hieronymus in cap. 10. Ecclesiastis ad illud, *qui subtrahit lapides, dolebit in eis*, sic scribit. [Intelligendum quòd Ecclesiasticus vir, Episcopus videlicet, & Presbyter, si iuxta mandatum Leuitici de leprosa domo lapidem abstulerit in cinerem & puluerem conterendum, dolebit in eo ipso, quod de Ecclesia Christi lapidem auferre cogitur: dicens secundùm Apostolum: *Flere cum flentibus, lugere cum lugentibus.* Et: *quis infirmatur, & ego non infirmor, quis scandalizatur, & ego non uror?*]

20. S. Ambros. 2. offic. c. 27. [Cum dolore amputatur, etiam quæ putruit pars corporis, & diu tractatur, si potest sanari medicamentis. Si non potest, tunc à medico bono abscinditur. Sic Episcopi affectus boni est, vt optet sanare infirmos, serpentina auferre vlcera, adurere aliqua, non abscindere, postremò quod sanari non potest, cum dolore abscindere. Vnde pulcherrimum illud præceptum magis eminet, vt cogitemus non quæ nostra sunt, sed quæ aliorum. Hoc enim modo nihil erit, quod vel irati nostro indulgeamus

682 *Pars II. Caput XIX.*

mus affectui, vel fauentes nostræ plus iusto tribuamus aliquid voluntati.]

21. Chrysostomus homilia de Anathemate, Apostolorum sapientiam & benignitatem commendat, quod cum aliqui essent eiiciendi de Ecclesia non secus afficiebantur, [quàm si effodiendus esset dexter oculus: qua tempestiua membri defectione, magnû suæ compassionis & dolotis indicium præ se ferebant.] Et libro de S. Babyla, post fusè expositam Imperatoris Christiani excommunicationem per illum S. Antistitem, subiungit mœrorem eius, ex iniecta necessitate excommunicandi discipulum, & filium spirituales. [Nolunt enim Sancti, corollas sibi alienis ex malis contexi. Quòd si ab alienis malis nolunt, multò minùs ab iis malis, quæ ipsorum domesticis ac familiaribus obueniunt. Quo nomine & beatus Dauid, victoria parata ac triumpho iam actò, lugebat, & lachrymabatur, quod ad calamitatem quam ex filio receperat, & hæc item accessisset. Quin exeuntibus ad conflictum militibus, multa tyranni nomine mandabat, eosque qui ad illius cædem properabant, hac ratione cohibebat: *Parcite puero Absalon. Quem ipsû in prælio prostratum lugebat, non sine fletibus, lachrymisque amaris inimicum reuocans. Quod si naturalis pater, tam propenso est erga liberos suos affectu, certè multò magis id de spiritali patre fatendum. Parentibus enim spiritalibus liberorum suorum maior cura est, quàm naturalibus, Paulo ita attestante, quis infirmatur, & ego non infirmor? quis offendiculum patitur, & ego non uror? Sed hoc quidem æqualitatem nobis repræsentat. Quanquam certè vix patres in hanc ipsam vocem erumpunt. Verumtamen*
demus

Alia caus. neglectus excom. 683

demus & illos luculque affectu accedere posse : nos enim spirituales patres maiora etiam præstare ostendimus. At hoc ipsum vndè ? Ab iisdem iterum visceribus , & à legislatoris Mosis verbis. Ille verò quid dicit ? *Si remittis eis peccatum, remitte : sin minus , & me ipsum ex libro quem scripsisti dele.* Nullus sanè est pater, cui alioqui bonis infinitis perfrui liberum sit , qui tamen malit vnà cum liberis suis , pœnis affligi. At Apostolus , vt qui in gratiæ statu versatus fuerat , ad paterni huius affectus intentionem addidit , propter Christum. Non enim Mosis exemplo cum illis pœnas dare malebat, sed vt aliis benè esset, sibi ipse excidium imprecabatur, quum diceret : *optarim anathema esse in Christo pro cognatis meis fratribus secundum carnem.* Tanta certè misericordia , atque affectu , olim Sanctorum animi abundabant.] Hoc affectu ad excommunicandum processit S. Babylas iuxta S. Chrysostomum, qui eam Ideam Prælati omnibus propositam voluit, quam exprimerent in gladij Ecclesiastici exertione.

22. S. Augustinus l. 3. contra Parmen. c. 1. & seqq. fusè demonstrat , eos qui imitatione Apostoli peccatores tradunt Satanæ in interitum carnis , vt spiritus saluus fiat , debere hoc facere humilitate lugentium, non superbia sæuientium. Profertque in eam rem Apostolum, qui testatur se *ex multa tribulatione & angustia cordis, per multas lachrymas*, excommunicationem inflixisse spurco thori paterni fœdatori : monstratque nihil moderatius, nihil diligentius, nihil sollicitudine pia & paterna ac materna charitate plenius fieri aut dici potuisse , quàm quod ab Apostolo factum est ac dictum, erga eum quem sic feriebat: idque esse

684 *Pars II. Caput XIX.*

esse ait, quod Pastores omnes summoperè par sit
 æmulari. Idem in Psal. 54. ad illud, *quis dabit mihi pen-
 nas*, sic scribit. [Diligamus inimicos, corripiamus, ca-
 stigemus, & excommunicemus; cum dilectione à no-
 bis etiam separemus. Videte enim quid dicat Aposto-
 lus. *Si quis autem non obaudit verbo nostro per episto-
 lam, hunc notate, & nolite commisceri cum eo.* Sed ne sub-
 repat tibi ex hoc iracundia, & turbet oculum tuum,
 non (inquit,) ut inimicum cum existimetis, sed corri-
 pite ut fratrem, ut erubescat. A quo indixit separatio-
 nem, non præcidit dilectionem.] Idem insigniter l.
 de fide & operibus c. 3. [Quo animo & qua charitate
 misericors ista seueritas adhibenda sit, non solum eo
 loco, ubi ait ut spiritus saluus sit in die Domini nostri
 IESU CHRISTI, sed alibi quoque, euidenter ostendit
 dicens, *si quis non obaudit verbo nostro per epistolam,
 hunc notate, & nolite commisceri cum eo, ut erubescat, &
 non ut inimicum cum existimetis, sed corripite ut fratrem.*
 Et ipse Dominus exemplum singulare patientiæ, qua
 etiam in duodecim Apostolis vsque ad passionem
 diabolum pextulit; & qui ait, *finite utraque crescere,
 vsque ad messem, ne forte cum vultis colligere zizania,
 simul eradicetis & triticum*; retiæque illa in similitudi-
 ne Ecclesiæ vsque ad littus, hoc est vsque ad sæculi fi-
 nē, bonos & malos pisces habitura prædixit: & cætera
 si quæ de permixtione bonorū & malorū, siue apertè,
 siue per similitudines locutus est: nō idē tamē omit-
 tendam censuit Ecclesiæ disciplinam. Imo verò ad-
 monuit adhibendam, quando ait, *attendite vobis, si
 peccauerit in te frater tuus, vade & corripe eū inter te &
 ipsum solum. Si audierit te, lucratus es fratrem tuum: si
 autem non audierit te, assume tecum unum, vel duos, ut*

Alia caus. neglectus exc. 685

in ore testium duorum vel trium, stet omne verbum. Quod si non audierit eos, dic Ecclesia, si autem nec Ecclesiam audierit, sit tibi tanquam Ethnicus & Publicanus. Deinde ipsius seueritatis terrorem grauissimum adiecit, etiam eo loco dicens. *Qua solueritis in terra, soluta erunt & in caelo; qua ligaueritis in terra, ligata erunt & in caelo.* Prohibet etiã, sanctum dare canibus, nec contrarius est Apostolus Domino, quia dicit, *peccantes coram omnibus argue, ut ceteri timorem habeant: cum ille dicat: Corripe eum inter te & ipsum.* Vtrumque enim faciendum est, sicut & infirmitatis diuersitas admonet, eorum quos vtrique non perdendos, sed corrigendos curandosque suscepimus. Et alius sic, alius autem sic sanandus est. Ita etiã est ratio dissimulandi, & tolerandi malos in Ecclesia: & est rursus ratio castigãdi & corripiendi; non admittendi, vel à communione remouendi. Errant autem homines non seruantes modum; & cum in vnã partem procliuiter ire cœperint, non respiciunt diuinæ authoritatis alia testimonia, quibus possint ab illa intentione reuocari, & in ea quæ ex vtrisque temperata est veritate, ac moderatione consistere.]

73. Cassianus l. decimo de institut. præmissa c. 15. Apostoli in bonos ac dociles humanitate, subdit cap. 16. [Rursus tamen ne fortè hac lenitate prouocati quidam, præceptis eius obedire contemnant, intermiscet apostolicam seueritatem: *quod si quis non obedit verbo nostro per epistolam, hunc notate, & nolite commisceri cum illo, ut confundatur, monensque eos pro reuerentia sui, & vtilitate communi, quid oporteat obseruari, quaque cautione Apostolica mandata custodiant, subiungit confestim patris indulgentissimi lenitatem:*

686 *Pars II. Caput XIX.*

nitatem : & vt filios suos , quem erga prædictos pro charitate fraternitatis affectum debeant retinere , similiter docet. *Et nolite* (inquit,) *quasi inimicum existimare, sed corripite vt fratrem* : seueritati iudiciariæ, paternam intermiscuit pietatem, & sententiam apostolico rigore prolatam , clementi mansuetudine temperauit. Nam & notari iubet eum, qui obedire præceptis suis contempserit, & cum illo non commilceri, & tantum hæc fieri non odij vitio præcipit , sed fraternæ dilectionis, & eorum emendationis intuitu. *Nolite*, (inquit,) *commisceri, vt confundatur* : vt qui non est meis præceptis mitibus emendatus , saltem publica omnium vestrûm segregatione confusus , ad trami-tem salutis aliquando incipiat reuocari.]

24. Prosper aut potius Pomærius l. 2. de vita contemplat. c. 7. indicens plenissimum sapientiæ progressum in correctione vitiorum, sic differt. [Cum nobis fratres, quilibet peccata sua tanquam medicis vulnera quibus vrgentur aperiunt, operam dare debemus, vt quantocyus ad sanitatem Deo auctore perueniant, nec in peius dissimulata curatione proficiant. Ea autem crimina quorumlibet, si ipsis criminosis confiteri nolentibus , vndecumque claruerint, quæcumque non fuerint patientiæ leni medicamento sanata, velut igni quodam piæ increpationis vrenda sunt, & curanda. Quod si nec sic quidem æquanimiter sustinentis, ac piæ increpantis medela profecerit in eis , qui diu portati, & salubriter obiurgati corrigi noluerint, tanquam putres corporis partes debere ferro excommunicationis abscindi; ne sicut caro morbis emortua, si abscissa non fuerit, salutem reliquæ carnis putredinis : suæ contagione corrumpit ; ita isti qui emendari despicunt,

Alia caus. neglectus excom. 687

spiciunt, & in suo morbo persistunt, si moribus depravatis in Sanctorum societate permanserint, eos exemplo suæ perditionis inficiant.]

S. Leo epist. 89. cap. 7. insigniter tradit, quod hîc intendimus. Locum alia ex causa dedi cap. superiori. Ex Nicone epistol. ad Enclitium, locum dabo cap. sequenti, sanè luculentum.

25. S. Gregorius homil. 26. in Euang. [Ligandi atque soluendi auctoritatem suscipiunt qui gradum regiminis sortiuntur. Grandis honor, sed graue pondus istius est honoris. Durum quippe est, ut qui nescit tenere moderamina vitæ suæ, iudex vitæ fiat alienæ. Et plerunque contingit, ut hic iudicij locum teneat, cui ad locum vita minimè concordat: ac proinde sæpè agitur, ut vel damnet immeritos, vel alios ipse ligatus soluat. Sæpè in soluendis ac ligandis subditis, suæ voluntatis motus, non autem causarum merita sequitur: unde fit, ut ipsa hac ligandi & soluendi potestate se priuet, qui hanc pro suis voluntatibus, & non pro subditorum moribus exercet. Sæpè fit, ut erga quemlibet proximum, odio vel gratia moueatur pastor: iudicare autem de subditis dignè nequeunt, qui in subditorum causis, sua vel odia, vel gratiam sequuntur. Undè rectè per Prophetâ dicitur: *mortificabāt animas, quæ non moriuntur, & viuificabant animas quæ non uiuunt*. Non morientem quippe mortificat, qui iustum damnat, & non victurum viuificare nititur, qui reum à supplicio absolvere conatur. Causæ ergo pensandæ sunt, & tunc ligandi, atque soluendi potestas exercenda. Videndum est, quæ culpa præcessit, aut quæ sit pœnitentia secuta post culpam: ut quos omnipotens Deus per compunctionis gratiam visitat, illos Pastoris

ris

688 Pars II. Caput XIX.

ris sententia absoluat. Tunc enim vera est absolutio præsentis, cum æterni arbitrium sequitur iudicis.]

26. Antiochus homilia 122. [Ecquid ait Dominus Petro: *quacunque ligaueris super terram, erunt ligata & in cælis*. Vis verbi istius, quàm operatoria sit, quàmque efficax, expende. Non dixit, *quacunque ligaueris super terram, erunt ligata in cælis*. Vide, inquam, solerter, vt dum quempiam censura excommunicationis cogeris ferire, dum arces templi aditu, dum gradu deiicis, habeas rem hanc horrore: quippe qui Deum ipsum inuoces sententiæ tali tuæ suffraganeum; quasi qui dum hæc facis, contestere eadem sancta esse & in cælis. At interim inhorrescit totus qui eliminatur templi aditu, aut gradu deturbatur, vt qui intelligat excludi se regno cælorum. Vide, (rursus dixerim) ô Sacerdos quid agas: quæ enim deorsum vinculo innectis oris tui, certò tibi persuade, eadem sanciri sursum, & comprobari. Non enim vinculum eiusmodi impune erit, siquidem iniuste aliquem ligaueris. In consistorio enim illo Angelorum, exactissimè rationem repositurus es, ne quem in vinculo implicueris, ira, aut vitiosa vlla affectione incandescens: Non item quasi te ipsum vlciscens; quin potiùs quasi pro tuenda virtute decertans. Vlscitur enim Deus ac defendit iniusta censura ligatum; siquidem is contempnietur non contempsisse vinculum. Qui igitur citra fucum vllum Christi pascit gregem, iure vocatus legitur, *os Domini*. Ait enim Hieremias, *si eduxeris pretiosum à vili, quasi os meum eris*.]

27. Petrus Damiani l. 1. epist. 12. Alexandrum II. Pontificem Maximum liberè monet, vt corrigat inuectum eo tempore abusum, ad singula propè Pontificia

ficia

ficia decreta apponendi comminationem anathematis in violatores. Hoc (inquit) [quàm sit humanæ salutis immane periculum, & infinitè patens vorago labentiû, ac pernicies animarû, clementiæ vestræ pietas nō ignorat. Dicitur enim, *quisquis hac vel illa non fecerit; siue certè, quisquis hoc quod superius statutū est, irritū duxerit, vel in aliquo violauerit, anathema sit.* Vbi notandū, quàm lubrica, quàm præceps subitò ruendi illi procuretur occasio, vt ante quis in æternæ mortis barathrū corruat, quàm se vel leuiter impegisſe cognoscat: & substratæ quodāmodò tendiculæ, iam pes eius innectitur, dū se liberis adhuc incedere gressibus arbitratur. Delinquit itaq; quisquis ille est, in illud Apostolicæ constitutionis edictum, & aliquando leui quādā ac peregrina offensione transgreditur: & continuò velut hæreticus, & tanquā cūctis criminibus teneatur obnoxius, anathematis sententia condemnatur. Et cū dictante iustitiâ, alia sit vltione plectēdus, qui plus delinquit, alia qui minus excedit: hic grauiter leuiterque peccāribus, æqua cūctis & indifferēs pœna, solius scilicet anathematis, irrogatur. Non tribunaliū more, vel forensis examinis, aut libertas ceditur, aut possessio cōfiscatur, nec pecuniariæ multæ reus addicitur, sed Deo potiùs omniū scilicet bonorū auctore, priuatur. Hanc itaque homo de homine pœnā sumit, quam de sui trāsgressionē mandati ipse quoque Deus omnipotens non præsumit. *Qui amat* (inquit) *patrem, aut matrem plusquàm me; non continuò addidit, sit anathematizatus, vel maledictus, sed tantū ait, non est me dignus.* Et in lege, oculus pro oculo, dens pro dente, percussura pro percussura, adustio pro adustione, duntaxat exigitur, nec continuò qui reus est, de syn-

690 *Pars II. Caput XIX.*

agoga proiicitur, vel maledictione damnatur. Non enim secundum Stoicos, omnia peccata sunt paria, atque idcirco indifferenti sunt ultione plectenda, sed iuxta modum culpæ, temperanda semper est mensura vindictæ. Porro nec Beatus Papa Gregorius, vel cæteri Patres qui diuersis temporibus in Apostolicæ Sedis regimine floruerunt, hunc morem in suis reperiuntur obseruasse decretis; & vix eorum aliquando statutis anathema subnectitur, nisi cum Catholicæ fidei clausula terminatur. Quamobrem si sanctæ prudentiæ vestræ placet, hunc morem de cætero, à decretalibus paginis amoueri præcipiat, & vel damni pecuniæ, vel alterius cuiuslibet ultionis calculum in earum transgressione præfigat; ne quod aliis est ad tuitionis munimenta prouisum, aliis ad perniciem proueniat animarum.] Illustria item sunt, quæ idem Petrus Damiani libro illo 1. epist. 7. scribit ad Nicolaum I I. in causa Anconitanorum, quibus idem Põtifex implacabiliter succensere videbatur, eosque excommunicationis vinculo obstrictos tenebat, quantumuis paratos ad satisfactionem. [Per sententiam vestram, (inquit,) Petri gladius in animarum eorum morte grassatur. Et nos quidem dormimus, sed euaginatæ Sedis Apostolicæ mucro non dormit, qui tot hominum millia vna cruentæ mortis strage prosternit, non quidem in corporibus aliquando morituris; sed, heu (proh dolor!) quod intolerabile est, in animabus sine fine victuris.]

28. Concilium Prouinciale Colonienſe anno 1536. celebratum parte 13. cap. 5. indicto Prælatiſ vſu excommunicationis in contumaces, ſubdit. [Cauebit autem in primis Iudex, ne hanc, aliæve cenſuras Eccleſiaſticas,

Alia caus. neglectus excom. 691

clesiasticas, vel ex iniustis, vel ex leuibus causis, vel iuris ordine non seruato, vel ex odij fomite proferat vnquam. Cum enim excommunicatio pœna sit, qua nulla maior est in Ecclesia, nec sit excommunicandus quis nisi pro peccato lethali, eo quòd anathema sit æternæ mortis damnatio; nec infligenda veniat, nisi iis qui aliter corrigi non possunt; debet ludæx non ante excommunicare quempiam, quàm cognouerit, id vel causæ grauitatem, vel eius qui extra cõmunionem ponendus est, apertam contumaciam, præcepto iusto acquiescere nolentis, exigere.]

*Antistites excommunicando hallucinatos,
mutare ne pigeat.*

29. Sint igitur iuxta hæc Ecclesiæ & Patrum oracula, Pastores sobrij & parci valdeque maturi in exerendo excommunicationis gladio; ne res prouisa in bonum animarum, cedat in earum exitium: sitque contemptui apud plebem imperitam, vel homines malè animatos, quibus nihil procliuius est, quàm vt defectus Præpositorum Ecclesiasticorum transfundant in eorum munera; & personarum erratis inquietent concessam diuinitus potestatem: insigni scire peruersitate, sed tamen quotidiana. Quod si per humanæ fragilitatis lubricum accadat, gladium Ecclesiasticum aliret à Pastoribus fuisse vibratum, ne pudeat virtutum Magistros, virtutem suam prodere rei malè gestæ rescissione. Consilium est saluberrimum, quod D. Augustinus epistol. 75. Auxilio suggestit. Is ætate iuuenis, & honoris Ecclesiastici rudimenta ponens, Classicianum quendam, & domum eius vniuersam,

excommunicatione malè percussierat. Eum sic affatur D. Augustinus. [Fac quod sanctum virum facere oportet, vt si tibi contingit tanquam homini, quod vtique homo Dei dicit in Psalmo; *turbatus est præ ira oculus meus*, exclames ad Deum: *Miserere mei Domine, quoniam infirmus sum*: vt porrigat dexteram suam, & comprimat iracundiam tuam, & tranquillet mentem tuam, ad videndam faciendamque iustitiam. Sic vt enim scriptum est: *iracundia viri, iustitiam Dei non operatur*. Nec arbitreris ideo nobis non posse subrepere iniustam commotionem, quia Episcopi sumus, sed potiùs cogitemus, inter laqueos tentationum nos periculosissimè viuere, quia homines sumus. Aufer itaque gesta Ecclesiastica, quæ perturbatio fortassè fecisti, & redeat inter vos charitas, quam cum illo & Catechumenis habuisti. Aufer litem, & reuoca pacem, ne tibi pereat homo amicus, & de vobis gaudeat diabolus inimicus.]

Corruptela seruatis ante dictis, eliminanda.

30. Sic animatos Antistites, perspicuum est procul futuros à variis abusionibus & corruptelis, quas in hoc genere pridem notarunt & reiecerunt graues DD. Eiusmodi est corruptela illa, cuius meminit Maior in 4.d.18.q.2.ad 1.dubium, & Viguerius in instit. de sacram. Ord. vers.16. Scribunt enim, passim per tempus illud, Episcopos dimissa trina monitione distincta, (quam quidem Viguerius annuente Castro l. 2. de lege pœnali c. 15. post conclus.2. sensit iure diuino à Christo constituto, præmittendam esse excommunicationi,) vnicam pro trina monitionem adhibentes,

bentes, vibrasse excommunicationem. Quanquam verò nihil edixisse Christum, de trina monitione distincta excommunicationi præmittenda, alibi traditur, & latè à Suare t. 5. 3. p. d. 3. l. 9. tamen non est dubium, quin extra grauem necessitatem quæ dilationem non ferat, prudentissimè Ecclesia dist. 22. cap. *si quis Episcopus*, trinam & distinctam monitionem præmittendam esse excommunicationi decreuerit, vt per eam moram, peccator Iudicis benignitate & lenta seueritate maiorem opportunitatem nanciscatur ad resipiscendum. Itaque præcipiti temeritate ad excommunicandum ferri, abiecta prudentissima Ecclesiæ dispositione, abusus est quam Patrum oracula superius adducta clarè impetunt. Oritur enim ex cæco imperu genij ad sæuiendum procliuus, nec satis lentè ac inuitè progredientis ad infligendam excommunicationem. Eundem cœnosum fontem præfert ille alius abusus, cuius Viguerius meminit, & Regiis edictis profligatum testatur. Aliqui enim feriebantur excommunicatione inauditi, nec citati nisi in instrumento quod *submissionem* vocabant, in quo procurator debitoris, professus debitum, submittebat debitorem omnibus Iudicibus, etiam Ecclesiasticis, nisi præstituto tempore solueret. At quid tali abusione iniustius, cum omnia iura priusquàm excommunicatio, (quippe pœna adeò atrox) infligatur, velint reum non plecti inauditum? Reprehendit item Soto corruptellam aliam in 4. d. 22. q. 1. artic. 2. eorum scilicet, qui non modò quidquid præcipiunt, interposita excommunicationis pœna præcipiunt, sed etiam qui citationis schedulas puras, subscriptas cōcedunt Notariis, in quibus quorum ipsi voluerint nomina inscribant;

694 Pars II. Caput XIX.

quod nihil aliud est, quàm auaritiæ & rapacitati insaturabili, gladij Ecclesiastici liberam facultatem permittere. In has similésque corruptelas, ex parte Præfulum se tenentes, quas esse contemnendi excommunicationem aditus patentes, perspicuum est, multa habet Petrus de Alliaco tract. de reformat. Eccles. considerat. 2. pag. 105. Et multa quoque, sed pro more amarulentiùs, & irreuerentiùs quàm Christiana erga Præsules modestia ferat, Nicolaus de Clemengiis tract. de ruina & reparat. Ecclesiæ. Legendus potiùs Gerfo lect. 4. de vita spirit. coroll. 12. rursùsque coroll. 14. propos. 3.


Non tamen insus vigor.

31. Neque tamen is haberi velim, qui ob ea quæ toto hoc capite sunt tradita, ad commendandam raritatem excommunicationum, & eunctionem ac attentionem summam in eis ferendis, infirmatam velim Christianorum Præfulum generositatem ac fortitudinem, cum res fert, & peccantium malignitas ac causæ meritum id deposcit. Tunc enim optandum est, ut quilibet Præful induat illos S. Chrysostomi animos hom. 26. ad pop. [Ecce iterum dico, & protestor: qui vult rideat; qui vult subsannet. Ad hoc positi sumus, ut derideamur & subsannemur, & omnia patiamur: purgamenta mundi sumus iuxta Beatum Paulum. Si quis hoc mandatum præstare negat, velut tuba quadam, per sermonem prohibeo Ecclesiæ limina talem ascendere, licet princeps, licet ipse sit diademate redimitus. Vel à Præfulatu me deicite, vel manentem, periculis concludere nolite. Hanc ascendere cathedrâ

cathedram non tolero, nisi magna præstiturus. Nam si quid tale fieri non potest, melius in imo stare. Nam principe qui subditis nil profit, miserius nihil. Converterite iam vosmetipsos, & attendite, quæso : & nos ipsos simul erigamus, & aliquid omnino melius accedet.] Et inferius. [Ecce rursus prohibeo, clarâque voce proclamo, nemo risum esse putet. Arcebo siquidem & prohibebo non obtemperantes : & donec in hac sedebo cathedra, nullam ipsius iustificationem omittam. Si quis detraxerit, iam insons ero : sed donec obnoxius sum, despicere non possum ; non propter meam pœnam, sed propter salutem vestram : vehementer enim vestram cupio salutem, & pro ea multum affligor & doleo. Sed obedite, ut & in præsentem, & in futuro, magnam accipiatis mercedem.] Sic ille à iurandi peruersa consuetudine, deterrere suos volens. Et idem æquè, navis Præsulibus licebit in quacunque alia graui causa.

C A P V T XX.

Quid agendum ei, in quem potestas sacra inest, vel iniuste excommunicationem intorserit.

1.  X proximè disputatis liquet, excommunicationem, culpa eorum per quos vibratur, posse aliquando iniustam esse. Cum autem Præpositi, qui excommunicationem intorquent, ex prudentiæ, & charitatis legibus sunt operati, nemo dubitat quin excommunicatio sit iusta. Utrolibet modo intorta fue-

rit excommunicatio, quid agendum sit ei in quem est intorta, paucis tradendum superest, ad huius lucubrationis oblationem.

Excommunicatio, etiam iniusta, timenda; ex SS.

Gregorio & Urbano.

Vt autem consequenter ad proximè dicta, de iis primùm agam qui excommunicatione improuidè & iniustè perculsi fuerint, difficultatem facit memoranda & peruulgata S. Gregorij sententia homil. 26. in Euang. vbi præfatus Episcopalis esse muneris ligare ac soluere, latè quoque prosecutus, quantam Episcopi circumspectionem poscat ea ligatio atque solutio, concludit. [Hæc de solutionis ordine breuiter dixerim, vt sub magno moderamine pastores Ecclesiæ vel soluere studeant, vel ligare. Sed vtrum iustè an iniustè obliget pastor, pastoris tamen sententia gregi timenda est: ne is, qui subest, & cum iniustè forsitan ligatur, ipsam ligationis suæ sententiā ex alia culpa mereatur. Pastor ergo vel absoluere indiscretè timeat, vel ligare. Is autem qui sub manu Pastoris est, ligari timeat, vel iniustè; nec Pastoris sui iudicium temerè reprehendat, ne & si iniustè ligatus est, ex ipsa tumidæ reprehensionis superbia, culpa quæ non erat, fiat.] Refert & approbat hunc S. Gregorij locum, Hildebertus epist. 116. inter Fulberti epistolas, & Concilium 1. Aquisgran. c. 17. Idem breuiter traditur in epistola Decret. Urbani primi, verbis illis. [Valdè timenda est sententia Episcopi, licet iniustè liget aliquem, quod tamen summopere providere debet.]

Difficultas

*Difficultas ex ratione , & contrario sensu
aliorum Patrum.*

2. Hæc dico difficultatem facere. Nam si est iniusta Præsulis excommunicationem vibrantis sententia, cur est timenda? Num aliena iniquitas potest cuiquam fraudi esse? En quàm aliter Clemens Rom. 2. constit. c. 21. statuit de Præsule iniuste excommunicante. [Scitote quod qui eum qui iniuriam non fecit, eiicit; aut eum qui se conuertit, non recipit, fratrem suum occidit, & sanguinem eius fundit, sicut Cain sanguinem fratris sui fudit, cuius sanguis qui ad Deum clamat requiritur. Iustus enim à quopiam iniuste occisus, apud Deum erit in requie sempiterna. Similiter euenit ei qui ab Episcopo sine causa fuerit excommunicatus. Qui tanquàm pestiferum, eiicit eum qui est extra culpam, is quidem sæuior est interfectore, quod neque in Dei misericordiam intuetur, neque bonitatis Dei erga pœnitentes memor est, neque in eos aspicit tanquàm in scopum, qui multorum peccatorum veniam pœnitendo impetrarunt. Idcirco violentior est ipso homicida, qui corpus perimit, is, qui innocentem ex Ecclesia eiicit.] Origenes quoque homil. 14. in Leuit. ita scribit. [Interdum fit, vt aliquis non recto iudicio eorum qui præsunt Ecclesiæ, depellatur, & foras mittatur. Sed si ipse non antè exiit, hoc est, si non ita egit vt mereretur exire, nihil læditur in eo, quòd non recto iudicio ab hominibus videtur expulsus, & ita fit, vt interdum ille qui foras mittitur, intus sit: & ille foris, qui intus retineri videtur.] Ex Antiocho hom. 122. locum prouti cap. superiore,

XX §

698 *Pars II. Caput XX.*

periore, quo apertè docet eum qui iniuste ligatus est, nihil inde subire dispendij, sed Deum pro eo ultorem insurgere.

3. Insignia sunt quæ in eandem sententiam leguntur apud Niconem in fragmento epistolæ ad Enclitium, quæ miror à quibusdam censoribus in suspicionem vocata. Ita habent. [Scias Pater quod diuinæ Scripturæ, cum diuinis canonibus definiunt, quod iniustæ quæ imponuntur punitiones apud Deum nō ligant, etiamsi Pontifex eas imposuerit: quanto magis si inferior, sicut dicit sanctus Dionysius? Qui itaque inconsiderata sententia, & intemperante animo, aliquem à fidelibus separat, eum non solum non attingit, sed in eius etiam caput recurrit, sicut sanctæ quoque Synodi pronunciant: sed illæ pænæ ligant, quæ secundum diuinos canones, & leges sunt impositæ, non autem quæ secundum propriam voluntatem. Qui enim pœnam præter rationem imponit, ipse est segregatus, & ipse debet eam pœnam seruare, sicut diuini, & sacri canones decernunt. Magnus quoque Petrus ad Clementem. Tu quidem ea ligabis oportet, & solues ea quæ soluenda sunt: dicit enim sanctus quoque Patriarcha Nicolaus diuinitus promotus. Habent enim antistites potestatem puniendi, sicut etiam sancta Synodus definiit, ut qui ius ligandi, & soluendi à Deo acceperunt. Sin autem antistes præter Dei scopum punierit, Deus eum non sequitur: & ecce inuenitur pœna quæ ab eo infligitur iniusta, & propterea inualida. Et de sacerdotio dixit Dominus Petro, *quacumque ligaueris super terram, erunt ea etiam ligata in cælis*. Vide vim verbi. Non dixit, *quacumque ligaueris super terram, erunt ligata in terra*, sed *in cælis*, ut qui excommunicat,

Quid agendum excomm. 699

excommunicat, vel deponit, vel prohibet, rem terribilem ducat, ut qui Deum ad unam secum ferendam sententiam vocet, nempe qui sub eius qui est in cœlis testimonio hoc agat. Iam, & qui prohibetur vel deponitur, horreat, ut qui extra regnum cœlorum eiiciatur. Vide (inquit,) quid facis, ô Sacerdos, quæ inferius ligas, ea esse superius in rationes referenda existima. Non est à ratione reddenda liberum vinculum, si iniuste ligaueris. In iudicio Angelorum ostensurus es, num, ira, & animi perturbatione vinculum intuleris, num ut te ipsum vlscifens. Deus enim eum qui iniuste alligatus est, defendit & vlscifitur. Qui itaque gregem Dei sincere pascit, os Dei vocatus est: dicit enim, *si quod est pretiosum ab eo quod est nullius pretij separaveris, eris os meum.*] Exscripsit hic autor Antiochum superius ex parte adductum ex homil. 122. apud quem nemo in his verbis, putens quid aut grauius olidum est odoratus. Igitur non minus pura haberi debent apud Nicœnem. Diserte verò continent, quod iam ex Clemente Romano & Origene diximus; nimirum iniustam sententiam in caput ferentis retorqueri, qui verò ea appetitur, abire intactum & indemnem.

4. Plus dico. S. Augustinus l. de vera relig. c. 6. tantum abest, ut homini iniuste vexato timendam excommunicationem arbitretur, ut potius insigne ei decus spondeat. [Sæpè etiam (inquit) sinit diuina providentia per nonnullas nimium turbulentas carnalium hominum seditiones, expelli de congregatione Christiana, etiam bonos viros. Quam contumeliam vel iniuriam suam, cum patientissimè pro Ecclesiæ pace tulerint, neque ullas nouitates vel schismatis, vel hæresis

700 *Pars II. Caput XX.*

hæresis moliti fuerint, docebunt homines quàm vero affectu, & quanta synceritate charitatis Deo seruiendum sit. Talium ergo virorum propositum est, aut sedatis reuocare turbinibus: aut si id non sinantur, vel eadem tempestate perseverante, vel ne suo reditu, talis aut sæuior oriatur, tenent voluntatem consulendi, etiam iis ipsis, quorum motibus perturbationibusque cesserunt, sine vlla conuenticulorum segregatione vsque ad mortem defendentes, & testimonio iuuantem eam fidem, quam in Ecclesia Catholica prædicari sciunt. Hos coronat in occulto, Pater in occulto videns. Rarum hoc videtur genus, sed tamen exempla non desunt. Imò plura sunt quam credi potest.] Similia loca ex variis Patribus, nominatimque ex S. Gregorio qui obiiciebatur, accumulatur Gerſo 1. p. libro quo discutit hoc pronunciatum, *sententia etiam iniusta timenda est*. Nec omittendus Innocentius IV. qui in Concilio Lugdunensi illud oraculum fudit. [Æterni iudicis tribunal, illum reum nõ habet, quem Index iniuste condemnat.] Vides de Patrum sententia excommunicationem iniuste intortam non esse passio damnosam, atque adeò neque timendam; quod tamen SS. Gregorius & Urbanus affirmabant.

Dissoluitur. Aliqua excommunicatio, iniusta simul & inualida.

§. Hæc difficultas, tollenda est adhibita distinctione, cum Hugone Victorino l. 1. de sacram. fidei cap. 26. Couarruuias in cap. *alma mater*. p. 1. §. 7. num. 5. Maiore in c. 18. Matthæi. Glossa ad cap. *presenti*. de sent. excomm. in 6. passimque aliis. Dupliciter ergo excommunicatio

excommunicatio potest iniustitiæ insimulari. Primò illius quæ excommunicationem reddat inualidam, quod variis modis accidere docet Palud. in 4.d.18.q. 1. artic. 4. v.g. si excommunicans careat excommunicandi autoritate. Sic enim non erit Iudex, & eius sententia erit cassâ, iuxta illud in cap. *ad audientiam*. de consuetud. [Sententia à non iudice lata, nullam obtinet firmitatem.] Et idem esset, si proprius Iudex ferens excommunicationem, esset publicè excommunicatus : Nam sic eius potestas ligatur, perindèque se habet, ac si non esset Iudex, ex cap. *audimus*. 24.q. 1. Similitèrque idem esset, si Iudex subditum excommunicaret contra eius priuilegium, cuius accepisset sufficientem notitiam, vt in cap. *cum capella*; & cap. *quàm*, de priuileg. Item si Iudex delegatus, contra delegantis mentem, aut in euentu non commissio, excommunicaret: vt in cap. finali, de præbend. Rursus idem esset, si Iudex appellationi conuenienter ac tempori interpositæ, non deferret. Præterea si sententia contineret errorem intolerabilem, vt in cap. *per tuas*. de sent. excom. & cap. *solet*. eod. in 6. nimirum vt Toletus l. 1. instruct. c. 10. num. 4. plenius prosequitur, si Iudex me feriret propter vitatum peccatum, vel propter aliquid ad quod non teneor; vel propter opus sanctum, vt aliquando factum retuli c. præcedenti ex S. Hieronymo.

6. Est etiam ad hunc modum iniusta ea excommunicatio, in qua prætermissæ fuerint solemnitates ad validè excommunicandum requisitæ. Sunt enim aliquæ solemnitates quasi substantiales, quarum præmissio planè nullam redderet excommunicationem. Eiufmodi est monitio aliqua, vt contra Caieta-

num

num latè disputat Soto in 4. d. 22. q. 1. artic. 2. concl. 4. & Gutierrez l. 2. qq. Canon. c. 16. à num. 2. Victor. in summa tract. de excomm. num. 6. Suarez t. 5. 3. p. d. 3. f. 10. num. 24. & sect. 12. num. 4. Et ratio suffragatur, quia excommunicatio non fertur nisi ratione contumaciæ, ex cap. *quisquis*, 2. q. 6. contumacia autem in eo esse nequit, qui admonitus non fuerit. Quæ præmonitio non deest etiam respectu illorum, quos per modum agendi, vt censuit Ayala, nec ab Apostolis usurpatum, nec valdè antiquū, ius ipso facto excōmunicat. Sic ille in opere de tradit. p. 3. pag. mihi 250. non inquam deest pro istis præmonitio, vt supra benè monuit Soto, quia notificatio mandati sub tam graui pœna, est sufficiens præmonitio. Contumaciam item notoriam locum monitionis tenere, & idcirco qui notoriè contumax est, non esse necessariò præmonendum, sed illicò percelli posse excommunicatione, affirmat Couar. in cap. *alma mater*. p. 1. relect. §. 9. num. 6. Quam tamen & alias plerasque exceptiones quoad censuram ab homine, fusè à Sayro enumeratas l. 1. de censur. c. 12. à num. 26. repudiat Suárez sectione illa 10. concludens, propriam censuram, quia est pœna medicinalis, nunquam ferri sine admonitione præuia: quia admonitio absolutè, intimè includitur in ratione pœnæ medicinalis, cuiusmodi est censura, & præsertim excommunicatio. Quod intelligendum est de admonitione, saltem prout includitur in omni mandato quod habet ordinem aliquem ad futurum: à quo ordine non potest præscindere excommunicatio, quandoquidem ferri non potest propter culpam purè præteritam, vt superiori capite vidimus. Itaque excommunicatio, prout non modò aliquale temporale incommodum,

commodum, sed etiam spirituale damnum infert, quia semper inuoluit ordinem aliquem ad futurum, prærequirit necessariò monitionem aliquam, & absque ea non potest esse valida. Qui autem contrarium significant, (profert eos ac sequitur Auila 2.p.cap.5. disp. 1. dub.9.) ferè agunt de monitione prout canonica; quæ scilicet vel sit trina, vel vna pro tribus, cum interuallis idoneis, qualem monitionem non dicimus esse excommunicationi substantialem, cum possit prætermitti, quando iusta ad id necessitas adigit. Ratum itaque esto, monitionem aliquam esse solemnitatem excommunicationi substantialem. Sunt verò aliæ aliquæ solemnitates accidentariæ, quarum prætermissio, etiamsi culpam omittentis contineat, non reddit tamen sententiam cassam: cuiusmodi est, quod excommunicatio feratur in scriptis, vt statuitur cap. 1. de sent. excommun. in 6. Illa igitur duntaxat solemnitatum prætermissio redderet excommunicationem iniustam simul & inualidam, quæ esset prætermissio solemnitatis alicuius substantialis, qualem declaratum est esse monitionem.

Quæ sic iniusta est, nequaquam timenda.

7. Excommunicatio ad modos hætenus propositos iniusta, nempe quæ ex aliquo capite efficitur inualida & nulla, nec nocet ei in quem fertur, nec timenda est; vt benè tradit Palud. in 4.d. 18.q. 1. versic. *quantum ad tertium*, conclus. 2. Idque Origenes, & alij Patres secundo loco adducti, voluerunt. Tantùm, donec plebi fidelium de irrita & vana excommunicationis vibratæ sententia constet, præcludendum est scandala

scandalum, declinata prudenter communicatione cæterorum, ne potestas superior contemni, & induci rebellio videatur. Porro difficilius accidere, vt excommunicationes per Summum Pontificem intortæ, sint ad hunc modum iniustæ, ideóque multo magis timendas esse, copiosè persequitur Augustinus de Ancona in summa de potestate Ecclesiast. q. 27. artic. 3. quia nimirum, nullæ ferè causæ ex iis propter quas excommunicatio ita potest esse iniusta, vt simul sit inualida, cadunt in Summi Pontificis excommunicationes: cum ipse iurisdictione vniuersalissima potiatur, nec detur ab eo appellatio; vel vllum priuilegium suffragari contra eius auctoritatem possit. Item ipse nulli ordini iuris positiui alligatur; & cum abundet sapientum consilio, vix potest accidere, vt eius sententia feratur ex causa non idonea. Quare meritò concludit Doctor prædictus, qualescunque appareant censuræ à Pontifice vibratæ, multo magis esse timendas quàm inferiorum Præfulum censuras; & multo magis valere quoad Pontificias excommunicationes, quod à S. Gregorio dictum est, sententiam excommunicationis quantumuis iniustam esse extimescendam; quia scilicet hæ excommunicationes longè rariùs sunt ita iniustæ, vt simul sint inualidæ. Nec plura de primo membro distinctionis propositæ.

Quæ iniusta, sed valida est, timeri debet.

8. At excommunicatio, quæ idcirco tantùm iniusta est, quia Iudex non recto animo processit, aut quia in accidentalibus deliquit, vel quia is qui excommunicatur, se iudicat innoxium; etiamsi ei de sua innocentia

nocentia euidenter non constat ; (quod est alterum distinctionis propositæ membrum ;) excommunicatio inquam ad eum duntaxat modum iniusta, timēda est, & donec soluiatur, non secus ei parendum est, ac si planè iusta & cuiusuis labis vacua fuisset: æquè enim parit omnes effectus excommunicationis. Idque apertè volunt DD. qui asserunt eum, cui iniuste infligitur excommunicatio, constitui extra Ecclesiam. Ita Innoc. ad cap. *ex parte*, & ibid. Panorm. n. 6. de offic. Iud. ordin. Calder. in cap. *ab excommunicato*. n. 6. Sebastianus à Costa in c. 1. de sent. excom. num. 12. & cum multis Ricciullus l. 4. de iure person. extra Eccles. c. 1. num. 3. Rationem verò reddunt Innoc. & Panorm. quia excommunicatio non habet vim à Iustitia operantis, sed à potestate clauium ; quæ æquè exeritur cum excommunicatio iniusta est, dummodò sit valida, ac cum niter vndecunque. Dixerunt quidem aliqui DD. talem excommunicationem valere quoad Ecclesiam, non autem quoad Deum. Ita Couar. in c. *alma mater*. p. 1. §. 7. num. 5. ac Gutierrez l. 1. qq. Can. c. 4. num. 34. & Toletus l. 1. instruct. c. 10. num. 7. Sed hoc non est ita accipiendum, quasi Deus hominem sic excommunicatum eximat ab omnibus damnis excommunicationis ; hic enim sensus est falsus. Sed ita accipiendum est, vt sit sensus, sic excommunicatum non esse reuera reum, nec ob talem excommunicationem excidere gratia Dei. Attamen quia Iudex legitimus vitur potestate qua pollet, fatendum est, excommunicationem ab eo sic latam, inferre excommunicato omnia damna, quorum irrogatio subest dispositioni iudicis. Ac proinde talis excommunicatio timenda est, & quod ad varios particulares euentus

aprat Romanus consilio 369. causat iustum metum, vt loquuntur DD. siue grauem, tanquam de magno malo conceptum.

*Excommunicatio materialiter iniusta, num
timenda.*

9. Est tamen nonnulla dubitatio, an ad hanc classẽ iniustarum simul & inualidarum excommunicationum, referenda sit ea quæ reipsa quidem iniusta est, saltem materialiter; id est, qua feritur innocens, & ob causam non idoneam, sed qui tamen secundum allegatam & probatam, appareat nocens, & dignus qui sic plectatur. Nam Iurisperiti ad cap. *qui iustus*. 11. q. 3. & ad cap. *per tuas*. & cap. *sacro*. de sent. excom. talem excommunicationem habent pro valida in vtroque foro. Videndi quos profert Couarr. in c. *alma mater*. 1. p. §. 7. num. 5. & Henric. l. 13. c. 15. num. 4. E contrario tamen Theologi quibus adhæreo, eam excommunicationem habent pro nulla. Adducunt permultos Suarez t. 5. 3. p. d. 4. §. 7. à num. 13. Sayrus l. 1. de censur. c. 16. num. 8. Auila 2. p. c. 6. disp. 1. dub. 3. & ratio breuiter est, quia potestas excommunicandi, non est data Ecclesiæ nisi in ædificationem. Cederet autem in destructionem, si hominem innoxium ferirer, quamuis per errorem, probatum noxium. Quare tamen si prouidendum esset, ne ex publica contemptione talis sententiæ oriretur scandalum, tamen reipsa talis sententia esset iniusta materialiter, & reipsa esset simpliciter nulla, nec plus timenda in foro interno, quàm sententia apertè iniusta. Vt autem remoueretur scandalum, nec ingeneraretur existimatio, quòd is, qui
ita

ita percelleretur, contemnat clauēs Ecclesiæ, rectè statuit Sayrus l. i. de censur. c. 17. num. 19. & 20. cum vel teneri reclamare aduersùs talem sententiam, vel certè teneri portare iram, tametsi materialiter iniustam. Quo spectat insignis locus Nicolai primi epist. ad Michaëlem Imperatorem, & totidem verbis epist. 10. quæ est ad clerum Constantinopolitanum, & inserta habetur octauæ Synodo act. 7. Agens enim de Gregorio Episcopo Syracusano, qui excommunicatione percussus gesserat se vt liberum, quia se obtendebat malè & iniustè percussum, ait Nicolaus, [quod certè Gregorius agere omnino non debuit, etiamsi nulla commissæ existerent, pro quibus damnari potuisset. Quia Prælati iudicium, semper inferioribus formidandum est, ne si ei non obedierint, licet ab eo fortassis iniustè ligentur, ipsam obligationis suæ sententiâ ex alia culpa, id est ex inobedientia mereantur. Igitur Prælatos damnare, indifferenter oportet horrescere. Quicunque verò minores sunt, damnari sollicitè caueant, nec maiorum suorum sententiam transgrediantur. Alioquin licet iniustè nonnunquam damnari sint, ex ipsâ temeraria præuaricatione, culpa quæ nondum fortè perpetrata fuerat, & vltio quam culpa necdum merebatur, proculdubio subsequenter. Nihil quippe lignum veritum in se mortiferum habuit; sed qui inobedienter ex eo comedit, mortem sibi & posteris propinauit: non quia lignum malum, cum Deus quod fecit, totum fecerit bonum; sed quod mala sit transgressio; & nolentis subiici, per eam merito sit orta dānatio.] Ex his habetur quid faciendū sit ei qui ex cōmunicatione inualida, vel iniusta percussus fuerit, quod primo loco exponendum proposueram.

Iustè excommunicato, consilium Nysseni.

10. Videndum superest, quomodo se gerere debeat is, in quem intorta iustè fuerit excommunicatio. Huic autor in primis est Gregorius Nyssenus, tota pene oratione de moderatè ferendis reprehensionibus, ut indignatione abstineat, nec contra stimulum calcitret, sed potius irrogatæ multæ causam subducatur per pœnitentiam. Præter cætera verò in hanc rem præclara, adducto discipuli à Magistro castigati exemplo, sanum consilium in hoc negotio his verbis præbet. [Si nobis ad separationem clausæ fuerint portæ Ecclesiæ, blasphemii & maledictis infectamur. Non est autem hic modus discipulorum, sed seditiosorum, & eorum qui decertant propter contentionem. Pueri locum & ordinem tenere debet discipulus, qui tenetur desiderio vnius artis aut scientiæ externæ. Qui autem exercetur in pietate, debet esse puer cum maiori accessione: quandoquidem Dominus quoque, illam ætatem tanquam mōrgeram, & faciliè parentem, suis ornauit laudibus. Puer enim non egreditur characteres & lineas quas illi cera signauerit Magister; neque innouat elementa, stupida quadam & attonita libertate, noui aliquid moliens in litteras: sed primum quidem, stylo exercet manum magistri, elementis autem non alia dat nomina quàm quæ audiuit. Omnino autem & verbis & factis imitatur præceptoris traditionem: Quod si quando effectus fœcundior, scutica vapulauerit, non propter verbera audacior redditur, & insolentior: neque fractis præceptoris tabulis, recedit: sed cum parumper præ dolore amaram effuderit

Quid agendum excomm. 709

effuderit lachrymam, disciplinarum studia insequitur, in iisque meditandis intentior redditur, non negligentior. Rursus cum aliquando ut iuuenis fuerit negligens, iubetur manere ieiunus, fameque damnatur eius negligentia, manet autem solus in ludo literario, cum alij pueri recesserint ad prandium, præceptum obseruans summa cum reuerentia. Non sic autem Christianus, qui audiuit, *nisi conuersi fueritis & sitis sicut pueri, non intrabitis in Regnum cælorum*; sed quando viderit Sacerdotem, austerius & gestu ac voce delictum corrigentem, aperte contradicit, & murmurat intra dentes, forūque & compita obiens, maledictis infectatur: & si ab Ecclesia fuerit exclusus, contemnit, cum palam abscindatur à precibus populi, & à mysteriis, aut fortè ne huic quidem subiectus supplicio, se aufert ab Ecclesia propter iram, quam concepit in Episcopum, Deum & Dominum auersans. Ei autem dicendum est, quod dictum est Paulo, cum adhuc esset Saulus. *Durum est tibi o homo aduersus stimulos calcitrare.* Siue ex te ipso Deum dimisisti, considera quod qui separatur à sole, vitam degit in tenebris & caligine: siue tanquam indignus eiectus es à precibus, priorem statum reuoca pœnitentia.]

II. Non satior adscriptione orationis paulo prolixioris, quandoquidem ea in rem nostram nihil aptius potentiùsve proferri posset. Rursus igitur inferius post descriptam teterrimam excommunicati coram Deo faciem, denuò ad sana consilia excommunicato suggerenda conuersus, [*Nolite fieri* (inquit Dauid) *sicut equus & mulus, quibus non est intellectus. In campo & freno maxillas eorum constringes.* Durum mitigans hæc dicit Psalmus, & tanquam oleo molliens

adhortationibus. Collum ergo incurua, iussis cede
 tanquam iugo. Quod durum est, rumpitur: quod ce-
 dit & inflectitur, dirigitur. Hoc te docet ipsa in plan-
 tis, & arboribus experientia. Ne frænum mordens,
 toto impetu feraris ad præcipitium, aut barathrum:
 sed manu Equitis circumactò collo, dirigere ad viam
 quæ tendit ad salutem. Quando susceperis reprehensionem
 pio & reuerenti animo, dic illud Dauidicum;
*bonum mihi, quòd me humiliasti, ut discam iustificationes
 tuas.* Ne Episcopalis arrogantia existimes esse segre-
 gationem: lex est patria, vetus est regula Ecclesiæ, quæ
 cœpit à lege, & fuit confirmata in gratia. Considera
 sanctum Paulum per epistolas in reos emittentem
 sententias segregationis, & iuuenem Corinthium eo
 curantem medicamento, qui sathanicè nouerca in-
 sano captus erat amore. Quem enim diligit Domi-
 nus, castigat, flagellat autem filium quem recipit. Di-
 sciplina enim radices non sunt dulces, sed amaræ, sed
 postea ferunt fructum fauis mellis dulciorem. Et ideo
 ei quidem qui exercetur, opus est vt laboret; ei verò
 qui non exercetur, plaga opus est & asperitate.]

*Surdi ad hæc monita, qui in Præsulem idcirco
 insurgunt.*

12. Hoc Nysseni consilium non arripiunt, qui
 vsque eo exacerbantur in Antistitem, à quo intorta est
 excommunicatio, vt in eum quomodò possunt, bac-
 chentur; & vel linguæ virulentia, vel etiam factis ali-
 quibus eos persequantur & vexent. Hoc S. Chryso-
 stomus l. aduersus Gentiles de S. Babyla, damnat in-
 sania. & Descripserat eo loco excommunicationem
 Romani

Romani Imperatoris, ob graua scelera à S. Babyla in-
tortam. Subiunxerat quoque Imperatoris illius furo-
rem in Pastorem suum, & quomodò eum carceri
mancipasset. Tum subdit, quod in rem nostram cadit
bellissimè. [Peccati natura, vbi animi cogitationem
aliquam adorta est, nec quisquam est qui malum re-
stinguat, procedens vltèrius, grauior certè ac magis
indomita efficitur. Propterea sæpè fit, vt quæ poste-
riora sunt peccata, prioribus grauiora sint, anima sem-
per posteriorum peccatorum accessione ad maiorem
contumaciam ac despicientiam se se promouente, &
per hæc ipsa, suam quidem vim eneruante, peccati
aurem robur alente. Qua vtrique ratione, complures
videas in omne peccatorum genus imprudentes pro-
lapsos, quòd flammam initio exorientem non restin-
xerint. Sic & infelix ille Imperator, peccatis suis prio-
ribus, posteriora grauiora adiecit. Vbi enim iuuenem
illum extinxit, è vestigio, ab illius cæde ad inferen-
dam templo iniuriam irruit; rursus ab hac inluria, tan-
quam iter semel cœptum persequens, ad contuma-
ciam temeritatèmq; suam sacerdotio contumelia
afficiendo se accinxit: vinctumque ferro Babylam, at-
que in carcerem coniectum, ita tum excruciabat, ab
eodem beneficij pœnas exigens: eumque ob quæ of-
ficia admirari potiùs coronaque insignire, ac plus-
quàm etiam parentes proprios vereri conueniebat, ob
ea ipsa cogebat, maleficorum hominum vincula, &
vinculorum calamitates, misérias, ærumnas, sustinere.
Ita quo modo dixi, peccatum vbi initium cœpit, nec
est qui id vltèriùs progredi impediatur, cohiberi postea,
ac frænari haud facillè potest, equorum insanientium
ritu, qui cum fræno ab ore disiecto, nec non sessore

ab armis excusso, atque resupinato, neutiquam tolerabiles occurrentibus euaserint, nemine illos inhibente, immoderato quodam impetu hac illac se ipsi præcipites ferunt. Quo fit, ut salutis nostræ hostis, huiusmodi animas ad insaniam impellat: quo eas medicorum præsentia atque auxilio destitutas deprehendens, concidat, & infinitis malis exerceat. Etenim qui corpore laborant, donec Medicos ad se adire patiuntur, in magnam certè salutis spem ingrediuntur: ubi verò mente capti, calcitrant, ac se morbo liberare volentes mordent: tum denique morbo incurabili laborant: idque non ob morbi ingenium, sed quod ab iis destituti sunt, qui insaniam illam sanare possint. In quam insaniam, & Tyrannus iste se se coniecit. Nam medicum nactus, hunc, vulnus adhuc dum secaret, statim expulit, & à domo quàm potuit longissimè exegit.] Idipsum fecere nequissimi quidam erga bonos Antistites, quibus vincula iniecerunt, vel necem irrogarunt præ Ecclesiasticæ animaduersionis impatentia. Talis nominatim secundum Philippum Imperatorem erga S. Babylam, Boleslaus Polonus erga S. Stanislauum.

Et qui in eum, figunt genuinum.

13. Non facilè in adeò horrendum barathrum præcipitem se agit, quantumuis exacerbata vesania. Frequentius est, ut lingua impotenter irruat in Antistitem, eumque crudeliter dilaceret. In quo euentu sapienter Origenes hom. 11. in Ierem. *sub finem*, monet obstruendas esse his Antistitum laceratoribus aures, ita scribens. [Si quis vult imitari vitas prophetarum,
increpet,

increpet, arguâtque peccatores, statim odium merebitur, statim ei detrahatur, statim patietur insidias. Quod etiam nunc in Ecclesiis, sæpè videmus accidere. Peccauerit quidlibet quispiam. Is qui præsidet populo, & regit ecclesiasticam disciplinam, eiicit eum de congregatione sanctorum. Illico, ille circuit civitatem. Lacerat eum, qui quantum in se fuit, Ecclesiam vindicavit. Verùm nos non præbeamus his aurem, qui propter excommunicationem sui, tam præpositos, quàm omnem Ecclesiæ Conuentum vesano ore dilacerant.]

Et qui idcirco ad hostes migrant.

14. Non esse novum quod aliquando experti sumus, ut aliqui iustè excommunicati, præ dolore & impotentia animi, deserant Catholicam Ecclesiam, & ad hostilia castra transgrediantur, discimus ex S. Augustino l. de vera relig. cap. 6. verbis illis. [Exclusi, (ab Ecclesia per excommunicationem,) aut pœnitendo redeunt, aut in nequitiam malè liberi defluunt ad admonitionem nostræ diligentiae: aut schisma faciunt ad exercitationem nostræ patientiae: aut hæresim aliquam gignunt, ad examen siue occasionem nostræ intelligentiae. Hi sunt exitus Christianorum carnalium, qui non poterunt corrigi aut sustineri.] Peregrinum (quisquis ille tandem fuerit) ex Philosopho Christianum, neglectu Christianorum rituum excommunicatum, præ impatientia regressum ad Cynicos & Ethnicismum, scribit Lucianus in Peregrino, seu Proteo.

Tentat his medelam facere S. Hieronymus in c.

714 *Pars II. Caput XX.*

17. Ezech. ad illud, *propterea hac dicit Dominus. Prolatis enim solemnissimis duobus Apostoli de excommunicatione locis 1. Cor. 5. & 2. Tim. 1. infer. [Non debemus ergo si forsitan ob aliquod peccatum de congregatione fratrum & de domo Dei eiicimur, reluctari : sed æquo animo latam in nos ferre sententiam : & dicere cum Propheta : iram Domini sustinebo, quoniam peccavi ei, donec iustificet causam meam, &c. Et frequenter evenit, ut alteri subditi ad alterum transeamus, qui nobis suum repromittat auxilium, nec faciat in pristina sententia permanere. Quod omniratione vitandum est, ne siccentur palmites nostri, & germina arescant, & contra pactum Dei facere credamur.]*

15. Apparet S. Hieronymum ex Origene profecisse, cuius illa sunt hom. 10. in Ezech. circa illud, *confundere & accipe ignominiam tuam.* [Sequitur confusionem ignominia, & dat Deus ei qui confusione digna gessit, etiam ignominiam, dicitque ad eum, & accipe ignominiam tuam. Poteris autem intelligere quod dicitur, si consideraeris quæ quotidie in ciuitatibus fiant. In honoratio ciui est & patria sua exulare, & infamia decurioni eradi de albo curiæ; & cuiuscunque alterius conditionis homini, relinqui quidem in vita, sed cum ignominia, siue in operibus publicis, siue in Insula aliqua solitudinis viuere. Intellige autem mihi, iustum iudicem ei qui digna infamia fecerit, dicentem. O tu qui pœnæ reus es, noli exilium tuum cum mœrore suscipere : non enim mereberis misericordiam, si irasceris ad pœnam, quin potius intellige dignè te pati quod pateris : & cum te humiliaueris atque dixeris, iustum de te factum esse iudicium, forsitan

sitan misericordiam consequeris, ab eo qui potest, post condemnationem ad pristinum te statum reuocare. Quomodo enim licet magno Principi liberare aliquem de insula, & de exilio, & de publicis vinculis; multò magis licet vniuersitatis Deo, cum qui inhonoratus est, in honorem pristinum restituere, si tamen sentiens delictum suum, confessus fuerit dignè sustinuisse quod passus est. Dabo & aliud exemplum de Ecclesiastica consuetudine. Infamia est à populo Dei & ab Ecclesia separari. Dedecus est in Ecclesia surgere de confesso presbyterij, proiici de diaconatus gradu, & quidem eorum qui abiiciuntur, alij seditio- nes commouent, alij verò iudicium in se factum cum omni humilitate suscipiunt. Quicumque igitur exiguntur, & dolore depositionis suæ, congregant populos ad schisma faciendum, & sollicitam multitudinem malignorum, non accipiunt inhonationem suam in præsentì; sed thesaurisunt sibi thesaurum in die iræ. Qui autem cum omni humilitate, siue dignè, siue indignè depositi sunt, Deo iudicium derelinquunt & patienter sustinent, quod de se iudicatum est, isti & à Deo misericordiam consequuntur; & frequenter etiam ab hominibus reuocantur in pristinum gradum, & in gloriam quam amiserant. Doctrina ergo optima est. quomodo hoc quod dicitur, & *tu confundere*, sic & illud quod sequitur, & *accipe ignominiam tuam.*]

*Vel præmora captanda exsolutionis, mouentes
hereseos suspensionem.*

16. Suspecti in Ecclesia fiunt huius insipientiæ,
(vestri

716 *Pars II. Caput XX.*

(vestri potiùs,) transgredientium ad hæresim ob excommunicationem, quotquot inforDESCUNT in ea per annum, vel etiam vlteriùs, non solliciti de obtinenda exsolutione. Ita statuit Tridentinum sess. 25. cap. 3. de reformat. Quod si intra annum absolutionem caprent, liberi fiunt suspitione hæreseos, quodcunque tandem fuerit crimen, ob quod excommunicatione percussi fuerunt. Si verò absolutionem tamdiu differant quærere, meritò ea contemptio exsolutionis, siue sit formalis, siue interpretatiua, continere censetur inficiationem potestatis Ecclesiasticæ ad excommunicandum: atque adeò meritò ingenerat suspicionem hæreseos, vt cum permultis docet Sanctarellus tract. de hæresi, cap. 4. dub. vnico, num. 4. addens num. 6. annum qui ad ingenerandam hæreseos suspicionem requiritur, & continuum esse oportere, & non esse computandum à die contractæ excommunicationis, sed à die qua declaratum fuerit eam fuisse contractam. Hæc plenius ac diligenter excutunt Farinac. tract. de hæresi, Menoch. de arbitrar. iudic. casu 416. centur. 5. à num. 54. Salcedo in pract. crimin. Can. cap. 119. à num. 4. An verò Clericus ob contractam hac ex causa hæresis suspicionē, priuetur beneficio, quod tradit Felinus in c. 1. de iudic. num. 8. Ægid. Bellam. decis. 677. Iulius Clarus lib. sent. ver. §. fin. q. 73. Negant autem alij apud Salcedo supra num. 4. qui addit num. 13. priuandum esse beneficiis & dignitatibus, quamuis eo ipso non priuetur ob hanc solam suspicionem; hanc inquam rixam ad fori potiùs tricas pertinentem, dimitto Iurisperitis, inter quos latè eam adhibitis variis distinctionibus excutit Ricciullus lib. 4. de iure person. extra Eccles. cap. 7. Mihi satis est dicere cum

Quid agendum excomm. 717

cum Gulielmo Benedicto ad c. *Raynutius*. de Testam. §. *mortuo testatore*. num. 287. per hanc in excommunicatione infordescentiam, hominem *facere professionem in antro & spelunca Diaboli*.

Item improvidè appellantes.

17. Sunt præter prædictos iustè excommunicatos, alij qui nec ita frontem atterunt, vt insurgant in Præsules qui excommunicationem tulerunt; nec ore eos maligno lacerant, aut longa quærendæ absolutio- nis negligentia, speciem contemptorum præferunt, ita vt suspicionem de se moueant non satis synceræ fidei: Nihilominus sententiæ latæ non acquiescentes, quærunt diuerticula, & ab vno tribunali ad aliud prouocant, vt inter litium ambages, arripere alicunde effugium queant, dispendio plerunque potiùs quàm compendio, ex ea comperendinatione. Est in hanc rem exemplum insigne l. 5. vitæ Patrum, num. 88. vbi duo, cum ex simplicitate & crassa verborum Christi intelligentia, se castrassent propter regnum cælorum; ab Alexandrino Episcopo cui suberant excommuni- catione idcirco percussi, prouocarunt ad Hierosoly- mitanum Antistitem: quo ratam habente Alexandri- ni Episcopi excommunicationem; ad Antiochenum Præsulem primò, deinde ab eo quoque renouata ex- communicatione, tandem ad Romanum Pontificem adiuerunt, illud præfantes, *Venimus ad te, quia tu es caput omnium*. At summo Pontifice, anteriora omnia iudicia firmante, causati assentientium & blandien- tium sibi inuicem Præsulum studia, & distortos affe- ctus, migrarunt in Cyprum ad S. Epiphanium; speran-
tes

718 *Pars II. Caput XX.*

res non accipiendam ab eo personam hominis, foreque ut per eum haberetur innoxij, & pro obedientia in re tam ardua, collaudaretur. Aduentantes priusquam urbem subirent, S. Epiphanius diuinitus præmonitus, iussit extra urbem manere, nec commisceri fidelibus, quippe irretitos excommunicatione. Hæc denuncia- tio, quam non dubitarunt prophetica, & afflante numine factam fuisse, salutem tandem illis creauit. Itaque compuncti corde, & parati per omnia satisfacere, à S. Epiphanio diuinitus edocto eam mentis mutationem, aduocari sunt in ciuitatem, & literis gratiæ conciliatricibus muniti, remissi sunt ad Alexandrinum Antistitem, à quo communicatione Christiana qua exciderant sunt redonati; serò sapientes. Consul- tius enim fecissent, si quam satisfactionem & humili- tatem exhibuerunt post S. Epiphaniij redargutionem, exhibuissent iam ab initio. Qua comperendinatione, & aliquali recalcitratione, omnibus æquè excommu- nicatis iustè, si sapiant, est abstinendum.

*Firmatur & perficitur, datum ex Nysseno
consilium.*

18. Et probabunt etiam multo luculentiùs sa- pientiam, si portantes cum patientia iustè immissam vindictam, ut Nysseni consilium ferebat, deinceps multò studiosiùs in omnes virtutes incumbant, ut & per Dei misericordiam pateat ad Ecclesiæ communi- cationem regressio, & stabiliantur in ea cum obtige- rit. Consilium est S. Hieronymi in c. 29. Ierem. ad il- lud, *quarite pacem*. Præmissis enim Domini ad exules Israëlitas mandatis; & iuxta literæ corticem expositis, subdit.

subdit. [Secundùm mysticos intellectus, postquàm de Hierusalem, id est, Ecclesia, propter peccata nostræ eiectioni fuerimus, & traditi Nabuchodonosor, de quo dicit idem Apostolus: *Tradidi huiusmodi Satana in interitum carnis, ut spiritus saluus fiat in die Domini.* Et iterum; *quos tradidi Satana, ut discant nō blasphemare:* non debemus esse securi, nec torpentes otio, salutem penitus desperare: sed primùm ædificare domos, non super arenam, sed super petram, & tales domos quales ædificauerunt obstetrices in Exodo, quia timebant Dominum, deinde plantare hortos siue pomaria, qualem & Dominus plantauit paradysum in Edem, & posuit in eo lignum vitæ, de quo scriptum est, *Lignum vitæ est, his qui apprehenderint eam, & qui tenuerint eam, beatus.* Tertiò accipere vxores, quarum vna est sapientia, de qua scribit Salomon, *ama illam, & serua-bit te, & circumda illam, & exaltabit te.* Et in alio loco; *hanc exquisiui sponsam accipere mihi, & amator factus sum decoris eius.* Nec sufficit nobis vna coniux sapientia, nisi habeamus & reliquas, fortitudinem, temperantiam, atque iustitiam, ut plures ex eis generemus filios: filias quoque nostras demus viris, ut fidei veritas, quæ interpretatur in filiis, bonis operibus copuletur, quæ referuntur ad filias: & opera bona, iungantur fidei sanitati, talesque filios generantes & filias, multiplicemur in numero: ut destruentes ea quæ paruuli sunt, & in perfectum crescētes virum, audire mereamur: *Scribo vobis Patres, quoniam agnouistis eum qui ab initio est.* Cum Apostolo dicamus liberis nostris: *In Christo enim IESV, per Euangelium ego vos genui.* Quæramus quoque pacem Ecclesiæ, ciuitati & terræ nostræ, ut ad eam redire mereamur, de qua Do-
mini

mini iudicio translati sumus, vt habitaremus in confusionis errore. Si enim illa suscepit nos, habebimus pacem.]

19. Sic planè se gessisse Corinthium ab Apostolo excommunicatum, scribit his præter cætera Origenes homil. 1. in Psal. 37. [Sapiètem appellauit Scriptura, eum qui correptioni obnoxius est, non tamen odit, sed magis diligit arguentem. Tales erant illi qui ab Apostolo arguebantur, & confutati non oderant arguentes. Vnde & ego arbitror, illum qui in Corintho grauissimè deliquerat, idcirco misericordiam consequutum, quoniam correptus ab Apostolo, & ita acerbè correptus, vt à conuentu abscinderetur Ecclesiæ, non tamen odio habuit arguentem, sed animaduersionem patienter accepit, & fortiter tulit. Ego arbitror, quod etiam maiorem affectum concepit erga Paulum, atque erga omnes qui statutis Pauli in eius animaduersione paruerant. Vnde & Paulus sententiam reuocat, & eiectum reconiungit Ecclesiæ, & addit dicens, *confirmate in eum charitatem*. Vidit enim eum post animaduersionem conseruasse charitatem, & ideò dixit, vt etiam post peccatum non tam tribueretur ei charitas (inerat enim,) sed vt ab omnibus ea quæ inerat, firmaretur.]

Nec plura de Monitoriis, & cauendo excommunicationis contemptu. Hoc quidquid est operæ, (æquè & cætera Scripta nostra omnia,) Catholicæ Ecclesiæ, & eius visibilis Capitis iudicio, stet, aut cadat.



INDEX RERVM, QVÆ IN HOC LIBRO CONTINENTVR.

A



BBATES aliqui concedunt monitoria, § 1	
Abiron & socij, typus excommunicato- rum.	533
Abscissio per excommunicationem qualis.	498
Absolutio à censura monitorij, quid requirat in foro externo.	247
Quid in interno.	ibid.
Absolutionis à censura in foro interno, modus.	248
Potest accipi per tertium.	254
Absolutio à censura, potest dari sub conditione de præsenti aut de præterito.	254
An valeat sub conditione de futuro.	258
Quid de absolutione Sacramentali.	256
Absolutio à censura monitorij non potest fieri à po- testate laica.	246
A quo facienda.	244
Absolutio à censura, necessaria est etiam exhibita sa- tisfactione.	ZZ

Index

tisfactione.	250
Abstenti olim, qui nunc excommunicati.	335
Achan, typus excommunicati.	535
Adamus exul, typus excommunicati.	522
Aduocati obligatio ad secretum.	170
Æquiocatio sensibilis & insensibilis, quid.	190
Vsus eius in eo qui se compensat.	106
Affectus quantum variet pretia.	85
Albini Episcopi efficacia in excommunicando.	558
Alcibiades diris deuotus, quid fecerit.	464
Ambrosij Vignatenlis singulare placitum.	197
Anastasij Imperatoris excommunicatio & pœna.	557
Anathema Anathematis, quid.	521
Anathema esse, quid.	472
Notatio vocis.	473
Anathema, soli Episcopo proprium.	457
Anathematis adiuncta specialia.	456
<i>Anathema sit</i> , in Canonibus Conciliorum, quid.	476
Andreas Apostolus, quotidie sacrificabat.	428
Angelus, non excommunicatus à Paulo.	477
Angelicæ protectionis fructus.	442
Anguillæ lacus Geneuensis, quomodo abactæ.	583
Anilitas excommunicantium bruta.	578
Animæ defunctorum excommunicatorum, non ob-	
errant donec absoluantur.	355
Anima & caro Ecclesiæ, qui.	487
Annuli surrepti historia.	583
Anteri Papæ epistola, lecta Hieronymo.	502
Antistites procliuës ad excommunicandum, fatui.	671
Antonini Archiep. Flor. insigne factum.	660
Apparatus mouet spectatores.	45
Appellationes, quando friuolæ.	71
Arcad	

Rerum.

Arcadij excommunicatio & pœna.	§ 53. & seq.
Arcadij Imperatoris demissio.	622
Archiepiscopus an possit ferire subditos sui suffraganei.	47
Archipresbyter non concedit monitoria.	§ 1
Arcana quorum defectio lædit ius naturæ, non sunt reuelanda vi monitorij.	170
Arcani commissio, tanquam in confessione, qualis.	169
Arcanum sub naturali secreto commissum, reuelandum aliquando.	173
Archidiaconus an concedat monitorium.	§ 0
Asiani quales erga Victorem.	§ 95
Ayli ius in Templo, saluum est excommunicato.	307
Assistentes Missæ, sacrificant.	406
Arbores bis mortuæ, quæ.	643
Auditio sacri, vtilissima.	408
Augustini locus, restitutus.	§ 07
Auxilij Episcopi, temeritas.	498

B

B abilæ vexatio indignissima.	711
Babylas occisus à Philippo Imperatore.	616
Baptismus mortuorum.	344
Beatis vtile sacrificium.	426
Belisarij pœna.	388
Beneficiarius excommunicatus, tenetur ad horas.	315
Beneficium conferri non potest excommunicato.	320
Adeptio est nulla, etiamsi postea absoluator.	321
Beneficium conferre non potest excommunicatus, nec ad illud aliquem eligere.	319

Index

Nec beneficium permutare.	320
Bestiolæ frugiperdæ an excommunicentur. §75. & seqq.	
Boleslai Poloni, supplicium.	562
Boleslai Poloni, rebellio erga S. Stanislæum.	712
Bona fides, anima præscriptionis.	117
Bona orta ex communicatione cum aliis. 379. & 380	
Britannorum damna per excommunicationem. §57	

C

C adauera excommunicatorum, irrefoluta. §68 & seq.	
Cadaver Henrici Imperatoris, refossum.	346
Caïn, typus excommunicati.	528
Calamitas excommunicati, quanta.	378
Calix benedictionis, Apostolo quid.	427
Camera forma obligandi, quæ.	97
Carissus punitus.	554
Caroli Molinæi, error.	15
Catechumeni mortui non iuvantur à vivis.	449
Celebratione sacrificij arceri, damnosum.	462
Censura excommunicationem contemnentium.	376
Censura roborat obligationem naturalem.	141
Cerei extinctio inter excommunicandum. 458. & seqq.	
conculcatio.	461
Cereus, hominis symbolum.	460
Charitas, vigilia fidei.	655
Cherub ante Paradisum, quid notaret. §24. & seqq.	
Chirurgi obligatio ad secretum.	170
Christus, Iudex.	550
Chronicon Alexandrinum vitiosum.	619
Chrysostomo, quid anathema. 478. & seq.	
Non	

Rerum.

Non fustulit legitimam excommunicationem.	479
Claues S. Petro appictæ, quot.	505
Clausulæ, <i>dempta parte & consilio</i> , aut <i>nemine dempto</i> .	
193. & seq.	
Clausula iustificatiua ad monitorium necessaria, quæ.	
8.9. & 10.	
Clemens explicatus.	292
Cœtus sacri quàm vtilis.	410
Cognati an teneantur se detegere.	209. & seqq.
Collatio beneficij, adempta excommunicato.	319
Collecta, quid.	412
Columna damnatorum.	463. & 464
Columna ignis & nubis, cuiusmodi.	459
Comitans ignorantia inuincibilis, præcludit mali-	
tiam.	93
Commercium cum aliis, quàm vtile.	379. & seqq.
Communicatio cum excommunicatis quale pecca-	
tum.	296
Communicatio externa, subest Ecclesiæ.	283
Communicatio fidelium merè interna, non adimitur	
excommunicato.	383. & seq.
Communicatio fidelium triplex.	280
Communicationis externæ priuatio, malum ma-	
gnum.	82
Communionis vox quid olim signaret.	275
Communio duplex olim.	276
Quid nunc.	278
Communio laica, quid.	277. & 278
Compensatio iusta elidit monitorium.	102
Etiamsi malè fiat, sed absque iniustitia.	105
Compensationis iustæ, conditiones.	102
Complex quando detegendus.	201
Z Z 3	Concionari

Index

Concionari vetatur excommunicatus.	316
Concioni interesse potest excommunicatus.	310
Conculcantes in Ecclesia, qui.	461
Conditiones cum Sacramenti validitate compossi- bles.	253. & seqq.
Confessarij obligatio ad secretum, arctissima.	166
Quatenus laxabilis.	174
Confessarius internuntius infidelis, an debitorem li- berat à monitorio.	145
Confessarius internuntius restitutionis, quomodo se debeat gerere.	149
Confessarij ad Venerem sollicitantis, enorme scelus.	184
Confessio excommunicati an valeat.	305
Confessio necessaria, etiam elapso anno.	64
Confessio sacramentalis, quænam verè sit. 167. & seq.	
Coniunctissimi, regulariter non detegendi.	208
Consuetudo improborum fugienda.	283. & seq.
Conrempus excommunicationis ob vilitatem ma- teria.	659
Ob frequentiam excommunicandi.	666
Contractus cum excommunicato, an nulli.	288
Contractus minùs solemnes irriti in quouis foro. 112	
Contractus minùs solemnes, non solvunt vim moni- torij.	ibid.
Contumacia ad excommunicationem necessaria.	669
Core cum sociis, typus excommunicatorum.	533. & seqq.
Corinthij ab Apostolo abstenti, patientia.	710. & 721
Corpus Christi duplex.	325
Correctio fraterna, revelationi indictæ per monito- rium an præmittenda.	221
	Correctio nis

Rerum.

Correctionis fraternæ obligatio.	221. & seqq.
Coruus Abbatis, tabescens post excom.	583
Coruus Noeticus, cuius symbolum.	530
Creditor posterior, non ligatur monitorio ad restituenda quæ accepit.	114. & 115
Crimen occultum reticens, an teneatur monitorio.	156. & seq.
Crucis tractio, detestanda.	468
Culpæ manifestæ occultus autor, num detegendus.	179

D

D amnati an iuventur precibus.	548
Damnum graue proprium, excusetne à reuelatione.	225
Quid de damno tertij.	228
Dæmones, Dei carnifices.	494
Dæmones nequeunt excommunicari.	265
Dathan & locij, typus excommunicatorum.	533. & seqq.
Debita num soluenda excommunicato.	288
Debitor quando à restitutione immunis.	131
Decoctor, quæ potest sibi seponere.	130
Decor, Zachariæ quid.	517
Decretum Gratiani, quale.	589
Defuncti excommunicari.	337
Defunctorum subsidia, præcipua.	445. & 446
Denunciare iussus, ad quid tenetur.	12
Denunciationis varij fines.	218
Deo dare, accipere est.	421
Depositarius an possit se compensare.	102
ZZ 4	Deposita

Index

Depositarius depositum ritè negans , immunis à monitorio de restituendo.	118
Depositi negatio, quando iusta.	119
Deportati collatio, cum excommunicato.	612
Desiderius Longob. timet excommunicationem.	625
Diabolus, agaso excommunicati.	610
Dies monitorio præfixi, à qua hora numerandi.	63
Dinocrates an ex inferno liberatus.	548
Diœcesis quid olim.	463
Distributiones negandæ excommunicato.	318
Dominium reddituum Ecclesiæ , negandum excommunicato.	318
<i>Dominus vobiscum</i> , an omittendum ab excommunicato.	316
Donatarius contra statutum irritans , ligatur monitorio.	105. & 107
Donatarius obærat, an ligetur monitorio.	133
Donatarius potest retinere donata sine insinuatione, donec reperantur.	110
Donatio carens insinuatione monitorio obnoxia.	110
Donatio remuneratoria non est obnoxia monitorio ad restituendum.	109
Druydum excommunicatio.	635
Dubitans an debeat restituere, in pari causa, non vincitur monitorio.	150
Dubius an sit excommunicatus , quomodo se gerat.	593
Dubius de obligatione monitorij , an teneatur reuolare.	238
Ducissæ Burgundiæ, viridarium.	585
Duodenarius Sacerdotum astans Præsuli excom.	457

Rerum.

E

E cclesia, Deo gratioꝛ cœlo.	435
E cclesiæ ius sacrum, quod.	589
E cclesiæ membra, an sint excôcommunicati. § 06. & seqq.	
E cclesiæ notio, multiplex.	508
E cclēsia nihil potest supra excommunicationem.	590
E cebolius Apostata.	504.
E dictum ignorans, non tenetur parere transacto tempore constituto.	66
E ffectus peculiare sacramentorum.	393
E lectio, pro excommunicatione.	630
E lectio ad beneficium, sublata excommunicato.	319
E leemosynam excommunicato dare, an liceat.	386
E ligij vis, in excommunicando.	558
E mendatio, an eximat obligatione reuelandi.	184
E mp̃tor bonæ & malæ fidei. 121. quando possint contractum rescindere.	121. & seqq.
E mp̃tor bonæ fidei quando monitorio non ligetur.	
123. malæ fidei ligatur.	123
E mp̃tor & donatarius fiduciarij vinciuntur monitorio præcipiente restitutionem bonorum obærat.	
137	
E mp̃tor & donatarius obærat quando ligentur monitorio.	133. & seqq.
E nergumenismus excommunicati, qualis.	493. 494
E piphani j prænotio diuinitûs iniecta.	718
E piscopus, dictus Presbyter.	602
E piscopus non potest dare facultatem communicandi cum excommunicato.	292
E piscopus, potest absque alieno consilio excommu-	
nicare	

Index

nicare.677.an expediat.	676
Episcopus tenetur vitare quem excommunicauit.	291
Epistola per parochias missa ab excommunicante.	462
Erasmi, stulta fortitudo.	378
Essenorum excommunicatio.	634
Ethnici quanto horrore Iudæis.	511
Ethnicos non tenemur vitare.	294
Ethnicus non tenetur vitare excommunicatum.	295
Eucharistia, bonum summum Christianorum.	278
Eucharistiæ perceptio ab excommunicato, quotuplex peccatum.	304
Eucharistiæ priuatio, ariditatem cordis inducit.	401
Eucharistiæ vsu arceri, calamitosum.	398
Eucharistia, fons paradisi.	397
Eucharistia, sacra panoplia.	400
Eudoxiæ Augustæ excommunicatio, & pœna.	552
Eunuchi nomen, ampliatum.	495
Excommunicatio, animam etiam attingit.	389
Excommunicatio an sit pœna.	608
Excommunicatio adhæret excommunicato vbilibet.	288
Excommunicatio, exuit vita homines.	382
Excommunicationem qui neglexerint.	375
Excommunicatio generalis, quæ.	7
Excommunicatio, grauior exilio.	384
Excommunicatio ipso facto, Ayalæ improbata.	702
Excommunicatio Græcorum.	636
Item Romanorum.	637
Excommunicatio irrationalium ac Dæmonum, impropria est, vt & hominum à laicis	265. & seq.
Excommunicatio, medicina.	369
	Excom

Rerum.

Excommunicatio minor, quæ.	273
Excommunicatio, misericors seueritas.	372
Excommunicationis antiquæ nomina.	335
Excommunicationis dubium.	593
Excommunicationis honestas probatur.	367. & seq.
non est contra lenitatem.	357. & seqq.
Excommunicatio simpliciter, in quo sita.	334
Excommunicationis pœna, est etiam interna.	389
Excommunicationis vox, an Latina.	336
Excommunicationis vox, quid modò denotet.	274
Excommunicatio an possit retrahi.	75
Excommunicatio non incurritur ante terminum mortuario præfixum.	* 61
Nec post eum, quoties non paretur, incurritur noua.	67
Excommunicatio pœna grauissima. 590.	est mucro.
590. est remedium extremum.	592
Excommunicatio priuat distributionibus.	318
Excommunicatio impedit acquisitionem dominij reddituum Ecclesiasticorum.	318
Excommunicatio perstat in mortuo, quam viuens contraxit.	341
Excommunicatio non potest intorqueri in incertum.	35
Excommunicans ob minutias, peccat mortaliter.	660
Excommunicato suscipere quodcumque Sacramentum, nefas.	303
Excommunicatus collatus hæretico. 610. cum mortuo.	611
Excommunicatus, fœtet.	385
Excommunicati calamitas.	378
Excommunicatorum varia supplicia.	552. & seqq.
	Excom

Index

Excommunicatus licèt toleratus non potest ſepeliri in loco ſacro.	348
Excommunicatus, mortuus ciuilitè.	384
Excommunicatus non eſt irregularis contra Maiolum.	323
Excommunicatus non potest cum excommunicato communicare.	293
Excommunicatus iniuſtè an patiatuſ damnum coram Deo. 705. quid ei agendum. 707. quid iuſtè excommunicato.	708
Excommunicatus non potest ſacrificare, & celebrare ſolenniter officia.	315
Excommunicatus priuatur fructu orationum in perſona Eccleſiæ.	327
Excommunicatus priuatur protectione ſpeciali Dei, & Angelorum.	333
Excommunicatus qua priuetur ſepultura.	345
Excommunicatus quibus cum perſonis poſſit agere.	299
Excommunicatus toleratus, potest miniſtrare Sacramenta petentibus.	314
Excommunicatum vitare, omnes Chriſtiani tenentur.	290
Exempla mortuorum excommunicatorum.	337
Exempla omnium, tormenta paucorum.	552
Exemplum, pro ſupplicio.	364
Exempti à iudice, reuelare non tenentur.	237
Exilij incommoda in excommunicatione.	384
Exilium, leuius excommunicatione.	384
<i>Ex nunc, ex tunc</i> , quid ſonent in monitoriis.	74-76
Expensas pro reuelatione, quis debeat.	231
Expensæ reſtituendæ.	148

Fabiani

Rerum.

F

F abiani Papæ zelus in Philippum.	615
Faciens quod in se est vt satisfaciat, non est detegendus vi monitorij.	215
Feriatuſ dies, non obſtat conceſſioni monitorij.	60
Feſta ſolemnia, monitoriis ferendis inepta.	60
Ficus cur à Chriſto arefacta.	588
Fidei clades ex mala vita.	646
Fidei defectus, varij.	642. & ſeqq.
Fiduciarij emptoris ab obæratò, obligatio.	134
Fiduciarij emptores num ligentur monitorio.	137
Filius in dubio de patris mente ligatur monitorio.	129
Filius monitorio lato ad fiſci vel creditorum inſtantiam, ob bona patris reſtituenda, ligabitur ni pareat.	130
Filius ſpiritualis an Patrem poſſit detegere.	210
Quid de filio carnali.	ibid.
Florentini excommunicati, pœna.	553
Foras mitti, quid.	503
Forenſes aſtiones quibus interdicitur excommunicato.	301
Fortitudo martyrum, nata ex uſu Eucharistiæ.	400
Fortitudo ſtulta, contemptorum excommunicationis.	378
Fructus ex re aliena, an reſtituendi vi monitorij.	148.
Fructus qui reſtituendi.	148
Fulconis Episcopi, impia cædes.	559
Funiculus, Zachariæ, quid.	517
Furis	

Index

Furis & furti detectio, mandari potest.	178
Furta modica quando lethalia.	87
Fur quis propriè in monitorio de furto.	84
Furtum, morte plecti potest.	22

G

G Allis, cauendus contemptus excommunicatio- nis.	640
Geiserici crudelitas.	386
Gener mala fide dotem ab obærato accipiens, num ligetur monitorio.	137
Gennadij Episcopi zelus.	555
Germanorum excommunicatio.	639
Gladius Ecclesiasticus, quis.	501
Gladius S. Petri cur obductus rubigine.	659
Gothardi Episcopi, miraculum.	338
Græcorum deuotio.	636
Gratiani decretum, quanti momenti.	589
Gratiarum actio, fructus sacrificij.	426
Gregorij magni edictum, contra infamatorem.	192
Gregorij magni oratio pro Traiano, fabulosa.	548
Gregorij Syracusani temeritas.	707

H.

H æres institutus data fide de bonis indigno re- fundendis, an ligetur monitorio. 125. & seq.	
Hæretici bis mortui.	643
Hæreticus formalis, an corrigendus ante denuncia- tionem.	223
Henrici tertij Imperatoris punitio.	561
Henrici IV. Imperatoris pœna.	562
Henricus	

Rerum.

Henricus Imperator extumulatus.	346
Hippias, sibi omnia.	379
Honores funebres excommunicato adempti.	345
Hugonij Gratianopolitani zelus. § 62. miraculum ho- diéque durans.	582
Hugonis Lincolnensis vis in excommunicatos.	563

I

I gnatij martyris, dictum.	480
I gnis Purgatorij acerbitas.	452
Ignorantia inuincibilis tollit culpam.	93
Ignorantia excludit excommunicationem.	670
Increpatio dura, quæ.	518
Indigena quotupliciter se habeat respectu monitorij.	38
Indulgentia valet tantum pro rata moriui.	83
Indulgentiis caruere Iudæi.	630. & 631
Indulgentiis excludi, damnum ingens.	440
Indulgentiis priuatur excommunicatus.	330
Infamia cauenda in monitorio.	31
Infamia excommunicati.	610
Infidelibus negandum monitorium.	56
Iniusta excommunicatio, sæpè valida.	330
Iniusta excommunicatio, quando non timenda.	704
& seqq.	
Iniusta excommunicatio, multiplex.	700
Innocens an detegendus vi monitorij.	212
Innocenti excommunicato, quid faciendum.	707
Infordefcentes in excommunicatione, suspecti hære- ticos.	716
Infordefcentia in excommunicatione, quid exigat.	716. eius pœnæ. 717

Interna

Index

Interna communicatio, salua excommunicato.	383
Ioannis Eleemosynarij humilitas.	605
Ioannis Vicentini, decora.	586
Impotentia inuoluntaria ad soluendum, monitorij vim tollit.	95. & seqq.
Imprecationes an illicitæ.	469
Insinuatio ad quas donationes necessaria.	110
Interdictum aliquod, admodum seuerum.	270
Interdictum, excommunicatio impropria.	269
Interdictio aqua & igni, collata cum excommunicatione.	638
Interdiu tantum ferendum monitorium.	61
Internuntij infidelitas soluâtne debitorem à monitorio lato in non restituentem.	144. & seq.
Inuidia, affectus Iudaicus.	224
Iobi pro filiis preces.	451
Ionas, typus excommunicati.	538
Irenæi cura pro Asianis.	595
Irrationalia nequeunt excommunicari.	265
Iubilæi censura sublata, cur non reuiuifcat.	146
Iudæis negandum monitorium.	56
Iudæ Machabæi pro mortuis preces.	451
Iudaica excommunicatio, quomodo se habuerit ad nostram. 539. qualis olim. 628. quodplex 631. hodierna qualis. 632	
Iudex, correctionis fraternæ omissionem non potest imperare.	222
Iudicij finalis & excommunicationis analogia. 543. & seqq.	
Iulianus Apostata, excommunicationi laruam adhibuit.	472
Iuramentum an reuelationi addendum.	220
Iuramen	

Rerum.

Iuramentum de non reuelando, an eneruet monitorium. 236

Iuramentum de non reuelando, an liget. 236

Iuridica interrogatio quæ. 191

Iurisdictionis voluntariæ locus. 58

Iurisdictionis fori Ecclesiastici cōtentiosi, periculosa. 433

Iurisdictione quauis sacra priuatur excommunicatus. 332

Iustiniani licentia circa res sacras. 55

Iustinianus Imperator explicatus. 55

L

Læsus, an teneatur lædentem detegere, vi monitorij. 183

Laica communio quid. 277

Laicæ potestatis ius circa monitorij publicationē. 33

Laicus se fingens Sacerdotem, an teneatur ad sigillum. 167

Lapides iacti inter excommunicandum. 469

Laurentij Boucheli circa monitorij materiā, lapsus. 13

Et circa causam eius efficientem. 53. & circa absolutionem. 246

Legatus à latere concedit monitoria. 47

Lemouicensis Concilij, decretum asperrium. 322

Lenitas Sacerdotibus congruentissima. 28

Lenitatis defectus irregularem faciens, quis. 26

Leopoldi Austrij, obduratio & pœna. 565

Leodasti excommunicati, pœna. 558

Lepra excommunicati. 317. & 289

Leprosorum eiectio, typus excommunicationis. 533

Ligamen excommunicationis. 514

Literæ ad vita functos datæ. 556

A A a

Locus

Index

Locus exemptus, immunis à monitorio.	41
Locus ferendi monitorij.	58
Locustarum analogica excommunicatio.	584
Locus videntium, Ecclesia.	645
Lotharius, Deum ultorem expertus.	559
Lucernæ pro cereis.	458

M

M Achates, siue Maclouius, Britannos excommu- nicat.	557
Maledictiones improborum, an licitæ.	469
Manfuetudo, nouit sœuire.	372
Marcion à suo patre excommunicatus.	507
Marani vnde dicti.	483
Maranitæ, populi Arabes.	484
Maranatha quid.	481
Maria quomodo soror Moſis.	531
Fuit typus excommunicati.	ibid. & seq.
Martyrologij vox, extensa.	495
Martyres ab Eucharistia fortes.	400
Martyr, excommunicatus.	338. & 352
Martini V. constitutio, non fauet excommunicatis.	
298	
Mathildis Reginæ humilitas munifica.	20
Materia non vulgaris, pro paupere, quæ.	20. 21
Marrimonium an possit celebrari coram Parocho ex- communicato.	313
Medici obligatio ad secretum.	170
Melancthonis error.	635
<i>Memento</i> Sacerdotis, non excludit excommunicatos.	
331	
Mendacium,	

Rerum.

Mendacium à quibusdam Patribus approbatum, quale.	191
Merus quando excuset à lege humana.	94
Merus grauis ab excommunicatione.	614
Minor excommunicatio, quæ.	273
Missæ sacrificio interesse non potest excommunicatus.	307
Missam audiens, sacrificat.	406
Missæ auditione, quantum Deus colatur.	405
Modus faciendæ reuelationis per monitorium mandatæ.	220
Monastica excommunicatio, quæ.	271. 272
Monitio quatenus præmittenda excommunicationi.	693
Monitorium vnde dictum. 6. quid sit. 6. quotuplex. 1	1
Monitoria concedi possunt pro re temporali.	13.
14. 15	
Monitoria dicta, <i>excommunicationes Paulinae</i> .	14
Monitoria vtiliter tractantur.	1. & seq.
Monitorij causæ.	5
Monitorij finis, duplex.	10
Monitorij materia.	13
Debet esse non vulgaris.	18
Monitorio ad restituendum lato, quis ligetur.	81
Monitorio non ligatur, quem Iudex eo intractum voluerit. 92. & 93. nec quem pars exemptum vult.	128
Monitorium debet ferri in subditum.	37
Monitorium, extremum remedium.	23. 24
Monitorium, excommunicatio generalis.	7
Monitorium in criminali causa, licitum iure naturali.	25. 26

Index

An liceat iure positiuo.	27.& seq.
Monitorium in furem , exigit materiam grauem ex natura sua.	84
Quando tamen liget pro re leui.	87
Monitorium inuehens infamiam,illicitum.	31
Monitorium negandum Iudæis,aut infidelibus.	56
Item notoriè criminosis,aut excommunicatis.	57
Monitorium non obligat regulariter ad longinquam profectiõnem,vt quid retegatur.	230
Monitorium non potest obligare ad reuelationem secreti confessionis.	166
Monitorium pro summa falsò exposita,nullum.	82
Monitorium quando non ligat subditum alibi degentem.	40.& 43
Mortuus plenè purgatus , beatur ante absolutionem ab excommunicatione.	350.ad 354
Mortui fideles,excommunicationis capaces.	337
Non tamen directè. 339. priuantur suffragiis.	350
Mortuis fructuosum sacrificium.	425
Mortui analogia cum excommunicato.	611
Mors ciuilis,excommunicati.	384
Mortale peccatum solum, materia excommunicationis.	662
Nec tamen quoduis mortale.	664
Nec prorsus præteritum.	667
Moses trucidans, Antistes excommunicans.	531
Muscæ à S. Bernardo abactæ.	582
Mures excommunicati,quomodò.	584
Mutans domicilium in fraudem, an eximatur monitorio.	43

Rerum.

N

N Abuchodonosoris eiection, symbolum excommunicationis.	538
Nantini excommunicati horrendus obitus.	557
Neceſſitas abſolutionis à cenſura, etiam facta ſatisfactione, miraculo probatur.	251
Neceſſitas excuſans excommunicatum ſuſcipientem ſacramentum.	304
Quæ excuſet excommunicantem, miniſtrantem ſacramentum.	312
Negatio depoſiti quando iuſta.	119
<i>Nemine dempto</i> in monitorio quid conferat.	216. & 193. ac ſeqq.
Neuizanus, cuiuſmodi autor.	2
Nigrum thera, quorſum.	473
Noctu non poteſt ferri excommunicatio.	61
Noëticus coruus, ſymbolum excommunicati.	530
<i>Non manifeſtans</i> , quis dicatur.	242
Nonna, vitat Ethnicos, non ſecùs atque excommunicatos.	294
<i>Notari</i> , quid apud Paulum.	519
Notariorum ſchedæ puræ.	693
Notario criminoſo, negandum monitorium.	56
Nouendialia.	449
Nuncius Apoſtolicus concedit monitoria.	47

O

O berati donatarius, an poſſit ligari monitorio.	133
---	-----

Index

Obæratî complex, an se proderê debeat.	205
Oblationes excommunicati, quæ repellendæ.	310
Oblationes alicuius respui, magnum damnum.	
420	
Obligatio <i>ad nisi</i> , quænam.	97
Obligatio exequendi, quamdiu duret.	64
Obligatio monitorij, durat toto tempore præfixo monitorio.	77-78
Obligatio detegendi quos pars vel Iudex monitorio exclusit, nulla est.	215
Oblocutiones de Pastoribus, indignissimæ.	713
Obtestationes ad vitandam irregularitatem.	26
Occulta prorsus culpa, quæ.	156
Occultus autor culpæ manifestæ, an relegendus.	
179	
Occultus reus iam emendatus, an relegendus.	184
Odelrici Monachi seueritas.	270
Officiis diuinis excluditur excommunicatus.	308
Officij recitandi priuatim obligatione non eximitur sacerdos, aut beneficiarius excommunicatus.	
315	
Officialium mali mores.	433
Olla & virga apud Prophetam, quid.	459
Omittens sine culpa, non detegendus.	212
Oratio in templo, fructuosior.	404
Oratio per ministros Ecclesiæ, efficax.	437
Orationes in persona Ecclesiæ quæ sint.	328
Oratio priuata, fieri potest pro excommunicato.	
331	
Oratio pro excommunicatis in Parasceue.	328
Oratio publica, dicta <i>collecta</i> .	412
Oratione publica priuari, quantum malum.	419
Oratio	

Rerum.

Oratio priuata coram excommunicatis fieri potest.

309

Orationis publicæ, efficacia. 413. & seqq.

Orationi publicæ, non nocet improbitas ministri.

437

Ordo præscriptus an casset monitorium, si omittatur.

24

Othonis subita mors. 559

Ozias Rex eiectus, typus excommunicati. 536

P

PAnis excommunicati, miraculum. §86. & 661

Papa Romanus, caput omnium. 717

Pars cui dandum monitorium, quæ. 56

Partis condonatio an tollat censuram. 252.

Patres quanti faciendi. §94. 607

Paulus vsus est excommunicatione. 373

Pauli benignitas in resipiscentem. 721

An excommunicarit pro culpa præterita. 669

Paulinæ excommunicationes, quæ. 14

Peccator quilibet, quatenus infidelis. 652

Peccatum præteritum an sit materia excommunicationis. 667

Peregrinus, ob excommunicationem Apostata. 713

Permutatio beneficii, negata excommunicato. 320

Persona Ecclesiastica certa, potest vrgeri per monitorium. 34

An item laica. 35. & 36

Personæ quæ deliquit, reuelatio indici potest. 177

Personæ valdè coniunctæ quænam. 210

Philippi Augusti beneficium à S. Dionysio. 339

A A a 4 Philippi

Index

Philippi Imperatoris demissio.	615
Scelera.	616. & seqq.
Phinæes trucidans noxios, cuius typus.	536
Pictura sacrarum imaginum interdicitur excommu- nicatis.	302
Plantæ excommunicatæ, quomodò.	585. & seqq.
Pœnæ impiorum, cur non æquè in omnes.	572
Pœnarum sanctificationes.	552
Pœnitentiæ sacramento priuari quàm damnosum.	396
Pontificiæ excommunicationes sunt difficilè iniustæ.	704
Pontificiam censuram, in dubio quis tollat.	246
Possidentis conditio melior, in causâ pari.	151
Potestas laica non absoluit à censura.	246
Non potest ferre monitorium.	53
Prædicandi prohibitio, magnum damnum.	430
Præfecturæ sacræ, periculosæ.	432
Prælati potentes iurisdictione quasi Episcopali, pos- sunt concedere monitorium.	51
Prælatus, an possit suo motu concedere monitoria.	55
Prælatus Regularis vbilibet ligat suos.	46
Præscriptio legitima, monitorium elidit.	116
Præscriptio non cadit in facultatem excommunican- di.	54
Preces communes, sacrificium alterum.	450
Presbyteri dignitas.	602
Pretia, raritate augentur.	672
Priuatio externæ communicationis quid contineat.	287
Priuilegiati testes, qui.	232
	Probari

Rerum.

Probari potest , quod est reuelandum vi monitorij.	
161. & seq.	
Procuratoris obligatio ad secretum.	170
Prodigalitas monitoriorum, lethalis.	18
Profectio longinqua, an necessaria ad parendum monitorio.	230
Promissionis vinculum, quale.	120
Promissio acceptata , vrgeri non potest monitorio.	
120	
Promulgatio monitorij, dedecet dies valdè solemnes.	
60	
Promulgator monitorij, an possit se excipere.	217
Propositiones, quatenus anathemati subdantur.	477
Protectionis diuinæ & Angelicæ necessitas.	442
Ea priuari, grauissimum.	ibid.
Prouentibus Ecclesiæ abuti, damnosum.	435
Sunt sanguis Christi.	ibid.
Publicanorum scelera.	511
Publica oratio, quæ.	328
Publicatio monitorij aliquando sine peccato impeditur.	33
Purgatorij acerbitas.	452
Pyrrhus, quàm solemniter excommunicatus.	466

Q

Quantitas pretij, per affectum quoque pensanda.	
85	
Quantitas rei, pensatur sæpè respectiuè.	20
Quantitas rei temporalis digna monitorio.	19. & seqq.
Quæstus turpes ex monitoriis.	15
A A a 5	Querelæ

Index

Querelæ excommunicatorum in Præsules.	713
Querelæ Sectariorum de Rom.Ecclesia, ridiculæ.	665
Quorum interest, qui dicantur in iure.	57

R

R Aritas pretium auget.	672
Rebelles Episcopis, infani.	711
Relegatus cum excommunicato collatus.	612
Repetitio donorum non insinuatorum, qualis sufficiat.	111
Respha, typus Ecclesiæ iuuantis defunctos.	452
Restitutio grauiter debita, quamuis acceptio leuiter mala fuerit.	191
Potest per tertium fieri.	149
Quomodo facienda vi monitorij.	147
Retentio Scripturarum quando mortalis.	139
Reticens contra monitorium, an peccet contra iustitiam.	240
Retrotractio excommunicationis.	75
Reuelatio clarè facienda.	219
Et cui. 218. Duplex eius modus.	ibid.
Reus vi monitorij, an se detegere teneatur.	188. & 197
Reus cur se prodere debeat, & non sibi coniunctum.	209
Reus non iuridicè interrogatus, subterfugere potest.	191
Reus occultus iam emendatus, an detegendus.	184. & seq.
Reus quando debeat præsumi emendatus.	185
Richardi Præsulis, vis in excommunicando.	565
	Rigor

Rerum.

Rigor antiquus in excommunicatos mollitus.	296
Roberti Regis, punitio.	561
Romanæ diræ.	637
Rosacea feta, excommunicata, quomodo.	586
Ruffinus interpolator Eusebij.	596

S

S acerdos sacrificans, orbis sanctificator.	424
Sacerdotis munus, quantum.	424
Sacerdotis sacrificio prohibiti, damnum.	428
Sacramenta administrare per se, prohibetur excommunicatus Sacerdos.	312

Sacramenta, facta Christi meritis. 392

Sacramenta veteris legis, vacua. 391

Sacramenti Pœnitentiæ priuatio miserrima. 396

Sacramenti susceptio, verita excommunicato. 303

Sacramentorum vsu arceri, graue. 394

Sacramentorum vtilitas. 390

Effectus eorum peculiares. 393

Sacramentalia quid. 396. eorum vtilitas. 402. vnde.

403

Priuatur eorum vsu excommunicatus. 306

Quantum id malum. 404

Sacrificij quotidiani, vsus. 429

Sacrificium, fit etiam ab assistentibus. 406

Sacrificiorum pro mortuis varietas. 449

Sacrificium, prodest etiam beatis. 426

Sacrificij Christiani fructus. 424

Vtilissimum mortuis. 425

Sacro non posse interesse, quale damnum. 409

Salis infatuatio. 504

Salutatio

Index

Salutatio Deiparæ initio concionis, an sit publica oratio.	• 309
Samaritani, typus excommunicatorum.	§ 39
Sanguine Christi exarata excommunicationes.	485
Sanctorum communio, quæ.	281
Satanæ deiectio, an typus excommunicationis.	§ 20
Satisfactio exhibita non excludit absolutionem.	251
Satisfactiones communes, excommunicato inutiles.	330
Scandalum ex Rectorum improbitate.	658
Schedula denunciantis, quid conferat.	220
Scibboleth, fides.	651
Scientia vera requiritur, ut monitorium obliget.	175
Quid sit in hac materia.	176
Scripturarum detentio mortalis, obnoxia monitorio.	138.
Quando sit mortalis.	139
Secretum confessionis, non laxabile vi monitorij.	166
Separatio, olim dicta excommunicatio.	629
Sepultura excommunicati in loco sacro, graue peccatum.	346
Sepultura sacra negatur excommunicato.	345
Eius negatio, quàm damnosa.	447
Sigillum sacramenti pœnitentiæ, quàm arctum.	166
Signa segregationis, Nysseno quæ.	598
Sigeberti Angli, punitio.	456. & 467
Solemnitates anathematis.	701
Solemnitates excommunicationis, multiplices.	387
Solitudo, pœnam auget.	115
Solutio cum præiudicio anteriorum creditorum, qualis.	648
Somnus fidei.	670
Spes profectus excommunicanti spectanda.	dempta

Rerum.

dempta necessitate communis boni.	671
Statuti irritantis violator, obnoxius monitorio.	107
Stigmata seruorum.	519
Stiliconis seruus excommunicatus, punitus.	553
Subditus solus, feritur monitorio.	37
Subditus ratione delicti, quis.	45
Subditus alterius Episcopi quomodo possit ab alio feriri.	44
Submissionum abusus.	693
Subsidia defunctorum, præcipua.	446
Suffragia quæ negantur excommunicatis.	330
Suffragiorum communium priuatio, magnum damnum.	436. & seq.
Suffragiorum vis, exemplo probata.	438. & 439
Suspensio, excommunicatio impropria.	269
Symmachi Papæ prædictio.	556

T

T Empli asylum, etiam pro excommunicato.	307
Templi utilitas ad orationem.	404
Temporis dispendium, quod sarcendum.	231
Tempus nullum, constitutum ferendo monitorio.	60
Terminum præfinitum, aliquando præuenire obligamur.	70. 71. & 72
Terminus monitorij, prorogatur ex sola voluntate partis.	67. 68. & 69
Terminus monitorio præfixus, quomodo accipiendus.	61. & seqq.
Numeratur tantum post tempus notitiæ.	62
Territorio in alieno, quid possint Prælati.	58
Territorium	

Index

Territorium proprium quando ad ferendum monitorium exigatur.	58
Tertij damnum an eximat obligatione reuelandi.	228
Testamento minùs solemni accepta, non sunt monitorio obnoxia.	112
Testamentum minùs solemne, valet in foro interno.	112
Testamentum potest condi ab excommunicato.	300
Testes iure humano inhabiles ligantur monitorio.	235
Testium priuilegiatorum duplex genus.	232
Testis obligatio ad reuelandum. qualis.	240
Testificatio ex parte conuenit cum scriptura.	139
Theodori Papæ factum in Pyrrhum.	466
Theodosij Abbatis tenera conscientia.	625
Theodosij Magni, demissio.	620
Theodosij Iunioris, pietas.	625
Thesalicæ persuasiones, quæ.	54
Timor censuræ, etiamsi iniustæ.	696. & seqq.
Toleratus excommunicatus, ministrat Sacramenta petentibus.	314
Torquens in lacu Geneuensi, quid.	583
Traditio Satanæ, quid.	485. & seqq.
Traiani liberatio ab inferis, conficta.	548
Transiens per alienam Diœcesim, non ligatur monitorio.	44
Tremor Cæini, qualis.	529
Turpionis Episcopi zelus.	263
Typi varij excommunicationis.	520. & seqq.

V

V Assallus non vrgetur ad reuelandum contra Dominum.

226

Vicarius



Rerum.

Vicarius Generalis, concedit monitoria.	47. & seqq.
Vicarij Generalis potestas, quomodo cesset.	49
Vincula excommunicationis.	§ 14. & § 15
Violans legem in loco exempto, non potest feriri monitorio, etiam à proprio Episcopo.	41
Virga, pro excommunicatione.	§ 16. & seqq.
Visum de Purgatorij acerbitate.	453
Victoris Papæ in Asianos concitatio.	595
Viuentis excommunicatio durat in defuncto.	341
Vltio diuina in sicarios S. Thomæ.	567
Vorrilongi lapsus.	473
Vrbanus V. cur sibi Pontificatum gratularetur.	673
Vtilitates lenientes asperitatem excommunicationis.	373
Vxor in dubio de viri mente, ligatur monitorio.	129
X	
Xauerij excommunicatio in impium, firmata diuinitus.	571
Z	
Zambri, typus excommunicati.	535
Zerola refutatus.	22
Zozimi excommunicati supplicium.	552

F I N I S.

Menda sic emenda.

Pag. 147. *Non ante, lege, num ante.*

Pag. 262. *Causa, lege, causas.*

Pag. 452. *Aia, lege, Aia.*





